



9.7.211

PHYSICA
EXPERIMENTALIS
ET
RATIONALIS, ⁶⁸

Ad gustum moderni sæculi,
Pro JUCUNDITATE UTILITATEQUE
discientium,
METHODO CLARA & SYSTEMATICA
adornata

A
P. HERMANNO OSTERRIEDER,
Ordinis Minorum S. Francisci Conventualium,
nuper Philosophiæ, nunc vero SS. Theologiæ,
in Conventa Mariæ-Mayngau, Diœcesis
Augustanæ, Lectore Ordinario.

Partis I, seu Physiçæ generalis,
VOLUMEN I,

In quo

Agitur de *principiis corporum internis, nec non de*
affectionibus, seu modis illorum primariis, itemque
de motu locali.

Cum permissu, & approbatione Superiorum.

AUGUSTÆ VINDELICORUM.

Sumptibus Matthæi Rieger Bibliopolæ
MDCCLXV.



Primo ita quæramus, quasi omnino
rudes harum rerum simus, ut ad omnia
nos **RATIO** potius perducatur quam in-
veterata **CONSUETUDO**, quam præ-
judicata **AUTHORITAS**. S. August.
l. 2, de Musica, c. 1,





Conspectus materia- rum totius operis.

Prolegomena Physicæ. pag. 1.

Dissertatio I.

De Intrinsecis corporum principiis.

Sectio I. Præliminaris. De essentia
& existentia corporis naturalis.

Art. I. In quo consistat essentia cor-
poris naturalis ? 27.

Art. II. An revera existant corpora ?
49.

Sectio. II. De intrinsecis composito-
rum naturalium principiis.

Art. I. Præmittuntur diversæ de his
principiis Philosophorum sen-
tentiae. 55.

Epocha I. Opiniones Hebræo-
rum & Gentilium. 57

Epocha II. Opiniones Græco-
rum. 65.

Epocha III. Medii ævi & Recen-
tioris sensa. 83.

Art. II. Quænam sint principia cor-
porum *Metaphysica*? 118.

Art. III. An *materia prima* Peripatetica & *forma substantialis* in sensu Physico sint prima principia? 125.

Art. IV. Quænam sint principia
corporum *Physica*? 138.

Art. V. Num præter formam essentialem admittenda sit vis quædam activa seu motrix, & in quo physice consistat? 174.

Art. VI. Quænam sint principia
Physico-Mechanica, & *sensibilia*? 223.

Dissertatio II.

De Affectionibus corporum
generalibus.

Sect. I. De Magnitudine, impenetrabilitate, & porositate corporum.

Art. I.

Art. I. De Magnitudine, seu extensione corporum.	257.
Art. II. De impenetrabilitate.	270.
Art. III. De divisibilitate.	277.
Art. IV. De poris.	302.

Sect. II. De Elasticitate & gravitate corporum.

Art. I. Utrum singula corpora sint Elastica, & quæ sit causa Elasticitatis?	327.
Art. II. De gravitate.	363.

Sect. III. De transpiratione, seu effluviis corporum.

Art. I. An omne corpus naturale sua habeat effluvia?	430.
Art. II. Quanam sint affectiones eorum peculiæres?	438.

Sect. IV. De Rarefactione, condensatione, soliditate, & fluiditate.

Art. I. De Rarefactione & condensatione.	448.
Art. II. De Soliditate.	470.
Art. III. De fluiditate.	487.

Sect. V. De figura corporum.

Art. *Unicus.* An nedum omnia corpora, sed & molculæ primigeniæ determinatis gaudeant figuris ? 510.

Differtatio III.

De motu locali, & æquilibrio corporum solidorum.

Sect. I. De motu in genere.

Art. I. De definitione, divisione, & existentia motus localis. 520.

Art. II. De causa seu origine motus localis. 544.

Art. III. De causa motus continuati. 557.

Art. IV. De velocitate, & tarditate motus. 596.

Art. V. De quantitate motus. 615.

Art. VI. De directione seu determinatione motus. 620.

Art. VII. De generalibus ejusdem legibus. 632.

Art. VIII. De motus impedimentis. 638.

Sect.

Sect. II. De Motibus in specie.

Art. I. De motu composito rectili-
neo. 666.

Art. II. - - curvilineo. 672.

Art. III. De motu gravium accele-
rato, & retardato. 725.

Art. IV. De motu per planum in-
clinatum. 761.

Art. V. De motu pendulorum. 790.

Art. VI. De motu reflexo corpo-
rum Elasticorum. 818.

Art. VII. De motu refracto. 843.

Art. VIII. De motu collisionis. 852.

Art. IX. De motu per vires centra-
les. 901.

Sect. III. De æquilibrio corporum soli- dorum.

Art. I. Principia Geostaticæ præmit-
tuntur. 918.

Art. II. De Actionum Horizontalium
incrementis, ac decremen-
tis. 959.

Art. III. Statuitur sententia de causa
æquilibrii. 973.

Art. IV. De motu per vectes, 986.

Art. V. De axe in peritrochio. 1002.

Art. VI. De tróchlea.	1009.
Art. VII. De plano inclinato.	1018.
Art. VIII. De Cochlea.	1023.
Art. IX. De Cuneo.	1029.

Dissertatio IV.

De qualitatibus sensibilibus , seu de
modis corporum secundariis.

Sect. I. De qualitatibus sensibilibus in
genere.

Art. *Unicus.* Utrum qualitates sen-
sibiles per accidentia abso-
luta , an vero Mechanice
explicandæ sint ? 1039.

Sect. II. De qualitatibus tactilibus.

Art. I. De calore. 1068.

Art. II. De frigore. 1101.

Art. III. De caloris & frigoris crite-
rio , seu thermometro.

1130.

Art. IV. De humiditate & siccitate.

1143.

Sect.

5

**Sect. III. De qualitatibus olfactibilibus,
& gustabilibus.**

Art. I. De odore. 1155.

Art. II. De sapore. 1169.

**Sect. IV. De qualitatibus audibilibus,
sive de sono.**

Art. I. De natura soni in genere.

1184.

**Art. II. De præcipuis soni affectioni-
bus.**

1213.

Sect. V. De qualitatibus visibilibus.

Art. I. De luce, & lumine in genere.

1253.

**Art. II. De diaphaneitate, & opaci-
tate.**

1295.

**Art. III. De Reflexione, refractione,
& diffractione luminis.**

1309.

**Art. IV. Opticæ, Catoptricæ, ac Dio-
ptricæ principia declaran-
tur.**

1351.


**Art. V. De Coloribus in genere, &
duobus extremis in spe-
cie.**

1463.

Art. VI. Colores medii explanantur,
1495.

Sect. VI. De qualitatibus occultis.

Art. Unicus. De Sympathia, Anti-
pathia, Antiperistasi &c.
1546.



EPL

EPIGRAMMA

In nuperrimum Philosophiæ Neoterica
 Mastygem, seu derisorem zoilum, ac lau-
 dem simul perennem Cl. P. Authoris Hermannii
 Osterrieder, Philosophiæ restauratoris, de re
 Litteraria optime meriti.

QUot gradibus distent hodie SO-
 PHUS, atque POETA?
 non adeo pridem (a) quæstio mota
 fuit.

Solvere Dave tibi nodum hunc stat
 mente repostum,
 Responsum verum mens tibi nostra
 dabit.

Arte Sophia recens vatium, quantum
 æra lupinis,
 & quantum Musis, distat, Apollo
 novem.

Hoc certo credas, quod RE(b) Sophus
 a noviore
 antiquus distet, qui mage VATES
 erat;
 Pro

(a) Ex Philosophia *Cana* typis in lucem
 nuper emerfere theses Philosophicæ
 cum Q. in fronte: *Utrum, vel quan-*
tum Philosophia Neoterica differat ab
arte Poetica? risum teneatis amici!

(b) Ut recepto barbarismo utar, *realissi-*
mè, ac stricte realiter.

Pro Jove nam *Blictri* (c); & centum
 pro Pallade formæ
 Huic fuerant, & *Vulp-anfer* Apollo
 fuit.
 Nunc, quia post veteris jejunia longa
 (d) *Sophiæ*
 OSTERRIEDERUS Paschata opima
 (e) refert,
 ALLELUJA Cano: lætis ovo cumque
 Poetis;
 Arte sua (f) hi dignum nam repe-
 rere virum.
Accinuit P. Tb. H. O. M. C.

Pro-

-
- (c) *A Jove principium* alias, sed in veteri Philosophia disputatio prima de termino, non significativo: *Blictri*, *buf*, *baf*.
 (d) Non 40 duntaxat dierum, sed 400 fere annorum.
 (e) Id est, opera sua Philosophica, eruditi ævi nostri palato feliciter adaptata, non abs re. *Paschata* suo nomine signans.
 (f) *Iis enim in deliciis est - viros Canere, Herculeosque labores*, qualis erat v. g. Augiæ stabuli purgatio, laboris HERMANNIANI prodroma.



PROLEGOMENA PHYSICÆ.

I. **C**UM Philosophia universa ob-Ordo
jectivè spectata sit cumulus Doctrinae.
veritatum ex ratione cogni-
tarum de rebus sensibilibus,
aut etiam de entibus a rebus sensibi-
libus per mentem abstractis, (Log. fol.
3.) ideoque rectè dividatur in Philo-
sophiam *Mentis* & *Sensuum*, (ibidem
fol. 7.) ordo nos tangit, ut postquam
Philosophiam MENTIS, Logicam sci-
licet & Metaphysicam pertractavimus,
Philosophiam quoque SENSUUM,
PHYSICAM nempe EXPERIMENTA-
LEM, ea qua possumus claritate, soli-
ditate ac brevitate, methodoque no-
bis consueta dilucidare nitamur.

II. Physica porro nominis sui. *Ety-Physicæ*
mon a græco vocabulo φυσία, latine nomen ac
natura, vel a verbo φυσισθαι nasci, de- definitio.

A

rivans,

P. Oster. Physic. Pars. I.

rivans, ea omnia sub se complecti videtur, quæ in toto hoc universo unquam per naturam nata vel adhucdum nascitura sunt, apteque definitur: SCIENTIA NATURÆ. *Scientia* vero dicitur non in omni rigore, eoquod non omnia, quæ pertractat, certo ac evidenter *demonstret*, ut ad scientiam *strictè* sumptam requiritur, (Log. fol. 481.) sed quod *multa* saltem aut etiam *plurima*, ut per decursum patebit, ex principiis omnino certis atque *evidentibus* deducat: additurque *naturæ*, loco differentię; nec tamen natura universa, sed *corporea* tantum, & quæ sub *sensus* cadit, Physicæ contemplationi subjicitur, in hoc sensu a Cl. P. FORTUNATO a BRIXIA in *Proleg. Phys.* cogniti vocatur rerum earum, quæ *sensibilem mundi machinam* constituunt, & a Wolfio: *scientia eorum, quæ per essentiam & naturam corporum fieri possunt.* Distinguit nempe hic *naturam* corporis ab ejusdem *essentia*; hanc enim postremam in *modo compositionis*, illam vero priorem in *vi corporum activa*, *agendi patiendique potentia ac vi inertia juncta* collocat teste Baumeistero *Phil. definitiv.* pag. 123. Ideoque & *naturale* in hoc mundo *aspectabili materiali* vocat omne id, cujus

cujus ratio in essentia & natura corporum continetur : sed antequam de hac re pluribus mentem nostram aperiamus, juvat hic naturam corporis, conformiter definitioni nominali in Metaphysica traditæ (fol. 64.) etiam pro ipsa ejusdem in statu physico spectati essentia accipere.

III. Physicæ ergo OBJECTUM, ut Ejus Objectum, materiale CORPUS est, & quidem omne corpus, quodcunque cœli terræque ambitu continetur, ut sunt Elementa, Sydera, plantæ, animalia-ve, quia circa hæc omnia tanquam circa materiam & subiectum mutationum sensibilium versatur : objectum autem formale (Log. fol. 603.) seu illa ratio, sub qua corpus attingitur a Physica potius quam ab alia facultate, est NATURA ipsius, seu principium variorum motuum & mutationum sensibilium incorpore contingentium, corpus quippe respicitur etiam a Mathesi & Medicina; sed ab illa solum ut mensurabile, & ab hac ut sanabile; sub neutra, ut naturale est.

IV. Physicam alii volunt esse scientiam theoreticam, alii practicam; pro di-theoretica, verso nempe illam tractandi genio; eam enim non nulli ut artem pure Mechanicam

cam & non nisi in meris *experimentis* faciendis occupatam respiciunt. Verum non bene distinguere videntur hi boni inter finem alicujus facultatis *intrinsecum mediatum & ultimum*; ac inter finem ipsius *extrinsecum tantummodo*

Finis ejus
intrinse-
cus, extrin-
secus, &
ultimatus.

& *proximum*; nempe utut finis ejus *extrinsecus & proximus* in experimentis faciendis & observationibus instituen- dis sit *usus* rerum creatarum, tum pri- vatis tum publicis commodis idoneus, illique felicitati, quæ in præsentī vita haberi potest, promovendæ peroppor- tunus, hic tamen *finis* magis dici me- retur *Physici operantis*, quam *finis* ipsius *operis* seu facultatis physicæ experi- mentalis, utpote quæ per omnes suas partes in sola rerum naturalium *con- templatione* re ipsa versatur, & in nudæ *veritatis* inventionē tanquam sine suo *intrinseco & ultimato* unice conquiescit, neque ad aliquod *opus* faciendum juxta omnium Physicorum testimonium un- quam *per se* tendit: igitur theoretica potius, *proprie* si loqui velimus, dicen- da est ex toto quam practica (Log. sol. 596.) quamquam nec prior etiam nec posterior hic finis, Christiane loquendo, sit homine, aut saltem Philosopho Christiano dignus, nisi is ipse referatur

ulte-

ulterius ad clariorem cognitionem & amorem Divini auctoris naturæ, cujus infinita sapientia, bonitas & potentia in omnibus & singulis rebus creatis naturalibus plene relucet, utpotè quæ cunctæ tot linguis quot essentiis nobis continuo inclamant illud Ps. 99. v. v. 3. & 4. Scitote, quoniam Dominus ipse est Deus: ipse fecit nos, & non ipsi nos! Igitur o homines, maxime vero Christiani, qui estis populus ejus & oves pascuæ ejus! introite portas ejus in confessione, atria ejus in hymnis, & confitemini illi!

V. Quia natura sive essentia corporis pro statu physico spectati (saltem quantum ad externas & obvias proprietates) prius sub sensus cadit quam sub intellectum; sensus autem per observationes & experimenta dirigi solent, hinc etiam experimenta de rebus naturalibus instituta rationem præcedere debent, (Log. fol. 411.) Ita tamen, ut in iis solis Physicus peritus neutiquam sistat, sed Rationem continuo subsequi sinat, id est, ex investigatis solide experimentis mox verâ ac docta theoremata juxta suæ facultatis finem & scopum (n. præc.) deducere allaboret, solerter in hunc finem applicando, regulas

Debet esse
Experimentalis &
Rationalis.

in Logica datas tum pro *experimentis* faciendis (Log. fol. 417.) tum etiam pro legitimo *ratione* ex ipsis eruendo: (Ibidem fol. 424. &c.) & hæc ipsissima causa est, cur *Physicam* nostram non tantum EXPERIMENTALEM, sed & RATIONALEM inscribere voluerimus, nempe ut per hanc docendi methodum a quibusdam *Pseudo-Physicis*, nobilissimam hanc facultatem opificii potius quam scientiæ in morem pertractantibus, differre videamur.

**Physicæ
origo.**

VI, ORIGO PHYSICÆ, eademque plane fata & sectæ fuere, quas *Epitome Historiæ Philosophicæ* de tota *Philosophia* enarravit, (Log. fol. 9. & seq.) nam cum *Physicam* fere solam præ aliis *Philosophiæ* partibus veteres excolerent, eos etiam fere solos appellare *Philosophos* consuevit antiquitas, qui in contemplanda *natura* diligentius & felicius erant versati, & *Physica* quoque universa non nisi solo ac simplici *Philosophiæ* vocabulo passim decorari solebat. Ex animadversione scilicet naturæ & attenta ac diligenti observatione motuum ac effectuum, quos corpora quælibet, præsertim Cælestia, accuratissime edere solent, primi *Physici* sua systemata primo procudere, ac

me-

mediante rationis lumine magis polire, aliaque & alia inventis addere cœperunt, de quibus tum paulo, post tum vel maxime per totum *scientiæ naturæ* decursum agemus.

VII. Inter omnes autem veteres, *Physica* Græciæ præsertim, Philosophos, quo-Aristote-
rum scripta ad nos pervenere, in re-
bus *Physicis* nemo ARISTOTELE
(quem ideo solum hic cum honore no-
mino) magis versatus & inclytus ex-
titit; is enim teste communi fama &
in omnium fere posterorum sensu ipsum
quoque Magistrum suum, Platonem
(cui tamen in rerum *Metaphysicarum*
intelligentia primas cedere debet)
longissime superavit, & innumeros ob
hanc causam per tot sæcula ad nostra
usque tempora suæ sectæ Patronos in-
venit; inspiciantur solummodo ejus
libri res *physicas physice* pertractantes,
& patebit, quisnam in *Physicis* Stagyri-
ta fuerit? duplicis vero generis libros
Aristoteles conscripsit, 1. ACROA-
MATICOS sive AUSCULTATORIOS
sic dictos, eoquod ob sensus nonnihil
intricatos & obscuros, quos præsefe-
runt, judice ipsomet Aristotele tam
facile intelligi a nemine possint, nisi qui
eorundem explicationem suomet, Ari-
stote-

stotelis, ex ore prius *auscultasset* : hos inter principem locum tenent libri octo de *Acroasi Physica*, seu de naturali *auscultatione* (qui etiam libri *Physicorum* nunc vocantur) tum libri quatuor de *mundo & Cælo ac Elementis* : nec non libri duo de *ortu & interitu*, sive de *generatione & corruptione rerum* : denique libri tres de *anima*. 2. EXOTERICOS, id est, *extraneos & populares* ita appellatos, quia non adeo intricati facile ex sola lectione ab *extraneis* etiam ac rudioribus populis intelligi queunt, suntque præter 4. libros de *Meteoris* varii li libelli, qui *parva naturalia* vulgo dici consuevere : scilicet unus de *sensu & sensibili* : unus de *memoria & reminiscencia* : unus de *somno & vigilia* : de *Insomniis* unus : de *juventute, senectute, vita, morte & respiratione* totidem. Ad hanc classem quoque spectant novem libri pure Historici, de *historia animalium* inscripti, in quibus teste Cicerone l. 5. de *fig. persecutus est animantium omnium ortus, victus, & figuras* : hosce libros quidam tam gratos & acceptos fuisse testantur Alexandro M. Aristotelis per 7. annos Discipulo, ut in præmium laboris, iisdem conscribendis impensi, non minus quam octingenta talenta

(talen-

(talentum *Atticum* teſte Hübnero in ſuo *Lexico naturæ* &c. circiter 750. thaleros noſtræ monetæ, adeoque 800. \times 750. = 600000. thaleros conficit; aut ſi ſecundum talenta *Alexandrina*, quorum quodlibet eſt duplum talenti Attici computentur, erant omnino 1200000. thaleri, ex qua ſumma ſane caderet vulgare illud Epithetum: *pauper* ARISTOTELES (Præceptor ſuo dono dedit. Ipſos ſequuntur libri 4. de partibus animalium: quinque de eorundem generatione, & unus *Problematum* ſeu de *Mirabilibus naturæ*: alius de ventorum ſitu & appellacionibus, ac poſtremo libri duo de plantis. Fatendum eſt tamen (quemadmodum nempe nihil in hoc orbe ex omni parte perfectum exiſtit) multa quoque extare in operibus *Stagyritæ* vel dubia & incerta, præfertim quæ ſcripſit in præſatis libris de *hiſtoria animalium*: vel falſa & rationi contraria, ut ſunt, quæ de quinta *Cœlorum eſſentia* aut eorundem ſoliditate tradidit: vel plane etiam *fidei Chriſtianæ* diſſentanea, ut eſt mundi æternitas, quam ille ut certam prorsus & indubitatam aſſeruit: quos omnes & alios adiuſc Aristotelis errores ex Burnetio refert & in compendio adducit Cl. AN-

TONI-

TONIUS GENUENSIS in sua *Disputatione Physico-Historica* præfixa *Elementis Metaphysicæ* T. I. §. 4.

Ejusque
Sectato-
rum.

VIII. Ast in hoc multo magis adhuc crasse modernis Physicis videntur per plura sæcula antiquiores illi Philosophi, SCHOLASTICI dicti, quod ex enumeratis Aristotelis libris solos fere *auscultatorios* elegerint suis discipulis prælegendos, in quibus potissimum, ut suis locis in hoc opusculo patebit, optimus Stagyrita ex certo consilio non *Physicum* sed *Metaphysicum*, & quidem satis quandoque *obscure* (n. præc.) agere intendit. Adde, quod illius Commentatores, præsertim *Arabes*, quorum lucubrationes ad elucidandam Aristotelis scripta communiter in scholis adhiberi solebant, ad recte ac *physice* de rebus naturalibus philosophandum, parum, imo nihil utilitatis attulerint; tum quia is ipse, qui *Commentatoris* nomen per Antonomasiam passim obtinuit, AVERROES, nempe, teste Ludovico Vives apud Cl. P. Fort. a Brix. *Proleg. in Phys. in Aristotele enarrando* nihil minus explicabat, quam eum ipsum, quem susceperat declarandum: tum etiam quia, ut ait Cl. Purchotius præfot. in *Phys. eorum Commentatorum* singularis id ani-
mo

mo insedisse videbatur, ut ne latum quidem unguem ab Aristotele discederent (Log. fol. 360.) ipsius doctrinam *veritatem summam* appellantes, ejusque intellectum *humani finem intellectus*, ita ut nullus unquam hominum eum esset affecutus, nec quisquam affecuturus sit. Neque quid amplius iudice cit. eodem Cl. auctore reliqui Aristotelis sectatores vulgo *Scholastici* dicti præstiterè, utpote qui in *Musæo* duntaxat seu cubiculo rebus physicis operam dantes nunquam foras prodibant, ut naturam operantem aspicerent: hinc *subtiles quidem in Aristotelis Philosophiam disputationes concitare, aliasque ex aliis difficultates Metaphysicas necere potuerunt, sed nulla in re scientiam naturalem promoverunt: quin potius dum ideas suas & conceptus non rebus naturalibus, uti oportebat, sed res naturales præconceptis semel ideis suis aptare, sive ut loquitur idem Cl. Ant. Gen. Log. l. 2. c. 12. §. 6. Theorias abstractas mundo reali applicare malebant, effecere, ut mundus esset conceptus hominum, non id opus, quod a Deo est factum.*

IX. Inde venit, quod toto illo tem-Physicæ
pore, quo *Aristotelica Philosophia* sce- corruptio
ptrum in scholis tenebat, sana & ge- perAristo-
telicoq
nuina

juxta Cl. Pluchium, erecta per Mechanicos.

nuina Physica e Lycæis & Gymnasiis proscripta, in solis fere Mechanicorum officinis & artificum laboratoriis (si non omnino quoad *Theoriam*, saltem quoad *usum & praxin*) sedem stabilem fixerit, ut refert Cl. Le Pluche in suis *naturæ spectaculis*, etiam germanice editis Norimbergæ anno 1753. parte IV. pag. 495. in iis maxime, in quibus diversa metalla fundenda dividendaque fuere ad efformandas campanas & tormenta bellica, aliaque artis fusoriæ opera; ibi enim ars experimentandi per varias diversorum metallorum mixtiones, separationes & divisiones, ignis adminiculo diversas & quandoque mirissimas Metamorphoses in apicem protulit, sanæque Physicæ *Experimentalis* per *Rationem* stabiliendæ quodammodo viam stravit. Sed omnes inter ejusmodi

„ artifices, teste eodem l. cit. pag. 496:

„ longe felicissimus fuit. ROGERIUS

„ BACO Minorita Anglus in monaste-

„ rio Oxfordiensi anno 1284. is nam-

„ que primus cognitionem certam ha-

„ buisse videtur de effectibus *luminis*

„ vitro lenticulari excepti, & a super-

„ ficie ipsius tum convexa tum con-

„ cava reflexi, ejus quoque Philoso-

„ phia Universa in eo consistebat, quod

„ natu-

„ naturam ipsam observaret, & usu
 „ Matheseos tum privatis tum publi-
 „ cis usibus accomodam reddere cona-
 „ retur: rectam hinc tenebat semitam,
 „ & omnes ad sua sequenda vestigia
 „ amice & ardenter invitabat: ast Su-
 „ periores illius & confratres hæc
 „ omnia, utpote sibi prorsus incogni-
 „ ta, pro periculosis *novitatibus* habentes
 „ ejus sese conatibus opponebant
 „ fortiter; erant quippe tunc tempo-
 „ ris in Monasteriis & scholis publicis
 „ omnia designata & quasi in catalogo
 „ descripta, quid cuilibet discendum,
 „ tenendum & credendum foret, haud
 „ secus ac horæ surgendi atque de-
 „ cumbendi pro Monachis designatæ
 „ fuerant. Si quis ergo a sententiis
 „ Aristotelicis tunc unice receptis di-
 „ scedere præsumebat, criminis severe
 „ puniendi reus habebatur: qua de
 „ causa etiam contigit, ut illo tempo-
 „ re in Monasteriis, in quibus *scientia*
 „ *naturæ* tradebatur, *plerumque frater*
 „ *Pharmacopola aut frater coquus plus*
 „ *sanæ Physicæ in suo cerebro possideret,*
 „ *quam Fr. Lector.*“ Hucusque cita-
 „ tus Cl. *Le Pluche*, qui addit, nec sine
 „ mærore refert, hodie quoque in multis
 „ adhuc provinciis usum vigere, tres aut
 „ qua-

quatuor. horas impendendi ad *experimenta* quædam ope Antliæ Pnevmaticæ facienda de *Vacuo*, aut de *Gravitate* vel *Elasticitate* aeris; dum econtra septem aut octo integri *mensēs* impenderentur ad pertractandas materias frivolas & inutiles v. g. de *materia prima* & *forma substantiali*, de *appetitu* materiæ, aut *tertia entitate* &c.

Physica
Scholasti-
ca non est
necessaria
ad SS.
Theolo-
giam.

X. Verum contra mox dicta instant non nulli, dicentes, quod utique Physica scholastica ad SS. facultatem Theologicam addiscendam adhucdum non modo utilis sed & apprime *necessaria* censenda sit, sibi que propterea contra Physicos Modernos applicant & scuti in morem identidem obtendunt illud Cl. Huetii effatum in *præf. de concord. verit. nat. cum supernat.* multi quidem philosophantur; at nulla habita ratione finis: aliter qui ad Jurisprudentiam civilem: aliter qui ad Medicinæ scientiam; aliter qui ad THEOLOGIAM aspirant, manuducantur: NOSTRUM fuit, Philosophicæ candidatum sistere ad limina THEOLOGICÆ. Bella & unica excusatio! qua Veteres illi Philosophi Scholastici suam de rebus naturalibus subtiliter adeo philosophandi rationem tueri quodammodo possent, si verum non esset, quod

quod Tyroni ad SS. facultatem Theologicam præparando sola *Logica* juncta cum *Metaphysica*, prout hodie, servato ordine ac methodo in præcedentibus tomulis nostris adhibita, doceri solent, abunde sufficiant ad omnes propositiones *dogmaticas & historico-criticas*, quæ moderno prudenti sæculo universam pæne-Theosophiæ materiam efficiunt, contra fidei hostes defendendas. Et vero quam non exiguam potius Theologiæ non solum sed & ipsi Christianæ fidei labem sub initium præsertim & medium sæculi decimi quarti intulerint Veteres ii Philosophi suis subtilitatibus usque ad superstitionem addicti, satis graphice describit Cl. P. Gautier S. J. in *Prodromo Theol.* pag. 27. ubi sic ait: *intermissis plane, vel non nisi obiter attentis quæstionibus ad fidem stabiliendam aut illustrandam moresve informandos conducentibus, aut neglecta penitus in his pertractandis auctoritate sacra, solam rationem ducem secuti, Philosophiæque etiam abusi, sophismatis aut inanibus argutiis dialecticis Theologiæ majestate indignis sacra fidei Mysteria non tam explanare quam obscurare conati sunt, imo defecerunt etiam ad quæstiones prorsus inutiles, frivolas & sæpe ridiculas, quibus totam fere suam pseudo-*

pseudo-scholastica summam confecerunt. Egit ergo tunc temporis diabolus, dolenter quoque refert Cl. Melchior Canus, qui sub medium sæculi decimi sexti floruit, quod sine lacrymis non queo dicere, ut, quo tempore adversus ingruentes ex germania, hæreses oportebat scholæ Theologos optimis esse armis instructos, eo nulla prorsus haberent nisi arundines longas, arma videlicet levia puerorum: ita irrisi sunt a plerisque & merito irrisi, quoniam veræ Theologiæ solidam effigiem nullam tenebant. l. 9. de loc. Theol. c. 1. & fane loci Theologici ex nulla Philosophia multo minus ex Physica petendi sunt, si Tertulliano credimus de præscript. c. 1. ita loquenti: quid Athenis & Hierosolymis? quid Academicæ & Ecclesiæ? quid hæreticis & Christianis? nostra institutio de porticu Salomonis est. Quasi diceret: quid facultas supernaturalis, quæ de Deo rebusque Divinis, sensus nostros longe superantibus ex revelatione potissimum discurrit, ad facultatem naturalem, quæ non nisi de objectis sensibilibus & materialibus experimentorum & observationum naturalium ope tractare solet? aut qua demum ratione purus Philosophus ad Ecclesiæ dogmata defendenda & profligan-

gandas hæreses (prout *Theologi* munus exposcit) vel unum unicum efficax argumentum e penu sua depromere valeat? *potest* igitur *Christianorum Religio*, ut monet Cl. Ant. Gen. in præf. *Metaph.* optime stare sine *Græcorum atque Arabum Philosophia*: quin imo, ut idem ait Log. l. 1. c. 6. §. 16. *Sectarius esse Theologus alicujus Philosophorum scholæ nec potest nec debet.*

XI. At saltem ad ingenium acuendum & tyrones exercendos, inquiunt alii, immane quantum semper contulit vetus *Physicam* tradendi ratio. *Fateor*, verba sunt Cl. P. Fort. a Brix. præf. in *Phil. Mentis*: *Scholasticis disceptationibus ingenium apprime acui: verum simul contendendo, tantam illis dandam non esse operam, ut major vitæ pars, ne dicam tota, earum studio teratur: ecquid enim juvat multum nos obtinuisse acuminis ingenioque valere plurimum, si viribus ob id prænejam fractis ætateque confecta locus nobis non amplius sit, ut rebus utilibus necessariisque studium deinde nostrum acute impendamus?* neinpe dum supervacanea in vita nostra plurima sic didicerimus, necessaria nos nesciisse deprehendemus. Aut quæso! quid juvat v. g. ingenium acue-

Nec ad
acuenda
tyronum
ingenia.

B

re

P. Oster. Physic. Pars I.

re multumque exerceri in defendendo *materiæ primæ appetitu* ? vel in inquirenda *possibilitate* aut *existentia entis rationis*, ejusdemque *causis*, num scilicet a *Deo* vel ab *intellectu volendive* potentia progigni queat ? Item an *totum* distinguatur a partibus ? an detur *duplex rationalitas* ? an & quomodo formari queant *præcisiones objectivæ & formales* ? an *accidentia materialia* educantur de potentia subjecti ? & an eadem *substantentur* in toto essentiali physico aut Metaphysico ? num in quolibet composito physico substantiali *duplex* admittenda sit unio ? num in rerum natura existat *forma corporeitatis* vel *cataverica* ? an *accidens* possit producere *substantiam* ? an fieri possit *motus in vacuo* ? an continuum constet ex punctis indivisibilibus ? &c. quo *sine* tot *disputatiunculæ* ? quærit merito Lipsius L. I. *Introduct. ad Phil. Stoic. ad vitam* ? non faciunt : ad *verum* ? sæpe obruunt : ad *exercitium* ? hoc non nego, sed quanto *utiliora alia*, in quibus *acuere & producere ingenii hunc mucronem erat* ! nil jam dicam de *qualitatibus sensibilibus*, quas illi Philosophi nude dicebant esse *qualitates absolutas* (melius forte dixissent *talitates*) prætereaque nihil : inde autem

tem nemo certe fit doctior, nec caloris e. g. frigoris, soni aut coloris naturam physicam plus intelligit, quam de plebe quilibet, qui rem quamcunque ignorans dicit: *est tale ens*, vulgo: *Es ist ein solches Ding!* his porro & non aliis rerum terminis sensu cassis referta esse tota Veterum *Physicorum* volumina bene multa, nemo qui ea legit, ignorare potest: excipio tractatum *de causis & de anima*, qui tamen ambo tractatus longe melius & opportunius locum nunc acceperere in *Metaphysica*, utpote cujus solius objectum sunt *entia* a materia abstracta (*Metaph. sol. 5.*)

XII. Cæterum *utiliora* longe & *jucundiora* in moderna Philosophorum Recentiorum præsertim Eclecticorum *physica* inveniri, tot insignes eorum libri & typis impressa volumina satis & aperte demonstrant: servit nempe moderna Physica ad artes humanas quam plurimas, vitæ hujus usuræ proficuas, quæ partim ignorata illa non extitere, partim vero indecoræ & absque cultura jacuere. Testes sunt *Astronomia, Medicina, Pyrotechnica, Mechanica, Navica &c.* quæ omnes ab uno alterove sæculo, quo Experimentalis Physica diligentius excoli coepta est, in immensum

Physicæ
Recentioris
utilitas
& jucunditas.

auctæ & humanæ societati utilissimæ
 evasere. *Jucunditas* vero tanta est, quan-
 ta est, contemplari intrinsece & quoad
 intimam suam naturam hæc omnia, quæ
 sapientissimus ac potentissimus auctor
 naturæ Deus in hoc universo ad sen-
 sus nostros amænissima voluptate de-
 liniendos procreavit ; est enim teste
 Tullio qq. Acad. l. 4. *animorum inge-
 niorumque naturale quoddam quasi pabu-
 lum consideratio contemplatioque naturæ* ,
 ita quidem ut sapientissimus Seneca as-
 serere non dubitaverit in præf. qq. na-
 tural. l. 1. nisi ad hæc ad perscrutanda
 scilicet naturæ secretiora (*admitterer ,
 non fuerat operæ pretium nasci* , ideoque
 solum, ut idem scribit l. de vita beata.
 c. 32. *Curiosum nobis natura ingenium
 dedit : & artis sibi ac pulchritudinis suæ
 conscia spectatores nos tantis rerum spe-
 ctaculis genuit, perditura fructum sui, si
 tam magna tam clara tam subtiliter ducta,
 tam nitida non uno genere formosa solitu-
 dini ostenderet !*

Ad eam
 addiscen-
 dam admi-
 nicula.

XIII. Cum natura teste Cl. Guiliel-
 mino in præf. ad dissert. de salibus
*ubique Mathematica sit, eamque absque
 Mathesi expiscari velle idem sit ac sine cru-
 ribus ambulare, aut artificem instrumenta
 omnia ad artefactum necessaria abjicere ,*

&

*Et nihilominus suum opus promittere, indeque etiam Platonice scholæ (hodiernæ Mechanicæ Philosophiæ Magistræ) foribus pridem majoribus litteris inscriptum fuisse legatur: NUL-
LUS GEOMETRIÆ EXPERS HUC INTRATO! hinc præter experientiam, quæ in Physica præcurrere, & rationem, quæ subsequi debet (V.) Mathes-
is quoque eandem comitari debet: Comitari inquam non dominari; ne alias, sicut mediæ ætatis Philosophi ad Metaphysicas subtilitates tanquam ad unum extremum declinarunt (VIII. IX.) ita moderni Physici ad alterum extre-
mum, deflectentes Mathesin cum Physica omnino confundant: hac de causa non nisi pauca & magis necessaria ex Mathesi hinc inde admiscenda duximus, ne secus tyrones Mathematicis difficultatibus absterri ipsam quoque Physicam abjicere cogitent: iisdem tamen etiam atque etiam consulimus, imo &, quantum valeamus, præcipimus, ut, si in materia de motu præcipue (quo ignarato, teste ipsomet Aristotele, natura ipsa ignoratur) proficere velint, Mathesin saltem puram ut ajunt, id est, Arithmeticam vulgarem una cum primis Arithmeticæ litteralis*

feu *Algebrae* elementis, *Geometriae* item ac *trigonometriae* Theoremata sedulo ad-discere studeant, erit profecto ipsis hic labor ad acuenda ingenia multo utilior, quam ille, quem veteres *Scholastici* ad inanes *subtilitates* suas, dicamne plus involvendas quam evolvendas? impenderunt. (XL.) poterunt vero ad praefatas *Matheseos* species addiscendas uti auctoribus passim obviis, iisque praestantissimis, ut sunt Cl. PP. Benedictini Andreas GORDON in sua *Philosophia utili & jucunda*, Bernardus GRAND, & Michael LORY in *Arithmetica tum numerica tum Litterali ad usus Academicos* anno 1761. edita: Item Cl. P. HUBERTI S. J. Cl. P. Florianus DALHAM e scholis piis, nec non Cl. P. FORT. a BRIX. qui praeter *Elementa Mathematica* in 4. tomos digesta in 4to, anno 1755. iteratis typis edita, aliud quoque opusculum, tyronibus *Arithmetica* vulgari jamjam imbutis utilissimum, elucubravit sub titulo: *Elementa Matheſeos ad Mechanicam Philosophiam in privatis scholis tradendam accommodata in 8vo. cum fig. anno 1759. &c.* nobis certe non vacat in hisce longius versari, cum *Physicam* universam duobus solummodo tomulis includere statuerimus,

adje-

adjectis ubique, si quid difficultatis occurrat, ad eruendam veritatem necessariis *objectionibus* earumque solutionibus.

XIV. Tandem licet plurima sint ab *Cautela, &* ævi recentioris Philosophis inventa, *duplex res* quæis *naturalis scientia* ut plurimum *Physicas* *explicandi* *modus,* æta fuit, (XII.) nihilominus fatendum est, multa adhuc densis adeo profundisque latebris involuta delitescere, ut genuinæ eorum causæ necdum adhibita omni diligentia & studio detectæ nec unquam forte detegendæ sint: ad hanc classem referuntur *gravitas corporum, Magnetis attractiva virtus, genuina causa Electricitatis aut æstus marini &c.* hinc probe sequi nos decet illud monentis consilium: *audacter & verecunde philosophandum est:* ideoque nos haud pudebit, si de rebus ejusmodi obscuris juxta mentem nostram loqui debebimus, ignorantiam nostram in quantum ad explicationem *physicam* sæpius fateri, nobisque applicare illud Cl. Verdries dicentis: *ille sapit, qui, quæ scire adhibita omni ope ac industria nequit, æquo animo nescire vult.* Cæterum quia hodiedum non paucos adhuc reperire est, qui vel propria vel aliena *voluntate* magis persuasi, quam in intellectu con-

victi, *Physicam* nude tradunt suis discipulis in ordine ad *Theologiam*, adeoque per *Mataphysicas* tantum *abstractiones*, prout in hac *S. facultate* (si quandoque *philosophice* quid explicandum occurrit) de rebus a Deo revelatis captumque nostrum excedentibus loqui datur: hinc ut & illis, in quantum citra veritatis detrimentum per sanam rationem licet, inserviamus, non semel, cum *physica* & *realis* declaratio ad manus non erit, eo delabemur, ut, quemadmodum Tullio teste in *orat. pro Muraena* in græcis artificibus illi malebant esse aulædi, qui citharædi fieri non poterant, ita & nos *Metaphysice* saltem & juxta *abstractas* notiones cum *Peripateticis* loqui velimus: quin & in aliis quoque duplicem & æquivocum sensum tenentibus, ut nihil a nobis desiderari patiamur, *Mechanismum* pro sensu *reali* & *physico* assumentes, nec tamen *conceptus Metaphysicos* pro sensu *Metaphysico* ac *Ideali* aspernantes, stabimus omnino promissis in *præf. Log. crit.* quondam factis, in quo etiam præ aliis Philosophis Recentioribus gloriari forsitan poterimus, quod, dum isti *physice* tantum de rebus naturalibus differendo multa sese ignorare fateri debent,

nos

nos econtra cum scholasticis Philosophis in ejusmodi rebus *physice* ignorantis ad *ignorantiæ asyla*, ut ajunt, confugientes *Metaphysice*, saltem ac *Idealiter* explicare cuncta possimus; semper enim, si nihil ulterius de re aliqua sciamus, facile nobis erit declarationem importune petentibus dicere; *ens aut qualitas est*: *Es ist halt ein gewisses DING*. Nec cujusquam offensam in hoc pertimescimus, cum sic cuilibet tribuamus, quod suum est, & quod quisque pro se habere cupit: *scholastico* nempe Philosopho *Metaphysicam* & *Idealem*; Recentiori autem explicationem *physicam* & *realem*, aut forte utramque simul.

XV. Scientia naturalis universa seu *Physica* *Physica* communiter dividi solet in *divisio*. *HISTORICAM* & *ÆTIOLOGICAM*.

Prima dicitur illa, quæ res naturales *historico* tantum modo enarrat, quin earum *causas* inquirat, prout fecit Aristoteles in suis libris *de historia* seu *natura animalium*, (VII.) & post ipsum Plinius senior & Ælianus, ac deinceps Recentiores plurimi, quos inter Cl. Le Pluche in *spectaculis naturæ* cum paucis eminet. *Secunda* est ea, quæ effectuum etiam naturalium *causas* (*Metaph.*

fol. 463.) enarrat , rerumque naturam , proprietates & leges speculari conatur. Hæc denuo subdividitur in Physicam GENERALEM , quæ corporum omnium aut plerorumque *communes* ; & in SPECIALEM seu particularem , quæ certorum seu particularium quorumvis corporum *speciales* quasdam vires, proprietates & operationes declarat. Et hæc ipsa tantum *posterior* Physicæ divisio, in *generalem* nempe & *particularem* in scholis nunc locum obtinet ; non item illa *prior*, utpote cum passim una misceatur cum altera, nec etiam, si veram & adæquatam rerum naturalium cognitionem habere velimus, *historia* ab *Ætiologia* separari tam facile queat. Huic igitur ab omnibus receptæ, & in Metaphysica quoque jam semel (*Metaph. fol. 7.*) adhibitæ divisioni conformiter, primam scientiæ naturalis partem genericam , seu PHYSICAM GENERALEM hocce volumine complectemur , alteram seu PHYSICAM PARTICULAREM pro novo & distincto opusculo reservantes. Quidquid porro ad partem priorem spectat, quatuor dissertationibus absolvemus : in *prima* de intrinsecis corporum principiis : in *secunda* de affectionibus

nibus corporum generalibus : in *tertia* de motu locali & æquilibrio corporum : in *quarta* denique de qualitatibus ut ajunt sensibilibus , in quantum pro tyrone satis erit , clare breviter ac solide methodoque nobis consueta disceptabimus. Sit ergo rursus auspice DEO , qui est primus & ultimus omnium laborum nostrorum finis , & auxiliante DEI-
PARA sapientiæ sede !

DISSERTATIO I.

DE

INTRINSECIS CORPORUM
PRINCIPIIS.

SECTIO I. PRÆLIMINARIS.

De Essentia & existentia Corporis
naturalis.

ARTICULUS I.

*In quo consistat essentia Corporis
naturalis ?*

XVI. **C**ORPUS in genere acceptum Aëris ! con-
aliter ab *antiquis* seu Scho- troverfia
lasticis ; alter a *Recentiori-* de Corpo-
bus Philosophis definiri solet : & illi ris essen-
quidem in suis de hac materia loquen- tia.
di

Sect. I.

di formulis ita obscuri plerumque existunt, ut Oedipo indigeat, quisquis eorum æquivocationes, antilogias, & apparentes non raro contradictiones penetrare ardet, id quod ex dictis in Metaphysica (fol. 350. & seq.) satis colligere est, ut jure propterea Cl. Melchior Canus l. 9. de Loc. Theol. c. 7. de hac potissimum & aliis ejusmodi Peripateticorum sententiis asserere non dubitaverit; *puderet me dicere non intelligere, si ipsi intelligerent, qui hæc tractarunt!* modo enim, ut ex cit. loco patebit, *essentiam Corporis in impenetrabilitate radicali, modo in quantitate interna, modo in magnitudine indeterminate sumpta, modo in extensione entitativa collocant: sunt etiam qui hæc omnia pro Synonymis habent, aut denique pro attributis Corpori essentialiter competentibus accipiunt.* (Metaph. fol. 700. & seq.) sed nec Moderni Philosophi in notione Corporis primaria & essentiali assignanda conveniunt: alii namque triplicem cum Cartesio *dimensionem seu extensionem* in longum latum & profundum: alii ejusdem *impenetrabilitatem* cum præfatis Scholasticis prædicatum ejus primo constitutivum & ultimo distinctivum esse

esse putant : prostreino nec defunt ,
 qui de invenienda Corporis naturalis
 essentia omnino desperantes cum Cl.
 Floriano Dalham e scholis piis *Instit.*
Phys. t. II. pag. 41. eam nobis hodie-
 dum ignotam esse defendunt. Quid
 igitur consilii in tanta sententiarum
 varietate & incertitudine ? ut paucis
 dicamus , quæ mente tenemus :
 nobis , donec plura per decursum de-
 monstrantur , omnium optime dissiden-
 tes hæ sententiæ conciliari posse viden-
 tur , si triplex CORPORIS notio ac-
 curate distinguatur , *Metaphysica* nempe
Mathematica & *Physica* : certe enim
 quidam Philosophi corpus pure *Meta-*
physice cum antiquis , (VIII.) alii *Ma-*
thematice tantum cum Cartesio : alii
 denique *physice* solum considerantes in
 tam diversas opiniones & sectas non
 poterant non abire. Itaque cum unius
 rei sub diverso respectu detur multi-
 plex *essentia* (*Metaph. fol. 69.*) ut
 suum cuique , quod salva veritate ha-
 bere cupit , elargiamur , (XIV.) &
 claris notionibus , quantum facultatis
 est nostræ , inhiemus , sit

PROPOSITIO I.

Corporis *Metaphysice* sumpti essentia consistit in naturali exigentia occupandi locum impenetrabiliter; seu in impenetrabilitate radicali.

Corpus
Metaphysice
sumptum.

XVII. PROBATUR. Essentia rei est id, quod primum de ente concipitur, & in quo ratio continetur sufficiens, cur cætera vel actu insint vel inesse possint: (*Metaph. fol. 64.*) atqui *exigentia impenetrabilitatis* ita se habet *Metaphysice* in quocunque corpore naturali: ergo. p. m. ista naturalis *exigentia* non potest a priori de corpore demonstrari, & alia omnia corporis attributa ex illa sola facile deducuntur: ergo. p. A.

Quoad 1. memb. si posset a priori demonstrari, illud prius foret *entitativa extensio* ejusdem corporis in ordine ad se, ut volunt adversarii: atqui hoc non: ergo. p. m. *per soritem*. Entitativa extensio in ordine ad se ex natura sua dicit *pluralitatem partium* ita inter se unitarum, ut unius entitas extra entitatem alterius tota existat (prout videre est v.g. in ligno bipedali, quod per hoc *entitative extensum* dicitur, quia plures in eo sunt partes, quarum

rum

rum una quoad totam suam entitatem extra alteram existit (pluralitas autem isthæc partium infert compositionem seu plurium unionem : non possunt vero plura ita inter se uniri, ut totum entitative extensum constituent, quin jam prius & antecederent sint impenetrabilia : ergo entitativa extensio non est prior impenetrabilitate, sed potius econtra. p. m. Impenetrabilitas est ratio proxima, cur plura inter se uniri sic queant, ut unius entitas alterius entitatem haud ingrediatur : ergo. p. A. Ex ipsa definitione impenetrabilitatis radicalis, utpote quæ est naturalis exigentia occupandi locum cum exclusionem alterius : ergo. CONFIRMATUR. Plures partes, ex quibus aliquod totum entitative extensum componitur, debent prius actu uniri, antequam concipiatur actualis earum extensio : ergo etiam debent prius concipi ut aptæ ad uniri, antequam concipiantur ut aptæ ad extendi. Subsumo: atqui ad rō uniri in ordine ad faciendum totum aliquod entitative extensum requiritur impenetrabilitas radicalis, ut mox dictum est, quia scilicet ista per exclusionem unius partis ab altera facit, ut plures partes sint aptæ ad sic uniri inter se, ut unius enti-

Sect. I.

entitas extra entitatem alterius tota existat: ergo. Probatur etiam *1^{um}* A.

Quoad *2^{dum}* memb. Alia corporis attributa præter entitativam extensionem sunt magnitudo (Neoterici eam *quantitatem* appellant. Metaph. fol. 361.) divisibilitas, soliditas, mensurabilitas, cujuslibet configurationis capacitas &c. atqui hæc omnia ex sola naturali impenetrabilitate dimanant: ergo. p. m. Ideo enim v. g. unumquodque corpus est *solidum, magnum & extensum*, quia in eo unius partis entitas cum altera naturaliter non penetratur, sed eam a se loco excludit: Item similiter corpus est *divisibile* in partes & *mensurabile* &c. quia reipsa una pars tota extra entitatem alterius existit, & ob hanc ipsam causam est cujuslibet *figuræ capax*, ut examinanti ad oculum patet: ergo.

Impene-
trabilitas
radicalis
est essentia
Corporis
Metaphy-
sica ;

XVIII. Corollarium I. Impenetrabilitas igitur *radicalis* Metaphysice loquendo dici potest vis quædam intrinseca & nota characteristica, Corpus essentialiter discriminans ab omni eo, quod corpus non est: fere sicut *rationalitas* v. g. *hominem* differre facit a quovis alio, cui prædicatum *homo* convenire nequit: unde etiam sicut *homo* proprie ac in rigore Metaphysico definiri solet: *animal*

mal rationale, ita corpus in eodem sensu aptissime dici valet: *substantia radicaliter impenetrabilis*, ubi *radicaliter* se habet per modum generis, & *radicaliter impenetrabilis* per modum differentie.

XIX. Corollarium II. dixi: *impenetrabilitas radicalis* (Metaph. fol. 352. & 365.) non *actualis*; hac enim posteriore corpus divinitus saltem privari, & cum altero *compenetrari* potest (ibidem fol. 644.) ergo, cum essentiarum Metaphysicæ etiam per absolutam Dei potentiam prorsus *immutabiles* existant, (ibid. fol. 67.) corporis essentia nequit in impenetrabilitate *actuali* constitui: aut secus idem v. g. corpus, actu cum altero *compenetratum*, *esset* corpus (ex Hypothesi) & *non esset* corpus, quia sua *essentia* (impenetrabilitate scilicet *actuali*,) foret destitutum, quod repugnat principio contradictionis. (Metaph. fol. 18.)

XX. Corollarium III. Quia Philosophi etiam Scholastici *quantitatem* suam porro impenetrabilitate corporis *actuali*, sed in ejus tantum *exigentia naturali* seu impenetrabilitate radicali, (Metaph. fol. 18.) *quantitas inter-* *tativa.*

Sect. I.

fol. 353.) hinc minus connexe iidem loqui videntur, dum *omnem* omnino *quantitatem* (adeoque etiam *internam*, seu *extensionem entitativam*) inter *accidentia absoluta* realiter à corpore distincta annumerant (ibid. fol. 350. & seq.) nam quod est ipsa rei *essentia*, profecto inter *accidentia* locum habere nequit (ibid. fol. 64. & 74.) Nec minus a veritate alienum esse putandum est, quod illi ipsi docent, nimirum omnium primo in corpore naturali concipi debere partes tantummodo *entitativas*, hoc est, ratione *sui* nullatenus extensas sed ratione *quantitatis* solius, (Metaph. fol. 352.) quæ secundo tantum loco corpori adveniens huic tribuat habere *partes* extra partes, vel in ordine *ad se* (quem effectum *formalem* primum quantitatis, aut quantitatem *internam* appellant) vel etiam in ordine *ad locum* extensas (& effectus *secundarius* quantitatis seu quantitas *externa* ab ipsis vocatur) magis vero connexa assertioni nostræ (XVII.) videtur esse doctrina Recentiorum, dum *quantitatem* accipiunt pro *magnitudine* corporis (Metaph. fol. 361.) seu *entitativa* ejusdem *extensione* (ibid. fol. 362.) eamque vocant *proprietatem* (*Metaphysice* loquen-

loquendo) substantiæ materiali quarto modo competentem (ibid. fol. 351.) adeoque a corpore non *realiter* (ibid. fol. 364.) sed *formaliter* ex natura rei instar gradus Metaphysici distinctam, si radicaliter & *indeterminatè* sumatur; (ibid. fol. 182.) econtra vero ut *modum* substantiæ corporeæ, si *determinate* & *actualiter* accipiat. (ibid. fol. 376. & 377.)

PROPOSITIO II.

Corpus Mathematicæ acceptum in triplici extensione, seu dimensione secundum longum latum & profundum essentialiter consistit.

XXI. PROBATUR. Sub hac enim **Corpus** consideratione Mathematici in **Mathematicam.** Geometria sua theoremata & problemata de corpore efficiunt (conformiter *objecto* suo, quod est corpus ut *mensurabile*) totamque propterea facultatem Geometricam in tres partes dividunt, scilicet : 1. In *Eythymetrium*, quæ agit de *lineis*, seu de extensione secundum *longitudinem*, 2. In *Epipedometrium*, quæ de *superficiebus*, hoc est, de extensione secundum *longitudinem*

Sect. I.

& latitudinem differit : 3. denique in *Stereometriam*, quæ de *solidis*, seu de corporibus secundum suam *longitudinem*, *latitudinem* & *profunditatem* simul acceptis discurret, ut cuilibet *Geometriæ* operam navanti constabit.

Differt a
corpore
Metaphy-
sice ac-
cepto.

XXII. *Scholion*. Quam vere & juste Cartesius essentiam corporis *Mathematicè* accepti in *triplici dimensione* seu *extensione* constituit, p. 2. *Princip. n. 4.* tam falso eam ipsam ideam corpori *Metaphysice* considerato adaptaret; nam *I. Extensio* quomodocunque sumpta, id est, tam *entitativa* quam *actualis* non est id, quod omnium primo in corpore concipitur, sed ex alio quodam priore sequitur: (XVII.) ergo nequit statui essentia corporis *Metaphysice* accepti (*Metaph. fol. 64.*) *II. extensio* potest a corpore *separari*, vel saltem in eodem invariato *mutari*, ut patet ex SS. *Eucharistiæ Mysterio*, ubi juxta definitionem Concilii Trident, sess. 13. Can. 3. *totus Christus sub singulis cujusque speciei partibus separatione facta continetur*, ut adeo SS. corpus Christi vel nullam ibi extensionem habeat, vel certe non *totam*, qua in Coelis gaudet: at juxta Cartesium citatum ne *minimum* quidem de *extensione* tolli potest, quin

quin tantundem de *substantia* decedat: ergo quia manente *eodem* corpore non manet eadem *extensio*, corpus & *extensio* non sunt *convertibiles*: sed omnino realiter distincti, & consequenter *extensio* utpote *mutabilis* in eodem corpore non potest dici ejus *essentia* Metaphysica, quia hæc debet esse *immutabilis*. (Metaph. fol. 67.) nisi forte *extensio* cum aliis Recentioribus sumatur juxta dicta in Metaphysica (fol. 351. 373. & seq.) III. quia Cartesius nullatenus distinguit inter *positivam corporis* extensionem, & inter *negativam spatii* extensionem p. 2. princip. n. 11. ex falso isthoc ejusdem principio (Metaph. fol. 631.) sequeretur, posse dari corpus quin revera detur corpus: nam si tolleretur v. g. Deus omnem aerem ex aliquo cubili, quin substituat aliud quodcunque corpus (id quod possibile esse diximus in Metaph. fol. 628.) erit nihilominus in eodem cubili *extensio negativa*, trinaque dimensio secundum longum latum & profundum, nempe *spatium* (Metaph. fol. 627.) seu *possibilitas corporum ponendorum* (ibid. fol. 628.) ergo si triplex dimensio & negativa *extensio* corporis *essentiam* constitueret, foret ibi corpus (nempe *trina dimensio*, quæ juxta Car-

Sect. I.

tesium *essentiam* corporis constituit) & non foret corpus (ex Hypothesi, quod omne corpus ibi Deus annihilaret, prout potest) consequenter &c. IV. Etiam substantiæ *spirituales* habent aliquam *extensionem*, simplicem nimirum seu talem, per quam res intelligitur *coextendi spatia* aut Corpori extenso : sic Deus propter immensitatem suam coexistit omni spatio tripliciter mensurabili, & Angeli existunt aut saltem existere possunt in spatio extenso : adeoque sunt *extensi*, utut pars extra partem apud ipsos non sit posita (hæc enim posterior extensio solis corporibus tanquam substantiis *compositis* competit) ergo extensio *quomodocunque* accepta & trina dimensio nequit dici corporis *essentia* ; aut secus *corpus* a spiritu *essentialiter* non differret, quod nemo dicit. Mitto alia absurda ex sententia Cartesii *Metaphysice* intellecta promanantia.

PROPOSITIO III.

Corpus *physice* spectatum apte definitur, quod sit substantia sensibilibiter mutabilis.

Corpus
physice
spectatum

XXIII. PROBATUR. Corpus *physice* spectatur, prout est objectum
Phy-

Physicæ, seu prout a scientia naturali consideratur: atqui ab hac non aliter consideratur, nisi prout est *subiectum mutationum sensibilium*, hoc est ut *sensibiliter mutabile* est, (III.) seu quatenus varia in *sensus* incurrentia phænomena & effectus in illo contingunt: ergo. CONFIRMATUR. Corpus *physice* spectatum per hoc differt a corpore *Metaphysice* sumpto (saltem secundum definitionem *nominalem*) quod istud secundum *internam* ac *necessariam* sui *essentiam* percipi, adeoque intellectu & *rationatione* tantum attingi valeat; illud vero secundum *externam* & *contingentem existentiam* suam, & consequenter etiam prout in *sensus* incurrit, accipiat: atqui sola *mutabilis sensibilitas* aut *sensibilis mutabilitas* est illud, per quod Corpus extrinsece & secundum suam existentiam spectatum in *sensus* nostros incurrit, ut *experientia* & *sensus intimus* nos convincit: ergo &c. & consequenter Corpus *physice* spectatum apte definitur, quod sit *substantia sensibiliter mutabilis*, in qua definitione *substantia* est *genus*, per quod Corpus etiam cum *spiritibus* convenit, a quibus tamen illud *differre* facit *sensibiliter mutabilis*, eoquod *spiritus* per

Sect. I.

debet esse
sensibile.

se neque sit *sensibilis*, neque *sensibiliter mutabilis*, cum sit *substantia simplex*.

XXIV. *Corollarium I.* Quidquid ergo sub *sensu* non cadit, proprie loquendo *Corpus physicum* non est, utut in *sensu Metaphysico* adhuc tali nomine insigniri queat: sic enim v. g. punctum, aliquod minimum & se solo prorsus *insensibile* ac indivisibile, si modo naturaliter seu *radicaliter impenetrabile* sit ab alia *substantia* sibi simili, *Metaphysice Corpus* est (XVII.) *Corpus* scilicet *simplex* seu *Monas* (*Metaph. sol. 426.*) *physice* autem nequaquam, cum se solo non sit *sensibiliter mutabile*; attamen *principium Corporis physici* unacum aliis ejusmodi punctis seu *substantiis minimis materialibus* constituere potest, ut in *Sect. seq. Art. IV.* dicemus. Addunt plerique, quod, etiam *Metaphysice* loquendo, ejusmodi punctum, seu *substantia simplex materialis*, *Corpus* quidem foret, non autem *Corpus naturale*, utpote per quod intelligunt illud *Corpus*, quod est in statu suo *naturali*, in quo a Deo creatum fuit: Deus autem non creavit aliquod punctum in statu solitario, sed simul cum aliis in moleculam compactum, ut similiter ex ibi dicendis patebit.

XXV.

XXV. Coroll. II. Jure cum Cl. P. Quomodo
 Fort. a Brix. *Phys. general. p. 1. §. 31.* conveniat
 dici potest; Corpus *Mathematicum* sola cum Cor-
consideratione distingui a corpore *physico*: pore Ma-
 eadem namque substantia dicitur cor- co ?
 pus *physicum*, si spectetur ut *sensibiliter*
mutabilis; (XXIII.) dicitur vero Cor-
 pus *Mathematicum*, quatenus præcise
 ut est aliquid *extensum* consideratur:
 (XXI.) atqui *mutari sensibiliter* non
 potest, nisi quod est *extensum*, hoc est,
 ex pluribus partibus extra entitatem
 suam existentibus compositum: nec
 proprie etiam *extendi* potest, nisi quod
sensibiliter mutabile est: ergo sunt ter-
 mini realiter convertibiles, & conse-
 quentur &c. Attamen id adhuc no-
 tandum est, a *Mathematicis* spectari
 extensionem tantum *Idealem* & ab omni
 materia *abstrahentem*; a *Physicis* vero
realem & in *sensus* incurrentem: nam
 Geometra v. g. soliditatem montis si
 metiri velit, neutiquam sollicitus est,
 an mons ille sit durus & petrosus,
 num vero mollis; arenosus aut viri-
 dis &c. ? hæ enim & cæteræ, uti vo-
 cari solent, *qualitates physicae* ad *mensu-*
ram (quam solam Geometra considerat)
 nil attinent: *physicus* autem in eo ipso
 montano corpore, quod *extensum* est

Sect. I.

in longum latum & profundum, proprietates etiam & attributa secundaria, quæ ab *extensione* profluunt, ut sunt *figura, textura, durities* &c. accurate perpendit: adeoque sub hac diversa *consideratione* Corpus physicum adhuc differt a *Mathematico*.

SOLVUNTUR OBJECTIONES.

Impenetrabilitas
primo concipitur in
Corpore
Metaphysico.

XXVI. OB. I. CONTRA PROP. I.
Impenetrabilitas radicalis *Metaphysice* loquendo supponit aliquid prius: ergo nequit dici essentia Corporis naturalis *Metaphysice* accepti. p. A. qui audit hanc vocem: *impenetrabilitas radicalis*, nondum satiatur, sed adhucdum inquit, in quo essentia *impenetrabilitatis* radicalis consistat: ergo. R. N. A. ad prob. D. A. In quo essentia *physica* & *realis* consistat, C. A. essentia *nominalis* & *Metaphysica*, N. A. & C. sufficit ad essentiam rei *Metaphysicam* cognoscendam habere *genus* & *differentiam*, saltem in quantum haberi possunt, quia *ultimæ rerum differentię* teste Aristotele nobis potissimum sunt *incognitæ*. Dein Retorqueo: dum dico v. g. *homo est animal rationale*, etiam quæri adhucdum potest, quid sit *rationali-*

tionalitas seu *principium ratiocinandi*? & tamen juxta omnes *essentia* Metaphysica hominis in *rationalitate* consistit: ergo a pari. Hinc ultimato dici potest, quod sicut *rationalitas* in homine Metaphysice sumpta pro gradu Metaphysico, fundatur *physice* in anima tanquam substantia simplice spiritali, sic etiam *impenetrabilitas* Metaphysice pro simili gradu Metaphysico accepta fundetur *physice* in substantiis simplicibus materialibus *activis*, de quibus in *Sect. seq. Art. VI. n. LXXIX. &c.*

Inst. 1. Antequam concipiatur impenetrabilitas, jam debent adesse *plures partes*, quæ postea per accedentem impenetrabilitatem fiant extensæ: ergo *pluralitas partium* est prior impenetrabilitate. R. 1. N. A. Nam revera *plures partes* nequeunt adesse, nisi unius entitas concipiatur *extra entitatem alterius*, (secus enim jam non *plures partes* forent, sed *unicum punctum*) at vero unius entitas nequit poni extra entitatem alterius nisi per exclusionem unius partis ab altera, id quod primum fit per impenetrabilitatem radicalem (XVII.) ergo &c. Unde R. 2. D. A. debent adesse *plures partes* *potentiales*, C. A. *actuales*, N. A. & C.

Nisi

Etiam ante
pluralita-
tem par-
tium.

Sect. I.

Nisi adveniret impenetrabilitas (quæ juxta inferius dicenda oritur ex *vi motrice*, seu *forma substantiali* simplicium substantiarum materialium sive materiæ primæ *physicæ*) partes omnes sese penetrarent, adeoque *extra se actu* non ponerentur, & consequenter, neque *Corpus physicum*, hoc est, *sensibiliter mutabile* unquam constituerent, ut ex ibi dicendis constabit.

Eaque Angelis entitative ac proprie non competit;

Inst. 2. Etiam Angeli tum boni tum mali sunt *impenetrabiles*, nec tamen sunt *Corpora* sed *spiritus*: ergo essentia Corporis in impenetrabilitate non consistit. p. A. possunt enim vel se ipsos invicem vel alia etiam Corpora loco excludere, & in eo sese *extendere*. (XXII. IV.) R. N. A. ad prob. D. A. possunt hæc omnia nude ac mere per liberam suam *voluntatem*, seu *vim* substantiæ suæ spirituali a Deo concessam eique realiter identificatam. C. A. per *entitatem* suæ substantiæ, quasi ipsa de se haberet aliquam *soliditatem*, ex qua radix impenetrabilitatis Metaphysice emanaret, prout ex substantiis simplicibus materialibus emanat. N. A. & C. possunt utique milleni daemones, si velint, nec a Deo specialiter impediuntur, in eodem corpore alicujus energumæ-

gumeni simul & semel consistere, quin se mutuo excludant e loco: ergo signum est, quod per *entitatem* impenetrabiles non sint, sed per *virtutem* substantiæ suæ identificatam spiritua-lem, ipsis æque competentem, ac v. g. virtutes seu potentiae *intelligendi*, *volendi* ac *locomotiva* eisdem conveniunt quoad actum *primum*, utut non semper exeant in actum *secundum*.

Inst. 3. Si Corpus potest penetrari a mille Angelis: ergo eo ipso Corpus non est *impenetrabile*; & consequenter nec ejus essentia Metaphysica in impenetrabilitate consistit. R. D. *Illatum*: non est impenetrabile ab ejusmodi substantia, quæ per *entitatem* suam non est loci repletiva, C. Ill. ab ea, quæ sic est loci repletiva. N. Ill. quia Angeli *entitate* seu mole Corporea carent, per nullum suæ entitatis *partem* (qua similiter carent tanquam substantiæ *simplices*.) aliam entitatem corpoream in quocunque loco attingunt, adeoque nec per *entitatem* suam ab eodem loco excludunt, sed per liberam tantum *voluntatem* suam seu *vim* a Deo datam, ut mox dictum est: aliter se habent Corpora, utpote quæ per *entitatem* suam locum

Unde ab Angelis Corpora penetrari possunt.

Sect. I.

locum replent, & consequenter etiam a loco excludunt.

Corpora
actu com-
penetrata
retinent
impenetra-
bilitatem
radicalem.

Inst. 4. Supernaturaliter saltem potest dari *compenetratio* Corporum (Metaph. fol. 644.) ergo impenetrabilitas non est essentia Corporis. p. C. essentiae enim rerum Metaphysicae sunt absolute immutabiles. (Ibidem fol. 67.) R. D. C. Impenetrabilitas actualis non est de essentia Corporis, C. C. impenetrabilitas radicalis. N. C. & C. actualis repletio loci est effectus tantum *secundarius* a Deo impedibilis, sicut v. g. actualis combustio (Metaphysice hic semper loquendo) ab igne fuit divinitus sublata in fornace Babylonica: at *exigentia* repletionis loci est effectus *primarius* & formalis, aequae ac v. g. in homine *principium* seu *exigentia* ratiocinandi, quae etiam per Deum salva hominis essentia mutari nequit; bene vero *actuale exercitium* ratiocinandi; omnis autem essentia Metaphysica ita in actu *primo* seu in *radice* & *exigentia*, non item in actu *secundo* consistit.

Trina ex-
tensioCor-
pus Meta-
physicum,
non con-
stituit,

OB. 2. CONTRA PROP. II. Triplex *extensio* in longum latum & profundum concipitur actu in corpore naturali ante impenetrabilitatem, eamque *a priori* demonstrat: ergo ipsa est essentia Corporis.

poris non tantum Mathematici sed etiam Physici. p. A. Impenetrabilitas est capacitas replendi locum cum exclusione alterius : atqui illud quod tripliciter extensum est, replet locum : ergo. R. N. A. ad prob. D. m. quod extensum est, replet locum, & illud ipsum *extensum*, cum sit aliquid *compositum*, habet suam extensionem seu compositionem ex impenetrabilibus, quæ tribuunt aptitudinem ad componendum actu aliquod extensum, seu partes actuales, C. m. & non habet hoc ex impenetrabilibus seu ex impenetrabilitate tanquam ab aliquo priori. N. m. & C. a posteriori tantum inferitur, *Corpora esse impenetrabilia, quia sunt extensa*, quatenus nempe ab *extensione* tanquam ab *effectu* arguimus, adesse aliquam *causam* hujus extensionis, quæ alia non est nisi impenetrabilitas, quæ facit, ut partes quia *compenerari* nequeunt (sic exigente *vi activa* substantiarum simplicium materialium, ut dicemus) extra se invicem ponantur & extendantur.

Inst. Teste S. Augustino l. de quant. sed Mathematicum
animæ. n. 6. in idea Corporis trina ex-
tensio omnium primo concipitur, dum aut Physi-
cum.
ait:

Sect. I.

ait : prius abs te quæro , utrum Corpus ullum putes esse , quod non pro modo suo habeat aliquam longitudinem & latitudinem & altitudinem ? - si hoc demas Corporibus - - neque sentiri possunt , neque omnino Corpora esse recte existimari : ergo. R. 1. D. A. In idea Corporis Mathematicæ aut Physicæ spectati, C. A. Metaphysicæ accepti. N. A. & C. Id clare patet ex posterioribus S. Doctoris verbis, videlicet : neque SENTIRI possunt ; sola enim Corporis physice sumpti essentia sub sensus cadit. (XXIII.) R. 2. Retorq. Etiam in idea hominis, dum v. g. alicujus hominis reminiscen- tiam in mente excitamus , nihil prius nobis occurrit, quam forma illius extrinseca , lineamenta scilicet faciei , vestitus & incessus : ergo etiam forma illa extrinseca hominis essentiam Me- taphysicam constitueret, quod falsum est. R. 3. Inverto arg. In idea Corporis Metaphysicæ considerati nihil prius re- lucet quam impenetrabilitas radicalis : (XVII.) ergo hæc est illius essentia. Videantur etiam dicta in Metaph. fol. 631.

ARTICULUS II.

An revera existant Corpora?

XXVII. **E**T si quaelibet scientia *objectum* Corporum suum, quod respicit, *præ*-existentia supponere non autem probare debeat, contra haud inutiliter tamen Corporum existentia hic in limine Physicæ demon-
 stranda venit: nam ubi Cartesius certissimæ cognitionis principium statuit notum illud: ego cogito: ergo sum (Log. fol. 171. & Metaph. fol. 201.) atque ex eo humanam mentem certius de sua quam de Corporum existentia judicare docuit, suspecta hæc ipsa a quibusdam haberi cæpit, quos inter Cl. Malebranchius juratus Cartesii asseda in suis *illustrationibus* ad libros de *inquirenda veritate* asserere non dubitavit, humana ratione vix ac ne vix quidem probari posse existentiam Corporum, nisi Divina hanc nobis auctoritas persuaderet: nec minus aperte quoque recentiores nonnulli immaterialistæ aut Monistæ (Metaph. fol. 698.) cum antiquis Scepticis atque Pyrrhonicis (Log. fol. 15. 410. & 551.) existentiam Corporum omnino negare cæperunt: nempe quid
 P. Oster. Phys. Pars I.

Sect. I.

non audet pessima quidvis credendi
libertas? Contra hos igitur sit

PROPOSITIO

Evidens est, quod existant

Corporum

So. de pro-
batur.

XXVIII. PROBATUR. Evidens dici-

tur id, quod menti tam

clare relucet, ut, vel ex prima apprehen-

sione terminorum non possit non

eidem assentiri (Log. fol. 173.) atqui

sic se habet existentia Corporum: ergo.

p. m. Corporum existentia menti re-

lucet tum per *sensus externos*, dum re-

vera quotidie substantias quasdam im-

penetrabiles, extensas & sensibilibiter

mutabiles tangimus, gustamus;

videmus, audimus & olfacimus:

tum per *sensum intimum*, quatenus

anima vigilans & attenta sibi, clare

est conscia, idem lapidis v. g. aut ar-

boris non tantum non esse ideam urbis

aut fluminis, sed etiam multum differre

ab ipso lapide & arbore realiter sensus

immutante: tum denique per *sensum*

communem omnium omnino hominum

(exceptis paucis *Idealistis*) ita judi-

cantium &c. atqui *sensus externi*, possi-

tis

tis omnibus ad sentiendum requisitis, nunquam fallunt, (Log. fol. 412.) sensus quoque intimus, utut objectorum externorum certitudinem non pariat directe (Log. fol. 433.) parit illam tamen reflexe, si comitem habeat ideam claram & distinctam (ibidem fol. 714.) & secundum certas leges ponderatam (ibidem fol. 716.) similiter etiam sensus communis seu instinctus naturæ nos haud fallit, ne in ipsum naturæ auctorem error refundi debeat (ibidem fol. 436.) ergo Corporum existentiae Mens vel ex prima apprehensione terminorum (vel potius proprietatum Corporum) non potest non assentiri, & consequenter hæc est illi evidens (Log. fol. 720.) & quidem evidentia non tantum physica sed etiam Metaphysica, saltem reflexe (Log. fol. 714.) plura hic argumenta contra Immaterialistas opponere necesse haud dabo, quin potius si præfati Pyrrhomæi omnia prorsus negare velint, ipsis quoque negari potest, quod res ipsa in rerum natura existant; adeoque & Corporum existentia ab ipsis (utpote in ista Hypothesi non existentibus) negari haud potest, quia, ut axioma habet, non entis nulla est qualitas. ergo etiam non

Sect. I.

existentis nulla est affirmatio aut negatio : aut fortasse si quis eosdem ex somno voluntariæ suæ inscitiae efficaciter excitare velit, melius atque utilius *ad hominem* arguet argumento, ut ajunt, fustuario, videlicet *stipitibus duris sudibusque præustis* in illos agendo, ut sic vere sentiant ex effectu doloris *realis*, quod ejusdem quoque causa detur *realis*, id est, quod *a parte rei* & non tantum in *Idea* aut imaginatione existant Corpora ipsos torquentia. (Metaph. fol. 485.)

SOLV. OBJ.

Nec obstat
eorum
contingen-
tia in exi-
stendo.

XXIX. **O**B. 1. Corpora sunt *contingentia* quoad existentiam : ergo de hac non datur *evidentia* ; aut secus de eadem Corporum *existentia* dari posset scientia stricte sumpta (id est *evidens cognitio*) quæ tamen non nisi de rebus *necessariis* habetur (Log. fol. 725.) ergo. R. D. C. non datur *evidentia* sensuum & physica. N. C. non datur *evidentia* Metaphysica subd. directe C. C. reflexe. N. C. & C. utique Corpora *quoad se* non existunt *necessario*, sed possunt absolute non existere, *quoad nos* tamen asserere licet, ea tamdiu existere.

stere, quamdiu sensus nostros feriunt, sicuti certum ac evidens est, me tamdiu *existere*, quamdiu *cogito*, quia cogitare nequeo, quin re ipsa existam, sic enim & corpora *sensus* nostros *ferire* non possunt, quin a parte rei *existent*.

OB. 2. Ex eo, quod sensationes Aut im- oriuntur a substantia, quæ a nobis est pressio- diversa, non sequitur, substantiam il- num sen- lam esse *corpoream*; nam 1. aliud est: sibilia impressiones *sentire*, aliud: eas debere incerti- a corporibus in nobis oriri. 2. solus Deus per se ipsum potest sensus nostros omnibus modis commovere: vel etiam genius malignus ita nobis illudere valet: ergo R. N. A. unacum ejus probationibus. Nam ad *primam*, certe sensationum impressio a solis corporibus non vero a *spiritibus* excitari *proprie* valet; alias Christus *Luc. 24. v. 39.* ad demonstrandam realem corporis sui resurrectionem male dixisset: *palpate & videte, quia spiritus carnem & ossa non habet, sicut me videtis habere.* Ad 2dam sequeretur, benignissimum Deum delectari in nobis perpetuo fallendis, quod diere non licet absque gravissimo scelere. Dein non est nobis clarius, quomodo quicunque *spiritus* externus pos-

Sect. I.

fit in nobis excitare ideas rerum *sensibiles & extensas*, cum tamen ipse sit *insensibilis & inextensus &c.*

Aut phan-
tasmatum
deceptio.

OB. 3. Vehementia humanae imaginationis per motus in cerebri ductibus excitatos corporum vices commode sustinere, variasque sensationes de se fictas ut veras per phantasiam producere valet, ut v. g. in somniis experimur, aut ut faeminae praegnantēs sola imaginatione notas foetus perennes imprimunt: ergo corporum existentia per *sensus* demonstrari nequit. R. D. A. Ita tamen, ut homo sanus & vigil facile discernere valeat inter ejusmodi sensationes vere aut fecte in somnio aut vigilia factas, C. A. ut non possit sic discernere, N. A. & C. quivis haud difficulter distinguit inter actualem *sensationem* frigoris, caloris, famis, sitis &c. quam vigil & sanus in corpore suo habet, & inter *Ideas* tantum horum omnium, per imaginationem aut phantasiam resuscitatas. Quod autem faeminae praegnantēs ejusmodi notas foetibus suis imprimant, in causa est sanguinis a passione quadam commoti vehemens agitatio, (Metaph. fol. 817.) adeoque etiam isthaec sensatio in utero materno excitata diversi corporis exi-

sten-

stentiam non minus efficaciter pro nobis demonstrat. (Alia adhuc, quæ obijci hic possent, partim in Logica (fol. 554.) partim in Metaphysica (fol. 487.) diluta sunt.

SECTIO II.

De intrinsicis compositorum naturalium Principiis.

ARTICULUS I.

Præmittuntur diversæ de his principiis Philosophorum sententiæ.

XXX. **Q**UONIAM fides & ratio Christianos Philosophos docet corporeum hocce universum non fuisse ab æterno, nec in æternum duraturum esse, sed incepisse in tempore, ac de-nuo interiturum fore, manifeste sequitur, ipsum esse *mutabile*, (Metaph. fol. 63.) & contingens (ibidem fol. 62.) Id quod etiam innumeræ *mutationes* & quotidianæ alterationes in sensus nostros incurrentes abunde demonstrant: adeoque supponit rationem sufficientem tum suæ existentiae seu

Ratio sufficiens mundi Corpori, tum extrinseca, tum intrinseca, inquitur.

actualitatis, tum etiam suarum mutatio-
num, (ibidem fol. 26.) extrinsecamun-
di huius corporei ratio, vel potius
causa, tum efficiens tum finalis, ut S.
Scriptura clarissime indicat; est solus
Deus; is enim in principio creavit cœ-
lum & terram. Genes. 1. Item Prov.
16. v. 4. Universa propter semetipsum
operatus est Dominus: Causæ vero in-
trinscæ rerum corporearum (quæ di-
cuntur causa materiali & formali)
fundatæ in entitatibus, ex quibus cor-
pore compomuntur, sub nomine pri-
morum principiorum a Philosophis omni
retro tempore non minus operose in-
quisitæ, quam subtiliter ignoratæ sunt,
prout eorum in iisdem principiis stabi-
liendis pugna atque dissensio & opinio-
num varietas inclarescere faciunt: ne-
que vero hoc illorum dissidium origi-
ginem traxit a pertinacia aut studio vin-
cendi, sed earum rerum obscuritate, quæ
ad confessionem ignorationis adduxerunt -
omnes pæne Veteres, ut refert Tullius
Q. Q. Acad. 1. 1. c. 12. Juvat hic am-
prioris eruditionis Philosophicæ a Ty-
ronibus captandæ causâ præcipuas
Veterum tum etiam Recentiorum
opinionēs juxta antiquitatis seriem
(Log. fol. 12. & seqq.) attexere, ac
tan-

tandem ex iis probabiliorem elieere.

EPOCHÆ I.

Opiniones Hebræorum & antiquorum gentilium seu Barbarorum.

XXXI. **HEBRÆI** a Moyse primo omnium gentium scriptore, suoque duce divinitus constituto immediate de rerum corporearum origine notitiam hausere, cujus Epitome in *l. 1. Genes. c. 1.* Juxta interpretationem Cl. Antonii Gen. Elem. Met. T. 1. in *Dissert. Physico-Histor. §. 2.* sic se habet: *1.* Deus ponitur tanquam primum & unicum mundi principium (*causa efficiens*) & opifex rerum creatarum, sex dierum intervallo totum hoc universum ex nihilo produciens, ita quidem 2. ut omnium primo produxerit *Chaos*, hebraice *Maim* (quod vulgata Biblia nostra vertunt *aquas*) id est, massam quamdam fluidam: 3. hoc fluidum vehementissimo motu a Deo fuit agitaturn, qui motus Hebraice *Ruah Jehova*, latine *spiritus Dei* dicitur, (juxta illud: *spiritus Dei ferebatur super aquas*) a quibusdam SS. PP.

Hebræorum
Physiologia.

Sect. II.

etiam *vis quædam in natura activa* vocatur. 4. Ab hoc spiritu secundum leges Mechanicas facti sunt planetæ & stellæ; 5. Itemque in terra productæ sunt *vires genitrices* animantium & plantarum verbis illis: *germinet terra herbam virentem, - - producat - animam viventem in genere suo!* 6. Demum quasi per consilium totius SSS. Trinitatis (*faciamus hominem ad imaginem & similitudinem nostram!*) ex limo terræ secundum corpus formatus est homo, secundum animam vero spiritu oris Divini inspirantis *spiraculum vitæ*, &c. & hæc genuina nascentis mundi historia!

Quid fenserint
Chaldaei?

XXXII. CHALDÆI scientiarum laude olim summopere conspicui duce ac Præceptore suo Zoroastro res omnes in hoc universo existentes in tres classes dividebant: in prima collocabant ea, quæ initio & fine carent: in 2da illa numerabant, quæ quidem aliquando inceperunt, at nunquam desinent: in tertia demum constituiebant illa, quæ & initium habuerunt, & cum tempore peribunt. In primam porro classem referebant solum supremum Numen, tanquam omnium rerum principium & finem, ipsumque sua lingua vocabant

MUNDUS

Q

OR

OR seu UR, latine igne n. (unde & ignis supremus Chaldaeorum aliorumque populorum Orientium Deus, fuisse passim legitur) ab hoc supramundano quoddam infinitum & incorporeum lumen, seu lucidum quoddam spatium, naturarum spiritualium ab illo supremo igne flammarum aut scintillarum ad instar prodeuntium sedem beatam, emanasse fingeant, (id quod Veteres quidam SS. Patres de *Angelis spiritibus* jam ante mundum hunc corporeum conditis interpretabantur) nec minus etiam naturas materia praeditas ab eo ipso supremo lumine nondum productas, sed & anima quoque mundi ut ajunt *generali* irradiatas vitaeque donatas esse somniabant : hinc mundi animæ seu naturæ genitrici jungant adhuc *potentias* quasdam *mundanas*, tanquam *solam* (prout loqui amabant) & *indeclinabilem mundorum causam*, per quas alii Divinæ mentis *Ideas*, alii abstracta & separata *Platonis exemplaria*, alii denique *Deos gentilium minores* intelligere volunt. Rerum vero mundanarum Originem declaraturi materiam æternam statuere, sub nomine *Chaos* mundo præexistentem & trium mundorum parentem, vide-

Sect. II.

videlicet. 1. *Empyrii* seu rotundi ac solidi firmamenti, supramundano luminis proxime adjacentis, in quo mentem sive Deum residere volebant: 2. *Ætheris*, orbis stellarum & planetarum excepta luna in se complectentis, in quo animas sive *naturas spirituales* collocabant: 3. *Materialis* seu crassi & oranium infimi, tria elementa aerem, aquam & terram continentis, in quo *naturas* simpliciter, id est, *corpora* habitare dicebant. Cæterum etiam planetas in orbe æthereo consistentes interiore quodam spiritu seu anima agitari & vivificari credebant, indeque ex regulis Astrologiæ suæ judicariæ, cui supersticiosæ arti vel maxime dediti erant Chalkæi, deduxere, septem has stellas errantes sive planetas vere in se continere *rationem causarum agentium*, adeoque & effectuum in hoc mundo contingentiam. Tandem eo amentia pervenere, ut loco increati sapremi luminis hosce creatos mundi ignes, solem scilicet Lunam & stellas Divinis honoribus colere cæperint, eoquod nempe exolescente sensim in hominum mentibus Dei invisibilis memoria solis visibilibus intenti viderent, a creatis hisce luminaribus, sole præcipue, plurima

rima terrarum orbi beneficia conferri,
& omnium mortalium facta spectari,
quod & nomen *Dei* *Deus* indicare vi-
detur, utpote Originem suam trahens
a verbo *Deus* *videre, aspicere.*

XXXIII. PERSÆ populi Vetusissimi Quid Per-
teste Vossio de *Idolol.* l. 2. c. 64. *Ovum* *ix?*

pro mundi Symbolo statuerunt, &
ignem cum Chaldæis & aliis Orientali-
bus pro Deo habuerunt. Per *ovum*
vero, ex quo ovium pulli prodire so-
lent, perquam accommode intelligi po-
test materia seu *Chaos*, (n. præc.)
per ignem autem *activum* quoddam
principium seu *Mens* hæc omnia vivifi-
cans: unde passim de iis legitur, quod
duo universi principia admiserint, unum
iners & *passivum*, sive *Chaos*, & alte-
rum *activum*. INDORUM pariter Gym-
nosophistæ teste Strabone *Geogr.* l. 15.
mundi materiam vocabant *aquam* sive
fluidum Chaos tanquam principium *pas-*
sivum, ex quo rerum omnium opifex
& primum *agens* Deus cuncta isthæc
creata *active* produxerit. Ast in hoc
pessime errabant, quod materiæ primæ
rerumque omnium creaturarum emana-
tionem ab una ejusdem Dei substan-
tia exemplo *aranea* telam e sinu suo

Sect. II.

Sinenses,

evomentis declaraverint; inde enim *Pantheistis* & *Spinozillis* (qui docent totum universum esse unicum ens, quod se varie modificat cogitando & alterando) impla sua doctrina præcesserunt. Moderni quoque SINCENSES teste cit. Cl. Ant. Gen. docent, mundum ex duobus esse formatum, scilicet ex materia crassiore & ex æthereæ atque activa, quæ sit spiritus mundi; adeoque rerum omnium generationem non esse quid aliud, nisi variam æthereæ substantiæ cum crassiore materia modificationem, mortem vero esse transitum spiritus seu ætheris ex uno in aliud Corpus, quod falsum dogma græce *μετεμψυχωσις* latine *transmigratio animarum* audit. (Met. fol. 797.)

Phænices,

XXXIV. PHÆNICES gens antiquissima, litterarum non modo & numerorum, sed & Astronomiæ ac scientiæ navalis, ut Plinius tradit, inventores, insuper & in rebus Philosophicis suo ævo facile omnium peritissimi, ut refert Strabo *Geogr. l. 14.* hæc de primis rerum principiis tradidisse dicuntur. Ante omnem hujus universi Originem extitisse dicunt spiritum, seu vim genitalem & intelligentem, ut exponit

Gro-

Grotius de verit. Relig. Christ. 1. 1. c. 2.
Fingunt, hunc spiritum tandem ali-
quando captum amore Idearum seu prin-
cipiorum suorum arctius se Chaos im-
miscuisse, eamque commixtionem vo-
cabant, cupidinem, aut connubium: 183.
Ex hoc connubio natam esse volunt
materiam quamdam paulo corpulentio-
rem, mollem tamen (Mosaycum abyf-
sum interpretatur Grotius citatus, alii
vero Chaos turbidum seu aerem tene-
brosum) 184. Hinc tandem factum esse
rerum omnium in toto hoc universo
productarum seminarium.

XXXV. Aegyptii populi quondam
florētissimi & in scientiis versatissimi
(ab his enim ipsemet Hebræorum
summus dux & Magister Moyses sapi-
entiam hausisse legitur Act. 7. au. 22.)
de mundi Origine testibus Laertio in
proëmio & Diodoro Siculo 1. 1. sequen-
tia litteris consignata reliquere: 185.
Materiam tanquam universi principium
passivum vocabant, 186. (Hylē) id est
confusam molem aut Chaos tenebro-
sum: 187. Huic quoque addiderunt
aerem seu principium activum aut vim
spirantem (alii interpretantur motum)
cujus efficacia rudis illa indigestaque
moles in elementa primum discreta sit.

Et Aegy-
ptii cum
Thraci-
bus ?

ita

Sec. II.

ita ut vi Mechanica ignis sublimiorem, terra infimum, media autem Corpora medium locum obtinuerint: sed & animantia quoque singula ex molli adhuc tellure nata, suisque locis, in quibus nascebantur, adaptata sunt. Docebant item, mundum hunc Mechanice, prout natus est, suo tempore interiturum, nempe aut *combustione* aucto ignis calore, aut *inundatione*, si aquarum vires sint prævalituræ. Deum suum, quem supremo cultu sub nomine CHNEPH prosequiebantur, Persas imitati (XXXIII.) cum ovo mundi Symbolo ori inserto depingere solebant, cæterum pro suo in artibus & scientiis omnibus addiscendis Magistro ac Præceptore *Mercurium* quemdam, *Trismegistum* id est, ter *magnum* vocatum habebant, atque ad legendas Columnas Symbolicas ab ipso erectas magno numero & ingenti cum aviditate peregrinari consueverant: putat vero Cl. Huetius, Mercurium hunc eundem fuisse cum *Moyse*, ejusque Columnas Mosaycam doctrinam continuisse, quod tamen alii rursus negant. Id ipsum porro quod Ægyptii, etiam THRACES olim de mundi exordio tradidisse dicuntur duce quodam Orpheo, qui teste Diodoro Siculo l. 4.

in Ægypto omnem pene suam Physio-
logiam & Theologiam hauserat, om-
niumque primus Lunæ & reliquorum
Planetarum ac stellarum incolas docuisse
fertur, quem in hac opinione secuti
sunt ex antiquis Anaximenes, Anaxa-
goras, Aristarchus, Democritus &c.
& ex recentioribus nonnulli Physici
A catholici, quorum doctrinam in Phy-
sica particulari refutabimus.

EPOCHÆ II.

Opiniones Græcorum Philoso- phorum.

XXXVI. **A** THALETE, qui fuit unus *Opinio*
de septem Græciæ sapien- *Thaletis.*
tibus & dux sectæ Jonicæ, libertas
philosophandi apud Græcos initium
sumpsit: Philosophi enim ætatem Tha-
letis antecedentes rudem plebis sensum
ac superstitiosum, quem diis suis ex-
hibebat cultum palam proscribere non
ausi duplici quasi lingua utebantur,
una *theologica* per Symbola & Ænigma-
ta, qua loquebantur cum populo: al-
tera *physica* & clara, qua de rebus
physicis physice, hoc est, secundum

E

pro-

P. Oster. Physic. Pars I.

Sect. II.

proprietates suas naturales atque in sensus incurrentes vel inter se vel cum suis discipulis discurrebant. Thales igitur primus ex Græcis Philosophis universam materiam non jam *Chaos* cum Veteribus statuit, sed *ex aqua dixit constare omnia*, ut refert Tullius Q. Q. Acad. l. 4. c. 37. ita ut ex ea per condensationem & rarefactionem variam a suprema MENTE producta sit terra, ignis & aër, atque ex his reliqua cuncta. Alii id ipsum de *terra*, alii de *igne* rursus alii de *aëre*, quod nempe sint prima rerum principia, affirmare malebant. Sed omnium maxime singularis est ANAXAGORÆ sententia, quam Aristoteles exhibet 1. Phys. c. 5. docuit nempe ille Philosophus, a Deo sub ipsum mundi hujus exordium ex informi & commissa particularum entitative dissimilium congerie, quam *Hylin* vocat, productas fuisse innumeras particulas, totidem proportionaliter speciebus per omnia similes, quot corpora naturalia defacto forent creata, adeoque nihil in rerum natura fieri, nisi novam tantum earundem particularum *insensibilem* (quas *germina* vocat) & *sensibilem* (quas *ova* seu *ovula* appellat) separationem & conjunctionem: partes

Anaxa-
goræ,

tes ergo istas similes. Lucretius *Homœomeriam*, id est, particularum similiarum *acervationem* indigitavit, tota vero omnium particularum collectio *Panspermia* sive universale rerum omnium seminarium passim dicitur, voluitque, ut citatus Poëta canit, ita ex præfatis particulis similaribus omnia componi, ut os v. g. ex minutissimis ossibus, nervus ex minutissimis nervulis, sanguis ex minutissimis sanguinis guttulis, ac etiam oculus ex minutissimis & physice insensibilibus ocellis coagmentetur: cum enim vidisset, ex nihilo nihil fieri naturaliter, novas tamen generationes semper in universo contingere, sed & omnia prorsus animalia uniformi quodam pabulo v. g. gramine, avena, aut pane vesci, indeque nutiri & augeri venas carnem ossa &c. putavit hæc omnia debere necessario secundum proprias suas formas in alimento latere v. g. in pomo, quod homo esset comesturus, jam formaliter contineri sanguinem & carnem humanam &c. rem ita describit Lucretius utut carmine minus eleganti:

E 2

Nunc

Sect. II.

Nunc & Anaxagoræ scrutemur Homœomeriam.

Principium rerum, quam dicit Homœomeriam :

Offa videlicet e pauxillis atque minutis
 Ossibus: sic & de pauxillis atque minutis
 Visceribus viscus gigni, sanguinemque
 creari

Sanguinis inter se multis coeuntibus
 guttis,

Ex aurique putat micis consistere posse
 Aurum, & terris terram concreescere :
 parvis

Ignibus ex ignem, humorem ex humo-
 ribus esse :

Cætera consimili fingit ratione, putat-
 que &c.

Hoc Anaxagoræ Systema ex parte
 resuscitarunt, qui *involutorum Hypothesin*
 (Metaph. fol. 813.) seu *evolutionis Sy-*
stema sustinere conantur. Verum quis
 sanus sibi persuaderi sinat, in unica v. g.
 herba, quæ innumeris animalibus ci-
 bus esse potest, *formaliter* inexistere
 omnes particulas ovinas, bovinas, ca-
 prinas, equinas &c. ? Item in quavis
 carne particulas hominis, tygridis,
 vulpis, canis &c. cum omnia prædi-
 cta animalia ex carne possint nutiri &c. ?
 Nec minus paradoxum esse nonnullis
 vide-

videtur ovum a gallina hodie depositum in primæ gallinæ ovo jamjam delituisse, aut primum semen omnia in se complexum fuisse semina postea evolvenda, utut alii illud prius Anaxagoræ commentum damnantes, hanc postremam sententiam approbent. (loc. cit.)

XXXVII. PYTHAGORAS Sectæ Pythæ Italicæ auctor, & teste Eusebio l. 10. goræ, *Præpar. Evang. c. 2. Philosophorum princeps, qui quid apud quosque præclarum & eruditum esset, diligenter explorans, Babylonem Ægyptum Persidemque peragravit, ac postea ex diuturna quadraginta annorum peregrinatione in illam Italiæ, partem, quæ tunc magna Græcia nunc autem Calabria dicitur, veniens tanta sapientiæ fama inclaruit, ut, si fides sit Laertio in ejus vita, neque pauciores sexcentis essent, qui noctu ad illum audiendum consluerent, & si qui præsentia ipsius frui meruissent, scriberent suis, tanquam magnum quiddam ac præclarum se adeptos. Is igitur Pythagoras, prout ex Stanlejo refert Cl. Ant. Gen. in cit. Dissert. c. 2. §. 2. tres humanæ mentis status in ordine ad doctrinam adipiscendam distinguebat, infimum, supremum & medium: primum dixit*

Sect. II.

eum, quo mens non nisi *sensibilia* operis sensuum speculatur: *secundum*, in quomera *intelligibilia*, id est, ab omni materia & sensibus remota contemplatur: *tertium* denique, ubi se mens ad Arithmeticæ Geometriæ elementa ac Theoremata addiscenda applicat; Geometriam enim esse viam quamdam affirmabat, per quam intellectus paulatim a *sensibilibus* ad *intelligibilia* progredi queat, cum illa ipsa facultas neque pure *sensibilibus* neque etiam pure *intelligibilibus* intendat, sed ambo potius coniungat: Indeque probabilius venit, quod Plato Pythagoricæ doctrinæ cultor eximius scholæ suæ foribus postea inscripserit: *nullus Geometricæ expertus huc intrato.* Pythagoræi autem ex mente Præceptoris sui (qui nihil litteris consignaverat;) res omnes naturales ex *materia* sive *subjecto* & *numeris* constare dicebant, ut refert Aristoteles *l. 1. Met. c. 6. & alibi*, id est, ex materia certo partium numero, certo ordine, certaque mensura distincta ac disposita, certoque motu agitata; nihil enim aliud, inquit Cl. Purchotius *p. 1. Phys. Sect. 2. c. 1.* hoc loco *nummerorum* nomine in mentem venire debet, quam quod de Deo dicitur *Sap.*

II. v. 21. eum nempe omnia in mensura & numero & pondere disposuisse, sicut & Stobæus, *Eccl. Phys.* ex multorum Græcorum sententia refert, asseruisse Pythagoram, omnia ex numeris generari: ille autem non ex numero sed secundum numerum generari omnia autumavit; res enim non sunt numeri, ait quoque Sextus Empyricus, sed similes numeris. Dum vero idem hunc mundum anima quadam animatum esse asseverabat, alii per hoc vocabulum non nisi vires creaturarum activas seu naturam intelligunt: alii vero multo plures eum in multis, præsertim quæ mentis humanæ Originem concernunt, caligasse contendunt, (*Metaph. fol. 797.*) nempe ex veræ fidei luminis defectu. Cæterum Pythagoras omnium primus solem in centro Systematis planetarii immobilem constituit, & terram circa solem rotari docuit teste Burnetio apud sæpe citatum Cl. Ant. Genuesem.

XXXVIII. SOCRATES & PLATO Socratis & Platonis.
 sectæ Academicæ duces nobilissimi (*Log. fol. 14.*) teste Plutarcho de *placit. Phil. c. 3.* tria statuerunt hujus universi principia, mentem materiam & Ideas: per Mentem intellexerunt Deum

Sect. II.

Patrem & opificem ac principium universi *extrinsecum*, causam efficientem rerum omnium naturalium, & *vim activam* rebus omnibus præsentem eisque naturam ac motum tribuentem; fere ac anima nostra Corpori intime conjuncta calorem ipsi ac omne robur instillat, unde & Deum *animam mundi* appellare passim solebant Platonici. (Met. fol. 803.) *materiam* item primum rebus Orientibus & intereunti-

Ideæ
tonis.

Platō *subjectum* Plato nominavit, omniaque propterea *ex subjecto & Ideis* constare asseverabat: quid vero per hunc loquendi modum reipsa intellexerit? auctores non conveniunt: nonnullis quippe sentire visus est Plato, omnia quæ hoc mundo continentur, corpora constare ex materia secundum *Ideas* quasdam *externas* disposita, hoc est, secundum exemplaria quædam tam *extra Deum* quam *extra res ipsas* per se ab æterno subsistentia: fere sicut pictor hominis vultum *extra se* positum aspicit, quem penicillo exprimere cupit. Hanc opinionem Platoni attribuit Aristoteles ejusdem per viginti annos discipulus, eamque refellit l. 1. Met. c. 6. Alii tamen multo plures & auctoritate graviores existimant, nihil aliud visum

visum fuisse Platoni, quam quod Theologi Christiani docent, scilicet Deum secundum æternas, quas *in se* habet Ideas a sua substantia minime distinctas, universam hanc mundi compagem resque singulas produxisse, sicut artifex opus suum secundum Ideam, quam mente conceptam habet, effingit. Ita sentiunt plurimi ex vetustis Ecclesiæ, quos inter potissimum S. Augustinus in pluribus locis, & Boëtius insignis Platonicus. *l. 3. de consol. Philos.* verum cæteris paribus, si Regulas artis criticæ sequi velimus (Log. fol. 456.) standum est potius interpretationi Aristotelis, atque ingenue etiam *Divinum Platonem* (uti passim vocari solet) in hoc plurimum a veritate aberrasse. Cæterum adhuc memorabilis est modus, quo iste Philosophus Geometriæ studio addictissimus *generationem* universi declaravit. Nempe, ut ex Burnetio refert idem Cl. Ant. Gen. loc. cit. c. 2. §. 3. Cum res mundanas *videri tangique* posse oporteat; nihil autem sub *visum* cadat absque igne, nihilque *tangi* se permittat absque terra, quæ est corpus solidum, hæc duo elementa *ignem* scilicet & *terram* præ omnibus aliis a Deo esse

Sect. II.

creata voluit Plato: jam vero ut mundus cohæreat & unum quid efficiat, juxta eundem opus fuit, ut hæc duo extrema sibi invicem per *medium* quoddam proportionale connecterentur: & quia insuper omnia solida duobus semper mediis inter se copulari solent, Deus ignem inter & terram duo alia elementa, *ærem* videlicet & *aquam* disposuit tanquam apprime apta ad ignis & terræ mutuam *nexum*, indeque ex quatuor elementis ita dispositis mundum hunc esse conflatum Plato docebat. Porro quia corpora *solida* teste Geometria resolvuntur in plana, & plana iterum in triangula, ideo Elementa prædicta non nisi ex meris triangulis constare voluit, ita ut igni figuram pyramidalem ex quatuor triangulis compositam, ob facillimam aliorum corporum penetrationem attribuat, æri figuram octoedricam, hoc est, productam ex octo superficiebus, quarum unaquæque in sex triangula scalena dispescitur; terræ figuram cubicam, sex planis, quorum unum quodque quatuor in se triangula complectitur, constantem; aquæ demum faciem *Icosædricam* ex viginti triangulis conflata affingat. Postremo cum sic mundi corpus

pus Mathematicè potius quam physice constituisset, animam quoque Mathematicam ex numeris & proportionibus compactam eidem inferere atque associare non dubitavit, ut ex *Timæo* Platonis refert citatus Burnetius.

XXXIV. ARISTOTELES sectæ Peripateticæ auctor, ab omnium præcedentium Philosophorum semita quodammodo recedens, tria corporum naturalium principia in fieri, ut Scholæ loqui amant, constituit, eaque omnium facile celeberrima, tum si spectetur diuturnitas temporis, quo in Lycæis & Academiis floruerunt, tum si asseclarum multitudo consideretur. Sunt autem sequentia: 1. MATERIA PRIMA, quam Stagyrita l. 7. *Met. c. 3.* negative sic definit: *est per seipsam neque quid, neque quantum, neque quale, neque aliud quidpiam eorum, quibus ens determinatur.* Voluit nihilominus eam ab æterno Deo coævam existere, simulque formas omnes corporeas quadam naturæ necessitate in ea gigni, sive (ut ajunt Scholastici) ex ea educi, & esse unam, infinitam, immutabilem ac simplicem substantiam, nulli prorsus generationi aut corruptioni obnoxiam, positive autem 1. *Phys. c. 9.* illam descri-

Sect. II.

scribens ait, quod sit *primum subiectum uniuscuiusque rei, ex quo aliquid fit, ita ut non per accidens insit, & si quid corrumpitur, in hoc abibit ultimum.* 2. **FORMA**, quæ Græco vocabulo ab Aristotele dicitur *ἰντελεχία* latine *actus*, sive ut ille ipse eam vocat 1. *Phys. c. 7.* **RATIO ESSENTIÆ**, vel, ut ejus discipulis loqui placet: *principium, quod materiæ junctum definitam rei essentiam ac nomen tribuit.* Scaliger exercit. 80. sect. 3. istud nomen *ἰντελεχία* deducit ex tribus hisce Græcis vocibus *ἐν* in nempe quod sit velut anima in omnes artus infusa, adeoque pars compositi, & *τέλος*, quod sit *finis* & perfectio; & *ἔχειν*, quod possit *producere* omnes operationes & motus in compositis materialibus v. g. calorem in igne, frigus in aqua &c. atque in hoc sensu etiam Tullius q. q. *Tusc. l. 1. c. 10.* illud vocabulum exponit *continuatam motionem*, alii etiam *perfecti habeam* &c. 3. **PRIVATIO**, quæ ab Aristotele definitur 5. *Met. c. 22.* & 10. *Met. c. 7.* *absentia formæ in subiecto ad eam recipiendam apto*, non est principium constitutionis seu in *facto esse*, sed mutationis tantum sive in *fieri*: unde & a Peripateticis tunc solum *principiare* dicitur.

citur, quando non est: e. g. dum juxta ipsos ex ligno generatur ignis aut ex ovo pullus, privatio formæ ignis aut formæ pulli, quæ prius erat in materia ligni vel in ovo, *desinit*, eique succedit ipsa forma ignis aut pulli, quod quidem tam verum est, quam certum existit, idem v. g. lignum, quod modo est Mercurius, ante non fuisse Mercurium. Subjectum nempe seu materia prima in omni mutatione secundum Aristotelicos transit a privatione formæ novæ, quam nondum habet, tanquam termino *a quo* ad formam novam veluti terminum *ad quem*: facta autem mutatione in composito sola materia & forma ut principia intrinseca permanent. Plura de his principiis paulo post dicemus, (LIV. & seqq.)

XL. *Scholion.* Putat Cl. D. Purcho- In quo Py-
tius p. 1. *Phys. Sect. 2. c. 1.* quod thagoræi,
Pythagoræi, Platonici ac Peripatetici Platonici
rem eandem diversis tantum *vocabulis* & Aristo-
exprimant; nam materia & forma Pe- telici con-
ripateticorum inquit nihil aliud sunt, veniant?
quam materia *secundum Ideam* sapien-
tissimi rerum conditoris formata, ut
Platonici videtur: vel materia certo
partium *numero* certa que ratione & or-
dine

dine disposita, quæ est sententia Pythagoræorum. (XXXVII.) & sane quod *forma* Aristotelica reipsa nil aliud sit, quam *Idea Divina* in materia recepta (ut *forma artefacti* est *Idea artificis*, alicui subjecto applicata eique inhærens) non parum probare videtur, quod ab ipsomet Aristotele 1. *Phys. c. ult.* appelletur *Divinum quid*, scilicet *Ideæ Divinæ similitudo* aut participatio, quæ speciem ac decorem materiæ tribuit: sed & DOCTOR ANGELICUS 1. p. q. 15. art. 1. 2. & 3. *formam* similiter definit, quod sit *Ideæ Divinæ similitudo rebus sensibilibus impressa*, per quam res seu corpora sensibilia ad certam speciem reducuntur. in hoc tamen Peripatetici distinguuntur adhuc a Platoniciis, quod illi *privationem* tanquam principium generationis admittant, non vero isti.

Stoicorum
sententia.

XLI. STOICI teste Seneca *Epist. 65.* duo rerum principia cum Persis, Indis, Sinensibus (XXXIII.) Ægyptiis (XXXV) &c. admisere *activum* unum, id est, Deum *passivum* alterum, id est, materiam pure inertem, nulla vi aut motu præditam, penitus informem & partibus non nisi simplicibus constantem, atque per hoc a corporibus tanquam

quam principiatis distinctam, ab æterno existentem & in perpetuum duraturam : Deum vero, ut idem Seneca refert l. 4. de benef. c. 7. Vocabant naturam aut mundi animam, purissimum ignem vel Divinam rationem toti mundo ejusque partibus insertam. Cuncta item fato regi dicebant, neque Deum ipsum ab hac fatali necessitate eximentes, (Metaph. fol. 614.) perpetuas etiam mundi mutationes fore adstruebant, ita ut hoc mundo per ignem destructo & ad statum mundi increati reducto novus sit procreandus per rationes seminales, qui tamen idem factum sit subiturus. Animam quoque hominis, ut scribit Buddeus in Epitome Hist. Phil. c. 4. §. 38. Particulam esse volebant Divinæ essentiæ aut animæ mundanæ, quæ in Syderibus purior sit, ideoque ex coelo & æthere advenire dicatur, & cum ea ipsa rursus unienda sit &c. in quibus tot errores quot dogmata sparserunt.

XLII. EMPEDOCLES Agrigenti in Mens Em Sicilia natus, Italicæ seu Pythagoricæ sectæ Philosophus, non aquam tantum cum Thalete (XXXVI.) aut aliud quodvis elementum separatum sed omnia

Sect. II.

Elementa
quid sint ?

nia quatuor Elementa, ignem videlicet, aerem, aquam & terram pro materia prima eorumque diversam combinationem pro forma corporum diversorum statuit, & per hoc *Elementariorum*, uti vocant, Systemati initium fecit. *Elementa* autem sumpsit pro substantiis simplicibus, completis, heterogeneis (ita scilicet ut unum elementum constet ex particulis in se quidem homogeneis & similaribus, attamen ab alterius elementi particulis essentialiter distinctis) ingenerabilibus & incorruptibilibus, quæ singulis compositis, ut ajunt, mixtis formaliter insint, uti probare contendit ex combustionem ligni, ubi cum fumo avolat aer, vapores solvuntur in aquam, cineres remanentes indicant terram: ignis porro visibilis ardet. Cæterum ad efficiendam elementorum conjunctionem aut separationem (per quas rerum generationem, corruptionem & alterationem Elementarii explicant) Empedocles teste Laertio in ejus vita, statuit amicitiam, qua inter se copulentur, & discordiam, qua dissideant omnia, iisque juxta nonnullos intellexit calorem & impetum, per quos elementa ad diversa corpora corporumque status sensibiles & affectio-

nes

nes diversas constituendas combinarentur aut sejungerentur : ideoque etiam *motus* & *combinationis modificationi* omnes possibiles mutationes adscribebat.

XLIII. DEMOCRITUS Leucippi di-
 Scipulus in inquirendis naturæ arcanis
 nemini ex antiquis Græciæ sophis fa-
 cile secundus prima hujus universi
 principia *plenum* & *vacuum* sive *atomos*
 & *inane* constituit, eumque in hac opi-
 nione strenue subsecutus est EPICU-
 RUS, qui ambo per *atomos* intellexere
 corpuscula insecabilia, multitudine in-
 finita, æterna, homogenea (id est,
sensibiliter ejusdem speciei physicæ,
 utut figura & magnitudine *insensibiliter*
 easdem differre non negaverint) ani-
 ma quadam seu vi motrice prædita,
 atque ad hunc mundum & omnia cor-
 pora mundana procreanda fortuito con-
 currentia absque ulla Dei directione,
 qui utique pessimus tum contra *fidem*
 tum etiam contra sanam *rationem* error
 est. *Inane* porro *infinitum* ideo adstru-
 xit, quia falso putabat, *motum* atomo-
 rum sese ab æterno mutuo collidentium
 totumque universum hoc modo

F

con-

P. Oster. Physic. Pars. I.

Sect. II.

constituentium *sine vacuo* absolute fieri haud potuisse, cujus argumenti fallacia soluta est in *Metaphysica* (fol. 641.) *Generationem substantialem* isti Philosophi ad instar *Elementariorum* (n. præc.) per solam atomorum novam & totalem conjunctionem; *corruptionem* per eandem dissolutionem; *alterationem* denique per illarum *perturbationem* explicare nitebantur: alios tamen adhuc errores admiscebant, nam præter *factum* (*Metaph.* fol. 613.) teste *Plutarcho de Phil. plac. l. 11. c. 1.* mundos infinitos *Democritus* admisit, primi hominis corpus ex *aqua & limo* efformatum fuisse, animamque ipsius & alterius cujusvis hominis ex *atomis rotundis* conflata ignem quemdam & calorem existere, docebat &c. Nihilominus hæc Philosophia vulgo *Mechanica* aut *corpuscularis* dicta, recentiore ævo nostro a suis nævis purgata & magis exculta ad explicanda naturæ phænomena magno cum applausu adhiberi atque in scholas passim introduci cæpit, ut ex paulo post dicendis manifestum fiet.

EPOCHÆ III.

*Medii ævi & recentioris sensa circa
prima principia corporum.*

XLIV. Equidem Philosophia nedum Strages
Platonica sed & aliæ quælibet artes & scientiæ primis Ecclesiæ artium re-
Christianæ sæculis in oriente æque parata a
ac occidente multum florebant, sui que Græcis ex
splendoris radios undequaque diffude- oriente fu-
rant : cum ecce circa sæculum a re- gitivis.
parata salutē quintum, sextum, &
septimum barbatae non minus quam
barbaræ nationes Gothorum, Longo-
bardorum, Vandalorum, Hunnorum,
Herulorum & Saracenorum e suis fe-
dibus excitæ locustarum ad instar ori-
entis occidentisque imperia subito in-
vadere, publica privataque jura om-
nia profanare, Bibliothecas libris di-
tissimas exspoliare, artes liberales &
scientias omnes e scholis, maxime
Europæis eliminare & cuncta sus de-
que vertere cæperunt. Circa finem
vero sæculi VIII. per Arabes ex Africa
in Hispaniam Commigrantes Philoso-
phica Aristotelis Stagyrîtæ dogmata
subito in Europam translata (Log. sol.

19.) tanto ubique, cum gaudio in publicis privatisque scholis sunt recepta, ut is unus quasi universalis hominum Magister & *Philosophorum* quidam quasi *Deus* haberetur: donec tandem anno 1453. capta a turcis urbe Constantino- poli everloque ab ipsis Orientali impe- rio Græci plurimi immanem Turca- rum barbariem exosi, magno numero in Occidentem fugientes Italiæ præ- primis littora petierint, & Florentinos præ cæteris ac Neapolitanos incolas de incomparabili scientiarum suarum the- sauro, quem unicum ex avara Sara- cenorum tyrannide secum portare po- terant, bonis litteris erudire & alio- rum quoque non Italarum modo sed & finitimorum populorum ingenia po- lare sensim & excitare inceperint.

A sæculo igitur decimo sexto in- sudarunt summa ingenia excusso Ari- stotelis Averroistarumque jugo fatis, ut ipsis videbatur, jam detrito *physica* veterum Philosophorum *principia* in- staurare, aut nova etiam Systemata, utut quandoque minus feliciter adin- venire. Sic Inter ITALOS palmam retulere Bernardus *Telesius*, qui cum Parmenide omnia ex igne tanquam prin-
cipio

cipio activo & ex terra tanquam principio passivo profecta esse voluit: Jordanus Brunus ex Monacho factus Apostata, Romæque anno 1600. flammis absumptus, de cætero Cartesianæ doctrinæ teste Huetio in Censur. Phil. Cart. c. 8. antesignanus: Andreas Cæsalpinus Clementis VIII. Medicus primarius, qui sanguinis circulationem omnium primus invenisse aut saltem clarius explicuisse traditur, anno 1603. defunctus: omnium vero maxime ex iisdem Italis inclaruit Galilæus a Galilæis florentinus, Philosophus & Mathematicus suo ævo omnium nobilissimus, qui Mechanicæ Philosophiæ dignitatem plurimis, & ad Mathematicas demonstrationes exactis adinventionibus plurimum auxit. Reliquas inter Europæ nationes Philosophiæ gloria aliis præstare nunc temporis censentur Gassendus & Cartesius Galli, Newtonus Britannus, itemque Leibnitius & Wolfius Germani, quorum Systemata circa corporum principia antequam describamus, Philosophorum Chymicorum, utpote antiquiorum (Elog. fol. 27.) placita adhuc præmittimus. Itaque

XLV. CHYMICI artis suæ amatores maximi ut eam ab antiquitate om-

Chymici
Philosophi.

Sect. II.

nibus venerandam exhibeant, teste Josepho Scaligero tradunt, jam in prima mundi ætate filias hominum a filiis Dei in pretium amoris hanc artem edoctas *Genes. 6.* omniaque ipsius arcana in uno quodam libro, cui nomen *X-u-u* (ex quo nomen *Chymia* vel *Chemia*) descripta, indeque ad posteros Chymicos translata fuisse, ex quibus unus maxime nomine *Hermes* (unde & *Hermetici* audire malunt) eandem ad summum fastigium perduxisset. Mitto alias speciosas & doctas fabulas: id certissimum est, quod Chymicorum industria ævo nostro ut plurimum auxerit illustraveritque naturalem & experimentalem scientiam; est enim Chymia proprie accepta ars ita resolvendi & componendi corpora seu per ignem præcipue seu per alia idonea instrumenta, ut detegantur eorum principia & vires, parenturque ex iis remedia, quæ saluti hominum prosint, in quo sensu *Cl. P. Florianus Dalham* e scholis piis in *Proleg. Phys. dissert. 2. pag. 36.* Chymicos vere appellat cruentos illos Philosophos, qui naturam latebris & silentio gaudentem ferro atque igne examinant, torquent, corripunt, ut ex ea arcanorum suorum & intimarum partium manifestationem

vio-

violente obtineant ; cum alii Philosophi
mitius agant , & ex spontaneis phæno-
menis naturæ lineamenta defmiant. Sua
porro instrumenta Chymici dividunt in
activa, eaque sunt ignis, aer, aqua,
terra, & dissolventia *menstrua* (sic dicta
a *menſe* Philosophico, 40. diebus constante
& ad resolvenda quævis mixta plerum-
que sufficiente) ac in *passiva*, ad
quæ varia ipsorum vasa spectant, ut
sunt *retorta*, *cucurbita*, *Alembix* seu
Alembicus, varii *furnuli*, *crucibula* &c.
quo magis ex inspectione in Pharma-
copæis quam ex longa & confusa de-
scriptione Tyroni patebunt : idem de
variis Chymicorum operationibus, quæ
sunt *sublimatio*, *destillatio*, *rectificatio*,
præcipitatio, *calcinatio*, *crystallisatio*,
percolatio &c. dicendum est. Jam vero
quinque rerum omnium principia Chy-
mici statuunt, *activa* tria & duo *passiva*.
Activa ipsis sunt *sal*, *sulphur*, & *Mer-
curius* : *passiva* autem *terra* (*caput
mortuum* quoque appellant) & *aqua*
(quod etiam *phlegma* ab ipsis dicitur)
rationem hæc asserendi sumunt ex eo,
quod actione ignis omnia corpora in
dicta quinque elementa resolvi putent,
unde & ex illis omnia corpora componi
volunt, juxta commune principium :

Sect. II.

ex illis partibus quodlibet mixtum intrinsece componitur, in quas ipsum resolvitur. Sic per experientiam quotidianam sibi notum esse dicunt, vinum v.g. Alembico inclusum per calorem ignis resolvi 1. in liquorem subtilem atque volatilem, quem idcirco spiritum aut Mercurium vocare solent; 2. Evaporato hoc spiritu remanet in dicto Alembico liquor insipidus, quem phlegma seu aquam appellant; 3. Materia hæc insipida atque viscosa retortæ de novo inclusa & igni superimposita mutatur in substantiam pinguem & igni concipiendo aptam, quam sulphur denominant; 4. Residuum tandem igne combustum in cineres abit; affusa tamen aqua per filtrationem duplex, rursus elementum fecernitur, quorum unum subtilius & per filtrum penetrans sal; alterum vero crassius & non penetrans terra seu caput mortuum audit. Plura de hisce principiis, itidem paulo inferior. Jam

Systema
Gassendi.

XLVI. PETRUS GASSENDUS
(Log. fol. 29.) Leucipi Democriti & Epicuri Systema (XLIII.) quoad substantiam assumptum & ab erroribus contra fidem correctum sub annum 1645. ita proposuit. 1. Pro materia
cor-

corporum statuit *atomos*, quas dixit esse corpuscula simplicia, solida, impenetrabilia, & si seorsim spectentur, ob parvitatem suam insensibilia, indivisibilia, homogenea, nec a se, sed a Deo cum ipsis, quæ constituunt corporibus in tempore creata, aut saltem in moleculas compacta atque in illis varie figurata, ita ut in ipsis moleculis *Metaphysice* ac *insensibiliter*; in corporibus autem *physice* & specie *sensibili* differre censeantur. II. *Formam* ut ajunt corporum *substantialem* gassendistæ dupliciter accipiunt: 1. Pro *spirituosis* seu *activis* atomis, quæ crassiores & inertes materiæ particulas pervadi & quasi animari docent; ideoque etiam analogia deducta ab anima nostra spiritali forma dici ab ipsis consuevit *spiritus*: aut *subtilis flos materiæ*; vel *tenuis olei flammula*. &c. 2. Sumunt pro varia tantum *textura*, configuratione & implicantia atomorum, ac variorum ex ea consurgentium *modorum apparatu*: adeoque pro *forma* non nisi *modali* ab atomis *modificatis* seu diversimode combinatis solum realiter modaliter distincta. Ita tamen ut hæc ipsa forma sit simul *distinctivum* formale & *specificum* unius corporis ab alio &

Sect. II.

radix omnium proprietatum corpori specifico competentium. Sic v. g. corpuscula triangulariter cuspidata juxta ipsos constituunt ignem; corpuscula annularia aerem; ramosa terram; sphaerica seu globuli majoris magnitudinis aquam; minimæ vero magnitudinis globuli lucem efficiunt &c. III. Ponit Gassendus, quod Deus sub ipsum mundi exordium *vi se movendi* dupliciter atomos donaverit. 1. Movendi se *directe*, tendendo deorsum *vi gravitatis*. 2. Se movendi *reflexe* in omnem partem pro diversitate illius corpusculi, in quod incidendo repellitur; cum angulus reflexionis angulo incidentiæ æquiparari soleat, ut patet v. g. in pila, quæ aliter a corpore plano & aliter ab obliquo aut sphaerico resilit: hoc duplici motu factum fuisse putat, quod atomi sese implicarint ac mutuo apprehenderint sicque in diversas moleculas primitus coaluerint, & nunc quoque ad motum sese incitare atque ab invicem extricare conentur, utut omnimodam dissolutionem in particulas *primigenias* efficere nunquam possint, sed varias solummodo in hoc mundo mutationes subeant & exhibeant. IV. Quoniam vero motus susteretur aut saltem impedi-

pediretur, si omne spatium foret *plenum* corporibus: ide cum Democrito (XLIII.) *vacuum* statuit, non quidem *coacervatum* sed tamen *disseminatum*, sive spatiola minima ubique inter materiae particulas dispersa, nullaquē prorsus materia repleta. V. Omnes demum *qualitates* corporum *sensibiles* per varium situm, motum & figuram atomorum Gassendiſtæ explicant, negando consequenter omnia accidentia absoluta in sensu Veteris Peripati. (Metaph. fol. 283.) hocque est genuinum Systema modernorum *Atomistarum*!

XLVII. RENATUS CARTESIUS Cartesii,
(Log. fol. 29. & 130.) in hoc cum Gassendo quoad substantiam convenire videtur, quod principia similiter *Mechanica*, id est, ex artificiosa materiae dispositione petita ad rerum naturalium explicationem adhibuerit; attamen in sequentibus ambo inter se multum dissentiunt. 1. Quod Cartesius vacuum nec actu dari nec dari posse contendat: nempe quia corporis essentiam in *triplici extensione* constituit, (XXII.) & quia omne spatium etiam *negativum* tripliciter mensurari potest, inde concludere nititur, omne spatium esse

Sect. II.

esse corpus, suntque ipsi præterea hi termini : *quantitas*, *extensio*, *materia*, & corpus omnino Synonymi : Gassendus autem *vacuum*, ut diximus, *disseminatum* actu admittit. 2. Cartesius substantiam extensam non in *atomos* duntaxat, ut Gassendus, sed in partes minores ac minores in *indefinitum* dividi posse affirmat. 3. Nullas item in corporibus *vires motrices* Cartesius admisit, sed a sola Dei moventis voluntate omnes universi motiones provenire suos edocuit (Metaph. fol. 482.) ita quidem, ut motus novus in orbe nullus producat amplius, sed ab uno duntaxat corpore ad aliud transferatur, ac proin eadem motus quantitas semper in universo conservetur, quæ sub initium mundi a Deo producta sit. &c.

Cartesiana autem de principiis corporum sententia fictio magis poetica, ex libris Metamorphoseon Ovidii deprompta, quam Systema Physicum ab acuti adeo Philosophi ingenio naturæ operationibus conformiter excogitatum esse videtur : est vero sequens, prout legitur 3. p. Princip. n. 45. &c. Item tract. de lumine c. 6. Mundum hunc eo quidem ordine & modo conditum esse

esse agnoscit, quo sacrae testantur litterae *Genes. 1.* ita nempe ut singula statim ab ipsa creatione *perfecta* fuerint, omniaque septimo ab exordio creationis die consummata atque completa: operæ tamen pretium esse putat diligentius examinare, quomodo omnia corpora sensibilia paulatim formari & *successive* produci potuerint; hinc enim eorum naturam longe clarius & evidentius perspectum iri vult: quemadmodum ad plantarum & hominum naturas intelligendas multo magis conducit *principia* aut *semina* expendere, per quæ produci solent, quam *modum*, quo a Deo in creatione mundi simul *existentiam* suam accepere. Cartesius igitur loco cit. n. 46.

SUPPONIT I. quod Deus sub rerum initium omnem illam materiam, ex qua hic mundus aspectabilis est compositus, diviserit in particulas quam proxime inter se æquales, & magnitudine mediocres, sive medias inter illas omnes, ex quibus jam coeli & astra componuntur, easque omnes tantundem motus in se habuisse, quantum jam in mundo reperitur, & æqualiter fuisse motas tum singulas circa seipsas

Sect. II.

seipsas seu circa proprias suas axes (quem *motum turbine* vocant) tum etiam plures simul motu *vorticis* circa alia quædam puncta seu centra, æque a se mutuo remota, & eodem modo disposita, ac jam sunt centra stellarum fixarum, nec non & circa alia aliquanto plura, quæ æquant numerum Planetarum & Cometarum. Exemplum motus *vorticis* capere licet in globulis lapideis aut metallinis pelvi ampliori & aquis repletæ immerfis, digitoque aut bacillo in gyrum actis, rotantur enim omnes tum circa se ipsos tum circa centrum pelvis, a quo per ambientem superficiem omnino recedere prohibentur: attamen in Systemate Cartesiano non unus tantum sed multiplices ejusmodi *vortices* statuuntur: unde tyro plurimas quoque ejusmodi pelves juxta se positas, in quarum singulis globuli gyrentur, veluti totidem *vortices* sibi imaginari poterit. Analogiam etiam vorticum Cartesii capere licet ex lacu quodam aut aqua stagnante, in qua subito ex diversis distantibus lapilli injecti diversos circulos aqueos vorticibus analogos efficere solent, cum hoc tamen discrimine, quod circuli isti aquei sese invicem dissecant

tes

tes sensim in littore desinant : dum econtra juxta Cartesium vortices materiae sese invicem tangunt quidem & atterantur , nunquam tamen omnino vorticoſe moveri desinant. Hinc SUPPONIT II. duplici hoc motu , particulis diviſae materiae potiſſimum cubicis non tamen duris & inflexibilibus ſed friabilibus a Deo impreſſo , per continuam & mutuam attritionem factum fuiſſe , ut triplicis generis materia ſeu tria , ut ait , *materiae elementa* , enaſcerentur. 1^{um} elementum vocat materiam *ſubtilem* , eſtque juxta ipſum ſubſtantia liquida , motu celerrimo agitata , nullius figurae tenax , omnium tamen facillime capax , ideoque ad ſubeundos corporum quorumvis poros ſive meatus perquam accommoda. Ex hoc igitur elemento ſolem , ignem & ſtellas procreatas eſſe cenſet. 2^{dum} Elementum appellat materiam *globoſam* , ſuntque globuli minutiffimi ex particulis praefatis cubicis quoad angulos multum attritis atque confractis remanentes , quorum ſpatiola interna (quia globuli ex omni parte ſeſe attingere nequeunt) a primo elemento repleantur. Ex hac materia coelum ſeu aetherem , lumen & quaevis corpora *diaphana* ſeu pellu-

Sect. II.

pellucida facta esse putat. *Tertium* denique elementum *materiam striatam* seu *crassam* nominat, quæ ex partibus ramosis, vel magis crassis, vel figuram minus ad motum aptam habentibus coalescit. Unde non tam ab intrinseca seu innata vi, quam ab impressionibus primi atque secundi elementi motum concipiunt, ad hoc elementum Cartesius quoque revocat quasdam particulas primi elementi ita inter sese conjunctas atque implexas, ut ad motum ineptæ fiant. Admittit tamen *loc. cit. n. 100.* solvi eas rursus posse continua globulorum agitatione, ac tandem in materiam primi elementi denuo converti. Ex hac materia terram & omnia corpora *planetaria* prodiisse arbitratur. III. Hisce igitur suis suppositis conformiter *materiam subtilem* seu *igneam* in circumrotatis vorticibus centrum occupare, ibique totidem soles vividos & ardentes (*Solem* scilicet, & *stellas* a sole non aliter nisi ob majorem distantiam differentes) referre voluit: secundum vero elementum seu *materiam globosam* ætheream & luminosam in vorticis atmosphæra constituit: tertium denique elementum ad extremos vorticis fines a perniciores materia sub-
tili

tili & globosa continuo deorsum propelli asseruit, indeque unice corporum terrestrium gravitatem repetebat; de cætero particulas materiæ omnes ex se leves esse voluit, id est, omnes conari recedere a vorticis centro, magis tamen primi & secundi elementi particulas: a crassa item materia quorundam vorticum paulatim incrustatum fuisse solitum nonnullorum vultum, ideoque in planetas eosdem conversos fuisse asseruit &c. Circa formam corporum, eorumque generationem corruptionem, alterationem & accidentia Cartesius idem sentit cum Gassendo (n. præc.) idemque ambobus Brocardicon est:

Mens, mensura, quies, motus, positura, figura,

sunt cum materia cunctarum exordia rerum. (Log. fol. 88.)

Ast quod Systema Cartesianum ne quidem ut Hypothesis defendi valeat, Systematibus Cartesii plures demonstrare nituntur, quos inter Cl. P. Daniel in suo libro, cui titulus: *Iter per Cartesianum mundum*: Cl. P. de Chales in sua *Hypothesis Cartesianæ refutatione*; & alii, dicentes, quod ista Hypothesis se ipsam destruat, sibi que contradicat, cum debeat admitti.

P. Oster. Phys. Pars I.

Sect. II.

admitti naturaliter *vacuum* (quod tamen Cartesius tantopere horret) antequam scilicet materia *subtilis* abrafa sit, quæ certe ante motum nondum datur; attamen partes actu jam sejunguntur (alias motus omnino non fieret) ergo in spatiolis illis intermediis particularum motarum nulla intermedia erit materia, & consequenter actu & naturaliter dabitur *vacuum ab omni corpore*. Plura de hoc Systemate suis locis dicentur.

Newtoni
Mens.

XLVIII. ISAACUS NEWTONUS
(Log. fol. 30.) nedum Thomæ Burnetio & Guilielmo Wifthono Patriotis suis (quorum opiniones eo collimabant, ut Moysis de Origine mundi historia *Genes. 1.* vel extenuetur vel Allegorice tantum accipiatur) sed & plerisque aliis teste Cl. Antonio Genuensi in philosophundo palmam prori-puit, “ nemo enim, inquit, *loc. cit. c.*
 „ 3. §. 4. post hominum memoriam
 „ aut ingenio plus valuit, aut judicio
 „ fuit æquiore, aut meditatione & stu-
 „ dio exercitior. Longe is a Cartesii
 „ indole absuit: non enim vagis Hypo-
 „ thesibus & conjecturis, sed certis
 „ experimentis, solidoque ac experi-
 „ mentis conformato ratiocinio philo-
 „ sophari

„ sophari amabat : unde & sua opera
„ effecit, ut conjecturalis illa Carte-
„ siana physica ex Anglia, quo se in-
„ sinuaverat, ejiceretur atque statue-
„ retur hæc altera modestior & cer-
„ tior. „ Is igitur in sua *optica* l. 3. q.
31. pro primis rerum principiis statuit
minimas particulas, mobiles, figura
& magnitudine diversas (prout nempe
etiam figuræ solidæ *Geometricæ* diver-
sæ sunt) impenetrabiles, longeque
duriores, quam ulla sint corpora ex
iisdem cum occultis interjectis meatibus
(nam *vacuum diffeminatum* cum
Gassendo admittit) composita, ita qui-
dem, ut nulla juxta ipsum in consue-
to naturæ cursu vis insit, quæ id in
plures partes dividere queat, quod
Deus ipse in prima rerum fabricatione
conjunxerat. Rationem hujus duritiæ
ac impenetrabilitatis sequentem assignat,
dum ait loc. cit : “ tamdiu dum par-
„ ticulæ illæ integræ perseverant, po-
„ terunt sane per omnia sæcula ex iis
„ composita esse corpora ejusdem sem-
„ per naturæ & texturæ : verum si
„ illæ deteri aut comminui possent,
„ jam futurum sane esset, ut rerum
„ natura, quæ ex iis pendet, immu-
„ taretur : aqua & terra ex particulis

Sect. II.

„ imminutis & detritis particularum-
 „ que fragminibus compositæ non uti-
 „ que eandem hodie naturam textu-
 „ ramque haberent, ac aqua & terra
 „ in principio ex particulis integris
 „ compositæ. Quare ut rerum natura
 „ possit durare, existimandum est,
 „ corporum omnium mutationes in
 „ variis solummodo separationibus no-
 „ visque conjunctionibus & motibus
 „ durabilium illarum particularum con-
 „ sistere: nam corpora composita dis-
 „ rumpuntur non particularum ipsarum
 „ solidarum fractura, sed separatione
 „ earum, qua parte ex commissuris in-
 „ ter se junctæ erant, & paucis tan-
 „ tum in punctis sese contingebant. „
 Et post pauca sic pergit: “ Porro vi-
 „ dentur mihi hæ particulæ primige-
 „ niæ non modo in se *vim inertia* ha-
 „ bere, motusque leges passivas illas,
 „ quæ ex vi ista necessario oriuntur,
 „ verum etiam motum perpetuo acci-
 „ pere a certis principiis *actuosiss*, qua-
 „ lia nimirum sunt gravitas & causa
 „ fermentationis & cohærentiæ cor-
 „ porum. Atque hæc quidem princi-
 „ pia considero non ut *occultas qualita-*
 „ *tes*, quæ ex specificis rerum formis
 „ (*formas substantiales Peripateticorum*
 „ New-

„ Newtonus hic intelligit) oriri fin-
„ gantur, sed ut universales naturæ
„ leges, quibus res ipsæ sunt formatæ :
„ quippe principia quidem talia revera
„ existere ostendunt phænomena na-
„ turæ, licet ipsorum causæ quæ sint,
„ nondum explicatum. „ Hactenus
ille.

Omniū vero præcipuum & quasi ^{Attractio}
characteristicum Newtonianæ Philoso- ^{Newto-}
phiæ assertum hoc est, quo non qui- ^{niana.}
dem proprie affirmat, sed gratuito
tamen sibi concedi postulat, dari in
rerum natura generalem quamdam &
ex natura insitam actionem, qua unum-
quodque corpus & minimæ quæque
corporis particulæ se invicem *attrahant*,
& vicissim a se ipsis *attrahantur*, ita ut
non modo terrestria omnia corpora in
tellurem sed etiam planetæ omnes &
terra gravitate sua & *vi centripeta* in
solem gravitent : neve eadem corpora
simul convenient sibi que mutuo adhæ-
reant, impediri ea dixit a *vi centrifuga*
seu *repulsiva*, qua a sole tanquam com-
muni centro cætera corpora circum-
rotata invicem abscedere nitantur,
sicuti v. g. lapis in funda circum actus
ab ea recedere conatur, ideoque in
manum quidem gravitat, non tamen

Sect. II.

in ipsam relabitur. Jam duplici hac vi motrice, *attractiva* scilicet & *repulsiva*, totius universi ordinem firmum persistere voluit: ait vero loc. cit. quam ego *attractionem* appello, fieri sane potest, ut ea efficiatur impulsu vel alio aliquo modo nobis ignoto. Hanc vocem *attractionis* ita hic accipi velim, ut in universum solummodo vim aliquam significare intelligatur, qua corpora ad se mutuo tendant: cuicunque deraum causæ attribuenda sit illa vis. Similia habet *Phil. nat. l. 1. Def. 8.* Ubi sic loquitur: *attractiones & impulsus eodem sensu acceleratrices & motrices nomino. Voces autem attractionis, impulsus vel propensionis cujuscunque in centrum indifferenter & pro se mutuo promiscue usurpo: has vires non physice sed mathematice tantum considerando.* Unde caveat lector, ne per hujusmodi voces cogitet, ne speciem vel modum actionis, causamve aut rationem physicam alicubi definire, vel centris (quæ sunt puncta Mathematica) vires vere & physice tribuere, si forte aut centra trahere aut vires centrorum esse dixerit. Ex quibus satis manifestum est, quod Newtonus suam *attractionem* non vendiderit pro causa physica rerum naturalium, imo ejus ipsius causam *physicam* a se

a se potius ignorari professus sit. Sunt tamen nonnulli, qui putant, quod vera attractionis & repulsionis causam a principio quodam Hylarchico seu mundi *Archæo* desumpserit, id est, a *Archæo* spiritu quodam mundi universali & anima Megacosmi, quæ tanquam principium activum materiæ inertis unitum omnia operaretur in omnibus, v. g. arderet in igne; luceret in stellis; vegetaret in plantis; latraret in molossis &c. fere ac anima rationalis in microcosmo seu homine omnes operationes vitales, animales & rationales producit: idque colligere volunt ex positione *scholii generalis in Princ. Mathem. Newtoni*, ubi in hæc verba loquitur: *adjicere jam liceret nonnulla de spiritu quodam subtilissimo, corpora crassa pervadente & in iisdem latente, cujus vi & actionibus particule corporum ad minimas distantias se mutuo attrahant.*

Huic Philosopho, cui adhuc vivo in *Censura* signam communis approbationis suæ doctrinæ honorifica publice erecta fuit statua, mortuoque regia magnificentia parentatum, non minus quædam improbantur, inter quæ primum est, quod omnes omnino *Hypotheses* eliminatas ex *Physica* velit: interim tamen demonstratio-

Sect. II.

nibus *Mathematicis* in eadem *Physica* ita continuo ratiocinetur, ut teste Cl. P. Hauser *Phys. gener. p. 1. q. 5. art. 3. §. 194. insignis Astronomus, Mechanicus excellens & Geometra sublimis* esse debeat, qui *authorem hunc* plene assequi tentat. Interim 2. Ipsamet *attractio* cum gratis a Newtono supponatur, & nulloibi demonstratur, vere instat *Hypothesis* haberi valet. (*Log. fol. 178.*) 3. Ut ait idem Cl. P. Hauser, videtur Newtonus sua *Physica* non tam sollicitus pro eruenda rerum *natura* aut *principiis & causis* fuisse, quam pro *effectibus Mathematicæ* potius quam *physicæ* determinandis. Cætera suis locis.

Systema
Leibnitii.

XLIX. Godefridus Guilielmus LEIBNITIUS, Mathematicus ex A Catholicis non minus insignis quam Philosophus præstantissimus, rejectis Gassendi & Cartesii sententiis Scholasticorum Systema ab Aristotele traditum (XXXIX.) sibi magis excolendum sumpsit, indeque novum circa corporum principia differendi modum ex parte saltem *mechanicum* his punctis constantem invenit. I. Pro *materia* seu elementis statuit *Monades* (*Metaph. fol. 426.*) id est *unitates*, vel ut Hanchius

Monades.
Atomi natura.

schius

schius princip. *Phil.* §. 3. testatur, *atomos naturæ*, particulas scilicet simplices, omni extensione figura & divisibilitate carentes, inter se prorsus *dis-similes*, nec aliter nisi per totam entitatem suam a se discernibiles, totam nihilominus corporum similitudinem identitatem aut diversitatem efficien-tes: Corpora vero ipsa ex iis compo-sita juxta ipsum non sunt proprie *sub-stantiæ* sed *aggregata ex substantiis* hisce simplicibus, sive *Monadata*, hoc est, ex *Monadibus* profecta. II. Has *Mona-des* quandoque etiam vocat *Entelechias* phrasi Aristotelica, (XXXIX.) earum-que singulas cum Newtono (n. præc.) vi quadam *activa* intrinseca a Deo in-structas esse voluit, a qua omnes mu-tationes in corporibus contingentes (haud secus ac a *formis substantialibus* juxta Peripateticos) Originem suam habeant. III. Putat Leibnitius teste Baumeistero *Metaph.* §. 454. singulas quoque Monades gaudere *vi repræsen-tativa*, & in hunc finem quatuor *Mo-nadum* classes constituit. In *prima classe* collocat Deum, qui ab ipso ob simpli-citatem seu immaterialitatem suam vo-catur *Monas originaria*, *primitiva* & *increata*, quique distinctissima omnium

Secti II.

rerum cognitione gaudet. Ad *alteram* Monadum classem refert *animas* hominum *racionales*, quæ clara & distincta rerum repræsentatione pollent per reflexionem, quam cognitionem *apperceptionem* vocat. Ad *tertiam* classem reducit *animas* brutorum quæ *claris* quidem sed *confusis* Ideis sint instructæ. *Quartam* denique & ultimam classem constituunt *ultima & simplicissima corporum elementa*, quæ Leibnitio sunt *Monades* stricte & antonomastice sic dictæ, quæque ex ejus sententia hoc universum sibi repræsentent *obscure & confuse*, harumque perceptionum statum vocat *stuporem* & statui animæ nostræ per similem, cum vel somno profundo absque somnio submersi jacemus, vel animi deliquio oppressi sumus: ipsas autem præfatas postremas *Monades* *viva specula hujus universi* appellat & *automata incorporea*: quin inio affirmat eam perceptionem, quam habent, licet sit obscura, & careat apperceptione sive conscientia sui, perpetuo tamen tendere ad novam perceptionem, adeoque gaudere illas *Monades* appetitu. Has tres ultimas Monadum classes ut ostendat differre a prima, nominat *Monades derivativas*.

creatas, easque denuo diversis vocat nominibus: sic Monadem *derivativam dominantem* dicit illam, quæ corpus *organicum* animat: *Monadem incorporatam*, seu *Monadatum*, quod a monade *dominante* vegetatur, vocat omne id, quod scholastici habent pro *ente per se*: *animal* denominat corpus *vivens*, *cujus Monas dominans est anima* &c. IV. Quia omnis mutatio, quæ in *Monadibus* contingit, non nisi *diversa* earundem facta in mente repræsentatio seu *perceptio* est, eaque omnem a rebus exterioribus originem habere solet. (Log. fol. 632.) hinc in iisdem *Monadibus* concipi debere ait vim *passivam*, per quam intelligit *diversas evolutiones* & phænomena, quæ ex pluribus vel paucioribus *Monadibus* repullulant: inde deducit, quod *generatio substantialis* sit mera *evolutio* earum rerum, quæ in *Monadibus* repræsentantur: *formas* autem novas tunc *produci* vult, quando novum aliquid latens prius in *Monade* per combinationem aut accretionem *evoluitur*, id est, visibile redditur, istamque formarum *evolutionem certo ordine* fieri docet, eo nempe qui est *optimus*, ita ut *evolutio* antecedens semper sit causa subsequæntis, eoquod in se habeat *rationem*

Sect. II.

tionem *melioris* : mortem vero asserit esse involutionem ac diminutionem organorum corporis , seu successivam partium dissolutionem ac temporalem *Monadum stuporem* : ex quo sequitur ; quod juxta mentem Leibnitii viventia neque post mortem existere desinant ; cum Monades per novas *evolutiones* de novo sensitivæ aut rationales fieri queant. V. Denique Leibnitius totum hoc universum pro *machina* sumit *corporea*, cujus mutationes omnes in structura ejus sive modo compositionis rationem sufficientem habeant &c.

Censura.

In hoc Systemate viri docti multa paradoxa reperiunt & merito culpant ; nam 1. si ista Hypothesis vera esset, profecto non solum omnia , quæ sunt in hoc mundo , actu *viverent*, sed & in omni lapide , luto . ligno arido , lacte aqua , vino & cerevisia meræ darentur *animulae* dormientes hoc universum sibi obscure repræsentantes , adeoque homo, ut nonneminis ludere placuit, æque ex aqua & lacte sicut ex vino & cerevisia in nimia copia potatis crapulatus, obscuras atque confusas hujus universi Ideas efformaret. 2. Falsum est, quod quælibet Monas derivativa prædita sit

orga-

organis, ut tamen affirmat Leibnitius *Princip. Phil. §. 75.* sic enim non darentur prorsus animæ *separatæ* ab organis corporeis. 3. Error est dicere, quod singula corpora organica viventium sint organica in qualibet parte minima in infinitum, prout idem docet *loc. cit. §. 66.* quis enim v. g. *imaginatione* tantum aut *Intellectu* in minima terræ arénula concipere queat organa? 4. Communi hominum persuasione ac sensui intimo repugnat, quod viventia corporea e. g. lapides, arbores, plantæ, hominum corpora &c. (quæ omnia juxta Leibnitium ex *animulis* seu *Monadibus* constant) neque post mortem seu destructionem existere ac vivere desinant &c. omitto alia, quæ suis ille Monadibus tribuit, quæ ut antea citatus Baumeisterus inquit, *nescio an firmo satis nitantur fundamento, quæque adeo dici non potest, quidni vehementer sint impugnata.*

L. CHRISTIANUS WOLFIUS ad-
dictissimus Leibnitii doctrinæ Philoso-
phus iisdem fere in ratiocinando legi-
bus in Physica æque ac Metaphysica
usus, circa prima etiam corporum prin-
cipia eundem sequitur in *Monadologia*,
ita tamen ut adhuc in aliquibus ab
ipso

Physiolo-
gia Wolfii.

Sect. II.

ipso faciat secessionem, videlicet I. concedit equidem, omnia entia composita & corpora omnia constare ex *Elementis* (hoc nomine compositorum *principia* vocat) iisque non compositis sed *simplicibus* & *inextensis*, omniaque quæ de ente *simplici* in *Metaphysica* dicta sunt (fol. 423.) de iisdem prædicari posse affirmat: attamen illis simul tribui posse vel mundi perceptionem vel vim repræsentativam, id asserere positive non audet in sua *Metaph. Germ.* §. 598. & 900. II. Hæc ipsa elementa quandoque etiam nominat *atomos naturæ*, quo vocabulo designare intendit entia in se *prorsus indivisibilia*, ad distinctionem *atomis materialis*, per quam intelligit ens in se quidem *divisibile*, sed cui dividendo nulla sufficit causa creata: vultque *atomos naturæ* entitative prorsus *diffimiles* existere, in quo penitus cum Leibnitio consentit (n. præc.) rationem vero assignat hanc, quia si *similes* forent atomi naturæ, nulla dari posset ratio sufficiens, cur hoc potius ordine sese invicem exciperent quam alio? adeoque facta permutatione *idem* compositum inde resultans persistere valeret. Ast nonne sola conditoris voluntas posset assignari *ratio* sufficiens

sal-

saltem *extrinseca* pro diversitate compositorum stante etiam entitativa *similitudine* elementorum? maxime cum ipsemet Wolfius *Cosmol. §. 190.* admittat in atomis materialibus figuram & molem diversam, ex voluntate Divina *arbitrario* attributam? III. Aggregata ex substantiis hisce simplicibus dividit in *corpora* & *corpuscula*. Per *corpora* denotat entia composita majora & visibilia: per *corpuscula* autem entia composita minima, & omni oculo corporeo etiam acutissimo prorsus impervia, eaque denuo in duplici classe constituit; in *prima* corpuscula *primitiva* reponit, quæ immediate ex elementis seu substantiis simplicibus coalescunt: in *secunda* collocat corpuscula *derivativa*, quæ ex corpusculis primitivis constant, & per hoc ab *atomis materialibus* adhuc differunt, quod ipsa naturali vi possint dividi, non vero atomi. Ordo itaque generationis corporeæ juxta Wolfium est sequens. 1. Ex *Elementis* nascuntur corpuscula *primitiva*: 2. Ex hisce oriuntur *derivativa*: 3. Ex *derivativis* gignuntur diversi generis *massæ mixtæ*: 4. Ex istis *organa*: 5. Denique ex *organis* *corpora organica* producuntur. IV. Tenet statum Elementorum

Sect. II.

rum internum continuo mutari, ita quidem, ut status præsens rationem contineat sequentis, imo etiam ut ex statu præsentis cujuslibet elementi colligi possit, qualis sit futurus, & qualis fuerit præteritus; sed & insuper qualis futurus sit omnis per ævum status singulorum Elementorum & totius mundi? Nec non ab iisdem Elementis deducit rationem eorum, quæ in rebus compositis materialibusprehenduntur, ut sunt corporum *diversitas, activitas, substantialitas &c.* V. Corpora porro *extensa* ex Elementis simplicibus & *inextensis* eatenus *uniri* putat, quatenus singula eorum ex vi sibi innata atque intrinseca exigunt coexistere seu aggregari his potius quam aliis Elementis similem exigentiam ex essentia & natura sua non habentibus. VI. In omni corpore, cujus *essentiam* constituit in *modo compositionis*, quo *partes datae, hoc est, tales non aliæ inter se junguntur*, admittit vim *inertiæ* seu *passivam* & vim *motricem* seu *activam*, & hoc conformiter experientiæ, quæ docet, quodlibet corpus & resistere motui *passive*, si ab altero forte ex loco suo dimoveatur; & *agere*, alterum *revera* movendo, si *viribus* prævaleat.

Jam

Jam quia pariter omne corpus constat ex *materia & forma*, materiam Wolfius vocat *aliquid extensum vi inertiae praeditum*, ita ut materia sit causa resistentiae in corpore: at vis *motrix* seu *activa*, quæ juxta ipsum dicit *continuum conatum mutandi locum*; est illi *principium mutationum* in eodem corpore contingentium seu forma Aristotelica (XXXIX.) conformiter Newtono (XLVIII.) & Leibnitio (n. præc.) VII. Hæc eadem vis *motrix* juncta vi *inertiae* & *potentiae agendi patiendive* a Wolfio appellatur *corporis natura*: sicque distinguit corpus *naturale* ab *artificiali*, quod hoc postremum sola gaudet *materia & essentia*: illud econtra prius præter hæc duo adhuc possideat *naturam*. Vult insuper, per vim *inertiae*, vim *motricem* & *extensionem* omnes corporis *mutationes possibiles* explicari posse. VIII. Postremo in omni corpore Physico duplicem distinguit materiam: unam *constantem*, ex qua ipsum corpus constituitur: alteram *variabilem* seu interlabentem, quæ per poros corporis libere fluit ac refluit, nec cum corpore ipso movetur. Sic v. g. in arbore partes *lineæ* sunt materia *constans* sive

H

cohæ-

P. Oster. Physic. Pars I.

Sect. II.

cohærens : aer vero aut succus aqueus adhuc indigestus per tubulos & canaliculos arboreos ascendens materiam *interlabentem* efficit : si prior, quæ etiam *propria* dicitur mutetur, mutatio *essentialis* juxta Wolfium in corpore contingit ; si autem variabilis & *aliena*, mutationem accidentalem denominat, &c. Difficultates, quæ huic etiam Systemati opponi solent, videre licet apud cit. Cl. P. Hauser *Phys. Gen. p. 1. §. 121. & seqq.* nos illas paulo post ac suis locis attingemus.

Primorum
principio-
rum du-
plex acce-
ptio.

LI. *Corollarium.* Ex omnibus hucusque dictis solide apparet, quam verum sit, quod initio diximus (XXX.) nempe prima corporum principia a Philosophis omni tempore non minus solerter quæsitâ quam subtiliter ignorata fuisse, id quod etiam Aristoteles 3. *Met. c. 1.* dudum indicavit dicens, in investigandis rerum primordiis *non modo veritatem invenire difficile, verum neque bene dubitare facile est.* Et bene! nam si plerumque terrenus artifex automatis a se facti intimam texturam & compositionis modum suos spectatores celare solet, quanto magis putandum est, quod increatus artifex cognitionem

nem plenam intimæ corporum naturæ sibi soli reservaverit, cum hæc ipsa corpora *naturalia* ab *artefactis* immane quantum distent? adeoque etiam nobis hic jam in ipso Physicæ limine non nisi *verecunde* philosophandum est (XIV.) jactisque ibi principiis (n. cit.) conformiter aliter de primordiis corporum in sensu *Metaphysico*; aliter in sensu *Physico* nunc sermo erit, prout & ipsi Philosophi tum veteres tum recentiores ad unum omnes si secundum duplicem hunc sensum eorum opiniones distinguantur, inter se quodammodo reconciliari posse videntur.

LII. Principia porro *Metaphysica* sunt ea, quæ corpori non nisi *Metaphysice Idealiter* & in *abstracto* considerato insunt, & nec sensui nec imaginationi sed soli *intellectui* patent. Ad hanc classem a Modernis Philosophis revocantur Principia, quæ tradidere Pythagoras (XXXVII.) Socrates & Plato (XXXVIII.) maxime vero Aristoteles, (XXXIX.) quibus nonnulli etiam Newtonum (XLVIII.) adjungunt. Principia autem *Physica* censentur illa, quæ corpus naturale efficiunt *physice*, in *concreto* ac prout in rerum natura actua

Principia
Metaphy-
sica &
Physica,

Sect. II.

existit ; & hæc denuo subdividuntur in principia *Mechanica* & *sensibilia*.

Phyfico-
Mecha-
nico-sensi-
bilia.

Principia *Phyfico-Mechanica* vocantur ea, quæ ita corpus naturale constituunt, ut omnes sensibiles illius proprietates & operationes (fere ut in *machinis* artificiosis, v. g. horologiis contingit) ex sola partium magnitudine, figura, textura, motu & quiete proveniant, (quæ *Categoriæ Recentiorum* appellantur. Log. fol. 88.) nec soli *intellectioni*, ut principia *Metaphysica*, sed etiam *imaginationi* non tamen ob exilitatem, suam continuo *sensibus* pervia sint. Huc spectant *Systemata* *Atomistica* tum vetera tum nova, ut sunt sententia *Anaxagoræ* (XXXVI.) *Stoicorum* (XLI.) *Democriti* & *Epicuri* (XLIII.) *Gassendi* (XLVI.) *Cartesii* (XLVII.) *Leibnitii* (XLIX.) & *Wolfii* (L.) Principia denique *Phyfico-sensibilia* sunt illa, quæ ita corpus constituunt, ut separari reipsa a se mutuo possint ac etiam ope *sensuum* attingi queant. Hujus generis habentur *Systemata* *Hebræorum* (XXXI.) *Chaldæorum* (XXXII.) *Persarum*, *Indorum* & *Sinensium* (XXXIII.) *Phænicum* (XXXIV.) *Ægyptiorum* & *Thracum* (XXXV.) præprimis vero *Systemata* Ele-

Elementaria Thaletis (XXXVI.) Empedoclis (XLII.) & Chymicorum. (XLV.)

LIII. *Scholion.* Quoniam supra ^{Quomodo} (XVII. XXI. & XXIII.) triplicem cor-^{cum tripli-}poris essentiam pro triplici statu, *Me-*ci corporis ^{essentia} *taphysico* scilicet *Mathematico* & *physico* ^{conveni-} assignavimus, bene & ex ordine do-^{ant ?}ctrinæ dici posse censemus, quod ex tribus hisce principiis, *Metaphysicis* scilicet *Mechanicis* & *sensibilibus* prima seu *Metaphysica* corpori itidem *Metaphysico*; *Mechanica* *Mathematico*, & *sensibilia* *Physico* apte convenient. Et quidem de *Metaphysicis* dubium nullum est, ut ex terminis patet: quod autem principia *Mechanica* *Mathematico* corpori respondeant, is facile capiet, qui scit, *Mechanicam* *Matheseos* partem existere: & quia insuper corpus *Physicum* pro *sensibili* accipimus (XXIII.) certe principia quoque *sensibilia* omnium optime eidem quadrare videntur. Agamus igitur in specie de singulis!

ARTICULUS II.

*Quenam sint principia corporum
Metaphysica ?*

Debent
admitti ali
qua princi
pia prima;

LIV. IN gratiam præsertim Aristotelis
ejusque scholæ per tot sæcula
in orbe Catholico celeberrimæ reveren-
tiam hic inquirimus, an revera tria
principia *in fieri* & duo *in facto esse* ab
Aristotelicis tamdiu propugnata in ali-
quo saltem quocunque sensu (saltem
Metaphysico) vera esse dicenda sint ?
prævie autem tanquam *certum* suppo-
nimus, quod *aliqua* corporum natura-
lium *prima principia* revera dentur;
nam *ex una parte* innumeras quotidie
mutationes sentiendo percipimus, dum
passim ex uno corpore corrupto pro-
ducitur alterum vel ex parte diversum,
& hoc ipsum denuo per novam addi-
tionem aut subtractionem particularum
additarum hoc vel illo modo innove-
tur &c. *Ex altera vero parte* turpe est
Philosopho in rebus creatis admittere
processum in infinitum, ne sic conce-
datur, quod detur *infinitum actu* seu
categorematicum (eo ipso quod nulli-
bi daretur status seu *finis*, & omnia
actu

actu essent præsentia) quod est contra dicta in *Metaph. fol. 450.* ergo debent admitti aliqua principia prima, in quibus detur status & ratio sufficiens omnium mutationum corporearum, (XXX.) & ex quibus essentialiter ac intrinsece quodlibet corpus naturale constituatur, vel, ut Aristoteles 1. *Phys. t. 42.* illa principia definit, quæ nec ex se invicem nec ex aliis, sed ex quibus omnia fiant.

LV. Neque in re quacunque composita & ex pluribus partibus essentialiter ac intrinsece constante sufficit unum duntaxat principium statuere; nam compositio etiam Metaphysice tantum accepta (prout corpus in ordine ad principia Metaphysica hic accipimus) duo complectitur: videlicet 1. *substratum generis* tanquam aliquid universale & determinabile: 2. *Substratum differentie* tanquam aliquid particulare & determinans (*Metaph. fol. 77. & 78.*) ergo etiam ex corporum naturalium principiis Metaphysice consideratis unum debet esse universale & determinabile, sive ut Peripatetici loquuntur, *commune subiectum* (*Metaph. fol. 265.*) & *materia ex qua* (*ibidem fol. 562. & seqq.*) alterum vero particulare & de-

Et quidem
duo saltem
inter se di-
stincta.

Sect. II.

terminans, quod scilicet in particulari unumquodque corpus ab altero essentialiter distinguat ac determinet ad esse hoc potius quam aliud, dicique potest *forma* (Met. fol. 563. & seqq.) analogiam capere possumus ex arte (quæ cum in operando naturam imitari conetur, etiam *naturæ simia* appellari consuevit) ubi dum v. g. artifex ex trunco Mercurium format, sane truncus ligneus est pars subjectiva & *determinabilis* (potest enim dependenter ab artificis voluntate ad formas diversissimas antecedenter determinari) hæc autem in specie forma sive figura Mercurii hio & nunc per artem introducta truncum *determinat*, ut potius sit statua *Mercurii* quam Jovis aut Apollinis &c. sic a pari de materia & forma quoad producendum corpus naturale discurrendum est. His conformiter sit

PROPOSITIO I.

Tria re ipsa cum Aristotele statui possunt ac debent principia prima generationis seu in fieri *Metaphysice sumpta*, materia scilicet forma & privatio.

Quin imo **LVI. PROBATUR.** Principia in fieri tria in fieri; **Metaphysice sumpta sunt ea,** quæ

quæ ad omnem generationem seu productionem naturalem ac substantialem *Idealiter* saltem & in abstracto concurrere censentur : atqui ita se habent *materia forma & privatio* : ergo reipla cum Aristotele tanquam prima generationis principia, seu in fieri, statui possunt ac debent. M. est definitio (LII.) m. p. *generatio in genere*, cum sit *transitus a non esse ad esse*, necessario tria requirit : 1. Terminum, a quo fit transitus, & est *privatio* : 2. Terminum ad quem, & est *forma* ac 3. commune subjectum, quod transit a non esse hoc ad esse hoc & est *materia* : Id patet in exemplo mox allato ; nam v. g. dum ex trunco generatur seu producitur Mercurius, res ita contingit. 1. Terminus, seu id, a quo truncus hic & nunc transit, est *privatio formæ Mercurii* ; hac enim forma antecederet existit privatus. 2. Terminus, ad quem truncus transit, est ipsa hæc *forma Mercurii*, quam a statuario acquirit & in se recipit. 3. *Subjectum* denique, quod ita a privatione formæ Mercurii prius non habitæ transit ad actualem formam Mercurii, est ipsamet trunci *materia*, videlicet *lignum*, ex quo constat. Et quidem *privatio* revera prin-

Sect. II.

cipiat, quando non est, sive per suum *non esse* (XXXIX.) quia privatio formæ Mercurialis debet utique *recedere*, seu incipere *non esse*, antequam forma Mercurii per statuarium introducta possit *existere*. Porro quis non videt, terminos hosce omnes non nisi ad generationem *Idealem & abstractam* concurrere? nam profecto omne *ens*, id est, tam *substantia* quam *accidens* seu *modus* transire potest a *non esse* ad *esse*; potest enim v. g. idem lignum a *non curvitate* ad *curvitatem*, vel idem homo a *sessione* transire ad *stationem* &c. consequenter etiam tria isthæc principia non nisi *Metaphysice* accepta statui debent prima generationis principia, quia nempe ad Metaphysicam spectant *entia abstracta*. (Metaph. sol. 5.)

PROPOSITIO II.

Nec minus etiam in sensu *Metaphysico* duo cum Peripateticis propugnari possunt principia *compositionis* corporis naturalis, seu *in facto esse*, materia nempe & forma.

Et duo in **LVII. PROBATUR.** Principia *Metaphysica compositionis* seu *in facto esse* sunt ea, ex quibus ita coalescere
Metaphysice loquendo.

scere concipitur compositum seu factum, ut hæc in ipso permaneant, factumque actu constituent: atqui ita se habent *materia* & *forma*: illa quidem tanquam pars *universalis* & determinabilis; hæc autem ut *particularis* & determinans (LV.) *privatio* autem in *facto esse* non permanet, eo ipso quia principiat per suum *non esse* (n. præc.) sic dum v. g. ex ligno generatur ignis, cum actuali forma ignis præsentem non perseverat: alias *adesset* ignis (ex Hypothesi) & simul *non adesset* (quia ejus *privatio* adforet, quod implicat: (Metaph. fol. 18.) ergo.

LVIII. *Scholion.* Si *materia prima*, In quo om-
 bene inquit Cl. P. Fort. a Brix. *Phys.* nes Philo-
General. p. 1. §. 517. sumatur præcise sopheri con-
 pro *subjecto*, ex quo præexistente na- veniunt;
 turalia composita producuntur; & for- non item
ma substantialis pro eo tantum, quo *Physice* lo-
 quando;
 formaliter unumquodque compositum
 naturale est id, quod est, & a cæteris
 essentialiter distinguitur, nemo erit,
 qui de horum principiorum existentia
 dubitare vel levissime possit: nimis
 quippe apertum est, ex nihilo nihil
 posse a nobis fieri, quodque a nobis
 fit, per id a quovis alio essentialiter
 non

Sect. II.

non distingui, ex quo præexistente efficitur: totum vero quod in hac re negotium faceffit, & quod Scholasticos Philosophos a modernis sejungit, in eo consistit, ut declaretur, quænam sit PHYSICA & non tantum *Metaphysica* horum principiorum natura? five quid PHYSICE sit illud, ex quo præexistente tanquam ex *subjecto determinabili* composita naturalia a creatis causis producuntur; quidque sit illud, per quod unumquodque compositum est *id, quod est*, & a quovis alio essentialiter distinguitur? Scholastici nihil dedere hac super re, materiam atque formam *Metaphysice* considerasse contenti: Recentiores vero scholasticis subtilitatibus rejectis in eo sunt toti, ut PHYSICAM horum principiorum naturam in aperto ponant: unde apparet, quam falso dicant Scholastici, neque materiam neque formam a Recentioribus admitti. Hactenus ille. Nempe sicut entia cuncta creata, etsi eorum naturam & proprietates *physicas* ignoremus, confidenter entia aut *substantias*, attributa vel modos (quæ singula vocabula ad *Metaphysicam* spectant) appellare difficile non est; sic etiam illud *ens*, quod præcise sumitur pro
sub-

subiecto communi cujuslibet naturalis compositi, *materiam*; illud vero, quod pro *essentiali distinctivo* unius corporis ab alio accipitur, *formam* appellare fas est, utut re ipsa ignoretur, quænam sit PHYSICA illarum natura? fere sicut per *præcisionem objectivam* (Metaph. fol. 194.) dum aliquid a longe se movens videmus, dicere possumus, nos videre *aliquod ens* in motu positum, licet ignoremus, an *physice* sit homo, aut bestia? aut num motus intrinsece vel extrinsece eidem competat? Ita a pari &c.

ARTICULUS III.

An materia prima Peripatetica & forma substantialis etiam in sensu *physico* pro primis corporum principiis statui valeant?

LIX. **Q**Uod optimo jure Scholaſtici Nam *Physi-*
Philosophi a Sæculo XII. *sic lo-*
usque nunc per universam Europam *quando*
sua prima principia, *Metaphysice* intel-
lecta propugnent, neque in hoc a mo-
dernis Philosophis ullatenus culpentur,
ex immediate dictis (n. præc.) satis
liquet: ast quod ultra sensum *Meta-*
physi-

Sect. II.

taphysicum etiam in ipsa *Physica* ascendere nolint (XIV.) eademque illa principia *Idealia* & in abstracto considerata pro principiis *physicis* ac *realibus* vendicare velle videantur, in hoc ipsis plane ætas moderna non tam facile assentitur, indeque a Notericis ponitur sequens

PROPOSITIO.

Materia prima & forma Peripatetica
in sensu Physico male dicuntur prima corporum naturalium principia.

Principia
 Peripatetica non
 subsistunt,

LX. PROBATUR I. Generaliter. Materia prima & forma substantialis, prout a Peripateticis accipiuntur (*Metaphysice* nempe) plane difficultatem non solvunt in *Physica*; imo nec statum quæstionis attingunt: ergo &c. p. A. *Difficultas* enim ac *status quæstionis* totusque nodus Gordius in *Physica* hic est, ut primorum principiorum materiæ scilicet & formæ definitio *realis* ac *Physica* detur, sive ut dicatur, quidnam a parte rei sit illud ac *physice*, cui conveniat denominatio *subjecti communis* seu materiæ & formæ sub-

substantialis ? (LVIII.) item quidnam physice sit utraque illa *substantia in completa & pars intrinseca compositi* &c. prout identidem in scholis loqui amant ? atqui Peripatetici hoc nullibi explicant, sed meris tantum definitionibus nominalibus & conceptibus *Metaphysicis* contenti sunt, ut ex dictis liquet (VIII. XIV. LVI. & LVIII.) & obvii ipsorum libri testantur : ergo quam parum v. g. quis essentiam *physicam papyri* explicaret, dicendo quod sit *subiectum omnium litterarum* in se recipiendarum ; aut essentiam *physicam coloris*, dicendo quod sit *ens determinativum visus* &c. tam parum essentia *physica materie primæ* declaratur, dicendo eam esse *potentiam* aut *subiectum omnium formarum* ex ipsa educendarum, & *formam* esse *actum determinativum materie*, aut *partem incompletam* unum per se cum materia constituentem &c. nam *subiectum* in ratione *subiecti*, *potentia* in ratione *potentie*, *actus* in ratione *actus* &c. merè sunt conceptus *abstracti & universales*, adeoque ad *Metaphysicam* non ad *Physicam* spectantes. Et hinc bene quoque anno 1697. in sua *Physica Acroamatica* negans Principia Peripatetica Noster P. Wolterus SCHOPPEN ita contra Scholasti-

Sect. II.

lasticos jugari potuit pag. 32. „ fingam
 „ ego unum ens, quod vocabo *Musphat*,
 „ & dicam illud fovere aliud, quod
 „ baptizo *Zaphat*: deinde dicam, pri-
 „ mum esse receptaculum secundi &
 „ secundum esse sustentaculum primi,
 „ dicamque hæc duo esse in omni en-
 „ te *Physico* velut principia, asseram
 „ esse *mediate* radicaliter per quantita-
 „ tem *sensibilia*: vocabo *Zaphat* faciem
 „ *Musphat*: sicut illi nominant formam
 „ *faciem materiæ*: præter authoritates
 „ tantum assero, quantum illi &c. „

CONFIRMATUR I. Juxta ipsosmet
 Peripateticos si materia prima *in con-
 creto* accipitur & prout a parte rei
physice existit: nec concipi potest abs-
 que forma aliqua tanquam *actu* eam
 informante, similiter autem & de *for-
 ma* sua materiali substantiali loquuntur,
 quod scilicet *physice* absque materia eam
 existere impossibile sit: ergo etiam
 evidenter admittere debent, ea neuti-
 quam esse principia *physica*, sed mere
 Idealia ac *Metaphysica*.

CONF. II. *Argumento ad hominem*
 (Log. fol. 514.) iidem Peripatetici ne
 cogantur admittere, quod Angeli (ut-
 pote meri *spiritus* & *substantiæ simplices*)
 sint *actus puri* absque potentia, qualis
actus

actus purus est solus Deus, dicunt communiter, eos esse *Metaphysice* compositos : per *compositionem* autem *Metaphysicam* intelligunt ipsissimam *compositionem* ex *essentia* tanquam *potentia* & *existentia* tanquam *actu* seu *ultima actualitate* ut ajunt : ergo *essentiam* habent pro *potentia* & quidem *subjectiva* (cum hæc *existentiæ subjectum* in Angelis evadat, quorum *essentia* *existentiam* in se recipit) *formam* vero seu *formalitatem* *existentiæ* habent pro *actu*. Jam vero ex his infero : ergo pariter *materia prima* Peripatetica) utpote mera *potentia* & *subjectum formarum*) & *forma* (tanquam *actus* seu *actualitas* *materiæ*) in ipsismet Peripateticorum principiis sunt tantum aliquid *Metaphysicum* & non *Physicum*. p. *Illatum*. Si enim *potentia* & *actus* in *materia* & *forma* forent quid *Physicum*, æquè dici posset, Angelos ex *materia prima* & *forma physica* constare (sicut ex *potentia* & *actu* seu *actualitate* juxta Scholasticos constant) quod cum Peripatetici admittere renuant, profecto sequitur etiam *materiam* ipsorum & *formam* non nisi quid *Metaphysicum* existere.

I

CONF.

P. Qster. Physic. Pars I.

Sect. II.

CONF. III. Sicut formam materia potest recipere, ita materiam forma potest actuare: ergo non solum in conceptu *materiae*, prout Scholastici docent, sed etiam in conceptu *formae* includitur ratio *potentiae* (quod tamen ii ipsi rejiciunt) adeoque ipsemet actus *potentiae* illius *actuativae* seu *formae* aequè *subiectum* & *potentia* dici potest, ac materia *subiectum formarum* dicitur (forma nempe *potentia actuativa* sicut materia *potentia receptiva* nominari valet) & consequenter *forma physice* loquendo est eadem realiter & entitative substantia cum *materia*, quod rursum negant Peripatetici.

Nec dicant, quod a *potentia* in actu abstrahatur: unde & forma tanquam actus nequeat dici *potentia* nam *contra est*. Infero: ergo etiam materia *actu* & *physice* existens nequit amplius dici *potentia*, sed a *potentia* in actu (hoc est dum actu *formae* conuncta est) abstrahit, eo ipso quod *potentia* physice tollatur per *actum*, & consequenter materia per formam actuata non amplius est in *potentia* nisi forte per præcisionem objectivam aut formalem materia actuata præscindatur ab actu seu forma, *subsumo*: atqui hæc ipsa præcisio non nisi

con-

conceptus Metaphysicus est, (Metaph. fol. 194.) prout & nudæ possibilitates cum respectu ad subjectum & terminum possunt apprehendi &c.

CONF. IV. Partes *physice* sese excludentes nequeunt *physice* esse unitæ: atqui materia prima & forma Peripatetica sese *Physice* excludunt: ergo *physice* in nullo composito valent esse unitæ per modum primorum principiorum. p. m. *potentia* & *actus uniformiter* sibi oppositi *physice* sese excludunt; sic enim v.g. nequit *physice* in eodem oculo simul esse *potentia physica* videnti & *actus physicus* visionis, neque in eodem dolio *potentia physica* ad vinum recipiendum cum actuali vino *physice* recepto; cum *actus* reduplicative ut *actus* in his & similibus semper *physice* excludat *potentiam uniformiter* sibi oppositam: atqui etiam materia prima & forma Peripatetica sunt *potentia* & *actus uniformiter* sibi oppositi (si dicantur partes *physicæ*) ergo *physice* sese excludunt. Dixi *potentiam uniformiter* sibi oppositam: nam si *difformiter* accipiantur (*potentia* nempe *Metaphysica* & *actus physicus*) tunc utique simul stare possunt, cum *actus physicus* non

Sect. II.

destruat sed potius perficiat potentiam Metaphysicam (Met. fol. 1087.) *Nec dicas.* Ergo etiam potentia *Metaphysica* & actus *Metaphysicus*, sive materia prima & forma *Metaphysice intellectæ* nequeunt in eodem composito esse unitæ, secus ac supra diximus. (LVI. & LVII.) Nam *contra est.* *Nego parit.* *Disp.* est, quia compositio *Metaphysica* stat utique cum reali *Identitate* unitorum, cum intercedat tantum inter plura *formaliter* distincta: non sic compositio *physica*, quæ datur tantum inter realiter distincta.

PROBATUR II. *De Materia prima Peripatetica in specie.* Ex Cl. D. Wibero p. 1. Princ. 1. §. 1. Materia prima utut mera *potentia passiva* Juxta Philosophos Scholasticos debet in se continere virtualiter formas omnes materiales tam substantiales quam accidentales: atqui id nedum *physice* sed etiam *absolute* implicat: ergo &c. p. m. formæ omnes materiales, saltem *substantiales*, sunt juxta eosdem Philosophos ab intrinseco operativæ seu *activæ*: ergo in potentia pure *passiva* nullo modo contineri queunt. p. c. 1. quia nemo dat, quod non habet. 2. *a pari.* In potentia *materiali* physice nullo modo
(ne

(ne virtualiter quidem) contineri potest ens *spirituale* : ergo etiam in ente nullatenus operativo sive *mere passivo* , qualis est materia prima Peripatetica , contineri haud valet ens ab intrinseco operativum seu *activum* , cum non minus inter se contraria sint *esse operativum* , quam *esse materiale & spirituale* .

CONF. I. Illud *esse virtuale* , quod habent formæ substantiales in materia Juxta Peripateticos vel est mera illarum *possibilitas* (sicut *esse* , quod habent creaturæ in Deo ab æterno , est ipsa creaturarum *possibilitas* extrinseca dicens respectum ad omnipotentiam Divinam. Metaph. fol. 46.) vel est ipsa *materia* , vel aliquid a materia distinctum ? non *primum* ; hæc enim *possibilitas* formis substantialibus jam competeat , antequam materia a Deo crearetur (Metaph. fol. cit.) & adhucdum illis independentem a materia competit ; cum utique etiam *extra illam* creari possent , sicut defacto forma substantialis in homine (quacum paritatem continuo instituunt Peripatetici) extra corpus humanum post mortem hominis subsistit. Non *secundum* . Nam illud *esse virtuale* formarum Juxta cita-

Sect. II.

tos authores est *generabile*, quia per generationem potest de suo, esse *virtuali* transire ad esse *actuale*: at vero materia prima est ingenerabilis. (XXXIX.) Nec *tertium*, quia sic eo ipso. formæ substantiales jam haberent aliquod esse *speciale* & *proprium* a materia distinctum, antequam essent: consequenter *physice* loquendo ac in *concreto* formæ substantiales nihil possunt habere virtuale in materia, sed in *abstracto*, tantum & per *conceptus Metaphysicos*, id quod vel ipsum *ad virtuale* satis indicare videtur. CONF. II. Si in materia virtualiter containerentur formæ omnes materiales possibiles, ut Scholastici docent, tunc plane in ea containerentur formæ materiales numero infinitæ, licet *successive* tantum educendæ: ergo materia foret inexhaustibilis, adeoque infinita *actum* (sicut & Deus actu infinitus existit, ut *successive* tantum creaturas omnes producere possit. Metaph. fol. 456.) saltem in perfectione *entis*, quia ex eadem materia seu potentia passiva extraherentur *entia* semper plura & plura in infinitum, quæ omnia perfectionem *entis* desumerent ex materia, *Subst.* sed nequit admitti ullum infinitum *actu* in creatis (Metaph. fol.

fol. 450.) ergo nec de materia prima Peripatetica dici valet, quod *virtualiter* in se contineat formas omnes substantiales materiales. Ipsas porro *formas* substantiales materiales in sensu Peripatetico acceptas amplius & specialius in *art. seq.* refutabimus.

LXI. Schol. I. Quod ipsemet Aristoteles materiam non aliter nisi in sensu *Metaphysico* non semel acceperit, patet ex pluribus, ipsius textibus, maxime l. *de anima. c. 5.* ubi sic loquitur: *quoniam in omni natura est aliquid, quod* MATERIÆ locum in quoquo genere obtinet, quod ipsum cætera omnia esse possit; aliud vero causa est & vim efficiendi habet, eo ipso quod omnia efficiat, quam quidem rationem ad materiam ars habet: necesse est, etiam IN ANIMO reperiri has distinctiones, in quo est MENS ejusmodi, QUÆ FIAT OMNIA: altera quæ faciat. Hic Philosophus in animo & mente rationem, materiæ intelligit, ideo solum quia mens potest fieri aliud, assimilando sibi nempe objecta dum intelligit, aut hunc vel illum habitum in se recipiendo, ad quæ omnia quoniam mens *subjectivam* habet potentiam, & pro hac voce Aristoteles posuit mate-

Sect. II.

riam, certe etiam *materiam* non nisi pro *potentia subiectiva* accepisse censendus est : Item quia ratio *materiæ menti* non aliter valet competere nisi secundum considerationem aut abstractionem *Metaphysicam*, ut de se patet, ita pariter cum omni *naturæ* Aristoteles aliquid attribuat, quod *materiæ* locum obtinet, ideo solum, quod ipsum *cætera omnia esse possit*, illa potentia subiectiva in sensu tantum abstracto ac *Metaphysico*, ab eodem intellecta fuit, id quod etiam geminæ definitiones nominales ab Aristotele traditæ (XXXIX.) satis demonstrant, si non nihil accuratius expendantur.

Item de
forma sub-
stantiali
dicendum
est.

LXII. *Schol. II.* Similiter quod idem Stagyræta *formam substantialem* non aliter nisi pro conceptu tantum *Metaphysico* pluribus in locis, maxime in iis quæ contra Recentiores Philosophos a Peripateticis afferri solent, usurpaverit, indicant vel ipsæ græcæ illæ voces ab Aristotele adhibitæ, videlicet 1. *Energia*, quæ latine actum, actionem & efficaciam : 2. *Entelechia*, quæ perfectionem & quasi *continuatam & perennem motionem seu vim motricem* indigitat (unde & Philosophi Scholastici *formam substantialem* nunquam non habue-

habuerunt pro principio quodam activo) adde quod idem sectæ Peripateticæ auctor l. 2. *Phys.* l. 28. formam quoque appellaverit *principium quidditatis*, hoc est, ut interpretantur clarissimi Philosophi Conimbricenses in *Phys.* Arist. l. 1. c. 10. id, in quo cujuscunque compositi naturalis essentia præcipue continetur: seu quod essentiam rei ejusque definitionem absolvit & ab alio distinguit. At hæc omnia quis non videt, mera esse entia ad *Metaphysicam* spectantia? (*Met.* fol. 79. 64. &c.) quin igitur potius cum iidem Peripatetici formæ convenire velint rationem naturæ, quæ ab ipsis dicitur *principium motus & quietis* seu *fontis & origo operationum* (*Metaph.* fol. 64.) forma substantialis dici potest *attributum materiæ*, quia *natura* seu *vis motrix* necessario & intrinsece emanat a materia prima physica, hoc est, a substantiis simplicibus, ut paulo post dicetur art. VI.



ARTICULUS IV.

*Quænam sint principia prima
Corporum Physica ?*Statim
questionis.

LXIII. Quoniam Corpora *physica* sumuntur pro substantiis *sensibiliter* mutabilibus (XXIII.) inde hic quæritur de natura *physica* tum illius principii, quod est *subjectum*, ex quo præexistente substantiæ *sensibiliter* mutabiles *primo* oriuntur, tum etiam illius, per quod *formaliter* unaquæque substantia *sensibiliter* mutabilis est id, quod est, & a quovis alio *essentialiter* distinguitur ? (LVIII.) cumque principia *physica* subdividantur in *Mechanica* & *sensibilia* (LII.) de quibus in *Art. VII.* pluribus agemus, omitta interim hac subdivisione ut ordinate procedamus, unde de principiis *Physicis* in genere spectatis inquirimus, hoc est, de illis, quæ Corpus naturale efficiunt *physice* in concreto ac prout in rerum natura actu existit, (n. cit.) & quidem de principiis *physicis absolute primis non secundis* loquendo, sit

PRO.

PROPOSITIO I.

Materia prima Corporum physice*spectata sunt absolute minima materialia, seu substantiæ simplices materiales.*

LXIV. PROBATUR. Absolute mini-
 ma seu substantiæ simplices ^{primaphy-}
 materiales sunt revera illud *subjectum*, ^{sive specta-}
 ex quo præexistente substantiæ sensibi- ^{ta sunt ab-}
 liter mutabiles sive Corpora *physice pri-* ^{solute mi-}
 mo oriuntur: ergo. p. A. omnis sub- ^{terialia.}
 stantia sensibilibiter mutabilis est compo-
 sita ex partibus, ita tamen ut in hac
 partium divisione progredi haud liceat
in infinitum; nam secus daretur proces-
 sus in infinitum (Met. fol. 426. & 427.)
 nec rerum contingentium (prout sunt
 omnia corpora creata) assignari posset
ratio ultima sufficiens, quod est contra
 primum principium (Met. fol. 34.) ergo,
 admittendæ sunt substantiæ simplices
 materiales, partibus carentes, ex qui-
 bus tanquam ex subjecto partes omnes
 compositorum *physice primo* oriantur.
 p. c. 1. ab *analogia* argumenti, quo exi-
 stentiam *causæ primæ necessariæ* probare
 solemus ab existentia causarum *contingentium* (Met. fol. 1098.) 2. Ab ana-
 logia

Sect. II.

logia compositionum seu *summarum*, ut ajunt, *arithmeticarum*, & corporum quorumvis *geometricorum*, ubi semper initium sumi solet a *simplicibus*, scilicet ab *unitate* in numeris, & a *puncto* in lineis &c. ergo quia Deus ut auctor naturæ omnia creata, teste Sapiente Sap. 11. v. 21. pariter in *mensura* & *numero* & *pondere* disposuit, etiam ex substantiis primis *simplicibus* materialibus cuncta, quæ sunt *composita*, efformasse censendus est. CONFIRMATUR. In toto *finito* non dantur partes *infinitæ*: atqui omne corpus naturale est totum aliquod *finitum*: ergo in eo non dantur partes *infinitæ*. M. patet ex eo, quia totum non distinguitur ab omnibus partibus simul sumptis. (Met. fol. 433.) ergo si totum est finitum, etiam partes simul sumptæ erunt finitæ. m. p. si dari posset aliquod totum naturale *infinitum*, tunc posset quoque dari unum infinitum majus altero: atqui hoc repugnat (Met. fol. 445.) ergo & id, unde sequitur, p. s. M. dantur enim actu composita naturalia *majora* & *minora*: nam major utique est v. g. gigas quam pusio, camelus quam musca &c. ergo si quodlibet totum esset *infinitum*, daretur unum infinitum majus altero.

E. G.

Sub-

Subsumo : atqui si non dantur in composito naturali partes *infinitæ*, sed potius omne compositum *finitum* est, tunc sane in eo deveniri poterit ad partes *primas finitas*, adeoque non in infinitum compositas ex minoribus & minoribus, sed prorsus *simplices* : tales autem nos vocamus *absolute minima materialia* : & consequenter hæc sunt materia prima corporum *physice* spectata.

LXV. *Scholion I.* Etiam nostræ huic *Absolute* materiæ primæ *physice* spectatæ per minimis quam accommode aptari potest utra- congruit que definitio ab Aristotele tradita definitio / materiæ (XXXIX.) Nam 1. absolute minima Aristote- materialia per se ipsa nec sunt quid, *lica* ; id est, nullum compositum, nec homo, nec arbor aut lapis &c. nec quale, id est, nec sunt frigida nec calida, nec colorata &c. nec quantum, id est non magna aut lata vel longa &c. nec aliud quidpiam eorum, quibus ens determinatur, eoquod sola forma superveniens seu diversa combinatio & textura, ut mox dicetur, ea in certa specie constituat. 2. Minima materialia sunt quoque *primum subiectum uniuscujusque rei*, ut ex immediate dictis (*n. præc.*) liquet : neque per accidens insunt composito,

Sect. II.

posito, sed *per se*, id est, ex intentione naturæ & non ex voluntate & arbitrio solum artificis: sic v. g. *arbor* aut *pomum* ex his tantum & non aliis absolute minimis ab auctoris naturæ voluntate determinatis *naturaliter* constant, per *artem* vero ex diversis materiis fieri queunt, v. g. ex coloribus, metallis, aut filaminibus acu phrygia intextis &c. & si *corrumpitur* aliquod compositum, in has substantias simplices materiales *abibit ultimo*, serè sicut corpora Geometrica in sua *puncta* & numeri in *unitates*: suntque insuper hæc absolute minima materialia nulli *generationi* aut *corruptioni* naturali obnoxia, eo ipso quia sunt *simplicia* (Metaph. fol. 424. & 425.)

Unde hæc nostra sententia placere potest etiam Peripateticis,

LXVI. Scholion II. Nihil igitur prohibet, quo minus in hac parte etiam Peripatetici nobiscum sentire possint, quin a suo duce Stagyrta dissentiant. Aut si tamen a suis conceptibus *Metaphysicis* ac sensu *Ideali* nulla ratione declinare ipsis fixum ratumque sit, poterunt fortasse dicere, quod *potentia passiva minimorum physicorum* sit propriè (*Metaphysice* intelligi volunt) *materia prima*; ipsa autem *minima physica* in se considerata sint *materia solum secunda*,

id -

id est, respectu materiæ primæ Metaphysice consideratæ; nam perlibenter ipsis concedimus, in ratione cognoscendi priorem esse conceptum *Metaphysicum*, *transcendentalem* ac *Idealem*, quam *Physicum* ac *realem*; quilibet enim, ut supra jam diximus, ignorans rei alicujus physicæ essentiam, v. g. *soni*, *luminis* aut *coloris* &c. sane prius cognoscit ac etiam enuntiat: *est ens*, aut *substantia*, certa *qualitas* vel *modus* (quæ omnia ad objectum *Metaphysicæ* spectant, cum sint a rebus *abstracta*) antequam dicere queat: *sonus* prout physice in aures incurrit, est tremor concitatissimus æris vel alterius mediæ densi & *Elastici*: *Lumen* physice oritur ex substantiæ æthereæ motu celerrimo vibratorio & rectilîneo: *Color formalis* est ipsum lumen modificatum &c. ast negamus, solam declarationem *Metaphysicam* materiæ in physica sufficere (LVIII.) aut materiam primam à Peripateticis *physice* explicari. (LX.)

LXVII. *Scholion III.* Cum nostra Estque
 itidem sententia apprimè conciliari mens no-
 possunt celebriores & veriores tum VV. stra con-
 tum RR. Philosophorum circa materi- grua tum
 am primam corporum sententiæ & opi- VV. tum
 niones: sopheris.

Sect. II.

niones : nam 1. nostris obfolute minimis materialibus facillime aptari valet, quod VV. plerique fub nomine CHAOS (XXXI. XXXII. XXXIV. & XXXV.) in confufo tradidere : nec minus 2. etiam Græcorum Philofophorum *Elementa*, ut *aqua* Thaletis (XXXVI.) *Ignis aër aqua & terra* Empedoclis (XLII.) Item 3. Anaxagoræ *Panfpermia* (XXXVI.) *numeri* Pythagoræ (XXXVII.) *materia* Platonis (XXXVIII.) *atomi* Democriti (XLIII.) & Gaffendi (XLVI.) *particulæ minimæ* Newtoni (XLVIII.) *Monades* Leibnitii XLIX.) *Elementa* denique Wolfii (L.) nihil aliud nifi fubftantias *fimplices materiales* denotare videntur, ut intuenti patebit.

Materia
noſtra
phyſica eſt
una,

LXVIII. *Scholion IV.* Porro utut *plurimæ*, nempe per totum hoc univerfum diffuſæ, ſint ejusmodi ſubſtantiaë materiales ſimplices, quarum ſingulæ ſeorſim ſumptæ cum ſint radicaliter *impenetrabiles*, *Metaphyſice* loquendo corpora dici queunt (XVII.) in ſenſu tamen *phyſico* unam tantum materiam ſeu principium corporis *phyſici determinabile* (LVIII.) conſtituunt; *Elementa* quippe omnia ſeu ſubſtantiaë *materiales ſimplices ſeorſim ſumptæ* non

non sunt totum sed si simul sumantur (Metaph. fol. 432. & 433.) ergo & seorsim sumptæ non sunt plures *materiae physicae*, sed tantum plures *partes materiales*, cum idem ipsum sit *prima* ex his partibus in corpore secundum se, quod est *altera*, & consequenter idem, id est, *candem materiam physicam* constituunt secundum se sumptæ. Et sane quod in materia prima physice accepta plures imo infinitæ propemodum partes admitti queant, asseruit quoque ipsemet Aristoteles teste Tullio qq. Acad. qui mentem Philosophi his verbis explicat: *subjectam putat* (Aristoteles) *omnibus sine ulla specie, atque carentem omni illa qualitate* (faciamus enim tractando usitatus hoc verbum & tritius) *materiam quamdam, ex qua omnia expressa atque effecta sint, quæ tota omnia accipere possit, omnibusque modis mutare, atque ex omni parte, eoque etiam interire non in nihilum, sed IN SUAS PARTES.*

LXIX. Scholion V. Nec denique Nec ex se
est opus, ut cum Leibnitio & Wolfio essentiali-
substantiæ simplices materiales singulæ ter dissimi-
statuantur heterogeneæ & dissimiles; lis.
nam præter superius dicta (L.) prin-
cipium

P. Oster. Physic. Pars I.

Sec. II.

cipium Identitatis indiscernibilium, quod est unicum Wolfianæ assertionis motivum, in Metaphysica jam refutavimus (fol. 402. & 403.) ad hæc idem Wolfius *Cosmol.* §. 127. cum modernis Philosophis cunctis docet, nullam in corporibus mutationem constringere posse nisi quoad figuram, magnitudinem partium, situm & locum totius: ergo etiam cum his ipsis concludere debuisset, totam corporum dissimilitudinem non ex elementis essentialiter dissimilibus, sed ex diversa eorum unione indeque nata varia figura, magnitudine situque partium derivari posse. Plura huc pertinentia dicentur in art. seq. nunc sit

PROPOSITIO II.

Absolute minimorum seu substantiarum materialium unio secundum diversum situm & combinationem est forma essentialis physica corporum.

Forma essentialis corporum est absolute minimo-
rum constitutio. **LXX. PROBATUR.** Forma essentialis physice spectata est id, per quod unumquodque compositum est id, quod est, & a quovis alio essentialiter distinguitur (L.VIII.) atqui per unionem substantiarum simplicium materialium

rialium, secundum diversum situm & combinationem unumquodque compositum est id quod est &c. ergo. p. m. 1. ab analogia compositorum *artificialium* (*ars* quippe naturæ simia est) quæ non per aliquid aliud sunt quod sunt, & a se invicem differunt, nisi per *artificiosam* partium unionem ac diversam combinationem ab *artifice* factam: ergo etiam composita *naturalia* per *naturalem* substantiarum simplicium materialium unionem, diversamque combinationem & situm essentialiter inter se distinguuntur. 2. Patet ex observatione quotidiana, quod per unionem & diversam configurationem molecularum & corpusculorum *sensibilium* specie diversa exurgant corpora, ut v. g. dum granum frumenti terræ mandatum ac pæne emortuum abit in *spicam*: spica matura nova parturit *grana*, quæ contusa lapide molari sensim mutantur in *farinam*: farina aquis subacta fit *pasta*: hæc per ignem in fornace exsiccata fit *placenta* aut *panis*: panis ab homine comestus transit in *chylum*, chylus in *sanguinem*: sanguis in *carnem*: hæc post mortem hominis in *vermes*: vermes putrefacti ascendunt ut *succus* in herbarum *nutrimentum*: herbe rursus cedunt

Sect. II.

in pabulum animalium, ac ita porro &c. ergo id ipsum quoque dicendum est fieri ex diversa unione situ & combinatione absolute minimorum *insensibilium* (quia natura *uniformiter* operatur) nempe quod ex iis moleculæ & corpuscula majora *sensibilia* essentialiter inter se differencia exurgant &c. idque magis ad captum declarabitur, ubi de *divisibilitate* corporum stupenda & *effluxorum* copia fere incredibili sermo erit. CONFIRMATUR ulterius ab alia *analogia* desumpta a *litteris*, *punctis*, & *numeris* (cum substantiis simplicibus materialibus propter suam *simplicitatem* quam proxima similitudine convenientibus) quæ omnia juxta regulas *permutationum* & *combinationum*, de quibus præter alios tractat Cl. P. Huberti in sua Arithmetica c. 6. tam diversimode inter se per alium situm & combinationem ordinari, novasque semper ac diversissimas formas atque figuras efformare possunt, ita ut rerum Mathematicarum ignari satis mirari nequeant. Sic v. G. sumamus tres priores tantum Alphabeti litteras A B C ; hæ juxta tabulam permutationum sexies permutteri possunt, ut alia semper forma seu figura litterarum prodeat, hoc modo :

a b c.

abc. acb. bac. bca. cab. cba. sin autem quatuor accipiantur litteræ v. g. a b c d. hæ conformiter prædictæ tabulæ quater & vigesies permutari valent: nempe quælibet datarum litterarum semel poni potest primo loco, quod dum fit, reliquæ tres posteriores, ut mox demonstratum est, sexies aliter collocari queunt, adeoque evenient permutationes $4 \times 6 = 24$. ut sequitur.

abcd	bacd	cdab	dabc
abdc	badc	cdba	dacb
acbd	bcad	cabd	dbac
acdb	bcda	cadb	dbca
adb c	bdac	cbad	dcab
adcb.	bdca.	cbda.	dcba.

Sumamus item sola tria *puncta* minima, eaque collocemus modo secundum lineam rectam modo secundum curvam aut obliquam, ita ut efformentur varia triangula habentia vel angulum rectum vel acutum aut obtusum, majorem vel minorem &c. plurimæ figuræ ab hisce punctis generatæ prodibunt. Rursum accipiamus novem vulgares notas arithmeticas 1, 2, 3, 4, 5, 6, 7, 8, 9. hæ quoque juxta præfatam permutatio-

Sect. II.

num tabulam 362880. diversas formas subire valent. Decem porro homines si diverso semper ordine eidem mensæ accumbere vellent, 3628800. diversas in assidendo figuras efformando multo citius vitam suam quam accubitus in mensa consummarent. Postremo litteræ alphabeti omnes, quæ sunt 24. secundum illas ipsas permutandi regulas tam stupendum admittunt permutationum numerum, ut si ex mille millionibus scribarum singuli quotidie scriberent 40. paginas, quarum singulæ contineant quadraginta diversos litterarum ordines, totum permutationum opus vix absoluturi sint intra annos 1000 000 000. hoc est, intra mille itidem miliones annorum. Quin imo hæ permutationes omnes si scriberentur in libris juxta se collocandis, tota globi terraquei superficies libros hosce omnes capere haud posset, ut demonstrat Cl. P. Schottus in *Magia universalis*; possunt quippe prædictæ 24. alphabeti notæ permutari universim 620 448 401 733 239 439 360 000 vicibus. Jam vero cum in hoc universo non tres tantum aut quatuor vel novem aut decem vel viginti quatuor, sed millena & millena sint absolute mini-

minima materialia seu substantiæ simplices materiales, a Deo sub initium mundi creatæ suasque in moleculas compactæ, quis non facillime capiet, ex iis omnibus millena quoque & millena diversissima corpora *essentialiter* inter se differentia posse constitui, constituta jam esse & adhuc constituenda fore per diversam earundem unionem situm & texturam? consequenter &c.

LXXI. *Scholion.* Quod huic nostræ VV. Phi-
de *forma* corporum sententiæ præcipui losophi
denuo ex *Veteribus* Philosophis (nam præcipui
de *Neotericis* palam est, ipsos ad unum id ipsum
omnes uno ore nobiscum in hac parte docuere.
sentire) suo subscribant calculo, certissime liquet, si eorum placita non nihil accuratius expendendi animus est. Sic I. PYTHAGORAM per suam *unitatem* & *numeros* (XXXVII.) nihil aliud intellexisse, quam corpuscula quædam exilissima eorumque combinationem, certum ordinem & harmoniam, ita scilicet ut putaverit, ex particulis minimis & *insensibilibus* diversa ratione simul artificiose dispositis *sensibilia* quæque consurgere, quemadmodum ex pluribus *unitatibus* ac *numeris* simul collectis *summa* quædam seu *totum* efficitur (n. cit.) scribit Plutarchus de

Sect. II.

plac. Phil. c. 3. II. Et quia DEMOCRITUS teste Laertio in *ejus* vita sic omnia, quæ docuit Pythagoras, similiter tenuit, ut, *nisi* temporum ratio obflaret, illum & audisse putaretur, non minus sequitur, etiam Democritum per suas *atomos* earumque artificiosam combinationem (XLIII.) ipsasmet *unitates* & *numeros* a Pythagora *Allegorice* acceptos realiter ac *Physice* interpretatum fuisse. III. PLATO quoque sub *Idearum* suarum involucro (XXXVIII.) id ipsum docuisse videtur, quandoquidem interrogatus olim a suis, quid omnium maxime Divina mens ageret? in responsis dedisse fertur: *Deus semper Geometrizat*: quid est autem *geometrizare*, nisi varias figuras Geometricas & corpora ad Geometriam spectantia elaborare? hæc porro non nisi ex diversa unione situ & combinatione linearum & superficierum oriri ac inter se essentialiter distingui nullus Geometriæ peritus ignorat: unde & postea in schola Averrois de Deo rerum Conditor in proverbium abiit, *mentem primam, dum ad rerum creationem processit, numeros triangulos circulos & sphaeras eructasse.* IV. Sed & ARISTOTELES corporum *formam* in *Sectionibus Problematum*

matum in parvis naturalibus, in libris de *Meteoris*, omnibusque libris *Exotericis* (VII.) in quibus nempe de rebus physicis *physice* differit, per corpusculorum *texturam combinationem* & *motum ac situm* non autem per abstracta *formarum* & *qualitatum* vocabula explicat, utut alibi, in libris scilicet *auscultatoriis*, quos Peripatetici præ aliis eligunt (VIII.) id quoque præstiterit. Quamquam & hic in meliorem partem cum Pythagora accipi queat (XL.) ait enim terminis Pythagoricis l. 1. *Phys. t. 66. forma est unum ut ordo vel Musica vel eorum aliquid*, quæ simili modo dicuntur: & l. 2. *Phys. t. 18. forma est ratio quidditatis* & hujus genera veluti ejus concentus, qui sonos omnes complectitur, ipsa duorum ad unum ratio, atque omnino numerus, itemque partes, quæ in ratione sumuntur.

LXXII. *Corollarium.* Male igitur *Forma* non rigidi quicunque Peripatetici *formam*, est substantiam quam vocant *substantialem*, volunt esse *etiam* quamdam veluti *semita* - *substantiam* seu *incompleta*. substantiam *incompletam*: nam & substantia *incompleta* est vera *perfectaque* substantia (Met. sol. 275.) id quod de forma corporum vitæ expertium v. g.

Seët. II.

tritici, panis, chyli, sanguinis &c. dici nequit; si enim *substantiæ* forent ejusmodi formæ, essent revera *substantiæ simplices* (ibid. fol. 276.) aut secus in statuendis rerum principiis, ad quæ spectant *formæ* (LV.) daretur processus in infinitum: atqui *substantiæ simplices* esse non possunt; hæ enim non nisi a Deo per creationem produci queunt, nec perire valent nisi per annihilationem ab eadem causa prima faciendam (Met. fol. 425.) formæ autem substantiales juxta eosdem Peripateticos ab agente creato generantur quotidie & corrumpuntur toties, quoties v. g. molitor rotâ molendini triticum in farinam, aut pistor eandem aqua subactam & per calorem ignis in fornace excoctam in panem transmutat &c.

RESPONDENT quidem Peripatetici *x*: formam substantialem non fieri *ex nihilo sui* & *subjecti*, prout ad *creationem* requiritur, sed tantum *educi de potentia materiæ*, adeoque non creari, eo ipso quod fiat tantum *ex nihilo sui* & *ex aliquo subjecti*, scilicet ex materia. Sed

CONTRA est. Præter jam alibi dicta (Met. fol. 279. & 280.) nequit dici, quod formæ corporum educantur

tur ex aliquo subiecto ; nam si hoc fieret , tunc plane subiectum deberet illis aliquid *de suo* conferre : at subiectum illis nihil potest de suo conferre : ergo. M. patet ; nam si formæ possent dici produci ex subiecto , etiamsi subiectum illis nihil conferret , profecto etiam anima rationalis posset dici *fieri ex subiecto* , quod nemo Catholicorum dicet. p. m. si subiectum illis *aliquid de suo* conferret , deberet conferre *suam entitatem* ; nam præter hanc nihil habet quod conferat : atqui hanc non confert ; alias *forma* non esset forma sed ipsa *materia* , quæ *subiecti* nomine designatur.

RESPONDENT Peripatetici 2do. Quod subiectum nihil quidem conferat *active* ; bene vero *passive* :

CONTRA EST. Quæro, quomodo *passive* conferat suam entitatem ? si dicant , id fieri , dum patitur effectum ex se educi , sane petitur principium , quia pro responso datur , quod est in quaestione : nempe ut subiectum patiatur effectum ex se educi , debet juxta eosdem Peripateticos *passive* conferre suam entitatem ; at quaeritur ; *quomodo* ergo illam conferat ? si *reponant* : confert *passive* entitatem suam , quia patitur
esse-

Sect. II.

effectum ex se educi, & patitur effectum ex se educi, quia passive confert entitatem suam, manifesta est *petitio principii*, (Log. fol. 282.) & consequenter formæ corporum *vitæ expertum*) excipitur semper anima rationalis, homini *vitam* tribuens. (Met. fol. 697.) vocari quidem possunt *essentiales*, quia illorum *essentiam* determinant, non tamen *substantiales* in rigore loquendo, eoquod non sint *substantiæ* nequidem incompletæ aut formæ *absolutæ*, sed mere *relativæ* & *modales*, hoc est, modi seu *modificationes materiæ*.

SOLV. OBJ.

Substantia
materialis
simplex
non im-
plicat.

LXXIII. **O**B. 1. *Contra Prop. I.* Implicat substantia materialis *simplex*: ergo materia prima *physice* spectata male constituitur in substantiis simplicibus materialibus. p. A. Omne *materiale* per hoc a *spiritu* differt, quod illud prius includat *pluralitatem partium*, non vero *spiritus*: atqui omne quod includit *pluralitatem partium*, non est *simplex* (Metaph. fol. 422.) ergo. R. N. A. ad prob. D. M. omne *materiale Corpus* sic differt. Tr. M. nam aliam adhuc

adhuc differentiam assignavimus supra (XVII.) uti & in Metaphysica (fol. 701.) omne materiale principium corporis differt per pluralitatem partium &c. sub Dist. ita tamen ut illæ partes singulæ totius massæ (LXVIII.) seorsim sumptæ, quam veteres Philosophi sub nomine *Chaos* probabilius indicare volebant, sint prorsus inextensæ ac simplices C. M. ut denuo ex aliis sint compositæ, prout quodvis corpus est compositum. N. M. & sic D. m. N. C. simulque *Retorq.* in formam substantialem materialem, quam (præter animam rationalem in homine) Peripatetici admittunt in singulis compositis *inanimatis*, quæ non obstante materialitate sua utique *simplex* dici debet, cum sit unum ex *principiis primis*, quæ non possunt ex aliis esse composita, eoipso quod sint *prima*.

Inst. r. Ex substantiis *inextensis* nequit fieri aliquod *extensum*: ergo si substantiæ materiales sunt inextensæ, nequeunt constituere aliquod corpus extensum, & consequenter nec sunt principia corporis. p. A. si ex substantiis inextensis posset fieri aliquod extensum, tunc etiam ex *spiritibus* utpote inextensis posset generari totum aliquod exten-

Ex inextensis potest fieri extensum.

Sect. II.

extensum corporeum : atqui hoc non :
 ergo. R. N. A. nam , ut ait Baumei-
 sterus *Metaph. §. 455. non est magis*
absonum fieri ex non extenso extensum ,
quam fieri ex non Bibliotheca bibliothecam ,
ex non pio pium , ex non erudito erudi-
tum : & certe tota domus ex partibus ,
quæ seorsim sumptæ non sunt domus ,
planta ex particulis , quæ non sunt
plantæ , & corpus etiam humanum ex
pluribus formis partialibus , quæ seor-
sim acceptæ corpus humanum non sunt ,
passim coalescit : quidni ergo etiam ex
substantiis minimis inextensis , id est ,
talibus , quarum unaquæque ex parti-
bus quoad se composita non est , ob
impenetrabilitatem tamen ac soliditatem
naturalem (XLVIII.) extra entitatem
alterius existit , totum aliquod exten-
sum exurgere valeat , cum illæ ipsæ
propter impenetrabilitatem suo modo
sint extensæ ? & per hoc patet dispa-
ritas , quod ex spiritibus inextensis om-
nique insuper impenetrabilitate carenti-
bus totum aliquod extensum corpore-
um generari haud queat , quam ta-
men impenetrabilitatem cum substantiæ
simplices materiales habeant (ut ma-
gis ex art. seq. patebit) junctæ idcirco
unacum aliis sese non penetrantibus
 molem

molem extensam constituunt, quam *spiritus* utpote sese penetrantes constituere nequeunt. Unde omnis quidem spiritus est ens *simplex*, at non omne ens simplex est *spiritus*, qui etiam per hoc a materia & corpore differt, quod *Intellectu* & *voluntate* gaudeat, non item materia & corpus: hinc mala foret illatio, si quis diceret: *omnia composita constant ex simplicibus: ergo omnia composita constant ex spiritibus*; nam perinde esset, ac si quis diceret: *mundus constat ex entibus compositis: ergo mundus constat nonnisi lapidibus*. Ita citatus Baumeisterus. Denique ad hoc argumentum responsionis ac retorsionis loco servire possunt *analogiæ* superius allatæ (LXIV.)

Inst. 2. Nequit assignari *modus*, quo possunt una substantia simplex uniatur cum altera ad constituendum aliquod extensum: ergo. *R. 1. Retorq.* in particulas minimas *materiae secundae* (LXVI.) quas certe ut *simplices* admittere debent Peripatetici, quia alias forent partes *infinitae* in toto, si non perveniretur ad substantias *simplices* (LXIV.) *R. 2.* quod ad istam unionem sola voluntas & concursus Dei verbo dicentis *fiat*, vel etiam pressio extrinseca a vi motrice substantiis

Sect. II.

tiis simplicibus materialibus a Deo per modum *naturæ* indita proveniens abunde sufficiat. Nec turpe putandum est Philosopho quoad materiæ *primæ* in moleculas & corpora conjunctionem ad causam *primam* confugere; sic enim ratio ipsa causæ *primæ* & *secundæ* exigit. Denique etiam substantiis *simplicibus* actu competit sua *extensio*, utut *minima* (CXIII.)

Materia
physica
non est
ipsa forma.

Inst. 3. Talis substantia materialis simplex cum juxta nos sit ens physicum & existens, jam habet in se *formam*, cum sit aliquid *determinatum* & ab altera substantia materiali simplice *distinctum*: ergo materia & forma idem forent, & consequenter talis substantia materialis jam esset *composita* & non simplex. R. D. A. habet in se *formam* Metaphysicam ac mere Idealem, qui conceptus in cognoscendo est prior quam *physicus* & *realis* (LXVI.) C. A. habet in se *formam physicam* & *realem* sub Dist. si consideretur ut juncta cum aliis substantiis simplicibus, quibuscum alium & alium facit modum *compositionis* (LXX.) C. A. si quælibet seorsim & quoad se ut massam quamdam *informem* & materialiter *homogeneam* (LXVIII.)

(LXVIII.) constituens spectetur. N. A. & C. forma tantummodo est radix differentiae inter duo entia *composita* non autem inter *simplicia*, quæ *eiusdem* rationis sunt. Dein *Retorq.* in VV. Peripateticos saltem Scotistas ore-unanimi docentes, quod materia prima seorsim a forma considerata gaudeat *actu entitativo*, per quem intellexerunt *propriam existentiam* distinctam ab *existentia* formæ: id ipsum ergo quod illi de sua materia prima *Metaphysica*, id nos de materia nostra *physica* per analogiam ratiocinando asserimus. Interim non negamus, quod una substantia simplex *materialis* differat ab altera *numerice*; hæc tamen differentia non constituitur per aliud nisi per ipsas substantias simplices, prout in simili casu loquitur etiam Aristoteles l. 6. *Metaph.* c. 17. *illud quidem, cur ipse est ipse, nihil est quærere.* Denique D. C. materia & forma (*physica* prout hic loquimur) sunt idem realiter C. C. modaliter. N. C. & C. (LXXII.)

Inst. 4. Quævis substantia simplex *Quali actu* materialis constat actu & potentia: *& potentia* potentia, quia esse poterat: *constet* actu, quia est *substantia* seu existit actu: ergo est quid *compositum* simplex?

P. Oster. Phys. Part I.

Sect. II.

tum. R. D. A. Metaphysice loquendo C. A. physice loquendo N. A. & *Retorq.* Etiam spiritus v. g. angelus & anima nostra rationalis tali modo constant actu & potentia, nam revera antequam crearentur, *potuerunt* esse, & defacto *existunt*, nemo tamen nisi Metaphysice illos esse *compositos* dixerit, cum non habeant partes *physicas*, similiter & de substantiis *simplicibus materialibus* loquendum est præcise ratione *simplicitatis* ipsarum.

Ex insensibili potest oriri sensibile.

Inst. 5. Absolute minima sunt prorsus *insensibilia*: ergo ex ipsis nequit corpus *sensibile* oriri. R. D. A. si quodvis eorum seorsim consideretur C. A. si ut simul unita in particulis *derivativis* & majoribus tum corpusculis tum corporibus inde derivatis, ut in *Systemate Wolfii* (L) spectentur. N. A. & C. ac denuo *Retorq.* in particulas minimas materiae secundae, prout dictum est ad *Inst. 2.*

Quomodo compositum naturale differt ab artificiali?

OB. 2. Contra Prop. II. In nostra sententia forma corporum essentialis esset tantum *accidentalis*, varia nempe modificatio substantiarum simplicium materialium; atqui hoc dici nequit: ergo. p. m. tali modo compositum naturale non foret ens *unum per se*, sed *totum*.

totum per accidens sicut est totum artificiale ; cum non constaret ex per se actu seu forma & ex per se potentia seu materia : ergo. Ita Peripatetici ! R. N. m. ad prob. dico , in hoc argumento peti principium (Log. fol. 282.) nam dicere : *compositum naturale est unum per se ex per se actu & per se potentia* : ergo illius forma est substantia , idem est ac dicere : *Compositum est unum per se ex per se actu & per se potentia*, quorum utrumque est substantia : ergo illius forma est substantia. Hinc D. M. non foret ens unum per se, si per se unum per se intelligatur aliquod compositum, quod fiat ex duplici semi - substantia C. M. si intelligatur aliquod totum, quod primo & per se sit a natura operante intentum. N. M. (Metaph. fol. 86.) discrimen inter totum naturale & artificiale multo melius ex intentione causarum diversa repetitur (LXV.) nempe in composito naturali tum materia tum materiae configuratio ad constituenda corpora specifica intenditur ab ipsa natura ; ideoque debent semper ac necessario prodire ex talibus & non aliis moleculis & corpusculis, tali & non alio motu coadunatis, tali & non alio situ collocatis ; alias enim species sub-

Sect. II.

stantiales essent obnoxiae multis defectibus, sicque male provisum esset conservationi universi, ad quam praecipue ordinata est varietas specierum substantialium : econtra vero *artefacta* nec requirunt eandem semper *materiam* nec eundem semper *situm* partium, nec eundem semper *modum* compositionis, ideoque etiam multis defectibus obnoxia esse possunt, eoquod non sint ordinata ad conservationem universi : sic a solo *artifice* solet determinari lignum ad hanc potius quam aliam figuram referendam, v. g. ad mensam januam aut sellam, cum ex *naturae* intentione omnino indifferens sit, ut ex eo fiat Mercurius aut Priapus vel Bucephalus &c. est ergo etiam in nostra sententia compositum quodvis naturale ens *unum per se, unum*, quia indivisum in se & divisum & a quolibet alio : *per se* autem juxta explicationem mox datam : constat item ex *per se actu* & ex *per se potentia*, quia substantiarum simplicium diversae configurationes totum illud compositum *ex directa intentione naturae* ad esse suum specificum determinant physice, quae *Metaphysice* ut duo distincta principia, quorum unum est *deter-*
ter-

terminabile alterum vero *determinans*, considerari possunt.

Inst. 1. Qualiscunque simplicium sub-^{Forma}stantiarum materialium configuratio,^{physica} etiamsi *a natura operante* intendatur, tribuit dif-^{ferentiam} est accidentalis: ergo tali modo *unum* essential-^{lem.}
per se nequit explicari. p. A. Configuratio quævis ejusmodi substantiarum non est nisi *modus*: atqui *modus* est quid *accidentale* (Met. sol. 74.) ergo, R. N. A. ad p. D. M. non est nisi *modus*, si reduplicative & in abstracto seu Metaphysice sumatur C. M. si specificative, in concreto ac physice accipiat, sub D. est *modus essentialiter* tamen spectans ad ipsas substantias ab operante natura inter se connexas C. M. est *modus essentialiter* ad earum compositionem non spectans N. M. & sic D. m, N. C. libenter admittimus, quod substantiarum simplicium configuratio sit *accidentalis* in hoc sensu, quatenus a natura vel hæc vel illa configuratio ex simplicibus substantiis potuisset *antecedenter* intendi & hæc vel illa forma educi, id quod etiam prædicti Aristotelici de sua *forma substantiali* admittere debent; non item *consequenter* seu facta semel earundem substantiarum compositione; sicut v. g. respectu ligni *ante-*

Sect. II.

cedenter mere accidentale est, quod ex eo formetur Mercurius : ast introducta semel hæc forma ESSENTIALITER ligno competit ad hoc, ut *Mercurius* sit. Cæterum bene adhuc notandum, quod de formis respectivis seu *modalibus secundum se* & in *abstracto* sumptis plene loqui non possimus, cum non existant *secundum se*, nec habeant *esse proprium* : quidquid ergo de ipsis dicitur, debet illas explicare vel in ordine ad *materiam* vel in ordine ad *compositum*, quorum sunt modi : tam *materia* autem quam *compositum* essentielle *substantiæ* sunt ; *materia* quidem, quia constat ex innumeris *substantiis* simplicibus ante unionem prorsus informibus : *Compositum* vero cum sit aliquid *aggregatum* ex *substantiis* simplicibus vel potius ipsæ *substantiæ* simplices aggregatæ : ergo & *modi*, qui proprie non sunt *entia* sed tantum certæ *habitudines* entium, *substantiales* sunt.

Generatio
substantia-
lis.

Inst. 2. Dantur revera in hoc universo plurimæ *generationes substantiales*, ut dum v. g. ex ligno corrupto per ignem generatur cinis, ex planta planta, ex bruto brutum, ex homine homo : atqui nihil aliud in illis generatur nisi forma *secundum se* accepta (nam ma-
teria

teria prima est *ingenerabilis & incorruptibilis*) ergo forma *secundem se* sumpta debet esse *substantia*, saltem incompleta seu semi-substantia. R. 1. N. C. in hoc Syllogismo; nam *plus* in conclusione infertur, quam fuerat in præmissis; sufficit enim inferre: ergo forma debet esse *substantialis*, id quod utique non negamus, ut ex immediate dictis liquet. R. 2. D. m. Et illa ipsa forma in generatione Substantiali (solo *homine* vel etiam *brutis* exceptis) consistit in mera substantiarum simplicium materialium diversa unione, vel potius (quia nunquam in aliqua mutatione fit resolutio usque ad substantias simplices) ortarum exinde molecularum & corpusculorum certa magnitudine & figura præditorum textura & combinatione C. m. consistit in distincta aliqua semi-substantia N. m. & C. (LXXII.) etiamsi non producat novam *entitas substantialis* tanquam forma, vera nihilominus haberi potest *generatio substantialis* teste ipsomet Aristotele l. 1. de gener. & corrupt. c. 4. utpote quam ibi definit, quod sit *mutatio totius in totum, minime remanente eodem subjecto sensibili*: hoc autem fit, dum v. g. ex ligno per ignem corrupto fit

Sect. II.

cinis ; soluta enim tota textura ligni ita mutatur lignum , ut nihil amplius de eodem ligno *sensibiliter* remaneat ; sed per novam aliarum molecularum unionem succedit cinis , adeoque *substantialiter* mutatur. Quin etiam homo vere ex homine generari dicitur , ut nec *materia* nec *forma* (nempe anima rationalis) a parentibus producatur : adeoque ad generationem *substantialem* sufficit , si fiat novum compositum , quod sit *ens per se* sive substantia , id quod fieri potest per formam *essentialem* de novo productam.

Quomodo
ab acci-
dentali
differat ?

Inst. 3. Sic non daretur discrimen inter generationem substantialem & accidentalem seu *alterationem* v. g. dum lignum frigidum *incallescit* aut humidum *exsiccat* : atqui debet dari discrimen : ergo R. N. M. Et dico cum Wolfio (L.) generationem *substantialem* per hoc differre ab *accidentali* , quod illa prior fiat per materiam sensibilem *materiæ propriæ* corporis ; ista vero per *mutationem materiæ alienæ*. Sic v. g. ut maneamus in allato exemplo , dum lignum comburitur , materia illius *propria* seu *igneæ* dissolvitur per particulas igneas ; inde

indeque cineres per aliam & novam aggregationem particularum tum *primitivarum* tum maxime *derivatarum* oriuntur : econtra dum lignum ex frigido fit *calidum*, materiæ propriæ permanenti accedit tantum alia materia calorigifica, quæ est *aliena* & extranea : unde aqua fit *alterata* non tamen *altera*, id est, non resultat *aliud compositum* substantialiter diversum. Dein N. *suppositum*, quod in corporibus vitæ expertibus generari, vel ut Peripatetici loquantur, *ex materia* educi possit ejusmodi formæ substantia (LXXII.) sequeretur enim manifeste eam ab agente creato ita produci, ut vere *crearetur*, quod implicat (Met. fol. 541.) vel enim forma quoad propriam suam entitatem prius jam latuit in materia vel non ? *primum* ipsimet non admittunt : *secundum* autem immediate formæ creationem infert ; neque enim quod producat in materia, neque quod *sustentetur* & conservetur in materia, creationi quidquam derogat, quamdiu a Scholasticis ostendi nequit, *ex quo* proprie loquendo entitatem suam habeat : nec enim creatio est rei productio in nihilo sed *ex nihilo* ; unde non negat *subjectum*, in quo actio creativa

Sect. II.

exerceatur, aut secus in prima rerum productione formæ non essent nec dici possent creatæ; sed creatio negat tantum subjectum, *ex quo* fiat creatum: cumque forma hæc substantialis juxta Peripateticos *ex nullo* prorsus subjecto fiat, profecto *creatur*. Nec valet dicere, formas quidem esse *ex nihilo sui* non tamen *ex nihilo* subjecti, nam eo ipso quia forma nihil est materiæ ac tota tum extra entitatem tum extra conceptum materiæ existit (sicut materia juxta eosdem extra conceptum formæ) & quia item compositum ex materia & forma in tantum est, in quantum sunt hæ duæ partes, atque *aliquid compositi* sunt: ergo ut forma *ex materia* sit tanquam *ex nihilo* subjecti, materia etiam formæ *aliquid* sit oportet; secus *ex materia* non est, & consequenter *ex nihilo* subjecti est, adeoque vi agentium naturalium *creatur*.

Principium acti-
vum in
compositis
naturalibus non
probat
formam

Inst. 4. Datur in quolibet composito naturali etiam inanimato principium aliquod *activum* diversarum operationum: sic v.g. aqua violenter calefacta reducit se sensim ad pristinum naturale frigus; cinis vero ex ligno combusto relictus neutiquam se ad priorem ligni for-

formam reducit : atqui hoc aliunde ^{substantia-} non fit , nisi quia *forma substantialis* ^{lem Peri-} persistit in aqua calefacta ; non item ^{pateticam.} in cinere post factam ligni combustionem relicto : ergo datur forma ejusmodi substantialis etiam in corporibus vitæ expertibus. R. D. M. Intelligendo per illud principium *activum* vim motricem , in actuosis vividisque substantiis physice fundatam , de qua in *art. seq.* C. M. intelligendo quamdam semi-substantiam in sensu Scholasticorum. N. M. & ad hunc sensum explico reductionem aquæ ad pristinum frigus : nempe dum admoto igne illa calefit , repletur multis corpusculis igneis , recipientibus se intra spatiola illa vacua seu poros , quibus plena esse omnia corpora naturalia paulo inferius demonstrabimus : hæc ergo corpuscula ignea ab extrinseco ingredientia moleculas aqueas , in quibus vis motrix ad aquam constituendam requisita delitescit , extenuant quidem atque distendunt , non ita tamen ut statum ipsarum *sensibilem* , quem antea habebant , immutent , unde aqua etiam *calefacta* formam suam tum *essentialem* tum *substantialem* (intelligo vim motricem) continuo retinet , cumque remoto igne nulla amplius corpuscula

Sect. II.

scula ignea subintrent, quin & ab aëre incumbente frigido ea, quæ prius ingressa fuerant, sensim expellantur, hinc fit, ut aqua a peregrinis illis corpusculis evacuata priorique suo statui restituta denuo *sensum* afficiat ut ante. Econtra dum lignum comburitur, tota ligni textura solvitur, ut intuenti patet, sicque *forma essentialis* perit: sed & vis motrix seu actuosæ vividæque substantiæ interiores illa pereunte vi motrici cinerum unacum forma eorum essentiali succedenti cedunt. Porro quia nullum agens ordinarium corpuscula ligni dissipata eodem rursus ordine valet colligere, idcirco eadem quoque forma tum *essentialis* tum *substantialis* (*vim motricem* semper intelligo) naturaliter reduci prorsus nequit. Dein si aqua calefacta propter *formam substantialem* in sensu Peripateticorum (id est Metaphysice atque Idealiter) intellectam *ex propria quadam virtute* ad priorem statum sese reducit, dicant nobis Peripatetici, I. Cur non etiam partes ardorei cortex, si admotæ facie aliquantulum exustæ fuerint, ita ut prior forma substantia is indemniter perseveret, vim tamen attractivam humoris non amplius eodem modo recuperent?

rent? 2. Cur *ovum* substantialiter non mutatum sed solo motu vehementiore agitata vim prolificam amittat & incubari sit ineptum? 3. Cur denique *ponum* ex aliqua tantum parte confusum sese ad pristinum vigorem non reducat, sed sensim corrumpatur? nempe si quod compositum pristinas recuperat qualitates, id solum fit ab actiuolis vividisque particulis diversa vi motrice ab auctore naturæ præditis, ut mox uberius disseremus, & non a forma tantum *Ideali* ac ente *Metaphysico*, qualis est dicta *forma substantialis Peripatetica* (LX.) quin imo cum iidem Peripatetici doceant, quod *calor* (qui juxta ipsos est merum *accident*.) producere possit calorem, cur non similiter docent, quod *frigus* pristinum in aqua prius calefacta itidem a quodam accidente seu forma modali reducatur? consequenter forma *substantialis* ad aquam calefactam pristino frigori restituendam *necessaria* minime existit: sic autem & in aliis a pari arguere fas est.

ARTICULUS V.

Num præter formam essentialem
Corporum admittenda sit vis quædam
activa seu motrix, & in quo phy-
sice consistat ?

Non suffi-
cit tamen
mera par-
ticularum
configura-
tio iners,
LXXIV. **EX** posterius allato ac soluto
Peripateticorum argumen-
to, quo formam suam substantialem de-
fendere nituntur, hoc saltem me Judice
contra Atomistas (XLIII. & XLVI.)
efficaciter evinci videtur, quod *nuda*
ac iners & mere *passiva* particularum
materiæ *configuratio* ad explicandas
varias compositorum naturalium ope-
rationes haud sufficiat, sed præter *ma-*
teriam & *formam essentialem* adhuc prin-
cipium aliquod *activum* admitti debeat;
in quo *radix operandi* fundetur: id
quod etiam plerique tum Veteres tum
Recentiores Philosophi semper agno-
vere (XXXI. & seqq.) quibuscum
propterea sit



PRO-

PROPOSITIO I.

Præter formam essentialem datur
etiam in singulis corporibus indita a Deo
vis quædam agendi, fini ab auctore naturæ
intento proportionata.

LXXV. PROBATUR. *Ex una parte* Sed datur
fiunt perennes in hoc uni- præter for-
verso mutationes & ejusdem materiæ mam essen-
incompactibilis variationes ac permu- tialem eti-
tationes innumeræ in orbem continuo am vis
redeunt, juxta illud *Eccles. i. v. v. 4.* quædam
motrix.
9. & 10. generatio præterit & generatio
advenit, terra autem in æternum stat
(id est, eadem quoad substantiam in-
variata diutissime perdurat) quid est,
quod fuit? ipsum quod futurum est: quid
est, quod factum est? ipsum quod facien-
dum est: nihil sub sole novum, nec valet
quisquam dicere: ecce hoc recens est; jam
enim præcessit in sæculis, quæ fuerunt
ante nos. Et ex altera parte finit Deus
causas secundas motus suos agere, ut
habet axioma notissimum ex S. Augu-
stino, & ipse solum cum iisdem con-
currit, & quidem ad exigentiam ipsa-
rum, ita ut cum causis necessariis ne-
cessario & cum liberis libere agat
(Met. fol. 1129. & seq.) ipsas tamen
usque

Sect. II.

usque creaturas *active* concurrere seu revera *agere* permittit (Met. fol. 484.) ergo eo ipso in causis secundis debet esse vis quædam agendi intrinseca, ipsis ab auctore naturæ indita, & fini ab illo ipso auctore naturæ intentó proportionata. Patet hoc ab exemplis obviis; sic enim v. g. *sol* & *stellæ* a Deo ad illummandum factæ lucem suam continuo, nisi ab extra quoddam illis obstaculum obvertatur, *active* in terram nostram spargunt: *ignis* urere non cessat, *aqua* refrigerat & mundat: *Magnes* ferro & ferrum magneti copulari ardet: *arbores* Sylvestres suas frondes & folia; hortenſes autem & fructus; semina quoque plantarum suas plantas específicas proferre identidem pergunt. Quid dicam de *brutis*, *volucibus*, *reptilibus* & *piscibus*, in quibus species singulæ non nisi determinata suæ speciei individua generant? singulaque certarum specierum animalia non alios nisi competentes suæ speciei cibos comedunt, nec alias nisi couenientes eidem suæ speciei actiones producant? ita pulli ex ovis anatum a gallina exclusi relicta matre sua gallina aquas sponte quæerunt, in iisque natant: pulli econtra ex ovis gallinaceis a matre anserina producti ean-

eandem in aquis natantem in littore sicco aspiciunt, quin eam sequantur : *aves* item specificæ nemine docente modo suæ speciei proportionato nidificant : *apes* sua alvearia ubique locorum æqualiter & vix non Geometrice construunt : *formicæ* sua cellaria ac promptuaria artificio pari adornant : *bombyces* suo haud segniter incumbunt operi, sibi que ipsis post actos pretiosos labores sepulchrum parant : Vermes denique & *insecta* plurima ex suis itidem sepulchris atque involucris (*Nymphæ* vocantur) assidue ac solerter contextis denuo redivivi mutata non semel corporum suorum forma avibus in cibum semper recentem perseverant &c. hæc autem omnia sola profecto materialium corpusculorum diversa unione & inertis configuratione fieri nequeunt ; aut secus etiam per *artem* aut *casu* ejusmodi opera prodire possent, cui tamen experientia omnino contradicit : ergo revera concedi debet, quod ab auctore naturæ indita sit rebus quibusque naturalibus *vis* quædam *activa* fini suo proportionata, quæ non agit in singulis eodem modo.

M

CON-

P. *Oster. Physic. Pars. I.*

Sect. II.

CONFIRMATUR I. Opera *natura* aperte differunt ab operibus *artis*: atqui aliter non differunt, nisi quod in illis prioribus præter variam particularum *modificationem* sit aliquid *activi & vitalis*, quod *naturam* efficiat seu *Entelechiam & vitalitatem* tribuat; nihil econtra tale in istis posterioribus reperire fit, ut experientia & sensus intimus nobis clare demonstrant, ideoque jure id, quod a *natura* efficitur, *unum per se*: id est ab operante natura intentum; quod vero per *artem* producitur, *unum per accidens*, hoc est, viribus activis ab operante natura intentis destitutum appellari valet. (LXXIII. Ob. 2.) II. Substantiæ quæcunque materiales tum *simplices* tum *compositæ* naturaliter sese penetrare nequeunt (Met. fol. 644.) & per hoc a *spiritibus* differunt: (LXXIII. Inst. I.) ergo semper earum una extra entitatem alterius existet. *Subsumo*: atqui hoc fieri nequit, si nulla *vi activa* præditæ sint, quæ sibi *mutuo resistent*: ergo. m. patet ex terminis: cumque substantiæ *essentialiter* sint impenetrabiles, etiam *essentialiter* erunt *activa*.

Art. V.

LXXVI. *Corollarium I.* Hæc itaque agendi vis optime dici potest *natura* cuiuslibet entis non tantum corporei seu *compositi* sed & *simplicium* quoque substantiarum materialium, quarum singulis seorsim consideratis nedum *impenetrabilitatem* tribuit verum etiam *vim activam* in hoc orbe generalem: *natura* autem ob Aristotele definitur: *principium* & *causa* motus ejus, in quo est primo, per se, & non secundum accidens, quæ omnia vi agendi competunt, ut aspicienti patebit. Quin imo cum omnia corpora *composita* nil aliud sint nisi *substantiæ simplices aggregatæ* (LXX.) bene ait Cl. Ant. Gen. Elem. Met. T. I. p. 1. c. 11. §. 95. quod omnis, quæ in mundo est activitas, a substantiis primigeniis manare debeat, quibus nempe, prout tenet Eminent. Card. Ptolomæus S. J. Phys. Metaph. diff. 2. rerum opifex Deus statim ab initio mundi, dum spiritus ejus ferebatur super aquas, id est, supra Chaos primigenium (XXXI.) benedixit benedictione accommodata ac operativa, quales Divinæ benedictiones esse solent, ex qua benedictione & virtute activa ac seminali iisdem iudita in mundo semper factæ sunt & fiunt omnes corporum

-111-

M 2

natu-

Sect. II.

naturalium mutationes & vicissitudines.

Nobis con-
sentit
Leibnitius

LXXVII. Scholion I. Pro vi activa quarumcunque substantiarum acerrime pugnavit Leibnitius in *actis erudit. Lipsiæ*; nam ad annum 1695. pag. 145. ita loquitur: *agere est character substantiarum, easque propterea vocat entia, quæ vi agendi sunt prædita* (Met. fol. 273.) & ibidem ad annum 1694. pag. 112. l. 1. ait. *hanc agendi virtutem omni substantiæ inesse ajo, semperque aliquam ex ea actionem nasci, adeoque nec ipsam substantiam corpoream ab agendo cessare unquam: id quod verum est, si considerentur, quæ de motu corporum perenni partium internarum, de vi corporum gravitante, de attractione, de Electricitate & Magnetismo suis locis dicemus: atque hinc judicari potest, scribit idem ad annum 1698. pag. 434. debere in corporea substantia reperiri Entelechiam primam tanquam principium activitatis; vim scilicet motricem primitivam, quæ præter extensionem & molem superaddita semper quidem agit, sed tamen varie ex corporum concursibus per conatus impeturse modificatur. Atque hoc ipsum substantiale principium est, quod in viventibus*

ANI-

ANIMA: in aliis FORMA SUBSTANTIALIS appellatur.

LXXVIII. Scholion II. Etiam Aristotelici itidem in hac parte haud diversè Peripatetici consentiunt, dum ipsimet dominantem in rebus omnibus naturam seu principium motus communiter defendunt, atque cum sua forma substantiali confundunt: & bene; nam qui formam substantialem a natura distinguunt, illam ipsam nullo argumento satis & ad sufficientiam probabunt, quia ad omnium præcipuum ac fere solum efficax pro illa adstruenda momentum (LXXIV.) Atomistæ perquam facile respondere poterunt, principium diversarum operationum in compositis naturalibus non ex formis substantialibus, sed ex natura seu vi activa substantiarum esse petendum, ast videant Peripatetici hoc asserentes, an non in quodam alio incidant in Scyllam cupientes hic vitare Charybdim? dum scilicet eo ipso, quod formam suam substantialem non nisi vim quamdam activam esse concedunt, eandem quoque mere aliquid Metaphysicum, nempe proprietatem ab alia quadam substantia manantem (Met. fol. 273. & 79.) admittere debent, uti & nos ex eadem ratione præcedentem proposi-

M 3 tionem

Sect. II.

tionem nostram intelligentes dicta sa-
perius (LVI. & LVII.) confirmata
esse volumus.

Impene-
trabilitas
venit a po-
tentia acti-
va.

LXXIX. *Corollarium II.* Quoniam
potentia agendi tribuit substantiis simpli-
cibus materialibus *impenetrabilitatem*
(LXXV.) qua fit, ut *partes* materiæ
primæ physicæ (LXVIII.) ex se ac
seorsim penitus *informes* & *Chaos* con-
fusum referentes *definitam* quandam *ex-*
tensionem induere queant, ideo bene cum
CIP. FORT. a BRIX. *Phys. Gen. p. 1. §.*
537. dici potest, quod physica materiæ
primæ nude absque forma consideratæ
natura (Metaphysica & rigorosa de-
finitione utendo) in eo posita sit, ut
sit *substantia ex natura sua* (radicaliter
seu in actu primo) *impenetrabilis ac*
indefinite extensa. Nec dicas. Si poten-
tia agendi tribuit materiæ primæ phy-
sicæ adeoque & corpori *impenetrabilita-*
tem: ergo ea ipsa agendi potentia utpote
prior impenetrabilitate constituit *essentiam*
corporis. R. N. seq. nam ut alias ratio-
nes hic omittam, *vis activa* est omni sub-
stantiæ tam *materiali* quam *spirituali*
communis : ergo nequit per eam
Corpus differre a *spiritu*, æque ac homo
non distinguitur a bruto per prædica-
tum *vivens* aut *animal*, quia utrumque
ambobus ex æquo commune est.

LXXX.

LXXX. *Corollarium III.* Omnis, quæ ^{potentia} in mundo est, activitas a substantiis ^{activa} vapromanans (LXXVII.) duplici modo ^{re} dividitur in nos agere deprehenditur, 1. *resistentur*. do, & dicitur *vis inertiae* seu *passiva*: 2. Vel mutationes diversas actu *causando*, & dicitur *vis activa* seu *vis motrix* proprie loquendo, nempe conformiter Systemati Newtoni (XLVIII.) Leibnitii (XLIX.) & Wolfii (L.) prior, ut diximus, substantiis simplicibus materialibus *impenetrabilitatem*, & *ex indefinita* tantum, quam ex se reduplicative, ut *materia* sunt, extensionem habent, *definitam* tribuit (n. præc.) posterior vero seu vis motrix formam *essentialem* seu diversam particularum configurationem *efficienter* causat, hoc est, per motum, a quo omnis in hoc orbe mutatio originem sumit, variasque rursus sub se vires activas partiales complectitur, suntque sequentes.

1. *Vis viva*, quæ cum motu locali conjuncta & ad motum localem porro producendum tendit, ut videre est in corpore gravi cadente, quando jam aliquem celeritatis gradum acquisivit.

2. *Vis mortua*, quæ solum conatum ad motum importat, ac etiam nuda *vis agendi* vocatur (Met. fol. 273.) estque

Sect. II.

gravitas in aliquo corpore, quod ex filo suspensum descendere nititur, acta tamen descendere nequit. 3. *Vis Elastica*, quæ consistit in illo nisu, quo corpus aliquod compressum a vi comprimente liberatum in statum pristinum restituitur. Sic v. g. ensis aut ramus viridis, qui compressi incurvantur, cessante compressione in figuram pristinam resiliunt. Rursum alia dicitur *vis primitiva* & alia *derivativa*: *prima* est, quæ omni corpori *per se* inest, seu cuius non alia datur ratio præterquam in Elementis sive substantiis primis simplicibus. *Secunda* est, quæ per modificationem vis primitivæ resultat: talis est v. g. illa vis, quæ a pulvere pyro imprimitur globo ex tormento bellico aut sclopeto explodendo.

Vis inertiae & vis motrix realiter eadem sunt,

LXXXI. *Scholion I.* Utut vis inertiae dicatur *vis passiva*, adhuc tamen ad *potentiam agendi*, de qua loquitur propositio (LXXV.) jure spectat; nam *resistere*, propter quod eo nomine compellatur, revera est *agere*, ut patet v. g. in Angelis, quorum unus alteri *resistendo*, ut legitur *Dan. 10. v. 13.* in eundem agit; & anima pariter nostra dæmonis tentationibus resistens fortiter
in

in ipsum *agere* dicitur : itemque lapis alteri in se irruenti lapidi resistens actu in hunc *agit* vel potius *reagit* : ergo a pari dicendum, quod vis *inertiæ* & *motrix* sint realiter eadem *agendi potentia*.

LXXXII. *Scholion II.* Quo clarius Et analogiam habent cum animalitate & rationalitate in homine ; nam 1. si-
 legentium mentibus res de se non ni-
 hil obscura pateat, vis *inertiæ* & vis *motrix* haud inepte explicari nobis posse
 videntur per analogiam cum *animalitate* & *rationalitate* in homine ; nam 1. si-
 cut hæc ambæ in anima tanquam sub-
 stantia simplici ac spiritali, quæ est
 essentialiter activa (LXXVII.) una
realiter agendi potentia sunt, formaliter autem duplex (Met. fol. 172.)
 una nempe respectu corporis, cui anima
 hic & nunc unitur, & dicitur *animalitas*
 seu principium sentiendi : altera in ordine
 ad ipsam *animam*, & vocatur *rationalitas*
 aut principium ratiocinandi. Sic
 pariter in una eademque generica sub-
 stantia actuosa & incorporea (in qua
 agendi potentiam physice fundari in
 Prop. II. dicemus) tanquam entis
 cujusvis corporei analogica anima, tam
vis inertiæ quam *vis motrix* unam rea-
 liter agendi potentiam constituunt, for-
 maliter autem duplicem, quarum prior

Sect. II.

seu *vis inertiae* eidem ratione *materiae* seu substantiarum materialium simplicium, quibus nudam *impenetrabilitatem* & definitam *extensionem* tribuit; altera autem ratione sui (ut *forma* scilicet *substantialis* totius compositi, prout itidem paulo post dicemus, ejusque *natura* & *vita*) competunt. 2. Hinc pariter sicut *animalitas* in homine constituit genus eique praecipue ratione *corporis* convenit, *rationalitas* vero differentiam format & *proprie* hominem efficit : sic & *vis inertiae* tanquam genus materiam omnibus entibus corporeis communem : *vis* autem *motrix* differre inter se specificè facit omnia entia corporea ; cum *alia* sit *vis activa* in 4. Elementis vulgaribus, *alia* in plantis, *alia* in Brutis, *alia* denique in singulis praedictorum generum *speciebus* (LXXV.) 3. Sicut *animalitas* in homine relata ad *corpus*, ratione cujus *principium sentiendi* inest homini, *potentia passiva* dici valet, eoquod corpus sentiendo diversam organorum sensoriorum immutationem *passivam* toleret (Met. fol. 987.) *rationalitas* autem *potentia activa*, quia anima ratiocinando *agit* : ita etiam *vis inertiae* respectu *materiae primae*, cui *impenetrabilitatem*

tem seu vim *resistendi* tribuit, *passiva* : & *vis motrix*, quæ cum motu vel intestino partium vel externo perpetuo conjuncta est, *activa* potentia vocanda est. 4. Æque ac *animalitas* non minus quam *rationalitas* plures sub se quasi partiales potentias continent, v. g. *animalitas* potentiam videndi, audiendi, odorandi, gustandi & tangendi sub principio *sentiendi* conclusas (Met. fol. 189.) *rationalitas* vero potentias *intelligendi* & *volendi* &c. principio *rationandi* identificatas : ita & *vis inertia* in ordine ad materiam gaudet potentia unam ejusdem particulam ab entitate alterius *expellendi* eamque posita hoc modo impenetrabilitate *extendendi* : pariter etiam *vis motrix* plures alias vires partiales in sinu suo includit. (LXXX.) 5. Denique & a Scotistis addi potest : *animalitas* & *rationalitas* formaliter ex natura rei distinguuntur in eodem homine : ergo etiam *vis inertia* & *vis motrix* ita distinguuntur in omni toto corporeo, cum in unoquoque duæ illæ potentia constituant *totale principium agendi*, æquivalens animæ rationali tanquam principio agendi in homine, quod ex dictis in duas potentias partiales divisum distinctionem

Sec. II:

nem inter utramque formalem insert.
(Met. fol. 172.) ergo a pari &c.

PROPOSITIO II.

Potentia illa activa fundatur *physice*
in substantiis incorporeis, quoad suam
entitatem directe nobis haud
cogitis.

Potentia
activæ sub-
stratum
physicum
sunt sub-
stantiæ in-
corporeæ,
LXXXIII. PROBATUR. I. P. Ex
Cl. Ant. Gen. Elem. Met.
p. I. c. II. §. 97. Potentia activa est
propria substantiarum *simplicium*, nec
convenit corporibus, nisi quia princi-
pia corporum sunt *simplices substantiæ*
(LXX.) atqui simplices substantiæ
sunt *incorporeæ* (eo ipso quod *simplices*
sint & principia tantum corporum, non
ipsa corpora) ergo & ipsa potentia
activa illarum propria physice est *in-*
corporea, & consequenter, quod idem
est, non nisi in substantiis fundatur
incorporeis, hoc est, ex se nec *solidis*
nec *extensis* nec *inertibus*, ex iisque om-
nes vires universi & principia activa
sunt habenda. (LXXVI.)

PROBATUR II. P. Quia nihil di-
recte quoad entitatem suam cognosci-
mus, nisi quod cadit sub *sensu* nostros
(Log.

(Log. fol. 632.) nihil autem incorporeum directe sub sensus cadit, ut apud omnes in confesso est: ergo & substantias illas simplices & incorporeas directe quoad entitatem suam non cognoscimus: Id quod & sententiæ Aristotelis plane conforme est, dicentis, quod ultimæ rerum differentię nobis sint incognitæ: substantiæ autem istæ incorporeæ vi activa præditæ sunt ultimæ rerum omnium corporearum differentię (LXXVI. & seq.) ergo. Dixi directe; nam indirecte illas licet cognoscere per analogiam ut dixi cum anima rationali, in qua potentia agendi in homine fundatur. Unde

LXXXIV. Corollarium I. Dum dictum est in Propositione prima (LXXV.) quod præter formam essentialem detur etiam in singulis corporibus indita a Deo vis quædam agendi fini ab auctore naturæ proportionata, quæ sunt Metaphysice dicta (LXXVIII.) hic autem per illam vim agendi intelliguntur substantiæ simplices incorporeæ, idem prorsus in entibus corporeis præstantes, quod anima rationalis in homine præstat (n. præc.) libenter cum Peripateticis dexteris jungimus, & cum illis admittimus, quod præter animam ho-

minis

Sect. II.

minis aliæ quoque innumeræ (nempe tot quot sunt *substantiæ simplices*,) in rebus corporeis tum animatis tum etiam inanimatis dentur *formæ substantiales*, si per has intelligant non novas quasdam *substantias incompletas*, a substantiis simplicibus realiter distinctas, sed easdem omnino *substantias* reduplicative ut *activas* cum Leibnitio (LXXVII.) & per distinctas, quas in distinctis corporibus exercent, activitates *formaliter* quoque distinctas corporum quorumvis species constituentes.

Per suam
activita-
tem corpo-
rum simili-
tudinem
aut dissim-
ilitudinem
efficientes.

LXXV. *Scholion.* Substantiæ nempe simplices si præcise considerentur ut *aggregatæ* & per suam *configurationem* totum aliquod compositum efformantes, formam essentialem : ut *activæ* autem consideratæ, *formam substantialem* eatenus constituunt, quatenus aliam & aliam in diversis entibus corporeis *activitatem* producant, qua ipsa corpora inter se *formaliter similia* reddantur aut *dissimilia*, ita ut tota similitudo aut dissimilitudo in *Identitate* & *conspiratione*, aut econtra in *diversitate* & *distinctione activitatis substantiarum simplicium* collocari possit : & quemadmodum *similes figuræ* similibus facile *copulan-*

pulantur, dissimilesque a se repellunt: ita singulæ substantiæ ex naturæ suæ ratione similibus jungi amant & a dissimilibus refugiunt, prout hæc in minimis corporum particulis actu observamus: indeque in suo genere diversæ corporum Sympathiæ ut ajunt & Antipathiæ per *attractionem* cum Newtono (XLVIII.) non incongrue explicari valent, de quibus suo loco.

LXXXVI. *Corollarium II.* Sicut IV. Classes Leibnitius in suo Systemate quatuor ^{activarum} Monadum species constituit (XLIX.) ^{Substantiarum,} ita nos hoc ipsum Systema sic attemperamus, ut quatuor activarum substantiarum classes admittamus. In *prima* eas collocamus, quæ sola *vi inertiae* & *vi mortua* prædita corpora inanimata efficiunt. In *2da* illas numeramus, quæ præter vim inertiae & vim mortuam habet etiam vim *vivam dominantem*, estque anima *vegetativa*. Peripateticis sic dicta, & pro diversæ suæ virtutis modificatione plantarum organis correspondente diversas *plantarum* species constituens. In *3tia* majore adhuc & nobiliore vi *viva dominante* præditam, & organizationi quoque brutorum differenti sese omnino accommodan-

Sect. II.

modantem *animam sensitivam* animalium quorumcunque reponimus. In 4ta denique *animam* hominis *rationalem* tanquam inter omnes substantias simplices sublunares, perfectissimam, & agendi potentia nobilissima (intellectu scilicet & voluntate) præditam statuimus, adeo ut, cum juxta notissimum axioma *natura ab imperfectioribus progrediat*ur ad *perfectiora*, Deus naturæ auctor postquam in rerum mundanarum creatione a rerum inanimatarum (materiæ scilicet primæ & Elementorum quatuor Vulgarium) productione incepit: inde ad *plantas* & *bruta* tanquam entia *perfectiora* formanda processit, ultimo denique in homine tanquam microcosmo id est rerum omnium creatarum quasi *compendio* seu *parvo mundo* efformato rerum omnium creationi finem imposuerit; habet enim cum omni creatura *commune* aliquid homo, scilicet *esse* cum lapidibus, *vivere* cum plantis, *sentire* cum animalibus, *intelligere* cum angelis. Porro *vis mortua* in corporibus inanimatis, si ex loco ab auctore naturæ sibi assignato vel quoad *totam* sui *massam* vel quoad *partes* violenter dimoveantur, excitari & in vim *vivam* vel actu *gravitantem* vel *Elasticam* abire

valet:

valet : sed & motum præterea partium intestinum perpetuo conservat, (LXXVII.) hæc ipsa tamen substantia *simplex dominans*, quæ per determinatam activitatem suam cum aliis conspirantibus substantiis simplicibus (LXXXV.) formam *essentialem* producendo, inanimatum determinatæ speciei corpus constituit, tanta activitate non est prædita, quanta pollent aliæ trium subsequantium classium activæ substantiæ.

LXXXVII. *Scholion.* Sicut in arbore prædicamentali (Log. fol. 65.) linea directa ponuntur *substantia, corpus, vivens, animal & homo*, tanquam quatuor termini ita sibi invicem subordinati, ut semper prior in subsequente includatur, & subsequens præcedenti aliquid *plus* addat; *corpus* enim v. g. in se complectitur rationem *substantiæ*, eique aliquid diversum addit (similiter de *vivente* ratione *corporis* & de *homine* ratione *animalis* loquendum est) pari modo de quatuor substantiarum simplicium *dominantium* classe (n. præc.) nobis arguere licitum esse videtur; plantarum nempe *Monas dominans*, ut cum Leibnitio (XLIX.) seu *animæ vegetæ*

P. Oster. *Physic. Pars I*

Sect. II.

getativa, ut cum Peripateticis loquar, præter id, quod substantiæ *activæ* in rebus mere corporeis & *inanimatis* præstant, *nutrimentum* etiam & *augmentum* ac fructuum *germinumque* productionem efficit: *Bruta* per suam substantiam simplicem dominantem nedum *subsistunt* cum lapidibus & cum plantis *cre-scunt*, verum & *sentiunt*: homo denique ab anima sua etiam *intelligendi vo-lendique* activam potentiam, adeoque omnium *plurimum* accipit.

Et natu-
ram entis
compositi
determina-
tam consti-
tuit.

LXXXVIII. *Corollarium III.* Sub-
stantia quævis *dominans* recte *natura*
cujuslibet entis compositi dicitur; est
enim propter determinatam *activitatem*
suam *principium* & *causa motus* ejus, in
quo est *primo*, *per se*; & non *secundum*
accidens, in quo Aristoteles *naturæ* ra-
tionem constituit (LXXVI.) Nempe
est principium & causa duritiei in *la-
pide*; augmenti & fructificationis in
planta, itemque principium hinniendi
in *equo*, latrandi in *canis*, ululandi in
lupo &c. ac etiam ratiocinandi in *ho-
mine*, de qua *sola* ultima substantia
simplici *fides* & *ratio* docet, quod sit
proprie *spiritus* & quidem *immortalis*
(Met. fol. 712. & 761.) cæteræ vero

I. Simplici.

simplicium substantiarum conspirantium
 classes tamdiu perdurant, quamdiu
 corporeum hocce uniuersum a Deo
 conservatur, cum in eo perennes fiant
ejusdem materiae variationes (LXXV.)
 pereunte autem hoc orbe individuo
 etiam substantiae priores simplices tan-
 quam ejus constitutivae partes conser-
 vari a Deo cessabunt tum ex defectu
finis, quem porro non habebunt, (prout
 tamen habebit anima rationalis vel pro
 meritis praemianda vel pro delictis
 punienda) tum etiam quia, cum in
 hoc mundo in rebus inanimatis & plan-
 tis *nullo modo*; in Brutis vero non
distincte saltem & *reflexe* cogitare, nec
 sui *memoriam* conservare valeant; ita
 nec post mundi conflagrationem ex na-
 tura sua conservari petant (Met. fol.
 761.) quæ tamen omnia menti ratio-
 nali convenire diximus. (loc. cit.)
 Cæterum

LXXXIX. *Scholion I.* Non incon-
 grue dici potest, quod triplex saltem
 in homine forma simplex *dominans* se-
 dem suam habeat, quarum scilicet una
vitam corporis; altera totius compositi
rationalitatem efficiat (Met. fol. 690.)
 non ita quidem, ut una ab altera pror-

Triplex in
 homine
 datur for-
 ma domi-
 nans,

Sect. II.

fus *independens* sit, prout Leibnitius & Wolfius per suam *Harmoniam præstabilitam* docuere (Met. fol. 874. & seqq.) sed ut leges commercii (Met. fol. 854.) per Systema influxus physici Tourneminiæ sic explicantur, ut concedatur, quod anima spiritualis physice in corpus agere possit (Met. fol. 916. & seqq.) & consequenter quod etiam sola hæc anima spiritualis proprie & in rigore loquendo forma *substantialis hominis* reduplicative accepti ejusdemque Monas *dominans præcipua* existat per actionem suam *necessariam* tamdiu perdurantem, donec Monas illa prior (vitam *proprie* & *immediate* efficiens) turbato aliunde quacunque ex causa spirituum animalium ac prorsus impedito cursu in corpore humano deficiat, & substantiis simplicibus mere corpus *inanimatum* constituentibus, ac formam *essentialem corporeitatis* ut Scotistæ, aut *Catavericam*, ut Thomistæ, aut *formas* denique *partiales*, ut alii ex Peripato loqui amant, efficientibus locum cedat: quæ proin ultimæ substantiæ simplices simul sumptæ formam *tertiam* dominantem constituunt (LXXXVI.)

XC. *Scholion II.* Nec minus etiam his conformiter addi potest, quod non tantum *successive*, ut quidam volunt, sed & *simul* tres animæ distinctæ dentur in eodem homine, sumendo animam præcise pro *substantiis simplicibus determinata vi activa præditis* (LXXXV.) nam revera alia est vis activa, quæ corpori impenetrabilitatem & vim inertiae tribuens illud a principio, dum adhuc *embryo* est, in suo esse corporeo format (LXXXVI.) alia est, quæ vitam; alia denique eaque propria & perfecta anima, quæ *rationalitatem* indulgens, & aliis duabus præcedentibus *dominans* proprie hominem efficit (n. præc.) unde si in hoc & non in alio sensu suam de animarum successione Peripatetici sententiam intelligant (Met. fol. 827.) erimus amicissimi, non item si per abstracta animæ *vegetativæ* & *sensitivæ* vocabula suas *substantias incompleteas materiales* a materia prima physica realiter distinctas indigitare velint; nam istas multo perfectius sola anima rationalis *physice* & *realiter* loquendo supplere potest & debet. (loc. cit.)

Adeoque
& triplex
anima ge-
nerice
sumpta.

Sect. II.

Forma
corporei-
tatis datur,
non Cata-
verica.

XCI. *Scholion III.* Neque in hac nostra sententia opus est, ut post mortem hominis recedente *anima rationali* unacum *vita nova* quædam *forma Catherica* quasi in momento de potentia materiæ educatur, ut Thomistæ volunt; præterquam enim quod hæc *eductio* sit impossibilis (LXXII.) cum maneant *eodem* substantiæ simplices formam corporis *essentialem* constituentes (LXX.) quæ forma *essentialis* optime a Scotistis *forma corporeitatis* appellatur, profecto necesse haud est, ut *remanenti* formæ illi *essentiali nova* forma *essentialis* superinducatur. Adde quod *sensui intimo* repugnare videatur, corpus post mortem hominis relictum *essentialiter* differre a corpore in vivo homine existente; aut secus plane etiam dicendum foret, reliquias & corpora Sanctorum in terris relictæ non esse *eadem* cum illis, quibus adhuc viventes usi sunt tanquam instrumentis ad suas virtutes exercendas, quod sane pias aures offendere videtur: melius itaque cum præfatis Scotistis dicitur, quod *forma corporeitatis*, quæ jam in embryone incipit & successu temporis perficitur, in morte hominis *eadem* perseveret, & sola *vita* (seu forma simplex

plex vitam tribuens) unacum *anima rationali* in corpore humano esse designat. (n, præc.)

XCII. *Coroll. IV.* Vita animalium Vita animalium quorumcunque nequit constitui in *spiritibus animalibus*, aut alia quadam *materia subtili & æthereâ*, si hæc sumatur præcise ut aliquid *compositum* seu *aggregatum* ex substantiis simplicibus ab earum *activitate* præscindendo ; bene vero si pro *Identitate & conspiratione* earundem simplicium substantiarum in unam determinatam *activitatem* (ex qua *Monas dominans* vitam efficiens confurgit) accipiatur (LXXXV.) neque etiam vis motrix sui rationem habet in modo *compositionis* seu forma essentiali, cum possit dari partium corporis structura textura & combinatio, etiamsi *vi activa* carerent, si nempe partes singulæ ut mere *inertes* a causa prima invicem connexæ fuissent : quinimo *vis motrix* defacto potest dici illud *principium*, in quo continetur ratio ipsius *essentiæ* corporis ; illa quippe facit per *motum* tanquam per actum suum secundum, ut detur actu *definita* extensio & figura partium *actualium* mutuo coeuntium : cum sine motu nullus foret *lines extensionis*, adeoque nulla *figura*, nullaque

Sect. II.

partium definita *actualitas*, sed mera
continuitas uniformis alicujus massæ
indefinitæ, & in hoc sensu partes mere
potentiales in ordine ad aliquod deter-
minatum compositum.

Essentia
& natura
formaliter
distingui-
untur non
realiter.

XCIII. *Corollarium V.* Cum essen-
tia Metaphysice sumpta sit principium
essendi atque fons & origo proprietat-
um: natura vero principium operandi
(Met. fol. 64. & 65.) physice autem
loquendo cum essentiam efficiat formæ
essentialis seu substantiæ simplices ag-
gregatæ atque inter se varie combina-
tæ, eædemque ut activæ consideratæ
naturam quoque constituent, plane se-
quitur essentiam a natura uniformiter
sumpta non distingui realiter (Met.
fol. 65.) bene tamen formaliter ex
natura rei, si difformiter spectentur;
potentia scilicet seu virtus agendi Me-
taphysice accepta (Met. fol. 79.) a
substantiis simplicibus tanquam substra-
to suo physico (LXXXIII.) fere sicut
virtus & potentia corpus movendi item-
que intelligendi & volendi ab anima
rationali distinguitur: unde & in isto
sensu cum Wolfio defendi valet, essen-
tiam non esse prorsus eandem cum na-
tura.

XCIV.

XCIV. *Corollarium VI.* Hæc rerum ^{Natura} universitas, quam & *naturam* vulgo ^{universi} dicimus, aptè cum Cl. Ant. Gen. ^{ex pluri-} *Elem. Metaph. p. 1. c. 4. §. 45.* appellari ^{bus ordi-} debet *magnum quoddam Systema ex sim-* ^{nate coa-} *plicioribus plurimis coagmentatum*, nam ^{lescit.} e.g. quælibet fibra corporis humani Systema quoddam seu series est tum ex minoribus aliis seriebus tum vel maxime ac ultimate ex pluribus substantiis simplicibus determinata *virium* activarum *conspiratione* præditis conflata: porro ex pluribus fibris fit *pars* aliqua *integralis* corporis humani, ex his corpus & totus homo (supposita *animæ* a Deo facta infusione) ex pluribus hominibus oritur *hominum genus*. Eodem modo argumentari licet de *plantis, brutis, mineralibus &c.* ex quibus fit hujus globi nostri majus Systema: ex pluribus item majoribus Systematibus, veluti tellure, Luna, Venere, Mercurio, Sole aliisque constat *Systema solare* seu *Planetarium*. Cumque probabilius quælibet stella fixa sit quidam *sol*, suspicari cum maxima ratione possumus, circa quamlibet fixam suum rursus esse planetarium Systema: atque ita ex pluribus istis Planetariis Systematibus fiunt alia semper majora,

Sect. II.

ex quibus univĕrsū istud conficitur, si oculis credimus non ita magnum, sed si rationi, pæne immensum, varietate entium multiplex, *ordine unum*; quo plus enim in naturæ arcana penetramus & rerum singularum ac serierum relationes contemplamur, eo magis perspicimus, omnia hæc mira harmonia esse constructa, nullamque esse, in tantis corporibus particulam, quæ non ad rationis & consilii artem sit facta; deprehendimus quippe magna hæc corpora motus suos peragere *juxta æternas Geometriæ proportionēs*, idque tanta constantia, ut nihil in tanta temporis antiquitate unquam a regula exorbitaverit; Jam vero quod in *magnis* hujusmodi machinis fieri conspiciamus, etiam in prima coagmentatione simplicium ac primigeniarum universi substantiarum factum fuisse affirmari potest; ab iis namque totius ordinis Symmetriæ & proportionis initium est. Et quoniam rerum series quasdam *similes*, quasdam vero *dissimiles* inde provenire videmus, etiam admitti potest, esse earum plura genera similium, ut Anaxagoras pridem docuit (XXXVI.) e. g. particulæ omnes *Mercurii*, *aquæ puræ*, *lucis* &c. ex primigeniis substantiis

tiis *similibus* fiunt, vel potius ex Identitate & *conspiratione activitatis* illarum (LXXXV.) particulæ autem *mictorum*, ut ajunt, ex substantiis simplicibus hæterogeneis *diversa activitate* præditis coadunantur, ordinem tamen continuum & subordinationem inter se habentibus, haud secus ac v. g. horologium ex diversis rotulis ac tympanis unum automa artificiale constituentibus coalescit.

XCIV. *Corollarium VII.* Substantiale In quo sensu anima illud principium, quod in viventibus *anima*, in aliis *forma substantialis* a Leibnitio (LXXVII.) a nobis autem *potentia* agendi *Metaphysice* aut substantiæ simplices activæ *physice* vocatur; non est Veterum Philosophorum *anima mundi* possit? (XXXII.) nec teste Cicerone l. 1. de *nat. Deor.* eidem æquivalens *vis animalis* Speusippi, nec *spiritus plasticus* Newtoni (XLVIII.) nec alia ejusmodi substantia universalis; nam vires activæ sunt juxta nos *singulis* substantiis propriæ, non *omnibus* una communis: nisi forte intelligatur in sensu *n. præc.* indicato, quod nempe naturæ singulæ entium *particularium* una totalis totius universi dici queant; aut si cum aliis per *animam mundi & substantiam universalem*

Sect. II.

Jalem denotetur *materia subtilis & æthereæ* omnia corpora pervadens & vacuum coacervatum impediens, de qua suo loco.

Systema
verum
mundi
corporei.

XCVI. *Corollarium VIII Generale.*

Ex hisce igitur omnibus hucusque dictis generatio universi conformiter Veraci *Hebræorum* Systemati hoc modo statui potest. I. Ab initio Deus creavit materiam quamdam universalem & homogeneam ac prorsus *informem*; Hebraice *Maim* dictam Latine vero *aquas*. II. *Spiritus Dei*, qui a principio *ferebatur super aquas*, hoc est, super materiam illam informem, *replevit orbem terrarum virtute* quadam *activa*, quæ aptitudinem ei tribuit ad quamlibet formam actu in se recipiendam. III. Inde primum in Verbo suo omnipotente produxit Deus ea corpora, quæ nos vocamus *inanimata*, videlicet *lucem*, *firmamentum* sive *cælum* (Juxta illud: *Verbo Domini Cæli firmati sunt, & spiritu oris ejus omnis Virtus eorum*) *terramque & maria &c.* & vidit, quod esset bonum *Gen. I. v. 10*: id est, in suo genere essentialiter perfectum atque sufficiens unumquodque corpus productum ad finem a se tanquam auctore naturæ intentum (Met. fol. 96. & 97.) v. g. *terra* ad *germinan-*

nandum & ad gignendas arbores frugiferas, lux ad illuminandum, aqua ad producenda reptilia, volatilia & pisces &c. (& hoc propter virtutem activam seu motricem ipsis inditam) unde & actu ad idem verbum fiat a Deo prolatum IV. *germinavit terra herbam virentem & facientem semen juxta genus suum, lignumque faciens fructum & habens unumquodque sementem secundum speciem suam - - fecitque Deus duo luminaria magna - - & posuit in firmamento Caeli, ut lucerent super terram - - : & rursum additur : vidit Deus, quod esset bonum, nempe ex eadem ratione. V. Mox ad corpora animata & proprie viventia progressum faciens creavit Deus cete grandia & omnem animam viventem atque motabilem, quam produxerant aquae in species suas, & omne volatile, secundum genus suum, - - & fecit bestias terrae juxta species suas & jumenta & omne reptile terrae in genere suo. Porro hic sacer textus non tantum ait : Vidit Deus, quod esset bonum, sed & quod animantibus ex aqua productis benedictione quadam accommoda & operativa benedixit dicens : *crescite & multiplicamini &c.* haec ergo benedictio vim illis specialem praeparat corporibus, in-*

Seç. II.

nimatis ad conservandam & propagandam speciem suam addidit, ita, ut non tantum sint causæ *occasionales*, sed vere *activæ* in ordine ad sui multiplicationem (Met. fol. 484.) itemque ad varias speciei suæ competentes actiones edendas. VI. Denique ut indicet Deus, animal longe perfectius ad dominandum præfatis cunctis animantibus a se esse constitutum, *hominis* creationem per Moysen subtilius describens ait; totam SSS. Trinitatem quasi deliberando dixisse: *faciamus hominem ad imaginem & similitudinem nostram!* & post aliquod intervallum cap. seq. habetur v. 7. *formavit igitur dominus Deus hominem de limo terræ, & inspiravit in faciem ejus spiraculum vitæ; animam scilicet rationalem spiritualem & immortalem, & hoc modo perfecti sunt Cæli & terra & omnis ornatus eorum.* Gen. 2. v. 1. Videantur etiam dicta superius (XXXI.) *Gen. 1. v. 26. & 27.* de XCVII. Scholion. In gratiam Peripateticorum, quibuscum libenter sine veritatis præjudicio convenire malumus, quasdam adhuc famosas apud illos de materia & forma quæstiones posito nostro Systemati conformiter hic

hic resolvendas esse duximus; nimirum

Q. I. An materia prima sit pura potentia, an vero actu gaudeat entitativo?

R. 1. Materia prima *Metaphysice* ac *Idealiter* spectata equidem pura potentia sub conceptu *primi subiecti omnium formarum* (LVI. & LVII.) nominari valet; sic enim revera in rerum natura nullibi existit, sicut & ipsa formaliter considerata nihil est nisi merus mentis conceptus (n. cit.) adeoque etiam neutra in hoc sensu *actum* habet entitativum, si per eum intelligatur *existentia propria* actualis & physica, prout Peripatetici intelligere solent. R.

2. si autem eadem illa materia prima *physice* spectetur, certe nequit dici *pura potentia*, cum sit aliquid aggregatum ex substantiis simplicibus (LXIV.) quæ cum independentem a forma essentiali aut substantiali jam habeant suam *existentiam* & extensionem saltem *indefinitam* (LXXIX.) sequitur etiam, quod vere *actu entitativo* prædita sit ea ipsa materia prima hoc modo accepta.

Q. II. An materia prima possit existere sine forma? R. 1. quod materia prima physica, quæ defacto nunquam est absque sua *forma essentiali* (utpote cum

Materia prima an sit pura potentia actu entitativo carens?

An possit absque ulla forma existere?

Sect. II.

cum ab auctore naturæ statim sub mundi initium suas in *moleculas* atque in *corpuscula* & *corpora* fuerit compacta, neque seorsim & informis relicta) absolute loquendo possit esse sine illa, si nempe Deus ut *absolutus Dominus*, resoluta omni compositione ac definita extensione eandem denuo informem & ut *Chaos* primævum sine vi motrice, vel quoad totam suam massam vel quoad aliquam saltem sui portionem relinqueret. Sic autem *Metaphysice* ut merum *formarum subiectum* conciperetur, haberet tamen entitatem physicam vere talem, adeoque & existentiam seu *actum entitativum*, cum non foret purum *nihil* sed *aliquid physicum* attamen sine forma physica. R. 2. Potest similiter & quidem multo magis, si de *forma substantiali* seu *vi motrice* sermo sit, materia sine illa existere, cum facile Deus, quandocunque voluerit, *vim illam activam* per se supplere possit tanquam agens *infinitum*, prout juxta modernos Philosophos in SS. Eucharistiæ Sacramento accidit, dum Christus ut HOMODEUS totam illam actionem, quam substantiâ panis ante consecrationem in sensibus nostris exercebat, facta postmodum transubstantiatione per se facit (Met. fol. 308.)

SIC

Q. III.

Q. III. An materia prima ex se ha-^{Quomodo}beat appetitum quemdam ad formam, appetat
item an nobiliores formas appetat præ^{formas}formis
ignobilioribus? R. Ad idem. Si ter-
minus a Metaphora purgetur, & appe-
titus pro *capacitate* sumatur, hanc re-
vera habet materia prima physice
spectata, cum utique quantum de se
& *reduplicative* accepta, sit *capax* reci-
piendi varias modificationes & confi-
gurationes, quasunque Deo auctori
naturæ inducere placuit placet & pla-
cebit: idem de *vi motrice* seu forma
substantiali ab eodem introducta & ad-
hucdum introducenda asseri potest:
imo & naturaliter loquendo, materia
physica saltem *secunda* (de qua in *art.*
seq.) in moleculis subsistens varias ac
diversissimas mutationes experientia
teste actu subit. Quod vero *ad idem* at-
tinet, falso sane videtur adstrui, quod
materia physica in se spectata majorem
habeat appetitum (*capacitatem*) ad
formam *perfectiorem* v. g. auri aut fina-
ragdi, quam ad imperfectiorem v. g.
plumbi vel marmoris; omnis namque
perfectio in tali sensu accepta est tan-
tum *moralis*, & in nostra tantum *as-
sirmatione* fundatur; materia autem pri-
ma

P. Oster. Physic. Pars I.

Sect. II.

ma *actum æstimationis* elicere certe nunquam valet : accedit, quod omne ens, adeoque & omnis forma, in suo genere sit essentialiter æque *perfectum* (Met. fol. 101.) denique miror, quod quidam ex VV. Scholasticis contrarium docere voluerint, cum tamen iidem communiter affirmaverint, materiam primam non nisi puram esse *potentiam passivam*, fere sicut lutum v. g. in manu figuli, quod sane magis haud appetit, ut fiat *vas in honorem* quam in *contumeliam* &c.

An plures
formæ in
eodem
subjecto
simul va-
leant exi-
stere ?

Q. IV. Utrum plures formæ subordinatæ *partiales* tum *essentiales* (LXX.) tum *substantiales* (LXXXIV.) possint esse naturaliter in eodem subjecto ? R. *affirmative* ad utrumque : nam e. g. compatibles sunt in eodem homine tam forma *ossis* quam *carnis* & *sanguinis*, in quorum singulis tum alia est *unio* seu compositio ex substantiis simplicibus materialibus orta, unam formam totalem *essentialem* (formam *corporeitatis* a Scotistis dictam XCI.) efficiens, tum diversa quoque *vis motrix* (cum alias operationes naturales videamus in osse, alias in carne & sanguine) adeoque etiam diversa forma *substantialis*, quarum tamen quæ-

libet

libet tum formæ vitæ tum animæ rationali (LXXXIX.) subordinata est. Sin autem fermo sit de pluribus formis totalibus disparatis aut omnino contrariis, nequit plane eadem materia simul recipere plures formas v. g. formam auri & formam smaragdi, quæ sunt formæ disparatæ; aut formam ignis & aquæ, quæ sunt contrariæ; nequit enim una eademque materia simul hoc simul alio modo esse composita; alias partes componentes possent v. g. simul esse globosæ & pyramidales vel cubicæ &c. simulque hoc situ aut motu ac simul diverso esse præditæ, quod repugnat principio contradictionis (Met. fol. 18.) pariter si plures formæ substantiales totales insimul dominantes in eodem subjecto existerent, sane prodiret hircocervus aut Vulpanser, id est, idem suppositum foret simul hircus & non foret hircus sed cervus, si forma dominans hirci & cervi simul adessent &c. quod denuo contradictionem involvit.

Q. V. An formæ omnes essentielles An formæ & substantiales educantur ex materia? educantur
R. quod ita. Nam educi, si proprie de potentia materia loquamur, nil aliud significat, quam formam produci *dependenter a materia* ?

Sect. II.

(Met. fol. 565.) in qua talis forma est *possibilis*: atqui formæ materiales essentielles producuntur a materia, in qua datur *capacitas* seu possibilitas variorum modorum compositionis (LXX.) ergo re ipsa educuntur ex materia; imo sunt meri *modi* seu determinationes *materiæ*: modi vero nec fieri nec esse nec conservari possunt sine *subjecto*, cujus sunt modi. Forma quoque substantialis (sola *anima rationali* hominis excepta) cum dependeat a materia seu a substantiis simplicibus materialibus (LXXXIII.) adeoque & *dependenter a materia* producat, neque diutius quam ista conservetur (LXXXVIII.) suo modo pariter dici potest *educi ex materia*.

SOLV. OBJ.

Quomodo
corpora
sint iner-
tia?

XCVIII. **O**B. I. *Contra Prop. I.* Plurima imo innumera corpora sunt omnino *inertia*: ergo potentia *agendi* non est illorum singulis ab auctore naturæ indita. R. D. A. sunt *inertia*, id est, talia quæ non semper quidem (saltem *sensibiliter*) exerunt *vim vivam* & activam proprie talem, habent tamen *vim resistendi* & *passivam* (LXXX.)

(LXXX.) quæ ad potentiam agendi vere adhuc spectat C. A. (LXXXI.) quæ nullam prorsus habeat agendi potentiam. N. A. & C. dixi quod *sensibiliter* vim vivam non exerant, nam quod motus partium intestinus ac *insensibilis* singulis corporibus insit ex infra dicendis patebit, adde, quod hæc agendi potentia actualement *impenetrabilitatem* ac *definitam extensionem* iisdem corporibus tribuat (LXXXII.) eorumque *essentiam* causet & *naturam* constituat (LXXVI. & LXXXVIII.) ergo nunquam est otiosa.

Inst. I. Potentia agendi seu vis motrix in se non habet *impenetrabilitatem*; *trabilitas* ergo nec eam corporibus tribuere potest, quia juxta commune adagium *ne* *ori* *potest* *dat, quod non habet.* p. A. Si haberet impenetrabilitatem, tunc & ipsa *impenetrabilis foret*, adeoque & *corporea* (XVII. & XVIII.) atqui hoc non (LXXXIII.) R. D. A. non habet, si mere in abstracto, ut pura potentia Metaphysica a suo substrato physico nempe substantiis simplicibus actu præscindens consideretur C. A. si physice & in concreto pro ipsis substantiis simplicibus activis sumatur. N. A. & C. simulque *Retorqueo* in animam hominis ra-

Sect. II.

tionalem, quæ utut *physice* accepta sit merus *spiritus* penetrabilis, vere tamen ex *virtute* a Deo sibi indita *corpus* materiale ac *impenetrabile* movere potest (Met. fol. 916.) Ad prob. similiter *Dist. M.* impenetrabilis & corporea foret, si *physice* & pro substantiis simplicibus activis in rerum natura existentibus & diversa aggregata seu composita *materialia*, quorum illæ principia sunt (LXIV.) constituentibus acciperetur, C. M. si Metaphysice tantum, N. M. &c.

Materia &
forma rea-
liter eæ-
dem sunt,

Inst. 2. Saltem si vis motrix tribuit *materiæ primæ physicæ* seu substantiis simplicibus *impenetrabilitatem* auctalem, ea ipsa materia prima inde jam accipit *formam* suam; ergo materia & forma essent *idem*, quod implicat (LV.) R. D. A. Et hoc ideo, quia cum impenetrabilitate actuali datur etiam eo ipso substantiarum simplicium *unio* secundum diversum situm & combinationem, ex qua forma *essentialis* oritur (LXX.) C. A. in alio sensu, N. A. & C. dein non negamus, materiam & formam tum essentialem tum substantialem *realiter eadem* existere: substantiæ namque simplices materiales *ut* informes & indefinite extensæ ac
radi-

radicaliter tantum impenetrabiles sunt materia prima physica. 2. Eædem substantiæ simplices ut aggregatæ & diverso modo configuratæ atque *actualiter* impenetrabiles sunt *forma* corporum *essentialis*. 3. Denique ut *activæ* formam eorundem *substantialem* constituunt, & consequenter realiter non distinguuntur, Id quod de forma *essentiali* & *substantiali* paulo ante dictum est (XCIII.) de materia autem & forma *essentiali* exinde liquet, quia partes simul sumptæ non distinguuntur realiter a toto (Met. fol. 433.) atqui materia prima physica sunt omnes substantiæ simplices materiales (LXIV.) eo ipso, quod omnes simul sumptæ prima rerum corporearum *elementa* constituent: ergo etiam prout per unionem faciunt unum totum seu aliquod compositum actuale & naturam universi (XCIV.) realiter sunt una eademque materia & quamvis hæc vel illa compositio in particulari sit modus diversus accidentaliter, modaliter ab ea distinctus (Met. fol. 131.) in genere tamen stante moderna auctoris naturæ providentia, cum non possit esse sine forma (XCVII. Q. II.) *quæ* compositio eidem *essentialiter* competit: adeoque & materia

Sect. II.

cum forma essentialiter *res una* existit, & hæc tantum vel illa forma determinata ut *modus* ab ea differt.

Vis motrix qualiter mutabilis sit?

Inst. 3. Vis motrix est variabilis & mutabilis in eodem corpore : ergo non est de ejus *essentia*, cum hæc sit immutabilis. p. A. nam v. g. in fine motus major est vis motrix quam ab initio, ut patet in lapide ex alta turri decidente, qui etsi mole exiguus sit, in fine tamen sui casus tanta activitate gaudet, ut illum priorem ab initio motus habitum plurimum excedat : ergo. R. D. A. Est mutabilis quoad actum secundum C. A. quoad actum primum seu quoad ipsam potentiam activam. N. A. & C. Et *Retorqueo* : etiam *rationalitas* vel *risibilitas* in actu secundo (hoc est, actus ratiocinii & actus risivus) immutantur continuo, & tamen ambæ illæ potentiæ sunt homini *essentiales* : ergo a pari. Hinc & N. *suppos.* quod actus secundus sit homini *essentialis* : sic autem & motus seu mutatio *actualis* a vi motrice proveniens non est corpori *essentialis*, bene vero *potentia* activa.

OB.

OB. 2. *Contra Prop. II.* Si substantiæ omnes simplices vi activa tanquam ^{vis activa} *natura* sunt præditæ, quæ & earum ^{qualem vi-} *vita* dici queat aut *anima* (XC.) sequi- ^{buat ?} tur, omnia etiam corpora, quæ ex iisdem componuntur, *vivere* & esse *animata*; atqui sequela repugnat intimo sensui: ergo & id, ex quo sequitur. R. D. S. M. sequitur omnia corpora *vivere*, sumendo *vitam* præcise pro *potentia activa*, aut pro *principio*, quod suo modo *immanenter* agit (Met. fol. 692.) C. S. M. sumendo *vitam* proprie, prout in homine cum *anima rationali* conjuncta est, ut forte argumentum supponit, N. S. M. & sic D. m. N. C. *vita generice* sumpta sine ullo veritatis præjudicio in quatuor classes dividi valet. 1. In *vitam rationalem*, qua gaudent homines, prout distinguuntur a brutis: 2. In *sensitivam*, quæ dominatur in animalibus: 3. In *vegetativam* plantarum, per quam istæ non quidem *sentiunt* ut bruta, attamen crescunt, & arboreas suas progignunt soboles. 4. Denique in *vitam omnium infimam rerum inanimatarum* sola vi inertiae ac mortua gaudentium. (LXXXVI.)

Sect. II.

Quotuplex *Inst. 1.* Si quadruplex in hoc uni-
Vita in ho- verso datur vita : ergo & in eodem
mine: ad homine, qui habet aliquid commune
mittenda cum omni creatura (n. cit.) non tan-
sit ? tum *triplex* sed omnino *quadruplex* vita
 admitti debet, & consequenter falsum
 est, quod diximus (LXXXIX. & XC.)

R. 1. Trans. totum, neque enim
 (LXXXIX.) absolute diximus, quod
triplex in homine detur forma domi-
 nans, sed cum addito : *saltem*, item-
 que antea (LXXXVI.) ex S. Grego-
 rio *homi. 29. in Ev.* admisimus, quod
 omnis homo habeat commune *esse* cum
 lapidibus, *vivere* cum arboribus, *sentire*
 cum animalibus, *intelligere* cum ange-
 lis. R. 2. N. *seq.* Nam sicut ipsimet
 Peripatetici in brutis non nisi unam
 animam *sensitivam* (non item & *vege-*
tativam) admittunt, ita iisdem con-
 formiter dicimus, quod *vegetationes* &
sensationes in homine quam facillime ad
unum idemque principium *activum VI-*
TALE reduci queant.

Anima ra- *Inst. 2.* Etiam anima rationalis dici
tionalis potest actu præstare omnes effectus &
non tribuit operationes, quas præstant forma *Car-*
vitam ani- *poritatis* & *vita* : ergo ne *quidem*
malem, nec *triplex* sed *unum tantum* in homine da-
formam tur

tur agendi principium. R. N. A. nam Corporei-
 quoad *imū forma Corporeitatis* jam tatis.
 datur in Embryone, dum anima ra-
 tionalis nondum est infusa, & postquam
 anima hominem reliquit, illa post mor-
 tem adhuc perseverat (XCI.) ergo ab
 anima rationali esse Corporeū pro-
 venire non potest. Quoad 2dum: etiam
 vita corporis non ab anima sed a spiri-
 tuum animalium & sanguinis secun-
 dum leges Mechanicas ordinatō fluxu
 dependet, nec animæ rationalis imper-
 rio subest (Met. fol. 691.) ergo simi-
 liter dicendum est, quod in *distincto*
 fundetur agendi principio, & conse-
 quenter tria *saltem* distincta agendi
 principia in eodem homine conceden-
 da sunt: operationes econtra *vegetati-*
væ & sensitivæ cum *seorsim* in homine
 nunquam reperiuntur: sequitur quod
 vel vita *vegetativa* in homine prorsus
 non sit, sed ejus loco immediate vita
sensitiva embryoni infusa, vel quod in
 hac ipsa *virtualiter* tantum non autem
formaliter illa contineatur.

Inst. 3. Si substantia activa *vitalis* Substantiæ
 post animæ rationalis discessum in cor- activæ
 pore humano pariter definat (LXXXIX.) quomodo
 nec tamen ante mundi conflagrationem extra cor-
 omnino intereat (LXXXVIII.) sequi- pus substi-
 tantur? tantur?

Sect. II.

tur, quod detur aliquod *vivens* extra corpus vivens, vel quod nullum vivum post mortem naturalem existere definat, ut docuit Leibnitius *Princip. Phil. Theorem. 119.* atqui hoc est contra sensum communem: ergo. R. D. seq. M. sequitur, quod detur aliquod vivens radicaliter seu potentialiter, exigitive & in actu primo extra corpus vivens actualiter seu in actu secundo C. S. M. vivens actualiter extra corpus vivens actualiter. N. S. M. & sic D. m. N. C. *Extra corpus vivens substantiæ illæ simplices non amplius ut forma substantialis activa & vitalis in actu secundo considerantur* (Met. fol. 432.) sed potius ut *materia* saltem *secunda*, cui quidem vis agendi (seu *potentia & actus primus*) realiter identificata manet; in *actum* tamen *secundum* tamdiu exire non valet, quamdiu *novæ* non datur unde unde a causis naturalibus juxta ordinatam auctoris naturæ providentiam facta & ab iisdem substantiis simplicibus ultimo actuata compositio (XCII.) seu configuratio: unde probabiliter dici posse arbitror, quod substantiæ ejusmodi simplices materiales *vitam* quamcunque *materialem* constituentes si quodam ex corpore

re depellantur, per aera interim cum aliis volitent, non nisi puram putam *viviscandi potentiam* seu actum primum retinentes, usque dum juxta leges ab auctore naturæ statutas motu locali aliorum translatae novam quamdam massam configurationi præ cæteris aptam ultimo actuare eidemque *dominari* denuo incipiant: Neque exinde ab animarum ejusmodi materialium transmigratione ad animarum quoque rationalium Metempsychosin arguere licet, cum adhuc longissima sit disparitas tum ex *ratione* tum ex *fide* (Met. fol. 801. & 802.) adde, quod in hoc Systemate ad litteram salvetur illud *Eccles. 1. quid est, quod fuit? ipsum quod futurum est: quid est, quod factum est? ipsum quod faciendum est: nihil sub sole novum, nec valet quisquam dicere: ecce hoc, recens est; jam enim præcessit in sæculis, quæ fuerunt ante nos.* Si quis autem ad hoc Systema amplectendum persuaderi forte non velit, poterit saltem quoad animas *vegetativas* ac *sensitivas* involutorum Hypothésin cum Cl. P. Fort. a Brix. *Phys. partic. p. 2. §. 4890.* sustinere, dicendo, quod substantiæ hæ activæ, a quibus vitam suam habuerunt, habent, & usque ad

Sect. II.

ad finem mundi habebunt omnes *plantæ & Bruta*, in ipso jam mundi exordio a Deo conditæ, atque ita simul in primis illis plantis, arboribus & brutis dispositæ sint, ut, quæ posterius evolvendæ sunt, in iis quæ prius evolvi & corpora animare debent, involutæ existant (Met. fol. 814.) unde & dicere queunt, quod Monas quævis dominans, & *vitam* aut arboris aut bruti efficiens, istis vel ex toto vel saltem quantum ad operationes suas *naturales* destructis, ex toto quoque *desinat*, & aliis successive evolvendis locum cedat, consequenter in aere non perseveret, nec ab uno corpore in aliud migret. *Harum duarum sententiarum*, concludo cum S. Aug. l. 1. *Retract. c. 21. quæ sit probabilior, eligat lector*: dein ultimate potest Negari seq. M. nam sicut non sequitur, dari aliquod *totum* extra *partes unitas* (Met. fol. 432.) ita non sequitur, dari aliquod *vivens* extra substantias simplices *activas* unitas, utpote quæ non aliter nisi simul sumptæ *monadem dominantem*, quæ *vita* dicitur, constituunt. Et hæc de materia satis intricata ad majorem, quantum fieri potest, intelligentiam fufius dicta sufficiant!

ARTI.

ARTICULUS VI.

Quenam sint principia corporum
Physico-Mechanica & sensibilia?

XCIX. **H**ic jam non amplius quæstio Status
est de materia prima Physica quæstionis.

sed de materia secunda & forma consimili, nempe de *moleculis* & *corpusculis* minimis tum *primitivis* tum *derivativis* (L.) sub *sensus* aut saltem sub *imaginationem* proxime cadentibus (LII.) & sensibile hoc mundi opificium actu constituentibus, qualibus principii Philosophi *Mechanici* Democritus (XLIII.) & Gassendus (XLVI.) Itemque *Elementarii* (XLII.) & Chymici (XLV.) sua Systemata superstruere conati sunt. De hisce igitur & primo quidem de principiiis Mechanicis soli *imaginationi* perviis (LII.) conformiter hucusque dictis sit

PROPOSITIO I.

Principia Corporum *Mechanica* sunt minimæ *moleculæ* ex substantiis simplicibus activis ab auctore naturæ diversimode colligatæ.

C. **P**ROBATUR. Principia *Mechanica* Principia vocantur illa, quæ corpus naturale ita constituunt, ut omnes sensibiles illius proprietates atque operationes, Mechanica sunt *moleculæ derivativæ*.

Sect. II.

tiones, fere ut in *machinis* artificiosis contingit, ex sola partium *magnitudine figura, textura, motu & quiete* proveniant (LII.) atqui ita se habent minimæ *moleculæ* ex substantijs simplicibus activis ab auctore naturæ diversimode colligatæ: ergo hæ ipsæ sunt principia corporum *Mechanica*. M. est definitio principijs *Mechanicis* a nominis Etymologia omnium aptissima. *m.* in dissertationibus sequentibus, maxime in 4ta, abunde patebit, dum omnes corporis naturalis *qualitates*, ut ajunt, *sensibiles & operationes naturales* (non aliunde nisi ex ejusdem corporis *essentia* necessario dimanantes) ex inæquali tantum præfatarum *molecularum magnitudine, ex diversa earundem figura, motu & quiete* repetendas esse demonstrabimus. Interim sufficiat analogia ab arte petita, quæ similiter suas *Machinas* aliter haud efformat quam ex diversa particularum *figura, combinatione & situ*, attamen in hoc ab operibus *naturæ* adhuc longissime deficit ars, quod non sicut illa principium quoddam motus *internum* seu vim *activam* procreare in illis valeat, sed principio motus solum *externo* variisque *Elaterijs* materialibus easdem instruere suis-

fuisque finibus aptare debeat. Cæterum dum minimas moleculas *ab ipso auctore naturæ colligatas* dicimus, plane utique ab impia Epicuri sententia atomos æternas statuentis (XLIII.) recedimus.

CI. Corollarium. Moleculæ igitur in Materia & se considerata materia; unio vero earum cum aliis moleculis *forma essentialis* Mechanica; Monas item dominans seu virium activarum conspiratio *forma substantialis* Mechanica dici possunt, scilicet omnia conformiter atque connexe cum antea dictis (LXIV. LXX. LXXXIV. &c.) nam etiam principii Mechanicis definitio principiorum *Physicorum* convenit (LII.) ergo & pariformiter de illis sicut de istis loquendum est, cum hac sola differentia, quod ista, nempe *Physica*, sint principia *physica prima*; illa vero *secunda* (XCIX.) indeque omnia superius dicta (LXV. & seqq.) hic denuo ut vera supponuntur.



P

PRO-

P. Osse. Physic. Pars I.

Sect. II.

PROPOSITIO II.

Principia prima *sensibilia* in genere spectata sunt particulæ seu molculæ majores & sensibiles, ex minimis molculis ab auctore naturæ diversimode combinatis orta.

Principia
sensibilia
in genere
spectata,

CII. PROBATUR. Sensibilia rerum naturalium principia sunt ea, quæ ita res istas corporeas constituunt, ut *separari* reipsa a se mutuo possint, *sensuumque* ministerio discerni (LII.) atqui ita se habent dictæ particulæ: ergo. p. m. nam r. particulæ illæ majores non immediate, ut *minimæ* molculæ (C.) ab ipso auctore naturæ, sed a causis secundis naturalibus *contingenter* combinatæ supponuntur (ex *Hypothesi* experientiæ conformi) ergo earum combinatio, eo ipso quod sit *contingens*, variari a causis creatis *mutarique*, consequenter & *separari* potest: secus de *minimis* molculis seu particulis *primitivis* (L.) loquendum; has enim quia mundi creator sub hujus universi initium immutabili voluntatis suæ decreto *conjunct*, idem ipse adeo *duras* ac impenetrabiles reddidit (XLVIII.) ut eas homo quicunque *separare*

parare non possit, quas propterea & naturæ atomos infecabiles cum Leibnitio (XLIX.) & Wolfio (L.) appellare licebit, utut isti hunc terminum magis substantiis primis simplicibus seu *Monadibus* quam *Monadatis* competere voluerint (n. cit.) Ideoque adhuc melius *moleculæ naturæ* dici poterunt. 2. Particulas quoque illas majores *sensuum* ministerio discernendas assumimus, dum eas *sensibiles* in terminis vocamus: ergo. CONFIRMATUR. Nempe quia natura ubique *Mathematica* est, & Deus in numero pondere & mensura omnia constituit, conformiter Systemati Pythagoræ (XXXVII.) & Platonis (XXXVIII.) analogia cum generatione corporis Geometrici institui valet, ita ut sicut corpus Geometricum a puncto incipit: inde progreditur ad lineam, a linea ad superficiem, a superficie tandem ad corpus varie figuratum (scilicet vel globosum vel pyramidale, vel cubicum &c.) sic etiam natura in rerum corporearum generatione a minimis physicis incipiens (LXIV.) vadit ad *moleculas*, ex substantiis simplicibus ortas (C.) ac tandem ex earundem molecularum combinatione ad partes majores corporeas atque ad ipsa corpora sensibilia

Sect. II.

producenda gradum facere dicenda est.

Et in specie,

CIII. *Scholion.* Dixi, principia prima sensibilia in genere esse particulas seu moleculas majores &c. nam in specie pro principiis primis sensibilibus vel *Elementa* quatuor vulgaria cum *Elementariis* (XLII.) vel quinque cum *Chymicis* (XLV.) vel forte, quia hæ ambæ philosophantium sectæ non paucis in re convenire aut facile saltem Conciliari posse videntur, tam illa quatuor quam istæ quinque *insimul sumpta* statui possunt, ita tamen ut ex iis *unum tantum* Systema adæquatum, quod vel *Elementare* vel *Chymicum* dici valet, combinetur: nos utriusque fundamenta paucis expendamus! Itaque

ELEMENTARII

I.

Quomodo
explicen-
tur ab Ele-
mentariis?

CIV. **V**ulgaria 4. Elementa, ut diximus (XLII.) ideo pro rerum materialium principiis statuunt, quoniam corporum omnium resolutio fit in hæc quatuor elementa, ut ab experientia liquet, dum corpus quodcunque comburitur: ibi enim præter ignem ascendit fumus, in quo non tantum

tum *aerem* sed & *aquam* contineri inde innotescit, quod operculum aut vas oleo ardenti superimpositum mox oleosam quamdam nigredinem induat : Cineres denique post combustionem relictum elementum *terræ* constituunt. Adeoque quatuor hæc elementa nude considerata *materiam*, eorum vero ex particulis & moleculis primordialibus mixturam & combinationem, ob quam *sensibilis* status determinati cujuslibet corporis obtinetur, *formam essentialem*, viriumque motricium conspirationem seu *potentiam activam* formam *substantialem* appellant, vel saltem appellare possunt.

II.

Admittunt in suo Systemate materiam tum *homogeneam* tum *heterogeneam*. *Homogeneam* quidem, quatenus particulas simplices v.g. *igneas* solitarie consideratas singulas inter se volunt esse similes : *heterogeneas* autem, quatenus in suas moleculas *primordiales* ab auctore naturæ sub ipsum mundi initium compactæ ob diversas, quas habent *figuras*, ab aliis particulis v. g. *aereis* aut *aqueis* tam essentialiter quam *substantialiter* (id est, ob diversam *agendi potentiam*) imò & a se ipsis *essentialiter* saltem differunt.

Sect. II.

ferunt propter differentem particularum simplicium unionem (LXX.)

III.

Utut pro materia prima solum assumant 4. Elementa Vulgaria, Idem tamen elementum plures sub se *species* saltem inadæquatas continere volunt; ad quas Elementa quinque Chymica revocari posse putant : *phlegma* scilicet (XLV.) ad *aquam* : *caput mortuum* ad *terram*; uti ipsimet Chymici facile concedunt : sed & *sal* quoque & *sulphur* (cum ob variam molecularum *primordialium* figuram, variamque cum aliis moleculis commixtionem possint haberi diversi *sales*, *olea*, & liquores ex *sulphure* Chymico prodeuntes) ad *terram* & *aquam* perquam commode ipsis reduci posse videntur, non invito etiam Boerhavio Physico & Chymico doctissimo *Elem. Chem. T. I. fol. 73.* & cum ipsemet *Mercurius* seu *spiritus* Chymicus acriore vi flammæ teste Cl. P. Corsino ab Academicis Parisiensibus in *salem* & *aquam* sit resolutus, eam ob rem ab his quoque duobus elementis *Mercurium* haud differre judicant, indeque ex duobus Systematibus unum efficiunt.

IV.

IV.

Sic autem arguunt : quoniam omnes corporum affectiones sensibiles unice proveniunt ex *motu* & diversa partium *combinatione* (C.) quatuor vero Elementis formaliter inest principium motus, *gravitas* nempe & *Elasticitas* : quoniam item hæc ipsa elementa in suas moleculas primigenias compacta diversissimis gaudent *figuris*, ideoque variis & innumeris modis inter se commisceri atque *combinari* valent, Jure ex iis omnes corporum *affectiones sensibiles* (consequenter etiam *corpora*) essentialiter oriri dicendum est, maxime cum ista Elementa, imprimis *ignis* & *aer*, physice loquendo sint omnium *simplicissima*, id est, ex aliis non *composita*, nec in alia *resolubilia*, quod ad rationem *primorum principiorum* spectat. (LII.) at vero

CV. *Scholion I.* Objiciunt *Peripa-Objectio-
tetici*, Elementa præfata esse revera *prima*, *generabilia*, adeoque & *composita* ex *materia* & *forma*; illud autem probare nituntur ex incredibile quantitate *ignis*, quæ ex oleo accenso intra breve tempus in auras erumpit, Itemque ex *spiritu vini* rectificatissimo in meras *flammas* abeunte : cum ergo fidem

Sect. II.

omnem superet, quod tam immensa flammarum copia (intra horæ quadrantem viginti septem flammularum milia ex oleo lampadis exurgere affirmat Cl. P. de Lanis *Magist. Tom. I. l. 1. obs. 5.*) in oleo aut spiritu vini lateat, sequitur illam de novo *generari* admoto igne. Sed contra RRENT NEOTE-
RICI *r.* generationem substantialem in sensu Peripatetico non tantum *incredibilem* sed & *impossibilem* existere (LXXII.) hinc dicunt 2do, quod ingens quidem igniculorum copia in dato casu oculis *appareat*, actu tamen tanta non sit, ut patet in ferro candente, quod totum *ignitum* videtur, nec tamen revera purus ignis existit, itemquē in fune aut carbone ignito, & in gyrum acto, qui ambo circulum fingunt igneum ob summam motus celeritatem, aliud vero rationabiliter Intellectus judicat &c. ergo a pari magis dicendum est, quod ignis in tanta copia apparenis partim ex particulis *heterogeneis*, ignis formam instar ferri candentis referentibus constet, partim etiam ob summam aeris *rarefacti*, & a particulis igneis imprægnati expansionem, nec non ob stupendam ipsius corporis ignescentis & igniti *divisibilitatem* hoc modo sub oculos

los cadat, prout ex paulo post dicendis tum de corporum *rarefactione* tum de eorum *divisibilitate* manifestius erit : accedit & varia luminis per diversas vias & ambages ad nos usque propagati varia *reflexio* atque *refractio*, de quibus itidem suo loco. Quod autem igniculi in sebo v. g. aut oleo tam copiose latentes ante ignis alterius approximationem nullum prorsus suæ activitatis indicium edant, inde provenire solet, quod igniculi particulis heterogeneis immixti & ab invicem sejuncti, ac vinculis quasi constricti *vim vivam* seu *motum actualem* concipere nequeant, ut liquet v. g. in pulvere pyrio sclopeto aut cuniculis injecto, & foras erumpere tamdiu non valente, donec admoto igne vis ejus viva excitetur, & in rabiem agatur : id ipsum in particulis odoriferis Juniperorum videre est, quæ non nisi per intensum calorem solutæ cubiculum odore replent &c. Cæterum Cl. D. Purchotius *phys. p. 1. Sect. 3. C. 2.* cum plurimis modernis Philosophis *ignem* ex numero elementorum simplicium prorsus eliminat, quorum argumenta in Physica particulari discutiemus.

Sect. II.
 Objectio
 secunda.

CVI. *Scholion II.* Obijciunt etiam contra præfatum Systema Moderni quidam Philosophi cum Cl. P. Fortunato a Brix. *Phys. gen. p. 1. §. 562.* quod sola 4. vulgaria elementa eorumque qualitates in Peripato assignatæ, calor scilicet, frigus, siccitas & humiditas, in se non contineant rationem earum omnium proprietatum operationum & virium, quibus prædita sunt ipsa composita; non enim v. g. quatuor illæ qualitates quomodocumque mixtæ tantas in se vires habent, quæ gaudet *venenum* tam noxium, ut in minima dosi acceptum generet mortem, neque credibile est, quod *vis attractiva* ferri in magnete, rerum *Sympathia* & *Antipathia*; *vis purgativa medicamentorum* &c. non nisi certa earundem qualitatum *mixtio* existat, nulla quippe ejusmodi qualitas *seorsim* sumpta id efficere potest, si per *singulas* eatur: ergo nec *simul* acceptæ tantis viribus pollent, quandoquidem in *entitate* non distinguitur totum a partibus *singulis*: ergo nec in *activitate*, alias partes simul sumptæ producerent effectum se *perfectiorem*, quod implicat: nec enim v. g. plures *colores* invicem mixti *saporem*, aut *odorem* generant: ergo idem

de

de qualitatibus elementorum inter se mixtis dici debet. At RESPONDERI facillime potest, hoc argumentum eos quidem urgere, qui præfata 4. Elementa ut nuda & *prorsus simplicia* cum Peripateticis considerant, non item illos, qui plures simul *species inadæquatas* sub iis contentas admittunt (CIV. III.) nam in hoc sensu citatus Cl. Auctor non potest non assentiri, cum ipsemet Elementa quinque Chymica, ad Elementa 4. vulgaria facile revocabilia (n. cit.) pro *principiis sensibilibus* statuatur *loc. cit. §. 564.* porro quantum ad hoc alterum Systema

CHYMICI.

I.

CVII. Isti pro principiis corporum sensibilibus tria statuantes elementa *Quomodo* *a Chymi-*
ta activa, Mercurium, sulphur & salem, cis decla-
duoque passiva terram & aquam, rentur
 quinque hisce principiis in omni om- *principia*
 nino corpore latentibus, & ab eo ope *sensibilia*
 artis Chymicæ extrahendis (XLV.)
 cum Cl. Thoma de Villis apud Cl. P.
 Fort. a Brix. ita discurrunt *Phys. gener.*
p. 1. §. 547. & seqq.

II.

Sect. II.

II.

Mercu-
rius.

MERCURIUS sive spiritus est substantia maxime subtilis, ætherea & diviniore auræ particula: innumeros ejusmodi spiritus naturæ auctor Deus in corporeo hocce universo tanquam instrumenta *vitæ & animæ*, itemque ad *motus & sensus* cujusque rei procurandos condidit. Hi spiritus nimium ex natura sua *volatiles* ne a subjectis sibi corporibus cito nimis avolent, ab eodem auctore naturæ crassioribus partim alligati sunt particulis, ut eas subigendo, subtilizando ac varie expandendo, res ad *naturitatem* disponant (id quod in corporum *vegetatione* ac *fermentatione* videre est) partim intra spatia quædam, scilicet animantium vasa ac viscera coerciti, eadem motus sui stadia, pro vitæ, sensus & motus obeundi muneribus, sæpius repetere coguntur. Ab horum igitur spirituum motu venit tum corporum *animatio*, tum plantarum *vegetatio*, fructuum quoque, liquorum, & aliorum præparatorum *maturationes* procedunt: hi *formam & figuram* cujusvis rei a Deo præfixam determinant: *mixtionis* vincula præsentia sua conservant, suave discessu pro libitu referant, sulphuris & salis

salis *inordinationes* refrænant : denique in copia & exaltatione spirituum rei cujusvis *perfectio* & status; in destitutione casus & *declinationes* consistunt.

III.

SULPHUR est principium consisten-
 tiæ paulo crassioris quam spiritus, post
 ipsum maxime activum, cum enim so-
 luta mixti compage spiritus primo erum-
 punt, particulæ sulphureæ statim sub-
 sequi nituntur. Rei cujusque *tempe-
 ries* quoad *calorem*, *consistentiam* &
amabilem texturam a sulphure imprimis
 dependet: hinc etiam *colorum* & *odo-
 rum* varietas, corporum *pulchritudo* &
deformitas, nec non *saporum* diversitas
 maxima ex parte oriuntur. In sinu
 hujus principii spiritus Mercuriales im-
 mediate resident, quo, velut copula,
 durioribus cæterorum complexibus uni-
 untur. Sulphuris substantia licet mi-
 nus subtilis, tamen majoris *ferocitæ* &
effrænationis est, quam sint *spiritus*.
 Equidem hujus corpuscula leniter com-
 mota *digestionem* & *maturitatem*, *dulce-
 dinem*, & qualitates plerasque perfecti-
 vas rebus conciliant: paulo intensius
exagitata calorem & *qualitatum excessus*
ac inordinationes imprimisque *ran-
 corem*

Sect. II.

corem inducunt : impetuosius vero concita corporum dissolutiones, imo flammam & conflagrationem inferunt.

IV.

Sal.

SAL paulo fixioris adhuc naturæ est quam aut Mercurius seu spiritus aut sulphur, neque adeo ad evolandum labilis : quin rebus compactionem & soliditatem nec non pondus & durationem largitur : Corporum dissolutionem retardat ; congelationes & coagulationes promovet, putredini, corruptioni & inflammabilitati plurimum resistit, quatenus nempe sulphur & spiritum sive Mercurium implexu suo figit, & in corpore detinet ; quare ligna ponderosa, lapides, metalla, & quæ sale abundant, ægre accenduntur, & diutius a corruptione immunia servantur. Porro salinæ particulæ paulo magis inter se & cum aliis combinatæ diversas salium species efficiunt, nam 1. sal acidus est, qui linguæ impositus acrimonia sua eandem pungit atque aceti instar vellicat. 2. Sal Alkali sive Alkalicus a planta quadam Ægyptiaca, ex qua ingens illius copia extrahitur, sic dictus, fermentare incipit & cum impetu ebullire, quamprimum spiritus qui-

quidam acidus cum eo miscetur: hinc & a Chymicis *Alkali* nomen id omne accepit, quod acida recipiendo effervesceat, atque effervescendo facit, ut mixtum in salinam substantiam coeat, vel ut ipsi loquuntur, *ChrySTALLIZETUR*.
 3. *Sal fixus* appellatur, qui ignis activitati resistens non tam facile dissipatur: hic ex plantis & animalibus extractus ope cujusdam lixivii etiam *lixiviosus* dicitur, & ChrySTALLIZATIONEM similiter admittit. 4. *Volatilis*, qui scilicet per calorem exilit ac penitus dissipatur in auras.

V.

AQUA seu *Phlegma* suo interventu Mercurium & sulphur sibi invicem & cum sale consociat: aqua deficiente principia activa nimis arcte coeunt, sese mutuo atterunt & absumunt; cumque hac ratione alimenti supplementum rescinditur, corpus emarcescit: si humiditas nimis abundat, elementa hæc ab invicem elongantur seu dissolvantur nimis: unde subjectum iners & pigrum minorisque efficacæ ac motui ineptum evadit.

VI.

Sect. II.

VI.

Terra seu **TERRA** demum seu *caput mortuum* in corporibus solidis (sicut aqua in liquidis) spatiola inania & vacuitates a cæteris principiis relictas explet : hæc enim principia activa a complexu nimis arcto, quo se atterant & invicem contingant, prohibet, etiam crassitie sua nimis volatilia retinet : insuper molem & magnitudinem corporibus debitam elargitur : quo magis terra quidpiam abundat, eo est minoris activitatis ; durationis vero longioris. Hinc mineralia diutissime perstant : dein proximæ arbores grandiusculæ ; interim ævi brevioris sunt animalia & plantæ teneriores. Hucusque fere cit. Cl. Auctor.

VII.

Cum igitur quinque hæc elementa caloris vi ex omni composito naturali completo atque perfecto in certa quadam dosi juxta certissima Chymicorum experimenta elici queant, adeoque & *entitative*, sive quoad propriam formam, ibi existant, atque propterea compositum quodcunque naturale merito dici possit aliquod *mixtum*, hoc est, tale, quod essentialiter constat ex pluribus par-

particulis natura dissimilibus, eaque ratione ex directa intentione operantis naturæ inter se unitis, ut illarum una discerni ab altera in ipso toto nullatenus possit; inde Philosophiæ Chymicæ amatores cum cit. Cl. P. Fort. a Brix. §. 568. terram, aquam, salem, sulphur & Mercurium ita pro principiis primis sensibilibus statuunt, ut dicant
 1. substantiam terream se habere in composito naturali ut *materiam*; 2. Salino-sulphureo - Mercurialem ut *formam*; 3. humidam vero sive *Phlegmaticam* tanquam *vinculum*, quo substantia solino-sulphureo-Mercurialis simul cum terrea colligata in ipso composito detineatur.

VIII.

Primam partem breviter sic probant: Ab experientia scimus, quod si ligni quoddam frustum lento igne sic comburatur & in cineres redigatur, ut aer omnis excludatur, tota ipsius ligni organizatio in relictis cineribus conspicua sit, oculoque per microscopium armato in cinerea illa massa stupenda videatur porulorum, fibrarum, ac vasculorum dispositio, in quibus haud dubie antea fiebat dissipatæ *vividae substantiæ*

Q

(salino-

P. Oster. Phys. Pars I.

Sect. II.

(salino - sulphureo - Mercurialis) circulatio: ergo terra habet rationem *subiecti* seu *materiæ* in tali ligno, imo & in omni composito naturali, cui inest; cum sit aliquid *determinabile* a forma tum essentiali tum substantiali. *2dam partem* ex eo patere volunt, quod per *substantiam* salino - sulphureo - Mercurialem composita ipsa *specie* distinctam *configurationem* (quæ est *forma essentialis*) accipiant, cum & ipse sal sulphur & Mercurius pro specifico discrimine corporum, ex quibus eliciuntur, sint specificè diversa; nam teste Cl. Boyle p. 4. *Chymistæ Sceptici* sulphur aliud est in auro, aliud in argento, aliud in sinaragdo aut Magnete, aliud in lapidibus, salibus, fontibus &c. idemque dicendum de *salibus* & *Mercurio*. Insuper a substantia salino - sulphureo - Mercuriali oriri omnes *actuales* ipsius mixti *qualitates*, totamque ejusdem vim & energiam seu *agendi potentiam* (quæ *forma substantialis* est) experientis quotidianis comprobari potest. *3tia* denique *pars* nempe quod aquæ seu *phlegmati* proprium sit *principia activa* cum *inertibus* terræ particulis debito modo in mixto naturali *colligare* atque *conjungere*, exinde colligitur,

tur, quia experientia teste ea corpora citius corrumpuntur, in quibus *phlegma* dominatur, licet econtra *vivida* mixti substantia se jungi ab *inerti* non potest, nisi aqueus humor per calorem attenuetur ac dissipetur, & consequenter *phlegma* seu aqua est quasi vinculum, quo substantia *iners* seu terra cum substantia *vivida* seu salino-sulphureo-Mercuriali colligata in ipso composito detinetur.

IX.

Dum vero Chymicis OBJICITUR, Objectio
prædicta ipsorum elementa esse *com- prima.*
posita ex aliis se prioribus, mutuoque generabilia & corruptibilia (CIV. III.) adeoque non esse *principia prima* (LII.)
RRENT Illi 1. quod sua principia ne-
tiquam *pro primariis*, sed tantum *pro secundariis* haberi velint: unde nil obesse putant, si etiam ex aliis se adhuc prioribus composita sint, semper tamen verum esse dicunt, naturale quodcunque mixtum, cum in illa quinque Elementa agente calore per solam eorundem separationem resolvatur, necessario quoque ex iis constare.
2. Afferunt, quod Elementa Chymica videantur solummodo in alia converti, revera autem nunquam convertantur:

Q 2

cum

Sect. II.

cum nempe terra, aqua, sal, sulphur & Mercurius, teste Cl. P. Fort. a Brix. *loc. cit.* §. 557. quantumvis magna cura ac diligentia in perficienda corporum analysi adhibeatur, omnino pura haberi non possint, plerumque evenire judicant, ut recedente per ignis actionem elemento subtiliore & magis volatili remaneat aliud non ita subtile, quod cum illo priore jam antea connexum, nec tamen ob prævalentem illius prioris activitatem sub sensus cadebat. Ita Cl. Boerhavius *t. 1. Elem. Chym. pag. 205. & 207.* refert, *sulphur* vasis clausis coercitum etsi centies sublimetur, nunquam tamen immutari: at si in vas, in quo fit sublimatio, liber externo aeri aditus pateat, tunc utique flammam arripit, & in acidum liquorem convertitur, videlicet attenuata per crebras distillationes actiosa illius substantia ac penitus dispersa manent tantum *sal* & *terra*, utpote quæ non ita facile ignis vi dissipari queunt: & forte per aeris impuri ingressum particulæ alienæ salis & terræ primum in majori copia advectæ, dissipata sulphuris seu olei materia inflammabili, locum derelictum occuparunt. Idem cum proportionem de aliis Elementis chymi-

chymicis, si quando *immutari* videntur, dici potest.

X.

OBJICIUNT alii, principia Chymica Objectio non esse *universalia*, eoquod non omnia Corpora in ea resolvi queant, id quod de *Metallis & lapidibus* præcipue affirmant. Verum RDET sæpe citatus Cl. P. Fort. a Brix. §. 555. licet nimis operosum esse & ipse fatear singulas illas substantias ex metallis educere, non propterea id posse fieri absolute negandum puto. Quod vero non ita facile ex metallis ea elici valeant, cum Cl. Lavagnoli in causa esse existimat, quod Elementa ibi latentia ita sint aliis implicata, ut secerni nequeant nisi amissis figuris: ex quibus colligitur, quia figuræ mutabiles sunt, mutari & nomen; videri idcirco non inesse corporibus, quamquam insint. Sic v. g. si misceatur spiritus aliquis acidus cum sale tartari vel alio quopiam Alkalico, acidi cuspidēs ita figuntur in salis foramina, ut adhibita distillatione quantumvis continuata prius illud acidum nequaquam elici valeat.

XI.

INSTANT rursus alii incertam esse Objectio horum Elementorum naturam, cum

Q 3

expli-

Sect. II.

explicari nequeat ab ipsis Chymicis, quænam sit *natura physica* salis, sulphuris, & Mercurii; imo cum diversissimæ sint activorum ejusmodi principiorum *species*, ut mox antea dictum est (CVII. VIII.) diversissima quoque ac pene innumera rerum principia statuenda fore, quod est absurdum &c. RRENT isti Philosophi ad *innum*, quid tum si *natura physica* illorum Elementorum nos lateat? id ipsum enim de *materia physica absolute prima* paulo superius vel inviti afferere debuimus (LXXXIII.) Principia vero Peripatetica in sensu physico nihil omnino explicant (LX.) sufficit ergo dicta Elementa saltem ut principia *physica secundaria* quomodocunque & in genere ad captum definire &c. Ad idum absurdum non est, si tot statuatur genera *salium sulphurum & spirituum*, quot sunt composita naturalia *specie* diversa; nunquid enim ipsimet *Peripatetici* tot *specie* distinctas formas *substantiales* admittunt, quot sunt *specie* distincta corpora? Idem & Philosophi *Mechanici* faciunt, tot *specie* distinctas formas *essentiales*, quot sunt specificè diversa composita, statuentes: ergo & eadem licentia Chymicis Philosophis deneganda non est, cum hi ipsi non
aliam

aliam naturalium compositorum materialium specie distinctorum formam assignent, nisi *salino-sulphureo-Mercurialem* eorundem substantiam : & consequenter ad multiplicationem *specificam* illorum compositorum specificè differentes quoque sales sulphura & spiritus illi ipsi jure admittunt.

Sententia

CVIII. *Cholion I.* Existimat Cl. P. Cl. P. Hauser *Phys. Gen. p. 1. q. 4. art. 2. §.* ser.

166. Elementa quinque Chymica, utpote rarissime pura & heterogeneis particulis plerumque permixta, ad Elementa 4. Vulgaria facile posse reduci, ait enim : „ Si principium *sulphureum* exuat particulas alienas. „ erit *ignis* : si *phlegma* deponat sibi „ admixta corpuscula, dabitur Elementum *aquæ puræ* : ubi *salem* oleo, „ phlegmate & terra per analysin Chymicam spoliaveris, aut nihil aut „ vaporem *æri* analogum habebis residuum : terra denique Peripateticis „ & Chymicis re ipsa eadem est, ut „ ut peregrinis nominibus suam involvant Hermetici, id est, *Chymici*, ideoque & paragrapho præcedente dicit : *mallet asserere, Elementa Peripatetica esse Chymicis simpliciora, aut rejecto Mercurio* (sed cur ille sine causa

Sect. II.

reijcitur ?) a quatuor depuratis Chymicis vix differre. Verum pace tanti viri dixerim, quod etiam Elementa 4. Peripatetica, si subtiliter loqui velimus, ad tria cum Cl. P. Purchotio, *aerem* scilicet, *aquam* & *terram*, vel ad unum tantum, videlicet *aquam* cum Cl. D. Bezel reduci queant.

Mens Cl. ClX. *Scholion II.* Porro hic postre-
 D. Bezel. nus Cl. Auctor in suo doctissimo ope-
 quod aqua re, cui titulus : *Philosophia ad gu-*
 fit unum *stum moderni sæculi elaborata*, Ulmæ
 ac univer- typis impresso anno 1751. pag. 2. ita
 sale Ele- proloquitur : „sic mecum statuo, unum
 mentum. „ duntaxat a parte rei elementum esse,
 „ *aquam* videlicet, eamque mundo
 „ coævam & concreatam, quin mun-
 „ di universi fontem & originem
 „ unam eandemque, ex qua visibilis
 „ ista mundi compages, & quidquid
 „ in ea sive vegetabilium sive anima-
 „ lium sive mineralium & metallorum
 „ comprehenditur. Si intes, quid
 „ igitur terra? quid aër? ignis? re-
 „ pono, *terram* nihil aliud esse, quam
 „ *aquam condensatam*, eam, inquam,
 „ quam Deus 1. *Genes.* vocavit aridam,
 „ postquam separationem illam fecit sub-
 „ tilis a grosso, levis a gravi, tenuis a
 „ denso & condensato. *Aer* porro meo
 „ qui-

„ quidem iudicio nihil est aliud quam
 „ *aqua rarefacta*, vapor aquæ & ex-
 „ halatio subtilis, quam, quotquot vi-
 „ vunt animalia, attrahendo & rur-
 „ sum exhalando respirant. *Ignis* de-
 „ nique vulgaris & sensibilis quid est
 „ aliud quam *aër*, quem vocant, *sub-*
 „ *ttilior*, id est, si causaliter quidem
 „ loqui velimus, nova quædam &
 „ subtilior ex aqua rarefacta extractio,
 „ quam ad contradistinctionem ab *aere*
 „ *usuali*, siquidem ita vis (neque enim
 „ de nomine litigandi mihi animus
 „ est) *ætheris* seu auræ æthereæ no-
 „ mine nuncupare potes. Atque hic
 „ æther seu aura æthereæ motu quo-
 „ dam rapidissimo & continuo (nec
 „ enim sine motu sensibili prima saltem
 „ flammula elici potest) agitata per
 „ minima, est formaliter ignis, cui, ut
 „ statum sensibilem *lucis* faciat, quid
 „ deest? nunquid *flammulam* conspici-
 „ mus in recipiente vacuo vel parte
 „ superiore Barometri in loco subob-
 „ scuro agitata? & quid inibi aliud,
 „ quam æther subtilior, implens va-
 „ cuum, & agitatione sua sensibus lu-
 „ cem conspicuam adumbrans? ut
 „ vero etiam *urat* ignis, & dolorem
 „ sensibilem urendo causet, aliud opus

Sect. II.

„ non est, quam ut hic ipse æther
 „ coagmentatus tantisper, & motu
 „ vorticoso atque confuso agitatus,
 „ eundem ipsum, facta corporis ap-
 „ proximatione partibus ætheris simi-
 „ laribus per corporis poros undequa-
 „ que diffusis suo modo communicet:
 „ ita fit quædam titillatio & pun-
 „ ctura, quæ est proprie *calefactio*,
 „ eaque vel remissior vel vehementior,
 „ quo major est motus communicatio:
 „ quod si sensim sine sensu æqualem
 „ agitati concipiant agitationis motum
 „ stabulantes in corporum poris æthe-
 „ ris particulæ, non jam simplex pun-
 „ ctura fit, sed dissolutio compagis &
 „ combinationis partium corporis, ac
 „ resolutio humidi volatilis, ejusque
 „ subtilisatio, atque in formam aeris
 „ evaporatio, dum tandem partes den-
 „ siores evaporatis subtilioribus in ari-
 „ dos cineres subsidant, id quod est
 „ proprie combustio. Neque putes ta-
 „ men, hos cineres, utut *aridi* vide-
 „ antur, omni prorsus succo destitu-
 „ tos esse; suum, quippe adhuc hu-
 „ midum radicale conservant, unde
 „ corpus primo compositum est, non
 „ nisi pertinaci flammæ motuique
 „ ætheris vorticosissimo cessurum, ac
 „ in

„ in vitrum tandem , quod est ultimus
 „ naturæ terminus, mediate vel im-
 „ mediate abiturum. Et post pauca
 quædam interjecta prælaudatus Cl.
 Auctor denuo sic pergit : “ sistendo in
 „ puris terminis hæc ipsa propositio
 „ vera est etiam juxta Aristotelicos,
 „ & discrepantia est sola in modo acci-
 „ piendi & intelligendi. Mihi certe,
 „ quod res eadem modo ignis modo
 „ aqua sit, imo quod detur *aqueus ignis*
 „ & *ignea aqua* nihil est paradoxum.
 „ Quid aliud *sanguis*, *aqua fortis*, *ole-
 „ um nitri fixi*, & hujusmodi *spiritus*
 „ vel *olea* alia : quid, inquam, sunt
 „ aliud, quam ignis eo vehementior,
 „ quo minus apparens, & sub aliena
 „ larva sensibus non recte sensatorum
 „ imponens ? imo neque hoc semper :
 „ sed & aqua hujusmodi ignea, qua
 „ larvatur, speciem externam quando-
 „ que exuit, & absque ignis externi
 „ sensibilis adjumento instar visibilis
 „ flammæ apparet, ut patet in spiri-
 „ tu vini, qui post frequentiores di-
 „ stillationes, rectificationes, & par-
 „ tium minimarum subtilisationes, ut
 „ primum in aerem liberum eluctatur,
 „ & partibus ætheris homogeneis ag-
 „ glomeratur, se ipsum videtur incen-
 „ dere,

Sect. II.

„dere, & quod jam non sit amplius
 „aqua sed ignis, vel ignis & aqua si-
 „mul, manifeste prodere. „ Hucus-
 que citatus Cl. Auctor in suo sensu ve-
 re abundans; ac etiam in subsequenti-
 bus mentem suam validis argumentis
 roborans in citato præclaro opere.

Opinio Cl. CX. *Scholion III.* Cl. P. Donatus a
 D. Donati Transfig. Domini scholarum piarum
 Hofmann. Campidonæ Rector *Exercit. schol. ad*
Phys. partem generalem q. 3. cum Cl.
 Le Pluche 4. Elementorum vulgarium
 numero itidem haud contentus, plura
 e diverso nec in numerum mittenda
 rerum specie diversarum Elementa sta-
 tuit, quia, ut inquit, *nec numerando*
illius artem assequi debemus, qui omnia
in numero, pondere & mensura constituit.
 Pagina vero *vigesima, sin minus certo, at*
saltem valde probabiliter quinque sequen-
 tia illis quatuor adjungit 1. substantiam
 ætheream, 2. salem primigenium, 3.
 fabulum primordiale, 4. olum seu bi-
 tumen primigenium, 5. Metalla varia,
 ut puta aurum, argentum, cuprum,
 ferrum, stannum &c. ex quibus om-
 nibus vult, quod *substantia ætherea,*
ignis, aer & aqua sint materia *interla-*
bens, aut ad summum *propria variabilis;*
 terra

terra autem, *sal*, *oleum*, *sabulum* & *metalla* materiam propriam & constantem corporum præcipue efficiant.

CXI. *Corollarium*. Forte igitur, ut *Invicem* plura isthæc Philosophorum Systemata *reconcili-* inter se quodammodo reconcilientur, *antur*. dicendum erit, principia prima sensibilia *in genere* spectata esse revera particulas seu moleculas majores & sensibiles, ex minimis moleculis, ab auctore naturæ diversimode combinatis ortas (CII.) *in specie* autem illas particulas seu moleculas majores & sensibiles consistere tum in 4. *Elementis* vulgaribus tanquam principiis *sensibilibus* omnium simplicissimis, homogeneis, mediatis ac ultimis, tum in 5. *Elementis Chymicis* : itemque & aliis adhuc pluribus (si qua demonstretur ab hisce *essentialiter* diversa) tanquam principiis sensibilibus minus simplicibus, heterogeneis, seu non ita puris, immediatis ac secundariis : unde cuique quoad principia sensibilia *in specie* liberum relinquimus, ut talem sententiam eligat, quæ sibi probabilior & magis ad captum esse videbitur, dummodo continuo una nobiscum afferat, quod de principiis Mechanicis diximus (CI.) nempe mole-

Sect. II.

moleculas in se consideratas esse *materialiam*; unionem vero earum *formam essentialem* SENSIBILEM, Monadem item dominantem, seu *virium activarum conspirationem* formam illarum *substantialem* existere, & quidem eandem *entitative* cum forma tam essentiali quam substantiali MECHANICA, sub alia tantum consideratione acceptam, quatenus scilicet ibi composita ut *machinae naturales*; hic autem simpliciter ut *corpora sensibilia* (quæ in re eadem cum machinis naturalibus existunt) considerari solent: sicque huic de primis corporum principiis explicatu longe difficilissimis dissertationi hucusque continuatæ finem imponimus, ingenii vero doctoribus multo adhuc plura mentis sue acie perscrutanda & in lucem pertrahenda relinquimus.

DISSERTATIO II.

DE

AFFECTIONIBUS CORPORUM GENERALIBUS.

Affectio- CXII. **Cor-** Postquam *substantiæ corporeæ*,
porearum quæ in noto illò versiculo:
genera & *Mens, mensura, quies &c.* (Log. fol. 88.)
species. per

per nomen *materiae* designatur, existentiam, essentiam & principia prima declaravimus, jure nunc ejusdem affectiones seu proprietates generales (*series modorum* in Logica dicuntur fol. 89. & 90.) & quidem *reales* five *Physicas*, hoc est, corpori tanquam *substantiae sensibilibiter mutabili* (XXIII.) competentes explicare aggredimur. Sunt autem sequentes ibidem enumeratae 1. *Mensura* seu magnitudo vel extensio: 2. *quies*: 3. *Motus*: 4. *positura* five situs & configuratio: 5. *figura*, quæ varias rursum sub se species aut nomina complectuntur; nam 1. ad *mensuram* seu Magnitudinem spectant *impenetrabilitas*, *divisibilitas* & *porositas*. 2. Ad *quietem* *Elasticitas* & *gravitas*: 3. Ad *motum* localem, de quo præcipua in Dissertat. III. tractabuntur, *Attractio* & *transpiratio*, seu *Effluvia* corporum: 4. Ad *posituram* *raritas* & *densitas*, itemque *soliditas* & *fluiditas*, ut mox patebit, apte referri possunt. 5. *Figura* denique multiplicem particularum materialium diversitatem accuratius enarrat. Porro ex his ipsis alia dici queunt *essentialia* corporis cujuscunque naturalis attributa, quæ scilicet tolli non possunt, quin simul corporis

Sect. II.

poris natura intereat, quæque adeo omnibus absolute corporibus sunt communia, ut ea ipsa *magnitudo* seu extensio, *impenetrabilitas*, *divisibilitas*, *gravitas* &c. alia vero sunt *accidentalialia*, quæ si corporibus demantur, non quidem pertinebunt amplius ad speciem illam, ad quam antea referebantur, corpora tamen permanebunt, velut *durum*, *molle*, *calidum*, *frigidum* &c. sic v. g. *aqua* frigore accedente abiens in *glaciem* aqua esse definit, attamen *corpus* existere perseverat, sicut & arbor exusta utut non amplius sit *arbor*, permanet tamen ut *corpus*: unde & proprietas aliqua, quæ respectu certæ cuiusdam *speciei* essentialis est, v. g. organica fibrarum textura respectu *arboris*, est accidentalialis respectu *corporis* in genere spectati. Sunt quoque, qui affectiones corporum dividunt in eas, quæ ex materia illorum *propria* dimanant (L.) & sic se habent *firmitas* & *fluiditas*, *durities*, *asperitas*, *rigiditas* &c. & in eas, quæ ex materia *aliena* præcipue dependent, ut sunt *Elasticitas*, *gravitas*, *Electricitas* & *Magnetismus*: nos autem priorem & nunc fere communem divisionem sequimur. Cæterum hæc est illa via, qua in Physica RR.

Philo-

Philosophi a VV. abeunt (Log. fol. 93.)
 dum nempe Peripatetici per decem
 Prædicamentorum suorum, ab Archita
 Tarentino inventorum (Log. fol. 70.)
 explicationem suos Discipulos, ut ju-
 dicat Cl. Ant. Gen. (Log. fol. 85.)
 ad *Sophistice tantum differendum*, atque
 ad *inania vocabula pro sincera sententia*
acceptanda assuescunt : quare ut via a
 Neotericis trita & ad penetranda cor-
 poreæ naturæ arcana unice apta ince-
 damus, sit

SECTIO I.

De Magnitudine, impenetra-
 bilitate, & porositate Corporum.

ARTICULUS I.

De Magnitudine seu *extensione*
 Corporum.

CXIII. **M**agnitudo seu *extensio*, quæ Magnitudo
 omnium primo cuique, cor-
 pora intuenti aut per *imaginationem* vel *omni enti*
sensus percipienti, occurrere solet, di-
 citur id, quo corpus cum altero colla-
 tum

R

tum

P. Oster. Physic. Pars. I.

Sect. I.

tum ipsi *æquale* nominatur vel *inaequale* (Metaph. fol. 361.) aut si magis proprie ac *Physice* loqui velimus, est *positio partium totius extra partes*, & quidem vel *actualis*, si totum sit divisibile, vel saltem *intelligibilis* & *imaginaria*, si totum illud corporeum sit substantia simplex & indivisibilis: nam revera etiam prima corporum principia *Physica* suam, utut *minimam*, dici possunt habere *magnitudinem* & *extensionem*, quatenus in una eademque substantia simplici materiali per *Intellectum* nostrum designari possunt partes plures *intelligibiles*, partibus *realibus* in tantum æquivalentes, in quantum præfata tam realiter quam virtualiter indivisibilis substantia concipitur nunc ut *potens tangi* versus orientem, nunc versus occidentem, nunc versus meridiem &c. &c. adeoque ut uno modo concepta distinguitur per rationem concipientem a se ipsa ut alio modo considerata; & consequenter per *Intellectum* in plures partes *intelligibiles* divisa concipitur.

Quin &
substantiis
simplicibus.

CXIV. Scholion. Quia *Magnitudo* ex definitione sua non exigit necessario partes *reales*, sed sufficere etiam possunt mere *Intellectuales* seu per *Intellectum*

etum designabiles, nil obstat, quo minus in substantiis simplicibus materialibus *diversam* quoque *magnitudinem* admittamus, ita ut non omnes *æquales*, sed quasdam *maiores*, *minores* alias adstruamus; nam si v. g. non obstante *indivisibilitate* Angeli dari nihilominus potest *inæqualis magnitudo* ejusdem Angeli, nunc spatiosam quamdam aulam nunc parvum quoddam cubile occupantis, cur non etiam ab auctore naturæ substantia materialis *indivisibilis magnitudinem* quamdam stabilem, a magnitudine alterius itidem *indivisibilis* substantiæ *diversam* accepisse dicenda sit? maxime cum probari nequeat, *indivisibilitatem* ita soli *spiritui* competere, ut non etiam *materiæ* propria esse possit.

CXV. Quoniam potiora, quæ de Duplex corporis *magnitudine* quæri possunt, in *questio*. Metaphysica (fol. 361. & seqq.) jam pertractavimus, ac etiam paulo superius (XX,) per Synopsin attigimus, sola hic quæstio remanet, an singula corpora tam inanimata quam animata habeant terminum suæ magnitudinis vel parvitatē? per *terminum* vero *magnitudinis* intelliguntur certi limites, quos

Sect. I.

ultra se non extendit corpus, & vocatur a Philosophis maximum quod sic: econtra per terminum parvitatís designantur limites, quos infra non descendit corpus, diciturque etiam minimum quod sic. Quæstio porro ista alteri magis curiosæ ansam dedit, an scilicet rerera in hoc orbe fuerint unquam *Gigantes*? horum autem nomine non eos tantum viros intelligimus, qui procerioris corporis statura cæteros regionis suæ incolas non digiti solum vel etiam pedis mensura superant (plures enim ejusmodi in mundo etiamnum occurrunt) sed qui nostræ ætatis homines pedibus nonnullis, vel etiam duplo, triplo, quadruplo justam staturam quinque pedum & dimidii excessere. Et quidem de his ipsis quærimus, non modo an plurium sæculorum successu contigerit aliquando, ut naturæ quodam nisu exstiterint, quemadmodum interdum monstra & pumiliones procreantur, quorum singuli successionē carent; verum id inquiremus, an tum ante tum post diluvium sat multi homines fuerint justa hominum nostræ ætatis statura multo superiores, qui in certo quodam regionis tractu, certisque familiis frequentius quam alibi prodierint,

ut

ut certum genus & peculiaris *Gigantum* regio possit assignari ?

PROPOSITIO I.

Singula Corpora habent defacto determinatum suæ magnitudinis aut parvitatatis terminum, utut absolute loquendo possint in indefinitum augeri vel minui.

CXVI. PROBATUR *r. p.* Nam juxta Singula decantatum & sæpius jam corpora citatum axioma scripturificum auctor naturæ Deus omnia defacto *in pondere* ^{habent terminum} *mensura & numero* constituit, suosque ^{magnitudinis &} rebus omnibus naturalibus *fines* posuit, ^{parvitatatis.} *quos non transgrederentur* : & quia teste eadem S. Scriptura *omnia obediunt ei*, apertis oculis etiam actu videmus, corpora tum *animata*, ut homines & bruta, tum *inanimata*, ut Planetas & stellas, montes, colles, campos & arbores &c. ita determinatis suis gaudere terminis tum magnitudinis tum parvitatatis, ut si eos quandoque *per accidens* excedere vel non attingere contingat, aut omnino pereant ac deficient, aut in *monstrorum* classem referenda sint. **CONFIRMATUR** ab Indu-

R 3

ctio-

Sect. I.

ctione. Sic enim corpus *humanum*, si aliunde & *per accidens* non impediatur, ad justam, & pro diversitate locorum aut regionum (determinata coeli temperie & alimentorum varietate gaudentium) *eandem* fere ubique staturam exurgit; non quidem *Matemathice* sed *physice*, id est paulo majorem aut minorem: idem de corporibus *animalium* tum *Sylvestrium* tum *domesticorum* eorumque specierum singularum affirmare licet: etiam in *arboribus* constans natura eundem ordinem servat, ut alia sit altitudo pini, alia quercus, alia Coryli &c. similiter corpora quoque *caelestia* & *superlunaria* ac *Meteora* in certa magnitudine continuo apparent: orbem denique terrarum montes, campi & declivitates ac maria ita perpetuo distinguunt, ut neutrum eorum alteri unquam omnino praevaleat, sed justam identidem inter se mensuram observent, summique ac sapientissimi architecti majestatem atque potentiam, cuncta in suo ordine, quo illa creavit, conservantis depraedicent: ergo.

Utne absolute loquendo semper au-

PROBATUR 2. p. Singula corpora sunt finita: ergo absolute loquendo potest iisdem semper addi aut ab iisdem

dem *demi* ; v. g. Ignis potest in *infini-*geri aut
nitum Syncategorematicè (quod hic *minu-*que
 potius *indefinitum* appellare malo) au-ant.
 geri adjecta semper materia combusti-
 bili ; montes suis econtra arenæ gra-
 nulis spoliari, ac mare suis guttis &c.
 dixi *absolute* loquendo, si nempe Deus
 ut *absolutus dominus*, non autem ut
modernus naturæ auctor consideretur,
 quid enim *absolute* ipsum prohibere po-
 test, si per omnipotentiam suam mun-
 dum *majorem* aut *minorem* in *indefinitum*
 efficere velit? Id quod tamen ut *naturæ*
auctor non vult, prout ex immediate
 dictis in probatione partis præcedentis
 liquet.

PROPOSITIO II.

Existere revera Gigantes tum ante,
 post diluvium.

CXVII. PROBATUR. I. p. In S. Gigantes
 Scriptura Genes. 6. v. 4. ex-
 presse habetur : Gigantes (hebraice *ante dilu-*
Nephilim), autem erant super terram in *vium.*
 diebus illis) ante diluvium, utpote
 quod propter Gigantum scelera præ-
 cipue super homines a Deo venisse ibi
 describitur), postquam enim ingressi sunt

Sect. I.

filii Dei ad filias hominum) id est, viri e genere Seth ad fœminas de genere Cain) illæque genuerunt : isti sunt potentes a sæculo, viri famosi &c. Et de de his ipsis Baruch c. 3. v. 26. hæc habentur. *Ibi fuerunt gigantes nominati illi, qui ab initio fuerunt, statura magna, scientes bellum, & v. seq. non hos elegit dominus, neque viam disciplinæ invenerunt : propterea perierunt.* Quin & vetus traditio est teste Cl. P. Calmet in *Dissert. de Gigantibus*, apud Rabbinos & plures Christianos scriptores recepta, Adamum ipsum inter Gigantes principem locum obtinuisse : id quod & S. Hieronymus sensisse videtur, dum illud *Jos. 14. v. 15.* latine ita reddidit : *nomen Hebron ante vocabatur Cariath Arbe : Adam maximus ibi inter Enacim* (id est inter filios Enac, qui fuit ingens gigas) *situs est : Idem de Adam filiis Abele, Caino, Setho, & prioribus saltem illorum posteris, Noe præsertim defendit D. Abbas Tilladet apud cit. Cl. P. Calmet.*

Et post
Diluvium.

PROBATUR 2. p. Ex eadem S. Scriptura, ubi clare refertur, quod in terra Chanaan, Israelitatis a Deo promissa, antecederet habitaverint plurimæ gigantum familiæ, quæ propter
sua

sua scelera jubente Numine a Josue & Caleb exterminatae fuere : eorum tamen aliqui Israelis gladium effugientes, vel ex aliis regionibus advenientes, usque ad Davidis ætatem, aut forte etiam longius, superstites mansere. Sic 1. focii Caleb post exploratam terram Chanaan ad suos reversi (utut per excessum quemdam) ita locuti sunt Num. 13. vv. 33. & 34. *populus, quem aspeximus, proceræ staturæ est : ibi vidimus monstra quædam filiorum Enac de genere giganteo, quibus comparati quasi locustæ videbamur.* 2. Huic convenire videtur illud Vaticinium Genes. 15. v. 20. quo Deus promisit, daturum se semini Abraham præter alias gentes & regiones etiam terram **RAPHAÏM**, hoc est, *Gigantum*, ut alibi in SS. Litteris vocatur ; sic & Davidis tempore supererant quidam *Raphaim* seu filii *Rapha* in urbe Geth commorantes, quorum Gentilis erat notus ille *Goliath*, cui Scriptura sex cubitos cum palmo, nempe 10. pedes & 6. digitos altitudinis assignat : nota insuper in iisdem SS. Litteris est *vallis Raphaim* Jerosolymis proxima (Jos. 15. v. 8. Item 18. v. 16. 2. Reg. 5. v. 18. 1. Paral. 14. v. 9. 11. 17. v. 5.) cui valli nomen indi-

Sect. I.

tum, five quod olim *Gigantes* suas ibi haberent sedes ; five quod castra ibi non semel posuissent in bellis Philistæorum adversus Hebræos ; unde & *vallis Gigantum* dicebatur juxta illud 2. Reg. 23. v. 13. *Castra autem Philistinorum erant posita in valle Gigantum* (Hebraice in valle *Raphaim*) 3. Deutr. 2. vv. 20. & 21. ita legitur : *terra Gigantum reputata est : Et in ipsa olim habitaverunt Gigantes, quos Ammonitæ vocant zomzommim, populus magnus Et multus Et procerae longitudinis sicut Enacim, quos delevit dominus a facie eorum, Et fecit illos (Israelitas) habitare pro eis.* Huc spectat illa Numinis apud Prophetam locutio *Amos. 2. v. 9. ego exterminavi Amorrhæum a facie eorum, cujus altitudo cedrorum altitudo ejus, Et fortis ipse quasi quercus.* Item Deutr. 3. v. 11. habetur : *solus quippe Og Rex Basan resistit (Israelitis) de stirpe Gigantum : monstratur lectus ejus, ferreus - novem cubitos habens longitudinis Et 4. latitudinis ad mensuram cubiti virilis manus, cunctaque Basan vocatur terra Gigantum : ergo revera post diluvium existere Gigantes, eorumque familiae & regiones. Et sane antea citatus D. Abbas Tilladet nedum fabricatores tur-*

ris

is Babel plerosque sed & primos omnes gentium parentes & coloniarum ductores Gigantibus accensendos esse putat, nempe, præter Noe ejusque filios, Nemrodum Assyrii imperii primum auctorem, Duces item priores Amorrhæorum, Ammonitarum, Philisthæorum &c. additque, homines illos, quo statura proceriores erant, eo pariter & vitam egisse diuturniorem, radicali illo & vitali humore magis abundante, qui in ampliora corporis vasa reciperetur: Vitæ autem ad plura sæcula prorogandæ suffecisse plurimum autumat cum terræ sæcunditate opimiorem elementorum succum, quo in naturæ senio paulatim cum sæcunditate deficiente, sensim & de vitæ diuturnitate remitti coeptum est.

CONFIRMATUR ex iis S. Scripturæ locis, in quibus sermo est de animabus *Raphaim* seu Gigantum, in inferno criminum suorum poenas dantibus. Sic Jobi 26. v. 5. dicitur: *ecce Gigantes gemunt sub aquis, & qui habitant cum eis: nudus est infernus coram illo (Deo) & nullum est operimentum perditioni.* Salomon Prov. 9. v. 18. ait, *sæminæ effrenis vias ad inferos deducere, &*
eos,

Art. I.

eos, qui infames illas viæ ductrices sequuntur, recta ad locum Gigantum contendere. Ibidem c. 21. v. 16. dicitur : *Vir, qui erraverit a via doctrinæ, in catu Gigantum commorabitur.* Similiter Isaias c. 14. v. 9. & Ezechiel c. 32. v. 19. & seq. Gigantes exhibent in tenebrosis quibusdam locis, qui honoris gratia assurgentes venientibus gentium Regibus obviam occurrunt, Regibus scilicet illis, qui cum viverent, longe lateque sui nominis terrorem intulerunt ; post mortem vero ad inferos una cum Gigantibus rapti sunt, &c.

Gigantes
Americani.

CXVIII. *Scholion I.* Visi sunt etiam in America gigantes teste Acosta *Hist. Indic. l. 1. c. 19.* qui vulgaris staturæ homines genibus habebant æquales : hos viros, quorum ossa modo adhuc in Peruanis regionibus spectantur, igne coelitus in se scelerum merito provocato pariter absumptos recepta apud incolas traditio fert : is ipse apud Mexicanos & Brasilienses rumor viget. Inter gigantes itidem suum habuisse locum credendi sunt Virginiae & Magellanicæ regionis primi parentes, quandoquidem adhuc hodie illarum provinciarum incolæ robore & corporis

ris statura reliquis Americanis populis plurimum præeminent.

CXIX. *Scholion II.* Sed & inter Teuto-primos Teutones Gigantea corporis mole quosdam præditos olim fuisse, Teutobochi Regis Teutonum ossa, prout refert sæpe laudatus Cl. P. Calmet, anno 1613. in Delphinatu inventa testantur, utpote quæ spatium occupaverant 25. pedum & semis longitudinis 10. latitudinis in scapulis, 5. profunditatis: ambitus capitis 10. pedum, longitudo 5. oculorum Capsulæ 7. digitos ponderabant. Ex hocce forsan stemmate erat notus ille Villinganæ Urbi *Romæus*, quamquam ingenue fatendum est, tum fabulas plurimas rudi & nimium credulæ plebi pro veris historiis fuisse obtrusas, tum etiam veras quandoque historias ob plura addita figmenta degenerasse in fabulas. Plurima ejusmodi curiosa legi possunt in citata *Dissertatione de Gigantibus*, nec non in eruditissimo ac Vastissimo opere Cl. D. Beyrlinck, cui titulus: *Theatrum vite humanæ. V. Gigas.*

CXX. *Scholion III.* Cæterum de istis etiam Gigantibus adhuc dici potest, quod determinatum magnitudinis terminum habuerint, tum quia re ipsa
Etiam Gigantes habuere terminum magnitudinis.

Sect. I.

in indefinitum extensi haud erant, tum quia *certa membrorum proportionē* functionibus suis naturalibus & bono universi adaptati fuere : *permittit vero Deus* quandoque aliquam in legibus ordinariis *exceptionem*, qua & naturæ vires commendet, & suæ providentiæ notos fines consequatur, prout ait Cl. P. Hauser *Phys. Gen. p. 2. §. 220.* Videantur quoque dicta in *Metaphys. de Monstris* eorumque causis (*fol. 618. & 619.*) nam defacto, tempore mundi senescentis adeoque non amplius ita foecundi, siqua mulier *Gigantem* pareret, inter *monstra* revera annumerandus is foret.

ARTICULUS II.

De Impenetrabilitate Corporum.

Quæstio de
impenetra-
bilitate
physica.

CXXI. DE Impenetrabilitate, prout in *sensu Metaphysico* est attributum corporis, ipsa extensione prius, vi cujus corpus petit resistere aliis corporibus undequaque prementibus, nec patitur naturaliter alia corpora secum esse in loco, satis jam diximus in *Metaphysica*, tum etiam supra (XVII. XVIII. XX. LXXIX. & XCVIII.) ex quibus patet, quod si consideretur ut
radi-

radicalis, sit proprietas cujuslibet corporis Metaphysica & inseparabilis (cum *essentiam* corporis formaliter constituat) adeoque non nisi ut *formalitas* Scotistica, instar *rationalitatis* in homine, ab eodem corpore distincta: sin autem accipiat ut *actualis*, sit *modus*, parem distinctionem involvens (XX.) nunc in sensu *Physico* de impenetrabilitate *actuali* sola quærimus, an, & quibus potissimum *experimentis Physicis* probari queat, quod singula Corpora, non tantum *firma* & *solida*, sed etiam *fluida*, e suis, quæ occuparunt locis, aliud quodcunque corpus expellere soleant? pro cujus resolutione sit

PROPOSITIO.

Nullum omnino est Corpus, quod naturali impenetrabilitate non gaudeat.

CXXII. PROBATUR *Experimentis* I. Resolvi-

In corporibus *solidis*, quod tur.

rum certe teste sensu intimo nullum est, quod naturaliter alteri actu non resistat; sic enim v. g. globus globo, clavus malleo, terra aratro, truncus securi, murus pilæ resistit &c.

II. In

Sect. I.

Tab. I.
Fig. 1.

II. In corporibus *fluidis naturalibus* aqua resistit remo & navigio, aer in angusti oris vasculo inclusus non admittit liquorem, si hic *recta* infundatur, bene autem si *oblique*, ita ut aeri latenti e latere detur egressus: *ignis* in cuniculis accensis aut in sclopeto pulvere pyrio animato sese coerceri non sinens omnia quæque a se repellit, & ex montibus ignivomis Æthna & Vesuvio viam sibi aperit: *ignes* pariter subterranei subito accensi urbes & oppida per terræ motum subvertunt. *Per artem* experimenta fiunt 1. In *campana urinatoria*, seu machina ex plumbo fusa, campanæ formam referente, tres circiter pedes alta, totidemque fere circa orificium lata: e labiis hujus campanæ quatuor catenis illigatum pendet scabellum itidem plumbeum, cui *urinator*, sive homo infra aquam descensurus, ad dimidiæ staturæ a campana altitudinem insistit: hæc igitur campana unacum urinatore per funem, unco superius infixio alligatum in maris aut lacus fundum perpendiculariter demissa, eundem urinatorem ad umbilicum & ultra ab aquis servatum in aere, qui in superiori parte campanæ interioris residuus manet (ut-

(utpote ab aqua circumobsidente egressu prohibitus) secure spirare facit: unde ad fundum maris perveniens e campana egredi, res naufragio deperditas perquirere, rursusque pro habenda respiratione campanam subire valet, & hoc tamdiu, donec aer ab urinatoresensim inspiratus, rarefactus, & sic a subeuntibus aquis magis magisque compressus deficere incipiat: ubi dato signo supra aquas extrahitur, ut campana nova aeris copia repleti, indeque de novo ad præfatos usus inservire possit. Refert Cl. Hallejus citatas a Cl. P. Hauser *Phys. gen. p. 2. §. 227.* se cum quatuor sociis per sesqui horam sub hac machina saluum & incolumem sub aquis perstitisse. Cæterum campana tantæ sit gravitatis oportet, ut specificam aquæ gravitatem superare queat, & hinc quia juxta computum Mathematicum pes cubicus aquæ 72. libras appendit, quâdringentis prope libris illa gravis esse debet. Ratio hu-
 Tab. I.
 jus experimenti patet etiam in alio si-
 Fig. 2.
 mili & obvio, dum nempe in vas quoddam majus aqua repletum A B immit-
 titur chartæ aut suberis pars aut imago v. g. aviculæ ex papyro facta C. hæc
 S super-

P. Oster. *Physic. Pars I.*

Sect. I.

superne natabit, cum sit aqua specificè levior : tum si accipiatur scyphus vitreus qualiscunque, atque inversus sic immergatur aquæ, ut chartæ aut suberis illa pars, vel imago aviculæ, sub hoc immerso vitro contineatur, materia prædicta supernatans in scypho designabit, quousque ascendat aqua, & quantum resistat aer superne in vitro coarctatus, dum nempe aqua propter *impenetrabilitatem* suam aerem ex vitri cavitate egredi non sinit : similiter autem & aer propter eandem *impenetrabilitatem* suam aquam introire nullatenus permittit. 2. Id videre est in

Tab. I.

Fig. 3.

Vesicis inflatis, quarum ope etiam puer virum staturæ saltem mediocris jucundo adstantium spectaculo, flatu suo facillime in altum levare potest. Artificium in sequentibus consistit. Fit arca seu cistula, 15. circiter digitos tum in longitudine tum in latitudine habens ; cujus fundo immittitur tubus angustus A B, cui per aperta & communicantia foramina junguntur 4. Vesicæ capaces bubulæ aut procinæ C D E F, aut plures adhuc secundum proportionem levandi ponderis. Denique his vesicis horizontali situ in fundo jacentibus pro clausura cistulæ superadditur

asser-

asserculus, qui tamen liber & mobilis relinqui debet, huic ergo asserculo si insistat homo 60. circiter aut 80. libras appendens, vel etiam (si vesicæ multiplicentur) oppido crassus, si puer aut Juvenis mediante tubulo I. K. vesicas suo flatu intumescere faciat, asserculus a vesicis, aere impenetrabili refertis, elevatus virum quoque sive aliud pondus eidem æquivalens sursum tollet. Hujus itidem experimenti analogiam quamdam capere licet in *foliis organi Musici* inflatis, quos idem ipse aer comprimi impatiens expandit ac elevat. 3. Patet quoque in va-
 Tab. I.
 sis irrigatorii tubulo latiori, parvis Fig. 4
 foraminibus undique repleto, cujus aqua repleti orificium superius A. digito si dextre obstruatur, nec gutta inferius in B effluere notabitur. Idem in obvio quocunque Siphone experiri licebit. Aer nempe externus, quia gaudet *impenetrabilitate*, resistit aquæ in parte tubuli inferioris latenti, & columna aeris exterioris resistentis specificè leviori: sin autem orificium tubuli superius A aperiatur, irruens per illud columna aeris superioris, aquæ in tubulo latenti pondus & subsidium affert ad vincendam columnam aeris

inferiorem : hanc igitur repellit, factaque sibi via erumpit. 4. *Syrinx* retracto non nihil embolo aerem in parte sui inferiore admittens si impediatur, quominus hunc ipsum exonerare queat, prædictum embolum omni etiam vi adhibita in locum priorem restitui haud amplius permittit, sed potius rumplitur, ratio est eadem *impenetrabilitas* aeris, aliud quodcunque corpus (consequenter etiam embolum) e loco quem occupavit, tandiu excludens, donec alium occupare queat. Omitto alia experimenta plurima hisce analoga, & ex eadem causa provenientia.

CXXIII. *Corollarium.* Ab impenetrabilitate corporum plurima in genus humanum dimanant *commoda*; inde enim ab aeris & aquæ vi circumaguntur *molendina*, & *naves* remis aut carbasis instructæ, inserviunt ad plurimos usus machinæ aerometricæ, Hydraulicæ & Mechanicæ, quas inter sunt *sclopetum pneumaticum*, *Barometra* &c. de quibus suo loco: quin & corporum *figura*, *stabilitas* & *firmitas* impenetrabilitati in acceptis referuntur, quandoquidem sine illa partes omnes forent inertes & extensione actuali destitutæ.

CXXIV.

CXXIV. *Scholion.* Pauca, quæ Propositioni nostræ opponi queunt, peti solent tum ex *liquoribus*, qui in Thermometris vulgaribus quandoque in majus spatium extendi, quandoque etiam in minus comprimi, & sic *compenetrari* videntur; tum ex commixtione *salium* cum aqua, quæ magna ejusmodi salium maxime Alcalicorum copia in se recepta in suo volumine & massa minime augetur, ast quantum ad *primum*, illi liquores a parte rei *compenetrationem* non admittunt sed *rarefactionem*, de qua paulo inferius in Sect. IV. Art. I. quoad *2dum* videatur solutio, ad simile argumentum data in *Metaphys. fol. 647.* nempe cum Wölsio bene distingui debet inter materiam *propriam* & constantem corporum, & inter *alienam* & variabilem (L.) illa prior continuo manet; ista vero posterior in ejusmodi casibus non manet, adeoque nec resistit, sed alteri fortiori succedenti locum relinquit.

ARTICULUS III.

De Divisibilitate Corporum.

CXXV. **Q**Uoniam omne corpus, eo Divisibilitate ipso quod *magnum* sive *extas* *tensum* sit, plures sub se partes conti-

net, quæ actu insunt composito, aut saltem designari queunt (CXIII.) clare sequitur, quod *divisibilitas*, non minus quam *extensio*, attributum sit corporum, & quidem ex hac ipsa magnitudine seu extensione immediate fluens; est enim *divisibilitas* nil aliud, nisi quædam capacitas, vi cuius magnitudo in suas partes, ex quibus componitur, resolvi valet: unde huic denuo ea omnia in sensu *Metaphysico* aptanda veniunt, quæ antea in pari sensu de *Magnitudine* diximus: at vero in sensu *physico* & *reali* hic declarare nitimur, quam verum sit de partium corporearum multitudine ac divisibilitate, quod S. Augustinus l. 21. contra *Faustum* c. 5. asseruit, videlicet *Deum ita esse magnum in operibus magnis, ut minor non sit in minimis.* Quare sit

PROPOSITIO I.

Cuilibet Corpori competit divisibilitas partium, capturn humanum longe excedens.

Cuilibet
Corpori
indefinite
competit.

CXXVI. PROBATUR *Experimentis & observationibus variis.* I. *Ex tinturis.* 1. Unum unicum cupri granum

num in spiritu salis Ammoniaci dissolutum teste Cl. Boyle *de mira subtilitate effluv.* c. 3. tantum aquæ cæruleo colore aspergit, ut partes 256806 eidem granulo æquales sensu separabiles emergant. Cl. Keil *Introduct. ad Phys. lect.* 3. illi ipsi granulo 105570000 & Cl. Muschenbroeck experimentator summus omnino 22788000000 id est, viginti duo millia unacum 788 millionibus particularum attribuit *Insit. Phys.* §. 48. 2. Si in vitrum decem mensuris aquæ mundæ repletum injiciatur unum granum Cocci (vulgo *Carmin*) tingetur tota aqua pulcherrimo colore rubro; habet se autem unum granum ad decem mensuras ut 1 ad 92160: rursus aqua unius grani sensibilis apparet, & absque difficultate in 12. saltem partes minores dividi valet. Jam igitur si 92160 multiplicentur per 12, producetur summa 1105920 (*Mathematicæ* $92160 \times 12 = 1105920$) adeoque tot particulis aqueis tingendis sufficit unum granum. Idem ferme in grano *Croci*, *atramenti Indici*, *sacchari tostii*, *lapidis lazuli* (*Ultramarin* vulgo dicitur) experiri licet. 3. Aqua, in qua coquitur Mercurius, accipit virtutem enecandi vermes: nec tamen

Sect. I.

particulæ Mercurii in aquam transfusæ post plurimas coctiones Mercurii pondus diminuunt: idem præstat acetum, in quo Mercurius vivus per unum diem fuerit maceratus. 4. Memorat Cl. D. Florianus Dalham *Institut. Phys. p. 1. pag. 65.* quod, si solvatur in spiritu salis Ammoniaci granum cupri, hæc solutio imbibita in Ellychnio lampadis, per 36. horas flammam viridem alat.

II. Ex observationibus per *Microscopium* haustis, 1. Lewenhœckius apud cit. Cl. Auctorem ope microscopii observavit aliquem vermiculum, cujus particulam sanguinis, inito calculo ad molem animalis, tam parvam esse demonstravit, ut minima arenula plures ejusmodi sanguinis guttas continere posset, quam decem ingentes montes capiant arenulas. Porro id generis animalcula enascuntur, cum sectum stramen aut foenum aliive exsiccati flores vasi aquis pleno injiciuntur, & per aliquot dies temperato libero aeris exponuntur; tunc enim si minima guttula acu extrahatur & per microscopium inspicatur, apparebunt in ea plurima ejuscemodi animalcula celerrime in illa guttula discurrentia, in se mutuo incurrentia, seseque enecan-

cantia. In aquis item e palude graminosa haustis & per aliquod dierum intervallum pariter in libero aere asservatis simillimi vermes deprehenduntur: in aceto autem, quod per quosdam dies temperate evaporavit, nec non in fermento & caseo mucido videntur innumeri serpentes seu anguillæ minimæ circumcursantes &c. 2. Cl. P. de Lanis apud Cl. P. Fortunat. a Brix. *Phys. gen. p. 1. §. 525.* refert, se sæpius super folia *Hypericonis* (vulgo herba *S. Joannis* appellatur) albissimum quemdam vermiculum notasse ita exiguum, ut oculus microscopio, quod corpus quodlibet 27. millionesies augere solebat, armatus, hordeaceo grano in magnitudine similem æstimaret: adeoque totum animalculum re ipsa majus non erat particula vigesies septies millionesima. Considera igitur, ait Cl. P. Fort. a Brix. *quam exiguæ magnitudinis sint organa, quæ hujusce animalculi corpus constituunt* (venter scilicet, pedes, caput, oculi &c. qui semper in determinata proportionem decrescunt) *quamque exiles sint particule, ex quibus fluidum* (sanguis videlicet & spiritus vitales ac animales) *per illius organa decurrens componitur!*

Sect. I.

III. *Ex difficultate metallorum.* 1. Cl.

Boyle bracteavit unicum auri granum ad amplitudinem 50 digitorum quadratorum: dividatur jam latus unius digiti in 200 partes: radix 200 ducatur in seipsam, & habebitur digitus quadratus 40000, cujus quælibet pars adhuc quadratum est radicis ac lateris $\frac{1}{200} \square \frac{1}{200}$ quod adhuc nudis oculis tanquam pars lineæ vigesima patet: ducantur dein 40000 in 50 digitos totius lamellæ, erunt 2000 000 particulæ quadratæ, quarum quælibet adhuc nudo oculo conspici potest, porro si adhibeatur tale microscopium, quod corpus quodlibet 27000 000 augeat, erunt plane 2000 000 ducta in 27000000 \square 54000 000 000000 id est: quinquagies quater billionesima pars unius grani auri adhuc nudo oculo patebit.

2. Cl. P. Regnault *Tom. 1. dial. 1.* observat, auri massam unicam lineam crassitie non superantem facillime resolvi in millionem integrum foliorum variorum. At Cl. Reaumur in *hist. Acad. Reg. ad annum 1713.* sumpto calculo invenit, cubum aureum unius uncie $5\frac{1}{2}$ linearum altum ita extendi posse, ut superficiei $146\frac{1}{2}$ pedes quadratos æquanti obtegendæ sufficiat.

3. Utut
ali-

aliquanto minor, stupenda tamen est pariter ductilitas argenti; nam teste eadem Cl. Auctore Cylinder argenteus, habens in latitudine 15 lineas, & in longitudine 22 digitos, si ducatur in fila, ad longitudinem 13963240 digitorum extendi potest. 4. Vitrum quoque moderno ævo factis experimentis insigni ductilitate gaudere testantur fila seu plumæ vitreæ, ornatui theatriali inservientes, diversissimi coloris, capillitia item vitrea integra ex cincinnis tenuissimis ac subtilissimis, ita tamen manu tractabilibus, ut non frangantur tactu.

IV. *Ex corpusculis odoriferis.* 1. Cl. P. de Lanis apud cit. Cl. P. Fort. a Brix. §. 524. in exiguo thuris granulo particulas odoriferas 75000000000000, id est septingentos quinquaginta billiones seu milliones millionum deprehendit. Computus autem hoc modo a cit. Cl. Auctore instituitur: evidens est, inquit, hujusmodi fumo odorifero totum cubile etiam satis amplum ita repleti, ut nulla prorsus in toto illo spatio assignanda sit pars, in qua plures fumi particule non habeantur. Igitur ex Hypothesi, quod cubile 20 pedes longum & latum; 15 vero pedes altum
exi-

Sect. I.

existat, totumque proinde cubiculi spatium 6000 pedes cubicos in se contineat, cum horum quilibet juxta Archimedis calculum apud Clavium centum viginti quinque milliones (125000000) seminum papaveris comprehendat, totum illud cubiculi spatium continebit grana papaveris 750000000000. (*septingentos & quinque mille milliones*) non computato spatio, quod inter illa granula vacuum relinquitur: adeoque in totidem sensibiles partes divisum erit granulum illud pastilli odoriferi, quod in fumum resolutum est: jam vero cum quodlibet spatium cubiculi, æquale papaveris unico semini, occupetur a pluribus fumi dispersi corpusculis, quæ quamvis plus *centum millibus* fortasse sint, demus esse solum *mille*, comprehensis iis quoque, quæ spatium illud occupant, quod vacuum inter semina relinqueretur: erunt igitur in illo cubiculo fumi exiguæ particulæ 750000000000000. Q. E. D. 2. Vas vitreum, argenteum aut ex alio metallo conflatum A tribus tubulis angustis B C D superius apertum & odorifero quocunque liquore, v. g. aqua rosacea repletum, imponatur prunis ardentibus, aut lampadi inferius ardenti

Tab. I.
Fig. 5.

ardenti E. mox ubi liquor incaluerit, vapor copiosus per tria orificia B C D egredietur, & odoriferis particulis spatiosum cubile replebit, quin tamen magnus liquoris defectus in vase notetur. Hoc modo gratus odor in quibusdam urbibus excitari solet in feria 6ta Parasceves & Sabbatho sancto ad sepulchra Christi Domini. Porro liquor in vas illud angustissimi triplicis orificii hoc modo immittitur: Vasculum prunis vel igni admovetur, ut sufficienter calefiat, & sic aer intus latens ac rarefactus egrediatur: tum immerso in liquorem triplici vasis orificio sinitur aliquantisper: ubi refrigerat, sponte ingreditur liquor tum ob cessantem vim expansivam ignis, antea in vase tumultuantis: tum ob aeris externi pressionem, de qua alibi.

3. Duæ aut tres guttulæ de spiritu fumante Hoffmanni Medici celeberrimi supra asserculum ligneum effusæ, & folle mediante resolutæ fumum similiter spargunt copiosum ac longe lateque diffusum, & consequenter innumeris paucissimæ illæ guttulæ constant particulis fumum hunc efficientibus.

4. Memorat (Cl. Boyle de mira efflu. subtil. c. 5. Chirotecas quasdam Hispan-

Sect. I.

spannicas suffitu quodam perunctas
 sine sensibili molis decremento odorem
 suum ultra 30. annos perpetuo servasse.
 Plura in Sect. III. hujus dissertationis
de corporum effluviis, & infra Diss. IV.
 in materia *de odoribus* hujusmodi ex-
 perimenta afferemus.

PROPOSITIO II.

Quamvis tanta sit particularum sub-
 tilitas, in divisione tamen Corporis
 actuali seu Physica devenitur tandem ad
 minimas materiæ partes, non jam
 divisibiles.

Divisibili-
 tas physica
 limites ha-
 bet,

CXXVII. **P**ROBATUR I. Omne Cor-
 pus naturale *Physicum* ul-
 timate constat substantiis *simplicibus*
 materialibus (LXIV.) ergo etiam ul-
 timate in eas resolvitur, & consequen-
 ter physice loquendo in *divisibilitate* da-
 bitur status, cum substantiæ *simplices*
 careant partibus, in quas divisio fiat.
 II. Si in divisibilitate corporum non
 deveniretur ad minimas materiæ par-
 tes *indivisibiles*, tunc v. g. pes cubicus
ligni infinitus in extensione foret, &
 quidem *actu*: atqui *infinitum actu* re-
 pugnat. (Metaph. fol. 450.) ergo. p.
 M.

M. quoad 1^{am} partem ; nam infinitum in extensione est, quod infinitas partes extensas in se complectitur : atqui tali modo pes cubicus ligni se haberet, cum nunquam posset assignari pars ultima, quæ non foret *extensa* : & quidem has omnes partes *actu* complecteretur : unde p. M. quoad 2^{am} partem a pari : si illud lignum foret divisibile non nisi in duas aut tres partes, certe duæ istæ aut tres partes *actu* adesse jam deberent in ligno : ergo etiam si posset dividi in partes infinitas, *actu* partes infinitas jam complecteretur.

III. Confirmatur argumento Cl. Antonii Gen. *Elem. Met. p. I. c. 11. §. 94.* Si corpus quodlibet esset *physice* in infinitum divisibile, corpus quodlibet foret unio modorum *sine substantia* : atqui hoc non : ergo. p. M. in illa Hypothesi nulla in corpore foret pars *simplex* (cum nulla esset *indivisibilis*) ergo nulla quoque foret *substantia* sed modorum duntaxat unio. p. C. substantia nequit esse nisi ens *simplex* : ergo. p. A. substantia a nulla re intrinsece pendere debet (*Met. fol. 270.*) entia vero composita intrinsece dependent a partibus componentibus, ex quibus essentialiter constant : ergo substantia nequit esse
physice

Sect. I.

physice composita, sed debet esse ens simplex, & consequenter &c.

Non vero CXXVIII. *Scholion I.* Dixi: *physice* Mathematica, quæ resolutionem partium *physicam* datur adhuc alia, quæ dicitur *Mathematica* seu *Idealis*, dum nempe minimæ etiam materiæ partes *mente* saltem designari, adeoque *dividi* vel potius *mensurari* queunt, & quidem, ut demonstrationes Mathematicæ probant, *in infinitum*, absque eo, quod in quovis corpore admitti debeant partes *infinitæ actu*, quia scilicet progressionem infinitorum parvorum majorem quidem numerum, at non majorem extensionem seu *magnitudinem* aut molem constituunt, adeoque sola partium *multiplicatio* semper certa proportionem decrecentium infinitam partium *magnitudinem* efficere nunquam poterit; nam detur v. g. progressio Geometrica sive series infinita numerorum in quavis e. g. dupla proportionem decrecentium, qualis foret hæc $\frac{1}{2} \cdot \frac{1}{4} \cdot \frac{1}{8} \cdot \frac{1}{16} \cdot \frac{1}{32} \cdot \frac{1}{64} \cdot \frac{1}{128} \cdot \frac{1}{256} \cdot \frac{1}{512} \cdot \frac{1}{1024} \cdot \frac{1}{2048} \cdot \frac{1}{4096} \cdot \frac{1}{8192} \cdot \frac{1}{16384} \cdot \frac{1}{32768} \cdot \frac{1}{65536} \cdot \frac{1}{131072} \cdot \frac{1}{262144} \cdot \frac{1}{524288} \cdot \frac{1}{1048576} \cdot \frac{1}{2097152} \cdot \frac{1}{4194304} \cdot \frac{1}{8388608} \cdot \frac{1}{16777216} \cdot \frac{1}{33554432} \cdot \frac{1}{67108864} \cdot \frac{1}{134217728} \cdot \frac{1}{268435456} \cdot \frac{1}{536870912} \cdot \frac{1}{1073741824} \cdot \frac{1}{2147483648} \cdot \frac{1}{4294967296} \cdot \frac{1}{8589934592} \cdot \frac{1}{17179869184} \cdot \frac{1}{34359738368} \cdot \frac{1}{68719476736} \cdot \frac{1}{137438953472} \cdot \frac{1}{274877906944} \cdot \frac{1}{549755813888} \cdot \frac{1}{1099511627776} \cdot \frac{1}{2199023255552} \cdot \frac{1}{4398046511104} \cdot \frac{1}{8796093022208} \cdot \frac{1}{17592186044416} \cdot \frac{1}{35184372088832} \cdot \frac{1}{70368744177664} \cdot \frac{1}{140737488355328} \cdot \frac{1}{281474976710656} \cdot \frac{1}{562949953421312} \cdot \frac{1}{1125899906842624} \cdot \frac{1}{2251799813685248} \cdot \frac{1}{4503599627370496} \cdot \frac{1}{9007199254740992} \cdot \frac{1}{18014398509481984} \cdot \frac{1}{36028797018963968} \cdot \frac{1}{72057594037927936} \cdot \frac{1}{144115188075855872} \cdot \frac{1}{288230376151711744} \cdot \frac{1}{576460752303423488} \cdot \frac{1}{1152921504606846976} \cdot \frac{1}{2305843009213693952} \cdot \frac{1}{4611686018427387904} \cdot \frac{1}{9223372036854775808} \cdot \frac{1}{18446744073709551616} \cdot \frac{1}{36893488147419103232} \cdot \frac{1}{73786976294838206464} \cdot \frac{1}{147573952589676412928} \cdot \frac{1}{295147905179352825856} \cdot \frac{1}{590295810358705651712} \cdot \frac{1}{1180591620717411303424} \cdot \frac{1}{2361183241434822606848} \cdot \frac{1}{4722366482869645213696} \cdot \frac{1}{9444732965739290427392} \cdot \frac{1}{18889465931478580854784} \cdot \frac{1}{37778931862957161709568} \cdot \frac{1}{75557863725914323419136} \cdot \frac{1}{151115727451828646838272} \cdot \frac{1}{302231454903657293676544} \cdot \frac{1}{604462909807314587353088} \cdot \frac{1}{1208925819614629174706176} \cdot \frac{1}{2417851639229258349412352} \cdot \frac{1}{4835703278458516698824704} \cdot \frac{1}{9671406556917033397649408} \cdot \frac{1}{19342813113834066795298816} \cdot \frac{1}{38685626227668133590597632} \cdot \frac{1}{77371252455336267181195264} \cdot \frac{1}{154742504910672534362390528} \cdot \frac{1}{309485009821345068724781056} \cdot \frac{1}{618970019642690137449562112} \cdot \frac{1}{1237940039285380274899124224} \cdot \frac{1}{2475880078570760549798248448} \cdot \frac{1}{4951760157141521099596496896} \cdot \frac{1}{9903520314283042199192993792} \cdot \frac{1}{19807040628566084398385987584} \cdot \frac{1}{39614081257132168796771975168} \cdot \frac{1}{79228162514264337593543950336} \cdot \frac{1}{158456325028528675187087900672} \cdot \frac{1}{316912650057057350374175801344} \cdot \frac{1}{633825300114114700748351602688} \cdot \frac{1}{1267650600228229401496703205376} \cdot \frac{1}{2535301200456458802993406410752} \cdot \frac{1}{5070602400912917605986812821504} \cdot \frac{1}{10141204801825835211973625643008} \cdot \frac{1}{20282409603651670423947251286016} \cdot \frac{1}{40564819207303340847894502572032} \cdot \frac{1}{81129638414606681695789005144064} \cdot \frac{1}{162259276829213363391578010288128} \cdot \frac{1}{324518553658426726783156020576256} \cdot \frac{1}{649037107316853453566312041152512} \cdot \frac{1}{1298074214633706907132624082305024} \cdot \frac{1}{2596148429267413814265248164610048} \cdot \frac{1}{5192296858534827628530496329220096} \cdot \frac{1}{10384593717069655257060992658440192} \cdot \frac{1}{20769187434139310514121985316880384} \cdot \frac{1}{41538374868278621028243970633760768} \cdot \frac{1}{83076749736557242056487941267521536} \cdot \frac{1}{166153499473114484112975882535043072} \cdot \frac{1}{332306998946228968225951765070086144} \cdot \frac{1}{664613997892457936451903530140172288} \cdot \frac{1}{1329227995784915872903807060280344576} \cdot \frac{1}{2658455991569831745807614120560689152} \cdot \frac{1}{5316911983139663491615228241121378304} \cdot \frac{1}{10633823966279326983230456482242756608} \cdot \frac{1}{21267647932558653966460912964485513216} \cdot \frac{1}{42535295865117307932921825928971026432} \cdot \frac{1}{85070591730234615865843651857942052864} \cdot \frac{1}{170141183460469231731687303715884105728} \cdot \frac{1}{340282366920938463463374607431768211456} \cdot \frac{1}{680564733841876926926749214863536422912} \cdot \frac{1}{1361129467683753853853498429727072845824} \cdot \frac{1}{2722258935367507707706996859454145691648} \cdot \frac{1}{5444517870735015415413993718908291383296} \cdot \frac{1}{10889035741470030830827987437816582766592} \cdot \frac{1}{21778071482940061661655974875633165533184} \cdot \frac{1}{43556142965880123323311949751266331066368} \cdot \frac{1}{87112285931760246646623899502532662132736} \cdot \frac{1}{174224571863520493293247799005065324265472} \cdot \frac{1}{348449143727040986586495598010130648530944} \cdot \frac{1}{696898287454081973172991196020261297061888} \cdot \frac{1}{1393796574908163946345982392040522594123776} \cdot \frac{1}{2787593149816327892691964784081045188247552} \cdot \frac{1}{5575186299632655785383929568162090376495104} \cdot \frac{1}{11150372599265311570767859136324180752990208} \cdot \frac{1}{22300745198530623141535718272648361505980416} \cdot \frac{1}{44601490397061246283071436545296723011960832} \cdot \frac{1}{89202980794122492566142873090593446023921664} \cdot \frac{1}{178405961588244985132285746181186892047843328} \cdot \frac{1}{356811923176489970264571492362373784095686656} \cdot \frac{1}{713623846352979940529142984724747568191373312} \cdot \frac{1}{1427247692705959881058285969449495136382746624} \cdot \frac{1}{2854495385411919762116571938898990272765493248} \cdot \frac{1}{5708990770823839524233143877797980545530986496} \cdot \frac{1}{11417981541647679048466287755595961091061972992} \cdot \frac{1}{22835963083295358096932575511191922182123945984} \cdot \frac{1}{45671926166590716193865151022383844364247891968} \cdot \frac{1}{91343852333181432387730302044767688728495783936} \cdot \frac{1}{182687704666362864775460604089535377456991567872} \cdot \frac{1}{365375409332725729550921208179070754913983135744} \cdot \frac{1}{730750818665451459101842416358141509827966271488} \cdot \frac{1}{1461501637330902918203684832716283019655932542976} \cdot \frac{1}{2923003274661805836407369665432566039311865085952} \cdot \frac{1}{5846006549323611672814739330865132078623730171904} \cdot \frac{1}{11692013098647223345629478661730264157247460343808} \cdot \frac{1}{23384026197294446691258957323460528314494920687616} \cdot \frac{1}{46768052394588893382517914646921056628989841375232} \cdot \frac{1}{93536104789177786765035829293842113257979682750464} \cdot \frac{1}{187072209578355573530071658587684226515959365500928} \cdot \frac{1}{374144419156711147060143317175368453031918731001856} \cdot \frac{1}{748288838313422294120286634350736906063837462003712} \cdot \frac{1}{1496577676626844588240573268701473812127674924007424} \cdot \frac{1}{2993155353253689176481146537402947624255349848014848} \cdot \frac{1}{5986310706507378352962293074805895248510699696029696} \cdot \frac{1}{11972621413014756705924586149611790497021399392059392} \cdot \frac{1}{23945242826029513411849172299223580994042798784118784} \cdot \frac{1}{47890485652059026823698344598447161988085597568237568} \cdot \frac{1}{95780971304118053647396689196894323976171195136475136} \cdot \frac{1}{191561942608236107294793378393788647952342390272950272} \cdot \frac{1}{383123885216472214589586756787577295904684780545900544} \cdot \frac{1}{766247770432944429179173513575154591809369561091801088} \cdot \frac{1}{1532495540865888858358347027150309183618739122183602176} \cdot \frac{1}{3064991081731777716716694054300618367237478244367204352} \cdot \frac{1}{6129982163463555433433388108601236734474956488734408704} \cdot \frac{1}{12259964326927110866866776217202473468949912977468817408} \cdot \frac{1}{24519928653854221733733552434404946937899825954937634816} \cdot \frac{1}{49039857307708443467467104868809893875799651909875269632} \cdot \frac{1}{98079714615416886934934209737619787751599303819750539264} \cdot \frac{1}{196159429230833773869868419475239575503198607639501078528} \cdot \frac{1}{392318858461667547739736838950479151006397215279002157056} \cdot \frac{1}{784637716923335095479473677900958302012794430558004314112} \cdot \frac{1}{1569275433846670190958947355801916604025588861116008628224} \cdot \frac{1}{3138550867693340381917894711603833208051177722232017256448} \cdot \frac{1}{6277101735386680763835789423207666416102355444464034512896} \cdot \frac{1}{12554203470773361527671578846415332832204710888928069025792} \cdot \frac{1}{25108406941546723055343157692830665664409421777856138051584} \cdot \frac{1}{50216813883093446110686315385661331328818843555712276103168} \cdot \frac{1}{100433627766186892221372630771322662657637687111424552206336} \cdot \frac{1}{200867255532373784442745261542645325315275374222849104412672} \cdot \frac{1}{401734511064747568885490523085290650630550748445698208825344} \cdot \frac{1}{803469022129495137770981046170581301261101496891396417650688} \cdot \frac{1}{1606938044258990275541962092341162602522202993782792835301376} \cdot \frac{1}{3213876088517980551083924184682325205044405987565585670602752} \cdot \frac{1}{6427752177035961102167848369364650410088811975131171341205504} \cdot \frac{1}{12855504354071922204335696738729300820177623950262342682411008} \cdot \frac{1}{25711008708143844408671393477458601640355247900524685364822016} \cdot \frac{1}{51422017416287688817342786954917203280710495801049370729644032} \cdot \frac{1}{102844034832575377634685573909834406561420991602098741459288064} \cdot \frac{1}{205688069665150755269371147819668813122841983204197482918576128} \cdot \frac{1}{411376139330301510538742295639337626245683966408394965837152256} \cdot \frac{1}{822752278660603021077484591278675252491367932816789931674304512} \cdot \frac{1}{1645504557321206042154969182557350504982735865633579863348609024} \cdot \frac{1}{3291009114642412084309938365114701009965471731267159726697218048} \cdot \frac{1}{6582018229284824168619876730229402019930943462534319453394436096} \cdot \frac{1}{13164036458569648337239753460458804039861886925068638906788872192} \cdot \frac{1}{26328072917139296674479506920917608079723773850137277813577744384} \cdot \frac{1}{52656145834278593348959013841835216159447547700274555627155488768} \cdot \frac{1}{105312291668557186697918027683670432318895095400549111254310977536} \cdot \frac{1}{210624583337114373395836055367340864637790190801098222508621955072} \cdot \frac{1}{421249166674228746791672110734681729275580381602196445017243910144} \cdot \frac{1}{842498333348457493583344221469363458551160763204392890034487820288} \cdot \frac{1}{1684996666696914987166688442938726917102321526408785780068975640576} \cdot \frac{1}{3369993333393829974333376885877453834204643052817571560137951281152} \cdot \frac{1}{6739986666787659948666753771754907668409286105635143120275902562304} \cdot \frac{1}{13479973333575319897333507543509815336818572211270286240551805124608} \cdot \frac{1}{26959946667150639794667015087019630673637144422540572481103610249216} \cdot \frac{1}{53919893334301279589334030174039261347274288845081144962207220498432} \cdot \frac{1}{107839786668602559178668060348078522694548577690162289924414440996864} \cdot \frac{1}{215679573337205118357336120696157045389097155380324579848828881993728} \cdot \frac{1}{431359146674410236714672241392314090778194310760649159697657763987456} \cdot \frac{1}{862718293348820473429344482784628181556388621521298319395315527974912} \cdot \frac{1}{1725436586697640946858688965569256363112777243042596638790631055949824} \cdot \frac{1}{3450873173395281893717377931138512726225554486085193277581262111899648} \cdot \frac{1}{6901746346790563787434755862277025452451108972170386555162524223799296} \cdot \frac{1}{13803492693581127574869511724554050904902217944340773110325048447598592} \cdot \frac{1}{27606985387162255149739023449108101809804435888681546220650096895197184} \cdot \frac{1}{55213970774324510299478046898216203619608871777363092441300193790394368} \cdot \frac{1}{110427941548649020598956093796432407239217743554726184882600387580788736} \cdot \frac{1}{220855883097298041197912187592864814478435487109452369765200775161577472} \cdot \frac{1}{441711766194596082395824375185729628956870974218904739530401550323154944} \cdot \frac{1}{883423532389192164791648750371459257913741948437809479060803100646309888} \cdot \frac{1}{1766847064778384329583297500742918515827483896875618958121606201292619776} \cdot \frac{1}{3533694129556768659166595001485837031654967793751237916243212402585239552} \cdot \frac{1}{7067388259113537318333190002971674063309935587502475832486424805170479104} \cdot \frac{1}{14134776518227074636666380005943348126619871175004951664972849610340958208} \cdot \frac{1}{28269553036454149273332760011886696253239742350009903329945699220681916416} \cdot \frac{1}{56539106072908298546665520023773392506479484700019806659891398441363832832} \cdot \frac{1}{113078212145816597093331040047546785012958969400039613319782796882727665664} \cdot \frac{1}{226156424291633194186662080095093570025917938800079226639565593765455331328} \cdot \frac{1}{452312848583266388373324160190187140051835877600158453279131187530910662656} \cdot \frac{1}{904625697166532776746648320380374280103671755200316906558262375061821325312} \cdot \frac{1}{1809251394333065553493296640760748560207343510400633813116524750123642650624} \cdot \frac{1}{3618502788666131106986593281521497120414687020801267626233049500247285301248} \cdot \frac{1}{7237005577332262213973186563042994240829374041602535252466099000494570602496} \cdot \frac{1}{14474011154664524427946373126085988481658748083205070504932198000989141204992} \cdot \frac{1}{28948022309329048855892746252171976963317496166410141009864396001978282409984} \cdot \frac{1}{578960446186580977117854925043439539$

una decima sexta pars unitatis & ita porro &c. hinc si in infinitum extenditur series, ejus quidem termini erunt numero infiniti, unitas vero & magnitudo finita, unum videlicet totum; & consequenter magnitudo ex terminis seu partibus infinitis composita potest esse actu finita. Non hæc melatent (liceat hic loqui cum citato Cl. Antonio Genuensi §. 93.) sed puto, non idem licere in extensione reali, suapte natura composita & divisibili, quæ & existere aliquando cæpit, & sui procul dubio primordia quædam (nempe substantias simplices indivisibiles tanquam principia prima corporum physica) habet, quod in abstracta & simplicissima extensione (Ideali & Mathematica) usurpatur, scilicet demonstrationes illæ probant extensionis imaginariæ MENSURABILITATEM in infinitum, non autem DIVISIBILITATEM. Suas itaque (calculum pariter suum huic assertioni addit Cl. Chastellet Instit. Physic. c. 9. §. 17.) servant demonstrationes Geometriæ, quia divisio infinita veritas est in Matheſi, error in Physica: Et vero, ut denuo optime perorat Cl. Philosophus Neapolitanus mox laudatus §. 94. demonstrationes

T

Mathe-

P. Oster. Physic. Pars I.

Sect. I.

Mathematicæ hoc talo nituntur, quod punctum sit, cujus NULLA EXTENSIO, linea sine latitudine &c. Jam cum nec puncta nec lineas in corporibus statuere possimus, demonstrationes illæ IMAGINARIÆ extensioni tantum, non etiam CORPOREÆ aptari possunt.

Inde graves oriuntur Controversiæ de compositione continui.

CXXIX. *Scholion II.* Sola quoque hæc divisibilitatis *physicæ* ac *Mathematicæ* duplex acceptio suo modo solvere posse videtur gravissimas difficultates, quas tum Veteres tum Recentiores quidam Philosophi de *continui*, ut ajunt, *compositione* tam ad probandam divisibilitatem *finitam* objicere solent tanta vi & argumentorum subtilitate, ut & alios & se ipsos labyrintho involvant inextricabili. Id generis argumenta, quibus directe evincitur, corpoream magnitudinem esse *divisibilem in infinitum*, tum & quibus probatur, divisionem corporeæ magnitudinis *certis limitibus coerceri*; profert Cl. P. Fortunatus a Brix. *Phys. gen. p. 1. §. 46. & seqq.* nec non Cl. D. Purchotius *Phys. p. 1. Sect. 4. c. 1.* hanc ipsam materiam more suo clare ac solidissime (quantum fieri potest in re intricata & maxime subtili) pertractant Cl. PP. Hau-

Haufer *Physf. general. p. 2. q. 2. art. 3.*
 & Mangold *Physf. gen. Diff. 2. Sect. 2.*
Art. 2. quorū Lectores, quibus plus
 otii est, ad acuenda ingenia sua remitti-
 mus: nobis in compendio dicere liceat,
 partes cujuslibet corporis *physice* loquen-
 do (prout & in *Physica* unice loquen-
 dum est) esse *relative* tantum infini-
 tas, aut ut Cartesius voluit, *indefini-
 tas*, id est, earum numerum compre-
 hendi a nobis non posse (CXXVI.)
 non vero *absolute* (CXXVII.) attamen
 ut veritas magis elucescat,

SOLV.OBJ. CONTRA PROP. II.

CXXX. **O**B. I. Etiam substantiis mi-
 nimis atque simplicibus sua
 competit *magnitudo* seu *extensio* (CXII.)
 & quidem *inequalis* (CXIV.) atqui
 omne extensum sive magnum potest
 dividi in duas saltem partes, ut de
 quavis linea demonstrant. Geometræ,
 ergo in substantiis simplicibus corpus
 constituentibus nequit perveniri ad ali-
 quid non amplius divisibile. R. D. m.
 omne extensum *compositum* & non mi-
 nimum potest dividi C. m. omne exten-
 sum *simplex* & jam *minimum* sub D. po-
 test dividi Idaliter in partes tantum

Substan-
 tiis simpli-
 cibus com-
 petit ma-
 gnitudo,
 non vero
 divisibili-
 tas,

Sect. I.

Intelligibiles & per Intellectum designabiles, seu *Mathematice mensurari* C. m. potest *physice* dividi in partes reales. N. m. & C. ac *Retorq.* in Angelum tanquam substantiam simplicem, salva tamen indivisibilitate sua inæqualem magnitudinem præferentem (CXIV.) cum enim *indivisibilitas* fundetur in carentia partium, *magnitudo* autem non necessario involvat *partes reales* (n. cit.) plane substantiæ simplices *magnitudinem seu extensionem* habere poterunt, quin tamen *divisibiles* sint in partes reales. Porro in Elementis Geometriæ traditur *divisio* vel potius *mensura Mathematica*, non *physica*: Mathematici vero tum puncta tum lineas solum in abstracto seu omnis materiæ expertes considerant, ideoque illis sufficit, si punctum aut lineam possint *intelligibiliter* & per meram designationem dividere ac mensurare, nimirum habitu solarum dimensionum ratione, in quibus medium & extrema cogitari possunt.

nisi tantum idealis.

Inst. 1. Potest una & eadem simplex unitas in partes minores & minores infinitas decrescere (CXXVIII.) ergo etiam una & eadem simplex substantia in infinitum dividi. R. D. A. potest
sic

sic decreſcere unitas in partes Ideales
 & per Intellectum designabiles ſeu Ma-
 thematice C. A. in partes reales &
 phyſicas. N. A. & ſimiliter D. C. &
 N. conſequentiam. Rem per analogiam
 exſplico : poſſum v. g. habere certam
menſuram aut *ulnam*, quam ſi applico
 ad menſurandum, licebit dicere: ecce
 hæc mea menſura vel ulna ſufficit ad
 menſurandas omnes merces, *quacun-*
que homo mente ſua designare valet : aſt
 actu & a parte rei ac *phyſice* loquendo
 merces aut panni *reales* menſurandi
 tandem deficient, & pervenietur ad
 pannum ultimum, ejusque partem mi-
 nimam, ultra quam nil amplius men-
 ſuræ illi ſeu ulnæ communi ſubjicien-
 dum dabitur : ſic autem & *Mathema-*
tice loquendo, ad multiplicandum aut
 dividendum quemvis numerum cer-
 tam aliquam rationem, ſeu propor-
 tionem, duplam vel triplam adhibere,
 ſemperque *mente* dividere valeo : ſed
 nego ſemperque pernego, quod etiam
a parte rei ac *phyſice* dentur tot partes
 illius numeri vel unitatis *reales*, quot
 ego per operationem Arithmeticam
mente concipio, & numero.

Sect. I.

Physicum
Corpus
gaudet ex-
tensione
reali; Ma-
themati-
cum Ideali
tantum.

Inst. 2. Corpus Mathematicum non differt a physico (XXV.) ergo si corpus Mathematicum est divisibile in infinitum, etiam tale erit physicum. R. D. A. si ambo corpora præcise considerentur ut *extensa*, & in genere. C. A. si formaliter & ut *extensa* in specie accipiantur. N. A. & C. sic enim *extensum* in corpore Mathematico denotat tantum extensionem *Idealem* & abstractam, in physico autem *realem* & in concreto.

Locus ne-
gative so-
lum exten-
sus non tri-
buit enti
in se locato
aliquid
reale &
corpore-
um.

Inst. 3. Substantiæ minimæ *extensione inæquali* præditæ diversis loci partibus correspondent, diversosque habere possunt angulos & diversas facies: ergo diversas habent partes *physicas*, & non tantum *Ideales*. p. C. quod diversis loci partibus correspondet, diversosque habere potest angulos aut facies diversas, illud potest a diversis corporibus tangi in distinctis sui locis: ergo. R. D. A. diversis loci *indivisibilis* partibus correspondent, & diversos habere possunt angulos & diversas facies *Ideales* & mente tantum *designabiles*. C. A. diversis loci *divisibilis* partibus correspondent, & diversos habere possunt angulos & facies *reales* ac *physicas*.

cas. N. A. similiter ad prob. D. A. & N. C. nam diversa illa loca si spectentur in substantia materiali simplici, sunt tantum diversi *respectus* ejusdem rei, & partes *Mathematicæ*, per mentem in una eademque re designabiles, quemadmodum diversi ejusdem anguli sunt tantum diversi illius *modi*, *Metaphysice*, aut potius *Logice* seu per Intellectum accepti; nihil enim *reale* in se est locus, sed negativa tantum, penetrabilis, interminata atque immobilis secundum trinam dimensionem extensio (*Metaph. sol. 627.*) seu *spatiosum nihil* sive est ipsa *possibilitas corporum ponendorum* (*ibidem sol. 628.*) unde præcise sequitur naturam entis in se collocati, ita ut si hoc sit *realiter* in partes divisibile, etiam locus ut talis consideretur: sin autem in partes tantum *intelligibiles* resolvable concipiatur, pariter de spatio non debent aliæ concipi nisi *Ideales*: fere nempe ac anima rationalis in homine concipi non solet divisa sive extensa aliter, ac sunt partes corporis, quas animat; ita vicissim extensio *Idealis* seu spatium dividi amat præcise pro ratione entis, cui coexistit: Jam vero ens coexistens (*substantia scilicet materialis simplex*)

Sect. I.

non nisi partes habet *Ideales*, & Mathematicas seu intelligibiles: ergo & partes *loci* solummodo tales erunt: quinimo locus, saltem *intrinsecus*, eo ipso quod merum sit *spatiosum nihil*, nunquam omnino quoad se partes habet *reales* & *corporeas*, cum sit a corpore penitus distinctum (ibidem fol. 631.) & consequenter hæ *loci* partes mere *Ideales* nunquam enti a se contento partes *reales* attribuent, si illud de se iisdem caret, prout in nostro casu contingit.

Divisibilitas in infinitum absolute repugnat,

Ob. 2. Potest Deus producere creaturas perfectiores & perfectiores in infinitum: ergo etiam ipse saltem poterit corpus in plures partes perpetuo dividere, & consequenter in dividendo non pervenietur ad aliquod indivisibile. R. N. C. & par. *Dispar. est*, quia cum virtus Creatoris sit *infinita*, ab hac utique tot creaturæ possunt procedere, ut nunquam detur finis (Metaph. fol. 456.) e contra omne corpus, ex cuius divisione fiunt partes *actuales*, est tantum *finitum* & limitatum: ergo tandem in partibus componentibus dividendis dabitur *finis*, limes, & terminus.

Inst.

Inst. Partes *actuales* fiunt primum per Cum alias actualem divisionem : ergo ante hanc daretur in- actualem divisionem non debent par- finitum tes infinitæ actuales in corpore existe- actu, re. R. N. A. omnis quippe divisibilitas supponit partes *ante* divisionem (saltem si sit divisibilitas realis & *physica*; non *Mathematica* & Idealis) divisio enim non *producit* partium substantiam, sed eas tantum ab invicem *separat*; aut si plures *partes* ante factam divisionem non adessent, sed *una* tantum pars sup- peteret, divideretur sane illa pars per divisionem actualem *a se ipsa*, quod re- pugnat.

Ob. 3. Ex nostra sententia sequere- Motus tar- tur, quod limax aut testudo tardissima dus & ve- Achillem celerrime currentem motu lex in no- suo & cursu omnino adæquet : atqui stra sen- hoc est absurdum : ergo & id, unde tentia de- sequitur. p. S. M. limax enim aut testu- clarantur. do intra instans temporis indivisibile non potest *minus* percurrere quam punctum indivisibile materiale, cum non detur minus minimo : similiter autem & Achilles intra unum unicum instans temporis nequit *plus* percurrere quam punctum : alias enim in eodem tem- pore naturaliter foret simul in duobus locis *replicatus*, quod implicat : ergo

Sect. I.

tam limax quam Achilles eodem tempore *idem* spatium percurrent (sicque de aliis succedentibus temporis instantibus discurrendum est) & consequenter in motu suo & cursu sese invicem adæquabunt. Ad hoc argumentum, quod vocant *Achilleum* R. N. S. M. Ad *prob.* D. A. limax & Achilles non possunt minus aut plus percurrere quam unum punctum, id tamen vel partialiter vel totaliter C. A. semper totaliter sub D. si illud punctum indivisibile concipiatur, ut *inextensum*, prout Zeno cum Mathematicis statuit C. A. si statuatur *extensum*, prout revera est (CXIII.) N. A. & C. si puncta seu substantiæ simplices materiales *extensæ* ponantur, profecto fieri potest, ut limax mediam tantum illius partem percurrat, dum interim Achilles integram peragrabit. Unde hoc argumentum adversus puncta duntaxat *Mathematica* omnis extensionis expertia militat, non vero adversus puncta *physica*, seu substantias materiales simplices, *extensione* & magnitudine propter suam impenetrabilitatem, a vi motrice proveniente, præditas. (CXIV. LXXIX. & XCVIII.)

Inst.

Inst. Implicat ut *Hypothenusæ* seu linea diagonalis & oblique ducta in aliquo quadrato sit æqualis *Cathedo* seu lineæ rectæ, cum quadratum *Hypothenusæ* sit æquale quadratis duorum *Cathedorum*, ut in Geometria demonstrari solet per illud Theorema, quod *Magister Mathesos* appellari solet, atqui si daretur punctum indivisibile, tunc sequeretur, *Hypothenusam* esse æqualem *Cathedo*: ergo non datur punctum indivisibile. p. m. sit enim quadratum *A B C D*, cujus diagonalis sit linea *A C*; a singulis autem punctis *a c e* lateris *A B* ducantur ad singula puncta *b d f* oppositi lateris *D C* rectæ parallellæ *ab*, *cd*, *ef*. Jam ergo, facta Hypothesi, quod latera *A B*, *C D* ex solis punctis indivisibilibus componantur, tot duci poterunt rectæ parallellæ, quot puncta in utroque latere *A B*, *C D* habentur: cumque puncta *a c e* & *B* sese immediate consequi supponantur, etiam lineæ rectæ *ab*, *cd*, *ef*. *B C*, sibi immediate succedent. *Subs.* Atqui harum rectarum quævis secatur *Hypothenusam* seu diagonalem in puncto indivisibili: ergo tot erunt puncta in Diagonali, quot sunt in latere *A B* sive in *Cathedo*: ergo Diagonalis seu *Hypothenusæ* *A C* æquabit

Argumen-
ta Mathe-
matica pro
rebus Phy-
sicis non
quadrant.

Tab. I.
Fig. 6.

Sect. I.

Tab. I.
Fig. 7.

bit Cathedum A B. porro per Diagonalem potest denotari cursus *Achillis*, & per Cathedum motus *testudinis*, & consequenter cursus *Achillis* & motus *testudinis* erunt *æquales*. CONFIRMATUR alio argumento *Mathematico*. Fiat triangulum *æquicrurum*, *Isoceles* dictum (cujus scilicet duo tantum latera seu crura sunt æqualia : ABC, cujus basis BC ponatur constare 6 punctis, 12 vero latus AB. ad singula puncta b d f h k m lateris AC ducantur rectæ basi parallellæ ab, c d, e f, g h, i k, l m. Jam vero cum istæ lineæ parallellæ versus apicem A continuo *decreſcant* : non autem nisi per *unicum* tantum indivisibile punctum decreſcere queant, ex Hypothesi quinque erunt in a b, & quia c d est minor quam ab, erunt 4 in c d, & 3 in e f : duo in g h, unum in i k : ergo minus uno puncto in l m & deinceps : ergo potest deveniri ad aliquod minus punctum : consequenter & hoc punctum erit *divisibile* &c. R. 1. ut prius D. m. si daretur aliquod punctum indivisibile *inextensum*, prout Mathematici in hisce & aliis demonstrationibus suis concipiunt C. m. si dentur puncta *physica* minus vel magis *extensa*. N. m. & sic D. C.

D. C. N. C. nulla enim, ut antea dictum fuit, est hujusmodi demonstrationum vis a statu *Mathematico* ad statum *physicum* (CXXVIII.) nam etiam si quaelibet substantia simplex materialis, inspecta sola *extensione*, vel potius mensurabilitate *Mathematica*: per mentem semper dividi possit a Geometra, eandem mensuram continuo applicante (vel magis *concupiente*) non tamen propter suam *simplicitatem* ac *soliditatem* seu impenetrabilitatem *reipsa* & *physice* divisibilis est habenda. R. 2. In specie ad primum argumentum ex *Mathesi* petatum, quod illæ lineæ rectæ a b, c d, e f, si *physice* sumantur, latitudinem quamdam habeant, ideoque etiam diagonalem non recte sed oblique interfecent, quo fit, ut singulæ majus spatium in diagonali tegant, quam in alterutro latere A B aut C D, quod recta & ad perpendiculum secant. Sic etiam ad 2dum in illo triangulo æquicruro quaelibet linea remotior a basi erit quidem brevior quam præcedens, at puncto tantum *Mathematico* non *physico*, & hinc plures lineæ rectæ, ex punctis *physicis minus extensis* constitutæ possunt concipi tanquam superimpositæ eidem & magis *extenso*

Sect. I.

extenso puncto physico lateris AB vel AC, donec lineæ laterales a se invicem distantes toto puncti physici, actu existentis, spatio crescant.

ARTICULUS IV.

De Porositate Corporum.

Pororum
definitio
& origo.

CXXXI. **P**ORI sunt minima spatiola seu interstitiola quædam vel omnino vacua, vel aere aut alia materia subtili repleta, quæ inter moleculas ipsum corpus componentes intercepta & per totam corporis massam visibiliter aut invisibiliter dispersa sunt: *visibiliter* quidem, si sint pori majores, *invisibiliter* vero, si non nisi perexiguam extensionem habeant. Porro oriuntur pori, vel maxime ex diversitate figurarum, quas habent minimæ particulæ seu moleculæ, majora corpora constituentes (CII.) cum enim illæ moleculæ componentes ob convexa latera sua & irregulares figuras non ita inter se conjungi ac combinari queant, ut omnino congruant, necessario contingit, ut meatus & cavitates inter corporum viscera producantur, utut in animalibus præsertim provida Mater natura

natura pro transpirationis beneficio ejusmodi poros seu canales studio & ex optimo consilio disposuisse videatur, ut mox dicemus.

CXXXII. *Scholion.* Quod porositas, æque ac aliæ hæctenus recensitæ affectiones corporeæ, substantiis singulis corporeis *essentialiter* ut verum aliquod *Attributum* (terminis Metaphysicis utendo) propria sit, vel ex hoc solo satis evinceretur, quod ex omni corpore per vim machinæ *Electricæ*, de qua in *Physica* particulari pluribus agetur, materia quædam ignea, in *poris* corporum latens elici queat; nihilominus ut jucundio rem ac plenior em naturæ operantis notiti am magis magisque haurire tyronibus detur, adhuc per plura & nobiliora experimenta tum in corporibus *solidis* tum etiam in *fluidis* hanc veritatem ad oculum demonstrare juvat. Igitur

Pro eorum
existentia
argumen-
tum gene-
rale.

PROPOSITIO I.

Omnia Corpora solida poros habent.

CXXXIII. **PROBATUR** Experimentis
I. in metallis & lapidibus.
1. Per omnia metalla penetrat effluvi-
um,

Pori in-
sunt Cor-
poribus
solidis,

Sect. I.

um magneticum, ita, ut si inter ferrum & magnetem ponatur marmor, cuprum, stannum, argentum vel aurum &c. semper illud ab hoc attrahatur in debita ac proportionata distantia: nequit autem id explicari, nisi per hoc, quod effluvium Magneticum poros metallorum pertranseat: ergo. 2. Per durissimum marmor, si pumice antea non nihil radatur & calefiat, penetrat spiritus vini, spiritus terpentinae & cera liquata: unde si spiritus vini imbuatur croco aut ligno Brasiliensi &c. ipsum marmor varios colores pro ratione tincturae in se recipiet, & si denuo retento colore in poris poliatur, videbitur nativo colore tinctum, utut per artem hic color sit introductus. 3. Adamas lucem transmittit, in igne tamen non solvitur, nempe illius pori ita sunt exigui, ut corpus quidem *subtilissimum*, quale est *lux*, transmittant, non vero aliud quamvis etiam *subtile* corpus, prout est *ignis*. 4. Aurum corpus alias densissimum & opacissimum in tenuem lamellam tunc fit diaphanum seu pellucidum. 5. Si lapidi Chalcedonio alias durissimo, soli exposito affundatur solutio argenti, facta in spiritu nitri, post aliquot horas fuscum colorem referet, & quidem in
venu-

venulis magis conspicuum, nempe ob poros majores & magis patentes. 6. per artem fragmenta Chryſtalli montanæ in pretioſos uniones commutari apparenter valent mediante tincturæ penetratione per poros, ut habet Cl. P. de Lanis *Tom. 2. l. 1. c. 3.* 7. Nummus argenteus aut campanula ex eodem metallo fuſa ſi Mercurio tingantur, Clangorem ſuum amittunt, nec iterum recipiunt, niſi adhibita aqua forti aut vehementi carbonum flamma Mercurius poros obſidens & tremorem ad ſonum requiſitum impediens expellatur. II. *In vitro.* 1. Utut hoc ita ſolidum atque compactum ſit, ut etiam quinta eſſentia ſulphuris, odoris alias ſpirituoliſſimi, ampullæ vitreæ immiſſa & hermetice clauſa, nullum prorſus odorem per poros transmittat, lux tamen per eodem vitri poros quam maxime penetrat. 2. Idem de effluvio *Magnetico & Electrico* conſtat. 3. Vitra quoque varios colores imbibunt, nec tantum in ſuperficie, ſed & in intima ſui ſubſtantia recipiunt, quod ſine pororum ope nunquam fieret. 4. Spiritus ſalis rectificatus, itemque ſpiritus nitri Geoffrojanus, Cylindro vitreo ab

U

aere

P. Oſter. Phyſic. Pars I.

Sect. I.

aere puro inclusus. ubi cylinder vitreus recepto per frictionem seu aliis mediis calore poros suos dilataverit, qua data porta ruit, suamque ex vitreo carcere fugam odore vel acrimonia prodit. 5. Pariter & Mercurius si per aquam stygiam sed optimam fuerit solutus, per ampullam vitream transfundat, teste Maignano apud Cl. P. Hauser *Phys. gen. p. 2. §. 286.* 6. Si describantur lapide saponis aut creta armorica quidam characteres in speculo perpolito, quando hisce deletis speculum halitu obfuscatur, characteres etiam post longum tempus v. g. unius mensis denuo visibiles apparebunt, utpote a materia illa pinqui poris insculpti profundius. III. *In ligno & vegetabilibus.* 1. Si orbi seu disco Antliæ pneumaticæ imponatur campana lignea, extracto per embolum aere audietur sibilus aeris exterioris per poros lignæ campanæ seu recipientis sese in illius cavitatem intrudentis.

* Ut tyrones intelligant, quænam sit constructio famosæ *Antliæ Pneumaticæ*, cujus frequens in Physica mentio fit, eam breviter hic describere necessarium duxi. Igitur hoc instrumentum,

tum, cujus ope vasa ab aere depurari
solent, consistit 1. in *Cylindro cavo* Tab. I.
A B, ex aurichalco instar levioris tor- Fig. 2.

menti bellici fuso, atque in superficie
sua interiori optime polito, ut Embolus
D E ipsam arctissime undique con-
tingat, ne ulla molecula aerea inter
eam & embolum hærerere queat. 2. *Em-
bolus* D E fieri debet ex orbibus coria-
ceis, pinquedine suilla excocta, oleo-
que olivarum perunctis, qui intra duos
orbes aurichalceos (alter superne in
D, alter inferius in E) concludantur
mediante Cochlea: Huic Embolo
dein affigitur lamella ferrea dentata
D C, ut is ipse Embolus per manu-
brium N O, atque præfatas rotulas den-
tatas commode extrahi & intrudi valeat.

3. In Basserūminatur basi Cylindri an-
gustus tubulus B F K L, cui in F Epi-
stomium G H I immittitur, ut Antlia
pro lubitu claudi & recludi possit, ad
quod servit dictum Epistomium duplici-
ter perforatum, scilicet *primum* in medio,
ad aerem in corpus Antliæ ex tubulo
L K intromittendum, ac *rursum* ab uno
tantum latere nonnihil oblique sursum
versus, ut aer ex corpore Antliæ per
cavitatem Epistomii expelli queat, su-
perne est ænea acicula, per quam ca-

Sect. I.

vitæ Epistomii, quando opus fuerit, obturari valet. 4. Denique tubulus K L in L instruitur Cochlea, ut vasa ab aere depuranda, si ipsorum orificia tantum Cochleis, ut ajunt *fæminis* instructa sint, ad eundem firmari queant. 5. Eodem modo adaptandus est, quoties usus postulat, *catinus* sive *orbis* aut *discus* ex aurichalco P Q. Cui imponuntur vitra, campanarum formam præferentia: unde & *campanæ*, aut *recipientia* vocantur. Hæc ex Wolffii *Compend. Elem. Math. Aerometr. §.*

Tab. I.
Fig. 9.

11. 2. Orbi A Antliæ pnevmaticæ imponatur Cylinder vitreus perpendiculariter erectus B, super hoc collocetur ligneum vasculum bene tornatum, aquam vel Mercurium continens: ubi aer ex Cylyndro B sensim extrahitur, mox aqua vel Mercurius ob pressionem aeris exterioris vasculo incumbentis per lignei vasis poros pertransiens, aqueam vel argenteam in Cylyndro pluviam exhibebit. 3. Quodvis lignum aquæ aut alteri cuicunque liquori injectum intumescit: unde lignei cunei probe exsiccati in lapides prægrandes ex lapicidinis erutos incussi, ac postmodum humectati, eosdem sensim disrumpunt. 4. Ad generationes & nutri-

nutritiones plantarum procurandas porofitas infervit unice, nam per poros requisitæ subtiliores partes in unum locum simul confluentes semen constituunt, & succi quoque nutritii per eostantum per tubulos & canales derivantur ac distribuuntur. 5. Ovum scypho vitreo aquis repleto injectum, ac recipienti seu campanæ in disco Antliæ pneumaticæ suppositum, remoto aere interiori campanæ plurimas Bullulas e poris suis emittit; Idem fit circa poma & alios fructus. IV. In animalibus. 1. Quot poris abundant pelles animalium & hominum cutis, patet ex observationibus Sanctorii Medici, qui deprehendit, ex 8 libris alimentorum, spatio 24 horarum forte ab homine consumptis, 5 libras insensibili per poros transpiratione abiisse. Inde venit, ut insecta, quæ in hyeme præsertim intus vitaliter commoveri desinunt, ideoque nihil per poros transfudant, per menses complures sine ullo alimento, ac venturi mortua perdurent; donec ingruente rursus calore vitæ actualis signa edant. 2. Percorium animalium Mercurius vivus transfudat, indeque a foribus purgatur. 3. Si quis una manu Mercurium vivum in quodam vase con-

Sect. I.

tentum agitaverit, aureumque num-
mum illo ipso tempore intra dentes
retinuerit, nummus ille ex Mercurio
per poros humani corporis transeunte
totus albescet. 4. Refert Cl. Boyle *de*
corporum animal. poros. a Medicis ob-
servatum fuisse, quod is, qui can-
tharides (vulgo muscas Hispanicas)
in sacco secum detulerit, urinam red-
dat sanguine infectam. 5. Transpira-
tio hominis, quæ potissimum fit in
somno 7 horarum spatio, teste eodem
citato Sanctorio apud Cl. P. de Lanis
t. 2. l. 2. c. 1. circiter 40 uncias adæ-
quat, atque ex vapore & ingrato odo-
re, qui ex aperto lecto solet erumpe-
re, deprehenditur: homo autem vigi-
lans non nisi 20 uncias sic insensibili-
ter evaporat; unde & somnus inquiet-
tus tertiam fere solitæ transpirationis
partem impedire censetur. 6. Pariter
in æstate, ubi pori per calorem dila-
tantur, ob majorem evaporationem
homo minus ponderat, quam in hyeme,
tribus circiter libris: neque materia hoc
modo amissa tam facile reparatur, quia
tunc ob ejusdem caloris vim digestio
in ventre non ita bene succedit, prout
in Hyeme, plura de transpiratione in-
ferius Sect. III. *de effluviis.* 7. Ova,
ex

ex quibus animalia ovipara suos pullos generant, si eorum cortices vernice communi, pinquedine vervecum aut cera liquida probe obstruantur & incrustentur; plurium mensium spatio integra atque incorrupta asservari, & si prædicta incrustatio denuo abstergatur, a gallina incubante excludi possunt, utut forte essent alterius speciei, & ex Indiis allata, istaque ratione, ut tradit Cl. Reaumur, peregrinae aves Americanæ in Europa educantur, & generantur.

Porositatem denique in corporibus solidis demonstrat sic dictum *atramentum Magicum*, aut ut alii vocant, *Sympatheticum*, quod hoc modo conficitur. Ex aceto destillato & argyritide (vulgo Silberglott) parètur liquor nullum colorem notabilem præferens, quo ad libitum scribantur aliqui characteres in charta alba: exsiccatis jam hisce characteribus & in papyro legentium oculis minime apparentibus, deponatur dicta charta intra prima folia cujusdam libri crassioris, & simul ultimum libri folium extimum perungatur altero liquore pariter non colorato, qui ex auri pigmento, calce viva & aqua communi constat, & ingratum

Sect. I.

odorem spargit, id quod fieri poterit mediante spongia aut gossipio; moxque post tria aut 4 minuta temporis penetrantibus per libri folia effluviis videbuntur characteres, in illa charta descripti, nigro colore vestiti, atque ad legendum apti, quin in ullo alio libri folio quoddam vel minimum eorum vestigiū appareat: nempe secundus liquor per foliorum poros sua subtilitate transiens, & litteris primo liquore scriptis admixtus colorem nigricantem vix non eodem modo causat, ac galla vitriolo mixta atramentum efficit: quia porro in reliquis libri foliis non adest primus liquor, cui secundus iste commisceatur, niger etiam color in iis non exprimitur.

PROPOSITIO II.

Singula etiam Corpora liquida poris abundant.

Et liqui- CXXXIV. PROBATUR denuo *experimentis*. 1. Si campanæ

seu recipienti subjiçiantur aqua, cerevisia, lac, sanguis &c. extracto per embolum Antliæ pnevmaticæ aere, innumeræ bullulæ e poris illorum liquorum

rum affurgentes spumam efficient. Scilicet quia aer in dictis liquoribus intine receptus ab externi aeris pressione liberatus foras erumpit, seseque dilatat. 2. Tabaci fumus per aquæ poros transit; nam apud Persas mos viget tabaci fumum hoc modo sugendi. Ampulla vitrea sufficienter longa & lata AB supra dimidium usque in C repletur aqua fontana aut odorifera. Tum in D immittitur fistula, gliscentem in prunis Tabacum in suo orificio vasculi in morem excavato E continens, inferius autem orificium suum in aquam ampullæ protendens usque in F. pariter & alius tubulus G ampullæ inseritur, attamen brevior, & aquam orificio inferiore non attingens. Hoc tubulo G fumus tabaci per aquæ poros attrahitur. Possuntque etiam plures ejusmodi tubuli, si ampulla sit sufficienter ampla & capax, pro sociis combibonibus immitti, istaque herbas Nicotianas in fumum solvendi methodus multis sapidior atque salubrior esse videtur, eoquod foetidum suum & acre oleum tabaci fumus in aqua deponat. 3. Si aquam baculo circumagas, versus profunditatem aliquantulum deprimatur: nempe quia aer expellitur;

Sect. I.

Tab. I.
Fig. 11.

& consequenter aqua minus spatium occupat. 4. At, multo magis id apparet, si in aquam projiciatur quædam salis purgati quantitas, ubi quidem ab initio aqua fit altior, sale tamen paulo post magis dissoluto, plurimæ aeris particulæ per salinas particulas ex aquæ poris expulsæ sursum ascendunt, & aqua denuo ad pristinum terminum deprimitur: quodsi adhuc sal nitri, & hoc soluto sal Ammoniacum illi sali communi superinji-ciatur, in utroque casu quia restant adhuc alii pori a sale subtiliore implendi, simili modo aqua elevatur atque deprimitur. 5. In vase vitreo A B ex duobus æqualibus Cyathis globosis aut Cylindricis per tubulum C composito, si unus eorum, scilicet inferior B, liquore leviori e. g. vino; alter autem superior A graviore v. g. aqua repleatur, liquor levior per tubum communicantem instar minutissimi fili serici eousque ascendit, donec graviori innatet, sicque vice versa in superiori Cyatho vinum, in inferiore aqua apparebit: id si fiat in vase metallino ad tegendum artificium magis accommodo, minus peritis aqua in vinum mutata esse videbitur.

PRO-

PROPOSITIO III.

Pori vero ipsi diversorum Corporum
diversam magnitudinem, figuram & numerum habent.

CXXXV. PROBATUR I. *p. 1.* Majores quippe pori oculo nudo aut microscopio armato deprehenduntur in lignis, in cute animalium, ex quibus sudor erumpit &c. quam in auro, argento, vitro &c. in quibus pori minimi sunt ac plane invisibiles. *Habentque diversam magnitudinem,*
2. Aqua facilius penetrat per poros cretæ, cineris, salis, spongiæ &c., quam per poros ligni, metallorum &c. in poros autem vitri penetrare nullatenus valet; illos tamen permeant Effluvia Electrica & Magnetica, spiritus nitri Geoffrojanus &c. (CXXXIII. II.) ergo illa priora *majores*, vitrum vero *minimos* habit poros. 3. Carbones & medulla pennarum aeri insufflato exitum præbent, prout ostendunt bullulæ aqueæ, si corporum præfatorum una extremitas aquis immergatur: alia econtra corpora plurima aeri imperiæ sunt, ut patet ex campana vitrea, quæ aere interiore extracto, ab aere exteriori potius frangitur, quam penetratur.

Sect. 1.

tur. Videantur etiam experimenta
innox allata (CXXXIII.)

Figuram,

Probatur II. p. 1. Observationibus
rursum Microscopicis ; alios namque po-
ros aspicientibus obvertunt *ligna* quam
metalla, itemque ex ipsis lignis singulæ
propemodum arborum species diver-
sas figuras atque structuras exhibent :
idem in *salibus* distinctis per microscopia
præsertim solaria observari potest.
2. Dantur quidam liquores, qui faci-
lius penetrant poros densi Corporis,
quam minus densi, nec alia potest ra-
tio assignari, quam quod aptiorem pro
sua figura pororum dispositionem inve-
niant in magis quam minus denso :
e. g. aqua regia solvit aurum, non
vero argentum, quod tamen ab aqua
forti communi facile dissolvitur : item
spiritus quicunque acidi in corpora
Alcalica tanquam in vaginulas citissi-
me irruunt, & cum illis effervescent ;
at si Corporibus non Alcalicis commi-
sceantur, penitus quiescunt. 3. Su-
ber, corpus maxime porosum, aquæ
tamen & vino transitum negat, nempe
quia poros habet tortuosos, & ideo
illis liquoribus non congruentes ; sic
etiam corium facilius Mercurium quam
aquam

aquam aut aerem transire finit. 4. Cl. P. de Lanis tubum vitreum paravit, duos palmos longum, & ex utraque parte apertum, cujus orificium inferius in angustissimum foramen desinebat, ita ut vix subtilior crinis equinus in ipsum potuisset intrudi : aqua dein per superius orificium aperte hians infusa observavit, illam, utut tota sua gravitate premeret, non tamen latentem in inferiore tubi parte aerem per inferius orificium expellere potuisse : quin & concusso aliquantum tubulo non tantum non erupit aer, sed potius per mediam aquam sursum in tubo eluctatus fuerat, donec repleta tandem fere tertia tubi parte, exclusoque aere in fundo residuo, aqua guttatim ac lentissime ex dicto foraminulo efflueret : tum vero inverso rursus tubo, ita ut parvum illud foramen supremum locum obtineret, aer nequaquam per illud intrabat, unde & aere, inferius resistente aqua in tubo suspensa rursus hærebat : cum denique servato eodem tubi situ vitrum agitaretur, aliqua quidem aeris bullula ingrediebatur, sed iterum inverso tubo, ut a toto aquæ pondere aer ille premeretur, non modo iste ex foraminulo inferiore

Pl. 3. 7
Pl. 117

Sect. I.

feriore non erumpebat, sed ne quidem majus aquæ pondus, qua tubus omnino replebatur, eundem excludere poterat: scilicet particulæ aeræ vel sunt *crassiores* aqua, vel, quod probabilius est, habent figuram *oblongam* instar filaminum gossipii, vel sunt *ramosæ*, seu ex partibus quasi ramulis contextæ, aut instar *lanuginis* efformatæ; ideoque angustioribus aquæ poris non quadrant; vel instar filaminum inflexæ per foramen traduci nequeunt, nisi singula filamina, prius soluta ac discreta, altero sui extremo inferantur formini, quod difficulter contingit, ubi inordinato motu ab extrinsecis objectis huc illuc agitantur.

Et numerum.

PROBATUR III. *p.* Corpora nempe in specie leviora *pluribus* vel saltem *amplioribus*; gravia autem *paurioribus* aut angustioribus instructa sunt poris; Corpus enim in specie *levius* altero dicitur illud, quod altero minus ponderat, seu quod sub æquali volumine minus *materiæ* gravitantis continet: e. g. Cubus ligneus tanto est levior cubo aureo æqualis voluminis, quanto minus *materiæ* complectitur, quam lignum, atque e diverso se habet gravitas, ut
proin

proin diversitas gravitatum specifica-
rum in corporibus aliunde derivari non
possit, nisi ex *majori vel minore numero*
illarum particularum *materiæ*, quæ
utrumque corpus (leve scilicet &
grave) constituunt, & cum eo gra-
vitant: nequeunt porro corpora in
specie *graviora* numero particularum
componentium superare illa, quæ in
specie *leviora* sunt, nisi vel minorem
pororum numerum, vel poros ipsos
angustiores habeant, eoquod fieri non
possit, ut ex particulis *pluribus* con-
fletur corporis moles omnino *æqualis*
alteri, quod *pauciores* particulas habet,
nisi illæ particulæ plures *arctius* con-
stipatæ sibi quæ mutuo approximatae
densiorem massam constituent: atqui
densiorem massam constituere neque-
unt, nisi poros *vel pauciores* *vel angu-*
stiores habeant, & econtra de corpo-
ribus in specie *levioribus* arguendum
est, adeoque dici debet, quod cor-
pus, quo respective est *levius*, eo plus
contineat spatii, a *materiæ propriæ*
particulis vacui, & consequenter vel
pluribus *vel amplioribus* instructum sit
poris.

Sect. I.

Quædam
Corpora
innumeros
habent po-
ros.

CXXXVI. *Corollarium I.* Ex his sequitur, plurima corpora ita esse porosa, ut longe majus sit spatium omnibus simul poris comprehensum, quam sit spatium a materiæ propriæ particulis occupatum; comparetur enim v.g. aqua cum auro, ita ut sumatur pes cubicus auri & pes cubicus aquæ, cumque materia & gravitas auri ad materiam & gravitatem aquæ circiter se habeat ut 19 ad 1, hinc & numerus particularum materiæ propriæ in pede cubico auri ad numerum particularum in pede cubico aquæ erit ut 19 ad 1, consequenter in cubo auri 18 vicibus major materia. Ergo cum volumine sint æqualia, sequitur, quod aqua 18 vicibus plures habeat poros quam aurum; imo, cum ipsum etiam aurum poris suis non careat, adhuc major proportio quam 19 ad 1 assumi debet. Rursum cum plurima corpora sint ejusdem gravitatis cum aqua, & aliqua notabiliter adhuc leviora (e.g. aer ad gravitatem auri se habet ut 1 ad 800) dicendum est, plurima corpora adeo esse porosa, ut majus sit spatium omnibus simul poris comprehensum, quam sit spatium a particulis solidis occupatum. Certe porositas
aeris

aeris ad porositatem auri se tenet ut 800 ad 1. quin & de ipso auro sentit Newtonus *Optic. l. 2. p. 3. prop. 8.* quod pluribus scateat poris quam particulis solidis; instituto namque experimento, quo globus aureus intus excavatus & aqua pura repletus ac probe ferruminatus adhibita majore vi compressus fuit, aqua roris instar innumeris parvis guttulis undique per globum transudavit, quin aliqua in ejus peripheria rima sensibilis apparuerit.

CXXXVII. *Corollarium II.* Ex com- Absoluta
paratione quacunque corporum, speci- pororum
fica gravitate differentium, *relativam* quantitas
solum pororum quantitatem & copiam nequit de-
discimus, *absolutam* vero nunquam prehendi.
deprehendimus; hanc enim ut perfecte cognosceremus, deberet nobis prius cognitum esse aliquod corpus poris omnibus destitutum, cujus dein gravitati gravitates aliorum corporum comparari, & communi velut mensura mensurari possent: tunc quippe si ex facta collatione gravitas porosi corporis sub æquali volumine e. g. duplo minor deprehenderetur, recte inferre liceret, *porositatem* ejusmodi corporis æqualem esse

X

solidi-

P. Oster. *Physic. Pars I.*

Sect. I.

soliditati ipsius : at cum aurum ipsum omnium corporum gravissimum innumeris poris abundet (n. præc.) nullum profecto corpus perfecte solidum & nullis poris interruptum haberi potest. Cæterum ut quibusdam objectionibus occurramus, sit

PROPOSITIO IV.

In Poris Corporum quorumvis sensibilium hospitatur materia quædam fluida ; non tamen omne Vacuum in eisdem omnino impedit.

Poris omnes sunt repleti materia fluida.

CXXXVIII. PROBATUR I. p. Quævis corpora etiam durissima, aquæ & aeri prorsus impervia, si ipsis rite applicetur machina *Electrica*, maximam copiam materiæ igneæ e poris suis emittunt : atqui emittere non possunt, nisi antecederet in se contineant : ergo. Adde, quod materia quædam *subtilis*, aere specificè levior, vacuum *Coacervatum* (*Metaph. fol. 637.*) tum in spatiis Cælorum, supra nostram atmosphæram sitis, quo aer non pertingit, tum etiam in superiore parte Barometri a Mercurio vacui impediatur, ipsamque materiam *luminis* ubi-

ubique diffusam constituat, ut fusius probabitur in *Dissert.* IV. ergo revera in poris corporum quorumvis sensibilibus hospitatur materia quædam fluida, nempe vel *aqua*, vel *aer* (ut experimenta prius allata satis demonstrant) vel *materia* quædam *subtilis*, quæ ipsos *aeris* vel maxime porosi (CXXXVI.) meatus repleat, ut in materia de *rarefactione* in *Seçt.* IV. amplius patebit.

PROBATUR II. *p.* Ex *constructio*-*Vacuum*
ne molecularum primitivarum ac mini-^{tamen dis-}
 marum, corpus naturale physice con-^{seminatum}
 stituentium (LXIV. & C.) hæc nam-^{non exclu-}
 que molecule cum diversas habeant^{ditur.}
 figuras æque ac ipsi pori (CXXXV.)
 non videntur ita posse conjungi in to-
 tum aliquod compositum, ut omnia
 omnino spatia, sibi interspersa, exactis-
 sime repleant: & si etiam dicatur,
 illa vacuola a *materia subtili* repleri,
 dabitur saltem in ipsis moleculis *ma-*
teriae subtilis vacuum disseminatum,
 cum non detur materia adhuc alia sub-
 tilior, a qua illa subtilis repleatur, ne
 debeat admitti processus in infinitum.
 CONFIRMATUR I. Materia isthæc
 subtilis (vel prout ab aliis vocatur,
aura ætherica) est summe FLUIDA,

Sect. I.

adeoque figuræ *sphæricæ*; vel saltem ad figuram *sphæricam* proxime accedens (cum sine hac figura explicari nequeat liquidorum *fluiditas*, ut in *Sect. IV.* dicetur) atqui figura *sphærica* prædita corpuscula nequeunt ita inter se copulari, ut omne prorsus spatium impleant, nullasque vacuitates relinquant, ut liquet v. g. in centum aut mille globosis arenulis, quæ quomodocunque misceantur, meatibus seu Vacuolis non carebunt: ergo a pari de materiæ prædictæ minimis particulis earumque compositione loquendum erit, propter figuram scilicet *globosam*, qua eas esse instructas insuper ex hoc facile deducitur, quia materia subtilis: reduplicative ut *lux* est (motu *vibratorio* & quidem *rectilineo* propagatur, ad quod alia figura aptior non est quam *sphærica*. II. Eadem materia subtilis est summe ELASTICA, ut denuo hic ex materia de *lumine* supponitur; omne autem corpus Elasticum *comprimi* seu in minus spatium redigi valet: ergo & materia subtilis. *Subs.* atqui in minus spatium redigi non potest, nisi minimæ moleculæ magis *coeant*: ergo antequam *coeant*, debent esse *sejunctæ*, nec *sejungi* queunt, nisi intra se relinquant

quant meatus & cavitates seu poros (CXXXI.) ergo antequam coeant, poros habere debent: pori item non sunt repleti alia materia adhuc subtiliore, ut dictum est, ne detur processus in infinitum: ergo erunt *vacui*, & consequenter saltem in poris materiae subtilis dabitur vacuum *diffeminatum*.

CXXXIX. *Scholion*. Etiam si admit-^{Materiae}tatur materia subtilis, tanquam ele-^{subtilis na-}mentum omnium corporum poros facil-^{tura}lime penetrans, non tamen propterea communi omnium sensui, 4 tantum Elementa vulgo adstruendi, contradicitur; potest enim hæc ipsa aura ætherea (ab antiquis etiam *anima* vel *Archæus mundi* appellata) vel ad *aerem* vel ad *ignem* commode referri: & certe Cl. P. Henner in suo *conatu Physf. Exper. T. I. art. 2. n. 28.* vult, *materiam subtilem non habere naturam ab aere distinctam, sed esse illius veluti puriorem florem, & quintam ut ajunt essentiam*: at vero Cl. P. Mangold *Physf. gen. Diff. 2. Sect. 3. §. 205.* tenet, quod si materia hæc subtilis seu aura ætherea a corpore lucido impellatur *motu vibratorio*, ad oculum usque propagato, vocari debeat *lumen*: si autem motu vehementiore & *perturbato*

Sect. II.

concitetur, eaque corpora, in quibus prius latebat, dissolvat ac dissipet, appellanda sit ignis, additque citatus Cl. Auctor : *tametsi autem hæc materia ignea ubique & in maxima copia existat, non tamen metuendum est, ne universus orbis conflagret ; vel enim materiæ subtili in spatiis cælestibus nostraque atmosphæra motus ille perturbatus non potest imprimi ; vel plerumque ibi deest materia concipiendæ flammæ apta, seu corpus, cujus compages possit dissolvi. Ast hæc interim annotasse sufficiat : res clarior fiet suis locis.*

SECTIO II.

De Elasticitate & gravitate
Corporum.

Ordo doctrinæ.

CXL. **Q**uia tum per *Elasticitatem* tum per *gravitatem* corpora ad statum sibi connaturalem, sive ad *quietem*, tendunt, ut mox patebit, ideo hoc loco, postquam in Sectione præcedenti de *mensura* seu *Magnitudine* & aliis ad ipsum pertinentibus diximus, eas duas affectiones, quæ ad *quietem* (de qua ipsa commodius in Dissert. III. ubi de *motu locali*) reduci queunt, pertractabimus. Sit ergo

ARTI-

ARTICULUS I.

*Utrum singula Corpora sint Elastica,
& quænam Elasticitatis causa
existat ?*

CXLI. **E**later, Elaterium seu Elasticitas aut vis Elastica (quæ verba singula eundem sensum habent) a Græca voce ἐλάω agito, proveho, stimulo, progredior, evado, vel ab ἐλατή agitator, auriga &c. est illa vis, qua partes corporis in ictu compressæ post ictum sese restitunt : & quidem si partes compressæ post ictum ad eandem prorsus figuram redeant, quam prius habuere, Elasticitas perfecta ; sin autem non ita redeant, imperfecta dicitur, sic arcus tensus, ramus viridis, aut lamina chalibea si non omnino perfecte (dantur enim, qui negant in natura dari vim perfecte Elasticam) imperfecte saltem & quoad sensum sese restitunt.

CXLII. Corollarium I. Ut corpus aliquod dici possit Elasticum, necesse est 1. Ut possit comprimi aut inflecti : 2. Ut post compressionem seu inflexionem in priorem statum restitui queat :

Sect. II.

duæ igitur hæ formalitates, *compressibilitas* seu vis compressiva & *expansibilitas* seu vis sese expandendi (Metaphysice loquendo) constituunt Elasticitatem adæquatam, fere sicut plura principia sentiendi *sensibilitatem* completam in eodem sensu Metaphysico adæquant. (Metaph. fol. 189.)

Quæ non
competunt
perfecte
duris, nec
perfecte
mollibus,

CXLIII. *Corollarium II.* Porro quia Corpus *durum* censetur illud, quod in ictu non comprimitur, sive cujus partes prementi non cedunt, ut sunt *mar-mar, vitrum, ferrum &c.* quæ vulgo aut *relative dura* vocantur, si revera probari posset, dari in rerum natura aliquod Corpus *absolute* seu omnino *durum* & inflexibile. id omni vi *Elastica* destitutum foret, quia scilicet inflecti aut *comprimi* non posset (n. præc.) similiter quia corpus *molle* dicitur illud, quod alteri allisum in ictu quidem comprimitur, ast suam figuram post ictum minime recuperat, ut sunt v. g. *globuli plumbei, argillacei, cera liquata, butyrum &c.* si ostendi possit, quod tale corpus *perfecte* seu omnino & *absolute molle* existat, hoc ipsum Elasticitate nullatenus gauderet, ob defectum conditionis secundæ ad Elaterem requisitæ. (n. præc.)

CXLIV.

CXLIV. *Scholion.* Quoniam *substantiæ simplices materiales* sunt realiter indivisibiles, nec patiuntur majorem vel minorem extensionem, quam prout ipsis ab auctore naturæ est concreata (CXIV.) bene etiam concludi valet, quod, ut præcise *materia* sunt, omni prorsus vi elastica ex defectu primæ conditionis careant. Dixi, ut præcise *materia* sunt, id est, si considerentur absque omni forma tum *essentiali* seu compositione (LXX.) tum *substantiali* seu *vi motrice* (LXXXIV.) nam revera ut *moleculas* & *corpuscula*, & quidem *vi activa* prædita constituunt, *Elastica* censenda sunt (LXXXVI.) sicut alia singula corpora, de quibus sit

Neque
substantiis
simplici-
bus mate-
rialibus
nude con-
sideratis.

PROPOSITIO I.

Omnia plane Corpora sensibilia
sunt Elastica.

CXLV. PROBATUR I. *Generaliter.* Elasticitas
Omne omnino corpus, eo omni Cor-
ipso quod habeat formam substantia- pori Phy-
lem, vi saltem *inertiæ* præditum est sico com-
(LXXXVI.) ergo motui sibi impresso petit.
proinde & *tensioni* seu *pressioni* resistit,
adeoque prout potest, statum suum

Sect. II.

conservare, aut si hic immutatus fuerit, recuperare nititur. *Subs.* atqui in hoc consistit *Elasticitas* (CXLI.) ergo.

PROBATUR II. *Specialiter* Experimentis. I. *In solidis.* 1. Hæc omnia sine exceptione sonum emittunt, sonus autem, ut infra probabitur, in motu vibratorio, qui absque vi *Elastica* non habetur, consistit. 2. Si globuli eburnei, vitrei aut marmorei in incudem aut aliam duram superficiem sebo aliave pinguedine illitam magno conatu projiciantur, rotundum vestigium ibi relinquent, quin tamen aliqua etiam modica complanatio partium in ipsis globis post ictum appareat: nempe partes illæ primo quidem comprimuntur in ictu, tum vero cessante vi comprimente veluti sponte sese restituant. 3. Lamina chalybea complicata (vulgo *die Feder*) horologio portatili inserta continuo sese expandit, ejusdemque rotas commovet. 4. Bullulæ tenuissimæ, quæ a pueris ex aqua, sapone imbutæ formari solent, sursum emissæ, & pileo leniter exceptæ, ad eam ferme altitudinem resiliunt, ex qua deciderunt, quia scilicet per contactum pilei aliquantulum compressæ, priorem figuram induendo im-

impetum acquirunt, quo reflectuntur.

II. In fluidis. 1. *Aerem* esse summe Elasticum tum ex materia de *rarefactione*, tum de *sono* patebit tum etiani ex dicendis de phænomenis tubi torricelliani seu Barometri. 2. *Ignis* Elasticitas ex eo liquet, quod, si candela accensa sub recipiente collocetur, atque aer removeatur, flamma prædictæ candelæ, figuram pyramidalem in libero aere præseferens, ibi remoto aere induat globosam ac plane irregularem, seque etiam in majus non nihil spatium extendat: unde signum est, quod ignis defacto præcise ab aere ex omni latere undique premente identidem *comprimatur*; ubi vero sub recipiente a vi comprimente liberatur, sese rursus in locum & figuram sibi connaturalem *restituat*, & consequenter *Elasticitate* gaudeat. 3. *Aqua*, præterquam quod *sonum* quoque transmittat, ut infra itidem demonstrabitur, Elaterem exinde prodit, quod si ejusdem aquæ bulla quæpiam per Mercurium ascendere permittatur (idem fere accidit, si guttam olei per aquam aut *Mercurii* globulum per aurum liquatum facias ascendere) tunc enim præfata aquæ bullula ob prævalentem fluidi, per quod tran-

Sect. II.

transire jubetur, actionem compressa figuram suam rotundam toto durante ascensu mutat in pyramidalem aut cylindricam; donec ab illa compressione liberata denuo in superficie pristinae formae restituatur. Jam vero ex hisce facile per analogiam ad alia corpora tam *liquida* quam *solida* arguere licet: & si quaedam corpora vulgo *non Elastica* vocantur, ut sunt v. g. *argilla humida, cera liquefacta, & alia mollia* &c. id non nisi *relative* de Elasticitate imbecilliore intelligendum venit.

Elasticitatis Phænomena.

CXLVI. Phænomena Elasticitatem comitantia sunt fere sequentia. I. Corpora Elastica quinque præcipue modis post compressionem sese restitunt 1. Recuperando priorem situm *rectum*, prout videre est in virga incurvata. 2. Assumendo pristinam *curvitatem*: sic arbor curva per vim erecta vi externa cessante rursus incurvatur. 3. Denuo post compressionem *intumescendo*, uti observatur in acervo lanæ aut plumarum. 4. Se post prolongationem *retrahendo*, ut patet in arcu intenso. 5. Denique post violentam dilatationem sese *contrahendo*, ut faciunt pelles tympanorum, membranæ animalium &c.

II. Ad

II. Ad omnem vim Elasticam requiritur saltem modica partium corporis *rigiditas* seu durties, qua figuram suam, quantum potest, tueatur; alioqui nunquam resiliret, nec pristinum statum recuperare conaretur. III. Dantur in diversis corporibus diversi Elasticitatis gradus pro varia corporum textura & configuratione: sic *multum* Elastica sunt chalybs, rami virides, plumæ avium, ossa & cartilaginee, itemque vitra & gemmæ &c. *parum* econtra argilla, cera mollis, oleum &c. IV. In uno & eodem corpore vis Elastica *variari* & jam augeri jam minui potest: sic metalla, si sint laborata & malleata, magis fiunt Elastica, quam si sint fusa: corpora item frigida majus Elaterium plerumque exserunt, quam si sint calida: denique idem arcus diu intensus sensim languet, nec tantam vim in globum aut sagittam deinceps exhibet. V. Quo *vehementius* corpora Elastica extra locum suæ quietis extruduntur, eo *magis* vi impellenti resistunt, eoque *velocius* & majore cum serocia sese restituant, ut experiri licet in ense curvato, spiris multum Elasticis &c. VI. Dum tenditur aut percutitur chorda Elastica, partes minimæ tremere,

&

Sect. II.

& vibrare ; diversosque itus ac reditus exserere notantur, qualis motus in globo pendulo & agitato communiter observatur. Jam de

Causa Elasticitatis.

Causa triplex.

CXLVII. Quam difficile sit veram Elasticitatis causam indicare, multiplices diversorum Auctorum sententiæ declarant, ex quibus aliqui longioris, & ut credebant, prorsus inutilis atque insuperabilis laboris pertæsi, de inveniendâ veritate omnino desperabant : alii vero in *tres* præcipue sectas seu sententias de hac re abiere, quorum *primi* Elasticitatem repetunt a causa extrinseca : *alii* ab intrinseca : *tertii* demum mediam inter illos viam secuti, & ambas illorum sententias reconciliare volentes, virtutis Elasticæ causam tum ex - tum intrinsecam assignant : nos singularum partium litigantium placita prius ad conspectum dabimus ; tum nostram quoque opinionem, si non definiendo, saltem divinando statuemus. Igitur

Prima

Prima sententia.

CXLVIII. Qui a causa extrinseca Ela-
sticitatem repetunt, sunt præcipue Sententia
Cartesii, Cartesii,
CARTESIUS & ejus sequaces, quos
inter Cl. Purchotius *Phys. p. 1. Sect. 4.*
c. 8. hi dicunt, restitutionem corporum
prius compressorum fieri a materia sub-
tili primi Elementi (XLVII.) in cor-
porum poros irruente, eosque dilatan-
te : nempe dum v. g. ensis aut ramus
viridis incurvatur, ex parte convexa ape-
riuntur & dilatantur pori : ex parte
autem concava constringuntur, simul-
que in iis latens materia subtilis ejicitur :
cessante jam præfatorum corporum
compressione seu inflexione, eadem
materia subtilis, violenter antea ejecta,
& a suo æquilibrio cum partibus cor-
poris Elastici antea habito, depulsa,
ingenti vi per apertos poros irruit, &
dum per alios poros compressos exire
non valet, ipsamet sibi viam facit, vi-
ribus unitis in partes compressas agen-
do, quousque poros constrictos denuo
aperiat, & prædictum æquilibrium re-
stituatur. Huic sententiæ cum Cl. P. de
Lanis accedunt nunc alii non pauci,
attamen cum hoc discrimine, quod sub
materia subtili non intelligant primum
illud

Sect. II.

illud a Cartesio confictum *Elementum*, sed auram ætheream superius descriptam (CXXXVIII. & CXXXIX.) quin etiam alii materiæ subtili cum Cl. Bernoullio *Diff. de ferment. aerem*: & rursus alii cum Cl. Helvetio diversa atmosphære nostræ corpuscula seu fluida tenuissima corpus Elasticum penetrantia: alii denique cum Cl. P. de Chales corpora quaecunque liquida, intra eorum poros delitescantia substituunt. Econtra

Secunda sententia.

Peripateticorum,

CXLIX. Causam Elasticitatis *intrinsecam*, & quibusvis corporibus *communalem* esse contendunt 1. *Peripatetici* (ex quibus tamen paucissimi aliquid de hac materia *distincte* & *ex professo* tradiderunt.) sicut, restitutionem seu reductionem aque calidæ ad pristinum frigus a *forma substantiali Metaphysica* repetunt, ita & figuræ prioris recuperationem in corporibus Elasticis, vel eidem *formæ substantiali* attribuunt vel omnino *generali* tantum, seu potius *nominali* cuidam *virtuti intrinsecæ*, aut *qualitati* adscribunt, cujus natura sit, majorem aut minorem *ubicationem* partium producere &c. verum quis non videt, hæc mera esse *verba*, & conceptus

ptus *abstractos*, atque inanes subtilitates, in *Physica* neminem *doctiorem* red-dentes? ideoque si causa *Physica*, saltem probabilis, nequit assignari, potius *ignorantia* ingenue satenda, quam ad ejusmodi infirmum *ignorantiæ asylum* confugiendum erit. (XIV.) 2. Cl. Boyle, Cl. Boyle, cum pluribus aliis Elasticitatem corporum, & præsertim aeris, repetit a *particulis spiritalibus*, figuram corpori unicuique *Elastico propriam ac naturalem* intrinsece efficientibus: hæ nempe *particulæ spiræ* in modum formatæ, si aliquantum comprimantur, instar vel-leris conglobati, in arctum primo quidem coeunt, attamen mox contra corpora comprimentia sese extendunt, quantum possunt, & dum eorundem resistentiam vincunt, partes corporis compressas naturali extensioni atque figuræ restitunt. 3. Newtonus Elasticam restitutionem unice adscribit minimarum particularum *attractioni* (XLVIII.) quatenus istæ per compressionem a se invicem non nihil avulsæ, atque a loco suo connaturali dimotæ, cessante compressione sese rursus *attrahunt*, atque ad pristinam figuram suam revertuntur, ut scribit *Optic.*

Y

l. 3.

P. Oster, *Physic. Pars. I.*

Sect. II.

l. 3. q. 31. Hanc sententiam cum aliis etiam Cl. P. Dalham *Instit. Phys. Tom. II. pag. 260.* amplectitur : sunt tamen ex ipsis Newtonianis , qui vim Elasticam potius in *vi repellente* (corporibus Elasticis itidem *intrinseca*) qua a se mutuo post compressionem fugiant , constituere malunt. 4. Denuo quidam alii pro causa Elasticitatis *intrinseca* assignant ignem , vi repulsiva ex natura sua præditum , atque in magna quantitate intra poros corporum Elasticorum arte conclusum : ita scilicet ut vis repulsiva ignis in poris *angustioribus* quasi concentrata aut condensata propter minorem distantiam augeatur , & in *amplioribus* propter rationem contrariam minuatur , cumque non aliunde post factam compressionem corporis Elastici præfatus ignis recedere possit , arietis instar in latera irruat , partesque antea compressas priori æquilibrio , & consequenter etiam figuræ restituat.

Tertia sententia.

Et Gassendi.

CL. Gassendus principium Elasticitatis in corpore repetit tum ab *extrinseco* ; tum ab *extrinseco* ; *intrinsecam* nempe statuit cuilibet corpori Elastico aptam particulam-

ricularum figuram, eique superaddit vim seu impetum *ab extra* illis particulis communicatum, quo illæ particulæ prius violenter comprimantur aut extendantur, moxque per motum ab obice reflexum ad pristinum statum reducantur, ut proin una eademque causa sit tum motus *directi* seu compressivi, tum *reflexi* seu resilitivi ; atque hi duo motus solum differant ex determinatione inducta a tali obice, hoc est, a tali aptitudine & textura corporis Elastici. Aliud adhuc perquam eruditum Systema (vel potius Hypothesin) a Cl. P. Maziere Presbytero Oratorii excogitatum referunt Cl. PP. Trevoltienfes ad annum 1728. art. 15. *Mense Februario.*

CLI. Jam ex hisce tribus sententiis, Elasticitas quarum quælibet suas rationes suos- ^{passiva &} que Sectatores numerat, antequam ^{activa.} nostram deducamus & in medium afferamus, adhuc cum Cl. P. Hauser *Phys. gen. p. 2. §. 459.* prænotamus, in corpore Elastico duo probe distinguenda esse, 1. *Motum Elasticum*, sive actua-lem reductionem partium ad pristinum statum, & dici potest Elasticitas *activa*, eoquod a *vi activa* necessario provenire debeat. 2. *Aptitudinem ad motum Elasticum* :

Sect. II.

sticum : hæc quia dependet a structura corporis Mechanica, tanquam principio *passivo* Elaterii, vocari potest *Elasticitas passiva*. Nunc igitur sit

PROPOSITIO II.

Elasticitas passiva venit a structura corporis, certaque particularum figura, nude in se inspectata.

Ratio for-
malis Ela-
sticitatis
passivæ,

CLII. **PROBATUR** *Observationibus & experimentis obviis*, quibus constat, non omnia corpora esse *æqualiter* *Elastica*, sed illa præ aliis, in quibus certa temperies *siccitatis*, *flexibilitatis*, *duritiei*, *rigiditatis* &c. & ubi particulae sunt magis contortae in *spirales fibrillas*, utpote quæ ad disjunctionem conjunctionemque aptiores multo existunt, quam alterius cujuscunque figuræ particulae : sic v. g. filum ferreum Elaterem suum non prodit, nisi prius in annulos *spirales* torqueatur ; tunc enim si in pyxide e. g. comprimatur, aperto operculo subito exsilit, seseque restituit : econtra in uno eodemque corpore vis *Elastica variatur* (CXLVI.) ac etiam omnino cessat saltem sensibilibiter, quando apta illius
stru-

structura mutatur : sic *ramus viridis*, si amissa siccitate arefiat, compressus frangitur, nec amplius resilit, *papyrus, lana &c.* deperdita per humiditatem duritie & rigiditate aut omnino non aut minus se restituunt : econtra idem *filum ferreum* aut *lineum* cessante convolutione Elaterem vel ex parte vel ex toto amittit &c. ergo Elasticitas *passiva* venit a certa *structura* corporis Mechanica, certaque textura, situ & distantia partium, *figuram* determinatam quibusvis corporibus Elasticis introducete. CONFIRMATUR ab analogia desumpta ex operibus *artis*, quæ non aliter corpora prius non Elastica & mere inertia ad Elaterium exferendum disponit, nisi certam *structuram* atque *figuram* procurando, ut patet in horologiis, sclopetis Pnevmaticis, instrumentis Musicis, campanis, aliisque centenis Machinis artificialibus : ergo a pari de operibus *naturæ*, quam *ars* imitatur, utut nunquam perfecte assequatur, arguere licet, prout etiam ostendunt ipsa microscopia in *salibus, mineralibus, metallis, vegetabilibus, & animalibus &c.*

PROPOSITIO III.

Elasticitas activa probabilius oritur
tum ab ipsa materia propria Corporum;
tum a fluido quodam interlabente aereo, æthe-
reo seu igneo, sublato suo æquilibrio *vim*
vivam exferentibus.

Elasticita-
tis activæ
causa pro-
babilior.

CLIII. PROBATUR I. p. Datur in
singulis corporibus indita a
Deo *vis* quædam *agendi*, fini ab auctore
naturæ intento proportionata (LXXV.)
eque physice in *substantiis simplicibus*
fundata est (LXXXIII.) substantiæ
porro simplices *materiam propriam* ac
physicam quorumvis corporum consti-
tuunt (LXX.) ergo hæc ipsa *materia*
propria corporum, non quidem præcise
& reduplicative ut MATERIA est, sed
ut habet sibi realiter identificatam *po-*
tentiam activam seu formam substantia-
lem (LXXXVIII.) si ejus particulæ
extra statum connaturalem & situm ab
auctore naturæ sibi præfixum per vim
externam quamcunque dimoveantur,
suumque æquilibrium deferere cogan-
tur (utut mera sint corpora *inanimata*)
vim tamen vivam exferit (LXXXVI.)
sublatumque æquilibrium restituit.
Porro hæc ipsa etiam ratio pro *materia*
qua-

quacunque fluida *interlabente* adduci valet, eo ipso enim quod sit *materia*, habens saltem *vim mortuam*, hæc, si a motu (ab auctore naturæ quaquaverfum ad replendos omnium corporum poros sibi concessio) vi impediatur, excitari, & in *vim vivam* abire potest. (*n. cit.*) Cæterum quod revera præter materiam *propriam* etiam *aliena* ad Elasticitatem concurrere soleat, quoniam distincta probatione indiget, ideo specialiter quoque PROBATUR II. *p.* Ex modo, quo corpora duriora per artem fieri solent *Elastica*: e. g. I. Ex ferro puriore conficitur *chalybs*, corpus summe *Elasticum*, dum purior illa ferri materia admixtis particulis *salinis* & *sulphureis* in igne candescit, & mox in ipso requisitæ excandescentiæ tempore igni subtracta aquæ frigidæ immittitur vel aceto, aut alteri liquori acido; sic enim partes exteriores frigore consilpatæ igniculos in poris interioribus latentes & agitados exitu prohibent; hi ergo quasi in carcere violenter conclusi, & per chalybis inflexionem magis adhuc coarctati, suo motu & agitatione pristinam in poris figuram & situm efficiunt, summamque propterea *vim Elasticam* conciliant. Contrarium ac-

Sect. II.

cidit, si aut illa purior ferri materia *nimum* candefiat, aut concepto etiam debito caloris gradu non nisi *sensim* frigus concipiat: nempe tunc pori vel *nimis* vel *diutius* aperti igniculis relinquunt exitum; adeoque prior ille effectus particularum & pororum restitutionis non sequitur, sed vel chalybs, si *nimum* incaluerit, malleo contundi, ut ejusdem pori *debite* claudantur, vel si *sensim* frigori restitutus fuit, de novo calefieri atque ut decet, tractari debet.

II. Vitrum quoque si post suam confectionem temperato calori non de novo exponatur, sed mox in *frigido* aere statuatur, vi magna frangitur; quia scilicet igniculi intus latentes & agitati in majore copia, quam fert spatium pororum interiorum, constricti & condensati, eoquod invicem penetrari nequeant (CXXII.) vi sibi viam aperiant: econtra si *moderato* calore vitra confecta non nihil recoquantur in *forname*, prout vitriarii vocant (*frigesactiva*, pori quidem clauduntur, non ita tamen cito, ut non quidam adhuc igniculi *superabundantes* egredi possint: quo facto reliqui remanentes, & *debitam* vitro Elasticitatem tribuentes, absque notabili tumultu inibi hospitantur.

III. La-

III. *Lacryma Batavica*, quæ solidum est vitrum, retorto collo longioris olivæ figuram præferens, ubi pars colli ipsius

Tab. II.

Fig. 1.

crassior A frangitur aut forcipe adimitur, mox tota in pulverem tenuissimum cum strepitu abit, id quod tamen non semper contingit extremo duntaxat illius apice B disrupto : fit autem ejusmodi lacryma Batavica ex vitro crassiori aut crystallino, quod ferreo tubo ex olla vitriaria ab artifice extractum guttatim in situlam aqua plenam decidens, in similem figuram coagulatur. *Ratio* tam subitæ rupturæ est, quia materia ignea, in poris immaturo frigore constricta, per factum in parte colli crassiore A (non item semper si frangatur sola pars B) foramen, spatium sese expandendi initialiter saltem nacta, cum se totam in partem A propter irruentem aerem ac ætherem restituere nequeat, in partes interiores (præcipue in partem oblongam) perniciosissimo motu sese extendens, easdem vehementer concutit & disrumpit, sicque in tenuissimum pollinem convertit : ergo revera Elasticitas activa partialiter quoque oritur a fluido quodam interlabente in poris concluso, & sublato suo æquilibrio (tollitur autem præsertim

Sect. II.

æquilibrium tum per *compressionem* fluidi interlabentis interioris, tum etiam per *irruptionem violentam* fluidi exterioris, motum suum liberum quaquaversum prosequenti) *vim vivam* exerente. De cætero quod in unoquoque corpore Elastico detur ejusmodi *materia ignea interlabens*, patet ad oculum ex phœnomenis *Electricitatis*, ex quibus compertum habemus, quod singula omnino corpora scintillas seu flammulas evomant.

CONFIRMATUR *utraque pars*. In hac sententia bene declarari possunt *Elateria* quorumvis corporum, sicut & ipsa *Elasticitatis phænomena*; sic enim I. Globuli eburnei, vitrei, aut marmorei, Arcus aut Laminæ chalybeæ &c. facta compressione sese restitunt; nempe tum ob *materiam propriam* vi motrice, saltem *mortua*, præditam (LXXXVI.) & postquam ex statu sibi connaturali vi distracta est, in *vim vivam* degenerante, tum ob *materiam alienam interlabentem*, in corporum ejusmodi duriorum poris latentem (CXXXVIII.) & simili virtute ab auctore naturæ præditam (LXXV.) II. Materia interlabens ignea sive ætheræa aut aerea, intra poros conclusa, & latera

latera ex omni parte arietans, *duritiem* ad Elasticitatem requisitam conciliat, quia similiter & latera in materiam interlabentem reagentia resistunt, suamque impenetrabilitatem magis ostendunt: & quidem quo major in utraque materia tam *propria* quam *aliena* est actio & reactio, eo cæteris paribus major est *durities*, majorque *Elasticitas*; variata autem illa variatur & ista. Sic III. *Arcus* diu incurvatus, præsertim si sit *ligneus* aut *ferreus*, paulatim vim resiliendi amittit: nempe materia interlabens in parte *convexa*, in qua post compressionem pori fiunt ampliores, libere movetur; in parte autem *concava*, in qua pars ipsius altera comprimitur, facile novos poros sensim invenire potest, cum & aer externus, in principio factæ compressionis irruens, restituto tandem suo æquilibrio non amplius tanta vi in lateris concavi poros irruat, & materia simul *propria* in parte sua convexa propter nimiam pororum dilatationum ac violentam etiam lacerationem structura sua Mechanica ad Elasticitatem *passivam* requisita (CLII.) privetur, ut proin tam facile in illam quoque partem utpote magis resistentem, sese restitueret

Sect. II.

stituere nequeat. IV. Imo si arcus illi *lignei* aut *ferrei* post longam ejusmodi inflexionem vi reducuntur, franguntur & in partes abeunt : videlicet cum ex defectu *pristinæ Elasticitatis passivæ* in materia propria non amplius dari possit tanta restitutio ut antea, materia interlabens parti concavæ inclusa, apertisque subito ex parte illa per inflectentem poris, a fluido exteriori irruente impugnata, vi sibi viam aperit, fere sicut de *lacryma Batavica* dictum est, & consequenter, cum in partem convexam restituere se nequeat ob texturam jam antea laxatam, cumque hæc ipsa textura in parte concava simili modo laxetur, arcus illi necessario ex *utraque* parte franguntur. V. Attamen aer, in sclopeto pneumatico inclusus, per plures etiam annos Elasticitatem suam non deperdit, sed eandem pene vim exerit. *Ratio est*, quia moleculæ aereæ in illo carcere compressæ, cum sint prorsus *homogenæ*, lacerari atque sejungi nullatenus possunt, sed potius, cum sint mera *filamina* (CXXXV.) æqualem semper expansionem habent propter æqualem singulorum *actionem & reactionem*, & more liquidorum ex omni parte pre-

premunt, & premuntur æqualiter; ideoque contingit, ut nunquam deficiente Elasticitate *passiva*, seu debita ad vim Elasticam structura, pariter & vis *Elasterii activa* sensibiliter non deficiat, sed mox aperta via suis extremitatibus se mutuo illæ particulæ feriendo, viribus simul junctis impetum faciant, atque ab ea compressione se liberent, spatiumque sibi connaturale tum ex *innata vi motrice* nanciscantur, tum ope quoque *materiæ subtilis* poros *materiæ*, aeris *propriæ*, interlabentis, nempe particulæ etiam *aeræ*, utut comparative ad corpora *duriora* videantur *molles*, *absolute* tamen & in se consideratæ sunt *rigidæ*, suoque modo *solidæ* ac *flexibiles*, fere sicut lanæ pili, vel pannorum sericorum villi, qui inflexi sese erigunt. VI. Quo vehementius corpora quæcunque *Elastica* extra locum suæ quietis extruduntur, eo magis atque velocius resiliunt: videlicet secundum axioma: *sicut se habet simpliciter ad simpliciter, ita se habet magis ad magis*: atqui *simpliciter* materia tum *propria* tum *interlabens*, si e loco ab auctore naturæ sibi assignato extrudantur, *vim vivam* exferunt (LXXXVI.) ergo hanc ipsam *magis* exerunt, si *magis*

gis

Sect. II.

gis e locis suis extrudantur &c. VII. In tensione aut percussione chordæ Elasticæ partes minimæ *tremunt*, diversasque *vibrationes* seu itus & reditus concipiunt, scilicet tam materia propria quam aliena & interlabens *intus* æquilibrium suum restituere laborant: *ad extra* vero etiam aer unacum materia subtili apertis ex parte *convexa* poris irruens, simulque ex parte *concava* libere pertransire haud valens, & hoc ipso latera chordæ feriens, similes motus efficit &c.

Nostra
sententia
cum tribus
illis priori-
bus com-
binari va-
let.

CLIV. *Corollarium.* Inde apparet, omnes tres supra enumeratas sententias, aliasque iis connexas Hypotheses (CXLVIII. & *seqq.*) facillime nostræ opinioni accommodari posse, ut allatæ hætenus phænomenorum declarationes ostendunt, ac propterea probabiliter dici valet, ad Elasticitatem activam tria concurrere. 1. Materiam propriam cujusque corporis Elastici. 2. Materiam alienam *interlabentem*, & in poris existentem, motuque agitatam, igneam vel ætheream, aut aëream. 3. Denique *meteriam*. seu potius corpora externa ambientia, factaque compressione tum *impedientia*, ne materia interior

terior interlabens e poris tam cito exeat, tum post hujus demum qualemcumque egressum cum impetu in poros *irruentia*: hæc vero corpora exteriora rursum sunt *Elementaria*, id est, vel *aerea* vel *ignea*, *sulphurea*, *salina* &c. ac in specie a *posteriori*, id est, *ex effectibus* non quidem semper, attamen ut plurimum dignosci valent, quod ipsum & de materia interlabente *interna* dictum volo. Cæterum cunctis hisce materiis sicut & omnibus omnino substantiis *vim vivam* competere, sublato suo æquilibrio sese exerentem, itidem ex superius dictis (LXXV. LXXXIII. LXXXVI. LXXXVIII.) quæ crebrius ac sedulo recolenda sunt, clare demonstratum suppono, neque ad *causam primam* seu *auctorem naturæ* in hisce confugere turpe Philosopho esse existimo, quæ primario ac ultimate rerum *naturas*, *mundique creati seriem* contingunt; nam utique causæ *secundæ*, quas vere *activas* cognosco (*Metaph. fol. 484.*) illam agendi vim *ex se* non habent, sed a causa *prima*: ergo & hanc ipsam ultimo assignare æquissimum ac prorsus necessarium est.

SOLV.

Sect. II.

SOLV. OBJ.

Aeris con-
figuratio
post lon-
gam com-
pressionem
non muta-
tur sensibi-
liter.

CLV. **O**B. 1. *Contra Prop. I.* Stru-
ctura corporis Elastici sæpe
mutatur, quin tamen vis Elastica de-
ficiat : ergo Elasticitas ab illa non de-
pendet tanquam a causa formali. p. A.
Aer v. g. sclopeto Pnevumatico inclusus
per diuturnam compressionem utique
in sua configuratione mutatur, cum
ejus particulæ novum *situm* atque *figu-
ram* æque ac alia corpora acquirant ;
manet ille tamen continuo *æqualiter*
Elasticus, ut paulo ante dictum est :
ergo : R. N. A. unacum ejus probatione ;
nam ex immediate dictis in *Conf. Prop.*
II. (V.) liquet, aeris structuram etiam
post longam & validam compressionem
notabiliter haud mutari : aliter res se
habet in aliis corporibus (excepto iti-
dem *æthere*) utpote in quibus mole-
cularum *plexus* & arcta conjunctio, ad
Elasticitatem requisita, per longam ten-
sionem magis semper magisque ex
parte *convexa* dissolvitur : unde & par-
tes ex parte *concava* compressæ a sui
restitutione per easdem illas in parte
convexa resistentes impediuntur, cum
illæ ut plurimum solutæ non tam ar-
cte, ut antea, inter se connecti que-
ant,

ant, & consequenter in istis mutatur structura, & cum structuræ mutatione etiam Elasticitas, non vero in aere ob rationem contrariam.

OB. 2. *Contra Prop. II.* Materia propria corporum est de se *iners*: ergo nequit *active* ad Elasticitatem concurrere. p. A. Est enim juxta Wolfium *aliquid extensum, vi inertie præditum*: ergo. R. D. A. si sumatur *reduplicative* seu præcise ut *materia*, C. A. si *specificative*, & prout realiter sibi identificatam habet *vim motricem*, tanquam formam suam substantialum, (LXXV.) quæ sublato statu, ab auctore naturæ rebus corporeis constituto, ex vi *mortua* transit in *vivam*. N. A. & C.

Inst. 1. Est imperceptibile, quomodo fluidum interlabens aereum vel æthereum, alias quibusvis obstaculis facillime cedere solitum, tam varios & vehementes motus (v. g. dum arbor summa vi incurvata resilit, aut dum aer ex machina pneumatica solutus globulum in magnam valde distantiam vibrat &c.) causare possit: ergo fluido interlabenti Elasticitas *activa* non debet adscribi. R. 1. N. C. Nam si hoc

Vehementia motus
Elastici
unde oria-
tur?

Z

tan-

P. Oster. Phys. Pars I.

Sect. II.

tantum in Philosophia admittatur, quod a sensibus nostris attingi ac percipi valet, plurima sane, quæ sunt aperte demonstrata, negari debent, ut v. g. *Effluvia*, & *Electricitas* corporum non adhibita machina Electrica, *Magnetismus* &c. sufficit ergo in multis, cum natura sit subtilissima atque in minimis maxima, per effectus saltem a posteriori arguere ad causam, vel per analogiam probationes texere. R. 2. N. A. nam quanta sit vis corpusculorum tum in corporibus latentium, tum etiam ab extra sese in ea insinuantium, in materia de *effluviis* Sect. seq. apparebit; quantum vero ad motuum Elasticorum celeritatem & vehementiam attinet, non sola præcise substantia fluida interlabens, sed *celeritas* quoque, quod isthæc agitari semperque moveri supponitur, attendi debet; hæc enim motus celeritas molem quamlibet & resistantiam corporis æquare, ac etiam vincere potest, ut in *Dissert. seq.* de motu dicetur.

Materia
subtilis
non omnia
corpora
equaliter
penetrat.

Inst. 2. Materia subtilis ipsos etiam vitri poros penetrat, cum sit ipsissima materia *lucis*, ut inferius statuemus: ergo in nullo corpore vim activam Elasticam exeret, sed ubivis innoxie pertran-

transibit. R. D. C. si etiam ubique eandem pororum *figuram* sicut in vitro reperiatur, C. C. si non eandem reperiatur, N. C. & C. (CXXXV.) vel aliter D. C. vim Elasticam in corpore non exeret se sola C. C. unacum aliis. N. C. & C. (CLIV.) porro vis Elastica ab irruente fluido *athereo*, vel alio corpore subtili Mechanice hoc modo exeritur. Pori corporum non pressorum supponuntur plerumque habere figuram *Cylindricam*, e. g. in lamina chalybea aut eburnea A B, cujus pori repræsentantur per c d e f: compressi autem corporis pori *conicam* potissimum figuram referunt, uti videre est in altera lamella C D, cujus pori indicantur per litteras g h i k: fit ergo in compressione talis corporis, ut fluidum subtile per patentiores seu latiores poros g h i k in magna quantitate ingressa, poros versus l m non angustiores impetat, suaque vi (adjuvante etiam *materia* seu fluido *interlabente* intra poros compresso, unacum *materia* corporis *propria*, ut dictum est) *æquales* reddat parti adversæ latiori g h i k, adeoque ad pristinam figuram reducat, cum non antea cesset, donec pristinum ab auctore natura

Tab. II.
Fig. 2.

Sect. II.

turæ statutum æquilibrium ubique re-
stituatur.

OB. 3. Cum Cl. P. Hauser *Phys. gen.*
 Vis corporis nativa p. 2. q. 7. art. 3. §. 465. Vis intrin-
 secus exigens re-
 stitutio-
 nem par-
 tium de-
 fenditur. feca corporis nativa, & aut cum ejus
 substantia aut proprietate identificabi-
 lis, quæ exigat certam partium exten-
 sionem, & dirigat reductionem Elasti-
 cam, est insuspicabilis in quolibet cor-
 pore, ubi notatur motus Elasticus, ergo non debet adstrui. p. A. Si datur
 talis exigentia figuratæ extensionis
 prioris, cur præcise se exerit in *com-*
pressionem, tensionem corporis, & non in
sectionem, comminutionem, liquefactionem?
 Cur ferrum non amplius exigit debi-
 tum ferro situm, dum in *spiram* cha-
 lybeam ab arte formatur? si malleus,
 incus, ignis parturit hanc vim in cha-
 lybe, cur in aliis enecat has exigen-
 tias connaturales? imo cur in eodem
 chalybe per nimiam compressionem,
 rubiginem &c. perit natus Elater?
 R. N. A. ad prob. dico. imo, hæc om-
 nia ab ipsomet Cl. adversario esse sol-
 venda, quia is ipse nostram sententiam
 saltem quoad voces expresse tenere vi-
 detur, loc. cit. §. 472. dum ita loqui-
 tur: manifestum est, tum a motu inte-
 rino, fluidorum illapsu aut recessu, tum
 aliis

aliis causis jam juvari, jam impediri Elaterem, prout vel juvatur vel impeditur configuratio apta, recte proin a speciali corporis structura Elaterium deducitur Mechanicum, sive principium passivum virium Elasticarum: huic si cooperatur NB.

VIRTUS ACTIVA *structuræ superveniens, dabitur* **VIS MOTRIX** *Elastica adæquate, motui Elastico proportionata, Dum vero paulo ante, nempe §. 466. ait, non in omnibus corporibus Elasticis fingendam esse nativam exigentiam proprietatum, activam virtutem producendi impetum &c. nihilominus concedere videtur, in aliquibus saltem eam virtutem esse intrinsecam, scilicet in iis, in quibus sunt formæ animatæ & substantiales, prout ibidem se explicat. Jam autem subsumo: atqui in omnibus omnino corporibus præter formam essentialem datur quoque substantialis, quæ consistit in vi motrice, seu activa intrinseca (LXXV.) estque ipsa natura corporis (LXXVI.) physice fundata in substantiis simplicibus (LXXXIII.) attamen a modo compositionis, sive a structura Mechanica, prorsus independens (XCII.) ergo & in omni corpore, etiam inanimato, datur nativa atque intrinseca exigentia Elasticitatis, fundata in forma substantiali,*

Sect. II.

vel, ut Leibnitius loquitur, in *Monde dominante* (LXXXVI.) cuilibet corpori etiam inanimato propria. Unde similiter cum præfato Cl. objiciente dico 2do, Ideo præcise talem exigentiam figuratæ extensionis sese exerere in *compressione & tensione* corporis, non item in *sectione & comminutione*, quia in *istis* textura seu structura Mechanica in ea parte, in qua fit sectio aut comminutio, *totaliter solvitur*, adeoque ex defectu Elasticitatis *passivæ* activa non amplius in actum secundum exire valet (cum forma sine suo *substrato* subsistere nequeat) e contra in *illis*, scilicet in *tensione & compressione*, textura non solvitur, sed aliquo tantum modo *immutatur*: ergo salva tunc manet Elasticitas *activa*: exemplum do in *animalitate & rationalitate* in homine) quibuscum vis *inertiæ & motrix* corporum *analogice* convenit (LXXXII.) quæ in eodem homine tamdiu perseverant, quamdiu per animæ cum corpore *sejunctionem* totum compositum non solvitur; hoc autem *solutum* animalitas & rationalitas tum *Metaphysice*, tum *physice* cessant; *Metaphysice* quidem, in quantum sunt gradus *Metaphysici* (Metaph. fol. 125.) *Physice* autem, quatenus
revera

revera in tali catavere non amplius datur *realis sensatio aut sensibilitas*, itemque nec *realis ratiocinatio aut rationalitas* : at vero si in corpore hominis viventis aliqua tantum fiat *immutatio*, e.g. dum quædam partes, ad organa sensoria (queis anima ad sensationes & ratiocinationes inchoandas in hac vita utitur) spectantes, inordinate comprimantur, tendantur, aliove modo lædantur, utraque illa potentia persistit; quin & Monas dominans, vitam in homine constituens (XCVIII.) successive, teste experientia, partes quoque læsas restaurat, & sanat: si porro organum quoddam sensorium nedum læsum sed & corruptum existat, perstat quidem *sentiendi facultas*; at vero in *actum secundum* sensationis illius determinatæ nequit exire, nisi divinitus illud organum sensorium restauretur: igitur a pari de *Elasticitate activa* pro diversa aut *solutione* aut *immutatione* texturæ corporum loquendum erit: nempe illa aut minor aut major aut nulla erit, si vel ista *magis* aut *minus* immutetur, aut omnino solvatur &c. & hinc quia in *liquefactione* propter interlabentem in nimia copia materiam alienam non quidem

Sect. II.

penitus structura præfata disrumpitur, attamen valde *disjungitur* & extenuatur, post materiæ præfatae egressum prior rursus Elasticitas redit, id quod in *sectione & comminutione*, in quibus partes omnino *separantur*, fieri nequit: cur ferrum, in spiram Chalybeam transformatum, non amplius exigat debitum *ferrum situm*, ex dictis similiter in causa est introducta per artem major *rigiditas & flexibilitas*, quæ in *ferrum* ordinarie non habetur, adeoque nec est mirandum, quod istam tantum per artem introductam qualemcunque Elasticitati *aptiorem* configurationem restituere conetur, non item priorem *ferrum*: accedit, quod ipsa quoque *figura spiralis*, (cæteris paribus præ aliis figuris virtuti Elasticæ exerendæ longe aptior) sit modo respectu illius laminæ chalybeæ hic & nunc *figura conaturalis*) utpote per accessionem *novarum* particularum tum ignearum tum salinarum de novo introducta) ergo *debitum ferrum situm* hisce stantibus ne quidem repetere potest: neque malleus, incus aut ignis *formaliter* parturiunt hanc vim in chalybe, sed substratum tantummodo *causaliter* præparant per introductionem texturæ Mechanicæ

chanicæ, ut materia tam propria quam etiam aliena interlabens validius compressa magis resistendo, ampliorem vim vivam exerat, & consequenter majorem quoque *Elasticitatem activam* concipiat (CLIII.) cur e diverso in eodem Chalybe per nimiam compressionem pereat nativus Elater, ex dictis pro confirmatione utriusque partis (CLIII. III.) erui potest, nempe id fit ob eandem texturæ solutionem quamdam ex parte convexa, ac etiam de rubigine vim Elasticam impediante cum proportionem dici valet, illa enim pari modo (egrediente sensim per poros aliquantum latiores magna copia materiæ interlabentis igneæ vel aereæ &c.) poros obfidens partes chalybeas quidem *sejungit*, ast, cum debita rigiditate & flexibilitate careat, non ita, quin eadem illæ partes sese facile restituere possint in eam partem, ubi est rubigo: unde ejusmodi corpus mole & volumine augetur, *Elasticitate* vero minuitur.

Inst. Cum eodem. Si reductio tam proportionata viribus comprimentibus aut tendentibus oriretur aut dirigeretur ab *intrinseca* vi nativa, tunc *perfecta* ubique partium restitutio consequeretur, utpote bono corporis Elastici &

Cur non
ubique
perfecta
partium
restitutio
sequatur?

Sect. II.

exigenti virtuti maxime optanda : at-
 qui perfecta ubique restitutio non fit :
 ergo a virtute *nativa* intrinseca non
 oritur. R. D. S. M. Si reductio orire-
 tur *unice* a *sola* intrinseca vi *nativa* C.
 S. M. si *simul* etiam oritur a materia
 propria corporis , & fluido interlaben-
 te, quæ ambo quoad situm mutari, at-
 que in suis partibus lacerari ac solvi
 queunt N. S. M. & C. m. similiter ad
 sensum Majoris D. C. & N. C. Item-
 que *Retorqueo* in *animam rationalem*, aut
 illam *Monadem dominantem*, quæ *vitam*
 in homine constituit (XCVIII.) nam
 si partes *organicæ* notabiliter *mutentur*,
 lædantur, aut *destruantur*, etiam illa-
 rum virtus *nativa* & *vitalis actio* vel
nulla vel *saltem tanta* non est, quam
 si omnia membra & partes in suo or-
 dine & configuratione, a naturæ aucto-
 re introducta, persistant (Metaph. fol.
 855.) vicissim de vi *Elastica activa* lo-
 quendum est, namque inprimis *stru-*
ctura corporis diversimode mutari potest
 a materia tam *propria* quam *aliena*, tum
 etiam ab ambientibus corporibus, tum
 ab ipsarum particularum corruptione,
 evaporatione &c. totidem ergo modis
 Elasticitas Mechanica *immutari* potest :
 pariter si aer aut aliud fluidum potest

ex

ex corpore, quo prius constrictum tenebatur, exire liberius, seque restituere debitæ extensioni, vigor Elasticus ipsius aeris deficit. Ita certe nobiscum loquitur sæpe laudatus Cl. P. Hauser *loc. cit.* §. §. 469. & 471. quorum omnium ratio sufficiens ex dicta analogia reddi potest. Plura in *Diff. seq.* ubi de motu corporum *Elasticorum* sermo erit.

ARTICULUS II.

De gravitate Corporum.

CLVI. **P**Ræfens corporum affectio Difficultas multorum & præstantissimo-circa præ-
rum Philosophorum ingenia usque in sentem
hodiernam diem tam acriter quam fru- materiam.
 stra occupavit exagitavitque, non quidem in quantum ad ejus *phænomena* spectat, utpote quæ sensibus quotidie patent, sed quantum illius *naturam causamque* attinet: *gravitatis naturam* (cum plurimis aliis præclare loquitur doctissimus Boerhavius in *Diff. de Comp. certo*) attigit nemo, tentavere omnes, & cum originem illius plurimi scrutati sint, nullus intellexit! nos ut in materia tam intricata atque perplexa ordinate proceda-

Sect. II.

cedamus, prius vorum quarundam definitiones, deinde gravitatis *Phænomena* potiora, tum circa illius causam *Hypotheses* magis præcipuas, ac denique & nostram ea de re opinionem rursus divinando magis quam definiendo expromemus, ut in simili difficultate in *Art. præc.* diximus (CXLVII.) igitur

Grave.

CLVII. *Grave* dicitur illud corpus, quod sibi relictum veluti sponte sua ad commune aliquod centrum secundum lineam perpendicularem movetur, aut saltem posito quodam obstaculo illuc moveri nititur, ideoque in intermedium quodvis obstaculum premit.

Ita se habet e. g. *lapis*, qui sibi relictus mox in terram cadit, aut si manu sustentetur, in eam premit seu gravitat.

Gravitas.

Quare *gravitas* est illa vis, qua corpora omnino omnia sublunaria (loquimur enim hic tantum de gravitate corporum *sublunarium* non vero *cælestium* seu *superlunarium*) deorsum ad terræ centrum secundum lineam perpendicularem moventur aut moveri nituntur, adeoque duo effectus gravitatis tanquam causæ competunt. 1. *Motus* seu actualis tendentia deorsum.

2. *Nisus ad motum*, qui etiam *gravitatio*

tatio dicitur, atque ab ipsa gravitate, veluti actus secundus a primo, distinguitur. Cæterum gravitas alia est absoluta, alia respectiva seu relativa, aut specifica. Prima est, quæ corpori secundum se præcise spectato convenit: 2da est, quæ corpori uni, ad aliud relato, competit, e. g. auro respectu ligni &c. unde patet, hanc secundam mutari sæpius posse, si nempe vel cum hoc vel cum illo corpore comparatur: illud porro corpus quod in comparatione cum alio minorem habet gravitatem, specificam, dicitur *relative* aut etiam *in individuo leve*: levitas vero absoluta, per quam corpus aliquod sursum moveatur aut moveri nitatur, nulla prorsus invenitur, quandoquidem certis experimentis constat, omnia corpora, etsi in speciem levissima, suo pondere gaudere, e. g. aeris gravitas manifeste deprehenditur in utribus inflatis & aere distentis, qui plus tunc ponderant, quam si sint flaccidi: ignem corporibus ignitis pondus superaddere testatur cum aliis Cl. Boyle: ipsius denique luminis aliqua gravitas ex ejus reflexione colligi potest, itemque ex ejusdem in speculis causticis condensatione &c. Ideo dum ignis, fumus, vapores &c. sursum tendere videntur.

Absoluta
& respectiva.

est IV

Levitas
absoluta
non datur.

subno
corpora

den.

Sect. II.

dentur, id solum contingit ex pressione fluidi gravioris, maxime aeris, illa corpora fursum propellentis, fere ac v. g. aqua injectum lignum specificè levius fursum pellere solet.

Masse.

CLVIII. *Corollarium.* In declaranda corporum gravitate sequentia diligenter distinguere debent. 1. *Massa*, ex qua corpus grave physice coalescit, & quæ sub se continet tum materiam propriam, seu singula minima Physica, tum etiam, ut alii volunt, materiam alienam, hic & nunc in poris hospitantem, e. g. particulas aereas, aqueas &c. quarum singulæ determinata atque specifica sua gravitate gaudent.

Pondus corporis.

2. *Pondus* corporis, quod est ipsa gravitas (ut habet Cl. P. Fort. a Brix. *Phys. gen. p. 2. §. 1486.* ubi corpus grave & ponderosum pro uno eodemque accipit) attamen cum respectu ad multitudinem particularum, ex quibus corpus componitur; nempe cum quævis particula sit gravis, tota quoque earum collectio unum totum atque determinatum corporis pondus constituit. Aut forte, si subtilius loqui velimus, gravitas in sensu *Metaphysico* pro attributo corporis (*Metaph. sol. 73.*) pondus

dus vero *physice*. pro ipsa *massa* gravi-
 tante accipi potest. 3. *Medium* appella- Medium
 tur corpus illud fluidum, per quod
 gravia sibi relicta actu deorsum moven-
 tur, estque vel aer vel aqua &c. 4. *Ob-* Obstatu-
staculum est corpus aut *firmum* aut *flui-* lum
dum (in quo casu ipsum etiam *medium*
 potest esse *obstaculum*) quod *obstare* so-
 let motui deorsum, ita ut vel ex toto
 ille motus fistatur, vel saltem debilitetur.
 5. *Vis* denique sive *causa* gravi- Vis gravi-
 tans, quæ facit, ut corpora vel actu tans
 deorsum moveantur, vel saltem moveri
 nitantur, & hanc quidem nos gravita-
 tem *activam*, pondus vero seu *massam*
 gravitatem *passivam* appellabimus.

CLIX. Aliud plerumque in corpore Centrum
 gravi est *centrum magnitudinis*, aliud magnitu-
 gravitatis, *centrum magnitudinis* est, dinis &
 quod (sicut in circulo Geometrico gravitatis.
 contingit) æqualiter ab extremis parti-
 bus ipsius corporis distat, seu per quod,
 si planum ducatur, corpus in partes
magnitudine æquales dividitur. *Cent-*
rum gravitatis est, per quod ducto
 plano corpus in partes secundum gra-
 vitatem seu *pondus* æquales secatur:
 ambo hæc centra in globo perfecto,
 cujus omnes partes eandem habent gra-

Sect. II.

gravitatem specificam, plane coincidunt; non item si partes in gravitate differant, ut observationes quotidianæ demonstrant: imo respectu annuli homogenei, id est, ex eadem materia confecti, aut respectu globi concavi, centrum gravitatis cadit *extra* corpus, cum debeat concipi in spatio *intermedio* dictorum corporum, ab ipsorum materia *propria* prorsus vacuo & inani.

Linea directionis & Horizontalis.

CLX. *Linea directionis* corporis gravis est linea recta ducta ex centro gravitatis ipsius corporis in illud *punctum universi*, in quod gravia quæque sibi relicta feruntur, hoc est, in *centrum terræ*; nam huc naturaliter tendunt corpora: vel, quoniam omnia gravia moventur in libero descensu secundum rectam plano Horizontali perpendicularem, *linea directionis* cum Cl. P. Fort. a Brix. *Phys: gen. p. 2. §. 1845.* definiri potest, quod sit *recta ducta ex centro gravitatis ipsorum corporum in planum Horizontale, cui corpora illa incumbunt, eique insidens ad perpendicularum*: unde quoties corpora gravia in plano Horizontali novum punctum Physicum pertranseunt, etiam eorum linea directionis mutatur, cum & novo *zenith*,

zenith, seu puncto verticali diverso, continuo substent. Linea *Horizontalis vera* Juxta eundem loc. cit. § §. 1529. & 1530. est ea, *cujus singula puncta a centro terræ æqualiter distant*, sive est *arcus circuli, ex telluris centro descripti*.

Sic linea curva seu arcus A C circuli ex telluris centro D descripti est ipsa

Tab. II.

Fig. 3.

linea *Horizontalis vera*: at *Linea Horizontalis apparens* est recta, quæ *Horizontalem veram uno in puncto tangit*. Ita recta A B, tangens telluris arcum A C in puncto A est talis linea: & quoniam tangens A B in tam amplo globi terraquei circulo, si sit exiguæ magnitudinis (qualis est juxta Wolfium *Elem. Mech.* §. 218. Si 300 pedes Parisienses longitudine non excedat) cum exiguo arcu A C fere coincidit, vel non sensibiliter ab hoc differt, ut Geometræ demonstrant, recta A B potest sine *sensibilis* erroris periculo tanquam *Horizontalis vera* assumi, utut in se sit tantum *apparens*.

CLXI. *Gravitatis Phænomena sunt Phænomena* fere sequentia. I. Corporis cujuslibet ^{na gravi-} gravitas *quantitati materiæ ordinariæ* ^{tatis.} correspondet, ita ut illud corpus sit

A a

altero

P. Oster. *Physic. Pars I.*

Sect. II.

altero *gravius*, quod sub æquali materiae volumine *plus* habet ponderis, illud *levius*, quod *minus* : vel, ut loquitur paulo ante citatus Cl. P. Fortunatus a Brix. §. 1487. duo quævis corpora, si spectentur non longe a terræ superficie, sunt directe inter se quoad pondus, quemadmodum se habent penes densitatem, hoc est, penes quantitatem materiae, quæ ad illorum essentiam intrinsecus spectat : e. g. Si corpus unum sit *densum* ut 4 ; alterum vero ut 6, erit etiam pondus unius ad alterum ut 4 ad 6 : & hæc proportio non mutatur in corporibus, utut superficies aut figura externa mutetur, hinc si massa aliqua auri in se contineat 100 drachmas, massa Mercurii ejusdem voluminis erit ad illam ut $71\frac{1}{2}$, Argenti ut $54\frac{1}{2}$, cupri ut $47\frac{1}{2}$, aurichalci ut 45, ferri, ut 42, stanni communis ut 39, Magnetis, ut 26, Marmoris ut 21, sulphuris ut $12\frac{1}{2}$, Crystalli ut $12\frac{1}{4}$, aquæ ut $5\frac{1}{2}$, vini ut $5\frac{1}{2}$, ceræ ut 5, olei communis ut $4\frac{1}{4}$, teste Muschembroeckio apud Cl. P. Donatum a Transfig. talem nempe ad se invicem proportionem dicunt præfata corpora.

II. Quæcunque gravia sibi relicta linea quoad sensum recta descendunt, ita

ita ut linea directionis lineæ Horizontali apparenti perpendiculariter insistat, vel saltem insistere videatur. Dixi *quoad sensum* ; nam utut in *Systemate Mundi Copernicano* (de quo in *Physica particulari*) *curva* reipsa futura sit linea, quam gravia libere descenduntia describunt, *sensibus* tamen *recta* apparet, prout ipsimet Copernicani fatentur.

III. Omnia corpora, cum libere descendunt, ubique locorum *in terræ centrum*, *physice* ac *sensibiliter* loquendo, recta descendunt ; nam juxta Geometriam omnis linea, quæ ad superficiem *sphæricam* est perpendicularis, pertransit centrum : terræ autem superficies est *sphærica* aut *Sphæroidica* (adeoque saltem *ad sensum* *Sphærica*) & linea recta, quam in libero descensu corpora gravia describunt, ad hanc terræ superficiem juxta innox dicta *perpendicularis* est : ergo pertransit centrum.

IV. Corpora specificè graviora æque ac leviora, si nullum ipsis in descensu occurrat impedimentum, *æquali celeritate* deorsum labuntur. Sic teste Newtono flocculus *lanæ*, & particula *plumbi* ac *auri* sub campana vitrea ab aere

S. A. II.

evacuata intra idem tempus *æqualiter* fundum attingere. Attamen

V. Gravia omnia inter decidendum motum *accelerant*, ita scilicet, ut motus sub finem sit semper *celerior*, quam fuit ab initio, unde & lapis v. g. ex alta turri decidens vim majorem exerit, quam exerere solet, si tantum e fenestra domus decadat. Ast plura de hoc in *Diff. seq.* ubi de *motu gravium* sermo erit.

VI. Gravitas ejusdem corporis non manet omni *tempore* & *loco* eadem, nam 1. teste experientia in *Hæme* pleraque corpora, maxime fluida, majori quam in æstate gravitate prædita sunt. 2. In locis *sublimioribus* idem quoque corpus minus ponderare quam in *vallibus*, Barometri phœnomena declarant, dum nempe Mercurius in tubo Torricelliano inclusus ex altitudine sua consuetæ semper in monte descendit, in valle econtra denuo ascendit, de quo alibi. 3. Quin & in varia ipsius telluris superficie diversa eorundem corporum gravitas observata fuit a Cl. Richerio anno 1672; is enim ex urbe Parisiensi *æquatorem versus* in Cayennam insulam latitudinis 4 grad. 56 minut. ad observationes Astronomicas faci-

faciendas profectus, primus advertit ex stellarum fixarum per Meridianum transitu, horologium suum optimum Parisiis allatum *tardius* moveri, ita ut facta collatione ad motum medium solis differentia singulis diebus esset 2 *minutorum* & 28 *secund.* ut vero istud Phœnomenon accuratius adhuc observaret, pendulum simplex exactissime singulis minutis secundis fecit oscillare per longum tempus; quod quidem pendulum longitudinis 3 *pedum* Parisiensium & 8½ *linearum* (pes regius Parisiensis habet 12 pollices, pollex 12 *lineas*) in Gallias delatum, & cum pendulis Parisiensibus, itidem ad minutum secundum oscillantibus comparatum, deprehendit esse brevius 1½ *lineæ*, aut juxta correctionem Newtoni l. 3. *princ. Math. prop. 20.* 1½ *lineæ*, fuitque necesse, tanto spatio pendulum illud *prolongari*, ut cum pendulis Parisiensibus æqualiter oscillaret. Ita refert Cl. P. Florianus Dalham *Instit. Phys. T. II. Prælect. 13. pag. 143.* id ipsum postea experti sunt alii quoque viri experientissimi, immensis sumptibus & itinerum molestiis, tum ex Anglia tum ex Gallia in orbem vel emissi, vel ex propria sua voluntate profecti,

Sect. II.

ut sunt Hallejus, Varinius & des Hayes, Maupertuis, Clairaut, Camus, Monier, Condamine, Bouguer &c de quibus novissime Cl. PP. Trevoltiensis ad annum 1751. pag. 1098, qui omnes uno ore testantur, pendula quo longius ab æquatore *versus Polos* deferuntur, eo citius oscillare, ideoque ut æquabiliter oscillent, pro varia latitudinis ratione prolongari debere: quo verò a Polis ad æquatorem propius deferuntur, mamente *eadem* longitudine moveri *tardius*, ut proinde necesse sit, pro motu *æquabili* comparando ea abbreviari: porro *gravitates* in corporibus se habent ut *longitudines* penduli, cum teste experientia longiora & graviora pendula tardius; breviora autem & leviora citius oscillent: ergo etiam corpora *versus Polum* delata erunt *graviora*, quam fuerint sub æquatore. Nihilominus

VII., Hoc insuper addendum est observationi immediate præcedenti, quod itidem tam in *minore*, quam in *maiore* distantia ab æquatore longitudo penduli non nunquam debeat esse *æqualis*, imo non raro *major* in *minore* ab æquatore distantia. Ut ex observationibus a Muschembroeckio & Wolfio relatis deducit Cl. P. Mangold *Phys. gen. diss. 2. Sect. 6. §.*

6. §. 299. ex quibus rursum non apparet, corpora in locis, magis ad Polos accedentibus majori semper gravitate pollere; secus enim pendulorum æqualis oscillatio *semper* juxta leges in præcedenti observatione *latas æquabiliter* contingeret.

VIII. Ex Phœnomenis Astronomicis deducunt Recentiores communiter cum Newtono, quod gravitas corporum decrescat *in ratione inversa quadratorum distantiae* a centro terræ, ita, ut si gravitas corporis in distantia $= 1$, a centro terræ fuerit $= 1$; in distantia $= 2$ jam non sit $= 2$, sed tantum $= \frac{1}{4}$, quia (cum quadratum distantiae 2 sit $= 4$, & illa gravitas *in ratione inversa* decrescat) *semper*, ut in fractionibus contingit, prodibit minus de toto, quo plures in partes istud secetur; nam utique minor est una quarta pars totius ($\frac{1}{4}$) quam unum totum integre acceptum (1) e. g. 15 x, tanquam pars quarta floreni, minus valet, quam integer florenus &c. sic autem res se habet, dum gravitas *in ratione inversa quadratorum distantiae* a telluris centro decrescit; adeoque in distantia $= 3$ erit gravitas tantum $= \frac{1}{9}$, in distantia $= 4$ erit $= \frac{1}{16}$, in distantia $= 5$

A a 4

erit

Sect. II.

erit eadem gravitas solum $\propto \frac{1}{r^2}$ & ita porro, id est semper *minor* in distantia *majori*.

IX. Grave insitens alicui fulcro tamdiu *quiescit*, quamdiu linea directionis transit *per basin*; seu per aliquod punctum sustentationis: *cadet* autem, si linea directionis cadat *extra basin*; id quod exinde facile colligitur, si solummodo attendatur ad definitionem *lineæ directionis*, cum hæc talis sit linea, quæ transit *per centrum* gravitatis corporis (CLX.) circa hoc autem centrum partes sunt secundum gravitatem seu pondus *æquales* (CLIX.) ergo si transeat *per basin*, tunc ipsum quoque centrum gravitatis erit *intra basin*, & consequenter una cum centro gravitatis sustentabuntur etiam partes utrinque æquiponderantes; sin autem linea directionis sit *extra basin*, necessario pars illa, quæ in se continet centrum gravitatis, cum præter *dimidium* totius adhuc habeat aliquid *plus*, per hunc suum excessum prævalebit, & alias quoque partes secum connexas trahet deorsum. Ideo 1. Turres etiam non parum inclinatae, si latiore habeant basin, ita ut per eam linea directionis adhuc transeat, a casu sunt securæ. 2. Qui stant recti, aliquid in terra positum

fitum levare nequeunt, nisi pedem alterum vel promoveant, vel retrorsum tendant, ut sic integrum corpus in basi, seu pedibus, consistat immobile.

3. Eadem de causa onus humeris gestantes se antrorsum incurvant, quod etiam gibbosis aut obesis solemne est.

4. Similiter qui situlam aqua plenam, vel aliud quodcunque grave pondus, manu dextra portant, brachium sinistrum in partem sinistram extendunt, ne cadant in partem dextram.

5. Anseres, ad ostium horrei positum limen subeuntes, caput demittunt, non ex metu, ne caput ad superliminare, quod altum supponitur atque remotum, offendant, sed ex eadem causa, qua homines scalam aut montem ascendentes caput antrorsum inclinant, nempe ut lineam directionis intra basin contineant, seseque a casu præservent, & sic de aliis.

X. Corpora solida fluidis immerfa, pro ratione specifica gravitatis hujusce fluidi, in pondere suo decrescunt. Id patet, dum v. g. situlæ aqua plenæ pondus vix sentitur, quamdiu in aqua continetur: tunc autem sentiri rursum ex toto incipit, dum ex aqua foras in aerem extrahitur, & quidem in spe-

Sect. II.

die tantum fere ponderis corpori firmo in fluidum immerso perit, quanti ponderis est volumen aliquod istius fluidi, volumini corporis immersi respondens. Ita Wolfius *Phys. Exper. p. I. c. 6. §. 178.*

Archimedis inventum pro exploranda corporum specifica gravitate.

CLXII. Scholion. Hisce observationibus non inutile mihi visum fuit subjungere inventum Archimedis, quo is specificam corporum gravitatem primus omnium scite non minus exploravit, quam feliciter invenit, tantoque desuper repletus est gaudio, ut sui pæne haud compos nudus e balneo profilerit, identidem ingemitans *Ευρηκα, Ευρηκα, inveni, inveni!* res ita contigit referente Vitruvio l. 9. de Architect. c. 3. Gerg Siciliae Rex aurifabro cuidam certum auri pondus dedit ea lege, ut coronam exinde regiam conficeret: quod ubi praestitit artifex, timebat Gero, ne forte aurifaber aliud quoddam ignobilius metallum auro admiscuerit in ea quantitate, in qua aurum furto subtraxisset, negotium examinis Archimedi commisit: is igitur in detegendae fraudis speculatione defixus, balneumque die quadam ingressus, animadvertit certam aquae massam, massae immersi sui corporis omnino correspon-

den-

dentem ex vasis, in quo aquis immer-
sus fuerat, lateribus continuo effluere :
inde sumpto consilio fraudis detegendæ,
totidem auri libras, a Rege petitas,
in vas illud immisit, quot aurifabro an-
tea traditæ fuerant : aquam dein ex
vase elabentem exacte ponderans, mox-
que reimplento vase, & corona immissa,
cum majorem aquæ molem a corona
quam a puro auro expelli deprehendisset,
evidenter cognovit, quod, licet
aurum purum cum corona ab aurifa-
bro confecta *aquali* gravitate polleret,
quia tamen massa coronæ esset major
quam massa auri, ea ipsa corona non
ex auro puro sed ex admixto alio igno-
biliore & *specificè* leviori metallo, esset
conflata, cum aurum sit omnium me-
tallorum *gravissimum* (CLXI.) Jam

CLXIII. Quantum ad *Hypotheses* de
origine gravitatis corporum spectat, *Hypothe-*
in duas potissimum sententias autho-
res abeunt, 1. Quidam volunt, eam
esse cuilibet corpori *intrinsecam*. 2. Alii
existimant, eam provenire *ab extrinseco* :
recenseamus breviter singulas, aut sal-
tem præcipuas utriusque classis aucto-
rum sententias ! tum vero dicamus
non quidem quid *sit*, sed saltem quid
esse possit gravitas ! Igitur

*Hypothe-
ses de cau-
sa gravita-
tis præci-
pue.*

I. Sen-

Sententia Peripateticorum.

Peripateti-
corum
mens,

CLXIV. Hi communiter cum Aristotele l. 4. de celo text. 2. & 25. docent, *gravia & levia motus quasi fomenta quædam sive principium in se ipsis habere*, nempe propter *formam substantialem* (XXXIX.) quæ *exigat vel motum vel quietem pro diversa natura corporum*, unde fiat, ut quiescant gravia in centro terræ, ignis vero (quem absolute *levem* tenent) moveatur sursum ad centrum suum sub concavo lunæ occupandum &c. præter hanc autem naturam & intrinsecam *gravitatem* admittunt adhuc *impetum* elicitedum seu *qualitatem activam*, quæ sit causa *immediata motus* localis aut saltem *nîsus* deorsum, cum *gravitas* si tantum causa *mediata* & quasi *actus primus*. Huic sententiæ quoad substantiam Veteres quoque Epicurei accedebant, utpote teste Tullio l. 1. de fin. c. 6. & l. de fato c. 11. tenientes, *omnia individua & solida corpora* (atomos intelligebant) *ferri suo deorsum pondere ad lineam, atque hunc naturalem esse omnium corporum motum, sive ipsius individui hanc esse naturam*, ut
pon-

pondere & gravitate moveatur, eamque ipsam esse causam, cur ita ferantur.

Opinio Nevvtoni.

CLXV. Hic tenet, a Deo positam *Newtoni*, esse *legem universalem, materiæ universæ impressam, & in ea a vi aliqua efficiente perpetuo conservatam, quæ solidam ejus substantiam penetret.* Ita *Clarcke*, vir inter *Newtonianos* clarissimus apud *Cl. P. Fort. a Brix. Phys. gen. p. 1. §. 1499.* porro *legem illam & vim efficientem gravitatis Newtonus ipse vocat attractionem (XLVIII.) & magis pro phænomeno quam pro causa seu principio gravitatis habet, ut præter superius dicta (n. cit.) solide quoque demonstrat Cl. P. Hauser Phys. gen. p. 2. q. 8. art. 4. §. 507. & seqq.*

II.

Hypothesis Cartesii.

CLXVI. Iste gravium descensum, *Cartesii*, omniumque corporum sublunarium gravitatem non ab *intrinseco* sed a causa quadam *extrinseca* repetendam esse putat, nempe a *motu Vorticoso materiæ subtilis ac fluidissimæ, æthereæ sive cœlestis*

Sect. II.

stis, globum hunc terraqueum universum ambientis, impetuque celerrimo ab occidente in orientem circa illum rotari abripique solitæ, & terræ simul, aquæ, ac aeris superficiem sua pressione sic continentis, ut omnibus iis corporibus totique mundo terraqueo formam sphaericam, aut sphaericæ proximam tribuat. Vult autem Cartesius p. 4. Princip. n. 25, *per materiam Cælestem non hic intelligi solos globulos secundi Elementi, sed etiam primi iis admixtam, (XLVI.)* & ad ipsam quoque esse referendas illas particulas terrestres, quæ cursum ejus secutæ, cæteris celerius moventur, quales sunt eæ omnes, quæ aerem componunt. Dum ergo materia illa subtilis gravifica per plures vortices circa tellurem motu celerrimo ac fere circulari ab occidente in orientem movetur, inde fit, ut singulæ partes ejusdem materiæ a centro vorticis sui (quod est ipsum terræ centrum Juxta Cartesium) nitantur recedere versus peripheriam, prout generaliter omnia corpora circa centrum aliquod agitata, e. g. lapis aut globulus ferreus in funda circumactus, per lineam rectam a centro recedere conantur, qui conatus *vis centrifuga* dicitur, sicut econtra conatus

natus

natus tendendi ad centrum *vis centripeta* appellari solet. Licet porro omnia corpora, in quocunque materiæ subtilis vortice contenta, conentur unacum ipsa a centro recedere, materia tamen illa cælestis seu ætherea longe majori gaudet vi centrifuga, ideoque ad locum supremum peripheriæ eluctari continuo nititur: qua de causa accidit, ut eadem materia, dum sursum a terra recedit, vorticibus aliis undique obsistentibus, (XLVI.) mutata directione motus, ad telluris superficiem redeat, atque illuc corpora, minus apta ad vim centrifugam concipiendam, impellat, secumque abripiat, & quidem eo fortius, quo illa corpora minus a dicta materia penetrari possunt, ut sunt ea, quæ magis compacta & paucioribus, aut subtilioribus, seu minoribus gracilioribusve poris prædita sunt: e. g. aurum, plumbum &c. Rem illustrat Cl. Purchotius *Phys. p. 1. Sect. 4. c. 10.* exemplo ceræ obsignatoriæ (vulgo Hispannicæ) in pulverem redactæ, & in pelvim aqua plenam injectæ; nam si aqua digito aut bacillo in gyrum agatur, mox quidem illius ceræ particulæ ad vasis latera ferri cernuntur, adeoque majori
nifu

Sect. II.

nifu a vorticis centro recedere conantur quam aqua : quoniam autem ceræ frustula non æque solida sunt, ac in superficiebus aspera, motum suum citius amittunt, quam aquæ particulæ, utpote magis solidæ, fluidæ ac lubricæ : unde cum motus vorticosus in aqua perseverat, ipsiusque partes a centro vorticis propter motum centrifugum magna vi sese proripiunt, ceram ipsam, quæ hoc motu destituta est, in idem centrum reducunt. Aliud Exemplum huic simile profert Cl. LE GRAND celeberrimus inter Cartesianos *Instit. Phil. p. 4. art. 12.* in vase Cylico minutoribus globulis plumbeis repleto, admixtis etiam quibusdam particulis ligneis, in quo vase, circa suum centrum celerrime moto, omnes illæ ligneæ particulæ, minore motu centrifugo agitatae, ab ipsis plumbeis globulis, majore cum impetu a centro sui motus recedere conantibus, versus aquæ centrum propelli videntur. Pariter etiam triticum motu circulari a paleis separari solet : cum nempe majori gravitate ac soliditate polleat, hinc receptum impetum diutius conservat, quam paleæ : unde illud ipsum ad cribri latera undique eluctatur ; paleæ

leæ vero, propter levitatem suam ad motum conservandum minus habiles, ad centrum sive ad medium conflunt. &c.

Systema Gassendi.

CLXVII. Summa Gassendisticæ doctrinæ, vel potius Hypotheseos de origine *gravitatis* apud Cl. P. Fort. a Brix. *Phys. gen. p. 2. §. 1503.* hæc est, gravia scilicet corpora ideo potissimum ac unice deorsum moveri, quia non secus ac magnes ferrum ad se trahit (continuo a terra *attrahantur*; trahi autem a terra, quia ex illius globo quaquaversus secundum lineam rectam (perinde ac lux e corpore lucido) erumpant exilissimæ quædam hamatæ, uncinatæque particulæ seu atomi, cumque ipsa corpora gravia habeant suas anfulas, istis hamulis & uncinulis proportionatas, voluit Gassendus, quod illæ particulæ seu effluvia terrestria in dictas anfulas sese insinuent, ac totas simul corporum moles, in alto positas, velut arripiant, & tum quasi capta præda, ad terram secum reducant. Sicut autem ferrum a magnete

Bb

eo

P. Oster. Physic. Pars. I.

Sect. II.

eo magis trahitur, quo magis huic est propinquum, sic etiam corpora fortius atque velocius ad terram trahi seu moveri putavit, quo telluri propinquiores existunt: per quod *accelerationem motus gravium* (de quo in Diss. seq.) omnium optime explicari posse arbitratus est.

Mens Hobbessii.

Hobbessii.

CLXVIII. Thomas Hobbes in tractatu *de causa gravit. c. 1.* apud Nostrum P. Ferrari pro Hypothesi statuit motum aliquem telluri competentem, quo aerem facilius a se rejiciat, quam cætera quæcunque corpora, sed & insuper pro certo ac demonstrato habuit, nullum in hoc orbe terraqueo locum a corpore vacuum existere, nec viribus naturæ existere posse: Indeque necessitatem descensionis aliorum corporum in centrum terræ sic evinci putat, Nam 1. Rejeto atque e loco suo repulso aeri in mundo pleno necessario succedere debent in ejus locum alia corpora, quæ non ita facile repelli queunt, adeoque gravia in terram descendunt. 2. Hæc ipsa porro gravia in suo descensu novam accipiunt impressionem ab eadem
causa

causa continuata, nempe ab aere, cuius cum una pars ascendit, mox alia in mundo pleno descendit, lapidem v. g. impellens, fere prout contingit, dum v. g. globus lapideus aut plumbeus vasi aquæ stagnantis injectus fundum petit, ubi aqueis particulis e loco suo per globum expulsiis mox novæ succedunt, & globulum deorsum protrudunt.

Sensa Leibnitii, nec non Cl.

du - Hamel.

CLXIX. Primus, ut in *actis Erudito-Leibnitii, rum Lipsiæ* ad annum 1690. Mense Majo pag. 235. refertur, statuit sublunarium corporum gravitatem oriri ex fluidissima quadam substantia seu materia, quæ telluris globum circumambiens, ac veluti nucleum continens, ab illius centro secundum lineam rectam recedere quaquaversus nitatur instar radiorum, a corpore lucido emissorum; indeque fieri putat, ut quævis corpora, illi materiæ velut innatantia, secundum eandem lineam rectam deorsum pellantur non absimili modo, ac de globulo lapideo aut plumbeo aquis immerso, & a columnis aqueis sursum

Sect. II.

a centro recedentibus deorsum propulso, mox dictum est.

& Du-Hamel.

Secundus, id est, Cl. Du-Hamel auctor Philosophiæ Burgund. Tom. 4. tract. 2. diff. 2. cap. 2. de causa gravitatis corporum ita loquitur : ut nihil videtur probabilius, quam gravia deorsum ferri a causa extrinseca & impellente, si nihil explicatu est difficilius, quam modus, quo hæc impulsio perficitur. At si quis ex multis sit eligendus, is mihi potior videtur, qui subtili aeri, terrestria corpora suo pondere prementi & urgenti, motum rerum gravium refert acceptum, undecunque motus ille aut impulsio huic aeri subtili accedat, seu ab ætherea substantia, quæ illum deorsum trudit, seu ab innato pondere. Videlicet existimat satis esse, in abstrusa hacce materia a Physico assignari causam immediatam & proximam, si lateat in fundo naturæ ratio formalis mediata ac ultima : eique in hoc plurimi, imo plerique ex modernis Philosophis plene adstipulantur, gravitatem corporum pressioni aeris, undecunque provenienti, adscribentes, cui sententiæ etiam nos ex parte accedimus, dum conformiter Systemati nostro de primis corporum principiis superius stabilito, tum etiam sententiæ

de

de Elasticitate paulo antea traditæ, sequentes propositiones, aut saltem Hypotheses, ponimus.

PROPOSITIO I.

Gravitas *passiva* seu pondus, per quod singula corpora sunt apta ad motum vel tendentiam deorsum, consistit in ipsa corporis cujuslibet massa seu materia tam constante, quam variabili.

CLXX. **P**ROBATUR ab experientia, Ratio for-
per quam constat 1. Juxta malis gra-
observ. I. (CLXI.) quod corporis cu- vitatis pas-
juslibet gravitas quantitati materiæ cor- sivæ,
respondeat, ita ut illud corpus altero
plus ponderet, quod sub æquali volumi-
ne plus materiæ in se continet: sic e.g.
globulus *aureus*, ejusdem voluminis
cum globulo *ferreo* aut *ligneo*, pondere
utrumque superat, sicut & ferreus ligneo
multum præponderat, & magis præ
isto deorsum movetur in libero aere,
quia istius resistentiam plus devincit.
2. Quod autem præter materiam pro-
priam *constantem* materia quoque *varia-*
bilis gravitatem passivam seu pondus
augere aut diminuere queat, patet ex
Observ. VI. (n. cit.) dum nempe gra-
vitas

Sect. II.

vitas ejusdem corporis non manet omni tempore eadem, proat scilicet *materia variabilis* (eam præcise intelligo, quæ corporum poros replet, estque potissimum *aerea* vel *aquea* aut *ignea*) vel in majore vel in minore copia ingreditur aut egreditur: unde venit, ut *materia constans* (hoc est, illa, quæ *constanter* in eodem corpore sensibili perseverans, ipsum corpus ut plurimum constituit) ex absentia vel præsentia illius *materiæ variabilis*, modo majorem modo minorem massam efficiat, & consequenter vel majorem etiam vel minorem *aptitudinem* ad motum vel tendentiam deorsum in se habeat, sicut v. g. idem ligneus globulus plus utique ponderat tempore pluvio quam sereno, si particulis humidis libera in poros illius ingrediendi via detur: & ex eadem causa pleraque corpora, maxime fluida, in Hyeme majori quam in æstate gravitate prædita sunt &c.



PRO.

PROPOSITIO II.

Gravitas activa seu vis & causa gravitans physice loquendo immediate & proxime oriri videtur a fluido quodam universali ac subtilissimo, totum globum terraqueum ambiente, & singulas cujuslibet corporis moleculas solidas per suum impulsum ad centrum telluris urgente: mediate vero & ultimate hic ipse impulsus venit ab actione Divina. fluido illi superincumbente, eique, *Metaphysice* loquendo, vim activam tribuente.

CLXXI. **P**ROBATUR I. pars. Hoc Et Activa
namque modo gravitatis
Phœnomena (CLXI.) perquam com-
mode explicari possunt; sic

I. *Corporis cujuslibet gravitas quanti-* Gravitas
tati materiæ correspondet, quo plus enim cur sit ma-
materiæ corporibus inest, eo magis *la propor-*
fluidum gravitans in illa agere, vim *tionalis?*
que suam gravificam in plures particu-
las solidas ad centrum terræ repellen-
das distribuere valet, & consequenter
major materiæ quantitas plus etiam
gravitat.

II. *Gravia quæcunque sibi relicta linea* Gravia cur
quoad sensum recta descendant. Nempe linea recta
hoc venit a materia gravitante versus del. ca
centrum terræ, & corpora per lineam dant ?

Sect. II.

rectam illuc repellente , ut ex *sol.* *Obj.* magis patebit.

Cur ad cen-
trum ter-
ræ?

III. Eadem quoque ratio est , cur *quævis* corpora libere descendunt ubique locorum in terræ centrum descendere videantur , quia scilicet illuc materiæ gravitantis nifus tendit , ut paulo post declarabitur.

Cur æquali
celeritate?

IV. Corpora leviora æque ac graviora , si nullum ipsis in descensu occurrat impedimentum , æquali prorsus celeritate deorsum labuntur : nempe cum materiæ deorsum impellenti nil resistat , vim duntaxat massis corporum proportionalem adhibendo , corpus leve per minorem impulsu æque fortiter ad centrum terræ movet , ac grave per majorem impetum : secus vero si medium v. g. aereum corpori leviori resistat ; tunc enim materia gravitans ordinarias tantum vires applicando illius resistentiam non ita vincere potest , prout fit in corpore graviori , ubi massa seu pondus majus ob majorem gravitatem passivam (CLXX.) materiæ gravitanti ad superandum obstaculum ampliores vires addit.

Cur motu
accelera-
to ?

V. Gravia omnia inter decidendum motum accelerant. Id oritur ex novo semper impulsu , quem ad singula spatii inter-

termedii puncta corpori decidenti fluidum gravitans imprimit, cui etiam minor medii, v. g. aeris, resistentia accedit. Porro si novi ac repetiti ejusmodi impulsus abessent, motus gravium deorsum debilitaretur, ac sensim ex medii resistentia omnino cessaret, ut patet ex motu corporis sursum perpendiculariter projecti, qui ex defectu novorum impulsuum demum partim ob pondus corporis, partim ob medium resistens debilitatur, & perit.

VI. *Gravitas ejusdem corporis non mutat omni tempore & loco eadem.* Hujus Phænomeni non una potest assignari causa. Imo quidem *variatio massæ seu materiæ* corporum; si enim numerus particularum materiæ tam *propriæ* & constantis, quam *alienæ* & variabilis mutetur, materiæ quoque gravitantis impulsus & actio in particulas solidas mutari debent. 2do. *Interior corporum structura immutata* materiæ itidem gravitantis actionem immutat; sic enim v. g. dum massa corporis condensata subito rarefit, & poros ampliores accipit, plurimæque particulae solidæ in auras abeunt, fluidum gravitans non amplius in tot particulas premere potest, sed libere absque ullo

Cur gravitas mutetur cum tempore?

Sect. II.

impulsu per poros fluit, & consequenter gravitatem priorem conservare nequit. 3. Quandoque etiam mutatae gravitatis causa *ab extrinseco* peti debet, nempe ab immutata atmosphæra nostra, quæ pro diversitate halituum & effluviorum aut ventorum excitatorum materiæ gravitantis actionem adjuvare seu augere vel etiam impedire sive minuere solet : paritatem capere licet in aere tubo torricelliano incluso, qui pro mutatione sui Elaterii modo magis modo minus elevat Mercurium, de quo plura alibi. 4. Denique non nunquam contingit, ut Mechanica corporum structura & major ad recipientis impulsus gravificos aptitudo, seu *gravitas passiva*, immutetur : indeque & ipsa gravitas activa mutationem subeat necesse est, non secus ac Elasticitas *activa* pereunte Elasticitate *passiva* perit.

Cur diversa sit gravitas in locis æquatori propinquis minus quam versus Polos gravitent, & pendula tardius sub æquatore quam sub Polis oscillent, quidam repetendum esse censent a calore meridionalium regionum (quales sunt omnes sub æquatore jacentes) pendulum prolongante, prout

prout v. g. cernere licet in virga ferrea, quæ si soli æstivo exponatur, longior non nihil redditur, quam sit in hyeme. Alii id adscribunt *siccitati & humiditati aeris*, utpote qui multo purior deprehenditur in regionibus Polo adjacentibus, quam prope æquatorem sitis; in his enim plurimæ dantur marium vastissimorum evaporationes salæ & bituminosæ, quæ aerem reddunt magis humidum, & consequenter pendulorum oscillationes plus impediunt, prout etiam fieri solet in rotis horologiorum, in locis humidis magis retardari solitis, quam in siccis. Alii (Systematis Copernicani defensores) ex *motu diurno terræ*, ad æquatorem, utpote in partibus ab axe remotis, vehementiore, proinde materiam gravitantem repellente desumunt. Alii denique diversæ hujusmodi gravitatis rationem in *terræ versus polos depressionem* rejiciunt, dicentes, quod juxta *sphæroidis* configurationem (qualem figuram terræ attribuunt) corpora versus polos centro sint propiora, ac proinde magis quam in remotiori distantia attrahantur &c. cum autem singulæ hæ conjecturæ suis non careant difficultatibus, ita ut quilibet Philo-

lo-

Sect. II.

Iosophus circa hoc naturæ arcanum, ingenue si loqui velit, ignorantiam suam fateri cogatur, mihi probabilior esse videtur mens Cl. P. Hauser *Phys. part. p. 6. q. 1. art. 3. pag. 49.* tum ex varia telluris structura, tum ex majore vel minore densitate, materiæ heterogeneitate, superficiæ terraquæ alteratione, adeoque ex *omnibus* aut *alternis* hisce enumeratis causis, auctam vel imminutam materiæ gravificæ actionem repetentis.

VII. Hanc nostram conjecturam itidem confirmat observatio VII. nempe quod *una & uniformis* causa diversæ illius gravitatis subesse nequeat; nam alias certo calculo perfecte determinari posset, quanta sit in singulis ab æquatore distantis gravitas aut levitas, cum tamen experientia manifeste repugnet.

Cur gravitas decre-
scat in di-
stantia ma-
jore a
terra?

VIII. *Gravitas corporum decrescit in ratione inversa quadratorum distantiarum a centro terræ.* Ratio physica est, quia quo vicinior terræ corpus aliquod est, eo *altior & amplior* materiæ gravitantis columna eidem incumbit & premit; quo magis vero a centro terræ recedit, eo minor & *brevior* illi columna supereminet, adeoque minus ab

ea

Art. II.

Tab. II.

Fig. IV.

ea premitur, nam distet v. g. corpus M a centro terræ A uno gradu seu quindecim milliaribus germanicis AB, erit fluidi gravifici columna conus truncatus L N E F: attollatur corpus M ad duos gradus a centro seu ad 30 miliaria AC, gravabitur illud a columna seu cono truncato J K O P: si tandem promoveatur idem corpus ad distantiam trium a centro graduum in D, pressionem in illud exercebit columna Q R S T. Adeoque respectu priorum omnium *minima*, & consequenter in distantia $\equiv 3$ a centro terræ premet tantum $\equiv \frac{1}{9}$, quia etiam basis hujus tertiæ columnæ S T ad bases præcedentium columnarum E F & O P se habet solummodo ut una nona pars seu ut $\frac{1}{9}$: in conis autem ejusdem altitudinis, quales hic supponi possunt omnes tres coni ob altitudinem suam prope immensam (unde singuli ipsorum apices L A N, J A K, Q A R ob eorum brevitatem respective minimam negligi queunt) coni se habent uti ipsorum bases, prout Geometria amplius demonstrat: Videatur antea laudatus Cl. P. Haufer *Phys. gen. p. 2. q. 8. art. 7. §. 547.*

IX. Cor-

Sect. II.

De gravi-
tate solido-
rum flui-
dis immer-
forum.

IX. *Corpora solida fluidis immersa, pro ratione specifica gravitatis hujusce fluidi in pondere suo decrescunt.* Pro causa assignari potest vel motus intestinus partium hujusce fluidi, qui motus fluidi gravitantis pressionem *pro ratione celeritatis suæ* non nihil impedit: unde venit, ut ejusmodi corpora fluidis immersa in fluido *spissiore*, v. g. oleo, in quo motus intestinus non est ita acceleratus, minus ponderis deperdant, quam si immergantur fluido *subtiliori*, v. g. aquæ, in qua motus intestinus est concitator. Ita Cl. P. Donatus *Phys. gen. pag. 37.* Vel potest hæc ipsa major solidorum immersio majori gravitati *passivæ*, quæ venit a textura compactiore & difficilius a fluido gravitante penetrabili, absolute adscribi; cum enim oleum pluribus meatibus pervium sit, quam aqua, plures materiæ gravificæ particulae per illius meatus sive poros transeunt, ipsumque adeo minus quam aquam comprimendo levius efficiunt, & consequenter istud solido immerso magis cedit quam illa. Ex eadem causa texturæ compactioris aut rarioris etiam venit, ut unum corpus levius alteri graviori supernatet, quia scilicet gravitati ejusmodi *passivæ* diversæ gravitas *activa* diversa

versa correspondet, minor nempe aut major pressio fluidi superincumbentis : ideoque in tubo vitreo, ubi *petroleum*, *spiritus vini*, *oleum tartari*, & *vitrum* Tab. II. in tenuissimum pulverem comminu- Fig. 5. tum continentur, *quatuor Elementa* vulgaria exhiberi possunt ; unumquodque enim illorum corporum suum locum quærit, prout magis vel minus a fluido gravitante deorsum urgetur : sic 1. Vitrum in pulverem contusum infimum locum A occupans *terram* repræsentat. 2. Huic supereminens oleum tartari *aquam* in B : 3. Isti superincumbens spiritus vini in C *aerem* : 4. Summum denique locum tenens petreolum in D *ignem* refert.

CLXXII. PROBATUR II. *pars*, nempe quod *ultimate materiae* gravitantis *impulsus* proveniat ab *actione Divina*, fluidi illi superincumbente, eique, *Metaphysice* loquendo, *vim activam* tribuente ; quorum enim ultimate ac melius in hocce naturæ profundo Christianus Philosophus confugiat, nisi ad eum, qui omnia in numero, pondere, & mensura a principio constituit, quique est *natura naturans*, *causa prima* & *motor primus* immobilis ? sane turpe non est

Materia
gravitans
vim acti-
vam ulti-
mate a Deo
accepit.

Sect. II.

est ad creatorem in iis confugere, quæ ex prima ac sola creantis voluntate processere, prout in hac, sicut & in omnibus aliis materiis, *ultimate* loqui debemus, cum nulla res sibi ipsi suum esse *physicum* dederit, sed potius ab eo, qui est *naturæ auctor*, acceperit : plane igitur cum Cl. Antonio Gen. *Met. p. 1. §. 80.* loqui fas mihi sit : *dum animo meo obversatur ingens illa massa fluida, quam sub rerum initium Deus creavit, & ex qua mundum conformavit ; simulque spiritus ille Jehovæ (Dei) qui incumbat aquis, id est, fluido (Genes. 1.) si recte accipio, videre mihi videor totum illud fluidum Divina vi, & vi ζωτικής (vitali) ut Chrysostomus eleganter habet, undequaque premi, ut scilicet hoc modo globus noster terraqueus in suo robore, figura & soliditate constans perseveret : & hoc modo etiam dici potest, quod Deus Pater usque modo operetur, item quod tribus digitis appendat orbem terrarum &c. hac ergo actione superincumbente fluidum illud subtilissimum vires accipit, ut, licet *abintrinscco* grave non sit, *vim tamen vivam* (si subtilius, id est, *Metaphysice* loqui velimus) exserat, & *actu* in omnia corpora sibi occurrentia gravitet per suum motum seu impul-*

impulsum illis impensum; quo *vis mortua*, seu *gravitas passiva* eorundem corporum, excitatur, pariterque in *vim vivam* abit, (LXXX.) mediante videlicet fluido illo subtilissimo hoc modo *vi activa* prædito.

NEC DICAS. *Vis activa* concessa Solvitur
est a Deo singulis corporibus (LXXV:) Instantia.
ergo non est opus adstruere distinctam
materiam gravitantem, *vi activa* præ-
ditam, sed potius dici debet, hanc
gravitandi potentiam *activam* ipsis cor-
poribus *immediate* a Deo esse datam
sine alio fluido intermedio. Nam *con-*
tra est, 1. D. A. Et ibi locuti sumus
Metaphysice C. A. *Physice*. N. A. ideo-
que 2. Aliter adhuc D. A. Et illa *vis*
activa, *Metaphysice* accepta, venit a
materia corporum præcise spectata. N.
A. venit a forma substantiali *sub Dist.*
& hæc ipsa rursus forma substantialis,
gravitatem singulis corporibus actu tri-
buens, *physice* consistit in meris sub-
stantiis simplicibus activis (LXXXIII.
& LXXXVI.) ejusmodi fluidum sub-
tilissimum gravitans constituentibus,
singulasque materiæ inertis particulas
pro diverso gradu passivæ gravitatis

C c

deor-

P. Oster. Physic. Pars I.

Sect. II.

deorsum prementibus C. A. fecus N. A. & C. supra jam monuimus (XIV.) distinctionem esse faciendam inter modum res physicas explicandi *Metaphysicum* & *Physicum* : huic itaque conformiter dici potest, quod utique *vis activa* Metaphysice sumpta pro forma substantiali seu *principio activo* omni omnino corpori insit, adeoque etiam *principium activum nitendi deorsum* singulis substantiis materialibus in dicto sensu competat (LXXXVI.) fere sicut v. g. principium activum *rationandi* singulis hominibus inest tanquam attributum Metaphysicum : at vero *physice* discurrendo, sicut actualis & physica hominis, *qua hominis*, rationatio ab organis corporeis, cerebro maxime, ita dependet, ut sine iis fieri nullatenus possit (Metaph. fol. 855.) ita & actualis gravitatio, seu *vis viva gravitandi*, conformiter experienciis & observationibus allatis, non nisi a materia subtilissima, ad pressionem deorsum a Deo expedita, immediate & proxime desumenda nobis esse videtur, prout & paulo ante *Elasticitatem* corporum *activam* per materiam interfluentem *physice* explicavimus (CLIII.) & in hoc sensu præcise sumenda sunt, quæ superius de prima classe

classe activæ potentiæ allata sunt (LXXXVI.) unde & in hac parte circa explicationem *formæ substantialis* cum Peripateticis non convenimus, cum nos gravitatem activam (eodem fere modo ac Elasticitatem) tanquam singulorum corporum materialium *formam substantialem* physice a substantiis simplicibus, *extrinsece* accurrentibus ac prementibus, quasi a *materia aliena* repetamus; secus ac illi faciunt. (XXXIX.) nempe pro phænomenis insolitis declarandis vitio neutiquam vertendum est Philosopho, si dum vera causa in naturæ profundo adhuc delitescit, ad insolitam non nihil Hypothesin confugiat; dummodo per hanc ipsam effectus & phænomena ad propositam questionem spectantia *faciliter, simpliciter ac uniformiter* declarari possint (Log. sol. 439.) prout hic ex dictis & adhuc dicendis patebit: in aliis tamen materiis (exceptis forte *Magnetismo, Electricitate*, & paucis aliis, de quibus suo loco) regula illa superius tradita (LXXXVI.) in suo vigore permanet, nullamque exceptionem patitur, sed ubique Monas dominans, tanquam forma substantialis & *natura* corporum *intrinsece* materiæ inerti unitur, atque

Sect. II.

identificatur. Sic autem & ipsi quoque Peripatetici præter formam substantialem in quibusdam corporum phænomenis declarandis confugere solent ad *Sympathiam*, *Anti-pathiam*, aliasque occultas *qualitates* aut potius *talitates*, ceu totidem præsumptuosa ignorantiae asyla, per quæ nemo fit doctior, cum præter inanem verborum sonum nihil reale in responsis accipiat: quidni ergo & nobis in materia hac intricatissima quamdam a communi regula exceptionem indulgere velint? quodsi renuant, dicam cum ipsis, gravitatem esse *revera qualitatem* (talitatem) cuilibet corpori *intrinsece superadditam*, per quam illud deorsum tendat: sed quaeso! an non hæc responsio cum illa coincidit, qua v. g. homo physicae eruditionis expers diceret: *Es ist halt ein solches Ding, est TALE ENS, per quod corpus gravitat?* hæc autem si Philosopho digna vocetur responsio, sane levissimo brachio evadet quilibet in Philosophum!

Gravitas
non est
corporibus
intrinseca.

CLXXIII. *Corollarium 1.* Gravitas igitur, *physice ac realiter* loquendo nequit dici corporibus *intrinseca*, prout veteres Peripatetici docuere unacum Epicureis (CLXIV.) nam I. Dantur

cor-

corpora, quæ non tendunt deorsum *ad centrum terræ*, sed ad alia centra, nempe ad lunam, ad solem, & alios planetas (cum quilibet planeta sua gaudeat atmosphæra, extra quam corpora inibi detenta non egrediuntur, sed potius ad soliditatem conservandam ex omni parte centrum petunt) ergo corpus *ut corpus* ab intrinseco est plane *indifferens* ad hanc vel illam *directionem* : consequenter & *nifus* seu *motus deorsum*, in quo consistit *gravitas activa* (CLVIII.) non est eidem *intrinsece* ac determinate debitus; alias quippe foret *necessarius* ac *uniformis*. II. Corpus in omni loco *quiescit*, eique perinde est, sive in hoc sive in illo collocetur (cum *spatium negativum*, in quo *locus* consistit, sit sibi perpetuo & ubique *uniforme*) at si *gravitas* eidem foret *intrinseca*, necessario peteret continuo ad centrum terræ, nec alibi, nisi *violenter*, quiesceret, &, cum foret causa *necessaria*, seu *naturalis*, ipsum quoque impetum in se *necessario* produceret, & semper actu deorsum moveretur. III. *Gravitas* ejusdem corporis non manet in omni loco eadem, sed *versus Polos* & *æquatorem* immutatur, utut eadem sit corporis massa; Item-

Sect. II.

que *minuitur*, quo magis corpus a terra remotum, & *augetur*, quo terræ propius existit (Juxta *observ.* VI. VII. & VIII.) manente semper eadem individi corporis essentia: rursus diversis & accurate institutis experimentis constat, quod *comminutione* & *calcinatione*, per radios solares ope speculi caustici procurata, *gravitas* ejusdem corporis notabiliter augeatur, utut *massa* seu materiae quantitas sensibiliber non augeatur. Sic teste Cl. P. de Lanis *tom. 3. Magist. l. 25. c. 1.* plumbum integrum 12 scrupulorum $1\frac{1}{2}$ granorum in pulveres redactum non nisi 4 scrupulos & 8 grana ponderavit: sed & chalybs 8 scrupulorum & 10 granorum solummodo 2 scrupul. & 2 gran. in pondere post comminutionem habuit: econtra lignum e quercu $19\frac{1}{2}$ granorum facta comminutione 1 scrupul. cum 2 granis ponderabat: pariter & antimonium crudum aliæque mineræ, sicut & sulphur, prout idem expertus est, quo diutius in foco speculi caustici calcinantur, eo semper graviora fiunt, nulla tamen itidem accessione partium, sed *nova* tantum earundem *textura*, qua præcise fit, ut vel particulæ in corpore magis dissolvantur, & sic *fluido gravitanti*

fanti liberio rem transitum concedant, vel e diverso magis coeant ac concentrentur, sicque actioni materiae gravitantis melius applicentur: Item fieri etiam potest, ut ex massa corporis *insensibiles* quaedam molecule in auras evolent, aut e contra ex aere nonnullae particulae heterogeneae, per calorem dissolutae, in corpus calcinatum decidant, quae prius ab aere libero sustentabantur: hisce ergo causis in enumeratis phaenomenis decrementum aut incrementum gravitatis, licet massa corporis sensibilibus non mutetur, adscribi verisimilius potest ac debet, non autem gravitati *intrinsecae*, utpote quae ubique *stabilis* ac *uniformis* esse deberet.

CLXXIV. *Corollarium II.* Neque Nec bene dicitur lex universalis aut attractio. gravitas activa bene a Newtonianis explicatur, dicendo, eam esse *legem universalem*, materiae universae imprefam, aut *attractionem* &c. (CLXV.) haec enim loquendi ratio gravitatem cum Peripateticis non minus in numero *qualitatum occultarum* constituit, hoc est, entium illorum, quae sufficiente ratione destituuntur, cur subjecto insint, vel saltem inesse possint, & quorum proin nulla fingi potest ratio, nisi

Sect. II.

voluntas Divina : at cum nihil prorsus in rerum natura *contingenter* existat, quod non habeat *rationem* sui *sufficientem* (*Metaph. fol. 24.*) profecto ejusmodi qualitas occulta phylice inter *non entia* habenda est, & consequenter etiam illa Newtonianorum *lex universalis*, seu *Attractio*. Equidem certissimum est, adesse revera in rerum natura quamdam *legem*, vi cujus omnia corpora gravia deorsum tendant : at ulterius quæritur, quidnam *physice* sit illa *lex*, & quomodo a parte rei contingat, seu per quid actu fiat illa *attractio* ? nec alia rursus nisi *Metaphysica* datur responsio : Es ist halt ein Ding ! æque ac si dicerem ad quæstionem : *quid est anima in homine* ? quod sit *lex aliqua*, vi cujus homo vivit, & *rationaliter operatur* ; cum utique præter hanc *legem* in homine detur *physice principium*, realiter a corpore distinctum : ergo & hujus tendentiæ deorsum assignari *physice* ac realiter debet aliquod ab hac universali lege distinctum *principium*. Adde, quod ipsemet Newtonus eam solummodo ut *phenomenon* aut *effectum* admiserit, non item pro *causa* gravitatis activæ assignaverit. (CLXV.) nos autem hic cum

Phy-

Physicis causam inquirimus. Plura nihilominus de mutua corporum quorundam *attractione* suis locis adhuc dicentur.

CLXXV. Corollarium III. Corporum gravitas activa item nequit adscribi *vorticoso liquidæ substantiæ motui circa telluris globum*, ut docuit Cartesius (CLXVI.) Nam *I.* admissa etiam illa paritate, quam affert de cera Hispanica Cl. Purchotius, declarari nihilominus nequit, cur singula corpora gravia sensibilibiter *ad centrum terræ* descendere nitantur? cum enim juxta Cartesium materia subtilis vorticosè moveatur ab occasu in ortum per circulos æquatori parallelos, & per hos subjecta corpora vi centrifuga detru-dat, profecto ista corpora non versus *unicum* terræ centrum; sed ad *varia* puncta in axe telluris posita descendunt, quia & ipsi circuli, qui æquatori paralleli inter utrumque polum concipi possunt, non habent *unicum* tantum centrum in medio terræ, sed singulis circulis aliud in axe telluris centrum correspondet, prout in subjecta figura **Tab. II.** videre licet, in qua axis mundi denotatur per A B: centrum terræ per C: æquator per D E: circuli æquatori
C c 5 paral-

Nec in vorticoso liquidæ substantiæ motu consistit.

Fig. 6.

Sect. II.

paralleli per F G, H I, K L, M N, O P, Q R : eorum centra per c c c c c c, nempe corpora gravia hic descendere debent non solum ex D in C, sed & ex F in c, H in c, k in c &c. adeoque perpendiculariter ad axem terræ A B, quod experientiae repugnat (Juxta *observ. III.*) II. Cum materia subtilis majori longe celeritate vorticali ex D in C ob majorem circuitum feratur, quam ex K in c, aut ex M in c &c. versus æquatorein D E motus gravium major continuo foret; ac versus Polos O P, Q R. quod iterum falsum est. (Juxta *observ. VI.*) IV. Quinimo languidior ille materiae subtilis motus versus Polos O P, Q R. ne quidem corpora gravia ita impellere posset, ut eadem cum velocitate ex K versus c aut ex O versus c descenderent, ac ex D versus C decidunt.

Nec in hamatis Gassendi particulis.

CLXXVI. *Corollarium IV.* Neque per hamatas Gassendi particulas corporum gravitas rite explicatur. Nam I. si revera illæ particulæ instar magnetis se haberent, tunc, sicut in Magnete per interpositionem corporum, ita & supra terram æquali modo gravitas corporum debilitari posset. II. Sicut Magnes ad

ad certam tantum distantiam effluvia sua emittere, & ferrum attrahere valet, sic & terra non posset suas uncinatas particulas v. g. ad Lunam usque propagare, & tali modo corpora ibi non *gravitarent*, quod est contra experientiam. III. Hamatæ ejusmodi particulae, e terra egredientes, & in corpora gravia incurrentes, num in solidas corporum *partes* impingunt, numve *poros* subeunt? si *primum*, tunc sane corpora gravia non tam adducuntur in terram, quam sursum propelluntur. Si *2dum*, tunc neque attrahuntur praedicta corpora neque retrahuntur, fere sicut navis v. g. pro velo habens expansum rete ab incurrente vento nec ante- nec retro- pelli solet, eoquod ventus navi incumbens nullum a reti patiatur resistantiam. IV. Denique uncinata haec Gassendi effluvia deberent utique leviora corpora citius quam gravia ad terram propellere, cum facilius levia attrahantur, quam gravia, cui tamen rursus experientia contradicit (Juxta *observ. IV.*) nil dicam, prorsus imperceptibile esse, a quo effluvia illa a terra promanantia continuo moneantur, ut cum praeda sua
undi-

Art II.

undique arrepta, nempe cum gravi corpore, in terram revertantur? &c.

Nec in vi repulsiva aeris, hujusque pressione. CLXXVII. *Corollarium V.* Nec pro vera ac genuina & Physica gravitatis causa admitti potest *motus quidam telluri competens*, quo aerem facilius a se rejiciat, quam cætera quæcunque corpora &c. ut statuit Hobbesius (CLXXVIII.) nam terræ *vis illa repulsiva*, qua, aerem pellendo, cæteris corporibus viam deorsum aperiat (ut alia cuncta omittam) æque ac *attractio* Newtoni, potius Phænomenon & effectus quam causa dicenda est; quæritur enim, per quid realiter & physice terra repellat a se aerem? si dicatur: per certas quasdam particulas e tellure emanantes? redeunt difficultates, contra Systema Gassendi mox allatæ. Cæterum quod rejecto aeri necessario succedant alia corpora in loca ab ipso derelicta, utique a nemine in dubium vocatur, ast quæritur denuo: unde seu a qua causa Physica corpora gravia sic deorsum pellantur, cum tamen *ex natura sua* ad omnem locum sint indifferentia? & si per aerem prementem fiat: instauratur eadem quæstio: unde aer suam gravitatem aut vim prementem habeat? &c.

CLXXVIII.

CLXXVIII. *Corollarium VI.* Utut Materia cum Leibnitio circa gravitatem activam quoad *substantiam* convenimus, in modo tamen, quo illa substantia gravitans motum suum in corpora subjecta exercet, adhuc differimus: is quippe docet, quod fluidum subtile gravitans terram ambiens *ab hujus centro secundum lineam rectam recedere* quaquaversus nitatur. Ast non explicat Leibnitius I. Unde materia hæc subtilissima hanc ipsam *vim* a centro telluris recedendi, seu *levitatem* absolutam habeat? II. Motus iste concitatissimus fluidi gravitantis, a centro telluris retrocedere conantis, corpora gravia ad terram minime propelleret, sed potius sursum ageret, fere sicut aqueæ bullulæ v. g. per tubulum rectum sursum profilientes globulum ligneum orificio impositum elevare non deprimere solent. &c.

CLXXIX. *Corollarium VII.* Nec denique cum aliis defendi satis valet, gravitatem activam corporum physice oriri a *pressione aeris vel ætheris*, motum suum per lineas rectas dirigente a *Peripheria universi ad commune centrum*; Nam I. quod *aerem* spectat, præterquam quod de illo ipso probari debeat, undenam

Neque
movetur a
Peripheria
versus cen-
trum uni-
versi.

Sect. II.

denam Physice maximam suam *gravitatem* (de qua alibi) habeat? experimentum sane notissimum est, quod in recipiente exhausto, quantum fieri potest, omni aere, corpora singula *velocius* in terram decidant, quam in aere libero: ergo *aer* nequit dici *causa* nisi deorsum in corporibus, cum potius sit *impedimentum*. II, Quantum vero ad *ætherem*: si (prout hodie plausibiliter fit, ut in *Physica Partic.* dicemus) Systema Mundi Copernicanum admitatur, eidemque conformiter asseratur, terram circa solem, tanquam universi centrum, moveri, profecto sustineri nequit, substantiæ æthereæ motum a Peripheria *in terram* perpendicularem existere, uti tamen communiter observamus (Juxta *observ.* III.) Neque satis explicari valet, cur fluidum premens a Peripheria mundi ad centrum commune debeat corpora versus centrum propellere, cum tamen alia fluida v. g. aer & aqua, quæ pariter versus centrum telluris premunt, alia corpora, (v. g. aer fumum & vapores, aqua naves &c.) non moveant alio motu, quam repellente a centro, ut bene observat Cl. P. Dalham *tom. II. Prælect.* 13. Sect. I. denique vel fluidum æthereum

reum tantum usque ad terræ *superficiem*, vel usque ad terræ *centrum*, vel *ultra hoc* moveretur? si *primum*: sequeretur, quod corpora in terræ cavernis contenta *gravia* non forent, quod tamen verum non est. Si *2dum*, tunc ob concurrentes ibi & reagentes æquis viribus alias columnas æthereas, ex terræ Peripheria radiorum in morem ad punctum commune confluentes, daretur æquilibrium, omnisque fluidi ætherei motus sisteretur, quod rursus implicat. Si *3tium*: tunc, cum in opposito hemisphærio, æque ac in nostro, materia subtilis flueret, plane corpora vi eadem sursum in nostro hemisphærio a materia subtili alterius hemisphærii, ultra centrum terræ ad nos permeantis, qua deorsum ab eadem materia in nostro hemisphærio existente, pellerentur, adeoque denuo daretur status & consistentia motus, ipsaque corpora *gravia* in medio aere aut atmosphæra manerent suspensa. Cæterum quomodo a nobis fluidi gravitantis subtilissimi motus declaretur? mox patebit.

SOLV. OBJ.

Deus soli CLXXX. **O**B. I. Non est major ratio, fluido subtilissimo cur Deus in sensu Physico vim premendi deorsum immediate concessit. fluido illi subtilissimo ambienti vim activam premendi deorsum *immediate* concesserit, & non simul aliis quoque corporibus, gravitate passiva præditis: ergo & istis actu eandem concessit. p. A. in singulis corporibus inest *natura* tanquam *principium motus*: ergo. R. I. D. A. si loquamur absolute, ac *de possibili*, hoc est, de eo, quod Deus potuisset facere, Tr. A. si loquamur in Hypothesi, & pro *defacto*, sive de eo, quod a Deo actu factum fuisse per *experimenta* novimus, & per *rationem* eruimus, N. A. & C. sicut prudentis non est urgere rationem, cur Deus non *eandem* omnino vim dederit e. g. soli, igni, & Magneti &c. ? aut cur non omnia individua simul ab initio creaverit? item cur Adamum & Evam non prorsus *ex nihilo*, aut saltem non ex *una* ambos materia efformaverit? ita & in nostra Hypothesi similem quæstionem proponere æquum non judicamus, quandoquidem, sicut ibi, ita & hic *tota ratio factorum est voluntas facientis Dei*, qui teste Psalmista omnia, *quæcunque voluit, fecit*:

fecit : nec ei quisquam dicere valet :
cur ita facis : quod autem sic fecerit,
 præter superius dicta (CLXXIII.)
 confirmant hæc duo experimentis &
 rationi inixa adagia : *omne, quod mo-*
vetur, ab alio movetur, & : omne cor-
pus est ad motum & quietem indifferens.
 Hinc R. 2. *inverto argumentum* : Deus
 ne quidem materiæ huic subtilissimæ
 gravitanti (reduplicative ut *materia* est)
 vim activam *intrinsecam* physice loquen-
 do concessit, sed ab *extrinseco* tantum
 (mediante scilicet actione sua Divina
 illi superincumbente) activam gravi-
 tatem superaddidit : ergo aliis quoque
 corporibus vim activam ad motum &
 tendentiam deorsum solum *ab extrinseco*
 donavit, mediante videlicet pressione
fluidi subtilissimi, quod de se & *ex in-*
trinseca natura sua (præscindendo sci-
 licet ab actione Divina) æque indif-
 ferens ad omnem locum & motum
 existit, sicut præfata corpora, & con-
 sequenter nulli omnino corpori con-
 venit gravitas *activa intrinseca*, utut iis
 attribui possit gravitas *passiva intrinseca*,
 eoquod massa seu structura & textura
 corpori cuilibet in individuo spectato
intrinsece competat, (LXX.) in eaque

D d

gra-

P. Oster. Physic. Pars I.

Seq. II.

gravitas *passiva* fundetur (CLXX.) ad *prob.* videatur *instantia* superius jam soluta (CLXXII.) Item *retorqueo* in ignem, cujus *natura* videtur esse motus *fursum* (prout Peripatetici diutissime credidere) & tamen certissimis experimentis constat, & suo loco dicitur, eum esse *gravem*, solumque ideo *fursum* tendere, quia continuo a fluido graviore, scilicet ab aere *fursum* truditur, fere sicut lignum a columnis aqueis constanter elevari solet: ergo & ad alia corpora constanter deorsum propellenda Creatoris fini, simul & universi totius ordini, naturæque corporum gravium explendæ, sufficit principium corporibus *extrinsecum*. CONF. *nifus continuus* & *nifus temporaneus*, v.g. globo deorsum aut *fursum* propellendo a vi extrinseca manus e.g. impressus, *accidentaliter* tantum, nempè sola *duratione*, differunt: ergo sicut *nifus temporaneus* oriri valet a causa *extrinseca*, globoso corpori superveniente, sic etiam *nifus continuus* similiter excitari potest a causa *extrinseca* qualicunque. Id patet ex isto quoque exemplo: aer utut *continuo supereminet* aquis, nemo tamen exinde inferre præsumit, quod in aere sit constans
prin-

principium nativum tendendi sursum : ergo & in aliis corporibus *stabilis* nifus deorsum non est sufficiens, ut ex eo inferatur nativum seu *intrinsecum* gravitatis *principium*.

Inst. 1. Deus in natura *simpliciter* ac *uniformiter* agit : at in nostra Hypothesi tollitur ista simplicitas & agendi uniformitas, dum nempe fluidum nostrum subtilissimum *immediate* ; alia vero corpora solummodo *mediate* per illud gravitatem suam activam exerunt : ergo nostra Hypothesis nequit admitti. R. N. m. quin potius tali modo perfecta *simplicitas* & agendi *uniformitas* in natura magis promovetur, eo quod tali modo detur *subordinatio* perfectissima causarum motus, ac demum integra earundem consistentia & *status* in uno hocce fluido subtilissimo, ex natura sua ad omnes omnium corporum meatus penetrandos, & solidas eorum particulas comprimendas maxime accommodato, & ubique præsenti ac constanter applicabili, ita ut verissimum sit : *omne, quod movetur, ab alio movetur*, nec non & illud : *in causis secundis non datur processus in infinitum* : est igitur hocce fluidum inter causas secundas revera unica *simplex* & *uniformis*.

Est per hoc in natura simpliciter, & uniformiter agit.

Sect. II.

mis causa gravitatis, a qua omnes aliæ massæ creatæ suum pondus & nisum tendendi deorsum accipiunt, fere sicut Adam inter omnes homines primus fuit, a quo omnes alii homines *simpliciter* ac *uniformiter*, hoc est, in *similitudinem naturæ* processerunt. Porro sicut Adam (eo ipso, quod inter homines *primus* fuerit) initium habere non potuit ex *homine*, sed ex Deo immediate ipsum creante, sic & fluidum nostrum gravitans subtilissimum vim suam activam non ex alia materia gravitante, sed immediate ex actione Divina superincumbente accepisse dicendum est. (CLXXII.)

Nec motus ignis sursum, nec aliorum corporum deorsum violentus est.

Inst. 2. Si nullum corpus *ex natura sua* sursum aut deorsum tendit, tunc profecto motus ille ignis, quo naturaliter supra aerem elevatur, dici debet *violentus*, utpote ab impulsu extrinseco aeris causatus, & hoc ipsum pariter de omnibus motibus *deorsum* affirmandum erit: atqui hoc non: ergo. R. N. seq. M. quamvis enim motus aliquis a principio extrinseco proveniat, nihilominus dici potest *naturalis*, si per eum lex, finis & inclinatio naturæ, prout illam Deus defacto ordi-

ordinavit, obtineatur, quemadmodum v. g. ille violentiam nullam patitur, qui rheda ad locum quempiam *destinatum* devehitur. Ita antea citatus Cl. P. Dalham : sic autem fit in nostra Hypothesi : ergo &c.

OB. 2. Materia nostra subtilis gra- Materiæ
gravitanti
motus cir-
cularis
competit.
vitans vel dirigit motum suum a cen-
tro terræ *sursum*, vel *deorsum* ? num
vero movetur *per circulos* ? non *immum*
(CLXXVIII.) nec *adum* (CLXXIX.)
nec *3tium*, tum quia diversi ejusmodi
circuli diversa habent centra, adeoque
non omnia corpora *versus centrum terræ*
caderent, tum quia ob circulorum *ver-*
sus Polos decrefcentiam gravitas quo-
que ibidem decrefceret, ac *minor* foret,
quod utrumque est contra experien-
tiam : ergo, cum ista Hypothesis non
salvet Phænomena, nequit admitti tan-
quam *legitima*. (Log. fol. 439.) R. cum
Wolfio *Phys. germ. c. 3. §. 96.* quod
motu perniciosissimo ac pene incredibili
in circulis, qui per centrum telluris
tranfeunt, *maximis* gyretur, uti con-
formiter superius dictis (CLXVI.)
solide demonstrare videtur experimen-
tum Hugenii, ab eodem citati. Adim-
plevit is vitrum Cylindricum, cujus
diameter 8 vel 10, altitudo 4 vel 5

Sect. II.

circiter digitorum, aqua limpidissima, eique frustula quædam ceræ Hispanicæ injecit, atque operculo optime munit, ac orbi plano affixum ope machinæ celeriter in orbem egit: ubi, cum fundus esset planus & ab omni scabritie vacuus, frustula ceræ primo versus peripheriam recedebant: postquam vero aqua tali modo unacum vase in *motu circulari* aliquamdiu perduraverat, subito motum cohibuit vitri Hugenius, quo facto aqua circulationes suas continuans, frustula ceræ Hispanicæ *versus centrum* fundi cuncta propellebat: cum ergo hic cera versus centrum fundi moveatur (infert citatus Wolfius,) debet aliquid adesse, a quo talem motum accipiat: nihil vero adest ceram commovens præter aquam: erga aqua in circulos circumacta ceram simili motu destitutam, & in fundo quiescentem, revera ad centrum fundi sic propellit: adeoque clare ac manifeste eruitur, quod materia fluida *motu circulari* circa suum centrum agitata, alia corpora inertia ac minori motu prædita, ad idem centrum detrudat. Supponantur jam in locum *aquæ* fluidum gravitans, in locum *ceræ Hispanicæ* terrestria corpora,

ac

ac denique in locum *fundi* in vase vitreo circulus centrum telluris dissecans, profecto captu facillimum erit, ac plane ad oculum patebit, quod singula corpora terrestria a fluido gravitante versus terræ centrum moveri debeant. Caeterum quomodo hic motus *circularis* in materia gravitante perpetuo conservari possit ac soleat? pergit idem Wolfius, nunc non inquirimus: sufficit causas *proximas* agnosci, etsi latent *remotiores*, in iis nempe *ultimate* denuo ad supremum machinæ terrestris artificem Deum confugere decet Philosophum Christianum (CLXXII.) Jam ad *prob. Nego 1 membr. Antec.* & dico, quod reverà omnes & diversi materiæ gravificæ circuli *idem* omnino terræ centrum habeant; nam quia per experientiam notum est, quod omnia corpora a dicta materia illuc versus propellantur (sere ac cera Hispanica versus centrum fundi abripitur) id vero cum fieri nequeat, si materia gravitans per totum circulum maximum versus *unum* tantum determinatum latus, v. g. ab Occidente in Orientem moveatur, ut voluit Cartesius (CLXVI.) Ideo cum sæpe laudatis Hugenio & Wolfio dici debet, quod motus fluidi

Sect. II.

gravitantis circularis non sit ubique *versus unam* eandemque regionem terræ, sed quod potius *in omne latus*, id est *dextrorsum, sinistrorsum &c.* per circulos maximos, idem centrum commune habentes, dirigatur: Id quod etiam sine ulla *perturbatione* fieri potest, si considerentur summa ejusdem materiæ gravificæ *subtilitas, velocitas, & (quoad se) omnis gravitatis expers levitas.* Analogiam porro habemus in propagatione *luminis*; nam v. g. plurimæ in diversis collibus, certo intervallo a se distantibus, accensæ faces lumen suum circulare ita in regionem circumiacentem spargunt, ut in oculum spectatoris, *in uno* quodam regionis *puncto* constitutum, radii luminosi ex omnibus facibus sine ulla *confusione* incurrant: ergo etiam, & quidem multo facilius, in propagatione materiæ gravitantis subtilissimæ accidere potest, ut omnes illius circuli, per quos actio gravifica dirigatur, in unum commune centrum desinant, & illuc universa gravitatio diffundatur. Consequenter neque 2. *membr. Antec.* subsistit; nam similiter in nostra Hypothesi circuli maximi gravitantis materiæ versus *Polos non decrescunt*, eo ipso, quod habeant

beant *idem* commune centrum cum aliis circulis maximis penes æquatorem : ideoque etiam ex hac parte utrobique eadem gravitas foret, nisi aliæ causæ intervenirent. (CLXXI.)

OB. 3. Vel materia subtilis *gravitans* est ipsa materia, in qua *lumen* consistit ? vel est quid a *lumine* distinctum ? si *immutabile*, tunc, cum de nocte corpora sint *gravia*, etiam de nocte habebitur *lumen* : Item quia *lumen* motu *rectilineo* propagatur, etiam materia subtilis *gravitans* eundem motum habebit, quod est contra mox dicta. Si *2dum* : tunc sane entia seu materiæ multiplicantur absque necessitate : Itemque una materia fluida alteram in motu impedit &c. quæ rursus dici nequeunt : ergo. R. ad quæstionem hanc difficillimam, probabiliter dicendum esse, quod materia subtilis *gravitans* a materia *luminis* (quæ juxta inferius dicenda in *motu rectilineo materiæ æthereæ* consistit) multum differat tum propter allegatas rationes ; tum vel maxime quia materia *luminis* nec ex natura sua, nec ex vi extrinseca a Deo accepta, per se *deorsum* tendit, adeoque neque *gravis* est ut illa, prout & experimenta

Fluidum gravitans differt a materia luminis.

Sect. II.

testantur, sed instar aliorum corporum ad motum & quietem plane *indifferens* existit, solumque a corporibus igneis, *sole* præcipue, diversam determinationem quomodocunque accipit: econtra materia gravitans ex vi activa sibi a Deo communicata unice *ad centrum terræ* tendit &c. ut saltem *a posteriori* arguere licet; nam *a priori* hic vel maxime nobis fatendum est, quod fundum artis suæ nobis in hac vita patefcere omnipotens rerum opifex non voluerit, qui, ut sæpe jam monuimus, ab initio temporis *omnia in numero, pondere, & mensura constituit*. Interim sufficit, quod nostra materiæ gravificæ Hypothesis & *naturæ corporum* (quæ ex se naturaliter *perseverant in statu motus vel quietis, in quo sunt, nisi viribus impressis cogantur statum illum mutare*, ut commune axioma dicit) & rerum sensibilibum Phænomenis (CLXXI.) conveniat, quamvis *ultima ejus essentia* nobis adhuc sit incognita. Hinc ad *probat*. Nego *primum membr. Antec.* allatæ enim rationes probant, quod entia neutiqam multiplicemus *absque necessitate*: in omni autem Philosophia licitum est etiam Hypothesin Hypothesi superaddere, si gravis ratio idipsum

psum suadeat, & exigat. *2dum mem-*
brum Antec. Dist. una materia fluida
 alteram impedit, si utraque sit *gravis*
 & *crassa*, C. A. si una tantum sit *gra-*
vis; altera vero (nempe materia *lu-*
minis) nec sit *gravis* nec *levis*, ac in-
 super utraque sit *subtilissima*, uti est in
 nostra Hypothesi, N. A. & C. analo-
 gia rursus defumi potest ex diversis
 v. g. candelarum accensarum lumini-
 bus, ad unum aliquod punctum, ubi
 oculus spectatoris consistit, absque sui
 perturbatione radiantibus, propter in-
 credibilem materiæ luminosæ *subtili-*
tatem: unde hic *sensus* nostri crassiores
 corrigi debent per *rationem*. Cæte-
 rum an differentia materiæ luminosæ
 a materia gravitante sit *specifica* &
essentialis, an vero tantum *individualis*
 & *accidentalis*? nolim divinare, ne in
 subtilitates Metaphysicas tanquam in
 scyllam incidam, charybdim in Physica
 evitare cupiens, & memor illius:
nescire velle, quæ Magister maximus do-
cere non vult, erudita inscitia est.

OB. 4. Materia gravitans ad exspli- **Corpora a**
 candum motum acceleratum (CLXXI. V.) **materia**
 debet esse per totam atmosphæram no- **gravitante**
 stram diffusa: atqui hoc non: ergo. p. m. **ad centrum**
 nam tali modo si materiæ gravitantis **terræ pro-**
 columna **pellī pos-**
 sunt.

Sect. II.

columna superior subiecta corpora deorsum premeret, inferior ejusdem materiae gravificae columna resisteret : ergo corpora terrestria ab ea non possent *ad centrum telluris* propelli. R. N. m. ad prob. D. A. & hoc contingeret, si materia gravitans haberet motum *rectilinum* Tr. A. dum habet motum *circularem*. N. A. & C. nam contrarium prorsus evincit experimentum Hugonii, paulo ante adductum. Dein etsi fluidum gravificum motu etiam *rectilineo* deorsum tenderet, tenet nihilominus Cl. P. Hauser *Phys. gen. p. 2. fol. 358.* quod in ea quoque Hypothesi corpora terrestria *ad centrum telluris* abripi possent : quoniam, inquit, materiae gravitanti in telluris vicinia permiscetur atmosphaera, *heterogeneis* plena particulis, & actio gravifica in conglobationem terrae *distrahitur*, aut reactio ordinata intercipitur, verisimile fit, materiam gravitantem, lapidi e. g. subiectam minore vi agere fursum, proin praevalebit columna superior fluidi gravifici, &c. satis nunc de materia hac intricatissima!

SECTIO

SECTIO III.

De transpiratione, seu effluviis Corporum.

CLXXXI. Explicatis iis corporum naturalium proprietatibus, quæ ad *quietem* (Log. sol. 88.) spectant, ad eas nunc declarandas gradum facimus, quæ per *motum* (loc. cit.) e quolibet corpore naturali effluunt, *Effluvia*, ideoque vulgo *effluvia* nuncupantur, & sunt particulæ subtilissimæ materiæ corporum cohærentis atque *constantis*, quæ motu continuo materiæ subtilis *gravitantis* ac *æthereæ* separantur ac in auras abeunt, ut sunt v. g. *halitus aquosi* ex aqua calefacta erumpentes. Hisce affines existunt sic dicti *vapores*, & *Vapores* qui sunt particulæ ex materia cohærente *variabili* abeuntes; e. g. si lignum humidum moderato calori exponatur, aqueæ particulæ in ligno humido latentes avolare solent. Communiter tamen *effluvia* & *vapores* promiscue habentur pro Synonymis, & duplici via in quolibet corpore deprehenduntur, nempe vel immediate per *sensus*, vel *mediate per ratiocinium*, dum ex mutata

PROPOSITIO I.

Omnia Corpora solida sua diffundunt effluvia.

CLXXXIII. PROBATUR Variis observationibus & experimentis, quæ habentur de metallis, omnium corporum solidissimis. I. Magnetis effluvia copiosa prodiit ejus virtus ferri attractiva, de qua suo loco. II. Quod sulphureæ & salinæ particulæ decedant e saxis, petris, & metallis, in visceribus terræ contentis, ibique per motum perturbatum sensim flammæ concipiant, patet ex terræ motibus, & ignibus tempore motuum terræ sæpius e tellure erumpentibus. III. Idipsum demonstrant montes Vulcani *Æthna*, *Vesuvius* & *Heckla*, magnam picis & sulphuris copiam ex metallis intra se latentibus eructantes, totasque regiones per sua effluvia ignita devastantes, uti novissime anno præsentis 1763 experta est amænissima Siciliæ provincia *demonia* dicta, dum die 9 Julii Mons *Æthna* horrendo cum fragore fatiscens, sulphureum torrentem (quem Itali *Lava* vocant) circiter 30 pedibus latum & 16 pedibus altum effuderat, qui per multos dies fluens

Sect. III.

fluens ad multa milliaria igneam mortem omnibus in via sibi occurrentibus afferebat.

IV. *Ferrum*, *Crystalli* & *vitru* manibus artificum tractata iisdem odorem quemdam ingratum conciliant. V. Similiter ii, qui in metalli fodinis laborant, diversis coloribus & noxiis vaporibus passim inficiuntur: Itemque frustum *ferri* aut *cupri*, linguae impositum, & ore aliquamdiu retentum salivam sapore, haud dubie e corpusculis inde avulsis causato, imbuunt: imo etiam cibi in vasis *cupreis* decocti edentibus valde nocivos esse experientia testatur, ob particulas e cupro mediante ignis actione abrasas, & manducantium stomachis unacum cibis inferri solitas. VI. Ob eandem causam, nempe propter avulsa *effluvia*, aquae in vase *plumbeo* destillatae turbidas reddunt aquas omnes; non item, si in vitro destillantur: nec magis quam *plumbum* ad alias quasdam destillandas conferunt cucurbitae *aureae*, *argenteae*, *aereae*, aut *flammo* obductae. VII. Aqua in terrae abdomine fluens solo transitu per *mineras metallicas*, eorum metallorum, quae allambit, particulas secum vehens, naturam suam quodammodo mutat,

mutat, & in *aquas acidulas minerales* convertitur. VIII. Ipsum denique *aurum*, licet vulgo habeatur pro incorruptibili, igni sufficienter admotum, *levius* evadit & distorquetur, adeoque *effluvia* emittit: nec minus in memoriis *Academiae Parisiensis* refertur ad annum 1702, tam *argentum* quam *aurum* ope speculi caustici in vitrum coloris violacei transmutatum esse, partem vero reliquam in fumum abiisse.

PROPOSITIO II.

Etiam Corpora liquida suis gaudent effluviis.

CLXXXIV. PROBATUR. I. Quod in *fluidis*
aqua largos halitus continuo emittat, instituta a diversis experimenta satis evincunt; ex his enim constat, quod ex vase prismatico *aqua* repleto, & in conclavi, nec solis radiis nec ventis pervio, collocato, singulis mensibus determinata quaedam facta sit *evaporatio*, minima quidem in mense Decembri granorum 646, maxima vero in mense Julio 2335 granorum, ac demum universam totius
 E e anni

P. Ofter. Phys. Part I.

Sect. III.

anni summam fuisse tradunt 16292 gran. consentiunt quoque experimenta Muschembroeckii &c. II. Testantur id ipsum *fluvii*, hyberno tempore in glaciem abituri, ubi tantam vaporum & halituum copiam visibiliter emittunt, ut eo tempore rivi & loca palustria *fumantia* conspiciantur. III. Effluvia *spiritus vinitum* vulgaris tum rectificati, nec non *cerevisiæ*, *vini*, *lactis* & *aceti* inde colliguntur, quia hi liquores, in calefacto non multum conclavi positi, de pondere suo amisisse deprehensi sunt duo grana; alii quidem citius, alii vero tardius; singuli tamen intra tempus duabus horis minus. IV. Quod *aqua*, in poris corporum diversissimorum latens, evaporet, ex eo clare patescit, quod ligna, spongiæ, montes, & loca palustria, redeunte præsertim post pluviam serenitate, *humiditate* suam sensim amittant: sicut & murorum recens exstructorum cæmentum calore ingruente exsiccat. IV. *Mercurius*, qui etiam inter *fluida* reputatur, si calore intenso urgeatur, pariter in halitus abit. V. *Oleum anisi*, aliaque *olea fragrantia*, utut *sensibiliter* non evaporent, *insensibilia* tamen effluvia plurima in auras a se continuo emitti, odore

odore suo testantur : indeque etiam ad
oleum commune, aliaque liquida cum
 summa probabilitate argumentari licet
 per quamdam analogiam. &c.

PROPOSITIO III.

Corpora quoque vegetabilia conti-
 nuos halitus in auras emittunt.

CLXXXV. PROBATUR. I. *Vites*, In Vegeta-
 dum florent, suavissimi bilibus,

odoris effluvia exhalant, quæ Cl. P. de
Lanis Mag. nat. & art. tom. 2. l. 2. c.
1. n. 128. colligere, & in liquores, ad-
 versus oculorum inflammationes & alia
 eorum vitia maxime utiles, condensare
 sequenti modo docet : uvæ racemi,
 viti integre adhærentes, dum uva flo-
 ret, vitreis phialis per earum collum
 immittantur : tum os earundem cera
 obturetur, & ipsæ phialæ funiculo
 mediante vitis palmiti alligentur, ne
 earum pondere racemi a vite divellan-
 tur : hac ratione post septem vel octo
 dierum spatium non parva limpidi li-
 quoris quantitas in phiala congregabi-
 tur. II. *Rosa*, *Lilium* alique flores,
 diverso odore sæcundi, eadem effluvia
 produnt. III. Si accensi sulphuris fumo

E e 2

rosa

Sect. III.

rosa *purpurea* inficiatur, exhalationes ejusmodi sulphuræ, particularum rofacearum texturam immutando, faciunt, ut lux solis incidens aliam nanciscatur reflexionem, sicque *album & flavescentem* colorem exhibeat. IV. *Majoranæ* effluvium odoriferum copiosum, in nares attractum, ad capitis dolores sedandos plurimum juvat. V. *Ruta*, si per 24 horas aqua maceretur, eademque lectus, ubi cimices stabulantur, humectetur, suis effluviis lectum ab hisce animalculis prorsus liberat, teste Cl. P. de Lanis apud Cl. P. Walser in *Synopsi Pract.* pag. 12. sufficit etiam, ut lecti tabulæ eadem aqua tingantur. Idem quoque contra *pulices* remedium esse tenet præfatus Cl. Auctor, si ea ipsa aqua cubiculi pavimentum aspergatur. VI. Teste eodem, si succo foliorum *cucurbitæ* equus made fiat, nulla muscarum ad ipsum accedere, eumque molestiis afficere audebit. VII. *Croco* denique copiosam transpirationem competere, ut idem refert pag. 10. agaso quidam apud Pifaurienses expertus est, qui, cum super duabus croci sarcinulis dormisset, eanocte obiit: nimius etiam illius usus risum immoderatum causare dicitur.

PRO-

PROPOSITIO IV.

Animalia pariter singula determinatam halituum nubem spargunt.

CLXXXVI. PROBATUR. In *homine* Et anima- nempe & *brutis* (quæ libus.

in *animalitate generice*, & quidem juxta Scotistas *adæquate* conveniunt) de hyeme sensibiles notantur halitus & vapores, ex ore maxime egredientes: nec minus & in æstate halitus humani vitra & specula humida reddunt. Quinimo juxta Medicos, præsertim D. Dodart & Sanctorium apud citatum Cl. P. Walser pag. 9. natura animalis exiguum partem alimentorum convertit in substantiam aliti, ita ut in homine, juxta accurate examinata experimenta, ex octo libris alimenti intra 24 horas acceptis, insensibilis transpiratione 5 libras disperdat, potissimum si somnus quietus capiatur; quia tunc per calorem pori corporis aperiuntur: unde etiam post somnum homo ordinarie est *levior* solito tribus circiter libris, & corpora quoque temperata in æstate leviora sunt quam in hyeme tribus itidem libris circiter.

ARTICULUS II.

Quænam sint affectiones peculiare
effluviorum ?

Effluvia
sequuntur
naturam
corporum,
a quibus
oriuntur.

CLXXXVII. ANtequam affectiones effluvi-
orum *particulares*
ordine consideremus, prævie ac in ge-
nere asserendum est, quod omnes va-
pores & halitus propriam ac determina-
tam naturam illorum corporum, a quibus
avelluntur, præferant, aut saltem mul-
tas eorundem proprietates. Id patet ex
quotidianis observationibus ; nam 1. *Aqua* in halitus abiens, & denuo col-
lecta, manet aqua. 2. Fumi *Mercuriales*, exiguae *stanni* molecule, flores
sulphuris, exhalationes *gamboræ* &
resinarum &c. fontis sui indolem odore
& sapore sequuntur. 3. Diversi *sales*
in aqua simul liquefacti saporum pari-
ter diversitatem retinent. 4. Olea item
essentialia e vegetabilibus extracta (quæ
re ipsa sunt meri halitus, in alembico
in liquorem coeuntes) uti *oleum cinnamomi*
& *oleum absinthii* &c. sapore a
fontibus suæ originis non differunt ;
id ipsum ergo per analogiam de aliis
quoque singulorum corporum effluviis
probabilissime dici potest. Jam quan-
tum

tum ad proprietates *peculiares*, hæ potissimum sunt sequentes.

Prima affectio peculiaris effluviorum.

CLXXXVIII. *Quædam corpora per* Effluvia-
plures annos emittunt continuos halitus, rum sum-
quin tamen eorum moles & pondus sensi- ma quan-
biliter minuatur. Ejusmodi exempla titas,
 allata sunt superius (CXXVI.) item &
 in articulo præcedenti. Id autem fieri
 potest ac solet, tum quia jacturam eo-
 rum halituum, qui ex certis corpori-
 bus abeunt, refarciunt alii similes, per
 aerem dispersi, vel ex aliis corporibus
 effluentes, & suæ speciei corpora qua-
 dam veluti circulatione permeantes
 (prout in effluviis *Magneticis & Ele-*
ctricis contingere verosimillimum est)
 tum etiam quia pro effluviis foras erum-
 pentibus intus fumuntur alimenta no-
 va, illorum vices exacte suppleantia,
 prout in *homine & brutis* accidit.

Secunda affectio.

CLXXXIX. *Quorundam corporum ha-* Agunt in
litus ad magnam ac pæne incredibilem di- magnam
stantiam propagantur. Nam I. *Effluvia* distantiam.
venenata, morbos causantia, per trans-

lationem seu motum in exterarum etiam regiones diffunduntur. II. Corvi *pulveris pyrii* & vultures *cataverum* odores ad notabilem distantiam persentiunt. III. *Cerevisia* non bene custodita tempestate fulminante subito quandoque acescere incipit, haud dubie propter sulphureos halitus, e nubibus, ubi fulmen accenditur, decidentes. IV. Regio illa, quæ *cinnamomum* gignit, Ceylon dicta, odorem gratissimum illuc navigantibus, etiam adverso vento, per multa milliaria obvertit. V. At omnium plane mirissimum est, quod *vina Hispanica*, in Angliam asportata, eo tempore, quo uvæ in Hispania florent, etiam in Anglia doliis inclusa turbentur, & effervescent, videantur dicta in *Metaphysica fol. 536. item fol. 522. & seqq.* plura itidem inferius.

Tertia affectio.

**Summa
eorum ce-
leritas.**

CXC. *Halituum plerorumque propagatio fit summa cum celeritate.* Id omnium maxime liquet ex effluviis *Electricis & Magneticis*, nec minus ex halitibus *venenatis*, in momento viscera pervadentibus, & animal e medio tollentibus; sic enim v. g. notum est, non pau-

paucos ex litteris aut aliis donis acceptis, & veneno illitis, absque mora diem supremum obiisse. Odores quoque in phialis conclusi aperto orificio qua data porta ruunt, & nares vellunt. Istius vero *citissimæ* propagationis causæ possunt esse 1. *Motus aeris* concitior isthæc effluvia secum asportantis. 2. *Subita quædam effervescencia* aut *raritas* corporis, dicta effluvia cum quadam violentia a se propulsantis: prout pulvis pyrius igne concepto fumum ac fætorem longe lateque dispergit. 3. Si ob *continuum* evaporationem halitus antecedentes a posterioribus semper semperque urgeantur; unde & fumus e.g. ex thure aut Juniperis accensus, quo *copiosius* emanat, eo *citius* odoratur.

Quarta affectio.

CXCI. Quidam vapores per aera dispersi ad certa corpora affluunt, iisque tanta copia sese insinuant, ut eorum pondus sensibiliter augeant. Sic I. In Historia Acad. Paris. refertur, asserem ex pinu Sylvestri, ante focum ad impediendos fumos positum, successive tantam resinæ, ex evaporationibus ligno-

Faciunt ad
augenda
aliena cor-
pora.

Sect. III.

rum accensorum collectæ, copiam destillasse, ut ejus pondus gravitatem ipsius ordinariam quinquies excederet. II. Cl. Graffius posuit in vitreo vasculo 697 grana *olei vitrioli* in loco, soli & ventis pervio, acprehendit, post 70 horas 92 grana accessisse. III. Cl. Boyle pondus *tartari calcinati* unius libræ, per deliquium in oleum resoluti, in loco humido collocavit, illudque post aliquod tempus duabus libris auctum apprehendit. IV. Communiter denique notum est, quod *sal igne tostus*, *sal tartari*, & *sales Alkalici*, sicut & *caput mortuum*, vapores & halitus cum notabili ponderis incremento imbibant. Similiter quod *funes* & *asserres* januarum & fenestrarum tempore pluvio multum intumescant, adeoque & pondere augeantur, quotidiana observatione notari solet.

Quinta affectio.

Stupenda
effluvio-
rum in
agendo
efficacia.

CXCII. *Vaporum & halituum a corporibus diversis emanantium diversa est, & quandoque stupenda in agendo vis.* Nam I. Quorundam corporum halitus, si misceantur mutuo, *nubeculam calentem* excitant, ut si v. g. duæ phialæ apertæ ejus-

ejusdem magnitudinis, in quarum una continetur spiritus *salis Ammoniaci*, in altera vero *spiritus nitri*, juxta se invicem collocentur, ita ut halitus utriusque liquoris in aere concurrant; thermometer enim in loco mutui concursus, applicatum calorem ibi exortum ex vehementi spirituum collisione satis indicat. II. *Sal Ammoniacus & sal cornu cervi* cum oleo vel spiritu vitrioli, aut cum aqua forti, vel cum aceto destillato mixti frigidam econtra effervescentiam progignunt, halitus tamen ipsi, durante hac effervescentia exorti quodammodo calent, ut ex thermometris bene constructis, & tam mixturæ, quam surgentibus halitibus immerfis, colligi datur. III. *Spiritus nitri* cum aquæ portione commixtus calidum vaporem cum aliquo fragore (*detonationem Chymici appellant*) in auras emittit: pariter *spiritus salis* sesquiuncia infusa semiunciæ limaturæ ferri, in ampulla vitrea contentæ, fermentationem primo excitat, tum etiam per ampullæ column fumum erumpere facit, cui si candela adhibeatur, flammam concipit: ac denique fragor non modicus subsequitur, ita ut ipsa etiam ampulla non nunquam in frustra dissiliat. IV. Halitus

Sect. III.

tus pariter ex *oleo dulci vitrioli* exurgentes facillime ignem concipiunt, teste Cl. P. Kircherō, qui cum vas a retorta, in qua ejusmodi compositum erat, removeret, & accensam candelam laboratorio inferret, halitus illi in flammam subito abiēre, totusque aer in cubiculo contentus igneus apparuit, ita ut etiam crines capitis ipsius ustulari inciperent.

V. Si *oleum vitrioli*, *aqua*, & *ferri limatura* in ampulla vitrea commisceantur, primo calor oritur: tum vero plurimi albescentes halitus per aquam ascendentes vim expansivam aeris ibi latentis excitant, tandemque efficiunt, ut ampulla ingenti cum fragore rumpatur: quodsi ampullæ orificium digito tantisper obturetur, donec halitus concentrentur, iisque digito non nihil remoto aditus aperiatur, ut in flammam alicujus candelæ incurrere queant, mox inflammatio oritur, quæ instar fulguris cum fragore in ampullam irruit: fin autem non parva ejusmodi mixturæ copia in terra defodiatur, ex ea primo intumescēte, tum vero satiscēte, accensi halitus instar flammæ luculentæ per terræ rimas erumpere solent.

VI. *Carbones petraē seu fossiles*, ut in *transactionibus Anglicanis* refer-

refertur, vapores itidem sulphureos spargunt, qui admoto igne continuo accenduntur, & cum ingenti fragore, qualis ab exploso tormento venire consuevit, e fodina irruunt, quo casu non raro accidit, ut ingens adstantibus hominibus nocumentum, ac etiam mors violenta contingat. VII. De *carbonibus* accensis vulgaribus quam virulentus ascendat halitus, quantaque iisdem insit virtus, Jovinianus Imperator suo damno ac vitæ impendio didicit, cum in ejusmodi cubili, in quod accensi carbones de nocte illati sunt, in itinere domiens, de mane inventus est mortuus. Experti sunt & alii, qui a damno Joviniani sapere non docti, carbones in camera, in qua dormire solebant, de nocte reponentes, convulsiones vehementissimas & membrorum exagitationes nacti, totique extra se rapti, horrendum clamare, & sic ægre tandem ope accurrentium a suffocatione indemnes servati sunt, prout ipsemet de ejusmodi tristi casu, quo alius quidam in præsentissimum vitæ discrimen adductus fuit, probe adhuc memini. VIII. Cel. Medicus Hoffmannus eventum plane mirabilem refert, qui sub ejus oculis anno 1698 Zellerfeldæ,

Sect. III.

feldæ, nobili urbe Brunsvicensi, in pharmacopæo accidit. Nempe vas illud destillatorium, quod *retortam* vocant, balsamo sulphuris antea repletum, cum nimio igne urgeretur, vehementi cum fragore in frustra dissiliit, & Juvenis, qui in atrio stabat, parieti allisus; alter vero januæ atrii proximus humi prostratus fuit: culinæ quoque fenestræ fractæ, cellæ vinariæ janua, itemque alia, quæ e cella in laboratorium ducebat, referata; & prima quidem unacum ollis quibusdam & aliis culinæ vasis in atrium eiecta, alterius autem sera sat firma evulsa, aliâ denique janua cujusdam cubiculi aperta, in eoque vasa marina diversa in terram dejecta sunt, aliis intermediis vasis omnino illæsis. Næ isti effectus stupendam *fulminis* vim suo modo adumbrant! IX. *Tinctura sulphuris*, confecta ex calce viva, sulphure & sale Ammoniaco, ope Effluviorum eundem, quem *atramentum Sympatheticum* (CXXXV.) effectum præstare valet; nam si phialæ vitreæ includatur, ejusque orificio imponatur charta, cui quidpiam atramento, litteras legibiles non reddente, inscriptum sit, sæpius complicata & involuta; mox enim ex dicto

dicto orificio prius obturato sed postea aperto albicantes fumi ascendunt, sicque post 10 circiter minuta halitus ille omnia folia pervadit, & latentes litteras reddit legibiles. Omitto alias adhuc observationes & experimenta hinc inde commemoranda. Cæterum virtus ista effluviorum stupenda potissimum quidem in ipsa eorundem *natura intrinseca* fundari videtur: eam tamen summopere adjuvat, intendit, & augeat mira illorum *subtilitas*, qua fit, ut intimos solidissimorum corporum meatus aperiant ac penetrent: huic adde incredibilem motus *velocitatem* & *impetum*, quo vel maxime utuntur effluvia fulminea ad effectus rarissimos producendos: nec parum etiam confert *diversitas figuræ*, quæ habetur tam in *effluviis* quam in *poris* corporum (CXXXV.)

CXCIII. *Corollarium.* Ex dictis tam in hoc, quam in præcedenti articulo, satis liquet, quod atmosphæra nostra omnis generis effluviis ac innumerabilibus halitibus referta esse debeat, qui undique ex corporibus super terram positis, animalibus scilicet, vegetabilibus, & mixtis tum solidis tum liquidis, in altum levantur, ac etiam ex mine- Atmosphæra nostræ constitutio.

Sect. IV.

mineris subterraneis, ope ignis ibi latentis, in regionem superiorem ascendant, & varia *Meteora*, de quibus in *Physica* particulari, efficiunt. His accedit universitas aquarum in oceano, in tot fluviis, lacubus, stagnis, locisque humidis existens, atque incredibilem vaporum, & halituum copiam indefinenter eructans. Nil dicam de immensa fumorum copia, qui in omnibus totius habitatae telluris partibus ex innumeris corporibus incensis & combustis sursum tolluntur &c.

SECTIO IV.

De Rarefactione, condensatione, soliditate & fluiditate.

ARTICULUS I.

De Rarefactione & condensatione.

CXCIV. Inter proprietates corporis naturalis, quæ ad *posituram* seu situm & *configurationem* (Log. fol. 88.) reduci possunt, minime postremæ sunt, quas hic pertractandas sumimus, quæque diversis Peripateticorum & Neo-

Neotericorum sententiis jam pridem ut plurimum inclaruerunt. Porro ut ordinate ac solide procedamus, sequentes in utraque schola civitate donatas præmittimus definitiones.

CXCV. *Volumen* est ipsa corporis *Volumen*, *magnitudo*, tripliciter mensurabilis, vel & *massa*, ut alii dicunt, est *spatium a corpore occupatum*, & extima illius superficie comprehensum. *Massa* autem est ipsa materia corporis *propria*) non connumerata *aliena*, si proprie loqui velimus) determinato & specifico suo *pondere* gaudens; hinc illud corpus, quod sub eodem volumine, seu sub eadem *magnitudine*, plus habet *materiæ propriæ*, plus quoque *massæ* habere dicendum est. Sic v. g. pes cubicus *auri*, aut *ferri*, idem quidem cum pede cubico *aquæ* vel *ligni volumen*, non vero eandem *massam* seu *pondus* habet; nam aurum & ferrum *plus ponderant* quam aqua & lignum, adeoque minor *massa* v. g. requiritur ad libram *auri* quam ad libram *ligni*: econtra majus *volumen* est in libra *ligni*, quam in libra *auri*, ut oculis manifestum apparet.

F f

CXCVI.

P. Oster. Physic. Pars. I.

Rarum &
densum.

CXCVI. *Rarum* dicitur illud corpus, quod sub magnis dimensionibus (seu sub magno *volumine*) habet parum materiae seu *massæ* : e contra *densum*, quod sub parvis dimensionibus (seu sub parvo volumine) habet multum materiae seu *massæ*. Sic aqua & lignum respectu auri & ferri sunt corpora *rara*; aurum vero & ferrum *densa*. Item eadem aqua in lebetæ ignis exposita intumescit, & fit *rara* : sin autem ab igne removeatur, prius volumen suum repetit, & *condensatur*, respective loquendo, nempe respectu prioris status, in quo per ignem *rarefiebat*. Inde facile cognoscitur, quid sit *absolute* aut *relative* rarum & densum ? Cæterum *rarum* proprie non vocatur illud corpus, quod in unam tantum partem, v. g. in longitudinem se extendit, ut *chorda* ; sicut nec *densum* appellatur illud, quod itidem secundum unam solummodo partem constringitur : sed potius tale corpus dicitur *tensum* aut *compressum*.

Rarefactio,
& condensatio.

CXCVII. *Rarefactio* dicitur *motus ad raritatem*, seu transitus a minore extensione sive volumine ad maiorem extensionem sive volumen : vel, ut alii loquuntur, est *actio*, per quam corpus auge-

augetur volumine, etsi massa non augetur: *Condensatio* vice versa est transitus corporis a maiore extensione ad minorem. Et de hac utraque in præsens quæritur, in quo consistant? sive quænam illarum sit ratio & *causa formalis*? tres autem sunt præcipuæ Philosophorum sententiæ, *una* Peripateticorum: *altera* Gassendi: *3tia* aliorum Neotericorum.

Sententia Peripateticorum.

CXCVIII. Isti, præsertim antiqui, Peripatetici putant, *rarefactionem* formaliter consistere in productione majoris *ubicationis*, & *condensationem* in productione minoris *ubicationis*. Ita videlicet iisdem rursum placet pure *Metaphysice*, aut *Logice* per abstracta nomina discurrere! putant nempe, quod puncta minima sint æque capacia occupandi majus aut minus spatium, intra certos tamen limites; ac anima nostra spiritualis, non obstante indivisibilitate sua, potest existere primum in corpore infantis, dein in corpore pueri, Juvenis, & viri.

Sect. IV.

Sententia Gassendi.

Opinio Gassendi, CXCIX. Iste cum suis *rarefactionem* & *condensationem* in pluribus aut paucioribus *vacuolis* formaliter constituit, & suum assertum exinde probat, quod minima physica ob multiplices ac pene innumeras, quæ gaudent, *figuras*, in quavis generatione mixti nequeant se mutuo secundum omnem superficiem tangere, adeoque plurima spatiola, omni corpore vacua (quod *vacuum diffusum* vocat) inter ea relinquantur, fere ac v. g. in sacco arenulis repleto contingit, qui si manu agitetur & concutiat, complura quidem granula mutuo se tangunt, & constipantur: at certe nunquam ex omni parte sibi invicem appropinquant: ergo a pari in corporum rarefactione & condensatione arguit.

Sententia aliorum RR. communior.

Et aliorum RR. CC. Isti nunc pro certo haberi volunt, rarefactionem *formaliter* contingere per physicam *partium separationem*, non tantum *sensibilem*, sed etiam, & vel maxime *insensibilem*, materiæ propriæ corporis: *causaliter* vero aut *efficienter*.

cienter ac consecutive fieri putant per ingressum materiæ alienæ (calidæ potissimum seu æthereæ) in rarefactione, vel econtra per ejusdem e poris egressum in condensatione , & cum his sit

PROPOSITIO I.

Peripatetici Rarefactionem & Condensationem in sensu Physico male explicant.

CCI. PROBATUR. *Ubicatio* quævis, Rarefactio
 prout a Peripateticis accipitur, non consistit in ma-
 nil aliud est quam *relatio rei locatæ ad* jori ubica-
locum (Log. fol. 84.) seu *accidens* tione,
Logicum , sive in prædicando, cum autem
 nulla relatio sit distincta actu a suo
 fundamento , terminum connotante
 (Metaph. fol. 408.) ergo in essendo
 seu a parte rei ac *physice loquendo* in re-
 rum natura illa ubicatio non existit,
 & consequenter etiam *Physice* quidpiam
 per *ubicationem* majorem aut minorem
 non explicatur. In sensu tamen *Ideali*
 Peripateticis hunc suum *conceptum* li-
 benter permittimus conformiter supra
 jam dictis (LVIII.) nempe conceden-
 do, quod *ubicatio* sit *ens* relativum,
 seu *relatio* , aut *modus* per Intellectum

Sect. IV.

resultans ex sejunctione actuali partium corporis rarefcentis &c. Quod item in sensu Physico *rarefactio* contingere nequeat per *majorem* partium earundem materiæ *extensionem* a minore ad majus spatium, sicut v. g. anima rationalis in corpore humano sese extendit, liquide patet a contrario, quia scilicet corpori *materiali* eæ proprietates non competunt, quæ animæ *spirituali* conveniunt, quas inter præcipua est *existentia definitiva*, a multis in dubium vocata, & ab aliis cunctis saltem instar Mysterii haberi solita. Videantur dicta in Psychologia, maxime de *commercio* &c. dein *spiritus* quilibet *finitus*, ut anima humana & Angelus, habet determinatum locum, in quo existat, cum non sit *immensus*: ergo a pari ens quoque *corporeum*, ut sunt particulae simplices materiæ constantis, proportionatum sibi locum habebit, extra quem nullatenus pro libitu causarum creatarum *extendi*, & rarefieri poterit.



PRO-

PROPOSITIO II.

Neque Gassendi sententia rarefactionem aut condensationem rite declarare videtur.

CCII. **PROBATUR.** Nam in hac ^{Nec in} **sententia** non tantum vacuum ^{vacuolis,}

disseminatum, quod nos ipsi admittimus (CXXXVIII.) sed etiam *coacervatum* admitti debet, quod alibi negavimus (Metaph. fol. 638.) cum juxta Gassendi ratiocinium non tantum in *minimis* spatiolis, sed etiam in *magnis* spatiis tale vacuum reperiendum foret; experimentis enim notum est, quod v. g. aer per rarefactionem acquirere possit spatium vigesies millies majus priore, & aquæ gutta sphaerulis illis vitreis inclusa, & igni superimposita, sicque in halitus resoluta, sese expandat in volumen quatuordecim millibus majus illo, quod ante resolutionem occupaverat: ergo revera vacuum *coacervatum* admitti deberet: id vero cum implicet, etiam isthæc Gassendi sententia rarefactionem non bene explicat. Unde sit



PROPOSITIO III.

Rarefactio corporum formaliter in sensu Physico habetur per sejunctionem, & condensatio per arctiorem conjunctionem partium materiae tam sensibilem, quam insensibilem.

Sed in se-
junctione
partium.

CCIII. **PROBATUR.** I. *Rarefactio* est transitus a minore extensione sive volumine ad maiorem extensionem sive volumen; & *condensatio* est transitus corporis a maiore extensione ad minorem: atqui prior transitus fit unice per sejunctionem; & posterior transitus per arctiorem conjunctionem partium &c. ergo, p. m. ab experientia certum est, & inferius adhuc probabitur, quod corpora mediante frigore, tanquam causa effectiva, a maiore volumine ad minus transeant, adeoque *condensentur*; econtra quod per calorem eadem corpora a minori ad maiorem extensionem communiter transeant, seu *rarefiant*: atqui notum pariter ab experientia habetur, quod frigoris actione in corporibus nil aliud contingat nisi partium constrictio, fortior earum mutua *conjunctio* & ipsarum quies: item non aliud vi & energia

gia caloris, nisi illarum expansio, *sejunctio* & motus, prout videre licet vel in sola aqua, quæ si igni exponatur, ab igniculis in poros intromissis perturbate agitur, *rarefcit*, & elevatur: sin autem igniculis & aeri, partes aquæ sejungentibus, exitus aperiat, e. g. agitatione cochlearis, particulæ aqueæ magis coeunt, & *condensantur*, id quod omnium maxime evenire solet, si dicta aqua omnino ab igne removeatur, & frigori exponatur: ergo &c. Agnovit id ipsum ac in terminis docuit Stagyrta de *Prædicam. cap. de quali* ita scribens: *densum quippiam est, eoquod partes ipsius sibi ipsis propinquæ sint; rarum vero, eoquod distent a se invicem.* Et 8 Phys. text. 55. ait: *densitas autem & raritas congregatio est, & segregatio.*

PROBATUR II. *Observationibus & experimentis diversis.* I. Spongia aquæ intromissione turgescit, ac ita inflatur, ut ad majus se spatium diffundat, & quidem ideo præcise, quia ejusdem spongiæ partes a se mutuo *sejunguntur*, earumque pori supervenienti aqua (*consecutive*) replentur: at vero ea ipsa spongia evadit *densa*, dum ejus partes

Sect. IV.

per aliquam compressionem arctius
 coeunt, & illam materiam, quæ in
 earum poris hospitabatur, expellunt.
 Adeoque spongia non solum *rara* di-
 cenda est, dum sicca existit, & plu-
 rimos poros majores intercipit, sed
 etiam, & vel maxime, dum peregrinis
 corporibus intra poros suos receptis
 turgescit. II. Idem videre licet in *lana*,
medulla panis, *gossipio* &c. & quidem
 de priore ad alia quævis corpora *a pari*
 sic arguit Gassendus apud Cl. P. Fortu-
 natum a Brix. *Dissert. de qualit. corp.*
§. 101. “Quemadmodum vellus ma-
 „ nu diducentes, atque comprimen-
 „ tes, concipimus lanam rarefcere &
 „ addensari; ac *raritatem* fieri, cum
 „ prius unitiores aut viciniore *distra-*
 „ *hantur* a se invicem, locaque inter-
 „ cipiuntur plura aut ampliora, in qui-
 „ bus lanæ nihil sit; (ita tamen ut
 „ illa loca a materia aliena non sint om-
 „ nino vacua, prout Gassendus hic vult)
 „ *densitatem* vero, cum pili prius di-
 „ stantiores magis ad se mutuo *acce-*
 „ *dunt*, locaque pauciora minorave
 „ intercipiuntur; ita penitus concipe-
 „ re licet eandem materiam nunc *ra-*
 „ *rescere* in aerem, nunc *condensari* in
 „ aquam, scilicet cum loco pilorum
 con-

„ concipere liceat quantulascunque ,
 „ & qualescunque volueris partes ma-
 „ teriæ , quæ *dissocientur* , aut *adumen-*
 „ *tur*. Idem vero concipere licet in
 „ spongia , & similibus , quæ sunt di-
 „ ductionis & compressionis ob solam
 „ loculorum interceptorum contractio-
 „ nem , & explicationem , capacia. „

III. Globulus parvus vitreus spiritum vini clausum in se continens , si igni aut carbonibus vivis superimponatur , magno cum fragore disrumpitur : nempe spiritus in ipso inclusus , ob ingres- sum igniculorum aut materiæ subtilis , partium suarum sejunctionem patiens , rarefit & expanditur , cumque spatium globuli sit nimis angustum , instar ignis in cuniculo per pulverem pyrium accensi , foras erumpit. IV. *Thermometrum* ope rarefactionis & condensationis *calorem* aut *frigus* ordinate indicat : constat nempe illud ex Cylindro vitreo graciliori , spiritu vini ad mediam tubi partem repleto , & in superiori parte hermetice clauso : aere igitur , qui supra spiritum vini intus in Cylindro remansit , incalcescente , spiritus vini in Cylindro rarefit & attollitur , quin etiam , si instrumentum istud nimis calefiat , in frustra abit : at frigore tubo

Sect. IV.

Tab. II.
Fig. 7.

tubo incumbente spiritus vini condensatur, & in minus spatium coiens deprimitur. V. *Æolipila*, hoc est, vasculum pilæ, piro, aut pomo simile, & pro caudicē canali instructum, cujus una pars A prope ad fundum pertingat, altera vero B in acutum foramen desinat, ex aere, ferro, aut cupro fufum (servit etiam suo modo *vitreum*) si post sufficientem calefactionem aquæ aut spiritui vini immergatur, aut solum ipsius orificium B alterutri ex dictis liquoribus applicetur, aer intus in tubo per calorem rarefactus impar erit resistendo aeri exteriori in liquorem prementi, & sic liquoris sat magna copia in *Æolipilam* ascendens per orificium ingreditur: Jam si præfatum vasculum seu *Æolipila*, dimidiam circiter partem liquore repleta, de novo carbonibus aut igni vel accensæ lampadi imponatur, liquor inclusus concepto calore unacum aere ibi latente sese expandit, cumque minus vasculi spatium utriusque (*liquoris* scilicet & *aeris*) volumen capere nequeat, debilior liquor magno cum impetu & fragore per orificium B angustius erumpit, ac etiam) si liquor ille fuerit spiritus vini) adnota can-
dela

dela ardente igneam pluviam exhibere ;
 aut, si dicto orificio aptetur tuba, aliud-
 ve sonorum instrumentum, diversum
 sonum non sine ludicro spectaculo edere
 solet. VI. Denique in sequenti instru-
 mento, quod describit Cl. P. Hauser
Phys. gen. p. 2. §. 348. rarefactionis
 arcanum, prout a *natura* contingit, per
artem ad oculum ostenditur. Sit vas
 metallinum, cujus superior pars A in-
 tus concava : basis tria habeat distin-
 cta receptacula B, C, D : sitque ea-
 dem basis cum parte superiore A con-
 juncta mediantibus tribus columnis
 aut potius canalibus E f, G h, I k. binis
 eorum ex una parte affigantur duæ
 lampades accensæ in L & M : ex altera
 vero parte dictorum canalium in N &
 O pendeant duæ phialæ seu conchæ,
 aqua saponata repletæ, unacum dua-
 bus cavis fistulis, ex gemino canali in
 concharum fundum desinentibus. Re-
 ceptaculum B ultra dimidium implea-
 tur aqua vel alio liquore, mox aqua
 per tubulum PB profiliet, seseque per
 alios duos tubulos Q R, ST. exonera-
 bit in receptacula C & D: tum deni-
 que in N & O attollentur bullulæ amœ-
 nissimi coloris. Nempe aer in A exi-
 stens per calorem rarefactus expandit
 se

Tab. II.

Fig. 8.

Sect. IV.

se per columnam seu tubum apertum E f supra aquam in B, eamque comprimens per tubulum P B, ut mox de Æoli pila dictum est, ascendere jubet; aqua sic ejecta, & per canaliculos Q R, S T in receptacula C D prolapsa, aerem ibi hospitantem per columnas seu canales H G, K I intus cavos, at superius in G & I clausos eodem modo sursum trudit, qui dum per cavas fistulas aquam saponatam in conchis N & O ingreditur, sejungit partes aquæ, similesque bullulas aere foetas & coloratas excitat.

Raritas & densitas non sunt accidentia absoluta, sed modalia.

CCIV. Corollarium. Igitur *raritas* & *densitas* (quæ vulgo dicuntur *formæ* denominantes corpus *rarum* aut *densum* (physice loquendo sunt meræ *affectiones Mechanicæ*, utpote a componentium particularum *magnitudine*, *figura*, & *situ* unice dependentes; inde enim oritur *sejunctio*, vel arctior partium tam sensibilibium quam insensibilibium *conjunctio*, & major vel minor *numerus ac amplitudo pororum*, in qua postrema etiam *raritas* ac *densitas* in rigore acceptæ (pro *statu* seu *modo*, vi cujus sub parva materia corpus magnam præsefert *extensionem*, vel *econtra*) a quibusdam

dam constituuntur, atque a *rarefactione* & *condensatione* distinguuntur : alii vero numerum & amplitudinem majorem vel minorem pororum pro *effectu* tantum, ad *sejunctionem* vel *conjunctionem* partium *consequenti*, non item pro *causa* & *ratione formali* accipere malunt, nempe eodem modo, ac de *ingressu vel egressu materie alienae* diximus (CC.) in quo ego unumquemque in suo sensu abundare permitto, ac solum moneo, ne, si *res* tentetur, multum ac inutiliter de *modo loquendi* disputetur ! porro hoc mihi certissimum esse videtur, quod nostra ex præfatis formis inter *accidentia absoluta* Peripateticorum recensenda sit, cum nulla prorsus *absoluta entitas*, ut ex immediate dictis patet, producat in corpore, quando *rarefit*, nullaque, dum *condensatur*, destruitur, sed solus componentium particularum *situs* mutatur. Id quod aperte etiam docuit Averroes famosus ille Aristotelis interpres l. 1. *Metaph. tex. 5.* dum ait : *densitas & raritas non faciunt transmutationem in substantia, neque in qualitate, cum sint de situ tantum.*

SOLV.

SOLV. OBJ.

Corporis
rari defi-
nitio a no-
bis salva-
tur.

CCV. **O**B. 1. In nostra sententia, dum inter partes sejunctas corporis rarefacti nullum admittimus *vacuum* (CCII.) illud corpus, quod *rarum* dicimus, non habet *parum materiae sub magnis dimensionibus*, sed *multum materiae* (cum pori omnes sint repleti) ergo definitionem *corporis rari* (CXCVI.) non salvamus. R. D. A. Juxta nos corpus rarum habet *multum materiae alienae & variabilis* C A, *materiae propriae & constantis*, seu *massae* (CXCIV.) N A, & C. porro sola *materia propria* seu *massa* in definitione corporis *rari* attenditur (CXCVI.) at *materia aliena & insensibilis*, poros ingrediens, eo ipso quod se sola sub sensu non cadat, sequitur denominationem illius corporis, in cujus poris seu meatibus hospitatur, & quocum unum corpus in *sensu physico & sensibili* constituit.

Quia non
attenditur
materia
aliena in-
sensibilis.

Inst. 1. Juxta prius dicta aer per rarefactionem potest acquirere spatium vigesies millies majus priore (CCII.) atqui est incredibile ac plane impossibile, ut idem aer adeo rarefactus, adhuc sensibiliter sit, ac dici queat aer;
nam

nam si v. g. unicæ tantum vini mensuræ affunderentur 20000 mensuræ aquæ, certe istud totum sensibilibiter non posset amplius dici vinum: ergo a pari &c. R. D. m. Est hoc incredibile ac impossibile, si materia aliena ingrediens sit crassa ac sensibilis C. m. si sit exilissima ac prorsus insensibilis, adeoque nec tollat corpori rarefcenti suas proprietates sensibiles. N. m. & hæc ipsa ad allatam paritatem est ratio dispar. Dein etsi etiam materia aliena foret sensibilis: si tamen sit subtilissima ac tantum mediate sensibilis, adhuc definitio corporis rari in sensu Physico salvari potest; sic enim v. g. guttula aquæ, in qua sapo solvitur, si oris flatu in majus spatium extendatur, nihilominus aqua denominatur, utut plus materiæ alienæ adsit quam propriæ: similiter itaque etiam aer rarefactus in spatium vigesies millies majus denominationem suam antiquam retinere valet, cum materia aliena, scilicet æther, non nisi mediate, & per intellectus ratiocinium deprehendi queat, nempe ex effectibus luminis, Electricitatis &c.

G g

Inst.

P. Oster. Physic. Pars I.

Quæ partes
corporis
rarefcentis
saltem
quoad si-
tum immu-
tat.

Inst. 2. Rarefactio tunc contingit, quando partes corporis majus volumen occupant : atqui in nostra sententia partes non occupant majus volumen : ergo rarefactio a nobis non explicatur. p. m. si partes corporis majus volumen occuparent, tunc extenderentur *quoad se* : atqui hoc non fit, cum *quoad se* nullam omnino mutationem fubeant : ergo. R. N. m. unacum probationis *minore*. Ad hujus *prob.* D. A. partes quoad *se* nullam mutationem *substantialem*, per acquisitionem novæ materiæ *constantis propriæ* fubeunt C. A. nullam mutationem *accidentalem*, per acquisitionem *novi situs particularum* materiæ *propriæ* fubeunt. N. A. & C. Ideoque & jure diximus, quod *raritas* & *densitas* non consistat in *entitate* quadam *absoluta*, corporibus de novo superveniente, sed in mera affectione *mechanica* (CCIV.) possunt vero illæ partes materiæ propriæ per novum situm *quoad se* vere *extendi*, quia sic ad ingressum materiæ alienæ pori etiam novi aperiuntur, aut veteres dilatantur, unde necessario majus volumen seu extrema superficies corpori, ex hisce partibus sejunctis constanti, superinducitur, ut exempla prius allata e. g. de *spon-*

spongia, lana, aut aqua bullienti ad oculum demonstrant.

OB. 2. In nostra sententia sequere- Nec omnia
tur, quod omnia corpora essent *æqua-* corpora in
liter densa aut rara: atqui sequela est nostra sen-
falsa: ergo & id, unde sequitur. p. tentia sunt
seq. M. omnes particule minimæ, ex *æqualiter*
quibus corpora constant, habent ean- densa.
dem prorsus extensionem seu volumen:
ergo etiam corpora, ex iis compacta,
(cum *totum* non distinguatur a suis
partibus) & consequenter. R. N S M,
quorum enim corporum partes *magis*
sunt *sejunctæ*, illa quoque corpora sunt
rariora aliis, quorum partes *minus* se-
junctæ sunt; sicut & illa sunt aliis
densiora, quorum partes *magis* sunt
conjunctæ &c. ad prob. Tr. A. N C. mala
liquidem est illatio *a partibus ad totum*,
si partibus *proprium* sit aliquod prædi-
catum & non commune (Log. fol. 272.)
& perinde hic arguitur, ac si dicerem
v. g. omnes particulæ seu guttulæ, ex
quibus mare, aut fluvius quicunque
constat, habent eandem prorsus exten-
sionem *minimam*; ergo & totum mare
seu fluvius. Item: singulæ arenulæ,
ex quibus mons altissimus Picus con-
stat, sunt ita parvæ, ut vix in distan-
tiam unius passus Geometrici videri

queant : ergo & integer mons , ex iis compactus , in eam solummodo distantiam videri potest &c. aut : omnes particulæ minimæ , seu *minima physica* , ex quibus corpora constant , sunt substantiæ *simplices* , adeoque *indivisibiles* : ergo & corpora ex iis compacta , sunt *indivisibilia* &c. hinc ad prob. D. A. omnes particulæ minimæ habent eandem prorsus extensionem , sic præcise ac reduplicative ut *substantiæ simplices* , & extra suas moleculas & corpora (prout tamen *naturaliter* non existunt) accipiantur C. A. si sumantur ut compactæ in *moleculas* , & prout *actu* diversa corpora constituunt. N. A. & C. naturæ auctor haud dubie ex *aliis moleculis* materiam *subtilem* , ex aliis *aerem* , *aquam* & *terram* formavit , ipsasque illas moleculas per actionem *coniunctionem* aut *sejunctionem* magis vel minus *porosas* , & consequenter *raras* vel *densas* mox ab initio rerum creationis effecit , quandoquidem actu rarefactionis & condensationis arcanum sic contingere in corporibus videmus : aut secus etiam *poris* corpora esse destituta affirmare debemus , quia similiter *substantiæ simplices* reduplicative sumptæ iisdem carent.

OB.

OB. 3. Communiter dicitur, quod **Pondus seu**
 uniuscujusque corporis gravitas seu **gravitas**
 pondus sit proportionatum quantitati **proportio-**
 materiæ: atqui hoc rursus in nostra **natur quan-**
 sententia fallit: ergo rarefactio & con- **titati mate-**
 densatio male a nobis declaratur. p. m. **riæ pro-**
 Juxta nos in corpore rarefacto, v. g. in **priæ non**
 aere ad spatium vigesies millies majus **alienæ.**
 extenso, datur summa & incredibilis
quantitas materiæ (eoquod nullum in
 poris vacuum cum Gassendo admittamus) & tamen non datur sensibilibiter
 majus pondus seu *gravitas*, cum aer rarefactus & non rarefactus *æqualiter* gravitet: ergo. R. D. M. corporis pondus est proportionatum quantitati materiæ *propriæ* & gravitantis C. M. materiæ *alienæ*, & non gravitantis. N. M. &c. hinc ad *prob.* D. A. in aere rarefacto datur summa quantitas materiæ *alienæ* subtilis & non gravitantis C. A. materiæ *propriæ* & gravitantis. N. A & C. porro nulla materia aliena interlabens gravitat, si libere per poros possit gyrari, & cum massa exteriori æquilibrium tenere, prout de materia subtili notissimum est, & de aere similiter testatur v. g. spongia sicca, quæ plus non ponderat in aere libero, quam in vacuo: unde & nos aeris gravitatem in

Sect. IV.

nostro corpore non sentimus, sicut nec pisces & cete immania in mari, propter aquæ & aeris æquilibrium, de quo in *dissert. seq.*

ARTICULUS II.

De Soliditate.

Solidum & soliditas.

CCVI. Corpus *solidum*, *firmum*, seu *consistens* vulgo dicitur illud, quod partes habet ita implicatas & unitas, ut ægre a se invicem avelli ac separari queant, ut v. g. contingit in *ferro*, *ligno*, imo etiam in *pellibus* animalium, *luto*, aliisque utut *mollibus* corporibus, quæ suarum partium separationi quodammodo *resistunt*. Igitur soliditas (quam etiam nonnulli cum *impenetrabilitate* malunt confundere) est ille corporis status, vi cuius ejus particulae ita sunt implicatae, ut penetrari ac separari ægre aut non ita facile queant: multumque hæc *Physicorum* soliditas ab ea differt, quæ *Geometrarum* est, utpote qui eam *magnitudini planæ*, lineis nempe & superficiebus præcise opponunt, ac *solida* quoque corpora *penetrabilia* esse supponunt, dum v. g. ex libro 10 *Element. Euclidis* demon-

Soliditas
phylica
differt a
Geome-
trica.

mon-

monstrant, duo prismata, aut pyramides, eandem basin & altitudinem habentes, inter se æquales existere: in quo casu utique necesse foret alterum ab altero *penetrari*.

CCVII. De soliditatis corporum physicae causa, seu ratione formali sequentes potissimum Philosophorum sententiæ habentur. I. Veteres *Peripatetici* eam in *qualitate absoluta*, aut saltem in *entitate modali*, quam *unionem continuativam*, aut *glutinum naturæ* dixerunt, reponebant: quin etiam alii ex antiquis *spiritum* quemdam, corporum omnium poros permeantem, eorumque partes unientem finxere. II. Cartesius *princip. p. 2. §. 54.* in sola particularum *quiete* soliditatem constituit. III. Cl. Boyle cum aliis non paucis tria ad eam concurrere asserit, 1. *quietem*: 2. *mutuum*, & *immediatum partium exilissimarum corporis contactum*, 3. & *aeris externi pressionem*, qua partium contactum promoveri, singulasque particulas ita undique ambiri ac contineri voluit, ut a se avelli nullatenus, aut non nisi difficulter queant. IV. Huic sententiæ affinis est altera Cl. Nolleti, ejusque Sectatorum, qui partium fir-

Sententiæ
diversæ de
causâ soli-
ditatis.

Sect. IV.

mitatem & cohaerentiam *fluido æthereo*, omnia corpora æqualiter undique comprimendi tribuunt. V. *Newtonus* cum suis ad soliditatem explicandam rursus mutuam *partium attractionem* in medium adducit, eaque corpora cæteris esse *solidiora* asserit, quæ in majoribus superficiebus se invicem tangant, & *attrahant*. VI. *Gassendus* quoque, ad connexionem suæ doctrinæ servandam, atomorum *hamulos* ac *uncinos*, pro partium in corpore solido existentium unione & nexu procurando, necessarios esse docet &c. VII. Plerique tandem ex modernis Philosophis soliditatem corporis formaliter consistere volunt in partium minimarum *incuneatione* & *nexu mutuo*, dependente ab amplexu implicatarum particularum, & planarum superficierum contactu multiplici. Antequam huic opinioni tanquam probabiliori subscribamus, juvat prius aliorum sententias ad trutinam revocare. Igitur



PROPOSITIO I.

Soliditas corporum non bene dicitur qualitas absoluta, aut naturæ glutinum, aut spiritus quicumque.

CCVIII. **P**ROBATUR I. *pars 1. Generaliter*, quia per hanc ^{Soliditas non est} vocem (*qualitas absoluta*) nemo fit ^{qualitas absoluta,} doctior, cum æquivalet huic locutioni, qua quis ignorans v. g. quid res quædam physica in individuo sit, diceret interroganti: *ens est*: Es ist halt ein Ding. Scit namque interrogans, hanc vocem (*ens*) cuilibet rei *possibili* & actu *existenti* ex æquo competere, & solum quærit, *quale* ens sit? dum ergo Peripatetici reponunt: est *qualitas absoluta* (potius dicendum foret *talitas absoluta*) sane quæstionem non solvunt, sed id ipsum, quod quæritur, in responsis dando, petunt principium. 2. *Specialiter*. Pleraque corpora fluida frigore congelascunt, & fiunt *solida*: at quis dicet, *entitatem absolutam* in aqua v. g. a frigore produci, cujus vis in eo unice consistit, ut simul *devinciat* partes corporis, quod afficit, earumque motum retardet ac sistat? unde & aqua gelu concreta denuo immediate
Gg 5 fluit,

Sect. IV.

fluit, statim ac in ea *frigus* imminuitur, ac proinde, quin entitas aliqua absoluta illi communicetur, ut loquitur Cl. P. Fort. a Brix. *Dissert. de qualitat. corp.* §. 77.

Nec naturæ glutinum,

PROBATUR II. *pars.* Nam si istud *gluten naturæ* in sensu physico accipiat, de eo ipso quaeritur, unde, seu a quo *soliditatem* suam habeat? si dicatur, eam a *viscosa* seu *uliginosa* quodum *materia* provenire, petitur principium, cum redeat eadem quaestio: in quonam videlicet consistat illa adhaerentia & resistentia *viscositati* propria? dein contrarium habetur in *metallis*, quæ *solidissima* sunt, neutiquam tamen ita *viscosa* existunt, sicut lignum v. g. aut cera, quæ sunt corpora *minus solida*, & respective *molliora*: massa item triticea, *aquæ*, permixta, magis cohæret, quam si *oleo* subigatur; ergo &c.

Nec aliquis spiritus.

PROBATUR III. *pars.* Juxta tri-
tum axioma: *quod potest explicari paucioribus, non debet declarari pluribus*: atqui Soliditas potest explicari paucioribus, nempe pure *Mechanice*, ut paulo post patebit: ergo non debet explicari pluribus, fingendo scilicet
spiri-

spiritum quemdam, qui si *Physice* sumatur, plane superfluous est, nec habet operationes spiritu dignas; sin autem *Metaphysice*, aut potius *Metaphorice* accipiat, eo ipso petita ab eodem declaratio ingenuum *Physicum* non decet.

PROPOSITIO II.

Nec bene firmitas corporum reputatur a quiete partium.

CCIX. PROBATUR. Præterquam Neque enim, quod denuo quaeri consistit in possit: unde illa quies proficiscatur? quiete partium, experientiæ repugnant; nam dantur quædam *solida*, quæ licet *motu* rapidissimo ac perturbato in suis partibus sensibilibus aut insensibilibus agitentur, e. g. per *calorem* (qui juxta inferius dicenda in tali *motu* consistit) soliditate tamen sua nullatenus privantur, uti videre est in marmore intenso calefacto, aut in chorda tensa, si percutiatur, & *sonum* edat, qui sonus itidem juxta ea, quæ in *Dissert. IV.* dicemus, in *motu* consistit &c. dantur econtra nonnulla corpora, quæ gaudent *quiete*, attamen facillime separari sejungique possunt, prout experiri licet in cumulo *arenarum*,

Sect. IV.

rum, aut in lignis, metallis, ac marmoribus in pulveres contusis &c.

PROPOSITIO III.

Nec eidem explicandæ satis est adstruere simul immediatum contactum, quietem partium, & pressionem fluidi externi.

Neque in immediato contactu, aut pressione fluidi.

CCX. PROBATUR I. *pars.* Quia, ut bene notat Cl. Muschenbroeckius apud Cl. P. Josephum Mangold *Phys. gen. §. 899.* "Immediatus contactus corporum non ponit ullam vim, qua se amplectentur: imponentur enim duo corpora sibi invicem, seseque contingant, & nihil aliud in iis adhuc concipias; an tum non æque facile ea iterum sepones, ac imposueras? revera: nam sive se contingant, sive se non contingant, inde non major causa erit, quæ remotioni resistit: si dixeris, inde causam resistantem oriri, ecce vim ponis aliam, quam diversam a solo contactus conceptu! „ II. *Pars* cum immediate probata sit (CCIX.) hinc omittitur, & ulterius

PRO-

PROBATUR III. *pars.* Si fluidum externum, maxime *aer*, soliditatem corporibus tribueret, tunc remoto illo etiam hæc cessaret (cum sublata *causa effectus* tollatur) atqui hoc non fit: ergo fluidum externum corporibus *soliditatem* non tribuit. p. m. corpora quæcunque solida, sub recipiente collocata, *exhausto aere* non diffluunt, sed pristinam suam soliditatem servant, ita ut hæc ne quidem in modico immutetur: quin imo metalla liquata, & fluida facta, ne excepto quidem auro, sub recipiente denuo indurantur, & consistentia evadunt: ergo fluidum externum non potest esse *causa firmitatem* tribuens, qualis tamen causa habetur, quod duo marmora lævigata aut hæmisphæria Magdeburgica, intus ab aere evacuata, cohæreant; nam illa ipsa sub eodem recipiente sublato aere tanquam causa non amplius cohærent: quinimo si ea ipsa libero etiam aeri denuo exponuntur, ista cohæsiō nullatenus restituitur, quia tunc scilicet aer exterior, superficiēi incumbens cum aere intermedio globi concavi in æquilibrio consistit: *Subs.* atqui etiam *aer*, aut saltem *æther*, in quolibet corpore solido poros libere permeans, æquilibrium

2. 11. 35. 6
10152 7
10152 11
10152 11

Sect. IV.

brium undique tenet : ergo pariformiter firmam cohaesionem tribuere nequit. Dein etiam *aqua* continuo ambitur ac premitur ab *aere* & materia subtili seu *aethere*, nec tamen *solida* sed *fluida* permanet, usque dum frigus intentionem ingruat. Adde, quod columnæ *aeræ*, diametro trium aut quatuor digitorum correspondentis, pressio elidatur a 400 libris, ut obvio hæmisphæriorum Magdeburgicorum experimento comprobatum est : pariter *aetheris*, quoque pressio ne quidem valet ad bullulas *aereas* in *aqua*, recipienti evacuato subjecta, diu continendas, neque ad Mercurium in barometro ibidem collocato attolendum : ergo multo minus ad omnia corpora solida in sua firmitate conservanda valebunt.

PROPOSITIO IV.

Neque etiam *Attractio Newtoni*,
neque hamuli aut uncini *Gassendi*
corporum firmitatem Physice
declarant.

Nec in attractione,
aut hamatis particulis.

CCXI. PROBATUR I. pars. Nam, ut
nil dicam, quod mutua illa
attractio a Newtono potius ut *phenomenon* habeatur, quam *causa* (XLVIII.)
seque-

sequeretur, ea corpora, quæ plus materiæ seu massæ habent, semper aliis solidiora existere, quia *vis attractiva* juxta Newtonum cum *quantitate materiæ* omnimodam proportionum tenet: atqui hoc non: ergo. m. p. corpora densiora plus materiæ habent, quam minus densa (CXCVI.) nec tamen continuo etiam solidiora seu *firmiora* existunt: sic v. g. *argentum vivum* inter omnia metalla (auro excepto) densissimum, nec tamen *firmum* est sed *fluidum*: econtra *suber* rarissimum corpus (comparative ad *argentum vivum*) recte habetur, simulque firmitate seu *soliditate* non modica gaudet.

PROBATUR II. *pars.* Iterato enim quæri potest, cur ipsæ particulæ hamatæ sint *duræ*, ac *solidæ*, nec cedant prementi & infringenti corpori? fateor nihilominus, quod, si isti hamuli *sufficienter* probari queant, plurima soliditatis phœnomena ad captum explicari valeant: sed indignum est Philosopho ad *Hypothesin* recurrere, quando res in *thesi* certo, aut saltem probabiliter, absque suppositis *gratis* concedendis declarari potest, prout hic contingit: unde sit.

PRO-

Sect. IV.

PROPOSITIO V.

Soliditas seu firma cohæsiō corporum proxime oritur ab arctiori molecularum physicarum compactione, partiumque incuneatione, & nexu mutuo.

Sed in particularum incuneatione.

CCXII. **PROBATUR.** Hæc sententia omnium optime convenit definitioni ipsius *Solidi*: nec minus omnia tum *naturæ* tum *artis* experimenta exacte declarat: ergo est tenenda. p. A. quoad 1. membrum. Solidum seu *firmum* definitur: id, quod partes habet ita implicatas & unitas, ut ægre a se invicem avelli ac separari queant (CCVI.) atqui hoc fit per arctiorem molecularum compactionem, partiumque incuneationem & plexum mutuum, ut patet, simulque Probat-ur quoad 2. membrum ex Phænomenis *naturæ* & *artis*. Sic enim. I. Ope melioris microscopii (maxime si sit Engyscopium Solare) clare conspicitur, corpora quævis consistentia ac solida, e.g. alam muscæ, insecti cujusvis partem minimam, frustum tenuissimum ligni e.g. suberis, foliolum aut caudiculum plantæ, metalli, salis aut lapidis particu-

ticulam minimam &c. multiplici fibrarum plexu, incuneatione, staminumque sinuoso nexu & confibulatione mirissima, & quidem pro diversitate soliditatis corporum, majori vel minore constare: omnium vero pulcherrime in oculos incurrunt salium diversorum guttæ, per microscopium solare in pariete repræsentatæ, dum sensim a solis calore efficcatae, in coagulum massamque consistentem abeunt. Analogiam quamdam dictorum salium in Hyeme videre licet, quando vapores humidi fenestris adhærentes congelantur, & diversi generis configurationes plexusque & incuneationes exhibent. Palpari itidem nedum oculis videri possunt fibræ longiusculæ mutuo inter se connexæ, & separationi quamplurimum resistentes in quovis ligno, dum securi aut cuneo finditur &c. II. Naturam æmulari conatur *ars* in confectione *papyri*, *pannorum*, *funium* &c. itemque in *ædificiis*, ex cæmenti lapidumque tenaci plexu exstruendis, sicut & in omnibus corporibus, in quibus firmitatem ex fluiditate superinducere cogitat, ejusmodi materias adhibet, atque commiscet, quæ partes fluidasnectere,

H h

atque

P. Oster. *Physic. Pars I.*

Sect. IV.

atque inter se arctius devincire, & quasi concatenare queat, simulque materiam interlabentem, quæ fluidi moleculas (juxta dicenda in *art. seq.* agitabat, vel ex toto vel ex parte ex iisdem corporibus expellit, & motum intestinum corporum fluidorum tollit, aut saltem magna ex parte sistit. Inde facile redditur ratio sequentium experimentorum. 1. Si ovi albumini valide agitato admisceatur perfectissimus spiritus vini, aut spiritus Vitrioli, vel alumen, indurefcit coagulum in massam solidam. 2. Si una tantum drachma salis mirabilis (*glauberi* vulgo appellari solet) solvatur in duabus aquæ simplicis drachmis, & per aliquot horas ponatur in libero aere, instar glaciei consistens apparebit. 3. Lac per admixtionem succi, ex fructibus Limoniis expressi, aut guttarum aliquot olei Vitrioli perfectissimi coagulatur. 4. Pariter & sanguis cum spiritu vini mixtus in coagulum abit, indeque optime deducit Cl. Nolletus, vino nimium generoso aliisque succis & liquoribus spirituosus parcissime utendum esse, ne sanguinis stagnatio ex iis oriatur. 5. Salis Crystallizatio per operationem chymicam ordinariè facile procedit, si
aqua

aqua salina pura, absque cujusdam pinguedinis aut olei admixtione, accipiat; sic enim salinae particulae quam optime inter se connectuntur & incuneantur: at vero si quid pinguedinis admisceatur, salis particulae neutiquam sibi adhaerent, nexusque mutuus omnino intercipitur ob pororum & particularum adversam figuram, ex qua observatione Medici ansam sumpsere calculo laborantibus pingua & oleosa medicamina praescribendi, ut hoc modo calculi in Vesica concretio impediat. &c.

CCXIII. *Scholion I.* Qui de *Magnete*, Magnetis ejusque firma ac solida adhaesione ad cum ferro ferrum sit tenendum? an scilicet Cohærio
idem ex fibrillarum nexu & incuneatone, alibi pertractanda.
an vero ab alia causa proveniat? commodius in *Physica particulari* dicitur. Interim supponere liceat, quod ejus phaenomena & effectus mirabiles quamdam a generalibus naturæ regulis *exceptionem* patiantur, magisque ab effluviis substantialibus singulari motu praeditis, si non *formaliter* saltem *causaliter* dependeant.

CCXIV. *Scholion II.* Ad soliditatem Soliditatis porro corporibus introducendam maxime Promovendæ adjuvantur
serviunt *1. Corpuscula heterogenea*; jumenta.
H h 2 sic

Sect. IV.

sic enim v. g. aqua in glaciem abit, dum particulis igneis ex aqua recedentibus succedunt aliæ *nitrosæ* (in quibus *frigus* consistere dicemus) tanquam totidem cunei & uncini, quibus aqua vinculatur. 2. *Exhalatio particularum*, quæ per suum *motum* aut *figuram* impedimento fuerant, ne aliarum partium incuneatio & nexus mutuus contingeret, ut in allato exemplo patet, itemque in Cæmenti induratione, per evaporationem aquearum particularum facta. 3. *Nova partium coordinatio*, absque novæ substantiæ interventu. Sic quædam salia per sæpius repetitam destillationem in solidam massam concrescunt. 4. *Oleum* seu particulæ oleosæ, ut bene observat Muschenbroeckius ex eo, quod duo corpora politarum superficierum, si oleo inungantur, sibi que apponantur, ita cohæreant, ut non nisi ingenti vi a se denuo sejungi possint. Plantæ quoque & arbores firmitatem ac tenacitatem suam ab oleo quodam habere videntur, quod operationibus chymicis indagatum, per solam combustionem, non item per aquam separatur; eoque consumpto plantæ cujusvis igne combustæ cineres omnino diffluunt, & nequiquam cohæ-

cohærent : at si dicti cineres denuo cum *oleo* & aqua misceantur, iterum coire solent. Id ipsum observare licet circa animalium *ossa*, quæ si in quodam vase metallico (quod *digestor Papinianus* appellari consuevit) ignis actioni exponantur, penitus friabilia evadunt, *oleo* autem rursus immersa ita indurescunt, ut vix divelli queant, pariter & placentæ odoriferæ Pyramidales aut Conicæ (vulgo die *Kauch-Kerzlein*) situ verticali chartæ papyraceæ supra vitrum aqua plenum impositæ, sensimque igne consumptæ, & per illam chartam in aquam decident, propter *oleum* denuo cohærent, utut ad odorem spargendum non amplius serviant. Denique & ligni *carbones* tamdiu duri ac solidi persistunt, quamdiu illorum particulæ nigro quodam *oleo* connectuntur, eo autem dissipato in cineres subsidunt. *Nec dicas.* Oleum non nisi particulis *globosis* teste microscopio constat : atqui particulæ *globosæ* ad partium incuneationem non serviunt: ergo nec oleum ad firmitatem corporum procurandam quidpiam confert. R. D. M. si olei minimæ moleculæ considerentur C. M. si majores particulæ attendantur, *sub Dist.* istæ sunt

Sect. IV.

globosæ, si non atterantur, earumque textura non immutetur C. M. si quoad situm & configurationem mutantur N. M. & C. m. D. C. & N. C. oculis videri imo & manibus palpari potest v. g. in duobus speculis planis, aut duobus marmoribus lævigatis, oleo inunctis, fibique impositis, quod oleosi globuli in ipsa politarum superficierum attritione & contactu solvantur; & in tenuissima ac viscosa filamina convertantur, quæ quasi per innumeros minimosque hamulos mutuo implexa, & tam inter se, quam etiam cum ipsis superficierum appressarum cavernulis incuneantur. In plantis quoque & animalibus ob continuam succi alimentitii & sanguinis circulationem non eadem semper *figura* perseverare potest, cum certum sit, quod idem ille succus nutritius plantarum & animalium abeat tandem in *solidas* similes partes, ex quibus organica corporis structura exurgit.



AR-

ARTICULUS III.

De Fluiditate.

CCXV. **F**luidum dicitur illud corpus, ^{Fluidum.} quod sibi relictum undique diffluit, & cuivis figuræ sese facillime accommodat : vel, prout stricte opponitur *solido* (CCVI.) est tale corpus, ejus minimæ particulæ inter se facile *mobiles* sunt, pressioniq[ue] omni cedunt, tanquam *tenui vinculo* consociatæ, & quidem quo minori vinculo particulæ cohærent, eo fluidiora sunt corpora : nec tamen ullum datur fluidum, quod non aliquo modo *tenax* sit, ac duris corporibus non adhæreat, uti videre est v. g. in *aqua* : cui acicula sicca superimposita non immergitur, itemque in *aere*, qui bullulis inclusus figuram rotundam ob partium cohæSIONem plerumque exhibet. Debent porro fluidorum partes omnino *insensibiles* existere ac *minimæ* ; nam corpora *majora*, utcunque mobilia & coacervata *fluida* vulgo non appellantur ; sic enim v. g. *lapis*, *lignum*, aut *metallum*, etsi quoad se per vim extrinsecam in teretes, rotundas & volubiles partes dividi queant, *fluida* tamen corpora non constituunt.

Differt
quodam
modo a li-
quido &
humido.

CCXVI. *Scholion.* Quidam cum Aristotele 1. 2. de gener. & corr. pro Synonymis habent tria hæc : *fluidum*, *liquidum* & *humidum*, plerique tamen ex modernis Philosophis has voces sic distinguunt, ut LIQUIDA proprie dicta velint esse ea, quorum partes seu pondere suo, seu motu intestino, superficiem horizontalem tueantur, seseque ad libellam componant, ut *aqua*, & alii sic dicti *liquores* : FLUIDA vero, quæ non ita superficiem horizonti parallelam teneant, ut *aer* & *flamma*. HUMIDA demum, quæ, dum manent liquida, corporibus quibusdam ita adhærescunt, ut ea simul madida efficiant, fibras emolliendo : unde omne corpus *humidum* est *liquidum* & econtra, non tamen omne corpus *fluidum* simul est *humidum*, in hoc nempe triplex hoc corporum genus concordat, quod ex insensibilibus, aptis ad motum particulis consistant : differunt autem ab invicem, quod minimæ illæ particulæ diversæ sint naturæ, utut harum natura, vel potius *essentia*, a partium *configuratione* maximam partem dependeat. Verum de *humiditate* in Dissert. IV. sermo redibit, ubi & de *siccitate* agemus. Nunc

CCXVII.

CCXVII. Circa rationem formalem *Sententiæ*
fluiditatis sequentes potissimum Aucto- *variæ de*
 rum sunt sententiæ. I. CARTESIUS *corporum*
 ad connexionem doctrinæ suæ servan- *fluiditate.*
 dam, quia soliditatem in *quiete*, hinc
 fluiditatem in *motu* partium constituit.
 Hunc cum Cl. Boyle sequitur etiam
 Cl. Purchotius *Phys. p. 1. Sect. 5. c. 9.*
 dicens, quod, "ut liquidorum corpo-
 rum partes, quæ *quaquaversus* agi-
 tantur, non sint aliæ aliis impedi-
 mento, *diversæ* in iis concipi debe-
 ant particularum *series*, quarum hæ
 sursum, illæ deorsum, hæ ad dextram,
 illæ ad sinistram moveantur: ut in
textrinis diversi occurrunt filamen-
 torum ordines, ex quibus omnino
 distinctis & inconfusis opus textile
 conficitur. Quamobrem in flumine
 præter motum *molis*, seu totius flu-
 minis, quo flumen totum in mare
 labitur, extat insuper motus *fluidi-*
tatis, quo tenuissimæ ipsius parti-
 culæ per diversas series quaquaver-
 sus moventur, & liquidam aquæ na-
 turam conservant. II. NEWTO-
 NIANI cum Cl. P. Dalham *T. 11. præl.*
14. §. 530. tum ad *particularum exili-*
tatem, tum ad sphaericas aut sphæ-
 roidales illarum *figuras*, non nisi in

puncto se contingentes, & per consequens ad *attractionem* firmam minus idoneas, confugiunt. III. ATOMISTÆ cum Duce suo Gassendo putant, fluiditatem esse modum, ortum ex *dissociatione*, & *figura* partium, & particularum minimarum, per intercepta quamplurima spatiola, nulla omnino materia repleta, vi cujus dissociationis & figuræ, ut plurimum *rotundæ*, aut ad *sphæram* accedentis, particulæ ipsæ evadant proxime ad motum expeditæ, fere ac v. g. contingit in cumulo seu acervo frumenti, aut sabuli &c. IV. Alii ex Neotericis fluiditatem repetunt tum ab expedita & semper conservata partium *mobilitate*, seu aptitudine ad motum, tum a *fluido* interlabente, & partes mobiles continuo motu agitante: ita scilicet, ut partium *mobilitas* sit ratio seu causa *formalis*; fluidum vero interlabens sit causa *efficiens*, & *actualem* fluiditatem *promovens*, vix non eodem modo, ac de *rarefactione* antea dictum est (CC.) quam sententiam priusquam stabiliamus, adhuc pro aliarum refutatione sit

PROPOSITIO I.

Fluiditas essentialiter non consistit
in actuali particularum motu.

CCXVIII. **P**ROBATUR I. Dantur Illa non
fluida actu quiescentia : consistit in
ergo *motus* non est de essentia corpo-^{particula-}
rum fluidorum. p. A. 1. Vulgo ob-^{rum motu,}
servatur, quod subtilissima etiam cor-
puscula pulveris in aqua, & quolibet
liquido, quiescant, quorum tamen
nulla fere esset resistentia. 2. Cl. D.
Borelli apud N. P. FERRARI tom. 2.
pag. mihi 261. salis particulis in fundo
fistulae angustioris constitutis aquam
superinfudit : & mox aliquid salis ab
aqua dissolutum est, non tamen inte-
gra salis copia soluta fuit, cum sem-
per superiores aquae particulae absque
sapore remanserint : idem contigit in
vino generoso, cui aqua fuit superin-
fusa &c. atqui haec non contingerent,
si partes fluidorum *jugi motu* concita-
rentur ; non enim columnae mediae &
laterales continuum fervarent *aequili-*
brium, ut ex obvia paritate liquet :
ergo.

PROBATUR II. In hoc Systemate
nequeunt per Philosophicam connexio-
nem

nem explicari *Opacitas*, *gravitas* & *calor*: ergo hoc Systema non subsistit, p. A. 1. *Diaphaneitas*, quæ corpora facit *pellucida*, seu luci pervia, juxta inferius dicenda, aliquo modo in meatibus seu *poris rectilineis* consistit, multa porro corpora *fluida* sunt *diaphana*, & quidem constanter, ut *aer* & *aqua*: atqui diaphaneitas in hisce fluidis non potest provenire a *motu* constanti, intestino, ac turbativo partium, ut Cartesiani volunt: ergo. p. m. impossibile namque foret, ut particulae in omnem partem motae eandem semper pororum *directionem rectilineam* servarent; sed potius motus ille intestinus, partes huc & illuc agitando, poros fluidi modo *maiores* modo *minores* redderet: ergo aqua suam diaphaneitatem *constanter* non retineret, sed nunc opaca esset, nunc diaphana &c.

II. Singulae partes aquae vi *gravitatis* continuo deorsum moventur per lineam rectam ad centrum terrae (CLXI.) atqui motus ille perturbatus & *irregularis* nequit stare cum motu *recto* deorsum, ut rursus ex quavis analogia patet: ergo. Imo etiam motus iste perturbatus quandoque *desinere* deberet,

ret, si nempe gravitatis vis illi opposita prævaleat. &c.

III. Etiam *calor*, ut suo loco dicemus, juxta Cartesium in motu perturbato partium consistit: ergo si etiam *fluiditas* in eo foret reposita, nullum haberetur discrimen inter *fluidum* & *calidum*, omniaque fluida essent *calida*: atqui hoc repugnat quotidianæ experientiæ, qua v. g. scimus *aquam* esse frigidam & *fluidam*; non *calidam* &c. ita citatus P. FERRARI.

CCXIX. *Scholion*. Interim negari non valet, & oculis videri plerumque clarissime potest, quorumlibet liquorum permixtionem haberi per *motum*, tunc autem solummodo, quando actualis fit *mixtio*, qua peracta *quies* sequitur. Unde dicendum est, quod *motus* potius sit aliquid *concomitans* fluiditatem, quam ejus *ratio formalis*. Imo motus ille in mixtione fluidorum inchoari non posset, nisi jam antea partium insensibilium *mobilitas* adesset: Nec minus etiam in solutione corporum solidorum, v. g. metallorum *motus* tanquam causa *efficiens* fluiditatem, eamque *conservans* intervenire solet, eo quod nempe illorum particulæ ratione suæ *figuræ*, quam habent, *mobilitate* ad fluida-

Utut motus causaliter ac dispositively concurrat.

Sect. IV.

ditatem (juxta mox dicenda) formaliter requisitam non possideant, ideoque, nisi vehementi & assiduo motu agitentur, mox inter se invicem connectantur, solidamque massam per suarum partium repetitam incuneationem efficiant: id ergo ut impediatur, interfluentis materiæ igneæ rapidissimus *motus* in ejusmodi fluidis *artificialibus* communiter ab omnibus admittitur. Sunt etiam, qui similiter in *aqua* igniculorum, in magna copia interlabentium, jugem ac perennem motum ad fluiditatem conservandam *causaliter* ac *dispositive* requirunt, tanquam spathulam, cujus agitatione partium nexus & mutua implicatio præcaveatur, nexusque solvatur, quinimo Cl. Nolletus cum Mairano & Boerhavius contendit, aquam revera ex natura sua non esse corpus *liquidum*, sed *solidum*, fluiditate autem defacto constare, quia respectiva partium ipsius mobilitas ab igne, in regionibus temperatis interfluente, conservaretur &c. alii tamen *aquæ*, *olei* & aliorum liquorum (qui saltem in mediocri frigore non congelascunt) fluiditatem a partium tenuitate & figura sphaERICA, ad motum apta, sive a dicta *mobilitate*, tanquam
ab

ab unica *ratione formali* repetunt, utut etiam non diffiteantur, quod ad fluiditatis *conservationem* fluidi cujusdam interlabentis, maxime *ætheris*, permixtio plurimum juvare, & saltem *causaliter* ac *dispositive* concurrere queat. (CCVXII. IV.) Cui sententiæ & nos accedimus.

PROPOSITIO II.

Fluiditas item physice non explicatur per minorem attractionem, nec etiam per vacuola & partium dissociationem.

CCXX. PROBATUR *I. pars.* Quia, Neque mi-
 ut sæpius jam insinuatum ^{nor attra-}
 est, illa corporum qualiscunque *attra-* ^{ctio fluidi-}
ctio potius ut *phænomenon*, quam ut *causa*, ^{tatem ex-}
 ab ipso met Newtono semper habita ^{plicat; nec}
 fuit. Dein male dici videtur, in flui- ^{vacuola,}
 dis esse *parvam* attractionem; nam, ^{aut parti-}
 cum attractio quantitati materiæ & ^{um disse-}
 multiplici ejusdem contactui proportio- ^{ciatio.}
 nalis sit, profecto, cum in fluidis ob
 particularum exiguitatem *multiplex* ac
 numerosus detur *contactus*, uti per ana-
 logiam videre est v. g. in cumulo are-
 narum minimarum, *magna* quoque da-
 bitur

Sect. IV.

bitur attractio, & consequenter *soliditas*, non autem *fluiditas*: ergo &c.

PROBATUR II. pars. Et primo quidem de *Vacuolis*, fluidis corporibus interspersis, idem omnino dici valet, quod supra in materia de *rarefactione* in simili Gassendi Hypothesi dictum fuit. (CCII.) Partium quoque *dissociatio* in fluidis locum non habet, cum omnia fluida *continuitatem* & *tenacitatem* quamdam habeant, seu *nexum* partium, utut facillime solubilem (CCXV.) qualis nexus & tenacitas in acervo subtilissimæ etiam arenæ non invenitur: ex qua causa hæc inter *fluida* corpora non numeratur sed inter *solida*: ergo &c.

PROPOSITIO III.

Fluiditas corporum formaliter habetur per nexum partium facillime solubilem, earumque figuram proxime expeditam ad motum.

Fluiditas
formaliter
habetur in
tenui ne-
xu, &
mobilitate
partium.

CCXXI. PROBATURI. Generaliter a contrario; nam *soliditas*, quæ *fluiditati* e diametro, opponitur, in partium *nexu* & *incuneatione* formaliter consistit (CCXII.) ergo *fluiditas* in defectu *nexus* arctioris & *mobilitate* partium consistere debet,

debet, cum contrariorum ratio formalis sit formaliter opposita.

PROBATUR II. Specialiter, & per partes ; 1. Quod fluida habeant *nexum quemdam partium*, utut facillime solubilem ; patet vel maxime in *aqua*, aciculam siccam sustentante (CCXV.) aut, si Electrifetur, ad digitum appropinquantem acumen sat longum, aut quandoque Pyramidem, efformante, vel si tubulus, aut aliud vas concavum, ex quocunque liquore extrahatur, in margine vasis inferiori leviter adhærente &c. 2. Quod item *figura ad motum apta* pro fluiditate requiratur, per analogiam ex *fluidis artificialibus* discimus ; hæc enim omnia, ut diximus (CCXIX.) per fluidum interlabens igneum eo usque disponi debent, donec *mobilitatem*, id est, aptitudinem ad motum nanciscantur, id quod fit per abrasionem & immutationem particularum, aliam figuram per ignis violentiam assumentium, prout ex operationibus Chymicis manifestum apparet : ergo quod per *artem* difficulter, & non nisi per adhibitam *violentiam* obtinetur, a *natura* ordinarie, facillime ac uniformiter habetur. Cæterum inter

P, Oſter. Phytic. Pars I.

Sect. IV.

ter *figuras* ad motum aptas præcipua est *globosa*, ut vulgo noscitur : omniaque fluida naturalia meris *sphæculis* seu *globulis* constare deprehenduntur ; aut saltem pleraque.

Figura
sphaerica
fluidis non
competit
essentiali-
ter.

CCXXII. *Scholion.* Disputant autem non nulli, an *figura* isthæc *sphærica* fluidis corporibus *intrinsece* ac *necessario*, an vero *extrinsece* tantum & *contingenter*, ex aeris nempe *exterioris* *ambientis* *æquali* *compressione*, competat ? qui posteriorem hanc sententiam tuentur, eam probare nituntur ex paritate cum bullulis *aereis*, quarum *rotunditas* passim adscribitur fluido, aerem æqualiter comprimenti (unde si liquidi *ambientis* compressio ex omni parte æqualis non sit, bullula illa *aerea* *lenticularem* figuram induit, ad instar guttarum olei, aquis supernatantium (indeque provenire volunt 1. Quod crassiores, & paucioribus arctioribusque poris instructi liquores, qualis v. g. est *Mercurius*, majores identidem guttas efforment, quam tenuiores & pluribus ac laxioribus poris præditi, ut est e. g. *spiritus vini* rectificatus, qui si in auram diffundatur, bullulas exhibet innumeras, & sensu vix perceptibiles. 2. Aeri exteriori prementi pariter adscri-

scri-

scribunt, quod plures nonnunquam guttulæ in unam majorem confluant, aut amissa etiam figura globosa diffiluant: nempe dum illæ guttulæ ex una sui parte alteram contingunt, prævalet *aeris pressio*, ex alio quovis latere imminens, & æquilibrium tollens: quandoque etiam solum guttularum *pondus*, dum scilicet sunt nimis grandiusculæ, aut plures sibi impositæ, facit, ut diffiluant. Ex his concludunt, non solam figuram *globosam*, sed & aliam quamcunque *motui aptam*, corpusculis *fluidum* componentibus competere posse, maxime si accedens fluidum tam internum quam externum dicta corpuscula in celeri & continua agitatione conservet. Id quod cum utique verissimum sit, hinc in nostra quoque propositione diximus, ad corporum fluiditatem formalem præter *nexum partium* facillime solubilem, requiri simpliciter *figuram proxime expeditam ad motum*, non determinando, an *globosa* aut *sphæroidica* &c. existere debeat?

CCXXIII. *Corollarium I.* Fluiditas Fluiditas
 igitur non est *accidens absolutum*, sed non est
 modale, seu affectio pure Mechanica, accidens
 perinde ac *soliditas* (CCVIII.) cum a absolutum.
sola

Sect. IV.

sola particularum *figura & textura* dependeat. Exinde autem sequitur, quod isthæc affectio *substantiis simplicibus* indivisibilibus non competat, sed solis corporibus, aut etiam *corpuseculis* ex iis compactis, eoquod *fluida* plurimarum partium componentium congeriem postulent, quod substantiis illis simplicibus in terminis repugnat.

Fluida
etiam per
nexum
differunt
a solidis.

CCXXIV. *Corollarium II.* Etsi corpora *fluida* in hoc cum *solidis* videantur convenire, quod tenacitatem seu *nexum* quemdam habeant (CCXXI.) adhuc tamen ab his ipsis specie differunt, tum per *mobilitatem*, *indifferentiam* ad quodvis spatium aut vas replendum, tum etiam quia nexus ille est *facillime solubilis*; secus ac in solidis accidit: diversa igitur particularum configuratio, distincta a configuratione, quæ est in solidis, *essentialem* differentiam revera importat. (LXX.)

Evaporatio in fluidis motum non nisi causaliter arguit.

CCXXV. *Corollarium III.* Evaporatio continua in fluidis (CLXXXIV.) non probat, *rationem formalem* fluiditatis in motu materiæ interlabentis consistere; nam etiam in *solidis* effluviorum exhalatio continua notatur (CLXXXIII.) nec tamen in simili motu soli-

soliditas a quoquam reponitur : sufficit ergo dicere , quod ad fluiditatem saltem *ausaliter*, *dispositive* & *concomitanter* motus ejusmodi soleat concurrere , non autem *formaliter* (CCXIX.) imo non semper ab *interno*, sed & ab *externo* motus quidam adventitius adest in fluidis, e. g. ab aere (CCXXII.) nam per experientiam habetur, sal commune tardius non nihil solvi in vase hermetice clauso, quam libero aeri pervio : ergo signum est, ab *aere* externo promoveri motum, a menstrui solventis gravitate inchoatum.

CCXXVI. *Corollarium IV.* Quod Cur alia ex fluidis alia citius alia tardius congelascant, alia vero nunquam aut rarissime in glaciem abeant, *ratio formalis* denuo in minorem vel majorem particularum componentium *mobilitatem* refundi debet : inde namque fit, ut partes citius, vel tardius, aut omnino non *implicentur*. Accedit etiam materię æthereę vel igneę interfluentis, atque in poris *angustioribus* agitataę, & jugiter tumultuantis actio, tanquam *causa* fluiditatem conservans, aut saltem concomitans : quo parcius itaque igniculi e poris abire permittuntur,

eo magis firmior partium cohæsiō & incuneatio, pro glacie requisita, impeditur.

Cur metal-
la liquata
rursus in-
dureſcant?

CCXXVII. *Corollarium V.* Quod metalla liquata cessante ignis actione ad priorem firmitatem, soliditatemque redeant, ratio itidem formalis ex *mobilitate* partium, solo igniculorum motu perturbato artificiose procurata, unice repetenda est: quamdiu scilicet iste igniculorum motus perseverat, metallorum per ignis violentiam laceratæ ac dissociatæ particulæ in se identidem incurrunt, quando autem igniculi successive avolant, & motus ille decreſcit, præfatæ particulæ, quæ jam sunt per prædictum motum intricatæ, per debiliorem pauciorum igniculorum actionem & motum non amplius sejungi dissolvique possunt: adde, quod molculæ superius agitari solitæ, imminuto motu, atque ejectionis igniculis fluiditatem causantibus, sensim ad molculas inferiores vi suæ gravitatis propius accedant, atque a fluido gravi ambiente versus omnem partem comprimantur.

CCXXVIII. *Corollarium VI.* Quia Cur per
 per ignitarum particularum violentiam ignem
 corporum partes varie moventur, sol- quædam
 vuntur, & lacerantur, diversasque fluida red-
 propterea figuras, vel incuneationi vel dantur, &
 mobilitati aptas acquirunt, facile capi- quædam
 tur, quomodo fiat, ut idem ignis pro solida?
 diversis circumstantiis corpora fluida
 reddat solida, vel econtra ex solidis
 efficiat fluida? quandoque etiam aliæ
 particulæ heterogeneæ, igniculis per-
 mixtæ, ingrediuntur, & vel per sui
 implicantiam & nexum soliditatem; vel
 per sui volubilitatem, aut figuram, co-
 hæſionis impeditivam, fluiditatem cor-
 poribus conciliant.

CCXXIX. *Corollarium VII.* Quo-Cur mensa
 niam ex varia diversorum corporum simplex
 mixtione, per operationes præsertim præferen-
 chymicas facta, sufficienter discimus, da sit lau-
 diversas oriri fermentationes & coagula- tiori?
 tiones, aut etiam consistentias, facile
 quivis suæ sanitatis conservandæ cu-
 pidus exinde deducet, in cibo & potu
 delectum sibi esse faciendum, melius-
 que longe mensam simplicem, quam
 variis & exquisitis, atque per nimiam
 artem mixtis præparatisque cibis, re-
 fertam eligendam esse, ac summo opere

Sect. IV.

cavendum, ne calida frigidis, acida dulcibus &c. nullo habito ordine stomacho ingerantur; qua regula non observata, sequetur verum esse illud axioma: *plures occidit gula, quam gladius.*

CCXXX. *Scholion.* Quia corpora tam *solida* quam *fluida* in hoc conveniunt, quod nexum seu *resistentiam* quamdam habeant (CCXXIV.) hinc pro varia, quam exercent ejusmodi corpora, *resistentia*, variae nascuntur affectiones, vel utrique corpori *communes*, vel singulis *proprie*, ac singulares, quarum potissimæ sunt sequentes:

Durities

I. DURITIES & MOLLITIES. Describitur autem ab Aristotele l. 4. Meteor: c. 4. *durum corpus, quod ex superficie in seipsum non cedit; molle, quod cedit.* DURITIES porro, a *soliditate* proveniens, consistit in arctiori minimorum physicorum compactione & incuneatione, per quam una pars alteri non facile cedit, ac proinde ipsum totum pressioni & separationi partium vehementer resistit.

Mollities.

MOLLITIES econtra minorem partium cohaesionem præferret: unde & illæ facile separari queunt, & externæ vi cedunt, ut *cera*, v. g. aut *argilla humida*. Utraque

que affectio experientia teste diversis gradibus distingui solet: cum alia corpora aliis duriora, & alia aliis molliora deprehendamus: nullum tamen datur corpus *absolute durum*, quod scilicet *nullatenus* comprimi possit; aut *perfecte molle*, quod nullo modo resistat: eoquod omnia corpora habeant *poros*, qui angustiores vel pauciores fieri queunt (CXXXIII. & *seqq.*) & sint *Elastica* (CXLV.) adeoque post compressionem sese aliquo modo restituentia. Dixi, quod nullum corpus sit absolute durum; nam secus loquendum est de corporum principiis, seu de *substantiis simplicibus* materialibus ob rationem oppositam. Ex corporum *mollitie* illorum flexibilitas, ductilitas, sectilitas, fissilitas, & tractilitas derivatur. Ex *duritie* vero rigiditas, friabilitas, ruptibilitas enascitur, *quæ omnia*, ut ait P. Ferrari T. II. q. 6. *non aliud forte sunt, quam diversæ duritiei aut mollitiei modificationes.* Nempe

II. FLEXIBILITAS ea est corporis *Flexibilitas* affectio, per quam, salva partium unionis, corpus a naturali sua figura & situ ad aliam facile figuram & situm, e. g. ex recto in curvum deduci potest. Adeoque ex particulis mollius implexis,

Sect. IV.

gracilibus, porosis, & varie inter se contortis exoritur. Ita se habent *lignum* & *corium*, quæ proin vi disrupta magnam partium inæqualitatem, & fibras alias aliis intextas exhibent.

Ductilitas. III. DUCTILITAS (quæ teste Cl. P. Donato inter *duritiem* & *mollitiem* media existit) illa dicitur affectio, qua corpora quædam vel malleatione in laminas diduci, vel tractione in fila extenuari, extendique possunt, quin partium cohæsiō tollatur. Nascitur ex summa partium aliquantulum mollium compactione, molecularum aptam figuram habentium tenacitate, ac nexu mediocri firmitate prædito. Ad eam pertinet etiam TRACTILITAS.

Sectilitas,
Fissilitas. IV. SECTILIA dicuntur ea corpora, quorum fasciculi *transverse* separari scindendo valent: FISSILIA vero, quorum molecule, quasi in filamentorum fasciculos collectæ, *in longum* dividi facile queunt. Sic *metalla* sectilia sunt, non fissilia; *ligna* econtra & *lapides* fissilia sunt.

Rigiditas. V. RIGIDITAS iis corporibus competit, quorum particulæ ita cohærent, ut una alteri motæ non cedat, proinde ipsum corpus flecti non possit: aut,
si

si major vis accesserit, ipsum corpus frangatur, ut *vitrum* & *lapis*: constant nempe hæc corpora ex partibus, leviter invicem nexis, & sese velut in puncto tangentibus; unde si hæ vel minimum divellantur, mox continuitate sua privantur: ex hac ergo oritur FRANGIBILITAS seu RUPTIBILITAS, ea corpora afficiens, quorum partes distrahi non possunt, oriturque ex tali textura partium, quarum una quidem tangit aliam, & cum illa congruit, plexum tamen & incuneationem non nisi debilem tenet.

VI. FRIABILITAS de illis corporibus prædicatur, quæ summa gaudent ariditate, rigiditate, ac summe debili & inæquali particularum nexu, unde fit, ut levi digitorum attritu in pulverem abeant: ita se habent *Lacrymæ Batavicae* (CLIII.) nam dum partes, ignis actione rarefactæ, aquæ frigidæ immerguntur, & subito ac inæqualiter condensantur, inordinatus particularum status exinde promanans hunc effectum producit: quare artifices in conficiendo *chalybe* sedulo curant, ut particulæ prius implicentur, & pori coangustentur, antequam frigidæ immer-

mergatur, ideoque eum nimium candentem malleo prius contundunt; id ni facerent, nedum summo opere *fragilis*, sed & *friabilis* ille evaderet.

Viscositas.

VII. VISCOSITAS, quæ inter soliditatem ac fluiditatem status fere medius est, corpori lentam quamdam ductilitatem trahilitatemque tribuit, uti videre est in *resina*, *pice aut cera*. Rationem ejus formalem Cl. P. FABRI ex *mixtione ignis cum humore*: at vero Cl. PP. Trevoltienfes ab *aere* in viscosis prædominante referunt: utriusque sententiæ momenta paucis affert Cl. P. Hauser *Phys. gen. p. 2. § §. 415. & 416.* id certum esse mihi videtur, hanc quoque affectionem ex diversa partium coheræntia, configuratione & plexu particularum, potissimum heterogenearum interne oriri: attamen hæc ipsa textura interna humano sensui & Intellectui cum plurimis aliis est adhuc impervia, & illi soli nota, qui fecit omnia verbo virtutis suæ: quidquid autem dici potest pro una vel altera ex duabus hisce opinionibus, si accuratius expendantur, forsan ultimate nil aliud nisi conjecturæ sunt, quibus diutius immorari operæ pretium non est.

VIII.

VIII. ASPERITAS & LÆVITAS Asperitas.

sunt duæ affectiones solidorum & fluidorum corporum, solummodo per respectum ad sensum *tactus* iisdem competentem. *Prior* consistit in partium, superficiem corporis constituentium inæquali positura, sive aliarum super alias eminentia, qua *tactus* organum vellicatur, aut etiam læditur, ac laceratur, ut accidit in asseri hispido & non dolato, aut arborum quorundam corticibus, vel urticarum foliis. *Posterior* Lævitas.

econtra per æqualem earundem partium dispositionem habetur, ex qua *tactus* demulcetur, uti notari potest in speculo, aut marmore polito, vel ligno dolato &c. cæterum microscopia indicant, nullam omnino corporis cujuscunque superficiem *perfectè lævigatam* existere; nam & in acus acumine & novacula politissima varias cavernulas & prominentias observamus: quamvis autem hæc particularum inæqualitas *sensibus* nostris haud appareat, non tamen negari debet, cum *sensus* nostri se solis non sufficiant ad omnes corporum affectiones detegendas, & in iis sæpe hallucinentur, quæ clarissima ratio demonstrat; nam e. g. linea in papyro ducta *recta* nobis apparet,

Sect. V.

ret, quæ tamen admoto Engyscopio curva videtur, & multis inæqualitatibus intercepta.

SECTIO V.

De Figura Corporum.

ARTICULUS UNICUS.

An nedum corpora quævis in specie, sed & moleculæ primigeniæ determinatis gaudeant figuris?

Figura. CCXXXI. **F**igura, quæ inter *Modos primarios* postrema est (*Log. fol. 91.*) ut jam in Logica definivimus, est *exterior partium dispositio*, seu terminus, cujus ambitu tota corporis substantia continetur, & plurimum differt a figura corporis *interna*, quæ vulgo *configuratio* dicitur; hac enim mutata simul species corporis in aliam speciem convertitur; non item si *illa* mutetur; nam v. g. dum granum frumenti in farinam, aut lignum in cineres abit, mox nova species exoritur; non autem si lignum v. g. ex oblongo fiat cubicum, quadratum aut pyramidale &c.

CCXXXII.

CCXXXII. *Scholion I.* Duplicis ge-Figuræ
neris figuras Geometræ considerant. Geome-
Primi generis sunt figuræ planæ, seu trica.
ut vocant, figuræ superficierum, de qui-
bus agunt in Epipedometria, hoc est,
in secunda parte Geometriæ vulgaris.
Ita quædam corporis superficies est v. g.
triangularis, alia quadrata, vel circu-
laris, aut Elliptica, alia pentagona,
hexagona, aut Polygona &c. *secundi*
generis sunt figuræ solidæ, quas vulgo
nominant *figuras corporum*, atque in
tertia Geometriæ parte, *Stereometria*
dicta, pertractant: hoc modo corpus
dicitur sphaericum, cubicum, conicum,
cylindricum, prismaticum, paralelepi-
pedum, tetraedron, Icosaedron, dode-
caedron &c. porro etiam Physici ad
explicanda rerum naturalium phœno-
mena & affectiones has duplicis gene-
ris figuras adhibent, & frequenter in
medium adducunt, ut ex dictis patet,
tum adhuc ex dicendis patebit: eo-
rundem vero terminorum explicatio-
nem ex Geometria suppono.

CCXXXIII. *Scholion II.* Præter haf-Talisma-
ce figuras dantur & aliæ, *Talismanicæ* nica.
vulgo dictæ, in quibus certum homi-
num genus, superstitionibus assuetum,
con-

Sect. V.

confidit, ac si virtutem nescio quam in se habeant, suntque characteres, annulis aut laminis metallicis, vel etiam membranis inscripti. Ast cum quævis figura sit affectio corporis ex se penitus *iners* & nullius activitatis (est enim modus extensionis tantum *negativus*; quia ratio *termini* dicit meram *negationem* ulterioris *realitatis*. Metaph. fol. 444.) evidenter constat, quod reipsa nulla penitus virtus ipsis inest, *naturaliter* loquendo, sed ope solius dæmonis efficiant, si quid mirum operentur. Videantur dicta Metaph. fol. 607. &c.

Figura
quid sit
PP. &
NN. ?

CCXXXIV. Scholion III. Figura a Peripateticis dicitur *relatio partium ad partes* (vel etiam alio nomine *æqualitas*, aut *inæqualitas*) & quidem vel transcendentalis vel prædicamentalis (Log. fol. 81.) nempe quia nullum corpus potest esse sine omni figura) secus enim foret *infinitum*, & nulli clausum terminis) hinc docent, aliquam saltem figuram *indeterminatam* esse relationem *transcendentalem*: quia item ex figuris *determinatis* modo hanc modo illam corpus assumere valet (potest enim v.g. ex ligno *rotundo* fieri *cubus*, aut *cylinder*, vel *pyramis* &c.)
ideo

ideo certam ac *determinatam* quamvis figuram inter relationes *prædicamentales* annumerant, eamque ex VV. Scotistis non pauci a fundamento, terminum connotante, stricte realiter distinguere, quos in *Metaphysica fol. 408. & seqq.* refutavimus : ideoque etiam hic cum Neotericis tenemus, figuram corporis *determinatam* nonnisi illius *modum* existere conformiter ibidem dictis *fol. 127. & 420.* Cæterum iidem quoque Peripatetici figuram pro aliquo *inerti* sumunt, dum communiter docent, *relationem* quamlibet *esse de genere steriliū*, adeoque nihil activum importare : utut negari non possit, quod eadem corporum figura, saltem ut *conditio*, activitatem corporis multum promoveat ; nam v. g. figura certa in *cultro, securi &c.* ad divisionem : figura alia in *clavis, terebra &c.* ad trajectionem : alia item *aspera* aut *lavigata* ad bene vel male afficiendum tactus organum conferre solet, prout experientia quotidiana demonstrat. Jam de figura, hoc modo accepta, sit

K k

PRO-

P. Oster. Physic. Pars. I.

PROPOSITIO I.

Quælibet Corporum species suam
habet figuram a specie alterius
Corporis distinctam.

Figura de-
terminata
competit
corpori-
bus,

CCXXXV. **P**ROBATUR ab Inductio-
ne, & singulorum cor-
porum, specie differentium, inspectio-
ne, vel nudo oculo vel microscopio
armato facta, tam animalium, quam
plantarum, Elementorum, ac mixto-
rum quorumvis sensibilibum &c. Acce-
dit *ratio*, quia figura est *limes exten-
sionis*: atqui omne corpus est *limitate ex-
tensum*: ergo & *figuratum*. Item quæ-
libet corporum species habet *distinctum*
extensionis litem ab alia corporum
specie, seu distinctam *configurationem*,
& formam nedum *essentialem* (LXX.)
sed & *substantialem*, hoc est, *vim ad-
vivam* (LXXV.) a qua corporum simili-
tudo & dissimilitudo oritur (LXXXV.)
ergo distinctam etiam *figuram* habebit.

PROPOSITIO II.

Particulæ quoque primigeniæ ac
moleculæ diversis gaudent figuris,
atque texturis

Et Corpo-
rum mole-
culis.

CCXXXVI. **P**ROBATUR I. *Ratione*.
Ex immediate dictis cor-
pora

pores gaudent distincta figura & textura: ergo etiam *particulæ* seu *partes*, corpora constituentes; cum *partes* simul sumptæ non distinguantur a *toto*. Quin imo quod tam *minimæ* *moleculæ*, ex substantiis simplicibus activis ortæ (C) quam etiam *particulæ* *maiores* & sensibiles, ex prioribus constantes (CII.) seorsim atque *divisim* consideratæ, diversis gaudeant figuris atque texturis,

PROBATUR II. *Experimentis*, & *observationibus* variis. I. Per microscopium solare, aut aliud melioris notæ, variæ in diversis *moleculis* minutissimis & constantes observantur figuræ, e. g. *pulveres* ex alis papilionum excussi totidem plumulas coloratas cum suis caudicibus referunt: *arena subtilis* velut cumulus lapidum diversi coloris & figuræ apparet: *piperis* & *urticæ* *minimæ* *particulæ* meris horrent spiculis: *farina* globosa, aut vesicularum instar videtur: *salviæ* superficies telam araneæ repræsentat. *Sal communis* aut *marinus*, in aqua solutus, & denuo per ignem aut solis calorem exsiccatus coagulatur in meros cubulos: *sal petreæ* in aciculos, seu *minimas lanceas*: *sal gemmæ* in quadratula:

Sect. V.

sal tartari in triangula: *alumen* in octoedra &c. II. In *fermento* aut *aceto* facculento soli exposito nudis etiam oculis observari possunt *anguillæ* innumeræ: Itemque in *aqua*, *foeno* aut *paleis* per aliquot dies macerata, videri queunt per idem *microscopium* insecta, diversimode figurata: *Cæsi* quoque putrescentis abradi pulveres *scarabæos* ostendunt *multipedes* &c. III. Quidam liquores in varia corpora intime se *insinuant*, quo penetrare *aqua* & *vinum* non possunt: e.g. per corium & *cuprum* facile penetrat *Mercurius*, non item *aqua* & *aer*: *aqua regia* aurum, non item argentum; *aqua fortis* argentum non aurum dissolvit: hæc ipsa *plumbum* in pulverem non comminuit, sed *calcinat*: quodsi vero debilitetur affusa *aqua* communi, *plumbum* dissolvit sicut argentum; & si adhuc magis debilitetur, *ferrum* quoque & *cuprum* dissolvit, ex quo manifeste colligitur diversitas figuræ in particulis illarum aquarum, & *texturæ* in partibus istorum metallorum. IV. Idem demonstrat *ebullitio* illa, & *effervescentia*, quæ oritur, si *spiritus acidi* affunduntur salibus Alkalicis; spiritus enim acidi, cum poros salium, e quibus per distillationem

nem

nem extracti olim fuerant, inveniant figuræ partium suarum accommodatos, in eas tanquam in vaginas & avitas sedes cum impetu irruunt: id vero minime contingit, si dicti spiritus acidi aliis corporibus non Alkalicis affundantur &c. V. Alii econtra liquores, haud dubie ex eadem figurarum diversitate, sese *refugiunt*, & misceri renunt: id patet in *aqua* & *oleo*, itemque in *spiritu vini* rectificati & *oleo tartari*, ac in omni fere liquore *pinqui* cum macro: *aqua fortis*, excepto auro, metallis cæteris miscetur: *aqua regia* soli auro: *Mercurius* cum solo ferro subigi renuit. &c. diversa quoque figura præstat, quod *vinum aquæ*, ac ipsa etiam diversi generis vina mutuo sibi imponi queant in eodem vitro, si guttatim, aut mediante aliquo filtro, vel pane, unum alteri affundatur. VI. Figurarum itidem diversitas *herbis*, *lapidibus* & *succis* vires diversas medicas attribuit, vel ad penetrandum, vel ad dividendum, vel ad vellicandum &c. prout v. g. lixivium aptius est ob *sales*, quibus abundat, ad fæces purgandas quam simplex *aqua* &c. denique infinitus forem, si omnia hic recenserem, quæ ex diversa corporum *figura* in uni-

Sect. I.

verso commoda eveniant, quæque exinde phœnomena declarentur: videantur dicta de *poris* (CXXXV.) itemque (CCXXX.) & adhuc dicenda in *Dissert. IV.*

DISSERTATIO III.

DE

MOTU LOCALI; ET ÆQUILIBRIO CORPORUM.

EXpositis nunc in Dissertatione præcedenti corporum naturalium affectionibus generalibus, qui a *modis primariis* (Log. fol. 90.) potissimum dimanant, attingimus præstantissimam, utilissimam atque pulcherrimam illam corporum eorundem affectionem, & *modum* omnium primarium, qui vim non modo omnem sed & utramque in moderna Recentiorum Physica paginam implet, videlicet *motum*, de quo verissime pronuntiavit Aristoteles *Phys. 3. c. 1. text. 1. ignorato motu naturam quoque ignorari necesse esse.* Unde & satis mirari nequeo, quod Scholastici ac cæteri Aristotelis sectatores (qui tamen pro objecto Physicæ corpus naturale, ut *naturale*, hoc est, ut *principium*

pium omnium motuum ac mutationum plerumque statuunt) de motu nihil in Physica pertractent ; imo præter motus definitionem, de quo tamen eorum Magister in suis *Physicorum libris* fufe ac docte differit , nihil fere difcutiendum affumant : hoc autem omiffo cum nihil circa naturæ effectus atque phænomena explicari fcirique poffit , hinc pariter non mirum , quod ifti Philofophi horum omnium ignari communiter deprehendantur , & magis ſterilibus ac inutilibus ſpeculationibus , Metaphyſicationibus, ac Logomachiis detineri, quam in ipſas naturæ proprietates indagare peramanter ſoleant. (XI.) Interim etiam forte non negandum, quod ex Recentioribus non pauci in hac materia nimium exceſſerint atque excedant , non quidem *absolute* , ſed *comparative* , reſpiciendo ſcilicet ingenia tyronum , quæ intricata præſertim Mathematicarum demonſtrationum, & Algebraicarum ſubtilitatum farragine plus onerant & obruunt, quam illuſtrant & exornant. Nos equidem præſuppoſitis Arithmeticæ, Algebrae, & Geometriæ primis ſaltem Elementis (ſine quibus in hoc tractatu paſſus vix ullus fieri poteſt) non negligenter aut perfunctorie,

Sect. I.

rie, attamen nec plus, quam quod habita captus tyronum ratio, & operis brevitatis patitur, differemus, agendo in tribus Sectionibus 1. de motu in genere. 2. De motibus in specie. 3. Demum de æquilibrio. Igitur

SECTIO I.

De Motu in genere.

ARTICULUS I.

De Definitione, Divisione, & existentia motus Localis.

Motus localis definitio propria.

CCXXXVII. **M**otus localis omnium optime definiri potest, quod sit *translatio corporis, vel totius vel partium, de loco in locum fluxu continuo*. Sic v. g. navis tota secundo flumine vecta movetur: rota pariter circa axem gyrata movetur, & de loco in locum, saltem secundum suas partes, transfertur. Tria adeoque in omni motu occurrere solent, 1. *Terminus a quo*, seu locus, qui relinquitur. 2. *Terminus ad quem*, seu locus, qui de novo acquiritur, & 3. *Continuus fluxus*

aus ab uno termino ad alterum: ideoque omnis motus est *successivus*, nec quisquam in instanti *physico* naturaliter fieri potest, cum aliqua saltem temporis *mora* requiratur ad motum primo incipiendum, tum & *prosequendum*.

CCXXXVIII. Scholion I. Aristoteles Aristotelis

l. 3. *Phys. c. 1. text. 12.* motum generatim, & non pro solo motu *locali*, sed pro quavis *mutatione*, tam spirituali quam corporea, acceptum definit, quod sit *actus entis in potentia*, quatenus in *potentia*. Id est (prout vulgo exponunt Peripatetici) *perfectio entis alicujus, quatenus tendit ad aliam perfectionem, aut terminum, quem non habet*. Ast in hanc definitionem non parum insurgunt plurimi ex Neotericis, tanquam *obscuriorem* suo definito, eoquod vox *actus*, in quo tamen motus essentia a Stagyrta ponitur, magis in abdito sit, quam ipse *motus*. Certe Lockius l. 3. c. 4. de *hum. Intell.* ita loqui non perhorrescit: *ecquid humanum ingenium excogitare potuit ineptius definitione ista? -- si Tullio interroganti, quid Belgica vox Bewegin-go, significet? Batavus latine responderet: esse actum entis in potentia, quatenus in potentia, rogo, utrum quis existi-*

Sect. I.

stimet, potuisse Ciceronem vocis istius significationem intelligere, aut conjectura ideam colligere, quam Batavus communiter in animo habet, quando sonum istum profert?

a Cl. Purchotio explicatur.

CCXXXIX. Scholion II. Nihilominus Cl. D. Purchotius *Phys.* p. 1. Sect. 4. c. 3. præfatam Aristotelis definitionem ab obscuritate vindicare cupiens, eam in hunc modum interpretatur: “observandum, inquit, cum Aristotele ibidem, quædam entia esse, in potentia tantum, ut aqua frigida, vel potius glacies est in potentia tantum ad calorem; quædam esse in actu tantum, ut aqua calida est in ipso actu caloris; quædam denique partim esse in actu, partim in potentia, qualis est aqua, quæ calefit, quæque tendit actu ad calorem, & hæc entia, quæ sunt in potentia, & in actu simul, dicuntur moveri, quod etiam in spiritualibus verum est, nam mens hominis est in potentia, v. g. ad propositionem aliquam, vel demonstrationem percipiendam: sed ubi ad eam ipse applicat, partim est in actu, partim in potentia; sive, uno verbo, est in motu: Cum denique eam propositionem aut demonstra-

stra-

„strationem percipit, dicitur in actu.
 „Quam ob rem ea motus definitio
 „omni plane mutationi, tam spiritali
 „quam corporeæ, ex æquo convenit.,
 Hæc ille. Verum, quidquid sit, illud
 certissimum est, quod prior motus de-
 finitio (CCXXXVII.) multo clarior,
 nec minus solida existat: accedit, quod
 solus motus localis dignitatem motus pro-
 prie, tum apud vulgus tum apud do-
 ctos obtineat, atque aliæ mutationes
 hujus localis motus meri effectus sint;
 per motum enim localem genera-
 tiones, & corruptione alteratio-
 nes & diminutiones, augmenta &
 decrementsa fiunt, cum illo mediante
 diversæ corporum configurationes,
 texturæ atque figuræ (in quibus præ-
 fatæ omnes mutationes consistunt) uni-
 ce oriantur: ergo prima motus defini-
 tio itidem a nobis huic secundæ præ-
 habetur.

CCXL. Scholion III. Cartesius aliam Definitio
 adhuc motus definitionem dedit 2. p. motus Car-
 princip. n. 25. nimirum, quod sit trans-tesiana re-
 latio unius partis materiæ, sive unius jicitur.
 corporis ex vicinia eorum corporum, quæ
 illud immediate contingunt, & tanquam
 quiescentia spectantur, in viciniam alio-
 rum,

Sect. I.

rum, per corpora porro intelligit ipsa spatia quia ambo vocabula pro *Synonymis* habet (Metaph. fol. 631.) adeoque motum ipse potius definiit in ordine ad locum *respectivum*, quam *absolutum* (Metaph. fol. 624.) & hoc subdole; sentiens nempe suo tempore cum paucis, Systema mundi Copernicanum (in quo sol in centro universi stare, terra autem moveri dicitur) loqui tamen, & S. Scripturæ textus in sensu proprio interpretari cum pluribus volens, hac definitione usus, terram revera stare, solemque moveri asseruit, ex eo, quod terra non transferatur e vicinia corporum ambientium, puta atmosphæræ aeris; cum terra in aere inclusa unacum ipso aere circa solem gyretur, utut alium aliumque identidem locum *absolutum*, seu spatium negativum, re ipsa occupet. Ast repugnat profecto hæc assertio *sensui communi* ac *intimo hominum*, quos omnes ac singulos ita a natura comparatos novimus, ut, quamvis terra in eodem loco *respectivo*, seu liquido, ipsam ambiente, natet in Systemate Copernicano, eam tamen *absolute moveri* judicent, quia ab una mundi parte, seu spatio negativo ad aliud transfertur. Adde, quod ex hac defi-

definitione pariter sequeretur, eum, qui v. g. in Rheda aut navi ex una urbe aut provincia in aliam transveheretur, minime moveri, quia semper maneret in vicinia eorundem corporum ambientium, Rhedæ scilicet aut navis, quod itidem falsissime & per-absurde dicitur, quia talis juxta omnes verissime movetur, non quidem motu proprio, seu sibi soli peculiari & respectivo, sed absoluto, & communi totius Rhedæ vel navis; transit enim, & abripitur ab una orbis civitate aut provincia, quæ velut quietæ concipiuntur, in aliam saltem mathematicè quietam &c. quare ut in communibus aliorum omnium Ideis permaneamus, etiam præ hac definitione Cartesii prior illa (CCXXXVII.) multis parafangis potior, & sola tenenda nobis esse videtur.

CCXLI. *Scholion IV.* Dum corpus actu movetur de loco in locum, si subtiliter ac Metaphysice loqui velimus, resultat ubicatio, tanquam *modus mortuus*, (Metaph. fol. 127.) sive relatio locati ad locum: & dum successive ac diutius movetur, resultat plures ubicationes, cum semper novas relationes dicat ad illa loca, ad quæ pervenit: unde non immerito Cl. P. Fort. a Brix.

Phys.

In quo motus localis formaliter ac Metaphysice consistat?

Sect. I.

Physf. gener. p. I. §. 104. docet, motum localem *formaliter* (in sensu scilicet strictiore Metaphysico loquendo) consistere in *serie successiva* ubicationum, sive relationum ad locum, quarum una pereunte semper exurgit altera. Sed & alii RR. Philosophi passim asseverant, quemvis motum, a corpore naturali fieri solitum, *modum* istius existere, & accidens respectivum, nos cum citato Cl. P. Fort. §. 106. similiter dicimus, quod motus localis, *formaliter* sumptus, nulla prorsus sit *entitas realis positiva*, corpori, quod movetur, superaddita, cum & *ubicatio* extrinseca tantum denominatio sit, nihilque reale positivum, eoquod *terminus* relationis (locus nempe absolutus, seu spatium) nihil sit *reale positivum*, ut in Metaphysica diximus *fol. 627.* & *seq.* ergo nec ipse *motus*, tanquam *relatio*, aut series relationum seu ubicationum, aliquid *positivum* erit, & hoc multo minus, quam aliæ *relationes*, quarum termini sunt *positivi*, e. g. *relatio similitudinis* in duobus muris albis, *relatio Paternitatis* &c. MOBILITAS tamen, quæ est aptitudo, sive capacitas ad motum, & ejusdem quasi *actus primus*, cum cuivis corpori *essentialiter* tan-

tanquam dispositio naturalis competat, adeoque *inseparabiliter*, non est *modus* tantum, sed *attributum* corporis dicendum, conformiter iis, quæ similiter in Metaphysica tradidimus *fol. 75. & seqq.*

CCXLII. Motus localis existentiam **Motus exi-**
demonstrare non est necesse, cum ea **stentia.**
sit adeo certa & evidens, ut ab illo solo verti in dubium queat, qui loqui potest, quin linguam moveat, aut ambulare, quin pedes e loco in locum transferat: unde & Diogenes, teste Laertio *l. 6. n. 39.* dicente sibi quodam de schola Zenonis (qui motus localis existentiam non quidem cum Parmenide & Melisso omnino negabat, bene vero in dubium vocare ausus est) non esse motum, exurgens ambulabat, cumque rogaretur, quid faceret? respondit: argumenta Zenonistarum *dissolvo.* Et Aristoteles illos Philosophos, qui motus existentiam negabant, teste Sexto Empirico *l. 9. adv. Mathematic.* appellavit *statorios*, & non *physicos*: *statorios* quidem a *statione*: non *Physicos* autem, id est, non *naturales*, quoniam natura est principium motus, quem sustulerunt, dicentes nihil moveri. Ut tamen aliquid de motus
exi-

Sect. I.

existentia methodice more nostro dicamus, sit

PROPOSITIO.

Singula corpora non tantum moveri possunt, sed & motum actu partium suarum intestinarum habent, utut quoad sensum quiescere videantur.

In corporibus, & corporum partibus internis.

CCXLIII. PROBATUR I. p. Singulis enim propria est *mobilitas* (CCXLI.) & quidem vel major vel minor pro ratione *figuræ, lævigationis, aut molis, vel medii*; sic enim v. g. corpus *globosum* facilius moveri potest, quam *quadratum*: & quadratum facilius per superficiem *lævigatam*, quam *asperam*: facilius item *globus eburneus* mole levior, quam *plumbeus*: expeditius denique per *aerem*, tanquam medium rarius, quam per *aquam* &c. ergo.

PROBATUR II. p. Observamus quippe 1. Liquida perpetuo mutari, & vel mole augeri, vel minui, rarefieri, aut condensari, transpirare, corrumpi &c. 2. Solidissima metalla nedum calefiunt & frige fiunt, sed & successu temporis faiscunt, & rubigine aut

aut ærugine exeduntur : In *lapidibus* item *Metallicis* solo aeris & aquæ affluxu & refluxu particulæ metallicæ colliguntur : vis quoque Electrica in marmore, adamantibus, vitris &c. absque motu intestino concipi nequit.

3. Plantarum & animalium corpora non in externis tantum superficibus crescunt, sed & quoad fibras internas, medullas, & ossa augentur, & emortua putrescunt, ac in pulveres abeunt, suisque item determinatis gaudent effluviis atmosphæris (CLXXXIII. & seqq.) ergo evidens signum est, quod partes quorumvis corporum internæ, tam in *solidis*, quam in *fluidis*, continuis pateant ignis, aeris, aliorumque fluidorum subtilium (de materia *gravitante* nil dicam) per poros meantium impulsibus, quos necessario *motus* & *agitatio interna* subsequi debet : utut determinate affirmari nequeat, quod *omnes* corporum partes in motu sint, sufficit, quod *plurimæ* aut *plures*, pro diversitate & structura, aut numero pororum &c. nec debet hic motus continuo esse *sensibilis*, hoc est *sensibus* immediate patens, cum satis sit, eum a *ratione* clare deprehendi, quandoquidem

L I dem

P. Oster. Physic. Pars I.

dem nec ipse motus localis corporum formaliter spectatus per se sensibilis est; nam, ut bene ait Sextus Empiricus apud Cl. P. Fort. a Brix. *Phys. gen. p. I. §. 110.* omnis motus intelligitur per loci derelictionem & apprehensionem: sensus autem neque locum potest apprehendere (nisi enim locus absolutus est sensibilis) neque apprehensionem & derelictionem (ea enim considerantur memoriter) sensus autem, cum sit expers rationis, est immemor: non ergo motus est aliquid sensibile per se: attamen per accidens motus dici potest sensibilis, quia diversa quoad sensum sunt corpora, quibus mobile successive præsens efficitur. Porro sunt quædam argumenta, vel potius Sophismata, contra motus localis existentiam obmoveri solita, quæ breviter & clare, quantum fieri potest, refutari debent, videlicet

Argumentum I contra motus existentiam.

Sophisma
primum.

CCXLIV. Diodorus Cronus Sophista quondam sic argumentabatur: Si quidquam moveretur, vel moveretur in loco, in quo est, vel in quo non est? non primum: quia, ubi est, manet; alias non

non esset ibi. Non *2dum* : quia, ubi aliquid non est, nec agere, nec pati potest. Verum hoc ipsum Sophisma argumento *ad hominem* solvit Herophilus Medicus, ab illo vocatus ad humerum forte luxatum sibi curandum, dum sumpto ejusdem argumento humerum luxari aut loco moveri potuisse negavit, dicens : *si humerus luxatus motusque foret : aut esset emotus e loco, in quo erat, aut in quo non erat ? atqui neque in quo erat, neque in quo non erat : ergo emotus non fuit.* Cui Diodorus : *sine arguitas, & manum curationi admove !* nempe dici debet, quod corpus nec moveatur in loco, in quo est ; nec in loco, in quo non est, sed *de loco in locum* ; translatio enim involvit *utrumque terminum*, cum fiat *successive*, nec in instanti naturaliter fieri possit (CCXXXVII.) peccat itaque Diodori Sophisma in perfecta *enumeratione partium* (Logic. fol. 281.)

Argumentum II.

CCXLV. Si datur motus, vel est in *Sophisma* *movente* subjectatus, vel in *mobili* ? vel *secundum* *in utroque* ? non *immo*, quia pergit moveri lapis, etsi projiciens v. g. subito

Sect. I.

moreretur. Non *2dum*, quia motus est *actio*: ergo potius debet esse in *agente*, quam in mobili seu *passo*. Nec *3tium*; alias enim *idem actus*, seu eadem numero perfectio, foret in subjectis distinctis, quod implicat. R. quod, si motus *active* sumatur, sit in *movente*: sic quippe est ipsa actio, impetum seu impulsus produciens, & mobili imprimens. Sin autem motus sumatur *formaliter*, prout est transitus de loco in locum, tunc potius in *mobili* subjectatur, quam in *movente*, & consistit in *ubicationibus* continuis & successivis: ubicationes autem sunt *relationes*, & *relationes* supponunt duo, fundamentum scilicet & terminum: ergo & motus, hoc modo consideratus, non est in *movente* nec *moto* solum, sed in *utroque* (Met. fol. 495.)

Argumentum III.

Sophisma
tertium.

CCXLVI. Nequit explicari, quomodo physice ac realiter contingat motus rotæ circa suum axem; extrema namque rotæ peripheria easdem spatii partes absolvere videtur, quas illa peripheria, quæ est axi proxima, absolvit: atqui hoc est imperceptibile, cum
hujus

hujus circulus sit minor, & alter major : ergo non possunt eodem tempore æqualem lineam in plano describere &c. R. quod in hoc casu dentur duo distincti motus : unus *rotationis* seu circumvolutionis, competens præcise peripheriæ, ratione sui majoris aut minoris circuli, & de quo loquitur istud argumentum, alter vero motus est motus *translationis*, per quem rota non solum movetur in circulo circa suum centrum immobile, sed quatenus simul transfertur de loco in locum ad describendam aliquam lineam. Jam hic posterior motus minor est in majori, & major in minori circulo : unde per hunc motum compositum ambo ejusdem rotæ circuli, extimus scilicet & axi proximus, simul absolvere possunt unam eandemque lineam in plano descriptam, quatenus minor rota compensat per *translationem* motum *rotationis* sive circulatorium ; nam e. g. sit rotæ majoris motus *circulationis* $\equiv 6$, & translationis $\equiv 3$: econtra rotæ minoris translatio $\equiv 6$, & circumvolutio $\equiv 3$, utraque absolvat lineam $\equiv 18$, nempe $6 \times 3 \equiv 18$.

Argumentum IV.

Sophisma
quartum.

CCXLVII. Zeno istud argumentum (vulgo *Achilles* dictum) proponebat. Si daretur motus, tunc velocissimus Achilles nunquam posset assequi tardissime reptantem testudinem; nam distet v.g. testudo uno milliari ab Achille; Achilles autem centuplo velocius quam illa per eandem viam progrediatur. Jam dum milliare illud Achilles percurrit, conficiet alterius milliariis partem centesimam testudo: priusquam ad hanc centesimam milliariis partem Achilles insequens perveniat, rursus testudo aliam centesimam ejusdem centesimæ partem absolvet, & sic in infinitum: adeoque Achilles testudinem nunquam attinget. Verum, præter superius dicta *sol.* 297. & *seq.* istud Sophisma ab eo solvi facillime potest, qui progressionum & fractionum in Arithmetica Theoriam noverit: inde namque sciet, quod 1 milliari $\dagger \frac{1}{100} \dagger \frac{1}{10000} \dagger \frac{1}{1000000}$ milliariis, & quæcunque demum series quantitatum, in Geometrica proportionem etiam in infinitum decrefcentium, quantitati finitæ æqualis sit (CXXVIII.) adeoque etiam finito tempore percurri poterit ab Achille. Igitur si percurrat Achil-

Achilles intra horæ spatium 1 milliare, percurrent utique intra partem centesimam horæ partem quoque centesimam milliaris, intra partem item horæ decies millesimam percurrent partem milliaris decies millesimam, & intra horæ partem millionesimam peragrabit milliaris partem millionesimam, & sic in infinitum spatia ab Achille peragrata in proportionem Geometricam continuo decrescent, nempe ut 100; ita ut $\frac{1}{100}$ sit differentia terminorum etiam in infinitum decrescentium: hæc porro fractiones singulæ ut in unam summam addantur, Arithmetica docet, differentiam primi & ultimi termini, nempe in nostro casu $\frac{1}{100}$, dividi oportere per nomen rationis, videlicet 100, unitate minutum (scilicet $100 - 1 = 99$) quotus erit $\frac{1}{9900}$: huic si addatur terminus primus $\frac{1}{100}$, reducendæ prius fractiones ad eundem denominatorem, id est $\frac{100}{9900} + \frac{1}{100} = \frac{100}{9900} + \frac{99}{9900} = \frac{199}{9900}$ prodibit $\frac{1}{99}$, adeoque testudo omnibus illis infinitis spatiis $\frac{1}{99}$ tantummodo milliaris absolvet, & Achilles post $1 + \frac{1}{99}$ horæ, emenso $1 + \frac{1}{99}$ milliari testudinem assequetur.

Vel brevius per ALGEBRAM via, quam testudo dato tempore peragit,

Ll 4

ante-

antequam a centies velocius, corrente Achille attingatur, vocetur x , & quia uno milliari Achillem præcedere testudo supponitur, erit iter testudinis $1 + x$, via autem Achillis ob centuplo majorem velocitatem denominari debet, $100 x$. Jam juxta Regulam Algebrae operando, sequens prodibit æquatio.

$$1 + x = 100 x.$$

subtrah. x .

$$1 = 99 x.$$

Div. per 99.

$$\frac{1}{99} = x.$$

erit, addendo 1 milliare $= 1\frac{1}{99}$ Milliaris.

Divisio motus Localis.

Motus absolutus.

respectivus,

CCXLVIII. Motus omnium *primo* ratione *loci* dividi solet in *absolutum* & *relativum*. Prior est translatio de loco in alium locum absolutum seu intrinsicum (Metaph. fol. 625.) posterior est translatio de loco in alium locum respectivum, & extrinsecum seu secundarium (Ibidem fol. 632.) de quo solo Definitio motus Cartesiana intelligi valet. (CCXL.) II. Ratione vis *motricis* dividitur in *simplicem* & *compositum*.

Motus

Motus *simplex* a vi unica efficitur, vel, *simplex*, etiam a pluribus versus eundem terminum & viam: & corpus, quod hoc motu fertur, semper linea recta movetur. Motus *compositus* est, qui a dua-Composi-
bus vel pluribus causis, eodem tem-^{tus},
pore, corpus varia directione impellen-
tibus, enascitur. Hic motus præser-
tim in lineis *curvis* notatur. e. g. dum
pila ex reticulo perpendiculariter ascen-
dit, in aere vero per turbinem aut
ventum validum orientem aut occiden-
tem versus transfertur. III. Ratione
viæ, quam mobile peragrat, alius di-
citur motus *rectus*, alius *obliquus*, alius *rectus*, ob-
verticalis aut *perpendicularis*, alius *hori-*liquus &c.
zontalis, aut *curvilineus*, qui postremus
denuo dividitur in *circularem*, *Parabo-*
licum & *Ellipticum* &c. qui termini ex
Geometria patent. IV. Alius item di-
citur motus *proprius*, alius *communis*, proprius,
& alius ex utroque *mixtus*. Primus communis
habetur v. g. in homine deambulante, & mixtus,
aut in globo ex sclopeto excusso. 2^{us}
competit homini in rheda vel navi ve-
cto; ab alio siquidem & cum alio cor-
pore movetur. 3^{tus} datur in homine
deambulante in navi, secundis ventis
natante. V. Ratione *proprietatum*,
quæ motui conveniunt, motus etiam

Celer, tardus &c. appellatur *celer*, *tardus*, *æquabilis*, seu *uniformis*, qui æquales spatii partes æqualibus quibusque temporibus describit: fin autem æqualibus temporis partibus inæqualia spatia decurrat, *inæquabilis* nominari consuevit: alius denique vocatur motus *reflexus*, alius *refractus*, alius *acceleratus*, & alius *retardatus* &c. de quibus singulis agetur opportunis locis.

Quies localis.

Absoluta & relativa.

Duplex de illa sententia.

CCXLIX. Quies localis, quæ motui e diametro opponitur, est permanentia corporis in eodem loco, & quidem alia rursus dici potest permanentia *absoluta* respectu loci *absoluti*: alia *relativa* respectu loci *relativi*; nam re vera quædam corpora *relative* quiescunt, utut *absolute* moveantur, prout apparet in homine, qui sedens *relative* in nave quiescit, *absolute* tamen de loco in locum transfertur. Cæterum multum inter quosdam Philosophos disceptatur, utrum quies sit aliquid reale ac *positivum*, an vero sola *motus privatio*? Aristoteles *l. 5. Phys. c. 8.* & cum eodem nedum Peripatetici omnes, sed & ex RR plerique eam nihil aliud esse existimant, quam *motus privationem*: Cartesius autem cum suis illam non minus

minus *realem* esse & *positivam*, quam motum ipsum defendit 2. p. princ. n. 26.

CCL. *Scholion I.* Quod quies in sola Probabili-
motus privatione aut *negatione* formaliter ^{lius consi-}
 consistat, inde perquam luculenter ^{stit in pri-}
 evinci posse videtur, quia teste *sensu* ^{vatione}
intimo statim ac corpus non moveri in- ^{motus.}
 telligitur, hoc ipso illud *quiescere* de-
 prehendimus, & juxta ipsum Cartesii
 Systema (XLVII.) antequam Deus
motum materiae primae imprefferat, ipsa
 materia per illam *motus privationem* seu
negationem plane quiescebat: ergo, sicut
 ex eo communiter arguitur, *tenebras*
 nil aliud nisi *lucis privationem* existere,
 quia medium, e. g. aer, hoc ipso ob-
 tenebratum est, quod *nullum* in eo *hu-*
men existat: ita similiter *quies* in motus
 privatione consistet, quia corpus quie-
 scit hoc ipso praecise, quod *nullus* in eo
motus existat. *Nec refert*, quod quies
 conveniat corpori *positivo*, quia & te-
 nebrae, atque aliae omnes merae *pri-*
vationes conveniunt rebus *positivis*, nec
 tamen per se quidpiam *positivum* prae-
 ferunt: ergo a pari.

Dices. Ergo etiam *motus*, quieti
 oppositus, in mera *quietis privatione*
 reponi debet, R. N. *Illatum*, nam ad
 motum

Sect. I.

motum saltem *materialiter* spectatum
 (*formaliter* enim nil est nisi relatio, ut
 diximus CXLI.) plane requiritur *actio*,
 cum sit transitus de loco in locum :
 isque præterea tali modo spectatus *po-*
sitivus habet affectiones seu *proprietates*,
 quæ omnia quieti non congruunt ; un-
 de bene apud Cl. P. Fortunat. a Brix.
Phys. gen. p. 1. §. 132. argumentatur
 Cl. P. Malebranche hoc modo : „ ad
 „ agitandum globum in *quiete* existen-
 „ tem quid Deo faciendum est ? suffi-
 „ citne, ipsum *desinere velle*, ut globus
 „ quiescat ? si hoc ita sit, ego nihil
 „ promovi ; namque hoc pacto *motus*
 „ æque erit *privatio quietis*, ac *quies* est
 „ *privatio motus*. Suppono igitur,
 „ Deum *desinere velle*, ut globus quie-
 „ scat. Sed hoc supposito, non video,
 „ illum *moveri*. Si quis vero illum
 „ *moveri* videat, rogo, ut mihi dicat,
 „ *secundum quem motus gradum* movea-
 „ tur ? certe illum moveri impossibile
 „ est, quin *aliquem* habeat *motus gra-*
 „ *dum* ; & ex eo, quod concipitur Deus
 „ *cessare velle*, ut quiescat, concipi ne-
 „ quit, illum *aliquo motus gradu* mo-
 „ veri ; quia de *motu* res secus se ha-
 „ bet, ac de *quiete*, multiplices in in-
 „ finitum sunt *diversi motus* : possunt
 „ reci-

„ recipere *magis* & *minus*. Sed, cum
 „ *quietes* nihil sint, non possunt inter se
 „ differre : idem globus, qui duplo
 „ *majori celeritate* uno tempore quam
 „ alio procedit, duplo *majori* etiam
 „ *vi*, aut motu, hoc tempore quam
 „ alio præditus est : sed globus dici
 „ non potest uno tempore plus habere
 „ quietis, quam alio. „ Jam vero
 ex his jure non immerito sequentia
 cum citato Cl. P. Fortunato §. 135.
 & seqq. deduci possunt.

CCLI. *Corollaria I.* Corpus in quie-^{Quid ex}
 te positum, *ne levissime* quidem, ratione ^{hac fen-}
quietis formaliter sumptæ, moventi *re-* ^{tentia se-}
sistit ; nam moventi *resistere* procul du- ^{quatur ?}
 bio est effectus *positivus* : ergo nequit
 provenire a *quiete* tanquam *causa*, cum
 illa sit pura *negatio*. II. Corpus non
 per *unum* indivisibile temporis instans,
 sed per *plura* temporis instantia in eo-
 dem loco existere debet, ut illuc *quie-*
scere dici possit ; nam sicut in uno tem-
 poris momento *motus* haberi nequit
 (CCXXXVII.) ita nec *privatio motus* ;
 aut secus ex *quiete* intrinsece *motus* con-
 staret. III. *Quiescit* corpus hoc ipso
 præcise, quod *nihil impetus* in illo ha-
 beatur ; sola namque *impetus* absentia
 facit,

Sect. I.

facit, ut *non moveatur*, ejus vero præsensentia facit, ut *moveatur*, prout paulo post dicitur: atqui quod facit, ut corpus *non moveatur*, facit illud *quiescere*, ergo &c.

Cl. D. Purchotii opinio de rationali quietis admodum probabilis. CCLII. Scholion II. Cl. D. Purchotius *Phys. p. 1. Sect. 4. c. 3.* inter duas Peripateticorum & Cartesii sententias *mediam*, ut ait, *viam* inire cupiens putat, quod *quies* vel *status*, vel *modus*, vel *relatio* dici possit, non sola *motus privatio*, nec tamen etiam censenda sit *vis aliqua* in corpore posita, qua corpus *agere* aut *resistere* queat, prout sensit Cartesius antea citatus, rationem suæ opinionis pro *prima parte* ex paritate cum motu deducere parat, dum ait, quod *permanens corporis in eodem loco*, quæ est definitio *quietis*, sit *status* aut *modus realis* vel *relatio*, qua corpus *iisdem* semper loci partibus correspondet, fere sicut *motus* est talis *status*, & *relatio*, qua corpus *diversis* loci partibus successive applicatur; horumque statuum alteruter corpori semper inest, ita ut *motus* & *quies* alternatim in corpore sibi succedant. Porro non tantum *lumen*, sed & *tenebras*, prout sunt in corporibus tenebrosis, vult esse *statum corporis positivum*; in primo enim

enim statu, inquit, partes corporis a materia luminosa celeriter *moventur*, in secundo autem statu *quiescunt*, aut lenius agitantur, unde tenebræ juxta hunc Cl. Auctorem sunt *privatio luminis* tunc solum, quando *comparate ad sensus nostros* spectantur; quia hoc modo *lumen* per suum *motum* visum percellit, non item *tenebræ*. Rationem pro *secunda parte* suæ opinionis hanc affert, quia permansio corporis in eodem loco, seu *quies*, minime concipitur ut aliquid *activum*, sed tantum ut *status* quidam *passivus*, quo potest corpus ab aliis *pati*, non in alia corpora quidquam *agere*; omnis enim *actio* aut *vis*, aut potestas quodam corporum *motu* continetur: ergo *quies* non est vis aliqua, aut facultas in corpore posita, qua corpus *agere* aut motui resistere valeat. Dum autem corpus firmum & quiescens, a mobili quodam impulsus, ejus motum frangit, ipsique *obstistere* dicitur, hoc a potentia solum *passiva* eatenus provenire ait, quatenus corporis mobilis motus, in singulas corporis quiescentis partes distributus, levem tantum & quandoque insensibilem fremitum in eo producit; non item a *potentia* aliqua *activa* reagente; nam, ut is in sua probatio-

Sect. I.

batione pergit, ad *reactionem* opus est motu saltem *tonico* seu *nisu*, qui habetur v. g. in arbore viridi & Elastica, quæ post inflexionem violentam resilit. &c. Fateor, & hanc Cl. Purchotii sententiam sua probabilitate haud carere, nec parum convenire cum iis, quæ diximus in *Metaph. fol. 127.* inde si quis etiam hunc loquendi modum sequi velit, huic minime contradico, quia in ejusmodi *nominum* litibus, quæ unice aut potissimum ab explicatione seu interpretatione *verborum* dependent, unumquemque libentissime in suo sensu abundare permitto! hoc unum adhuc brevissime moneo, quod *vis inertiae* (LXXX.) de qua paulo post plura, cum notione *quietis* confundenda non sit.

ARTICULUS II.

*De causa seu origine motus localis
in Corpore.*

Status
quæstionis.

CCLIII. **D**Uplex de origine motus localis oritur quæstio, videlicet 1. Quænam sit causa efficiens motus *inchoati*? 2. Quænam item sit motus *continuati* origo? nempe dum lapis a quopiam sursum aut ad latus pro-

projicitur, projiciens quidem motum inchoare videtur: ast cum motus perseveret, etiamsi projiciens non amplius in lapidem, utpote a se distantem, agat, hinc non tantum quæritur, per quam causam motus quicunque localis inchoari, sed &, postquam inchoatus fuerit, continuari soleat?

CCLIV. Circa primam quæstionem de causa motus inchoati I. Peripatetici rigidi putant, quod etiam in mixtis inanimatis insit forma substantialis (XXXIX) quæ exigat motum vel quietem pro diversa natura corporum, ast hanc sententiam sæpius jam rejecimus, maxime

Sententia
Cartesii,
Veterum,
& aliorum
RR de
causa mo-
tus inchoa-
ti.

(LXXII. & LX.) II. Cartesius princ. p. 2. n. 36. solam & unicam causam motus localis Deum facit, a quo in prima jam mundi creatione singulis materiæ partibus vim certam impressam fuisse ait, quæ nunquam destruat, sed continuo perduret, ita tamen, ut ab uno corpore possit alteri vel ex toto vel ex parte communicari. Ideoque ejus circa hanc difficultatem sententia in his duobus continetur 1. Quod nullum ens creatum sit vere causa efficiens motus localis, sed solum occasionalis. (Metaph. fol. 482. & seqq.) 2. Quod ea-

M m

dem

P. Oster. Phys. Pars I.

Sect. I.

dem motus quantitas semper in mundo perduret, & tantum motus decedat in *movente*, quantum in *mobili* producitur.

III. Alii Cartesiani cum Cl. D. Purchotio *Phys. p. 1. Sect. 4. c. 7.* Volunt, solum Deum eatenus esse causam & originem motus localis, quatenus ipse *actionem* corporis mobilis *conservativam* successive ponat in diversis locis. Sic namque loquitur cit. Cl. D. Purchotius:

Corpora, quæ a loco in locum transferuntur, continua egent Dei creatione, ut in Metaphysica ostendimus, quæ continua creatio conservationis nomen obtinet. Unde, ut corpora moveantur, ea in diversis locis conservari, sive continuo in illis creari necesse est. Non possunt autem in illis locis continuo creari, nisi ab eo, a quo primum creata sunt: cum continua creatio sit primæ creationis veluti extensio. Quare sine eo, a quo creata sunt, moveri nequeunt. Huic conformiter etiam Cl. P. Malebranchius motum hoc modo definit: *Est conservatio corporis in diversis successive locis, ad exigentiam creaturarum.*

IV. Cæteri plerique Neoterici communiter tenent, principium motus esse solum spiritum ac vires motrices; actuale vero motum fieri dicunt per impetum, seu tale principium, quo posito
motus

motus immediate sequitur in corpore, cui inest, nisi aliunde impediatur; Et quo sublato motus immediate cessat, prout illum describit Cl. P. Fort. a Brix. *Phys. gen. p. 1. §. 115.* addens: quid physice sit impetus, fateamur ingenue cum Cl. Muschenbræckio definiri non posse. Cæterum de causa motus continuati in art. seq. speciatim agemus, hic autem solummodo de causa motus inchoati loquendo, sit

PROPOSITIO I.

Deus non est unica causa localis
cujusque motus.

CCLV. **P**ROBATUR. Ex una parte Motus localis est Philosopho in ob-
viis & quotidianis effectibus ad Deum, non est solus Deus.
tanquam primum motorem & causam primam recurrere, cum sic facile quilibet Philosophus aut simplex vetula Philosophum agere posset, dicendo ad omnia naturæ motricis phænomena: Deus hoc facit &c. & ex altera parte verissimum est, quod entia creata non sint causæ mere occasionales, sed vere activæ, ut præter superius dicta (LXXV.) in Metaphysica clare ostendimus sol.

Sect. I.

484. & seqq. ubi & objectiones Cl. Purchotii solvimus fol. 493. & seq.

PROPOSITIO II.

Nec semper in hoc mundo eadem motus quantitas perdurat.

Nec eadem motus quantitas semper in mundo perseverat.

CCLVI. PROBATUR tum ex eo, quod saltem spiritus quicunque libere possit motum inchoare, & ab eo desinere, quodcumque voluerit, ut patet in anima corpus movente, nec ostendi potest ullum corpus, quod v. g. motum ex eo deponat, quia meum corpus ab anima moveri incipit, vel econtra ideo moveri incipiat, quia meum corpus moveri cessat. Tum ex eo, quod in collisione duorum corporum, de qua paulo inferius, ea ipsa, si sint modice tantum Elastica, & vi æquali in se mutuo incurrant, omnem omnino motum subito deperdant, quin propterea alius motus, ab hac utriusque corporis quiete proveniens, exurgat. Cæterum

Solvitur
Cartesii
objectio.

CCLVII. Scholion. Inductus est Cartesius suam in opinionem hoc argumento, apparenter satis valido: quod, cum Deus eandem materiae quantita-

tem

tem constanter conservet, nequeat motus, illi materiæ semel a Deo inditus, *variari*, nisi *mutabilitas* illa in ipsum Deum redundet; præsertim cum indies experiamur, tantum motus impellentibus corporibus decedere solere, quantum impulsa corpora ab iisdem acceperè. Sed *contra est*. Ipsemet Cartesius cum communi aliorum tenet, quod salva Dei *immutabilitate* mobile ex toto vel ex parte possit *perire*, ejus materia destrui, aut aliam saltem *configurationem* recipere, itemque creatura *fieri* causa occasionalis motus, ac iterum *cessare* esse instrumentum, ac denique motu locali ab una parte materiæ ad aliam *transferri*: ergo etiam salvo eodem Dei attributo a creatura motus *augeri* aut *minui* valet, maxime quia, ut dictum est, *vis activa* creaturis competit, nec frustra a causa prima collata est. Inde etiam fluit



PROPOSITIO III.

Spiritus, & substantiæ (saltem quæ
gaudent vita proprie tali) motum
active & efficienter producere
queunt.

Substantiæ
spirituales
& corpo-
rea, vi mo-
trice præ-
ditæ, mo-
tum pro-
ducere
queunt.

CCLVIII. PROBATUR I. pars. Ex
iis, quæ dicta sunt in Me-
taphysica de actione animæ nostræ
spiritualis in corpus, ubi & *instantias*
in contrarium factas solvimus (fol. 939.)
nec minus certum est, quod Deus tan-
quam supremus spiritus, item & An-
geli, qui sunt *spiritus* ipsius *administra-*
torii, agere queant in corpora, prout
de Deo vel ex ipso, nomine *primi moto-*
ris patet, de Angelis, vero ex actibus,
qui fiunt in *energumenis*, Theologi de-
monstrant.

PROBATUR II. pars. Ex eo, quæ
similiter in Metaphysica de causarum
creatarum efficientia (fol. 484.) allata
sunt tum ex *authoritate*, tum ex *sensu*
intimo, ac *ratione*: ergo, saltem eæ sub-
stantiæ, quæ gaudent vita *proprie* tali
(Metaph. fol. 691. & seq.) ut sunt
homines & *bruta* (plantas enim *analogice*
tantum vivere plerique ex modernis
Philosophis tenent, nos autem in *Phy-*
sica.

sica Particulari desuper mentem nostram aperiemus (motum *efficienter & active* producere queunt. Adde, quod principium motus itidem juxta plerosque modernos Physicos tam in *hominibus* quam in *brutis* sit anima *spiritualis*, utut in *his specie* differens ab anima humana immortalis, sicut hæc ipsa *specie* distinguitur a spiritu Angelico, de quo similiter in *Phys. Part.* agemus. Hinc

CCLIX. *Scholion.* Dixi non sine *Id amplius* causa, quod *scitem in his, quæ' gaudent* declaratur. *vita proprie tali*, vere insit *activum* motus principium; nam loquendo conformiter supra dictis (LXXVII.) nedum in *aliquibus*, sed in *singulis* substantiis simplicibus, distinctas corporum species per virium suarum conspirationem constituentibus (LXXXV.) quædam *activitas*, aut ad activitatem realiter pertinens *resistentia* (LXXXI.) admitti debet (LXXV.) quæ nunc vis *mortua*, nunc *viva*, nunc *Elastica*, nunc *primitiva*, nunc *derivativa* audit (LXXX. CLXXI. CXLV. & CLIII.) adeoque non solæ substantiæ *proprie viventes*, sed & aliæ *inanimatæ*, non quidem reductive ut *materiales*, sed ut *vi motrice donatæ*, motum vel in se, vel in aliis

Sect. I.

corporibus causare possunt : nempe vel propter vim *Elasticam* post compressionem ab extrinseco factam sese restituendo (CLIII.) vel propter vim *materiæ gravitantis* deorsum tendendo (CLXXI.) vel denique per vim *inertiæ* post factam collisionem in mobile impellens *reagendo*, motumque in eo sistendo, ut in *Sect. seq.* dicetur.

Et pro sub-
stantiis
Corporis
ad tres tan-
tum casus
limitatur

CCLX. *Corollarium.* *Materia* igitur nude accepta, sicut & *corpora*, si concipiantur ut abstrahentia ab omni vi *motrice*, nullum omnino motum producere queunt: at quia a parte rei nullum corpus invenire est, quod non gaudeat determinata vi *agendi* (LXXXVI.) utpote a qua ipsum *esse corporeum* proprie loquendo accipit (LXXXIX.) cumque insuper omne corpus sit *Elasticum* & *grave*, saltem pro triplici hoc casu principium aliquod motus eatenus adstrui debet in corpore, quatenus in primo casu per motum a vi *motrice* in eo producitur *configuratio* partium seu forma essentialis (LXXX. & XCII.) in secundo restitutio prioris situs, nisi adsit impedimentum (LXXXVI.) in tertio denique motus aut tendentia deorsum, utut hæc duæ postremæ, *Elasticitas* nempe

nempe & *gravitas*, physice per materiam alienam *interlabentem* (CLIII.) vel exterius *prementem* (CLXXI.) saltem in actu secundo, vel *ex parte* (CLIII.) vel *ex toto* (CLXXI.) expleri soleant: demptis autem tribus hisce casibus generaliter dici potest, quod nulla substantia corporea ex se ac *intrinsece* localiter moveri petat aut *quiescere*, nec actu *ex virtute intrinseca* motum localem unquam producat vel *quietem*, sed prorsus *indifferens* sit ad quemvis motum & quietem; nam si præcise loco considerentur, cum ea sint ubivis *uniformia*, & ejusdem rationis (utpote mera *spatia negativa*) non est ratio, cur potius sit in hoc quam in alia loco; nec ullibi corpus essentialiter configuratum *violenter*, sed *naturaliter* plane quiescit, nisi vel sit per *compressionem*, vel per motum *fursum*, debito suo situ statuque privatum, attamen & ibi facile quiescit, si sustentaculo tanquam *centro* quodam intermedio fulciatur. Porro præter hæc dicta motus principia & causas *mediatas* datur quoque causam motus *immediata*, videlicet

PROPOSITIO IV.

Causa immediata motus est impetus,
a causa motus mediata produci
solitus.

Causa im-
mediata
motus est
impetus.

CCLXI. **PROBATUR.** Ex definitione.

Impetus saltem *nominali*.

Communiter is namque appellatur *tale principium, quo posito motus IMMEDIATE sequitur in corpore, cui inest, nisi aliunde impediatur, & quo sublato motus IMMEDIATE cessat*: ergo *revera* impetus est causa motus *immediata*, sine quo nulla prorsus causa *mediata* motum *actu* producere valet, ut & ab experientia patet; sic enim *1.* substantiæ *spirituales*, corpus, animantes (animæ nempe hominum & brutorum) nequeunt *sua* corpora movere, & motu v. g. *celeriore* de loco in locum transferre, nisi pro mensura impetuum, successive productorum: hinc docente natura homo aut canis, fossam transilire cupientes, prius ab illa per aliquod spatium retrocedere solent, ut per *mq-*ram temporis & spatii *impetus* evadat *fortior*: itemque cursor de monte descendens, motum *celeriores* repressurus, pedem cum capite retrahit, ut

hocce

hocce modo per motum contrarium
 elidat priorem impetum &c. 2. Eadem
spirituales substantiæ actu non possunt
 movere *alia* corpora, extra se posita, in his
 & alijs.
 nisi per impetum illis impressum eva-
 dant ipsis, quasi præsentibus: sic homo
 præcise pro libitu suo lapidem movere,
 aut in plagam quamcunque projicere
 nequitiam valet, nisi dependenter ab
 impetu, quo manum imbuiere, & la-
 pidi dein illum applicare debet: quam-
 quam in hoc casu alterius quoque cor-
 poris, scilicet lapidis, *impenetrabilitas*
 una cum *vi inertia* concurrere soleant,
 ad minimum ut *conditio*. 3. Idem
 quoque a proportionem de substantiis
corporeis inanimatis tum ad se ipsas, ex
 vi motrice intrinseca movendas in or-
 dine ad *configurationem* introducendam,
 aut *Elasticitatem* vel *gravitatem* actua-
 lem exercendam (tum ad *alia corpora*
inertia e loco movenda, vel etiam ad
 motum actuale in iis sistendum affir-
 mari debet, nempe quod nullum cor-
 pus motum vel in se, vel in alio cor-
 pore extra se posito, inchoare actu va-
 leat, nisi per impetum, vel a vi mo-
 trice in triplici mox dicto casu *intus* re-
 ceptum, vel a substantia *spirituali*, aut
 saltem ab altero corpore, impetum in
 se

Sect. I.

se habente, *ab extra* communicatum.

Quid sit
impetus?

CCLXII. *Scholion.* Ita quidem de *impetu* communiter in scholis loqui amant, scilicet quod sit *causa immediata* motus. Ast, quoniam ego impetum, ut in *art. seq.* patebit, non assumo tanquam *enitatem* stricte realiter distinctam a causa eum producente, hinc illam potius appellare malletm *conditionem*, *sine qua non* producitur motus, (cum sit causæ agentis *applicatio* ad motum, sicut *approximatio* ignis ad comburendam stuppam), aut *modum* seu *meram modificationem* moventis potentiae activæ, quæ ex vi motrice, a Deo sibi collata virtutem tum ad se, tum ad aliud corpus mobile sic vel sic modificandum accepit, fere ac de anima *nostra rationali* in *Metaphysica* (*fol. 939.*) diximus, quod isthæc præter potentias *intelligendi & volendi* vim quoque corpus *movendi* acceperit. Et sic conformiter paulo antea dictis (CCXLV.) etiam teneri potest, quod impetus *active* sumptus subiectetur in *movente*, cum sic sit ipsa *actio* substantiæ motum *producentis*; sin autem consideretur *passive*, sit in ipso mobili, tanquam ejus *passio*, sive *motus*, a movente *productus*

ductus per quemdam *conatum*, seu *momentis modificationem* mox declaratam. Videantur quoque dicta in *Metaph. fol. 503. & seq.*

ARTICULUS III.

De Causa motus continuati.

CCLXIII. Circa hanc difficultatem non minus diversæ sunt aucto-
rum diversorum opiniones; nam I. **ARISTOTELES** pro motus continuati causa assignat *Elasticitatem & compressionem* medii, post tergum corporis projecti recurrentis, dum nempe anterior ær, quem corpus motu præditum pertransire ac findere debet, e loco suo anteriore pulsus ad latera confluit; indeque ad tergum properans, illud ipsum corpus comprimit ac sursum protrudit, ferme ac v. g. cerali nucleum duobus digitis a tergo pressum ejaculari solemus. II. Rigidi econtra **PERIPATETICI** unacum timidioribus quibusdam Neotericis, relicta hac Aristotelis sententia nimium Mechanica, defendunt, quod *impetus*, tanquam *accidens absolutum*, a causa movente corpori projecto communicetur, isque in eo receptus motum

Diverse
auctorum
sententia.

Sect. I.

motum ulteriorem, vel exigat, vel efficiat, donec ab agente extrinseco paulatim debilitetur, aut ab intrinseca gravitate sua, tanquam altero *accidente absoluto*, destruat. III. Quidam, teste nostro P. Ferrario, motus continuati causam repetunt a *medii fluiditate & gravitate*, dicentes, quod, ubi vis, lapidem e. g. sursum projiciens, columnam aeris lapidi respondentem impellit & elevat, continuo fiat, ut columnæ aeræ circumambientes in locum a lapide relictum descendant, descendendo autem vi gravitatis motum suum accelerent, lapidemque protrudant, donec gravitate tum lapidis, tum columnæ aeræ eidem incumbentis vincatur actio ambientium columnarum. IV. EPICUREI & nonnulli ex RR. Atomistis, quædam corpuscula, five atomos per se mobiles, a motore in corpus mobile commeantes in causa esse volunt, ut istud in motu suo perseveret. V. GASSENDUS *sect. 1. Phys. l. 5.* vult, quod movens necessario tangere debeat ipsum mobile, atque impellere: Ideoque docet, quod partes *externæ*, hoc modo impulsæ a motore, successive quoque impulsam communicent *inter-*

his,

nis, sicque per totum mobile diffundant.

VI. CARTESIUS conformiter suis principiis (CCLIV.) corporum projectorum motum continuatum deduxit ex lege generali naturæ (vel potius auctoris naturæ) qua fieret, ut *quælibet res, quantum est de se, in eo statu, in quo reperitur, continuo perseveret, donec ab externa vi illum cogatur immutare.* VII. Cl.

BORELLI apud eundem P. Ferrarium asseruit, vim motricem communicari rebus projectis a mobili, per quam in motu perseverent &c. VIII. Denique

Cl. NEWTONUS cum suis tenet, corpus quodlibet vi positiva intinseca inertiae gaudere, per quam resistat motui, dum in quiete est, & resistat itidem quieti, dum in motu est; adeoque motum semelinceptum propter vim illam positivam tamdiu continuari voluit, quoadusque ab extrinseco nil occurrat, motum sistens.



PRO-

Sect. I.

PROPOSITIO I.

Aeris Elastici post tergum recursus
non est causa motus continuati.

Motus
continua-
tus non
provenit
ab aeris
post ter-
gum re-
cursu.

CCLXIV. **P**ROBATUR. Obviis Ex-
perimentis, & quotidiana-
nis observationibus. Videlicet 1. Sub
recipiente, exhausto per antliam
pnevmaticam aere, corpora *celerius ac
diutius* moventur, quam in libero aere.
2. Rota circa suum axem immobilem
Gyros continuat, utut nullus *Elastici*
fese restituentis impulsus *accidat*, nec
ad sit aeris post tergum recursus, utpote
præreptus ac impeditus a partibus rotæ,
continuo sibi succedentibus. 3. Equi-
tanti celeriter capilli non antrorsum
sed retrorsum trudentur: atqui si *aer*
comprimens a tergo instaret, contra-
rium eveniret: ergo falsum est, quod
aer comprimens a tergo instet. 4. Me-
dium, quo *densius* est, eo *magis resistit*,
adeoque etiam post compressionem for-
tius a tergo instare deberet, ac majore
vi corpus projectum antrorsum propel-
lere: ergo lapis projectus deberet *ve-
locius* moveri in aere crassiore, quam in
rariore, cui tamen experientia conti-
nuo contradicit, per quam scimus, eo

tar-

tartiozem esse motum rei projectæ, quo medium est *densius*. Ratio autem *fundamentalis* hæc est, quia nequit v. g. lapis *impelli* antrorsum ab aere a tergo instante, nisi hic ipse aer *celerius* ac *fortius* moveatur quam lapis; si enim *æquali* tantum *celeritate* moveatur ac lapis, poterit quidem *comitari* istum, sed non *propellere* (sicut v. g. ex duobus globis, quorum unus post alterum *eadem celeritate* movetur, neuter ab altero antrorsum trudi valet) atqui hoc ipsum fieri non potest, nam cum ipsemet aeris motus a lapidis projecti motu oriatur, nequit profecto esse *velocior*, quam idem motus projecti lapidis: unde nulla est paritas cum *nucleo cerasi*, dum is duobus digitis a tergo pressus fursum propelli solet; quis enim capit, aerem a tergo recurrentem eodem impetu ex se gaudere, quo ab anima hominis activa & spirituali corporei digiti imbui valent (CCLVIII.) ?

CCLXV. *Corollarium*. Hæc ipsa *Nec ab* mox allata ratio ad sententiam tertiam *eius gravi-* ex allatis (CCLXIII.) refutandam *tate & ac-* similiter quadrat; nam etiam *gravitas,* per quam columnæ aeræ lapidem *celeratio-* ambientes deorsum moventur, motumque *ne,*

N n suum

P. Oster. Physic. Pars I.

Sect. I.

suum per descensum accelerant, præstare quidem valet, ut subjectus aer *æquali celeritate* moveatur unacum lapide; non item ut celeritate *majori* transferatur, prout tamen fieri deberet, ut lapis antrorsum pelleretur: *acceleratio* autem illa id solum efficit, ut aer sequi valeat lapidem *fursum* projectum, cum sine hoc virium impendio a materia gravitante aer ipse *deorsum* premeretur (CLXXI.)

PROPOSITIO II.

Motus continuatus nequit provenire ab impetu, qui sit accidens absolutum.

Nec ab impetu, tanquam accidente absoluto. CCLXVI. PROBATUR. Nam, præterquam quod *accidens absolutum* sit inane nomen, & merum *ignorantiæ asylum* (Metaph. sol. 294.) implicat ut effectus *substantialis* ac *positivus* proveniat a causa nec *substantiali* nec *positiva*: atqui motus sicut *inchoatus* ita & *continuatus* est effectus *substantialis* & *positivus*; accidens vero absolutum non est causa *substantialis* & *positiva*, ut ex terminis patet, eo ipso, quod sit purum *accidens* & *qualitas mortua*: ergo ab impetu tanquam *accidente absoluto* nequit

nequit provenire motus *continuatus*.
M. patet, quia motus *continuatus* est
idem ac *conservatus*: conservatus au-
tem est idem ac *continuo de novo pro-*
ductus, sive *inchoatus*, juxta illud axio-
ma Theologicum: *Conservatio est con-*
tinua productio: & consequenter sicut
motus *inchoatus* nequit oriri nisi a causa
substantiali (CCLVIII.), sic & *conti-*
nuatus non potest oriri ab *impetu*, qui
sit *accidens absolutum*; secus tamen di-
cendum, si idem ille impetus assuma-
tur pro accidente *modali*; nam hoc
modo a *substantia* stricte realiter non
differt (Metaph. fol. 129. & seq.), sed
est ipsa ejus *actio*, ab agente indistin-
cta, vel *passio* seu modificatio in mobili
recepta (CCLXII.) atque itidem ab
eo non distincta (Metaph. fol. 505.)

PROPOSITIO III.

Nec Epicureorum, nec Gassendi
sententia motus continuati causam
sufficienter explicat.

CCLXVII. PROBATUR I. p. Nam ^{Nec ab}
dicunt quidem Epicurei, ^{atomis ef-}
quod quædam *atomi*, per se mobiles, ^{fluentibus,}
in corpus motum commeantes, illud ^{aut ab im-}
diutius aut *continuo* moveri faciant: ast ^{pulsu com-}
^{municato}

partibus
internis
per exte-
riores.

per hoc causam assignant, de qua eadem redit quæstio; undenam scilicet motum suum continuatum habeant illæ atomi? nil dicam, quod plane imperceptibile sit, quod v. g. manus mea lapidem projiciens pro libitu suo ejusmodi effluvia in omni loco & tempore efflare valeat; aut quod funda e. g. Davidis tantæ virtutis atomos illi lapidi, quo is Goliath sternebat, communicaverit; vel quod lignum aut reticulum pilam in aera excussum tanta atomorum activarum quantitate, in talem distantiam elevante, unquam imbuere queat &c.

PROBATUR II. *p.* Gassendus enim similiter non probat, *quomodo* exteriores corporis projecti partes ita ad motum concitentur, ut successive internas impellant ad habendam motus continuationem? dein hæc sententia repugnat *experientia*; nam, ut bene observat P. Ferrarius, si, dum manus commovet corpus projiciendum, partes illud componentes a proprio naturali pristino statu sic dimoverentur, ut externæ partes impellerent internas, tunc eo *magis* a proprio situ partes illæ recederent, quo *magis* vi corpus moveretur, ac proinde pila cerea, aut ex alia materia

ria vis Elastica confecta, dum validis brachiis projicitur, post motum suum præferret signum aliquod compressionis ex ea parte, quæ magis contigua fuit palmæ manus jacentis; itemque ex altera parte averfa pila inflationem quamdam haberet; nam partes illius, utpote vi Elastica sufficienti carentes, a proprio situ dimotæ sese restituere non possent, uti videre est, si ejusmodi pila cerea ictu mallei percussa projiciatur, licet tunc minorem vim ac celeritatem acquirat: porro nunquam accidit in dicto casu, ut signum aliquod compressionis, a manu factæ appareat: ergo & similis compressio actu non contingit.

PROPOSITIO IV.

Neque Lex illa generalis Cartesii motus continuati causam sufficienter declarat.

CCLXVIII. PROBATUR. Nam con- Nec a Le-
cedimus equidem legem ge generali
illam *generalem* in rerum natura existe- Cartesii,
re, ut paulo post dicemus, ast negamus, quod per eam satis indicetur motus causa *creata & particularis* efficiens,
N n 3

Sect. I.

ciens, quam hic inquiremus, quamque falso ac male sustulit atque negavit Cartesius (*Metaph. fol. 482.*) dein is ipse cum suis admittit saltem causam *occasionalem creatam* motus inchoati : ergo similiter pro motu *continuato* causam efficientem specialem seu *particularem occasionalem* assignare debuisset. Quin imo si lex naturæ requirit, ut *quælibet res in eo statu, in quo est, permaneat*, sequitur, mutationem quamlibet status fore quodammodo *contra naturam* : adeoque motus nec fieri poterit primo, nisi a causa *extrinseca* : consequenter nec perdurare poterit, nisi causa pariter *extrinseca* eundem conservet, atque continuet. Intellige si sit mobile *inanimatum*, nec *vim motricem* in se ipso possideat, ut mox dicitur.

PROPOSITIO V.

Frustranea denique in Corpore est vis positiva inertiae, ut corpus in motu positum moveri non cesset.

Nec a vi
positiva
inertiae,

CCLXIX. PROBATUR I. Corpus non requirit vim ejusmodi *positivam*, ut motum *inchoet* : ergo neque ut ipsum *continuet*. A. patet ;
nam

nam ad motum inchoandum tanquam causa immediata concurret solus impetus (CCLXI.), quem corpus vel ab interna vi motrice, vel ab agente extrinseco recipit (CCLVIII. & CCLX.) atqui ad hoc, ut impetum corpus recipiat, nullam vim positivam requirit; alioquin & alia vis ad vim illam recipiendam, atque ita in infinitum; eodem jure in ipsa substantia corporea requiretur: ergo nec ad motum inchoandum &c. probatur jam prior *Conf.* ad hoc, ut motus inchoatus *continuetur*, & perseveret, itidem nil aliud necesse est, nisi ut impetus, corporeæ substantiæ semel impressus, perseveret, ut ex *Prop. VII.* manifestum fiet: atqui ille impetus absque vi positiva inertiae in corpore perseverat: ergo, p. m. sola indifferentia passiva corporis ad motum & quietem, quæ nihil est reale positivum, facit, ut impetus corporis impressus tamdiu in ipso maneat, quamdiu nulla occurrit externa causa, a qua destruatur: ergo absque vi positiva inertiae motus in corpore perseverat, p. A. ipsa substantia corporea; quoad se considerata, non valet impetum in se destruere, per quem localiter movetur; sicut nec ipsum potest producere, ut mo-

Sect. I.

veri incipiat : ergo revera hæc ejus indifferentia passiva similiter facit, ut impetus corpori impressus tamdiu perseveret, & consequenter &c. p. A. si substantia corporea *quoad se* considerata (CCLX.) impetum in se *destruere* aut *producere* posset, tunc peteret quoque intrinsece & *ex natura* sua localiter quiescere, ac moveri : ut ex terminis patet : atqui hoc est falsum ; nihil enim perfectionis corpus recipit a loco, utpote qui nihil est *reale positivum* (Metaph. sol. 627.) ergo non est ratio sufficiens, ut exigat potius esse in hoc quam in alio loco. Adde, quod alias *motus* aut *quies* corpori aliquando violentia foret, quod rursus a vero aberrat.

PROBATUR II. Vis inertiae *positiva* juxta Newtonianos *proportionatur* *massæ* corporis : ergo, ubi eadem manet massa, vis quoque eadem inertiae manere deberet ; & consequenter etiam idem uniformis *motus* : atqui hoc repugnat experimentis, v. g. in acceleratione motus, ubi manente *eadem massa* motus crescit. Item collocetur globus A in plano horizontali polito, is ab alio globo B e fune pendulo ex latere percussus *vi valida* movebitur :
sub-

substituatur jam globo A', v.g. 2 libras habenti, cubus ejusdem ponderis: huic sane globus e fune pendulus æquali percussione motum *minorem* imprimet, utut ambo illa corpora æquale *pondus & massam*, adeoque etiam æqualem *vim inertiae* possideant. Pariter & rota horizontalis, supra politi apicis punctum versatilis, directione horizontali impulsæ, non diu persistet in eodem statu motus, quo gyrari incepit, sed eo citius a motu cessabit, quo major rotæ moles tribuetur: si autem talis rota præter *impetum* haberet quoque *vim positivam* intrinsecam *inertiae*, tanquam motus continuati causam seu exigentiam, non habetur ratio sufficiens, cur motum semel incæptum non semper continuat, maxime cum aucta *massa* eadem quoque *inertiae vis* augeatur, neque post inchoatum motum superveniat novum obstaculum, quod non in medio ac in fine æquali facilitate ab illa vi positiva vinci queat.

CCLXX. *Scholion.* Equidem nos Nisi in cer-
 ipsi supra (LXXX.) *vim inertiae* omni- to quodam
 bus corporibus competentem admisi- sensu:
 mus, at non ut *ens aliquod positivum*,
 sed potius ut entis positivi *realitatem &*

Sect. I.

formalitatem (LXXVIII. & LXXXII.),
 physice in substantiis simplicibus *im-*
penetrabilibus fundatam (LXXIX.
 LXXXIII. & XCVIII.); si ergo Newto-
 niani eandem nobiscum accipiant pro
 mera corporum *impenetrabilitate*, ab
 illa causari solita (n. cit.), vel pro
 eorundem corporum *indifferentia passiva*
 tum ad motum tum ad quietem, donec
 vis illorum *mortua*, ab alterius substan-
 tiæ moventis *vi motrice* excitata, *impe-*
tum concipiat, ac pariter in *vim vivam*
 abeat (CCLVIII. CCLIX. & CCLX.);
 vel deniquè si eandem vim inertiae
 non nisi pro mero quodam Phænome-
 no cum Wolfio *Cosm. gen. Sect. 2. c. 1.*
instar suæ attractionis famosæ (XLVIII.)
 accipi velint, minime dissentimus: bene
 vero si pro *ente*, vel etiam pro tali en-
 tis proprietate *positiva* habeant, quæ
 vires actuales per se in corpus motu
 donatum exerat, illudque de novo
 physice continuo impellat; contrarium
 enim ex immediate dictis apparere no-
 bis videtur.



PRO-

PROPOSITIO VI.

Sola indifferentia corporis passiva
ad motum & quiet in satis in illo
est, ut semel in motu positum in
eodem perseveret.

CCLXXI. PROBATUR. Ut corpus in Indifferentia passiva
motu positum in eodem Corporis
perseveret, hoc solum requiritur, ut istud in
impetus tanquam causa motus imme- motu posi-
diata (CCLXI.) in illo perduret ; at- tum con-
qui indifferentia passiva ad motum & servat.
quietem id præstat : ergo, p. m. eo
ipso enim, quod corpus quoad se (ab-
strahendo scilicet ab omni vi motrice)
indifferens sit, tum ad hoc ut movea-
tur, tum ut quiescat (CCLX.), ne-
quit illud ipsum in se perimere conce-
ptum semel impetum, sed tamdiu illum
retinebit, donec a causa, extra corpus
existente, v. g. a gravitate, aut obsta-
culo in via occurrente destruat : ergo
ipsum corpus, in motu positum, eo
usque in motu perseverabit, donec
ejusmodi causa extrinseca prævaleat,
& consequenter &c. hinc bene cum
Cl. Purchotio *Phys. p. 1. Sect. 4. c. 7.*
Prop. 5. nobis ponenda esse videtur
sequens

PRO-

Sect. I.

PROPOSITIO VII.

Eadem est causa tum mediata tum
 immediata motus continuati in cor-
 pore, quæ fuit causa motus
inchoati.

Affirmatur
 causa mo-
 tus conti-
 nuati.

CCLXXII. PROBATUR. Corpus,
 quantum est *de se*, est
 prorsus *indifferens* ad motum & ad quie-
 tem, neque potest *impetum* semel con-
 ceptum ex se perimere, ideoque semel
 in motu positum in eodem perseverat
 ex sola hac sua *indifferentia passiva* ad
 motum & quietem (n. præc.) atqui
indifferentia passiva ex una parte non
 potest esse *causa activa*, motum conti-
 nuatum physice efficiens, cum non sit
 aliquid *positivum*; *ex altera vero parte*
nihil sit absque causa, seu ratione suffi-
 ciente (Metaph. fol. 24.) ergo alia
 quædam causa *positiva* hujus effectus
 assignari debet. *Subs.* atqui alia assigna-
 bilis non est præter illas substantias
 tum *spirituales* tum *materiales*, quæ mo-
 tum inchoare, impetumque tum in se
 tum in corporibus extra se positis acti-
 ve producere valent (CCLVIII. & seqq.)
 ergo &c. m. patet tum ex aliarum
 sententiarum refutatione prius facta
 (CCLXIV. & seqq.), tum & ab exem-
 plis obviis declarari potest; sic enim
 1. dum

1. dum homo aut brutum motum in se ipso inceptum continuat, v. g. diutius ambulando, volando, aut natando, id non aliunde profecto contingit, nisi quia ex potentia loco motiva, seu vi motrice, ab auctore naturæ sibi indita, libere aut spontanee sic se modificare, & modificando *impetus* diversos, sibi continuo succedentes, producere in se ipsis valent (CCLXII.), quibus modificationibus a substantia *spirituali*, aut saltem materiali *vivente* factis (CCLVIII.) corpus utpote ad motum & quietem passive indifferens, cum resistere nequeat, eo ipso in motu perseverabit (CCLXXI.) 2. Dum vero ab homine vel bruto corpus *aliud* ab ipso distinctum in motu ponitur, & v. g. lapis sursum projectus motum continuat, præterquam quod *actio*, seu *modificatio activa*, aut *impetus* (omnia enim hæc tria *idem realiter* sunt juxta superius dicta CCLXII.), statim ab initio motus a projiciente in se ipso productus, manum e. g. determinaverit ad agendum per suam *impenetrabilitatem* in lapidem, in hoc ipso sequitur *modificatio passiva*, seu *passio*, aut *impetus* (quæ tria rursum pro *eodem* sumere licet), vel, si *major*, *successio* continua *modificationum* passi-

Sect. I.

passivarum, a lapide *patiente* indistincta (Metaph. fol. 505.): porro etsi prior illa modificatio *activa*, cum a *libere* aut saltem *spontaneae* agentibus proveniat, pro *libitu* agentis hominis aut bruti cessare queat; posterior tamen seu modificatio *passiva*, cum corpus motum *quoad se*, hoc est, independenter a *vi motrice*, sit prorsus iners, ac *passive* ad motum & quietem *indifferens*, a motu nunquam cessabit, quousque *gravitans materia*, aut alia obstacula extrinseca impenetrabilia & activa occurrant, & aut ad alium motum aut ad quietem determinent, ut in *sect. seq.* amplius patebit. Lucem quoque pro isthac difficili & obscura quaestione solvenda afferre poterunt dicta in cit. Metaph. fol. 512. & *seqq.* vel denique *modificatio passiva* in lapide a *vi motrice* producta, si Metaphysice loqui velimus, dici potest *vis derivativa*, sicut modificatio activa *vis primitiva* denominari valet (LXXX.); nam de *nomine*, vel etiam de *modo loquendi*, rursus multum non disputamus, dummodo loquendo de *re* ab omnibus intelligamur!

SOLV.

SOLV. OBJ.

CCLXXIII. **O**B. I. *Contra Prop. I.* Aer Aeris Elasticus, post tergum ^{terium non} v. g. lapidis recurrens, ibi nullam in- ^{facit mo-} venit *resistentiam*: ergo totam vim suam ^{tum conti-} Elasticam exeret, & lapidem antrorsum propellet, fere sicut a *sclopeto pneumatico* ob eandem rationem globulus vitreus aut plumbeus in magnam distantiam projicitur: id quod etiam contingit, si globulus argillaceus tubo ligneo intus excavato immittitur, eique solus oris flatus in orificio applicatur. Similiter quoque *foliis lusorius*, aere impletus, eadem pæne vi, qua in terram cecidit, resilire solet, quoniam scilicet aer eodem modo, quo compressus antea fuerat, propter suum *Elasticum* sese restituit: ergo similiter in aliis quoque casibus, præsertim circa causam motus continuati, argumentari licet. R. D. *Imum consequens*: totam vim suam exeret, & hoc in omnem partem, ubi nulla vel modica est *resistentia* C. C. præcise in partem *anterior*em, sub Dist. si aer ita sit *compressus* intra latera firma ac solida, ut diffluere illuc non possit C. C. si aer nullibi inclusus & compressus in *libera* atmosphæra moveatur.

Sect. I.

tur. N. C. & C. & per hanc distinctionem patet etiam *disparitas* ad allata Exempla. Nempe aeris *libere* fluentis Elater solummodo facit, ut, dum a tergo instat, *æquali*, non autem *majori* celeritate moveatur ac corpus projectum, ut antea dictum est (CCLXIV.) unde solummodo fit, ut idem ille aer, a tergo se restituens, impediat, ne corpus ab aere antea compressio retrorsum pellatur: econtra aer in sclopeto pneumatico aut tubo oblongo inclusus atque *compressus* nequidem se habet instar *medii*, quod a corpore pertransiri debet, sed per suam *soliditatem* ac *Elasticitatem* globulo intus posito ligneo, plumbeo, vel argillaceo sic applicatur a potentia movente, veluti unum corpus impenetrabile alteri, v. g. clavus clavo, applicatur, isque in motum redigitur: ergo tantam vim exere-re valet.

Nec acci-
dens abso-
lutum
quidquam
Philoso-
phice de-
clarat.

OB. II. *Contra Prop. II.* Newtoniani vim suam attrahentem & repellentem ideo potissimum vindicare nituntur, quia generali hoc principio assumpto omnia, quæ in natura occurrunt, phœnomena rite explicantur: ergo æqualiter licitum erit unam unicam impetus *qualitatem* in Physica retinere.

tinere, quia ea retenta pleraque naturæ arcana, a *motu* provenientia, clare ac solide declarantur; negato autem hoc principio motus intrinseco plerumque in *solis verbis* hærendum erit. Ita Cl. P. Josephus Mangold *Phys. gen. §. 341. R. 1. D. A.* Et tamen iimet Newtoniani *attractionem* non pro *causa* venditant, sed solum pro *phænomeno* habent, C. A. habent illam pro *causa*, quam pro motu continuato nos hic inquiremus. N. A. & C. R. 2. aliter D. A. Et *vis* Newtonianorum *attrahens & repellens*, quia quoad rem adæquate cum *vi motrice* corporum (LXXV. & seqq.) coincidere videtur, *Metaphysice* saltem naturæ phænomena explicat, dum econtra *accidens absolutum*, seu *qualitas* Peripateticorum, ne *Metaphysice* quidem nisi *solis verbis*, aut inani potius *verborum sono*, quidquam declarat, ut sæpius dictum jam est, & ex subsequentibus identidem clarius patebit, C. A. Et nec *Metaphysice* aliquid declaret, sicut memoratum istud ignorantiae asylum. N. A. & C. præstat certe cum ingenuis Philosophis *ignorantiam confiteri*, verbis utor Muschenbroeckii, ab eodem Cl. P. Mangold §. 340. citati,

O o

atque

P. Oster. *Physic. Pars I.*

Sect. I.

*atque limites hic ingenio humano esse pos-
tos, quam specioso mortuæ qualitatis
pallio undiquè lacero eidem occultandæ
ignorantiæ plus nimio ac frustra in-
tendere (XIV.) adde, quod si janua
vel uni ejusmodi inani termino in Phy-
sica aperiatur, solida ratio nunquam
reddi valeat, cur non & alii eodem
jure admittantur, ac civitate donen-
tur? sufficit ergo, ut, dum motus
continuati causa nunc clarius explicari
physice nequit, dicatur interim *Meta-
physice* esse accidens *modale*, quod juxta
omnes Philosophos tum VV. tum RR.
nullam contradictionem involvit, prout
tamen accidens *absolutum* involvere vi-
detur (Metaph. fol. 294.) Inde R. 3.
Inverto argumentum. Attractio New-
toniana, si *Metaphysice* pro *vi motrice*
sumatur, physice fundatur in ipsis *sub-
stantiis* attrahentibus, ob paritatem
rationis (LXXXIII.): ergo etiam mo-
tus continuati causa *Metaphysice* per
accidens modale explicata, physice a
illa *substantia* provenit, in qua istud
subjeçtatur (CCLXXII.).*

Impetus
melius di-
citur acci-

Inst. 1. Cum eodem. Per Impetum,
tanquam *accidens absolutum* clare expli-
catur *initium, continuatio, & augmen-
tum*

tum motus : ergo, p. A. Incipit enim dens mo-
 motus projectorum vel impulsorum ab dale, quam
 ipso projiciente, vel impellente, a quo absolutum.
impetus mobili imprimitur. *Continuatur*
 autem per impetum impressum, & abs-
 que ulteriore projicientis opera *perse-*
verantem, donec per gravitatem vel
 aliud impedimentum destruat. *Au-*
getur denique motus, dum augetur
impetus, vel priori adhuc perseveranti
 novus additur: R. hæc omnia simili
facilitate, & majori cum *connexione* ac
probabilitate explicantur, si impetus
 vocetur accidens *modale*, non *absolu-*
tum, prout consideranti liquet (CCLXII.
 & CCLXXII.), neque tamen hoc ac-
 cidens *modale* vim agendi *ex se* habet,
 sed potius illæ *substantiæ*, quarum hoc
 accidens modificatio est, *vi motrice* pol-
 lent, ut mox dictum est: unde dum
 ad *initium* motus dicitur imprimi *im-*
petus, reipsa fit tantum *modificatio*,
activa quidem in corpore movente, seu
 impellente, aut projiciente; *passiva* vero
 in corpore moto, impulso, aut projecto:
 & dum impetus *perseverare* asseritur,
 dicta modificatio *passiva* ob *indifferentiam*
 corporis *passivam* tum ad motum tum
 ad quietem perdurat (CCLXXII.) *au-*
getur demum inchoatus motus, dum

Sect. I.

a majore vi motrice agentis potentiae eadem illa modificatio passiva incrementum, hoc est, validiorem modificationem passivam, *activæ* ex æquo correspondentem, accipit &c. sicque etiam varia experimenta, ab adversariis afferri solita, facillime declarantur. Porro ipsimet Peripatetici pridem docuere, quod *accidens naturaliter nequeat migrare de subiecto in subiectum*: ergo nec affirmari debet, quod idem *impetus* semel elicitus ab uno corpore in aliud propagetur, maxime quia, si non sit quidam corporum *modus* seu modificatio (prout est v. g. *curvitas* manus, aut *sessio* hominis &c.) nemo sibi de illo Ideam claram & completam, teste sensu intimo: formare poterit.

Vis motrix non habet proprietates accidentis absoluti.

Inst. 2. *Vis* ipsa motrix, qua gaudent substantiæ spirituales ac animatae ad movenda corpora, habet omnes conditiones ad esse *accidentis absoluti* requisitas: ergo est accidens absolutum. p. A. habet enim revera illa vis motrix in alia corpora *agendi facultatem*, eamque illis, quibus inest corporibus *communikat*: potest item *intendi*, *remitti*, ac *destrui* in corpore, quin propterea augeatur, destruat, vel immutetur *substantia* corporis: nec denique in poris corporum

porum recipitur, sed per ipsam solidam substantiam diffunditur, & cum ea penetratur: ac in singulis atomis recipitur: atqui nil aliud per *accidens absolutum* intelligimus, quam entitatem, quæ non quidem ad rei substantiam pertineat, cum hac tamen compenetratur, & ab eadem divinitus possit separari: ergo. R. N. A. ad prob. D. M. Et omnes istæ enumeratæ proprietates sunt a substantia, cui vis motrix competit, prorsus *inseparabiles*, saltem quoad *actum primum*, C. M. sunt divinitus *separabiles*, sicut de suis accidentibus *absolutis* volunt Peripatetici, N. M. &c. Vis motrix (seu potentia producendi impetum) in substantiis *spiritualibus & animatis* (CCLVIII.) nil aliud est, quam ipsa *potentia loco motiva*, animæ v. g. rationali æque realiter identificata, ac potentia *intelligendi & volendi* (Metaph. fol. 939. & 916.), ideoque similiter inter *attributa inseparabilia*, non item inter *accidentia* locum habere dicenda est; nam revera ipsa *potentia loco motiva* animæ in homine (idem de *Brutis* cum proportionem loquendum) facultate in alia corpora agendi gaudet, aliaque corpora, active operando, passive mo-

Sect. I.

dificari facit, potestque in ipso corpore,
 in quod agit, pro voluntatis suæ ar-
 bitrio *maorem & minorem* conatum seu
 modificationem producere, aut distrue-
 re illam, manente eadem corporis sub-
 stantia : ac denique per eam ubique
diffunditur, & cum singulis atomis *com-*
penetratur, haud secus ac ipsa substan-
 tia animæ v. g. in corpore humano
 diffunditur, istudque penetrat : aut
 sicut alia attributa v. g. *animalitas, ra-*
tionalitas, risibilitas, docilitas, mobilitas &c.
 homini *inseparabiliter* insunt, quamdiu
 ineram dicunt *potentiam*, seu *actum pri-*
imum, utut *separari* queant, prout in-
 volvunt *actum secundum*, seu actualem
 modificationem, ab activa potentia fa-
 ctam, ut puta, *sensationem* aut *ratio-ci-*
num actuale, *doctrinam*, *motum &c.*
 (Metaph. fol. 75.) nec unquam pro-
 bari potest, quod etiam *per Divinam*
virtutem aliquod ejusmodi *attributum*
 separari possit, ideo nempe, quia *to*
esse possibile intrinsece, quod singulis at-
 tributis convenit, habet suum esse reale
ex natura sua (Metaph. fol. 37.), &
 omnia, quæ de *essentiis rerum* Meta-
 physicis demonstrantur, de *attributis*
 quoque prædicari possunt (ibidem fol.
 74.) *essentiæ* autem illæ sunt *necessa-*
riæ

riæ ac immutabiles, & æternæ (ibidem fol. 67. & 68.) ergo & attributa: pariter autem sine sufficienti ratione adstrui videtur, quod *accidens absolutum* virtute Divina absque sua substantia, cui inesse petit, *existere* & conservari queat; id enim in nullo casu solide hactenus demonstratum est, sed potius ex infirma ratione, aut magis ex infantiae præjudiciis & authoritatis abusu, in Mysterio SS. Eucharistiæ assertum hucusque & creditum, ut Recentiorum Philosophorum ad argumenta Peripateticorum datæ responsiones nitide declarant (Metaph. fol. 288. & seqq.) sufficit adeoque dicere, talia solummodo in rerum natura dari *accidentia*, sine quibus ipsa substantia subsistere actu possit, utut illa sine hac nec esse nec conservari etiam per Deum valeant, suntque *accidentia modalia*, per quæ cuncta æquali ac forte majori facilitate (Metaphysice saltem) explicari queunt, quæ hactenus per *accidentia absoluta* declarata sunt; nam ultimate semper tam de his, quam de illis exclamare cogimur: Es ist halt ein gewisses Ding!

Quomodo
per impe-
tum lesati-
gentur vi-
res ?

Inst. 3. Motrix potentia, v. g. ma-
nus, defatigari se sentit, dum aliquid
mouet: atqui si impetus esset mera
modificatio, non defatigaretur: ergo
est accidens *absolutum*. R. N. m. &
retorq. de *imptu*, tanquam *accidente*
absoluto, per quod nihil reuera de sub-
stantia manus decederet, adeoque nec
virium imminutio sequi deberet, prout
tamen per *modificationem* ob nimium in-
tensos spiritus vitales in corpore con-
tingit, uti manifesta nos experientia
docet, dum v. g. *intelligendi potentia* in
anima frequenter in *actuales intellectio-
nes*, tanquam totidem *modificationes*
erumpit, ubi corpus, quocum anima
reale commercium in hac vita tenet, us-
que adeo debilitatur, ut, nisi per som-
num, & moderatum cibum & potum,
spirituum vitalium defectus reparetur,
mutum aut omnino deficiat. Virium
igitur defectus & corporis defatigatio
fit per ipsam *substantiam*, in actuali quo-
cunque motu aliquam *substantialium*
corpusculorum evaporationem subeun-
tem (CLXXXVI.), nec aliter nisi di-
cto modo *physice sese modificantem*.

Impetus
formaliter
nequit

OB. III. *Contra Prop. III.* Impetus
producit effectus *reales & sensibiles*: ergo
debet esse aliquod ens *reale & physicum*;
non

non spirituale, quia in suo esse & con-constitui
 servari dependet a corpore: ergo mate-^{in princi-}
 riale; cumque insuper habeat partes^{piis Chy-}
 reales, erit aliqua substantia corporea,^{micis acti-}
 seu ex *Elementis* corporeis constans.^{vis, tam in}
Subst. atqui terra non est, cum ista sit^{bus inani-}
 penitus iners; nec aqua, quia hæc non^{matis,}
 movetur nisi per gravitatem aeris vel
 declivitatem locorum; nec aer, qui
 tantum movetur ab extrinseco: ergo
 constabit ex igne, vel potius ex sulphure
 & Mercurio &c. (CVII.), quæ sunt
 substantiæ subtiles, activæ, volatiles, &
 Divinioris auræ particulae, ut inquit
 Thomas Villis, possuntque excitare
 motum, ut patet in fermentatione, ve-
 getatione, evaporatione &c.; & con-
 sequenter impetus, a corporibus ina-
 nimatis proveniens consistit non quidem
 in atomis crassis stupidisque Epicuri,
 sed in communicatione principiorum Chy-
 micorum activorum secundum directio-
 nem corporis impellentis, & resuscita-
 tione ac perturbato motu earundem par-
 ticularum in corpore moto, idque de-
 monstrare videntur experientiæ palpa-
 biles de terræ motibus, origine ven-
 torum, exhalationibus terrestribus, cam-
 pana vel clavo sæpius percussis, globis
 ex tormento ejectis, attritu corporum,

Sect. I.

sceno sponte incenso &c. ita quidem ex nostris pereruditus Lector in suis doctissimis thesibus Friburgi Nuithonum paucos ante annos typo editis. R. quam præclara suo modo mihi esse videtur & ad captum data hæc explicatio, si impetus *materialiter* accipiatur, & in *sensu concreto* cum sua substantia physica, cujus est in sensu *formali* & *abstracto* modificatio, tam multum eidem, si prædictus impetus in hoc postremo sensu pro sua ratione *formali* accipiatur, obesse deprehenduntur singula, contra Epicureorum sententiam allata superius (CCLXVII.) argumenta, prout rem sedulo consideranti petebit. Hinc in forma D. I. A. Impetus producit effectus *reales*, si sumatur in sensu *reali* specificative, & in *concreto* cum sua substantia, cujus modificatio existit, C. A. si sumatur *formaliter*, reduplicative, & in *abstracto* N. A; si enim nil aliud est, nisi mera *actio* in corpore movente, & *passio* in corpore moto (CCLXII.), similiter quoque D. C. ergo debet esse ens *reale*, *physicum*, *corporeum* &c. impetum *realiter*, *concretive*, ac *specificative* accipiendo C. C. secus. N. C. & C. porro quod impetus habeat *partes reales*, præcise ut *modificatio*

ratio est, ex motus *communicatione* non probatur, cum dici nequeat, quod v. g. aliqua modificationis activæ pars in manu mea excitata in lapidem projectum commigret, sed potius nova totalis *passiva* modificatio, tanquam illius prioris effectus, aut correlatio, exoritur, ibique ob indifferentiam corporis ad motum vel quietem tamdiu *perseveret*, donec a causa extra corpus existente immutetur, aut destruat. Postremo quod effluvia & evaporationes, a *principiis Chymicis activis* potissimum provenientes, quandoque mirabiles ac plane stupendos effectus producant, utique verissimum est, & supra quoque abunde in materia de *effluviis* declaratum fuit, at continuo redit eadem quæstio, quænam sit causa, quæ *motum* in spiritibus Chymicis, non secus ac in corpore projecto conservet? & aliunde certum esse videtur, quod, dum v. g. lapis sursum projicitur, non possint tot *spiritus sulphureo - Mercuriales* e projicientis manu erumpere, ac lapidem subire, quot requiruntur, ut motum lapidi impressum diutius in ipso conservent: saltem quis credat, quod, ubi fune tenso & arcu sagitta emittitur, ex arido & exsucco utroque corpore

Sect. I.

pore (*fune* scilicet & *arcu*) *sufficientes* hujusmodi spiritus qua data porta ruant, & sagittæ motum continuent ? credat hoc Judæus Apella !

Quam animatis.

Instat idem citatus doctissimus auctor, & quoad corpora etiam *animata* perquam connexe *impetum* ita dilucidat :

„ 1. Si corpora *animata* diutius persi-

„ stant in motu, *fatigantur* : fatigari

„ autem nil aliud est, quam *perdere vi-*

„ *res* corporis : 2. *Vires* corporum

„ consistunt in *spiritibus animalibus*, per

„ totum corpus libere discurrentibus,

„ & a corpore separabilibus, ut patet

„ in senibus, ægrotis, operariis &c.

„ 3. *Spiritus animales* per *alimenta* quo-

„ tidie recuperantur, & fiunt ex *pu-*

„ *rissimo sanguine*, in cerebro, vel aliis

„ membris elaborato : 4. *Sanguis* sub-

„ tilior generatur ex alimentis : 5.

„ *alimenta* constant ex *particulis igneis*,

„ *fulphureis*, *salinis* &c. 6. Ubi vero

„ habetur *substantia vivida*, *activa*, &

„ *volatilis*, necessario subsequitur mo-

„ tus & impetus : 7. Hæc substan-

„ tia subtilis potest a corpore animato

„ *separari*, rei mobili *communicari*, in-

„ hære, & corporum etiam duriorum

„ poros penetrare, ut patet de

„ *ful-*

„ fulmine, calore &c. 8. In omnibus
 „ quoque corporibus latere particulas
 „ igneas, sulphureas &c. sufficienter pro-
 „ bant experimenta *Electricitatis* : 9.
 „ Igitur impetus, a corporibus animatis
 „ impressus, consistit in *communicatio-*
 „ *ne substantiæ cujusdam activæ & vola-*
 „ *tilis*, secundum directionem corpo-
 „ ris impellentis, & *resuscitatione*, ac
 „ *perturbato motu earundem particula-*
 „ *rum in corpore moto*, ut denuo de-
 „ monstrant *experientiæ* de corporum
 „ *animatorum exhalationibus, odoribus,*
 „ *sudoribus animalium, morbis, con-*
 „ *tagione, motibus primo primis &c.*
 „ 10. Impetum adjuvant corporum
 „ *Electricitas, Elasticitas, rarefactio,*
 „ *dispositio mediæ vicinæ, aliæque cir-*
 „ *cumstantiæ externæ.* Hactenus ille.
 Verum *Responsionis loco* primum antea
 dicta sufficiant: hoc unum addo, quod
 impetus cujuscunque corporis, tam
 animati, quam inanimati, minime
 consistere valeat in *substantia intra po-*
ros recepta; secus enim deduci exinde
 posset, illa corpora, quæ pluribus abun-
 dant poris, esse multo capaciora ad
 recipiendum impetum, præ illis, quæ
 abundant paucioribus, id quod mani-
 festæ experientiæ repugnat, utpote
 quæ

Sect. I.

quæ docet, corpora *minus porosa* ob majorem suam *impenetrabilitatem* ac *soliditatem* præ cæteris *validius* moveri, *diutius* in motu persistere solere.

Indifferen-
tia passiva
æquivalet
vi inertie,

OB. IV. *Contra Prop. V.* Juxta nos ipsos corpus in eo statu, in quo est, *per se* continuo perseverat, nisi a causa extrinseca immutetur; ergo illud in se habere debet causam, status sui conservativam, & mutationi *positive* resistantem. *Subs.* atqui hæc causa meliori vocabulo insigniri nequit, ac dum dicitur *vis positiva inertiae*: & consequenter hæc corpus semel in motu positum in isto perseverare facit. R. D. A. Et hoc ideo solummodo fit, quia corpus est *passive* tum ad motum tum ad quietem *indifferens* ex natura sua, quæ indifferentia nihil est *positivum* a corpore distinctum, C. A. fit ab aliqua alia forma positiva. N. A. & C. corpus in motu perseverat ideo præcise, quia ob suam indifferentiam passivam nequit *impetum*, a substantia activa sibi impressum, destruere (CCLXIX.) in quo sensu non immerito Cl. P. Fort. a Brix. *Phys. gen. p. 1. §. 163*, ait, quod *causa continuati motus in corpore, quod in motu semel positum est, non sit diversa a pas-*

a passiva ipsius corporis indifferentia ad motum & quietem, alia quæ de vi positiva inertiae objici possunt, solventur paulo inferius.

OB. V. *Contra Prop. VI.* Corpus ^{Et stat cum} ex natura sua per gravitatem tendit ^{nisu gravi-} deorsum: ergo non est indifferens ad ^{tatis, quam} omnem locum; alias idem corpus ^{illa per se} motibus contrariis fursum v.g. & deor- ^{non impe-} dit. fursum ferri simul peteret. R. 1. N. A. non enim ex natura sua, sed ob materiæ extrinsecæ gravitantis motum aut nisum, corpus tendit deorsum (CLXXI.) R. 2. Pariter N. C. & *suppositum* ejus probationis, quasi nempe corpus aliquod, ex *modificatione* in se facta, sive ex *impetu* impresso, fursum aut in alium determinatum locum ferri *petat* seu *exigat*; non enim id determinate petit vel *exigit*, sed tantum, ubi semel positum in motu fuit, ob suam *indifferentiam passivam* (eoquod impetum in se receptum sistere non possit) eousque moveri pergit, donec a *causa extrinseca* impetus aliter determinetur, aut penitus destruat. R. 3. *Retorq.* de impetu tanquam *accidente absoluto*, ubi eadem difficultas superanda est, quam & nos alibi in loco suo opportuno clarius adhuc enodabimus.

Inst.

Sect. I.

Inst. 1. Motus quicumque est continua loci mutatio, ideoque *essentialiter successivus* : atqui per dictam *indifferentiam* non explicatur, quomodo corpus, de se ad motum vel quietem indifferens semper *successive enutari*, seu moveri pergat : ergo. R. N. m. eo ipso enim, quod corpus passive *indifferens* nequeat impetum in se productum *perimere*, & quietem præ motu non exigat, clare intelligitur, quod motus perduret, ne secus aliquid contingat *absque causa aut ratione sufficienti*.

Neque motus intensior per illam explicari debet.

Inst. 2. Indifferentia passiva non est capax *intensionis*, sed. persistit uniformiter *eadem* : ergo saltem exinde non explicatur *motus major* aut *velocior*. R. N. C. *suppositum*, quod motus iste, utpote effectus *positivus*, ab indifferentia passiva, tanquam aliquo mere *negativo*, declarari debeat ; is enim potius ex eo in corpore mobili contingit, quod a substantiis activis (CCLVIII.) valeat ob suam *impenetrabilitatem* ac *soliditatem*, fortiores *modificationem* (impetum) in se recipere, adeoque & *vim vivam* majorem exercere : accedit etiam *gravitas*, & aliæ causæ extrinsecæ, ut fusius in *Sect. seq.* dicetur.

OB.

OB. VI. *Contra Prop. VII.* Corpus Si corpus primo impellens sæpe *quiescit*, & ab impellens omni actione cessat, corpore projecto *quiescat*, motum suum adhuc *continuante*: ergo manet in corpore illud non potest esse causa unica & im- moto mo- mediata motus continuati, sed *impetus*, modificatio seu vis aliqua permanens in corpore, passiva. motum continuante, recipi debet. R.

1. Concedo totum, si per *impetum*, in corpore projecto perseverantem nil aliud intelligatur, quam modificatio *passiva* (CCLXII. & CCLXXIII.), in eodem, ad quietem passive indifferente, perdurans. R. 2. *Retorq.* Etiam *accidens absolutum* (si *impetus* sic vocetur) substantia activa quiescente, & ab omni actione cessante, perseverat in corpore projecto: sicut autem in hoc casu adversarii cum Cl. P. Josepho Mangold *Physic. gener. §. 349.* non indignum Philosopho judicant ad Deum recurrere, quoniam, ut ille ait, *conservatio quoque substantiarum, cum creata causa conservans haberi nequit, Deo tanquam causæ unicæ attribuitur*, ita similiter dici posset, a Deo *modificationem* illam, seu *determinationem* ad motum, si causa creata deest, propter *indifferentiam* corporis *passivam* unice conservari.

P p

Inst.

P. Oster. Physic. Pars. I.

Sect. I.

Intensior
motus de-
claratur.

Inst. Nequit explicari, quomodo idem mobile, *quoad se* omnino immutatum, nunc *intensius* nunc *remissius* agat, & sui status mutationi *magis minusve resistat* ob solam projicientis actionem, non amplius existentem? ergo &c. R. 1. *Retorq.* rursus de *Impetu*, qui, ut accidens absolutum, certe *intendi* nequit, nec etiam impediendi *resistere*, & tamen motum nunc *intensorem*, nunc *remissorem* causare debet. R. 2. Sicut juxta adversæ sententiæ Patronos in corpore mobili ad *intensorem* motum producendum requiruntur *plures numero* impetus, secundum eandem directionem tendentes, qui a substantia activa immediate applicata efficiuntur, &, si ipsa non amplius maneat præsens, *a Deo conservantur*: ita pariformiter in nostro Systemate *plures numero* modificationes *passivæ*, corpori mobili a substantia, active sese modificante, impressæ, tanquam totidem *actiones & passionēs*, correlative sibi correspondentes, requiruntur, eæque passivæ modificationes, sive impetus, ob *indifferentiam* moti corporis *passivam* perdurant, donec vel a *gravitate*, vel ab aliis *causis extrinsecis*, & diversis *obstaculis* sistantur, ut sæpe jam dictum est.

est. Porro nullum corpus in motu positum ordinarie motum suum *accelerat*, dum actio projicientis non amplius existit, nisi præcise ubi *deorsum* cadit, qui casus, per numeros *impares* fieri solitus, in *Señt. seq.* absque *accidentis absoluti* adminiculo declarabitur. Et sic omnes *Proprietates*, quas adversarij de impetu tanquam accidente absoluto demonstrant, nostro pariter impetui, tanquam accidenti *modali* cum proportionem accommodari queunt, ut consideranti manifestum fiet. Videantur Cl. P. Hauser *Phys. gen. p. 3. q. 2. art. 4.* & Cl. P. Josephus Mangold *Phys. gen. diff. 3. §. 368.* nostræque sententiæ applicentur, nam hisce minutiis diutius inhaerere nobis jam non vacat, maxime cum in Sectione subsequenti *de motibus in specie* pleraque hic dicenda rursus occurrant.

Interim hoc unicum annotasse sufficiat, quod impetus (*Modificatio passiva*) per omnes corporis partes, quæ moventur, *propagetur* : hoc est, a modificatione unius partis seu particulæ A causatur modificatio particulæ B : a particula B modificata successive particula C similiter modificatur, & sic

Propagatio impetus quomodo fiat ?

Sect. I.

deinceps : ita autem & *modificatio activa*, seu actio substantiæ vi motrice præditæ, est *momentanea*, adeoque dum illius, objecto mobili sufficienter præsentis, actio continuatur, id fit per continuam *actionis* præfatæ *repetitionem*: sic v. g. premat quis digito mensam. per horæ spatium, pressio primum incepta, mediante digito, a premente anima momento non nisi unico durat, & mox transiret, nisi eadem anima novas continuo novasque modificationes activas, mensam prementes, eliceret, sicque una activa pressio alteram identidem exciperet eodem modo, ac temporis continuo labentis momenta fluxu non interrupto sibi invicem succedunt : & hac ratione corporum active *Elasticorum* ac etiam *gravitantium* materiæ prementes vim suam motricem in *actû secundo* exerere dicendæ sunt.

ARTICULUS IV.

De velocitate & tarditate motus localis, tanquam prima illius affectione generali.

Motus velox & tardus.

CCLXXIV. **V**elox dicitur motus illius corporis, quod vel minori tempore idem cum alio corpore mobili

mobili spatium, vel *eodem tempore* majus, quam aliud corpus mobile; spatium percurrit. Sic *velox* dicitur motus Achillis, respectu *testudinis*, quia *minori tempore* spatium v. g. 1000. pedum emetitur, quam istud a testudine pertransiri soleat, nec minus eodem tempore v. g. unius minuti primi spatium centuplo majus quam testudo decurrit. Adeoque in velocitate seu celeritate motus ad duo attendi debet, 1. Ad spatium, quod a corpore moto percurritur; 2. Ad tempus, quod ad motum faciendum a corpore impenditur; nam si spatium respective minus pertranseat, aut tempus respective majus ad illud decurrendum impendatur, ejusmodi motus non *celer* sed *tardus* appellari solet. Ita v. g. in horologio uterque index (*horarum* scilicet & *quadrantium*) eundem quidem orbem perficit: at quia index *quadrantium* singulis horis, ille autem prior non nisi intra duodecim horas cursum suum peragrat, hinc motus Indicis horarii *comparative* ad Indicem *quadrantium* *tardus*; motus vero Indicis *quadrantium* *velox*, & duodecuplo *celerior* habetur. Porro cum nullum omnino corpus moveri queat, nisi certum

Sect. I.

aliquod *spatium* determinato *tempore* percurrat, recte intelligitur, quod etiam nullus sit *motus*, cui non determinata sua *velocitas* conveniat, utut *relative*, seu comparative ad motum alterius corporis, *tarditas* vocari soleat; adeoque verum est, quod *velocitas* sit affectio motus generalis; cum vel ipsa *tarditas* sit absolute aliqua, licet *minor*, *celeritas*.

Æquabilis & inæquabilis, item continuo acceleratus, aut retardatus. CCLXXV. Motus velox dividi amat in motum *æquabilem* seu *uniformem*, hoc est, *æqualiter velocem*, & in *inæquabilem* seu *difformem*, hoc est, *inæqualiter velocem*. *Primus* est, quando unum ali- quod idemque corpus æqualibus parti- bus *temporis*, æquales semper *spatii* par- tes conficit: e. g. si singulis minutis primis duos pedes spatii emetitur. *2dus* est, si æquali quidem tempore *inæqua- les* tamen *spatii partes* absolvat, ut si primo minuto *spatium pedale*, in reli- quis vero spatium conficiat pedali semper *majus* e. g. 3 pedum, 5 pedum, 7 pedum &c. diciturque etiam in hoc casu motus *continuo acceleratus*; sin autem in reli- quis temporibus spatium pedali sem- per *minus* absolvat, e. g. si in primo minuto moveatur per spatium 9 pe- dum, deinceps vero per spatium 7 pe- dum,

dum, 5 pedum, 13 pedum &c. nominari
folet motus *continuo retardatus*. Cæ-
terum tota Theoria de celeritate mo-
tus in sequentibus consistit.

PROPOSITIO I.

Valor seu gradus celeritatis in motu
æquabili designatur per quotum,
qui exurgit ex divisione spatii
per tempus.

CCLXXVI. PROBATUR ex defini- Gradus ce-
tione. motus *velocis* leritatis in

(CCLXXIV.) ex qua patet, quod ^{motu}
celeritas neque a solo *spatio*, neque a ^{æquabili}
solo *tempore* tota proveniat, sed ^{unde de-}
quod percursum a corpore *spatium* ^{sumatur?}
comparari cum tempore debeat, adeo-
que celeritas est *composita* ex spa-
tio & tempore, sive ex utroque si-
mul: porro etiam multiplicatio quoti
in divisorem est æqualis toti dividendo.
(*proba* enim, ut Arithmetici ajunt
bene institutæ *divisionis* fit per *multi-*
plicationem quoti cum divisore) ergo
valor seu gradus celeritatis in corpore
æquabiliter moto omnium optime de-
signatur ex resolutione, seu divisione
spatii per tempus, mediante quoto,
ita nempe ut proveniat *idem* quotus

Sect. I.

seu quotiens, ubi *eadem* celeritas, *ma-*
jor autem vel *minor* quotiens, ubi *ma-*
jor aut *minor* est celeritas. e. g. sint
 tria corpora A, B, C, quorum primum,
 seu corpus A conficiat spatium $\equiv 9$,
 tempore $\equiv 3$: 2dum seu corpus B
 percurrat spatium $\equiv 12$, tempore \equiv
 6 : & tertium seu corpus C emetiatur
 spatium $\equiv 20$, tempore $\equiv 4$, erit quo-
 tus corporis A $\equiv 3$, corporis B $\equiv 2$,
 & corporis C $\equiv 5$, & consequenter &c.

Algebrai-
 ce & Geo-
 metrice
 adumbra-
 tur.

CCLXXVII. Scholion. Algebraice,
 dum nempe *numeris* substituuntur *lit-*
teræ, ita ut S denotet spatium, T
 tempus, V velocitatem, hæc in motu
 æquabili hoc modo indicari solet: $V \equiv$
 $\frac{S}{T}$; aut $V \equiv S : T$. Id est : Velocitas
 est æqualis spatio per tempus diviso,
 ac proin si plurium corporum celerita-
 tes ad examen revocentur, norma ge-
 neralis hæc est : $V : v \equiv \frac{S}{T} : \frac{f}{t}$,
 vel $V : v \equiv S : T : f : t$, hoc est ve-
 locitas una relative ad alteram habet
 se æquali modo, sicut spatium unum
 per tempus divisum ad aliud spatium
 per aliud tempus divisum : unde & a
 Geometris celeritas appellari solet *ratio*
spatii

spatii ad tempus, ab iisque adumbratur per *rectangulum*, quod nascitur ex ductu unius lineæ rectæ in alteram: e. g. in rectangulo ABCD recta AB. *tem-* Tab. II.
pus, & recta AC *spatium*, a corpore Fig. 9.
 emensum, indicans, monstrat, quod, sicut ex multiplicatione hujus utriusque lineæ formatur *rectangulum*, aut quodvis aliud *parallelogramum*; ita similiter ex tempore & spatio, in se invicem ductis determinentur isthæc respectivæ celeritates, & consequenter ratio quoque *celeritatum* sit eadem, quæ *rectangulorum* &c.

CCLXXVIII. *Corollarium I.* Igitur Celeritas si tempora in plurium corporum æqua- corporum,
 bili motu fuerint æqualia, celeritates si spatia
 directe se habebunt ut *spatia* decursa: aut tempo-
 e. g. si corpus A eodem tempore movea- ra sint inæ-
 tur per spatium 25 pedum, quo cor- qualia :
 pus B movetur per spatium 50 pedum,
 erunt celeritates $A : b = 25 : 50$ di-
 recte, id est $= 1 : 2$. at vero, si *spa-*
tia æqualia inæquali tempore decurren-
 tur, tunc celeritates erunt sub *ratione*
inversa temporum, hoc est, quo *minori*
 tempore indiget corpus A ad motum
 suum perficiendum, eo *celerius* move-
 tur, quam corpus B, plus temporis
 insumens. Sit enim v. g. quod corpus A

Sect. I.

tempore 2 minutorum utatur ; corpus autem B tempus 6 minutorum impendat, erunt inversæ $A : B = 6 : 2$, sive corpus A celeritatem corporis B in triplo æquabit.

Si tam spatia quam tempora sint inæqualia.

CCLXXIX. *Corollarium II.* Si in motu æquabili diversorum corporum *tam spatia quam tempora sint inæqualia*, eorum celeritates sunt in ratione composita ex ratione directa spatiorum, & inversa temporum. e. g. Corpus A tempore $= 6$ decurrat spatium $= 24$; Corpus autem B tempore $= 4$ emittatur spatium $= 8$, erit celeritas corporis A ad celeritatem corporis B ut $96 : 48$, quæ est ratio composita ex directa spatiorum (24 & 8) ac inversa temporum (6 & 4) hoc est spatium $= 24$ corporis A multiplicatur per tempus 4 corporis B, cujus productum est $= 96$, & spatium $= 8$ corporis B ducitur in tempus 6 corporis A $= 48$. Ratio sumitur ex dictis ; nam quia celeritas tum a *spatio* tum a *tempore* dependet (CCLXXIV.), utrumque autem in hoc casu *inæquale* est, debet etiam celeritas de utriusque inæqualitate participare : atqui celeritates duorum corporum in motu æqua-

æquabili generatim se habent directe ut spatia, & inverse ut tempora (*n. præc.*) ergo.

CCLXXX. Scholion. Cæterum operatio in hoc postremo casu æque bene ac forsan etiam facilius, nec minus positæ superius Propositioni generali (**CCLXXVI.**) conformiter, procedit, si spatia singulorum corporum *dividuntur* per sua tempora, sic enim $24 : 6 = 4$, & $8 : 4 = 2$, seu 4 ad 2, eandem ad se proportionem habent, ac 96 ad 48, ut ex Arithmetica notum est, ex qua etiam ratio hujuscemodi operationis compendiosæ perspecta erit.

Celeritas in postremo casu invenitur etiam alio modo.

CCLXXXI. Corollarium III. Ex omnibus igitur hucusque dictis liquet, celeritatem quamcunque corporum, æquabili motu translatorum, proportionari tum spatiis, eodem tempore descriptis; tum temporibus æquali spatio absolutis, vel saltem rationi utriusque, spatii nempe & temporis. Porro ut etiam ex divisione spatii per tempus certo ac generaliter definiri queat, quanta sit corporum celeritas, supponi continuo debet motus æquabilis corporum; nam si motus sit inæquabilis, pariter toto illo tempore, quo corpora mo-

Celeritas in motu æquabili generaliter ex tribus eruitur.

Et si quis
sit æquus
motus
etiam
inæquabilis

mo-

Sect. I.

moventur, varia & *difformis* datur *celeritas*, quæ proin per *constantem* *mensuram* designari nequit.

Tarditas
ad tardita-
tem quo-
modo se
habeat?

CCLXXXII. *Corollarium IV.* Tar-
ditas ad tarditatem reciproce eandem
habet proportionem, quam habet ce-
leritas ad celeritatem eorundem mo-
tum; nam motus *tardus* habet quo-
que suam, utut comparative minorem,
celeritatem (CCLXXIV.) ergo motus
minus tardus majore, & *magis tardus*
minore gaudet *velocitate*: consequen-
ter tarditas juxta proportionem celeri-
tatum reciproce *mensuratur*, scilicet
hoc modo, ut, si v. g. *celeritas* motus
in corpore A sit $\equiv 4$, & in corpore
B *celeritas* motus sit $\equiv 16$, reciproce
tarditas corporis A ad tarditatem cor-
poris B sit ut 16 ad 4, hoc est, corpo-
ris A *tarditas* est quadrupla respectu
corporis B, quia in corpore B etiam
celeritas est quadrupla respectu corpo-
ris A.

Causa effi-
ciens ma-
joris vel
minoris
celeritatis.

CCLXXXIII. *Causa efficiens* majoris
vel minpris motus *celeritatis* commu-
niter existere solet major vel minor *vis*
activa impellentis *substantiæ*: nam cæ-
teris paribus homo *robustus* velocius
globum aut lapidem ad determinatam
distantiam projicit, quam alius quidam

infir-

infirmus aut *puer*, potest nihilominus eadem major vel minor motus celeritas etiam adscribi *corporibus*, motui ab extra minus aut magis *resistentibus*; ubi enim minor est medii resistantia, ibi corpus mobile *celeriori motu* transfertur: ita lapis velocius movetur per *aerem*, quam per *aquam*. &c.

CCLXXXIV. Sed quaestio multo adhuc subtilior de *causa formali* celeritatis & tarditatis agitur inter Philosophos, in quo nempe hae ambae ex *ratione sua formali* consistant? Galenus *l. 1. de dignoscendis pulsibus*, nec non Cl. P. de Lanis, & alii, apud Cl. P. Fortunatum a Brix. *Phys. gen. p. 1. §. 176.* putant, velocitatem & tarditatem localis motus unice repetendam esse ex minori vel majori *interpositione morularum*, quatenus nempe corpus, quod movetur, inter motus sui cursum quasdam morulas, modo minores, modo majores interponat: unde *tarde* seu *minus celeriter* moveri ajunt corpus, quod in iis singulis locis, per quae abripitur, pluribus temporis momentis *quiescit*, ipsumque motum eo esse *tardior* volunt, quo *longiori* tempore in singulis locis successive a corpore occupatis corpus ipsum moratur. "Fateor

Causa formalis juxta Galenum

Sect. I.

„ (ad hoc Systema citatus Cl. Au-
 „ ctor inquit) rem apprime obscuram
 „ facillime hoc modo explicari : cum
 „ enim motus localis non aliud sit,
 „ nisi *successiva ubicationum series*
 „ (CCXLI.), videtur spectari posse
 „ motus, veluti aliquod totum, quod
 „ ex ubicationibus, tanquam ex parti-
 „ bus, quarum una pereat altera ad-
 „ veniente, intrinsece componatur.
 „ Certum est autem, singulas hasce
 „ ubicationes posse ex se plus minusve
 „ durare, hoc est, posse corpus in iis
 „ singulis locis, quæ, dum movetur,
 „ *successive* occupat, plus minusve
 „ *quiescere* : Igitur potest dari motus,
 „ cujus singulæ partes *diuturniores*
 „ sint partibus alterius : hoc ipso au-
 „ tem unus motus *minus velox* altero
 „ est ; quippe, quo diuturniores sunt
 „ ubicationes, eo majus tempus labi-
 „ tur, interea dum corpus motu suo
 „ datum spatium percurrit : ergo *tar-*
 „ *ditas* motus videtur satis apte per
 „ quietis morulas explicari. „ At
 „ nihilominus cum laudato mox auctore
 „ propter gravia, quæ obstant, argu-
 „ menta, ab hac sententia recedere vel
 „ inviti cogimur, quare sit

PRO-

PROPOSITIO II.

Minor motus celeritas, seu tarditas, non habetur per plures quietis morulas interpositas.

CCLXXXV. PROBATUR I. Nam, ^{Physice} præterquam quod cor- ^{non subst-}
pus, in motu positum nunquam sane ^{stit.}
quiescat, sed, quantum est de se, ad quietem prorsus *indifferens* sit (CCLXXI.), nequit explicari, a qua causa corpus projectum post singulas quietis morulas determinetur ad motum identidem reassumendum? non enim determinatur a se ipso, ut patet, quia est *passive indifferens*: nec a priore impetu, seu modificatione *passiva* recepta, utpote quæ per morulam seu *quietem* cessasse supponitur: nec a *vi inertiae*, quia hæc præter *indifferentiam passivam* corpori nil peculiare attribuit: (CCLXXII. ob. IV.) nec denique a *novo impetu* interea producto, quia in motu *aqualiter continuato* eadem est causa tum mediata tum immediata, quæ fuit causa motus *inchoati* (CCLXXII.) ergo.

PROBATUR II. Hæc opinio videtur contradicere *experientiæ & sensui communi ac intimo*: ergo nequit ut legit-

Sect. I.

Tab. II.
Fig. 10.

gitima acceptari. p. A. I. sint duo circuli concentrici, unus major & alter minor (v. g. peripheria rotæ exterior respectu suæ axis centro proximæ) a quorum communi centro A ad peripheriam circuli majoris ducatur recta AC, eaque moveri concipiatur in communi utriusque circuli plano circa immobile centrum A: Jam quia motus extremi puncti C multo *velocior* est, quam motus puncti intermediarii B, prout ex eo patet, quod arcus CE, quem motu suo illud describit, utique major sit, quam arcus BD, quem interea punctum B decurrit: sequitur ergo juxta hanc sententiam, quod punctum C motum concipiat, antequam punctum B (utpote ob suam minorem celeritatem, aliquam quietis *morulam* interponens) motum suum inchoet. Itaque ex supposito, quod punctum C moveatur per arcum Cf, immoto interim existente puncto B, plane aut *inflecti* deberet radius CA, dum circa centrum A rotatur, aut eadem linea recta ABC haberet duplex segmentum diversum, atque inter idem punctum duæ lineæ rectæ cadere possent. *Imum* vero repugnat sensui intimo, 2dum Geometriæ principiis: ergo. Quod autem radius

AC

A C longior respectu brevioris A B, in suo motu, dum transit a C in F revera non inflectatur, experientia palpabilis in rotæ cujusvis radiis ad oculum demonstrat.

Nec juvat dicere. Quod inflexio fiat modo *insensibili*. Nam *contra est*. Id gratis dicitur, 1. Quia in peripheriis rotarum *maximis*, quarum axes comparative loquendo sunt circuli *minimi*, sensibilibiter contingere deberet illa inflexio. 2. Si fiat quodvis planum circulare undique cohærens, ex materia v. g. ænea aut ferrea, & in eo radius A C stylo tantum incidatur ac designetur: is profecto in motu suo, circa centrum rotante plano circulari, utut celerius moveatur, quam punctum B, nullatenus inflectetur, nisi communem sensuum delusionem cum Scepticis, Acatalepticis, & Pyrrhonicis admittere velimus, id quod esset oculos luci claudere.

II. Ponamus, quod punctum C ra-Tab. II.
dii C A in circulo majore transferatur Fig. 11.
ita *velociter*, ut ejus motus *nullam* omnino *quietis morulam* habeat, prolongetur autem idem radius usque in M, simulque totus ponatur in motu secun-

Q q

dum

P. Oster. Physic. Pars I.

Sect. I.

dum universam longitudinem suam : jam cum in ista Hypothesi, utique *possibili*, punctum C *nullam* quietis morulam habere supponatur, multo magis punctum M, majori adhuc velocitate motus donatum, iisdem quietis morulis carebit, & consequenter dabitur motus *tardior* (scilicet in C respectu puncti M) sine ullis quietis morulis &c.

Tarditas
non vide-
tur unice
consistere
in majori
resistentia
medii,

CCLXXVI. Præter hanc sunt & aliæ Philosophorum, maxime Peripateticorum, de *ratione formali celeritatis & tarditatis* opiniones minus celebres. Nam I. *Celeritatem* nonnulli adscribunt minori; *tarditatem* vero majori *resistentiæ* medii, a motis corporibus pertranscundi. Sed *contra est*. Experimur enim, quod non raro manente *eadem* resistentia motus varietur, v. g. in motu deorsum accelerato, & rursus retardato *secundum numeros impares*: imò *variata* etiam resistentia idem omnino motus, æque *velox*, obtineri valet, aliis scilicet concurrentibus de causis, prout evenire solet in motu progressivo hominis aut bruti, e. g. flante validius aut non flante vento &c.

II. Non-

II. Nonnulli velocitatem & tardita- Nec in
tem declarant per puncta *Physica* indi- punctis
visibilia, quibus putant inesse capaci- inflatis,
tatem sese magis minusve extenden-
di, intra certos saltem limites : fere
ac anima spiritualis ac indivisibilis exi-
stere valet modo in corpore infantis,
modo viri &c. unde motum *velocem*
tunc haberi volunt, quando corpus
mobile pertransit spatium, in quo plera-
que aut plura ejusmodi puncta *magis*
inflata existunt : econtra *tardum* dicunt
esse motum illius corporis, quod tale
percurrit spatium, in quo puncta sin-
gula aut pleraque *minorem* habent ex-
tensionem seu inflationem. *Contra est.*
Ejusmodi puncta *materialia*, quæ exi-
stentia gaudeant *definitiva* instar *spiri-*
tus, gratis adstruuntur, quin imo re-
pugnant in terminis ; eo ipso enim,
quod sint *materialia*, non nisi *determina-*
tam possidebunt *quantitatem*, seu exten-
sionem sibi *connaturalem* : major autem
vel minor extensio actualis non est iis
connaturalis ; cum ad *majorem* exten-
sionem requirantur *plures*, ad minorem
pauciores *partes* : atqui *partibus* carent
prædicta puncta ; alias forent quoque
divisibilia : ergo similiter carebunt ma-
jori vel minore *extensione*, saltem *reali*,

Sect. I.

de qua hic loquimur ; nam extensionem seu divisionem in partes mere *Intellectuales* nos ipsi admittimus (CXIV.) ast hæ partes *Intellectuales* velocitatem aut tarditatem *realem* minime explicant.

Nec in modo superaddito, physice loquendo.

III. Plerique tandem ex Peripateticis celeritatem & tarditatem vocant *modum superadditum* essentiae motus, cujus effectus formalis sit efficere, ut paucae partes motus celeris respondeant pluribus partibus spatii, & vice versa in motu tardo. Sive, ut loquitur Noster P. Ferrarius *celeritas & tarditas motus est relatio quædam ipsius motus, qua comparatur ad maiorem vel minorem extensionem temporis & spatii, prædicto tempore peracti. Contra est. Hæc ipsa non est explicatio Physica, sed pure Metaphysica aut Logica; redit enim continuo quæstio : quomodo physice contingat, ut paucae partes in motu celeri pluribus partibus spatii, & econtra in motu tardo plures motus ejusdem partes paucioribus spatii partibus respondeant? Item, ex quo fundamento & termino relatio isthæc physice consurgat? aut quidnam a parte rei sit, quod hanc in corpore mobili modificationem producat? &c.*

CCLXXXVII.

CCLXXXVII. *Scholion.* Quid igitur in tanta sententiarum varietate faciendum, aut tenendum? quando ex omnibus nulla ad omnimodam veritatem aut Physicam certitudinem affurgit? imo quando nec ipsi etiam Peripatetici de sufficiente declaratione *Metaphysica* a se inventa gloriari præ Neotericis queunt? (*n. præc.*) si P. Ferrarii, nec non Cl. P. Fortunati a Brix. *Phys. gen. p. 1. §. 177.* vestigia sequi velimus, sane per quid formaliter motus localis velox sit aut tardus? fatendum ingenue, a nobis prorsus nesciri. (XIV.) ast quia turpe quibusdam videtur, ignorantiam suam ibi fateri, ubi verisimilitudo saltem haberi potest, hisce auctor sum, ut priorem illam Galeni & aliorum sententiam, (CCLXXXIV.) quam etiam Cl. P. Hauser *Phys. gen. p. 3. §. 719.* nedum ut captu faciliorem, sed & verisimiliorem habet, interea amplectantur, usque dum veritas successu temporis plenius eruatur, ad argumenta porro in contrarium proposita (CCLXXXV.) probabiliter hoc modo Responderi valet, videlicet

Ad 1^{um}. Causa, corpus projectum post singulas quietis morulas, ad motum determinans & quidem im-

Sect. I.

mediata, dici potest *prior impetus*, eidem ab activa substantia impressus, & perseverans, eo quod a medio, seu obstaculo, resistente non sit *ex toto* peremptus, sed *magis* solummodo aut *minus*, tum pro ratione *obstantis medii*, tum pro maiore vel minore *conatu* sese modificantis seu *agentis potentia*, debilitatus, prout ex motu *projectorum* corporum per *collisionem* facto amplius patebit: unde morula illa seu *quies modica* & *insensibilis* nequit proprie *cessatio a motu* appellari.

Ad 2dum, & 3tium, quæ sunt argumenta ex *Mathesi* petita, accommodari possunt responsiones, supra in materia de *divisibilitate* allatæ (CXXX. ob. 3.), ubi ostendimus, non bene argui a punctis *Mathematicis* omnino *inextensis* ad puncta *physica*, quoad se magis vel minus *extensa*, in partes saltem *Intellectuales* (CXIV.) attamen simul fatemur, quod, si adversariis tenax litium animus inest, finis litigandi vix unquam sit futurus ob difficultates plurimas, in materia, ut ajunt, de *continuo* moveri solitas: nobis antiquam, & hoc tempore vix non antiquatam crambem, recoquere non vacat.

ARTI-

ARTICULUS V.

De quantitate motus Localis, tanquam altera ejusdem affectione generali.

CCLXXXVIII. **Q**uantitas, aut alio nomine *magnitudo* Quantitas motus, causalis & formalis.
 (Metaph. fol. 361.) *motus* vi nominis est id, quod respondetur ad quaestionem factam, *quantus vel quam magnus sit motus*, sive est id, quo motus quilibet, cum altero comparatus, isto vel *major vel minor* dicitur. Alio vocabulo etiam *momentum corporis* appellari solet, aut juxta alios *impetus*, aut *vis motrix*: ast hi potius quantitatem motus *causalem* quam *formalem* considerant; *quantitas* enim *formalis*, prout hic accipimus, est ipsa *corporis massa sub hac vel illa celeritate motus*: massa vero corporis est ipsa materia propria corporis, hoc est, *aggregatum* omnium particularum, ex quibus constat corpus, ejusque *pondus*, quod coalescit ex *densitate & mole*, seu volumine ejusdem corporis, in se invicem ductis. Unde & sequitur

Sect. I.

PROPOSITIO.

Quantitas motus est in ratione composita massæ, & celeritatis.

Unde hæc
desumatur ?

CCLXXXIX. PROBATUR. Quo major enim est *massa*, eo *plures sunt partes*, quæ motum participant ; & quo major est *celeritas*, eo major quoque in singulis partibus requiritur vis motrix ad motum conciliandum : ergo quantitas motus tum ex *massa* tum ex *celeritate* desumitur, sive, quod idem sonat, est in ratione composita massæ & celeritatis. **CONFIRMATUR.** Nam ex *una parte* impetus eo magis *intensive* minuitur & decrescit, quo magis *extensive* crescit, seu in quo *plures particulas* dividitur, ita ut etiam omnimode pereat, si *nimia moles* movenda sit: ergo quo major corporis *massa* existit, eo major *vis* ad movendum requiritur. Ex *altera vero parte* per experientiam similiter habemus, quod si vis $\equiv 1$, requiratur ad corpus intra *unum minutum* primum per spatium *2 pedum* movendum, necessaria sit vis *dupla*, ut idem decurrat spatium *4 pedum*, & *tripla* ad *6 pedes* absolvendos &c., ut docet

docet quoque Aristoteles l. 7. *Phys. c. ult.* ergo tam *massa* quam *celeritas* ad virium quantitatem, seu magnitudinem motus concipiendam attendi debet, & cum *quaelibet* massæ particula certam *vim motricem* exigat, hæc *toties* multiplicanda erit, quot sunt *particulæ*, per unitatem exprimendæ: ergo.

CCXC. *Scholion.* Allatum Theorema, Algebraice seu propositio, *Algebraice* sic scribitur: si momentum seu quantitas corporis A dicatur M, & velocitas V: corporis vero B momentum nominetur m, & velocitas v, erit corpus A ad B in quantitate motus ut M V ad m v, seu ut Massa corporis A, multiplicata per velocitatem, ad massam corporis B, itidem multiplicatam per ejusdem velocitatem. *Geometrice* autem momenta duorum corporum æquali aut inæquali motus quantitate præditorum exprimi solent per duo rectangula, quorum bases & altitudines in priori casu reciprocant, non autem in posteriori.

CCXCI. *Corollarium I.* Igitur si celeritates duorum corporum statuuntur esse æquales; *massæ* vero *inæquales*, erunt vires sive quantitas motus in ratione directa massarum. e. g. sint celeritates

Q q 5

ritates p t z,

Quid si
massæ sint
inæquales,
aut celeritates,
divisim sum-
ptæ,

Sect. I.

ritates corporis A & B $\equiv 4$, corporis vero A massa sit $\equiv 100$ librarum, corporis autem B $\equiv 300$ librarum, erit in priore quantitas motus $\equiv 400$: in posteriore $\equiv 1200$, id est prioris tripla, scilicet $4 \times 100 \equiv 400$, & $300 \times 4 \equiv 1200$. Econtra si æquales ponantur massæ, & *inæquales celeritates*, vires erunt in ratione directa celeritatum. e. g. si massæ utriusque corporis sint $\equiv 50$ librarum. celeritas autem corporis A $\equiv 2$, & corporis B $\equiv 6$, erit quantitas motus in A ad B $\equiv 100 : 300$, id est $50 \times 2 \equiv 100$, & $50 \times 6 \equiv 300$.

Quid si
ambæ con-
junctim
inæquales
sint?

CCXCII. *Corollarium II.* Si *celeritates & massæ sunt inæquales*, motus quantitas erit in ratione composita ex rationibus ponderum & celeritatum; & si *facta* ex massa in celeritatem æqualia sint, utrinque etiam *quantitas* motus erit æqualis, utut massæ & celeritates *seorsim* differant, prout patet in subjecto exemplo:

$$A \equiv 6. \equiv \equiv 3.$$

sit massa corporis B $\equiv 2. \equiv$ celeritas $\equiv 9$.

$$C \equiv 3. \equiv \equiv 6.$$

erit singulorum quantitas $\equiv 18$; nam $6 \times 3 \equiv 18$, & $9 \times 2 \equiv 18$. indeque manifeste eruitur, vires corporis *minutissimi* posse fieri æquales viribus corporis

ris *maximi*, si scilicet *celeritas* fuerit eo major, quo massa excedit reciproce massam alterius corporis : ex quo *millena theoremata* facile solvi possunt, e. g. de viribus *fulminis*, *grandinis*, *globi* ex tormento bellico excussi &c, & huic principio totius *Mechanicæ* fundamentum innititur. Attamen massa corporis, ut *intensive* æquivalet ei, quæ ut *extensive* summa, non debet esse *summe parva*, seu talis, ut ob carentiam & defectum *resistentiæ*, eidem impetus aut non possit communicari, aut is non continuari ; sic enim v. g. plumæ aut pulvisculo tenuissimo propter medii *resistentiam* nequit communicari eadem motus quantitas, quæ v. g. lapidi, aut globo ferreo inprimi valet.

CCXCIII. *Corollarium III.* Ad rite *Praxis*, quoad singulos casus obvios definien- *motus* dam, & practice determinandam *mo-* *quantita-* *tem deter-* *minandi*, *tus quantitatem*, sic procedendum est. *I.* Ante omnia indagetur *massa*, multiplicando densitatem & molem seu volumen ejusdem corporis (CCLXXXVIII.) e. g. sit densitas corporis $A = 8$, moles $= 3$, erit massa $= 24$. *II.* Inquiratur *celeritas* ex spatio per tempus diviso, e. g. spatium sit $= 6$, tempus $= 3$, erit velocitas $= 2$. *III.* Denique

Sect. I.

que multiplicetur massa per celeritatem, aut vicissim, e. g. $24 \times 2 = 48$, & prodibit universa *motus quantitas* in corpore A, scilicet 48.

Itemque
celerita-
tem aut
massam
invenien-
di.

CCXCIV. *Scholion.* Si autem forte *quantitas motus* unacum *massa* sit cognita, & primum quaerenda sit *celeritas*, dividatur illa, videlicet *motus quantitas*, per *massam*, & quotiens celeritatem indicabit, e. g. in priore exemplo (*n. præc.*) si fiat divisio numeri 48 per 24, quotiens 2, inde proveniens celeritatem prodet: econtra si *celeritas* & *quantitas motus* sciantur, *massa* autem ignoretur, hæc ipsa, *quantitate* per celeritatem divisa, eruetur, v. g. in eodem exemplo $48 : 2 = 24$.

ARTICULUS VI.

De directione seu determinatione motus localis, tanquam tertia ejusdem affectione generali.

Directio
motus.

CCXCV. **D**irectio motus est ejusdem ad certum terminum facta determinatio; cum enim corpus in omnem partem moveri possit, necessario determinari debet, ut potius sursum v. g. aut deorsum, vel in dextrum aut fini-

sinistrum latus, per lineam rectam aut curvam &c. moveatur : ad oque *directio* seu *determinatio* est quædam *affectio* motus *generalis*, cum ipso *motu* neutiquam confundenda ; *motus* enim a vi seu *potentia* impellente præcise oritur ; *determinatio* autem a *certo modo* differt a impellendi dependet. Sic v.g. dum *motu*.
pila in parietem projecta resilit, manet idem *motus*, sed *determinatio* mutatur, hoc est, *pila* novam *directionem* accipit, & in aliam viam impellitur.

CCXCVI. *Linea directionis motus* est *Linea directionis*
linea recta, quam corporis centrum *rectionis*
suo motu describit ; cum enim tota *motus*.
gravitas & corporis massa in ejus centrum collecta concipiatur, via, quam motu suo corpus describit, non nisi per *lineam rectam* exprimitur. Porro cum mobile quodvis a substantia activa prohibitu ad quosvis terræ angulos moveri queat, hinc & innumeræ *lineæ directionis* assignari possunt. Sic dum corpus movetur sursum aut deorsum, secundum rectam *Horizonti* perpendicularem e. g. ex A in B, aut in C, *directio perpen-* Tab. II.
dicularis vocatur : dum autem ad dexte- Fig. 12.
ram vel sinistram secundum lineam *Horizonti* parallelam fit motus, nempe
ex

Sect. I.

ex A in D, vel in E, *Horizontalis* dicitur: reliquæ directiones singulæ his lineis interjectæ denominantur *obliquæ*, ut ex A in f, g, h, I, k. Cæterum linea directionis corporum gravium, ut *gravium*, Horizonti continuo *perpendicularis* existit, ut supra diximus (CLX, & CLXI.)

Vires con-
spirantes,

CCXCVII. Inter ipsas directiones rursus aliæ vocantur *conspirantes*; aliæ econtra *e diametro oppositæ*: aliæ *rectilineæ*, aliæ *curvilineæ*. *Primi generis* proveniunt a viribus seu potentiis motricibus, numero pluribus, quæ dirigunt mobile ab eodem ad eundem terminum e. g. ex A in D, sicque *unam* veluti vim *majorem* con-

e diametro
oppositæ,

stituunt. *2di generis* oriuntur a viribus motricibus, sibi mutuo e diametro adversantibus, & idem corpus secundum determinationes oppositas movere conantibus. e. g. dum una potentia motrix ex D corpus A, impellit in E, & rursus alia vis motrix idem corpus A ex E in D propellere conatur.

Directio-
nes recti-
lineæ,

3tii generis seu rectilineæ sunt illæ directiones omnes, per quas corpus mobile versus idem semper punctum pergit, quo primo directum fuerat, prout in omnibus enumeratis motibus usu-venit.

venit. Econtra 4ti generis seu curvi- & curvi-
lineæ tunc existunt, si non idem semilineæ.
per centrum seu punctum, sicut ab ini-
tio motus, respiciant; sed ad diversa
successive puncta tendant, ut si ex A
corpus moveatur primo versus E, ast
successive delabatur in L, qui postre-
mus motus appellatur quoque *compo-*
situs, quia fit a pluribus potentiis mo-
ventibus; scilicet a vi motrice activa im-
pellente, & a materia deorsum gravi-
tante: plura de hoc motu in *sect. seq.* Vires ami-
porro vires, ex toto conspirantes com-
muni vocabulo dici solent vires *amicæ*; ca & ini-
his autem e diametro oppositæ *inimi-* mica, ac
cæ vocantur, has inter aliæ appellan- mediæ.
tur *mediæ* aut *disparatæ*, & sunt illæ,
quæ *angulum directionis* constituunt in
termino a quo. e. g. si corpus A ex A Angulus
simul a duabus potentiis impellatur directio-
versus F & H, angulus F A H erit an-
gulus *directionis*. nis.

CCXCVIII. Causæ motus directio- Causæ di-
nem efficientes sunt plures quarum rectionum
prima ac præcipua est ipsa potentia, motus.
seu *vis motrix*, quæ motum primo in-
choans, mobile, de se ad quamvis de-
terminationem *indifferens* (CCLXXI.),
pro ratione impulsus sive impetus, ei-
dem communicati, per diversas vias
abdu-

Sect. I.

abducere valet, ut patet v. g. in *lapide*, ab homine projecto in locum, quem placuerit, aut in *pila* mediante reticulo, pro diverso ejusdem situ aut inclinatione, diversis quoque viis a *Juvene* moveri solita. 2da causa subinde est *resistentia medii*; sic enim v. g. homo aut navis fluvium torrentem trajicere cupiens per lineam rectam A B, vix non communiter per diagonalem oblique abripitur in C: lux item a medio densiore in medium rarius (v. g. ex *aqua* aut *vitro* in *aerem*) aut vicissim e rariore in densius commigrans, motus *directionem* continuo mutat, ut in materia de *Luce* pluribus declarabitur. 3tia demum causa sunt *alia corpora*, veluti totidem diversa *obstacula*, eandem motus *directionem* immutantia: sic *paries* determinat impetum pilæ in ipsum projectæ ad viam reflexam: *planum inclinatum*, corpori gravi suppositum, facit, ut hoc via inclinata deorsum vergat: *globus Elasticus* alium oblique impellens a prioris motus semita illum avertit: *rota* ab axe immobili ad motum *circularem* determinatur: *plani scabrities* corpus, quod per ipsum movetur, rectam pariter motus lineam tenere haud permittit &c. huc etiam spectat *materia*

Tab. II.

Fig. 13.

ria gravitans, nisu suo quævis corpora deorsum trudens, ideoque a linea *horizontali* fere ad *Parabolicam* determinans: unde & ii, qui ad metam jaculari solent (si quando nulla adsit diversitas, quam inducere potest vel *pulvis pyrius*, vel interior fistulæ seu *sclopeti capacitas*) paulo altius collimare debent, ut centrum feriant, eoquod globulus plumbeus e *sclopeto* emissus, & a materia gravitante pressus, non *rectam* Horizontalem, sed *curvam* & fere *Parabolicam* describere soleat, ut paulo post dicemus. Interim sequentia Theoremata hic notanda sunt.

PROPOSITIO I.

Idem impetus, corpori semel impressus, potest oppositas e diametro
determinationes successive
recipere.

CCXCIX. PROBATUR. Impetus est Idem Impetus successive potest varie determinari.
ex se ad omnem determinationem, seu directionem, passive indifferens, cum per illum ipsum specie impetum corpus secundum quancunque directionem moveri queat, nempe vel

R r

sur-

P. Oster. Phys. Pars I.

Sect. I.

furfum vel deorfum, vel ad latera : ergo *eadem impetu* manente in corpore variari poteft ipsius corporis ad motum *directio*, & conſequenter idem impetus, corpori ſemel imprefſus, poteſt oppoſitas e diametro determinationes ſucceſſive recipere, haud ſecus ac v. g. idem corpus, cum ſit ad quamvis *figuram* in ſe recipiendam paſſive indiſſerens, diverſas ſucceſſive *figuras* in ſe recipere valet. Rationi ſuffragatur etiam *Experientia* ; nam pila v. g. ad *orientem* projecta, poteſt ab obſtaculo, v. g. a muro aut arboris trunco, determinari, ut redeat ad *occidum* : in folle luſorio id ipſum cernitur, dum a manibus ludentium ſemel in motu poſitus, tot diverſas directiones ſucceſſive accipit, quot vias in aſcendendo ac deſcendendo legit ac relegit &c.

PROPOSITIO II.

Corpus ſemel in motu poſitum ſecundum directionem primo receptam tamdiu moveri pergit, donec ab externa cauſa impediatur.

Corpus ſecundum primam directionem fertur. CCC. PROBATUR. Non enim Corpus ſolummodo eſt indiſſerens paſſive ad motum & quietem (CCLXXI), ſed & *impetus* indiſſerens.

rentia ad quamcunque directionem gaudet : ergo , ne quid absque ratione sufficienti contingat , externa requiritur causa , quæ corpus impediatur , ut priorem suam directionem mutet ; fere sicut ex eadem causa passivæ indifferentiæ ad omnem figuram in illo ipso corpore requiritur causa externa , novam ac priori oppositam figuram inducens.

PROPOSITIO III.

Corpus quodcunque in motu positum tendit per se via brevissima ad illud punctum, versus quod dirigitur ; aut, si impeditur , conatur saltem ei quantum potest, appropinquare.

CCCI. **PROBATUR.** *I. pars.* Corpus Mobile enim de se est indifferens ad tendit via brevissimam, si potest motum ac motus directionem , & si ad hanc semel est determinatum , continuo pergit, nisi ab extra impediatur (n. præc.) ergo in eam partem directe tendit, in quam urgetur ab impetu communicato : atqui impetus per se urget tantummodo per lineam sui motus ; ergo per lineam rectam. **CONF.** Idem corpus nequit simul esse in pluribus locis, ergo nec moveri per plures vias simul, sed per unam tantum, adeoque & impetus,

Sect. I.

tus, corpus transferens, agit solum per *unam* viam seu lineam, scilicet per illam, per quam mobile movetur *ab initio* sui motus &c. certe lapis in funda circumactus, si sibi relinquatur, *via recta* elabitur, & alia corpora singula, nisi ab obstaculo in via occurrente impediuntur, motum *rectilineum* continuant, ac sublato impedimento eum de novo restituant. Porro *via rectilinea*, seu *linea recta*, quod sit *via brevissima*, Geometris notum est ex eo, quia solummodo est inter *duo puncta*, dum e contra *lineæ curvæ* pluribus punctis interceptiuntur.

PROBATUR. *II. pars.* Ab observationibus & experimentis obviis tum in motu *projectorum*, tum in motu *pendulorum*, de quibus in *Sect. seq.* Ratio vero est eadem, quæ mox allata fuit: nempe cum impetus per se non agat, nisi secundum *lineam rectam*, sequitur, quod etiam corpus quodlibet impetu donatum, ac in motu positum, eandem directionem sequi debeat, & consequenter *viæ brevissimæ*, quantum potest, appropinquare nitatur.

PRO-

PROPOSITIO IV.

Quo major est angulus directionis,
eo minus conspirantes sunt vires,
a quibus corpus simul ad motum
determinatur.

CCCII. PROBATUR. In Exemplo: Vires ma-
impellatur corpus A simul a gis vel mi
duabus potentiis motricibus F & G, a^{nus con-}
priori quidem secundum directionem^{spirantes}
A F; a posteriore autem secundum de^{unde desu-}
terminationem A G: profecto quo^{mantur!}
major est angulus directionis F A G, Tab. II.
eo magis lineæ directionum A F, A G^{Fig. 12.}
a linea *recta* seu brevissima A B *recede-*
dunt, hoc est, ab ea linea, secundum
quam, si corpus A simul a duabus il-
lis potentiis motricibus F & G move-
retur, penitus conspirarent (CCXCVII.)
& e contra magis *accedunt* ad lineas
rectas A D, A E, secundum quas
viribus e diametro sibi *oppositis* mobile
transferri solet (*n. cit.*) ergo &c.



Sect. I.

PROPOSITIO V.

Si vires *æquales* e diametro sibi oppositæ simul in aliquod corpus agant, nullum prorsus motum in ipso producere valent.

Vires
æquales,
e diame-
tro oppo-
sitæ, nihil
movent;

CCCIII. PROBATUR. Nam si duæ potentiaë motrices D & E, æquales inter se, simul transferre nitantur corpus A secundum directiones A D, A E e diametro oppositas, non habetur ratio sufficiens, cur corpus A unam potius, quam aliam directionem sequatur: quinimo corpus A tantundem *resistet* motui secundum utrumque illud determinans, quantum ad ipsum motum perficiendum *impellitur*: ergo nullus exinde motus sequetur.

Nec impe-
tus ab iis
proprie
produci-
tur.

CCCIV. Corollarium. *Æquales* igitur *impetus*, ad terminos e diametro *oppositos* in eodem corpore determinati, vel se mutuo *perimunt*, vel omnino produci non possunt; nullus enim vi ipsorum immediate motus dari potest, cum, in quantum unus *agit*, in tantum alter *reagat*: unde, quamprimum corpus impulsus eandem violentiam a potentia in contrarium agente patitur, omnis e vestigio impetus *extinguitur*, & quies subsequitur.

PRO-

PROPOSITIO VI.

Sin autem vires *inaequales*, e diametro oppositæ, simul in aliquod corpus agant, istud movetur secundum excessum virium, & directionem vis seu potentiz prævalentis.

CCC.V. PROBATUR. Nam, præter-
 quam quod illa vis *ma-* Vires in-
 jor in se contineat vim minoris, habet quales mo-
 illa insuper aliquid *plus*, seu quemdam vent cor-
excessum: ergo in hoc excessu erit ratio pus secun-
sufficiens, cur corpus secundum illum dum ex-
 moveatur, & consequenter in dicto cessum vi-
 corpore nil remanet de impetu vis mi- rium.
 noris, sed tantum ille excessus. Id
 videre est v. g. in globo *major* ligneo,
 in alium *minorem* ejusdem materiæ e
 diametro impulsio; nam post factam
 mutuam collisionem *minor* quiescet,
major autem adhuc motum suum ali-
 quantisper continuabit, non tamen in
 eadem celeritate, sicut antea, sed se-
 cundum vim soli *excessui* corresponden-
 tem, ut amplius in *Señ. seq.* declara-
 bitur.

ARTICULUS VII.

De generalibus motus localis
Legibus.

Quid sint CCCVI. **P**ER leges motus localis gene-
leges mo- rales intelliguntur ordina-
tus genera- tiones & quasi regulæ universales motuum
les ? a Deo T. O. M. pro toto hoc universo
mundi Systemate (XCIV.) ab initio
creati orbis statutæ, ac libere ordina-
tæ, nunc autem teste experientia ita
inviolatè perseverantes, ut, si quan-
doque in iis contingat mutatio, præter
aut contra naturæ ordinem hæc ipsa
mutatio; & quidem a nullo alio, nisi
ab ipso Divino Numine tanquam pri-
mo motore, facta esse dicatur (Me-
taph. fol. 551, & 552.) unde & a
Philosophis communiter, maxime a
Neotericis, *Axiomatum* loco habentur,
nec multis demonstrantur, sed ut na-
turæ phænomenis passim conformes
supponuntur, atque a Newtono citato
a Cl. P. Dalham Tom. 2. *Prælect.* 10. §.
106. ad tres sequentes revocantur.

I. Lex.

Corpus CCCVII. **C**orpus omne perseverat in
moveri aut statu suo quiescendi vel movendi uniformi-
quiescere ter

ter in directum, nisi quatenus a viribus impressis cogitur statum illum mutare. de se pergit, usque dum ab alio mutetur.
 Veritas legis hujus liquet tum ex dictis de indifferentia passiva corporum (CCLXXI.), tum ex Prop. II. & III.

art. præc. hinc omnis omnino motus, nude *absque novis circumstantiis* in mobili consideratus, continuo *æquabilis* existit ac *rectilineus*, nec *velocitatem* suam aut *directionem* ex se mutare valet. Sic 1. Vas, aqua plenum, & humi collocatum, si repente levatur, & non nihil antrorsum, vel retrorsum, aut ad latus abripitur, aqua in illo stagnans, in contrarias abreptioni partes, priori situi suo connaturales; abire, atque in terram effundi videtur. 2. Idem accidit, si æquali celeritate aqua in vase contenta & capiti imposita gestetur, subitoque vas in motu positum continueatur, ac cursus sistatur. 3. Navigantes in flumine aut mari, si navigationi prius non insueverint, corripuntur nausea, vomitu &c. eoquod sanguis, bilis, ac cæteri humores, in ventriculo & aliis internis ductibus contenti, motum turbulenti maris sibi *contrarium* perferre nequeant. Quod ergo status iste quiescendi aut movendi uniformiter in directum actu non

Sect. I.

perseveret, viribus *ab extrinseco* mobili advenientibus, videlicet *materiae gravitanti*, *medii resistentiae*, *frictioni* &c. quæ causæ defacto semper præsto sunt, adscribendum venit, (CCXCVIII.) uti mox in *Art. seq.* pluribus dicetur.

II. Lex.

Motus
proportio-
natur vi
motrici &
fertur re-
ctilinee.

CCCVIII. *Mutatio motus proportionalis est vi motrici impressa, & fit semper secundum lineam rectam, qua vis illa imprimitur.* Nempe motrix potentia, quæ directionem aut celeritatem motus inchoati immutat, utpote causa *necessaria*, tantum operatur, quantum potest; adeoque *effectum*, sive ipsam motus mutationem, suæ virtuti accommodat, ferme ac in bilancis una lance positum pondus unius libræ, alterius lancis pondus itidem unius libræ in æquilibrio retinet, cum nec vincere illud, nec vinci ab eo possit, nisi *ab extrinseco* novum aliquod pondus seu impetus alterutri adveniat. Quare si globo v. g. super plano volubili, impetus ut 2 imprimatur, movebitur quoque ut 2 : at si mox alter æqualis impetus ut 2, prædicto globo inferatur, erit motus *duplus* : si tertio & quarto

quarto æqualis in globum vis propa-
getur, motus evadet triplus, quadru-
plus &c. id est ut 4, ut 6, ut 8, ut 10
&c. nam $2 \div 2 = 4$. $4 \div 2 = 6$. $6 \div 2 = 8$.
 $8 \div 2 = 10$, & sic deinceps. Certitu-
dinem legis hujus declarant etiam di-
cta in *Art. præc.* Prop. III, IV, V, &
VI. Cæterum per motricem potentiam
juvat hic intelligere impetum (CCLXI.)

III. Lex.

CCCIX. *Actiōni semper contraria & Datur
æqualis est reactio; seu corporum duo-Actio &
rum actiones in se mutuo æquales sunt, & reactio
in partes contrarias diriguntur. Hoc est, corporum
per actionem & reactionem æquales motus
mutationes in corporibus, in se invicem
agentibus, producuntur, quæ mutationes
versus contrarias partes imprimuntur.*

Hanc legem Newtonus amplius ide-
clarat, dum ait: quidquid premit, vel
trahit alterum, tantundem ab eo premitur
vel trahitur. Si equus lapidem funi alli-
gatum trahit, retrahetur etiam & equus
(ut ita dicam) æqualiter in lapidem;
nam funis utrinque, distensus eodem rela-
xandi se conatu urgebit equum versus la-
pidem, ac lapidem versus equum, tantum-
que impediet progressum unius, quantum
pro-

Sect. I.

promovet progressum alterius : inde si equus lapidem trahens ea præditus sit agendi potentia, quæ sit *minor* aut solum *æqualis* vi lapidis, per *gravitatem*, *medii* resistantiam, & *plani* scabritiem equo reluctantis, nullus omnino motus sequetur : si autem *major* sit equi lapidem trahentis activa potentia, equus tunc lapidem movebit, ad eumque motum illam activæ suæ potentiae partem adhibebit, quæ sibi post superatam lapidis resistantiam residua erit, e. g. si resistantia lapidis fuerit $\equiv 15$, equi autem vis $\equiv 10$, vel etiam $\equiv 15$, lapis ab equo non movebitur : at si vis activa equi ponatur $\equiv 20$, lapis ita e loco cedit, ut *excessus* virium $\equiv 5$, qui superata resistantia superstes manet, ab equo impendatur alteri effectui, nempe motui progressivo celeriori : Id est, equus ad lapidem trahendum non adhibet *totam* vim suam activam seu *omnes vires*, quas habet, sed illas tantum, quæ ad resistantiam lapidis vincendam necessariæ sunt, videlicet $\equiv 15$: cæteras ad incedendum adhibet : ex quo venit, ut si pondus ab equo trahendum augeatur, difficultas quoque incedendi crescat, ac, si pondus trah-

hen-

hendum ad *æqualitatem* aut *ultra vires* equi ascendat, omnino sistatur.

Hinc etiam ista *lex tertia* non sic intelligi debet, quasi tum in agente, tum in reagente corpore mobili, *æqualis* utrinque *vis activa* inesse debeat, sed sensus est, quod agens quodlibet, dum aliud movet, eas præcise impendat vires, quibus ad vincendam hujus resistantiam opus habet; excessu autem virium ad *facilitatem* ac *celeritatem* motus promovendam utatur. Porro *actionem* & *reactionem* videre pariter licet in remis navigii *agentibus*, & undis remorum conatui reluctantis seu *reagentibus*, quæ reactio eo major (& per consequens eo velocior navigii propulsio) existit, quo *maiores* vel *plures* fuerint remi agentes, vel etiam quo *major impetus* a viribus motricibus fuerit iisdem impressus. Sic & hominum *natatus* aviumque *volatus* explicatur, nec minus & sequens observatio: ponantur duo navigia, ejusdem ponderis & magnitudinis, atque in eorum uno consistens homo fune mediante alteram cymbam longius non nihil distantem ad se trahere allaboret, mox æqualem motum utraque navis in aqua concipiet, donec in media utrinque distantia

Sect. I.

tia ambarum concursus fiat : quod si harum cymbarum alterutra duplo vel triplo *major* & *gravior* esse supponatur, illius quoque *velocitas* duplo vel triplo minor erit *velocitate* alterius, juxta superius dicta de *velocitate motus*. Plura experimenta hanc legem confirmantia in *Sect. seq. de motu Elasticorum* afferentur : ubi tamen patebit, quod virium æqualitas, in conflictu corporum Elasticorum ex restitutione confurgens, melius ab *Elaterio* quam a nuda hac voce *actionis & reactionis* deducenda sit. Postremo quod corporum *reactio* non semper dicat *resistentiam positivam* virium activarum, prout contingit in *reactione* substantiarum *spiritualium* ac *vitalium* (CCLVIII.) sed & quandoque solam *impenetrabilitatem* corporum reagentium, tum superius (CCLXX.) ex parte dictum jam est, tum in *art. seq.* adhuc magis explanabitur.

ARTICULUS VIII.

De generalibus motus impedimentis.

Impedi-
menta mo-
tus sunt
tria.

CCCX. **M**otum corporum localem actu *impediri*, & lapidem v. g. in motu positum *continuo* non moveri,

veri, utut ad quietem æque ac ad motum passive, quantum est *de se*, prorsus indifferens sit, experientia quotidiana testatur. Horum vero impedimentorum tria præcipue numerantur, videlicet 1. *Gravitas*. 2. *Medium* resistens, per quod mobile transvehitur. 3. *Frictio* seu affricus ad alia corpora. Quoniam porro de *gravitate* superius dictum jam fuit, & in *Señ. seq. de motu gravium* adhuc dicetur, ideo de reliquis tantum duobus specialiter loquendo sit.

PROPOSITIO I.

Medium quodcunque fluidum, corporum illud permeantium, motum imminuit.

CCCXI. PROBATUR Medium quodcunque fluidum, si sit quodcunque fluidum, si sit *aer*, si sit *aqua*, si sit alius quicunque liquor, gaudet impenetrabilitate (CXXII.) *Medium* ergo resistit aliis corporibus ipsum permeare conantibus: *Subs.* atqui non potest resistere, quin eorum motum imminuat: ergo. *p. m. subs.* per suam resistantiam facit, ut corpora, medium pertranseuntia, partem impetus, sibi im-

Sect. I.

impressi, ad vincendam ipsius resisten-
tiam impendere debeant (CCCIX.)
ergo decedente illa parte impetus, etiam
ipse corporum mobilium motus, ab
impetu *immediate* causatus (CCLXI.),
minuitur.

CONFIRMATUR clarissime *Experi-*
mentis obviis v. g. in *volatu* avium per
aerem, & *natatu* piscium, aut homi-
num per aquam, cursu *navigiorum* per
fluvium, lacum, aut mare &c. Ex-
perimenta vero alia *per artem* circa re-
sistentiam *aeris*, de quo inexperti non
nunquam dubitare solent, fiunt sequen-
tia. I. Aqua in cylindro vitreo, ab
aere puro, & hermetice clauso con-
tenta, sonoro cum strepitu, si cylin-
der invertatur, in fundum cadit; non
item si *aer* intus hospitetur; is quippe
liquorem circumdans, eique resistens,
impulsum sonorum retardat. II. Plu-
mula sub recipiente exhausto aere ce-
lerrime ac linea recta decedit; aere
autem admissio propter illius resisten-
tiam tardius & per ambages fundum
petit. III. Ex eadem causa rotulae
sub campana vitrea multo liberius &
facilius moventur, quam in atmosphæ-
ra nostra: ob rarefactionem nempe &
expansionem aeris sub recipiente, præ-
fatae

fatae rotulae minori indigent violentia ad motum suum continuandum, adeoque aer *defacto* in atmosphaera nostra earundem motum non nihil imminuit. IV. Aqua celeriter irruit in vas tenuis orificii, aere Elastico vacuum, tardius vero aut nequaquam, si aer non sit extractus.

CCCXII. Corollarium I. Quo major *est massa fluidi, a corpore mobili e loco movendi, eo magis fluidum illud medium corpori resistit*: sive, ut vulgo dicitur, *resistentia medii suam cum massa loco movendi fluidi proportionem habet*; massa nempe desumitur ex mole ac densitate (CCLXXXVIII.), quo major autem est moles seu superficies fluidi, eo plures quoque partes loco pellendas complectitur: quo major item est medii densitas, eo plures sub se continet moleculas reagentes, atque impulsui oblucentes &c. res patet ab Exemplis: sic 1. Pendulum in aere oscillans plures vibrationes absolvit, quam si in aqua oscillet; aqua enim densitate aerem superat. 2. Idem pendulum ob majorem densitatem & cohaerentiam olei quam aquae tardius in illo quam in hac oscillat. 3. Rota versatilis, alas latiores tenens, appenso pondere velocius

Medii re-
sistentia
dependet
ab ejus
massa,

S s

gyra-

P. Oster. Physic. Pars I.

Sect. I.

gyratur, alarum acie aerem scindente, quam iisdem tota mole seu superficie obversis.

A celeritate motus corporis mobilis,

CCCXIII. Corollarium II. Quo velocior item est motus corporis mobilis, eo magis medium resistit mobili; nam plus materiae intra idem tempus per motum velociorem removeri debet, quam per tardiores. Sic quo velocius homo currit, eo magis aer eidem resistit, & si v. g. pertica aut truncus arboris per aquam moventur, eo major sentitur resistentia, quo celerius moventur.

Et ab hujus superficie & mole.

CCCXIV. Corollarium III. Denique tanto magis resistit medium, quo major respectively ad massam suam est superficies & moles corporis mobilis. Rursus enim plus materiae intra idem tempus debet removeri. Sic dum quis aquam plana & obversa manu dividit, haud dubie magis illa resistit, quam si eam transverse, & manu quasi secante divideret. Item globus unicus major ex tormento bellico ad majus spatium eadem pulveris pyrii quantitate ejicitur, quam plures globuli parvi, qui simul sumpti eandem globi majoris massam adaequant; hi enim majorem respectively superficiem medio dividendo oppo-

opponentes, majorem patiuntur resistantiam: Inde nautæ vela in navi adverso vento contrahunt, & eos in cymba sedere jubent, quos ex una ad alteram ripam vento contrario transferre volunt, nempe ut hoc modo *superficiem seu volumen*, quantum possunt, diminuunt.

CCCXV. *Scholion I.* Haftenus dicta Retardationis ca-
de medii resistantia illi Theoriæ ultimæ innituntur, qua diximus; quod non juxta
quantitas motus ex massa in velocitatem Gravescendium,
ducta colligatur (CCLXXXIX.); inde
enim manifeste sequitur, alterutrius
excessu vel defectu medum quoque *resistantiam* excedere vel deficere. Ex-
actam porro resistantiæ hujus, ortæque
ex ea retardationis *mensuram* Grave-
sandius, citatus a Cl. P. Blasio Hen-
ner de motu Locali §. XIII. sequente
triplici canone definiit.

I. Retardationes spectata duntaxat cor- Si corpora
porum diversorum superficie sunt directæ ut mota solis
quadrata diametrorum; hac enim pro- superficie-
portione corporum *volumen* crescere ex- bus diffe-
Geometriæ principiis manifestum est: runt.
voluminis autem extensioni, æqualis
medii resistantis columna correspondet;
hinc globus duplæ diametri quadruplo
tardius altero minore, sed æque gravi

Sect. I.

delabitur, nempe $2 \times 2 = 4$: sic etiam si diameter corporis A sit $= 3$, & corporis B. $= 1$. cum horum numerorum quadrata sint 9 & 1, hinc corpus A 9 vicibus tardius decedit. Item si corporis A diameter sit $= 3$, & corporis B $= 2$ (quorum quadrata sunt 9 & 4) sequitur, corporis A delapsus esse duplo & una quarta ($2\frac{1}{4}$) tardiozem delapsu corporis B; nam 9 divisum per 4 est $= 2\frac{1}{4}$. rursus si corporis A diameter ad diametrum corporis B se habeat ut 4 ad 3, (quorum quadrata sunt 16 & 9) corporis A delapsus erit $1\frac{7}{9}$ tardior; nempe $16 : 9 = 1\frac{7}{9}$.

Si sola
pondera
sint diver-
sa.

II. *Speſſato diverſorum corporum pondere retardationes ſunt inverſe ut diametrorum cubi*: Crescente quippe *maſſa* ſeu *pondere* ſecundum proportionem cubicam, creſcit quoque vis motrix, quo virium exceſſu fortius mediſ reſiſtentiam vincit, ac retardationem impedit. Hinc ſi globus A *maſſam* ſeu *pondus* aut *gravitatem* (omnia hæc tria pro Synonymis hic accipiuntur) habeat ut 2; globus autem B ut 1, cum eorum cubi ſint 8 & 1, globus A octuplo celerius globo B deſcendet. Et ſi globus A in gravitate ſit ut 3, & globus

bus B ut 1 (quorum cubi sunt 27 & 1) globus prior 27 vicibus celerius cadet quam posterior : si Massa globi A ad massam globi B sit ut 3 ad 2) quorum cubi sunt 27 & 8) celeritas major globi A erit $\equiv 3^{\frac{1}{2}}$: demum si pondus globi A sit $\equiv 4$, & globi B $\equiv 3$ (quorum cubi sunt 64 & 27) motus celerior in globo A erit $\equiv 2^{\frac{10}{27}}$, id est 64 si dividatur per 27, erit quotus $2^{\frac{10}{27}}$.

III. *Speſtata ſimul corporum diverſa ſuperficie & pondere, retardationes ſunt inverſe ut diametri.* Hoc eſt, globus major & gravior duplæ diametri duplo minus altero minore & minus gravi retardatur, atque ita ſecundum proportionem in aliis. Si & ſuperficies & pondera differant.

A cæteris tamen Philoſophis communius illi triplici a Graveſandio ſtatu- Retardationis ca- non juxta alios. tuto canoni triplex hæc regula, dictis de *quantitate* motus ſuo modo adhuc magis conformis, ſubſtituitur, videlicet 1. Si *Maſſæ non autem volumina ſint æqualia*, deſcenſus erunt in *ratione voluminum*. 2. *Econtra ſi volumina non autem maſſæ ſint æquales*, erunt ut *maſſæ*. 3. *Si volumina æque ac maſſæ inæquales fuerint*, deſcenſus erunt in *ratione compoſita maſſarum æque ac voluminum*. (CCLXXXIX.)

Sect. I.

Medium
debet esse
tranquil-
lum &
quiescens;
secus aliter
dicendum.

CCCXVI. *Scholion II.* Quæcunque huc usque diximus, Intelligi debent de resistentia medii *tranquilli & quiescentis*; nam si ipsum etiam *medium* sit in *motu* positum, isque motus 1. Sit *contrarius* motui ipsius mobilis, semper adhuc major erit resistentia medii. 2. Si vero *secundum eandem directionem* una cum mobili moveatur medium, & quidem *velocius* quam ipsum mobile, tunc motus in isto augebitur. 3. Sin autem *eadem celeritate* moveantur ambo, tunc medii resistentia est quasi emortua & inefficax. 4. Denique si medium & mobile *disparem* in motu *celeritatem* habeant, tunc id, cujus celeritas est major, minus veloci aliquid de motus sui quantitate communicat. Et patent hæc omnia ex dictis, & adhuc dicendis, suffragante quotidiana experientia, dum v.g. globus e tormento bellico explosus vento *secundo* ad majus spatium defertur, quam *adverso*: dum alæ mollandini per aerem, & navis per aquam stagnantem ab initio tardius incedunt, sensim autem facilius moventur, ubi nempe aeri vel aquæ plures impetus impressi celeriores quoque motum in iis efficiunt: sic & baculus, quo celerius statim ab initio movetur in aqua,

eo major in manu resistentia sentitur, non item si aqua diutius motu circulari impulsa fertur: & natatores secundo flumine pari celeritate defluentes nullam sentiunt resistentiam &c.

PROPOSITIO II.

In motu solidorum sese contingentium frictionis resistentia vitari nequit.

CCCXVII. PROBATUR. Observa-
 tio enim quotidiana, ex-
 perimentis microscopicis ad oculum
 confirmata, ostendit, omnia & singu-
 la corpora, etiam quæ nudo oculo ap-
 parent politissima, abundare innumeris
 prominentiis, & quasi colliculis, aspe-
 ritatibus, & scrobulis sive cavitatibus:
 unde fit, ut muscas celeri & expedito
 gressu per vitra specularia incedere vi-
 deamus, dum nempe pedes suos illis
 cavitatibus & quasi vallibus infigunt,
 atque asperitatum velut ansulis sese
 sustentant: ergo idem omnino evenire
 dicendum est, dum corpora solida per
 alia itidem solida, & asperitatibus ac
 prominentiis plena, moventur, atque in
 motu se mutuo tangunt, nimirum ut
 colliculi unius corporis in valles ac ca-

Frictio est
 motus im-
 pedimen-
 tum,

Sect. I.

vitates alterius ingrediantur, ac non nisi conatu adhibito, ut mutuis sese nexibus denuo expediant, remorantes particulas remove, rumpere, aut inflectere debeant. *Subs.* atqui hæc omnia præstare nequeunt corpora solida in motu posita, nisi partem sui impetus ad vincendas tollendasque hujusmodi remoras impendent: ergo revera frictionis resistentia in motu solidorum sese contingentium vitari nequit; nam per *frictionem* nil aliud intelligimus, nisi eam *motus retardationem*, quæ ex *mutua partium implicatione oritur*.

CONFIRMATUR *Experimentis*. I. Instrumenta omnia artificum, ut rotæ, cultelli, arcus &c, usu frequentiore atteruntur: pavimenta domuum, ex ligno aut lapide solidissimo facta, calcantium pedibus excavantur: luti nigredo in compitis urbium celebriorum valde probabile indicium existit, ab equorum ungulis & ferreis rotarum particulis per frictionem abrasis colorem illum excitari: sunt etiam apud Nolletum, qui in plantarum cineribus accuratius inspectis ferreas quasdam moleculas, ab instrumentis ferreis ruri usitatis amissas, detegere volunt. II. Aqua, si per canalem minus lævigatum

tum atque politum deducatur, ad minorem altitudinem ascendit, quam si fluat per læviorem & magis politum, qui tamen cum priore sit ejusdem diametri; superficies quippe aspera magis retardat aquæ motum. III. Quanto item angustiores in aquæ ductibus & fontibus sunt alvei & canales, eo tardior, per se loquendo, est fluxus & motus aquæ: quo ampliores econtra sunt illi, eo celerius atque rapidius fluunt undæ: nempe in hoc secundo casu, dum major est canalis amplitudo, similiter quoque majus est aquæ interfluentis volumen: ergo frictiones superandæ distribuuntur in plures aquæ partes, adeoque facilius vincuntur, quam in primo casu. Ideo fontes & fluvii sunt rapidiores, dum aquæ crescunt. IV. Imponatur plano vitreo optime lævigato conus vitreus, itidem apprimè lævigatus, illudque planum ad 14 gradus fere inclinètur: Conus vitreus, qui per *gravitatem* deorsum moveri deberet, immotus quiescit ob *frictionem* seu implicationem mutuam partium inæqualium ac insensibilium, quæ motum impedit. V. Motus rotarum in horologiis sensibilibus tardior efficitur, dum illæ calorem

Sect. I.

Mobile
perpetu-
um.

sensibilem concipiunt, quia enim calor earum volumina dilatat, hinc rotæ inter se in pluribus superficiebus implicantur, & ob plures inde consequentes frictiones difficilius extricantur, adeoque in motu retardantur. VI. Nullum denique in Mechanica est machinæ genus, quod non ob frictionem aberret a calculo proportionis Mathematico inter potentiam & pondus, neque huic defectui ulla ars, adhibita omni industria, hactenus mederi valuit: qua de causa in usu rotarum, vectium, trochlearum &c, vis quædam superaddenda est potentia, ut *frictionis*, quæ in contactu dentium, hypomochlii, funium &c. notabilis existit, resistentia superetur. VII. Hæc ipsa frictionis resistentia in causa est, quod frustra hactenus laborum sit in inveni-endo motu Mechanico inalterabili, vulgo *Mob i perpetuo*, seu tali machina, quæ vi suæ structuræ motum, sibi semet ab extrinseca causa inditum, per se uo conservet. *Difficultas illius ex eo potissimum dependet, quod quantitas frictionis continuæ partium, huic machinæ competentium, hodieum reperiri non potuerit per exactum calculum, neque etiam aptus modus, deperditas per frictionem vires*

vires ex ipsius machinæ structura resarciendi : Cum enim motrices vires in ipsa machina tantummodo sint, frustra ex illis perpetuus motus expectabitur, nisi præter machinæ vires continuus alter impulsus accedat. Ita Cl. P. Dalham Tom. II. §. 107. putat tamen hic Cl. Author, istud mobilis perpetui inventum haud impossibile esse dicendum, tum ex eo, quia plura defacto in Aerometria, optica &c. fortuito inventa sunt, quæ tam trepide ac ipsum *Perpetuum mobile* expectari aliquando potuissent, poteritque adeo per fortuitum casum a sedulis experimentatoribus illud tandem in lucem extrahi, quod omnem hætenus speculationis aciem elusit : tum ex eo præcipue, quod tantis curis atque sollicitudine cultæ gentes illud omni tempore exquisierint, ideoque machinæ hujus Idea ex mobilium combinatione obscure in animis nostris relucere videatur ; non autem est verosimile, inquit, quod eruditi homines purum impossibile atque imaginarium votum unitis perpetuo studiis fuissent profecuti. Quid quod hoc ipso anno, quo nunc scribo (si publicis Novellis Erlangensibus ad annum 1763. N. 59, fides est habenda) quidam Mechanicus ex urbe Doornensi

in

Sect. I.

in Frisia Orientali prognatus; nomine Hero Hicken, *mobile perpetuum* actu invenerit, illudque arti nauticæ cum primis utile commendaverit, ad indicandam *maris longitudinem* in omnibus orbis terræ locis, tam de die quam de nocte, vento secundo & contrario, nec non ad mensurandam exacte viam, quam singulis horis quælibet navis emensa foret. Id ipsum de simili invento, Londini in Anglia a quodam peritissimo horologiorum artifice ad eodem usus cum optimo successu applicato, publica fama hoc ipso anno per omnium ora sparsit.

Etque duplex est.

CCCXVIII. Porro duplicis generis frictio communiter distingui solet, nempe 1. Cum *eædem partes* successive diversis alterius corporis partibus applicantur; & hæc prima frictionis species *inceffus radens* vulgo dicitur, ut cum auriga, ne currus per declivia nimis præceps abeat, unius aut plurium rotarum volutationem circa axem catenis alligatis sistit, motusque celeritatem inhibet. 2. Cum successive *diversæ partes* ejusdem superficiei diversis itidem partibus alterius superficiei applicantur: isthæc secunda frictionis species

species *incessus volvens* appellatur, ut dum globus per planum volvitur, aut rotarum implicatarum dentes sibi invicem occurrunt. Cæterum quod prior illa frictionis species motui magis resistat quam *secunda*, clarum ac manifestum est; in illa namque *plures* simul partes extricari debent, *pauciores* econtra in ista: sic si globus A per planum Tab. II. B a potentia C trahatur, ita ut *incessus radens* in globo A procuretur, tres profecto prominentiæ d e f, aut omnino plures, a potentia trahente C simul attollendæ sunt: at si idem globus *incessu volvente* moveatur, primo pars, seu punctum, aut denticulus d, tum successive e & f sursum levantur & posteriores Hypomochlii loco prioribus continuo inserviunt, unde a prævalente globi gravitate, cujus vis quasi ad instar *vestis* se habet, globus movetur facilius, quantum vero hic vel ille affricus resistat motui, certis legibus determinari vix valet, cum res a plurimis *circumstantiis*, corporum scilicet solidorum diversa *structura*, *Elasticitate*, *gravitate* *figura*, *rigiditate*, a continuis item eorundem corporum mutationibus, per *humiditatem*, *siccitatem*, *calorem*, *frigus*, &c, ortis, dependeat. Interim si verum

Sect. I.

rum est, quod de mobili perpetuo actualiter invento mox dictum est (*n. præc.*), etiam hæc difficultas a felicissimis inventoribus actu sublata jam erit : nobis saltem certa videntur sequentia.

PROPOSITIO III.

Resistentia frictionis crescit tum a pondere majori premente, tum & ab aucta corporum attritorum superficie, & hujus scabritie.

Frictio
motum im-
pedit pro
ratione
ponderis
& super-
ficiæ.

CCCXIX. PROBATUR I. *pars.* Quo majus enim fuerit *pondus* corporis moti, eo *profundius* inæquales superficierum prominentiæ sese cavitatibus insinuant : ergo ut rursus extricentur, necessario impetus validior adhiberi debet : hic porro impetus dum corpori in motu posito decedit, haud dubie ejus motum imminuit : ergo &c.

PROBATUR II. *pars.* Nam in hoc casu, ubi major est utriusque corporis *superficies*, *particulæ plures* implicantur mutuo, ac difficilius extricantur : ergo motus resistentia crescit. Similiter

PROBATUR III. *pars.* Quo majori unius vel utriusque corporis superficies *scabritie* gaudet, eo *plures* adsunt *prominen-*

minentiae, monticuli & cavitates, a corpore moto vincendæ, adeoque eo plus impetus ab eodem deperditur, & consequenter motus minuitur. Hæc frictionis ex scabritie resistantia ut tollatur, motusque facilitas restituatur, axes rotarum in horologiis oleo, & axes curruum axungia, seu materia pingui inungi solent, ut cavitates expleantur, & monticuli magis complanentur.

PROPOSITIO IV.

Celeritas motus per se frictionem auget, quandoque tamen etiam minuit.

CCCXX. PROBATUR I. *pars*. Pro-Celeritas
pter celeritatem corpus frictionem
mobile majus spatium eodem tempore emetitur, id quod præstare nequit, auget, & minuit.
nisi plures alterius corporis partes in superficie ampla prominentes abrumpat, aut saltem, ut se queant extricare, inflectat atque abrumpat: ergo eo ipso, per se loquendo, augetur frictio, maxime si mobile celerrimum proportionalem celeritati suæ gravitatem habeat, sicque toto suo pondere superficiei incumbens in cavernas irruat.

PRO-

Sect. I.

PROBATUR II. *pars.* Nimia enim celeritas nonnunquam facit, ut quædam corporis moti partes cavitates nonnullas subito *transilient* (CXXX. *ob.3.*) aut non adeo *profunde* infigantur scrobibus & vallibus, ac factum fuisset in motu *tardiore*: ergo celeritas frictionem in tali casu imminuit.

CCCXXI. Præter hæc enumerata motus impedimenta certissima, Multi ex Newtonianis assignant adhuc *vim inertiae positivam*, per quam corpus, in motu aut quiete positum, actu, & quidem *positive*, resistat alteri corpori ad quietem aut motum determinare ipsum nitenti. Ast præter superius jam dicta (CCLXIX. CCLXX &c.), sit

PROPOSITIO V.

Non datur vis inertiae positiva, qua corpus se in statu motus aut quietis conservet.

Vis inertiae positiva est superflua. CCCXXII. PROBATUR. Nulla est *necessitas*, aut *ratio sufficiens* adstruendi ejusmodi *vim* & proprietatem corporis *positivam*: ergo non datur. p. A. quicumque enim status cor-

corpori competat sive *motus*, sive *quies*, sive *resistentiæ*; is semper ei competit absque vi inertiae positiva: ergo. p. A. si corpus sit in *quiete*, id fit per meram *absentiam motus* & *impetus* (CCL.) ; si autem *moveatur*, tam motus quam ejus continuatio *mediate* provenit a substantia *spirituali* aut *animata* (CCLVIII. CCLXXI. & CCLXXII) & *immediate* ab *impetu* (CCLXI.) accedit quoque *passiva* corporis *indifferentia* (CCLXXI. & CCC.) si denique *resistat* corpus *quiescens* aut *impellentis* *pressioni*, aut propter *obstaculum*, id potius *adscribendum* est *gravitati*, *impenetrabilitati*, & *soliditati*, aut vi *Elasticæ*: igitur plane *superflua* est *vis positiva* inertiae, quæ effectus directe oppositos, *motum* scilicet & *quietem*, operetur. (LXXX. CLXXI. CCVL. CXLI. &c.)

CONFIRMATUR *Experimentis*. I. Sit rota horizontalis, super politi apicis punctum versatilis, eaque impellatur a manu ad gyrationes in orbem agendas, profecto notabitur, quod ista gyratio tanto citius *finienda* sit, quo major est rotæ horizontalis massa (causæ nempe impetum in ea destruentes

T t

sunt

P. Oster. Physic. Pars. I.

Sect. I.

sunt *gravitas*, *resistentia medii* & *fri-
ctio*,) atqui si rota foret prædita vi
quadam *inertiæ positiva*, quies in ea
neutiquam contingere, sed prior gyra-
tio perseverare deberet ; nam cum
Juxta Newtonianos illa vis *inertiæ* sit
massæ proportionalis, manente eadem
massa manet eadem vis, tanquam *mo-
tus causa* : ergo idem quoque motus seu
effectus manere deberet, tam sub initi-
um motus quam in continuatione
ipsius : id porro cum sit contra expe-
rientiam, etiam rota, aut aliud quod-
cunque corpus, nequit dici præditum
vi quadam *positiva inertiæ*. II. Si
globus marmoreus aut ligneus ab alio
globo ejusdem *materiæ*, e fune pen-
dulo, percutiatur, illico moveri inci-
piet : at vero si globo illi priori substi-
tuatur *cubus* ejusdem ponderis, is a
globo altero e fune pendulo, æquali
vi percussus, ad motum minorem de-
terminabitur, utut *eandem*, quam glo-
bus prior, *massam* possideat, & conse-
quenter eadem quoque (Juxta Newto-
nianorum principia) vi *positiva iner-
tiæ* gaudeat : ergo hæc motus deter-
minatio a vi *inertiæ* itidem in hoc casu
non provenit, sed tum a *gravitate* deor-
sum premente, tum a *medio* renitente,
tum

tum a majori denique *frictione*, utpote primæ speciei in cubo: & secundæ speciei in globo, (CCCXVIII.)

CCCXXIII. *Scholion.* Sentio hic In quo sensus vis inertie admitti possit? tamen, quod, si Metaphysice ac subtiliter loqui velimus, sumendo vim inertie tanquam *unam eandemque realiter* potentiam cum *vi motrice*, in substantiis simplicibus activis fundatam (LXXX. & LXXXII.), revera dici possit *attributum* corporis Metaphysicum, cum plane sit aliquid ab eo *inseparabile*, fere ac *gravitas*; (nullum enim omnino est corpus, quod non per suam *impenetrabilitatem*, *Elasticitatem*, aut *gravitatem* alteri suo modo resistat) at vero sicut hæc ipsa *gravitas physice* ab extrinseco melius repetitur, (CLXXII), ita & vis inertie in *sensu physico*, prout hic unice loquimur, satis explicatur a forma quadam extrinseca, scilicet a *soliditate*, *impenetrabilitate*, *gravitate* aut *vi Elastica*, vel etiam a nuda *indifferentia passiva*. Vel adhuc aliter dici potest, quod hæc resistentia, qua corpus in statu quietis aut motus perdurat, in corporibus ANIMATIS quoad *actum primum* sit ipsa substantiarum spirituum ac animatarum *vis*, seu *potentia activa*,

Sect. I.

activa, (quæ est *attributum* activæ substantiæ, æque ac *potentia intelligendi & volendi* in anima rationali) quoad *actum* vero secundum sit formalissime *impetus* (seu *modificatio* activæ substantiæ, haud aliter ac *volitio & Intellectio* animæ rationalis *accidentia modalia* dicuntur) in corporibus autem INANIMATIS, aut præcise secundum suum *esse & materiale* consideratis, hæc *resistentia physice* nil aliud est, quam dicta *impenetrabilitas* seu *soliditas*, vel *gravitas*, aut *Elasticitas*: subtilius vero ac *Metaphysice* omnium optime *passiva corporis indifferentia ad motum vel quietem* dici valet, eamque pace mea VV. Peripatetici cum famoso illo materiæ primæ ad omnes formas tam nobiliores quam ignobiliores *indifferente appetitu* (XCVII. Q. III.) combinare poterunt, dummodo rursus IN RE conveniamus!

SOLV. OBJ.

Globus
quiescens
resistit mo-
tui propter
gravita-
tem, non

CCCXXIV. OB. I. *Contra Prop. V. cum Newtonianis.* Glo-
bus e fune pendulus A v.g. 3 libra-
rum, si contra alium quiescentem &
fune pendulum B, ejusdem cum priore
gra-

gravitatis, descendat celeritate $\equiv 8$, propter globus B movebitur tantum celeritate $\equiv 4$: ergo tantundem motus globus A amittet, quantum globus B acquirit.

Subs. atqui globus A non potest quidquam sui motus amittere, nisi globus B *positive resistat*: ergo in ipso datur *vis positiva resistentiæ*, seu inertiae. *p. m.*

Subs. Ista globi B quiescentis resistentia non oritur a *gravitate*, utpote quæ a filo retinente eliditur, nec alia causa assignari potest: ergo. R. N. m. *Subs.* unacum ejus *prob.* vel *Dist.* gravitas globi B a filo eliditur, quantum ad motum actuale, seu *descendentiam* deorsum C. quantum ad *nifum*, aut *tendentiam* deorsum. N. hujus ergo *tendentiae* deorsum vis dum a globo impellente superanda in ictu est, haud dubie quoddam virium dispendium globus A pati debet: unde nec in globo B priorem motum, quem ipse prius habuit, producere valet: sed & præter *gravitatem* adsunt quoque in hoc casu alia duo *motus impedimenta*, videlicet 1. *Medii* resistentia, utriusque globi massæ & celeritati proportionata. 2. Et *frictio* in puncto suspensionis, ut patet consideranti.

Sect. I.

Nec datur
vis ista in
navi quie-
scente.

OB. 2. Navis in aqua stagnante *quiescens* æquali difficultate ad motum impellitur, ac dum ex *motu* sistitur: ergo *vis inertiae positiva* admitti debet, qua corpus quodlibet æque se in statu *motus & quietis* conservet, R. D. C. si per hanc *vim* nil aliud intelligatur physice, nisi corporum *impenetrabilitas*, *gravitas*, *Elasticitas* &c., ut mox dictum est n. præc. C C. si quid aliud ab his distinctum, N C, & C. difficultas movendi navem, in aqua stagnante *quiescentem*, venit ex iisdem mox allatis motuum impedimentis, *gravitate* scilicet, *medii resistentia* & *frictione*, ab extra concurrentibus, tum etiam ab ipsa navis *impenetrabilitate*, indeque orta *resistentia*. Nempe quo gravior, & profundius onerata, navis in aquam demersa est præ vacua navi, eo etiam majori vi opus est ad resistentis aquæ partes, quibus navis circumfunditur, superandas: unde & venit, quod corpus *sphæricum* facilius in plano promoveatur, quam *cubicum* corpus ejusdem gravitatis, quia, ut diximus (CCCXVIII), plures plani partes, motui resistentes, *cubum* quam *globum* contingunt: similiter quoque globus, aut cubus ferreus, *e filo* suspensi facilius moventur, quam
in

in *plano* positi, quia in *priore* casu corpora superare tantummodo debent *aeris* ambientis resistantiam; in *secundo* autem præter *aeris resistantiam* vincenda est etiam ea, quæ ex contactu corporis cum *plano*, id est, ex *frictione* oritur: quamquam negari non possit, quod & in *priore* casu sit aliqua, utut respectively *modica* frictio. Si tamen idem globus e fune pendulus elevaretur a manu ad situm horizontalem, eadem difficultate tunc moveretur, quam si libere pendulus linea perpendiculari sursum tolleretur: quia hoc modo filum tensum nihil de ejus gravitate sustentaret.

OB. 3. Si quis globum ab alto de-
missum, & filo suspensum, manu su-
stentet, globi descensui positive resi-
stet: ergo etiam obex quicunque cor-
porum motui eadem vi positiva resistit.
Item paries capiti in illum impingenti
dolorem infert: atqui dolor nequit in-
ferri nisi a causa positive agente: ergo.
R. D. A. Et hoc ideo fit, quia anima,
tanquam substantia *spiritualis* activa
manum ad hanc oppositam directionem
(nam manus de se ob *gravitatem*
solummodo *deorsum* niteretur) deter-
minat, eique impetum competentem

Nec in glo-
bo e fune
pendulo, &
manu su-
stentato.

Sect. I.

& levando ponderi proportionatum communicat, id quod alius quicunque iners & *inanimatus* obex præstare nequit. C. A. hoc fit ex vi quadam inertiae positiva. N. A. & C. disparitas habetur ex dictis (CCCXXIII.) ad 2dum. Pariet resistit capiti per suam *impenetrabilitatem* : nempe cum capitis fibræ ac nervi ob suam *vim Elasticam* ab obice impenetrabili comprimantur, atque e situ suo naturali quodammodo divellantur, necessario sequitur dolor, (*Metaph. fol. 1043.*) adeoque nec ad illum explicandum distincta *vis inertiae* requiritur.

Cur Mobile non immediate ad primum impetum moveatur, quantum potest ? OB. 4. Si Corpus in quiete positum *vi positiva* saltem aliquamdiu non resistit motui, tunc ad primum mox corporis impellentis impetum, etiam minimum, ad motum determinaretur, totaque celeritate sua moveretur : atqui hoc non : ergo per vim positivam inertiae saltem aliquamdiu resistit motui. m. patet : quia pro diversitate impetus impressi *diversus* quoque *motus*, nunc *velox* nunc *tardus*, consequitur : ergo. R. D. M. ad primum mox impetum determinaretur ad motum, si ille impetus sit ita validus, ut, per corporis *massam*

massam in instanti propagari queat, C. M. si non sit ita validus, ut in instanti propagetur, sed potius indigeat mora, ut successive de parte in partem transeat. N. M. & sic D. m. N. C. Ex defectu propagationis impetus instantaneæ fit: ut, si impetus ille non sit adeo validus, itidem in omnibus massæ partibus non recipiatur, adeoque & ipsa massa de suo loco non dimoveatur.

OB. 5. Ut corpus libere descendens **Acceleratio libere** motum suum magis & magis **accele-**ret, plures ac plures in ipso descensu **descenden-**impetus eidem imprimi debent: ergo **tium fit** corpus libere descendens majori motui **per novum**positive resistit, non tamen per **impetum.**gravitatem, utpote cui motus deorsum naturalis est: ergo per vim **inertiæ**. R. N. C. sufficit enim inferre, quod tale corpus, motui celeriori **negative** resistat: nempe gravitas corporis libere decidentis **determinata** solum celeritate sua deorsum fertur: ut ergo isthæc **celeritas** augeatur, etiam **impetus** a vi motrice augendus est.

OB. 6. Quod vis mobile **difficilius** motum suum prosequitur per liquidum **Cur liqui-** **den-** **dum den-** **sius,** quam **rarius,** e. g. per aquam **sium magis** quam aerem: ergo illud **plus resistit** motui **motui**.

Sect. II.

quam mi-
nus den-
sum?

Subsumo : atqui non resistit ratione suæ *gravitatis*, cum partes aqueæ sint in æquilibrio nec homo undis undique immerfus ullam earum gravitatem sentiat : ergo per vim inertię. R. N. *m. subs.* ejus prob. Dist. partes aqueæ sunt in æquilibrio, si sunt in quiete, C. A. si moveantur validius, N. A. & C. tunc enim partium anteriorum gravitas nisum actualem exerit, Illæque actu gravitant, cum non amplius in æquilibrio sint cum posterioribus columnis, neque hæ posteriores ipsum illud æquilibrio tam celeriter restituere valeant. Dein datur non minus resistantia partium suo modò *coherentium* : unde columnæ fluidæ nonnisi cum mora motusque diminutione a corpore permeante dividi possunt.

SECTIO II.

De Motibus in specie.

ARTICULUS I.

De motu composito rectilineo.

Motus sim-
plex &
composi-
tus.

CCCXXV. **Q**uemadmodum *motus simplex* ille dicitur, qui *unicam* tantum determinationem habet, quatenus scilicet corpus ab *una* tantum

tum *potentia* impellitur, vel a pluribus quidem, sed conspirantibus, *per eandem viam* dirigitur, ut est v. g. motus lapidis deorsum, tum a propria lapidis *gravitate*, tum a *manu* hominis ad terram impellentis proveniens: ita e contrario motus *compositus* est, qui plures habet determinationes, quatenus mobile ad diversos terminos dirigitur a pluribus potentiis, ita se mutuo impellentibus, ut corpus in motu positum neutrius directionem exacte sequi possit, sed per viam quamdam mediam incedere cogatur, ut si duo trahant navim, & quilibet alia via, attamen non e diametro sibi opposita.

CCCXXVI. *Scholion.* Cum Leges *Leges motus simplicis* sint eadem prorsus, ac *tus compositi per Geometriam explicandæ sunt.* Leges motuum *generales*, quas supra adduximus, (CCCVI & seqq.) hinc Leges duntaxat motus *compositi rectilinei* (nam de motu *curvilineo* in *Art. seq. agemus*) hic nobis pertractandæ sunt, & quidem sumpta aliquo modo in subsidium *Geometria*, sine qua tum hujus tum subsequæ Sectionis *materiæ* ad captum, & de condigno explicari nullatenus queunt. Sit ergo

PRO-

PROPOSITIO I.

Si idem corpus a duabus simul potentiis æqualibus secundum diversas directiones, duo Parallelogrammi latera præferentes, motu æquabili urgetur, Diagonalem illius Parallelogrammi percurrit & quidem eo ipso tempore, quo viribus sejunctis percurreret alterutrum ejusdem Parallelogrammi latus.

Motus
compositus
fit per
Diagonalem
Parallelogrammi.

CCCXXVII. PROBATUR. Nam in hoc casu corpus *utriusque* potentiae *ex æquo* obediet, cum neutra potentia quemdam virium *excessum* habere supponatur: atqui non potest utrique potentiae ex æquo obedire, nisi *diagonalem* illius Parallelogrammi, cuius duo latera diversas utriusque potentiae directiones exhibent, eodem tempore percurrat, quo, si potentiae forent sejunctae, alterutrum ejusdem Parallelogrammi latus (directionem alterutrius potentiae indicantem) percurreret: ergo. p. m. Linea enim Diagonalis (juxta Geometriam) quodvis Parallelogrammum in duo triangula æqualia dividit: ergo cum similiter actio utriusque potentiae in corpus mobile (quæ per *Parallelogrammum* Geometrice exhibetur (fit ex æquo divisa

divisa in duas actiones partiales) quæ per duo triangula ejusdem Parallelogrammi æqualia exhibentur (illud ipsum corpus lineam diagonalem directionum, utrique triangulo seu actioni communem ac vere mediam percurreret. e. g. fit quadratum ABCD, cujus latera, Tab. II. seu lineæ rectæ AB, AD indicant Fig. 15. potentias motrices, globum E impellentes, aut trahentes æquis viribus & motu æquabili ab A in B, simulque ab A in D, (reliquæ duæ lineæ BC & CD illis parallelæ solummodo formantur ad complendum Parallelogrammum), Jam dico, quod globus E nec fit movendus in B, nec in D, sed per diagonalem AC, & quidem eodem tempore, quo sejunctis viribus percurreret latus AB, vel AD; nam si declinaret magis in unam aut alteram viam, deberet etiam illa potentia, secundum cujus directionem moveretur, *prævalere* alteri, quod est contra suppositum: ergo globus E movebitur in medio inter ambas potentiarum directiones, adeoque in diagonali AC, quæ est *media linea* inter duo latera Parallelogrammi AB, CD. CONFIRMATUR. Dividantur Parallelogrammi latera in 4 par-

Sect. II.

partes æquales : Jam si una potentia moveret globum E directione A D, is primo tempore veniret in f : pariter si altera potentia illum moveret directione A B, veniret eodem tempore in i, & utriusque potentiae motus designari valet per latera Parallelogrammi A f, A i, aut illorum parallelas f m, i m : ergo quia ab utraque potentia globus E simul movetur juxta directiones illas, percurreret in singulis tempusculis indefinite parvis lineam A m : adeoque sub finem primi temporis erit in m, in fine secundi existet in n, dein in O & C, hoc est, in fine primi temporis percurreret diagonalem A m quadrati A i f m, in secundo diagonalem A n quadrati A g k n : in tertio diagonalem A o quadrati A h l o ; in quarto demum diagonalem A C quadrati A B C D, cui priora tria quadrata juxta Geometriam similia sunt &c. Experimenta huc spectantia machinis artificialibus ad sensum promptius exhibentur, quam verbis obscuris exponuntur, ait præclare Cl. P. Blasius Henner de motu Locali § XXII.

Parallelo-
grammum
potest esse

CCCXXVIII. Corollarium I. Eadem linea Diagonalis A C ex varia diversarum virium conjunctione a mobili descri-

describi valet, & quidem *x*. Si vires vel quadratus, utriusque potentiae fuerint *æquales*, quæ idem corpus ad motum æquabilem secundum diversas directiones simul determinant, & si insuper angulus directionis (CCXCVII.) fuerit *rectus*, ut est angulus BAD , movebitur corpus per diagonalem *quadrati* $ABCD$: sin autem *æquales* quidem fuerint potentiae, & motus æquabilis: at vero angulus directionis sit *acutus* vel *obtusus*, ut HAG , vel AHC , movebitur per diagonalem *Rhombi* $AHCG$: ast si ipsæ potentiae fuerint inæquales, describet corpus Diagonalem *oblongi* $AECF$, cujus angulus directionis EAF est *rectus*, vel *Rhomboidis* $AICK$, habentis angulum directionis IAK *acutum*, & *obtusum* AIC , ubi tamen notandum, quod si angulus directionis in Rhombo aut Rhomboide sit *obtusus*, linea diagonalis, a mobili percurrenda, non sit AC , sed in Rhombo linea diagonalis sit ducenda a G in H , in Rhomboide vero ab I in K , nempe utrobique linea *brevior*, eoquod potentiae motrices tunc minus ad motum conspirent, ut examinanti patebit.

Tab. II.

Fig. 16.

CCCXXIX. Corollarium II. Dato Linea diagonalis
igitur valore potentiarum seu virium in
simul

Sect. II.

quomodo
determi-
nanda sit ?

simul agentium, datoque *directionis angulo* facile quoque determinari potest *recta diagonalis* linea, quam viribus illis conjunctis mobile suo motu describet, formato nempe Parallelogrammo, cujus duo latera ipsas vires exhibeant, Diagonalis erit cujusque Parallelogrammi *recta* quæsitæ, ut si Latera fuerint AE & AF , quæ vires designent, quibus idem corpus ad æquabilem motum simul urgetur, sique AEF fuerit *angulus directionis*, completo oblongo $AEFC$, Diagonalis AC erit *femita*, qua globus E conjunctis viribus movebitur.

Motus est
major, si
angulus
directio-
nis sit mi-
nor.

CCCXXX. Corollarium III. Globus E cæteris partibus eo *celerius* a duabus potentiis oblique agentibus ad motum adigitur, quo *minor* est *angulus directionis*, quem movendo constituunt; nam tali modo major est *linea diagonalis*, quam corpus viribus conjunctis eodem tempore describit: patet hoc quam maxime in Rhombo & Rhomboide, in quibus *recta diagonalis* continuo semper augetur & crescit, quo *acutior* est *angulus directionis*, & econtra semper decrescit, quo ille est magis *obtus*: e.g. in Rhomboide $AICK$ Diagonalis AC utique productior est ad *angulum acutum*

acutum I A K, quam si duceretur ad ^{Art. I.}
angulum obtusum A I C, vel A K C.
Inde sequitur

PROPOSITIO II.

A Diagonali mensura celeritatis pro
quovis motu composito colligitur.

CCCXXXI. PROBATUR. In quovis ^{Mensura}
motu composito corpus ^{celeritatis}
percurrit Diagonalem Parallelogrammi, ^{in motu}
cujus latera vim motricem duarum po- ^{composito}
tentiarum motu æquabili simul moven- ^{a linea dia-}
tium designant, & quidemeodem tem- ^{gonali de-}
pore, quo viribus sejunctis alterutrum ^{sumitur,}
ejusdem parallelogrammi latus emeti-
retur : (CCCXXVII.) ergo dicta dia-
gonalis linea designabit *spatium*, a cor-
pore in motu composito superatum.
Subst. a *spatio* autem, si tempus sit
æquale, mensura celeritatis colligitur:
(CCLXXVI.) ergo & a *diagonali* : ut
patet in figura citata in *confirmatione* Tab. II.
Prop. I, (CCCXXVII.) ubi pro di- ^{Fig. 15.}
versa longitudine aut brevitate Diagona-
lis lineæ diversa quoque motus *celeri-*
tas aut respectiva *tarditas* supponi de-
bet ; nam si vires moventes sint ut

U u

latera

P. Oſter. Phyſ. Pars I.

Sect. II.

latera $A f$ & $A i$, diagonalls $A m$ minimam motus celeritatem indicabit : at si vires moventes sint ut latera $A g$, $A k$, productior diago alis $A n$ majorem, item si potentiae moventes se habeant, ut latera $A h$ & $A l$ Diagonalis $A o$ adhuc majorem, ac denique si vires motrices exprimantur per latera $A D$ & $A B$, diagonalis $A C$ summam ibi motus velocitatem declarabit, cum & ipsa diagonalis sit *longissima*. Ratio ulterior desumitur ex dictis (CCXCVII. CCCII &c.)

Si potentia ad angulum re-
ctum vel acutum con-
spirant, celerior erit
motus, quam si
angulum obtusum
efficiant,

CCCXXXII. *Corollarium I.* Quoniam Diagonalis Parallelogrammi, ducta ex angulo directionis *acuto*, aut *recto*, vel saltem ex eo, qui sit minor 120 gradibus, semper est *major* ac *longior* quovis latere, hinc & omnis ejusmodi motus *compositus*, a duabus potentiis tali modo *conspirantibus* proveniens, *velocior* continuo est quovis motu *simplice*, per latus alterutrum designato (CCCXXX.) & econtra quia Diagonalis Parallelogrammi, ducta ex angulo directionis valde *obtusio*, semper est *minor* ac *brevior* singulis lateribus, ideo & *celeritas* in tali motu composito, a duabus potentiis sic *dirigentibus* orta, perpetuo minor erit, quam in motu ab

alto-

alterutra *simplice* potentia proveniente. Sic potentia AB & AD, sub angulo obtuso BAD, agentes, solummodo Tab. III. celeritate AC corpus transferunt : at Fig. 1. sub angulo recto EAG a potentiis AE & AG mobile transfertur velocitate AF, Item sub angulo acuto HAI corpus omnino celeritate AK movetur. Id pariter in Fig. 16. Tab. II. videre licet.

CCCXXXIII. Corollarium II. Cele- Motus ta-
ritas tamen motus compositi, per Dia- men com-
gonalem expressa, nunquam tanta esse positus
potest, quanta foret, si ambæ poten- nunquam
tiæ sejunctis viribus motu simplici cor- æquivalet
pus transferrent ; nam juxta Geome- potentiis,
triam Diagonalis, cum sit *unum* dun- scilicet
taxat trianguli latus, reliquorum duo- agentibus
rum simul laterum longitudinem adæ-
quare neutiquam valet. Accedit &
ratio Physica, quia ex dictis de virium
conspiratione & oppositione, si duæ po-
tentia non juxta *eandem*, sed juxta di-
versas directiones aliquod mobile impel-
lunt, non possunt *totas* suas vires im-
pendere, sed potius *impediuntur*, ita ut
aliqua virium motricium pars *obliquo*
corporis impulsu renifu *elidatur* : ergo
hæc ipsa pars, quæ in motu *simplice*
a potentia motrice impensa fuisset, nunc

U u 2

in

Sect. II.

in motu *composito deest*, & consequenter &c.

Motus re-
ctilineus
estimari
potest ut
composi-
tus.

CCCXXXIV. *Corollarium III.* Mo-
tus quivis *rectilineus* considerari potest,
perinde acsi esset *compositus*; talis nam-
que motus æquivalet *Diagonali* lineæ,
itidem rectæ, quam corpus a duabus
potentiis motum describit, juxta di-
versam directionem moventibus, cum
idem omnino motus contingat, sive
corpus a pluribus potentiis secundum
directiones A B & A D, sive ab una
simplici potentia A C, duabus illis
æquivalente, ad motum concitetur.

Tab. III.
Fig. 1.

Modus re-
solvendi
motum
simplicem
in compo-
situm, &
econtra.

CCCXXXV. *Corollarium IV.* Facile
igitur motus quicunque *simplex* in *com-*
positum, & econtra motus *compositus*
in *simplicem* resolvi valet. *Primum* fit,
si linea recta, quam simplex potentia
in motu describit, assumatur tanquam
basis, & in ea construatur duplex
triangulum æquale, per suam diagona-
lem seu Basin, tanquam latus utriusque
triangulo commune, aliquod Parallelo-
grammum efficiens: tunc enim illa
recta linea perinde se habebit, ac ipsa
linea *Diagonalis* in motu composito:
& hoc dicitur *principium resolutionis vi-*
rium aut motuum. e. g. fit linea recta

AB:

AB : constructis in ea tanquam Basi
 triangulis A C B & A D B, exurget Tab. III.
 quadratum A C B D, cujus diagonalis Fig. 1.
 nunc manifeste erit recta AB, & se
 habebit ac si producta esset a duabus
 potentijs A C & A D. 2dum fit, si
 Diagonalis linea non consideratur ut
 a duabus viribus motricibus A C & A D
 producta, sed quasi ab una potentia A,
 illis duabus æquipollente : & hoc ap-
 pellatur principium compositionis virium
 five motuum, eademque motuum com-
 positio ac resolutio in *Mechanica* præ-
 primis utilis esse censetur, cum exinde
 indicium haberi queat, quantis polle-
 ant viribus causæ plures, idem corpus
 oblique impellentes ? quantis item
 viribus indigeat una potentia, ut plu-
 ribus obliquis substitui possit ?

CCCXXXVI. Scholion I. Attamen Cantela, in
 id adhuc probe notandum est, quod resolutio-
 motus simplex in compositum qualem- ne motus
 cunque pro arbitrio resolvi nequaquam simplicis
 valeat ; nam, ut recte observat Cl. P. adhibenda
 Fort. a Brix. *Phys. gen. p. 1. §. 268.*
 cum recta AB possit esse ex æquo
 diagonalis plurium Parallelogrammo-
 rum, videlicet ACBD, A e Bf, Ag Tab. III.
 Bh, Ai Bk &c. hinc & motus cor- Fig. 3.

Sect. II.

III. de

poris secundum rectam AB resolvi potest in diversos motus compositos, quatum per latera AC & AD Parallelogrammi $ACBD$, tum per latera Ae & Af Parallelogrammi $AeBf$, & ita deinceps ex æquo exprimantur. Porro utut omnis motus *simplex* sit simul *rectilineus*, non tamen vicissim omnis motus rectilineus habendus est *simplex*, cum possit a virium compositione oriri.

Trium potentiarum sollicitatio media quomodo sit inveniendi?

CCCXXXVII. *Scholion II.* Si non duæ tantum, sed plures potentiae in idem corpus agent, e.g. potentiae AB , AC , & AE , ut motus iste compositus in *simplicem*, seu unam, prout ajunt, *sollicitationem mediam* resolvatur, hoc modo procedendum est. 1. Investigatur una diagonalis, duabus potentiis AB & AC correspondens, quod fit, si integrum Parallelogrammum efformetur $ABFE$, cujus Diagonalis existit AF . 2. Ex hac diagonali, tanquam uno, & ex recta AC , tanquam altero latere, fiat aliud Parallelogrammum $AFDC$, cujus Diagonalis AD erit vis, ex tribus datis potentiis resultans, easdemque in æquilibrio continens. Id ipsum observari debet, si plu-

Tab. III.
Fig. 4.

pluribus adhuc quam tribus potentiis æquipollens una sollicitatio media, tanquam diagonalis omnibus communis, invenienda est.

ARTICULUS II.

De motu composito curvilineo corporum, Horizontaliter aut oblique projectorum.

CCCXXXVIII. **P**ER corpora projecta Corpora intelliguntur illa, quæ projiciuntur absque potentiæ ulterius applicatæ actione, præcise per impetum ab illa impressum, quocunque feruntur, motumque suum continuant. Si projectio fiat *deorsum* perpendiculariter, aut *fursum* verticaliter a motore consistente, & non translato, (secus si fiat a motore *translato*, de quo paulo post dicemus) corpora projecta suam lineam perpendicularem, vi & actione *materiæ gravitantis*, (CLXI.) dempto alio externo quocunque motus impedimento, accurate describunt: at vero dum *Horizontaliter*. vel *oblique fursum*, aut *oblique deorsum* moventur, inceptam suam directionis lineam deserunt, & aliam *curvam* inchoant, ut observationes quotidianæ ad oculum demonstrant,

Sect. II.

v. g. in *lapide*, e manu projecto, aut *globo* ex tormento bellico exploso &c. talis porro curva dicitur *Parabola* seu linea *Parabolica*, cujus proprietates a Geometria sublimiori, ubi de *Sectionibus conicis* agitur, potissimum declarantur, nobis vero ad præsentem materiam sequentia faciliora sufficient.

Diameter
figuræ cur-
vilineæ.
Axis.

CCCXXXIX. *Diameter* cujuslibet figuræ, linea curva comprehensæ, est recta quævis linea, bifariam dividens omnes lineas rectas, eidem lineæ rectæ (atque adeo etiam inter se) parallelas, quæ in ipsa figura duci possunt.

Tab. III.
Fig. 5.

Sic recta B D est diameter figuræ A B C, quia in duas partes secat omnes rectas parallelas e f, g h, A C. *Axis figuræ* curvilineæ est illa recta linea, quæ non solum in duas partes, sed & ad angulos rectos dividit omnes lineas rectas, eidem rectæ & inter se parallelas. Ita se habet eadem recta B D respectu linearum e f, g h, A C, ideoque hic simul *Diameter* & *axis* dici potest. *Vertex* figuræ curvæ est supremum axis punctum B. *Ordinata*, seu ordinatim Diametro applicata, dicitur quælibet illarum rectarum parallelarum e f, g h, A C, quæ ab ipsa diame-

Ordinata
& Semi-
ordinata.

tro

tro aut axe bifariam secantur : partes vero harum rectarum dimidiæ , scilicet $e m$, $g n$, diametro *semiordinatæ* appellantur. *Abscissæ* denique seu *sagittæ* dicuntur illæ portiones diametri, seu *sagittæ*, quæ inter ipsius verticem , & rectas ipsi applicatas continentur. Sic portio $B m$ Diametri $B D$ est talis *abscissa* five *sagitta*, correspondens ordinatæ $e f$, & portio $B n$ est *abscissa*, correspondens ordinatæ $g h$. Jam hisce præsuppositis , & probe intellectis sequitur ipsa *Parabolæ* definitio.

CCCXL. *Parabola* est figura plana , *Parabola curva linea in se minime redeunte comprehensa*, in qua *semiordinatarum ad axim quadrata sunt directe inter se*, ut *correspondentes abscissæ*. v. g. esto figura plana, curva linea $B A C$ comprehensa, cujus *Tab. III.*
axis sit recta $A M$, *semiordinatæ vero* *Fig. 6.*
rectæ $a b$, $c d$, quæ sic se habeant, ut quadratum $a b e M$ *semiordinatæ* $a b$ sit ad quadratum $c d f M$ *semiordinatæ* $c d$, ut est *abscissa* $A a$ ad *abscissam* $A c$, talis figura $B A C$ erit *Parabola*. Ideoque cum quadratum $c d f M$ sit ad quadratum $a b e M$ in ratione duplicata *semiordinatarum*, $a b$, $c d$, (juxta *Geometriam*) quadrata autem $c d f M$, $a b e M$ se directe habeant ut *abscissæ*

U u 5

A a,

Sect. II.

Aa , Ac , sequitur, quod & abscissæ Aa , Ac sint in duplicata ratione semiordinatarum ab , cd : semiordinatæ vero ab , cd sint in ratione *subduplicata* abscissarum Aa , Ac , ut ex *Arithmeticæ* principiis pariter notum erit.

Parameter CCCXLI. *Parameter* Parabolæ est **Parabolæ.** recta AD , ducta ex vertice axis A , eique ad perpendicularum incumbens, quæ ad quamlibet abscissam, v. g. Aa , & ad correspondentem ipsi semiordinatam ab sit tertia continuo Geometrice proportionalis, igitur si ex semiordinata ab , tanquam media proportionali, fiat quadratum $abeM$, atque ex abscissa Aa , & Parametro AD fiat rectangulum $Aa \times D$, hoc rectangulum $Aa \times D$ erit quadrato $abeM$ æquale, (juxta *Geometriam*) & ob hanc æqualitatem seu *Exemplar & similitudinem* (quæ Græce dicitur *παράβολη*) figura hujusmodi dicta est *Parabola*.

Focus. *Focus* demum Parabolæ est punctum a axis, in quo semiordinata ab æqualis est semiparametro, & cujus distantia a vertice quartam parametri partem AF adæquat. Porro juxta eandem *Geometriam* tangens nz debet etiam angulos æquales formare cum
linea

linea recta mE , axi AM parallela, in punctum E incidente, & simul cum linea recta aE , ex puncto foci ad punctum E ducta. Sic angulus mE \equiv aEz .

CCCXLII. In motu corporum pro-
jectorum attendi adhuc debent *Linea jaculationis*, seu directionis, *angulus Elevationis*; *semita* item corporis projecti, & illius *amplitudo*. Est autem
1. *Linea jaculationis* ea recta, secundum quam corpus in projectione dirigitur, (CCXCVI.) sive secundum quam corpus projectum *per se* tendit, & quam actu describeret, nisi aliquod impedimentum, lineam illam directionis re-
ctam immutans, occurreret. Talis est *Fig. 5.*
linea AI . 2. *Angulus Elevationis* est, *Angulus elevationis.*
ille, quem linea directionis cum linea recta horizontali (quæ per punctum, ex quo fit projectio, ducta concipitur) versus projectionis plagam constituit. e. g. dum corpus sursum oblique projicitur secundum rectam AI , ducta per punctum. A linea horizontali AC , angulus IAC erit *angulus elevationis*.
3. *Semita* corporis projecti est linea, *Semita.*
per quam corpus projectum actu movetur: hujusmodi linea seu via est integra

Sect. II.

Amplitu-
do semita.

tegra Parabola A B C. 4. *Amplitudo semita* vel *jactus* dicitur recta Horizontalis linea A C, semitam subtendens, cujus initium A est terminus a quo, & finis C est terminus ad quem corpus movetur.

PROPOSITIO I.

Corpus grave, secundum directionem Horizontalem projectum, dempta medii resistentia, describit curvam Parabolicam dimidiam.

Mobile
Horizon-
taliter pro-
jectum
movetur
per dimi-
diam Pa-
rabolam.

CCCXLIII. PROBATUR I. *Ex definitione Geometrica Parabolæ.* Figura plana, curva linea in se minime redeunte comprehensa, in qua semiordinatarum ad axim quadrata sunt directe inter se ut correspondentes abscissæ, dicitur *Parabola* (CCCXL.) atqui corpus grave, secundum directionem Horizontalem projectum, dempta medii resistentia, (ab hac nempe in præsens *abstrahitur*, ut Theoria eo magis capiatur) talem figuram describit: ergo. p. m. projiciatur Globus A directione Horizontali a potentia motrice versus B, hoc quidem æqualibus temporibus *æqualia* spatia A C, C D, D E per-

Tab. III.
Fig. 7.

percurrent, juxta seriem numerorum naturalium 1, 2, 3, &c. (cum abstrahatur ab aeris resistentia) at vero quia globus A eodem tempore præter hunc impetum, a potentia motrice secundum directionem *horizontalem* impressum, ex vi gravitatis deorsum urgentis fertur *perpendiculariter* terram versus in F, & quidem motu accelerato juxta progressionem numerorum *imparium* 1, 3, 5, 7 &c, ut in art. seq. dicemus; ergo, cum motus a *gravitate* proveniens acceleretur per numeros *impares*, dum interim motus *projectilis* tendit æqualiter per numeros *pares*, necessario sequitur, omni temporis puncto dari motum *aliter compositum*, id est, aliam directionis inflexionem, a linea *recta* continuo deviantem, ita ut ex diagonalibus infinite parvis in unam connexis enascatur linea curva A l m n.

Subs. atqui tali modo, quia motus secundum directionem *horizontalem* AB est *æquabilis*, spatia *horizontaliter* percurra AC, AD, AE, sunt ut *tempora æqualia* 1, 2, 3: spatia autem *verticaliter* deorsum per accelerationem confecta Ce, Dm, En, erunt ut *quadrata temporum* sive spatiorum AC, AD, AE, tempori correspondentium

(uti

Sect. II.

(uti similiter ex dicendis in art. seq. patebit) ergo, *spatiis* substituendo *linear* parallelas, ita ut semiordinata gl sit \equiv spatio AC , & semiordinata hm \equiv AD , & Fn \equiv AE , Item abscissa, seu sagitta Ag sit \equiv Cl : Ah \equiv Dm : AF \equiv En (cum sagittæ Ag , Ah , AF repræsentent spatia motu *perpendiculari* a gravitate confecta; *semiordinatæ* autem gl , hm , Fn denotent spatia motu *horizontali* ob vim projectilem percurfa) sagittæ Ag , Ah , AF erunt ut quadrata semiordinatarum gl^2 , hm^2 , Fn^2 , id est, si v. g. semiordinata gl sit \equiv 2 digitorum, erit semiordinata hm \equiv 4 dig, & semiordinata Fn \equiv 6 dig, quarum proin quadrata erunt \equiv 4, 16, 36: sic autem & si prima sagitta Ag fuerit \equiv 1 lineæ, secunda Ah erit \equiv 4 linearum, & tertia AF \equiv 9 linearum (taliamque spatia ab initio motus usque ad finem cujuslibet instantis globus A percurrit) ergo via, quam corpus grave Horizontaliter projectum describit, est *Parabola*, non *integra*, qualis est in *fig. 5. Tab. III.* linea ABC , sed *dimidia* BC , ut ex inspectione figuræ liquet p. c. linea $Almn$, per quam projectum corpus movetur, est ejus naturæ,

turæ, ut, si rectæ AF , positæ cum illa in eodem plano, applicentur semiordinatæ gl , hm , Fn , harum quadrata sint, ut correspondentes abscissæ Ag , Ah , AF , nam $2^2 : 4^2 = 1 : 4$ Itemque $4^2 : 6^2 = 4 : 9$, uti ex regulis *proportionum* manifestum erit; facta enim extremorum utrobique sunt æqualia factis mediorum, id est $4 \times 4 = 16$, & $16 \times 1 = 16$. Item $16 \times 9 = 144$, & $36 \times 4 = 144$. & consequenter &c.

PROBATUR II. *Experimento*. Assumatur planum aliquod ligneum ABC , Tab. III. verticaliter erectum, & ab A usque in B Fig. 2. canalem habens excavatum, qui prope B in planum horizontale desinat, primumque istud planum ABC cum altero itidem plano $BCDE$, aut cum muro verticali cohæreat. Mox indagetur, in quale punctum Horizontis globus ex A demissus decidat, v. g. in D : tum vero inferior linea seu semita DC , vel potius eidem æqualis BE , indicans motum æquabilem ab impetu projectili exortum, dividatur in partes æquales 1, 2, 3: similiter & linea BC , exhibens motum acceleratum ac inæqualem, a gravitate proveniente, in partes secetur inæquales juxta seriem
nume-

Sect. II.

numerorum imparium 1, 3, 5 : denique angulis, ubi præfatæ lineæ sese interfecant, videlicet in $m n o$, affigantur annuli, & globus caute demittatur ex A , isque per omnes annulos, plano secundo affixos transiens, Dimidiam Parabolam describens nostram Theoriam ad oculum demonstrabit.

Quid si magis supra aut infra Horizontem moveatur corpus?
Tab. III.
Fig. 9. &
Fig. 10.

CCCXLIV. *Scholion.* Hæc ipsa theoria & eædem leges in projectione corporis procedunt, non tantum si *linea directionis* AB (Tab. III. fig. 7.) fuerit *Horizonti parallela*, verum etiam si dicta linea inclinetur vel magis *supra Horizontem*, vel magis *infra Horizontem*, nisi quod in primo tantum casu, de quo nostra Propositio loquitur, *dimidia* Parabola exacte a corpore mobili describatur; in secundo autem casu, dum linea directionis AB angulum *obtusum* BAZ cum verticali AZ constituit, *plus* quam dimidiam Parabolam illud efficiat, ac denique in *tertio*, si linea directionis AB cum verticali AZ angulum *acutum* ABf constituit, *minus* quam semi-Parabolam describat, ut citatæ figuræ declarant, ex quarum inspectione etiam patet, quod in *primo* casu (Tab. III. fig. 7.) linea verticalis

calis A F, secundum quam projectum corpus sub initium motus a gravitate dirigitur, sit *axis* Parabolæ A l m n, cum semiordinatæ g l, h m, F n illam secant *ad angulos rectos* (CCCXXXIX) at vero in *secundo* & *tertio*, ubi linea directionis A B (ut in *fig. 9. & 10.*) *oblique* ad rectam horizontalem A E se habet, illa ipsa non nisi una ex Parabolæ *diametris* secundariis habenda erit, (*n. cit.*) quandoquidem semiordinatæ x m, y n, z b dictam verticalem lineam non nisi *oblique* intersecant: cum enim hæ semiordinatæ sint *parallelæ* cum linea directionis A B, sane eodem modo ac linea A B ad rectam verticalem A F (*Fig. 7.*) & A z (*Fig. 9. & 10.*) sese habebunt. Cæterum quod mobile *supra Horizontem* non nihil *oblique* projectum plusquam dimidiam parabolam describat, *ratio Physica* in promptu est, quia scilicet hoc modo per aliquod tempus *ascendit*, ac iterum *descendit*: econtra dum vel *horizontaliter* vel *oblique infra horizontem* projicitur, jam in ipso motus sui initio a recta horizontali *declinat*: unde necessario vel *dimidiam* tantum Parabolam,

X x

vel

P. Oper. Physic. Pars I.

Sect. II.

vel etiam lineam semi - Parabola *minorem* percurrent.

PROPOSITIO II.

Corpus grave secundum quamlibet directionem obliquam sursum projectum (abstrahendo iterum a resistantia medii) in ascensu simul & descensu *integram* parabolam describit.

Mobile sursum oblique projectum integram parabolam describit.

CCCXLV. **P**ROBATURI. Eodem fere modo, sicut præcedens Propositio. Nempe corpus oblique sursum projectum 1. Ob impetum a vi *projectili* impressum secundum primam directionem *motu æquabili* in eadem linea obliqua pergeret: at vero 2. Impetus a *gravitate* deorsum agente procedens *motu accelerato* secundum numeros impares directionem verticalem ad centrum terræ impertitur: ergo corpus *duplici vi* urgetur secundum *duplicem directionem*, & ita quidem, ut impetus a *gravitate* proveniens ac deorsum premens continuo *augeatur*, (Juxta paulo post dicenda) quin aliquod augmentum capiat impetus a vi *projectili* descendens, *subst.* atqui corpus, quod tali ratione movetur, curvam

vam Parabolicam describit: (CCCXLIII)
ergo. Quod autem corpus grave sur-
sum oblique projectum integram Para-
bolam describat,

PROBATUR II. Ex Cl. P. Fort. a
Brix. *Phys. gen. p. 2. §. 2173.* Resol-
vatur obliqua corporis directio in duas,
in *Horizontalem* scilicet A C, & in *ver-*
ticalem A D, sitque A D maxima alti-
tudo, ad quam corpus in hac proje-
ctione perveniat. Ponamus autem in Tab. IV.
tribus instantiis corpus ascendere ex Fig. 1.

A in D, ac totidem horizontaliter pro-
moveri ex A in E, si vires illæ *seor-*
sim agerent, ita quidem, ut *horizontalis*
directio primo minuto mobile urgeat
ex A in b, & *verticalis* ex A in x, in
duobus minutis ex A in d *horizontalis*,
& ex A in y *verticalis*, in tribus de-
mum ex A in E *horizontalis* & ex A
in D *verticalis*: igitur si ducantur lineæ
rectæ x a, y c, D B, quæ sint paral-
læ & respective æquales partibus
A b, A d, A E, directionis *horizontalis*
semitam indicantibus: Item si pa-
riter ducantur lineæ rectæ b a, d c
E B, quæ sint similiter parallelæ & re-
spective æquales partibus A x, A y,
A D, directionem *verticalem* denotanti-
bus, patet ex immediate dictis, mo-

X x 2

tum

Sect. II.

tum corporis sursum futurum esse per puncta A, a, c, B, sive per lineam curvam A a c B : hæc autem est *Semi-parabola* : nam si in directum producat^r linea x a in s, & recta y c in z, cum sit $EB = AD$, & $fB = xD$, item $zB = yD$, sicuti partes AD, xD, yD sunt inter se ut quadrata AE, bE, dE sive temporum, quæ in *ascensu* a corpore mobili insumuntur: ita & eandem proportionem inter se habebunt partes EB, fB, zB lineæ EB, quæ est lineæ AD parallela, & prorsus æqualis. Est autem per constructionem $af = bE$, & $cz = dE$: ergo etiam partes EB, fB, zB erunt ut quadrata rectarum AE, af, cz: ergo cum illæ partēs seu lineæ EB, fB, zB sint *abscissæ*, posteriores autem n, sive lineæ AE, af, cz sint *semiordinatæ*, axim BE ad angulos rectos dividentes (CCCXXXIX.), curva A a cB erit *semi-Parabola*. (CCCXL. & CCCXLIII) rursus quoniam, ea vi in projecto corpore extincta, qua *ascendit* ex A in D, sive ex E in B, illa vis seu impetus, ab horizontali directione DB emanans, adhuc in corpore perseverat, utpote gravitati e diametro non opposita, ita deorsum ruet corpus,

post.

postquam in B pervenerit, ut illius *descensus* sit compositus ex eodem motu *Horizontali* æquabili secundum directionem BF, & ex *verticali* deorsum BE accelerato, prout antea *ascensus* ex A in D vel potius ex E in B, contigerat: ergo, sicut in *ascensu Semi-parabolam* confecerat, ita similiter in *descensu* alteram *dimidiam Parabolam* describet, nempe Bm n C ex eadem prorsus ratione, & consequenter &c.

CCCXLVI. *Scholion.* Cl. Roemerus Machina teste Cl. P. Dalham Tom. 2. *præled.* Rœmeri. 18. §. 304. in observatorio Parisiensi exhibuit machinam, tubum scilicet vitreum AB Mercurio repletum, cujus Tab. IV. pedi adjunxit vertebram volubilem, & Fig. 2. cum Mercurio AB communicantem, eratque hæc vertebra C instructa foramine H, in omnem partem dirigibili: unde dum istud sursum spectare sinebat in D, Mercurius *perpendiculariter* ascendit, & in idem foramen recidit: ast dum foramen spectabat directionem CE, descripsit Mercurius parabolam CMN: dumque illud dirigebatur ex C in F, percurrebat iste parabolam CNO: denique horizontaliter directo foramine in G, percurrebat Mercurius Semi-

Sect. II.

parabolam CPQ. Quæ sane machina theoriam nostram hætenus traditam ipsis denuo sensibus palpabilem efficit: idem vero etiam in Machinis Hydraulicis & fontibus salientibus clarissime ostendit Cl. P. Hauser *Phys. gen. p. 3. §. 1048.*

Ars Bali-
stica vete-
ris ævi, ac
moderni.

CCCXLVII. Ex hisce porro principiis fluxere regulæ omnes artis *Balisticæ* seu *jaculatoriæ*, tam vetustis quam modernis temporibus in re præsertim militari mire semper excultæ: & Veteres quidem, Græci præsertim & Romani, ope certarum machinarum ingentia saxa in hostes suos ejaculabantur: quin & in SS. Litteris de ejusmodi *machinis* mentio sit *Deut. 20.* his verbis: *instrue machinas, donec capias civitatem.* Et 2. Paral. 26: *fecit Ozias Rex in Jerusalem diversi generis machinas, quas in turribus collocavit, & in angulis murorum, ut mitterent sagittas & saxa grandia.* Machinarum ejusmodi descriptionem videre licet in *Bibliotheca Domestica* Cl. P. Mannhart ad finem tomi V. Tab. XIV. unam unicam vetustæ cujusdam machinæ, *catapulta* dictæ; structuram ex illustri Folard, quem citat antea laudatus Cl. P. Dalham §.

306, hic appono. Intra repagulum Tab. IV.
lignum fortissimum A B C D transmissi Fig. 3.

sunt plurimi funes seu chordæ elasticæ, quæ intra rotæ dentatæ H axem O ita continebantur, ut ope alterius rotæ dentatæ I magis contorqueri aut remitti possent: inter chordas G interceptus erat vectis ingens K, qui ab adjuncto fune L per trochleam M, & axem in peritrochio P ita depressus fuit, ut tandem ejus extremitas per uncum N. ligari & attineri posset: mox in cavitatem ejusdem vectis K imposito prægrandi lapide, laxatoque fune peritrochii P, ab unco N, ictu mallei impulsso, dimissus ille vectis K, & chordarum G elasticitate versus E F vibratus, lapidem suæ cavitati impositum ad magnam distantiam projecit. Ast vero invento tandem, & circa annum 1320 rei bellicæ applicato pulvere pyrio, aliam longe faciem in militia induit *ars Balistica*, dum non amplius per vastissimas, & translato difficillimas, maximique orificii machinas, sed per ænea tormenta bellica, minoris longe molis & orificii, maximæ autem ac stupendæ virtutis, sæviri in hostes coeptum fuit, utut etiam sub prima inventionis illorum tempora rudis ad-

Sect. II.

modum tum tormentorum tum mortariorum conditio exstiterit, prout aservata in celeberrimis armamentariis antiquissima tormentorum & sclopetorum monumenta declarant, donec succedente tempore, & nostro præsertim tam docto quam bellicoso ævo ars isthæc perfectionem suam attigisse videatur ! ita nempe dies diei discipulus.

Prima
Bomborum
ex
mortariis
ejaculatio
juxta Bjo-
nem.

CCCXLVIII. *Scholion.* Refert Cl. Bjon celeberrimus Galliae Mathematicus in suo præclaro opere, cui nomen *neo-aperta officina Mathematica* præfixit, quod Maltus Anglicus militaris Architectus omnium primus anno 1634 pilas ferreas, pulvere nitrato fartas, quas vulgo *Bombos* vocant, e mortariis ejaculatus sit, jactum dirigente experientia magis quam scientia ; nihil enim aut de proprietatibus *lineæ Parabolicæ*, a globis illis ignivomis in suo motu describi solitæ, aut de *amplitudine semitæ* secundum diversas mortarii ab horizonte *elevationes* percurrendæ adhucdum pro certo noverat : nunc autem a Geometris certæ quædam statuuntur regulæ, Theoriæ Geometriæ sublimioris conformes, secundum quas *diversi jactus parabolici globorum ferreo-*

reorum ex tormentis, & pilarum ignivomorum ex mortariis pro diversa istarum bellicarum machinarum *elevatione* determinari, &, præscindendo a circumstantiis (*medio scilicet resistente, frictione, pyrii pulveris aut in quantitate aut in qualitate immutatione &c.*), accurate mensurari valent. Nempe hoc modo proceditur.

CCCXLIX. Ex observationibus certissimis liquet, jactum tormentorum obliquum sursum (quem & *arcuatum* vulgo *Bogen-Schuß* vocant) tam in tormentis quam mortariis maximæ amplitudinis esse, atque in maximam distantiam deferri, si ad 45 gradus altitudinis ab horizonte machina bellica attollatur: ideoque etiam communiter Pyrotechnæ, sive Architecti militares, ejusmodi jactum appellare solent *totum* seu *integrum* & *plenarium* (*einen ganzen Schuß*) nec minus ab eadem experientia notum est, quod si jactus fiat ex tormento aut mortario, supra vel infra 45 gradus a terra elevato, in arcubus, a gradu quadragesimo quinto æqualiter distantibus, globus semper ad æque distantem horizontis locum deferatur, ita ut eadem jactus amplitudo existat, si machinæ elevatio sit

Xx 5

ad

Sect. II.

ad gradus 20 vel 70 (nam differentia utriusque numeri a 45 est $\equiv 25$), aut si sit ad 30 vel 60 (qui duo numeri æqualiter rursus a numero 45 distant, nempe $\equiv 15$) & ita porro, prout exhibet tabella paulo post afferenda (CCCLIII) multo autem clarius demonstrat Fig. 4. Tab. IV, ubi in quadrante AB jactus altitudo seu directio ex elevatione tormenti per numeros Arabicos indicatur, C autem amplitudinem jactus integri, E finem jactus ex elevatione graduum 20 & 70, D denique terminum jactus sub elevatione 30 & 60 graduum facta denotat. Cæterum tormenta breviora a Germanis appellantur *Carthaunen* (latine tormenta maxima) longiora *Schlangen* (latine Colubrinæ) vocantur : jactuum vero eorum distantiam indicat subjecta tabula, ex Wolfii *Elementis Pyrotechnicæ* § 33 desumpta.

Nomina tormentorum.	longitudo jactus Horiz.	longitudo jactus maxima Elev. seu 45
Ganze Carthaune	500 passus	1000 passus
Halbe Carthaune	420 - - -	5070
Viertel Carthaune	370 - - -	4400
Regiment- Stücke	420 - - -	3600
Viertel Feldstücke	200 paulo minus.	3600 paulo minus.

Ganze

Ganze Schlange	600 - -	7140.
Halbe Schlange	450 - -	5370
Viertel Schlange	250 - -	4180
Falckonet -	280 - -	3320
Halbes Falckonet	206. - -	2450
Serpentinel -	160 - -	1870.

CCCL. Data igitur amplitudine ja- Quomodo
ctus arcuati ad elevationem 45 gra- invenien-
dum, facili negotio, ope Trigonome- dus sit an-
triæ & *Logarithmorum*, computari po- gulus ele-
test, ad quotnam graduum elevatio- vationis ?
nem tormentum sit dirigendum, ut ad
minorem distantiam dirigatur globus,
qui e tormento maximo, ad elevatio-
nem 45 graduum, ad 6000 passus
excurrit ? e. g. sit distantia nota 1500
passuum, ad quam e maximo tormento
globum ejaculari velis, invenies gra-
dum elevationis tormenti per Logarith-
mos, dicendo : *ut distantia maximi ja-*
ctus 6000 passuum (cujus Logarithmus
in *H. Briggii tabula Logarithmorum pro*
numeris naturali serie crescentibus est
3.7781512.) *ad elevationem maximam*
45 graduum duplicatorum (cujus Loga-
rithmus est 10.0000000) *ita data*
distantia passuum 1500 (cujus Loga-
rithmus est 3.1760913) *ad x, seu quar-*
tum ignotum proportionalem. Fiat ergo
Ut

Sect. II.

Ut dist. max. 6000 pass. = 3.7781512. Logar.

Ad elev. max. 4° dupl = 10.0000000. { adde

Ita data dist. pass. 1500 = 3.1760913. {

13.1760913

Ad Elev. 14 grad 28 min. dupl. 3 7781512 subtr.

quæf. seu 7 gr. simpl. & 14 m. Log. 9.3979401.

Nempe si postremus hic Logarithmus quærat in *canone triangulorum*, continente Logarithmos sinuum & tangentium ad singula minuta prima, invenietur ibi Logarithmus 9.3971315, ad Logarithmum 9.3979401 quam proxime accedens, indeque patebit, elevandum esse tormentum, ut jactus perveniat ad 1500 passus, ad $\frac{9}{14}$. hoc est, dimidium anguli quæsi.

Quomodo
invenien-
da sit am-
plitudo ja-
ctus sub
dato angu-
lo ?

CCCLI. Quod si e converso data amplitudine jactus sub noto angulo invenienda sit amplitudo sub alio elevationis angulo, e. g. si ex certo supposito, quod jactus amplitudo e maximo tormento ad elevationem 45 graduum sit 6000 passuum, inveniri debeat, ad quantam distantiam globus sit perventurus, si illud tormentum non nisi ad 30 gradus elevetur? rationem hoc modo inire oportet, dicendo : ut sinus anguli dupli elevationis notæ (nempe $45 \times 2 = 90$, qui

qui est *sinus totus*, cujus Logarithmus 10.0000000) ad *sinum anguli dupli elevationis datæ* (videlicet $30^\circ \times 2 = 60^\circ$, cujus Logarithmus est 9.9375306) ita passus 6000, quorum Logarithmus in numeris naturalibus est 3.7781512, ad quartum proportionalem, sive *x*. Fiat ergo

Ut sin. dupli $45^\circ = 90^\circ =$	10.0000000	Logar.
Ad sin. dupli $30^\circ = 60^\circ =$	9.9375306	adde.
Ita passus 6000 =	3.7781512	

	13.7156818	
Ad passus quæsitos	10.0000000	Subtr.
	<hr/> 3.7156818.	

nempe 5196. quoniam scilicet ultimus hic Logarithmus, ex subtractione remanens in Logarithmis numerorum naturalium proximus est Logarithmo 3.7156691, qui correspondet numero naturali 5196, sequitur, quod ad totidem passus tormentum maximum ejiciat globum, si ad 30 gradus elevetur.

CCCLII. Si autem detur angulus elevationis, qui sit major semirecto, seu ultra 45 gradus, ille juxta antea citatum Cl. Bjonem in duplo non est assumendus, ut *sinus* juxta datam regulam (*n. præc.*) habeatur, sed ejus loco as-

Quid si angulus datus sit major semirecto?

fumen-

Sect. II.

sumendum est ejus complementum ad 90° : dein sinus dupli hujus complementi poni debet pro secundo termino In Regula proportionis. e. g. si invenienda sit amplitudo jactus sub angulo 50° graduum, erit hujus complementum ad $90^\circ = 40^\circ$ (nam $50 + 40 = 90$) ergo, operando juxta priorem casum, fiat

<i>Ut</i> sin dupli $40^\circ = 90^\circ = 10.0000000.$	<i>Logar.</i>
<i>Ad</i> sin. duplicompl. $= 80^\circ = 9.9933515$	
<i>Ita</i> passus 6000 $=$	<i>Adde.</i>
	3.7781512
	13.7715027.
<i>Ad</i> passus quæsitos	<i>Subtr.</i>
	10.0000000
<i>nempe</i> 5909.	3.7715027

Id est, ultimus Logarithmus, qui in tabula *Logarithmorum ad numeros naturales* proximus est Logarithmo 3.7715140, indicat numerum quæsitum passuum, videlicet $5908 \frac{1}{8}$, seu contemptis minutiis 5909.

Alius modus solvendi data Problemata.

CCCLIII. *Scholion I.* Si cui forte hic labor calculandi per Logarithmos, de se perquam facilis, non arrideat, ei inservire poterit sequens *tabula sinuum*, a GALILÆO, insigni quondam Magni ducis

ducis Hetruriæ Mathematico, ejusque in hoc officio successore TORRICELLO, confecta, in qua ista commoditas habetur, ut per vulgarem Regulam *de tri* data hactenus Problemata, de invenienda *jactus amplitudine*, ac determinando *Elevationis* angulo, perquam facile solvi queant. Dissert autem præfata *tabula sinuum* ab ordinaria SINUUM TABELLA in hoc tantum, quod numeri, qui in hac *postrema* tabella *singulis gradibus simplicibus* respondent, in illa *priore duplis* cor respondeant, ut adeoque non sinus anguli *dupli*, nec sinus *dupli* anguli complementi, nec denique gradus quicunque *duplicati*, sed *simplices* tantum accipi debeant, & quidem *integri*, nec rursum *dimidiari* debeant, ut in prioribus accidit. (CCCL.)



Tabula

Tabula Sinuum pro globorum jactibus determinandis.

Gradus.	Gradus.	Jactus.
90	0 -	0
89	1 -	349
88	2 -	698
87	3 -	1045
86	4 -	1392
85	5 -	1736
84	6 -	2709
83	7 -	2419
82	8 -	2556
81	9 -	3090
80	10 -	3420
79	11 -	3746
78	12 -	4067
77	13 -	4384
76	14 -	4695
75	15 -	5000
74	16 -	5299
73	17 -	5592
72	18 -	5870
71	19 -	6157
70	20 -	6428
69	21 -	6691
68	22 -	6947
67	23 -	7193

Tabu-

Tabula Sinuum pro globorum
jactibus determinandis.

Gradus.	ad	Jactus.
0	0 -	0
66	24 -	7431
65	25 -	7660
64	26 -	7880
63	27 -	8090
62	28 -	8200
61	29 -	8480
60	30 -	8660
59	31 -	8829
58	32 -	8988
57	33 -	9135
56	34 -	9272
55	35 -	9397
54	36 -	9511
53	37 -	9613
52	38 -	9703
51	39 -	9781
50	40 -	9848
49	41 -	9903
48	42 -	9945
47	43 -	9976
46	44 -	10000
45	45 -	10000

Y y

Pro-

P. Oper. Physic. Pars I.

Problema I.

Data distantia 1500 passuum, ad quam globus e tormento maximo sit ejaculandus, quæritur, ad quotnam graduum elevationem tormentum sit dirigendum?

Resolutio. Dicatur: *Ut se ha'et distantia maximi jactus 6000 passuum (CCCXLIX.) ad elevationem maximam 45 graduum, ita se habet data distantia passuum 1500 ad x, seu angulum quaesitum. (CCCL.)* quærat deinde ex appositâ tabula numerus correspondens 45 gradibus, qui est 10000, & fiat $6000 : 10000 = 1500 : x$, id est, 2500.

$\begin{array}{r} 15 \quad 00 \\ \hline 6 \overline{) 000} \mid 15000 \mid 000 \mid 2500. \end{array}$	qui numerus in dicta tab.
$\begin{array}{r} 12 :: \\ \hline 30 :: \\ \hline 30 :: \\ \hline 0 : \\ \hline 0 \end{array}$	proxime accedit ad numerum, 7 gradibus correspondentem.

Problema II.

Ex certo supposito, quod jactus amplitudo e maximo tormento debite onerato, & ad 45 gradus elevato sit

6000

6000 passuum, quæritur, ad quam distantiam globus sit perventurus, si tormenti elevatio non nisi ad 30 gradus fiat?

Resolutio. Dicatur: *Ut se habet elevatio maxima 45 graduum ad datam elevationem 30 graduum, ita se habet distantia maxima 6000 passuum ad x, seu ad distantiam quæsitam.* Sumantur jam ex præfata tabula numeri, illis gradibus correspondentes, nempe pro 45 gr. 10000, & pro 30 gr. 8660, hoc modo

$$10\ 000 : 8660 = 6000 : x, \text{ id est } 5196.$$

$$\begin{array}{r} 6\ 000 \\ \hline \end{array}$$

$$1|0000|5196|0000| 5196. \text{ (CCCLI)}$$

Problema III.

Sit invenienda amplitudo jactus sub angulo 50 graduum, qui angulus est major semirecto, seu angulo 45 graduum.

Resolutio. Dicatur denuo: *Ut se habet angulus 45 gr. = 10000, ad angulum 50 gr. = 9848: ita se habent 6000 passus, tanquam summa jactus amplitudo ad x, seu ad passus quæsitos.* Fiat ergo

$$10000 : 9848 = 6000 : x, \text{ id est } 5908 \frac{1}{10}$$

$$\begin{array}{r} 6000 \\ \hline \end{array}$$

$$1|0000|5908|8000| 5908 \frac{1}{10} \text{ (CCCLII)}$$

$$Yy\ 2$$

$$CCCLIV.$$

Sect. II.

Motus di-
sponendi
tormenta
& morta-
ria.

Tab. IV.

Fig. 5.

CCCLIV. *Scholion II.* Tam pro tor-
mentis, quam pro mortariis ad datum
gradum elevandis Pyrobolarii hac praxi
utuntur. 1. *Pro tormentis* adhibent
semicirculum AMD , baculo AB affi-
xum, & in suos gradus distinctum,
simulque in duos quadrantes CM di-
visum, in quorum medio affixum est
pendulum ex centro C hocce igitur
baculo in centrum calibræ, seu ad me-
diam vacuitatem oris GH imposito,
tormentum ope substaculorum tamdiu
attollitur aut deprimitur, donec pen-
dulum CF petatum gradum in semi-
circulo interfecet, atque hic ipse gra-
dus in quadrante indicatus gradum
elevationis tormenti ad apicem demon-
strat, cum angulus minor $MC F$ juxta
Geometras sit æqualis angulo CKE .
2. *Pro mortariis* ad certum gradum
elevandis assumunt quadratum $ABCD$,
suos pariter in gradus distinctum: ex
angulo B affigunt pendulum BE , in
medio autem quadrantis defigunt ba-
culum MNS , eumque similiter in
centro calibræ EG collocant, atque
mortarium beneficio substaculorum O
tamdiu librant, donec pendulum ad
petatum Elevationis gradum in qua-
drante quiescat; tunc enim angulus
 MBE

Tab. IV.

Fig. 6.

CI

VII

VY

MBE

MBE erit \equiv angulo NRP. Et hæc de arte Balistica pro tyronibus forsitan satis! attamen hactenus dictis adhuc fluunt sequentia, plane non omittenda.

CCCLV. *Corollarium I.* Eo major Amplitudo semitæ a vi projectili dependet.
est *amplitudo semitæ*, per quam movetur corpus projectum, quo major est *vis projectilis* ei communicata; hæc quippe majorem corpori addit *celeritatem*, qua secundum lineam directionis AB fertur, cum propterea majores Tab. III.
evadant partes Aa, Ae, AB, quas Fig. 9. & 10.
dato tempore in ea linea percurrit: unde & majores erunt *femiordinatæ* x m, y n, zb & c, ex quarum magnitudine *amplitudo* Parabolæ desumitur.

CCCLVI. *Corollarium II.* Per se In jaculando, altius a scopo dirigendum est corpus, quod projicitur, ut ad illum certo perveniat, & quidem eo altius, quo locus, ex quo corpus projicitur, magis a scopo distat. Nam si corpus ita in scopum dirigatur, ut linea directionis per illum transeat, corpus ipsum *infra* scopum cadet, eoque magis ab eodem aberrabit, quo remotior a scopo fuerit locus, ut patet ex sit. pg. clare enim videre est, quod

Sect. II.

singula puncta semitæ A m'n B sint infra lineam directionis AB, & quidem eo magis, quo longius a loco projectionis A distant.

Ad quam
distantiam
globus a
scopo defi-
ciat ?

CCCLVII. *Scholion.* Notat tamen Cl. P. Eört. à Brix. *Phys. gen. p. 2. §. 2182.* quod locus, ex quo corpus projicitur, notabilem a scopo distantiam habere debeat, ut corpus magna vi projectum sensibilibiter a scopo aberret; cum enim projectum corpus, ut inquit cit. Cl. Auctor, non declinet a scopo, nisi quia in suo motu declinat continuo a linea directionis, neque ab hac declinet, nisi causa gravitatis, vi cujus per intervallum 15 pedum Parisiensium uno minuto secundo deorsum movetur, debet corpus moveri uno integro minuto secundo, ut ejus deviatio a linea directionis, atque adeo a scopo, intervallum 15 pedum Parisiensium adæquet, quam ob rem cognito tempore, quod in suo motu perficiendo projectum corpus insumit, facile determinabitur, quanta illius futura sit a scopo declinatio. Crescunt enim spatia, per quæ corpus descendit, ea proportionem, qua temporum quadrata, initio a quiete sumpto, augentur, ut de motu gravium accelerato pluribus declarabitur. Nec minus per se loquendo

CCCLVIII.

CCCLVIII. *Corollarium III.* Cor-Horizon-
 pus grave; ex alto loco *horizontaliter* talis proje-
 utut magna vi projectum, eodem pe-ctio fit ea-
 nitus temporis intervallo ad terram de-dem cum
 labitur, quo in eandem caderet, si in celeritate
 hanc ex eadem altitudine libere & ac vertica-
perpendiculariter descenderet. Veritas. *descen-*
 tem hanc *experientiæ* conformem esse
 teste eodem Cl. P. Fort. a Brix. *loc. cit.*
§. 2188. deprehenderunt facto periculo
 Academici Florentini, dum ex turri
 Liburnensi, 50 brachiis alta, secun-
 dum directionem *Horizontalem* explosis
 pluribus tormentis, notarunt globos
 excussos, -quamvis inæqualem jactus
 amplitudinem emensos, omnes tamen
uno & eodem tempore in terram delapsos
 fuisse, & quidem singulos tanto tem-
 pore, quanto opus erat, ut globi alii,
 ipsis æquales, ex eadem altitudine
perpendiculariter vi folius gravitatis de-
 scenderent. Rationem dat Muschem-
 bræckius apud eundem *§. 2191.* quia
 scilicet ii ipsi in terram descendunt ex
 sola gravitate, quæ eandem velocitatem
 in utroque corpore eodem tempore per
 se generat; nec motus *Horizonti paral-*
lelus ullo modo obstitit motui ad ipsum
perpendiculari, nisi forte contingat, ut
 globi ex tormentis non *accuratissime in*

Sect. II.

linea Horizontali sint explosi, sed directione paululum *sursum* conversa (exiguus quippe error ad producendam inæqualitatem hic sufficit) aut nisi *aeris dividendi resistentia* æqualitatem descensuum quandoque imminuat; nam quia grave *horizontaliter* projectum longe *maius* spatium pertransire debet, antequam ad tellurem decidat, ac pertransiri debet a corpore libere deorsum ruente, major etiam ab illo quam ab hoc superanda aeris resistentia est, ut cadat, adeoque & longius tempus illi in suo motu insumendum erit. Ast Theoria nostra sicut in præcedentibus (CCCXLIII & CCCXLV.) ita & hic a *medii resistentia* continuo abstrahit, ac dictis de *motu composito* (CCCXXVII.) *ultimate* innititur, ubi dictum est, quod, si idem corpus a duabus simul potentiis secundum diversas directiones (*Horizontalem* scilicet & *perpendicularem*, prout in nostro casu accidit) urgeatur, *Diagonalem eo ipso tempore* percurrat, quo viribus sejunctis percurreret alterutrum Parallelogrammi latus: motus enim per lineam curvam Parabolicam $A m n b$ coalescit, ut diximus, ex motu per rectam AB , & ex motu deorsum per rectam AZ , sive eidem parallelam Bb :
ergo

Tab. III.

Fig. 9. & 10.

per lineam curvam Parabolicam $A m n b$ coalescit, ut diximus, ex motu per rectam AB , & ex motu deorsum per rectam AZ , sive eidem parallelam Bb :

ergo

ergo corpus grave eodem prorsus tempore movebitur ex A in b per curvam Amnb, quo ex altitudine Bb libere verticaliter descenderet: adeoque & cognito valore temporis, quo corpus ex altitudine B libere in b descenderet, tempus quoque facillime innotescet, quod labitur interea, dum ex loco A horizontaliter projectum curvam Amnb suo motu pertransire solet.

CCCLIX. Corollarium IV. Dum semper hucusque dictum est: *dempta media resistencia*, & per se loquendo, facile colligitur, quod, si *media resistencia*, aut aliud quodcunque *motus impedimentum* (CCCX & seqq.) interveniat, nedum postremo dicta, (n. prac.) sed & priora omnia, a regulis universalibus, Theoretice certissimis, in praxi aberrant. Videlicet. I. Si adsit *media resistencia*, in quo corpus movetur, istud *Horizontaliter* aut *oblique* projectum *curvam Parabolicam* suo motu non describit; ad hanc enim describendam necessario requiritur, ut motus corporis secundum lineam directionis Horizontalem sit *aquabilis*, & secundum *verticalem* deorsum, sit *uniformiter acceleratus* juxta numeros impares (CCCXLIII.) at si me-

Secus omnia contingunt, si medium resistat.

Sect. II.

dium *utrique* vel *alterutri* ex his motibus resistat, *ejusmodi* certe neuter esse potest; ex qua causa etiam actū globorum, bomborumque missilium semita plerumque eo magis a Parabola abludit, quo major eorum est in motus initio velocitas, quia nempe tunc aeris quoque dividendi resistentia est major. Si tamen *exigua* sit hujus resistentia a corpore valde *ponderoso* superanda, linea curva, ab eodem in motu descripta, adhuc pro *physice parabolica* haberi potest. II. Pariter, utut *per se* loquendo eo major sit amplitudo semitæ, quo major est vis projectilis, (CCCLV.) si tamen medium plus justo motum impediat, *per accidens* contingit, ut corpus, quod alias motum, v.g. ut 7 vel 8 producit, hic & nunc impeditum, vix motum ut 2 vel 3 concipiat. III. Etsi item *per se* loquendo paulo altius in jaculando collimari debeat, (CCCLVI.) si tamen *machina jaculatoria*, nempe sclopetum aut tormentum, vel ob suam in parte posteriore *crassitiem & amplitudinem*, vel ob *pulveris pyrii* accensi, utpote aere levioris, globum in partem machinæ superiorem elevantis actionem, jam de se altius & *supra centrum metæ* satis *distitæ* collimet, sufficit, ut

metæ

metæ centrum ferire cupiens, eo præcise, nec altius, globum dirigat : sic autem plerumque in jaculando contingit, & machinæ jaculatoriæ in hunc finem ab artificibus potissimum adaptari solent : in tormentis vero Pyrobolarii continuo attendunt, ut (nisi aliunde & per longitudinem viæ compensetur error) etiam paulo *infra metam* ea dirigant, quoniam per experientiam ipsis notissimum est, quod licet axis tormenti *horizontaliter* sit positus, globus tamen non emittatur secundum directionem perfecte Horizontalem, sed aliquantum *supra* illam moveatur.

CCCLX. *Scholion I.* Medii resistentiæ similiter adscribendum venit, quod sagittæ ex machinis, arcu chalybeo instructis Horizontaliter & magna vi ejectæ, *via recta* per spatium sat longum moveantur, neque intra minimum secundum per spatium 15 pedum decidere soleat, imo ne quidem *ad sensum curvæ Parabolicæ* describat : aer nempe inferior sagittæ Horizontaliter motæ, propter superficiæ ipsius latitudinem, quasi succumbit, eamque sustentat : unde hæc ipsa sagitta incumbens si magis ad perpendicularum descendere

superiora
Medii res-
istentiæ ad-
scribendum
motus fere
rectilineus
sagitta-
rum,

Sect. II.

dere niteretur, multo plus aeris removere deberet, quam si mox ab initio motus sui *verticaliter* descenderet; in verticali quippe descensu initiali levem *cuspitem*, non amplam *superficiem* aeris obverteret; figura autem *cuspidata* liquido aeris dividendo & quasi perterebrando magis inservit, quam alia quaecunque *latior*, ut de se patet: accedit & respectiva levitas seu *minor gravitas* sagittarum projectarum, quam sit aeris inferius constipati, majorque & intensior illarum *impetus*.

Eademque
est causa
aberratio-
nis Pyro-
technica.

CCCLXI. *Scholion II*: Huic demum ipsissimæ causæ adscribi debet effectus ille, in Pyrotechnica communiter contingere solitus, dum nempe, licet eadem pulveris pyrii quantitate, eodem ex tormento, ejusdem gravitatis & diametri globus distinctis vicibus explodatur, simulque omnes situs globi, tempestatis & venti attendantur circumstantiæ &c, tamen jactus sibi succedentes nedum in *longitudine* (ob manifestam aeris *resistentiam*) sed & in *lateral*i, vel ad dextram aut sinistram facta *declinatione* non parum inter se discrepant. Videlicet (ut præclare disse-rit sæpe laudatus Cl. P. Dalham *Tom.*

II.

II. §. 312.) etiam hujus lateralis declinationis causa est *aer*, variis superficie globi partibus diversimode *resistens*, adeoque & agens *oblique* in globum : omnis quippe globus, e tormento avollans, ob *frictionem* adversus tormenti latera exercitam, obtinet rotationem aliquam per suum centrum circa axem, ita ut pro varietate rotationis axis globi in omnes directiones variari possit ; jam quoniam hic motus, circa axem globi rotatorius, partim *conspirat* cum directione globi excurrentis, partim illi directioni *opponitur*, aer ipsa hac rotatione ita afficitur, ut majorem resistantiam in illam globi rotati partem exercent, quæ motui *grogrefivo* conspirat ; minorem vero ea in parte, in qua rotatio motui illi *progrefivo* opponitur : unde necessario, ob variam hanc in se actionem, variam globus ipsemet motus semitam inibit, eoque major hæc vis in una parte globi, quam in altera se exeret, quo velocior globi circa axem, a motu *progrefivo* diversum, fuerit rotatio. Indeque venit, quod *fulcata* seu *striata* *sclopetata* certius in scopum colliment, videlicet quia ob *fulcos*, seu *cochleas* *tubi* internas, talem globo rotationem induunt,

Sect. II.

indant, ut axis globi avolentis motui progressivo sit propemodum parallelus, quamvis enim ob fortio rem globi cum tubo striato frictionem, velocitas ejus, ceteri modi necessario deficere debeat (*hinc & tubi illi striati post longum usum, complanatis quodammodo cochleis, longius deferre globum conspiciuntur,*) tamen idem globus propter gyrum, ope cochlearum inductum, non modo in recta semita continetur, verum etiam tum aerem, tum corpus resistens veluti terebrando, facilius pertransit. Ita cit. Cl. Author.

Pulveris
pyrii pro-
prietates.

CCCLXII. Scholion III. Denique inter ea, quæ potentiaë projicientis cum gravitate globi projecti combinationem certo facere calculo prohibent, est etiam *pulvis pyrius*, utpote qui raro, utut in eadem quantitate sumatur, *æquali* pollet *Elaterio*; raro item totus *æqualiter* ignem concipit, prout tamen ad globum *æqualiter ejiciendum* opus foret: unde & Pyrotechnæ curant, ut ea tormento tribuatur *longitudo*, quæ globum eousque contineat, donec *tota pulveris quantitas* in flammam abeat: sæpe etiam ab imperitis jaculatoribus nimia pulveris pyrii copia adhibetur, cui aeris, ante globum

bum expellendi, quantitas nimium resistit, ita ut sclopetum aut tormentum omnino rumpatur. Cæterum juxta Wolfium pondus pulveris, quæ tormenta onerantur, ad pondus globi communiter rationem sub duplam habere debet. Habenda quoque est ratio longitudinis diversæ tormentorum; major quippe pulveris pyrii quantitas requiritur ad onerandum tormentum longius quam brevius, si globus ad æqualem distantiam sit explodendus. Item, quo melioris notæ præfatus pulvis fuerit, eo minori quantitate ad oneranda tormenta & sclopetum est adhibendus. Porro ad componendum pyrium pulverem assumitur *nitrum* cum *sulphure* & *carbonibus*, iuxta proportionem inter se commixtis, & quidem ordinarie si ad illum componendum una libra nitri adhibetur, mos est, duas uncias sulphuris, & 3 uncias carbonum admiscere: Juxta alios vero tres partes nitri, quarta pars sulphuris & æqualis portio carbonum ad ejus confectionem requiritur. Optimi autem pyrii pulveris notæ sunt, 1. Si granula minora referat. 2. Si in charta alba positus & accensus nihil nigrum aut sordidum ibi efficiat. 3. Si derepente

&

Sect. II.

& simul accensus chartam non adurat; sed totus in fumum recta ascendentem abeat. At vero relictus in charta post accensionem *color nigricans* indicat, justo majorem *carbonum* quantitatem pulveri inesse: *Color flavus* plus æquo *sulphuris* inesse declarat: relictæ demum, facta accensione, grana integra non bene satis contritum ac commixtum fuisse *nitrum* ostendunt.

Motum a motore translato impressum esse Parabolicum ratio demonstrat,

CCCLXIII. *Corollarium V.* Ad motum compositum curvilineum spectat quoque motus, ponderosis corporibus impressus a motore translato, id est, motus ab eo productus, qui in ipsa ejusdem communicatione movetur: ut v. g. dum lapis horizontaliter aut oblique sursum vel etiam perpendiculariter projicitur a corrente, velociter equitante, vel stante in navi, dum hæc motu rapidissimo per undas defertur, certum quippe est, & nedum per *experientiam* sed & per *rationem* exactis supra principiis plane demonstratum existit, quod corpus deorsum libere demissum, aut sursum quacunque directione projectum ab eo, qui motu Horizontali æquabili movetur, describat lineam curvam Parabolicam; movetur enim in utro-

utroque hoc casu motu composito ex Horizontali æquabili, per causam in motu positam communicato, & verticali per gravitatem producto, qui posterior motus juxta numeros impares in ascensu corporis uniformiter retardatur, & in descensu uniformiter acceleratur: ergo idem ut supra (CCCXLIII.) dicendum. (CCCXLV.) & revera, quod globus v. g. ab homine, in navi celerrime vecta, consistente, sursum quomodocunque projectus aut libere demissus integram aut dimidiam Parabolam juxta modum projectionis diversum describat; alii in littore stantes accurate observant, utut iis, qui in navi vehuntur, linea a globo descripta appareat *recta*. Nempe quia oculus hominis, globum in navi ex manu dimittentis, eodem simul motu Horizontali cum globo transfertur, (ut inquit Gassendus, de hoc phænomeno. ad Puteanum scribens *Epist. 1.* (nec is nec alii cum ipso in navi sedentes, observare possunt motum, quo manus jacentis simul transfertur, utpote qui unus idemque est, adeoque pro non motu, seu quod idem est, pro quiete reputatur: sic & pila antrorsum ab

Z z

homi-

Sect. II.

homine inter ambulandum projecta non videtur ire velocius, quam projecta inter quiescendum, quia videlicet quantum motus corporis totius pilam promovet, tantundem etiam promovet oculum, ipseque adeo oculus tantundem ex motu pilæ non agnoscit. *Hactenus ille.*

Et patet
ab experi-
mento.

CCCLXIV. *Scholion.* Experimentum motus Parabolici, a motore translato produci soliti, affert Cl. P. Hauser *Phys. gen. p. 3. §. 1053.* hoc modo: fit planum aliquod ligneum quadratum A, Horizontaliter mobile super duo fila ferrea extensa, atque 10 circiter pedes longa. Imponatur tubo seu vasculo G globus eburneus, ab Elatere, ope inserti pessuli F interea retentus, & in quiete servatus: dein rota D agitari incipiat motu æquabili, & mediante filo E pari motu promoveatur ex H ad I planum quadratum ligneum: mox per filum H I retracto pessulo F, solutoque Elatere, sursum ejicitur globus, ac descripta parabola A C B recidit fere in vasculum G, motu Horizontali æquabili interea in B delatum, ratio patet ex dictis. (CCCXLIII & CCCXLV) cæterum motus continuo debet esse æquabilis, id est, æque velox aut æque

tar-

tardus; nam si secus contingat, etiam experimenta neutiquam congruent.

CCCLXV. *Corollarium I.* Si quis ^{Motus a} in anteriore navis parte, quæ *prora* ^{prora na-} dicitur, sedens globum aut pilam vel ^{vis in pup-} lapidem in posteriorem illius partem, ^{pim est} *puppim* dictam, projiciat eadem pror- ^{perpendi-} *cularis:* ^{cularis:} fus celeritate, qua navis æquabili cursu interea secundo alveo defertur a flumine, putabunt equidem sedentes in navi, corpus illud mobile revera in *puppim* a *prora* transferri, ejusque *relativa celeritas absolutæ* ipsius navis celeritati æquipollebit: at vero stantibus in littore apparebit, prædictum corpus reapse in neutram partem moveri, sed fere *perpendiculariter* ex loco projectionis deorsum cadere, quia videlicet impetus a projiciente eidem impressus penitus destruit impetum a navi versus *proram* ipsi collatum, eoquod sint impetus *e diametro* sibi oppositi: unde dum in navi sedentibus mobile in *puppim* videtur retro moveri, in littore econtra consistentibus *puppis* in globum potius, vel pilam, aut lapidem, non lapis in *puppim* irruere videbitur.

Sect. II.

E puppi
autem in
proram
per se est
duplus, re-
spectu mo-
tus navi-
culæ.

CCCLXVI. *Corollarium II.* Si quis e diverso in puppi sedens corpus aliquod mobile ex posteriore navis parte, seu puppi, in anteriorem, hoc est, in proram secundum eam ipsam directionem, quam navis motu suo sequitur, projiciat, ibi sedentibus illud apparebit simplici motu in proram impingere, at stantes in littore observabunt, motum corporis mobilis esse adeo concitatum, ut æquivalet summæ celeritatum, quam mobile tum a projiciente, tum etiam a navi mota acquirit: id est, corpus mobile in hoc casu absolvit revera spatium *duplum* illius, quod ab existentibus in navi solet observari. Intellige tamen, si projectio in proram denuo fiat *eadem celeritate*, qua navis æquabili cursu interea defertur; nam si *minore* celeritate mobile projiciatur, a duplo spatii, quod navis percurrit, absolvendo *deficere*; sin autem *maiore* velocitate antrorsum agatur, illud spatii duplum *excedere* notabitur, & quidem ea proportionem, qua ipsa celeritas projectionis crescet, aut decrescet. De motu porro *Elliptico*, & *Cycloidali*, qui pariter ad motum *curvilineum* spectant, opportune dicetur suis locis, plura vero de iis Geometria sublimior pertractat.

ARTI-

ARTICULUS III.

De Motu gravium accelerato & retardato.

CCCLXVII. **C**UM potiora motus gra- Phænomena
vium phænomena, per na motus
experimenta sensuum notissima, & gravium
captu vel ideo etiam facillima, supra cur hic
jam sint adducta & declarata, (CLXI non ponan-
& CLXXI) non est, cur de illis no- tur?
viter differamus: attamen quoniam
Theoria de *acceleratione motus* gravium,
de qua nos specialiter insuper tracta-
turos esse promissimus, (CLXI. V) ad
alia multa, de motu præsertim *curvi-*
lineo, ac *pendulorum*, intelligenda ne-
dum plurimum conducit, sed & sum-
mopere necessaria existit, ideo specia-
liter hic agendo de illa, priusquam
Theoremata ad ipsam spectantia in me-
dium proferamus, ejusdem ante om-
nia *definitionem* adducimus. Videli-
cet

CCCLXVIII. Per *motum acceleratum* Motus ac-
ejusmodi motus intelligitur, qui nova celeratus.
identidem celeritatis incrementa acci-
pit, ita ut æquali licet tempore spatia
semper *majora*, adeoque inæqualia,

Sect. II.

Uniformiter acceleratus. percurrat. Motus *æquabiliter* seu *uniformiter acceleratus* is denominatur, qui a quiete recedens temporibus æqualibus *æqualia* celeritatis *augmenta* suscipit, adeoque spatia ab illo percurra uniformiter crescunt: e. g. si globus ex turri decidens *primo* temporis minuto *unum*, in secundo *tres*, in tertio *quinque*, in quarto *septem* pedes percurrat, talis motus erit *æquabiliter acceleratus*, quia singulis temporibus æqualibus *duos* continuo celeritatis gradus acquirit. Unde discrimen inter motum *æquabilem*, & *æquabiliter acceleratum* hoc est, quod in illo *priore* tempora sint præcise ut spatia, & spatia ut tempora, v. g. unum spatium primo minuto, duo spatia secundo minuto, tria tertio, & ita deinceps: econtra in *posteriore* motu unice attenditur ad *celeritatem*, seu pluralitatem spatiorum, in quovis tempore auctorum.

Motus retardatus.

CCCLXIX. *Motus* econtra *retardatus* ille est, cujus celeritas continuo decrescit, sive qui aliquos celeritatis gradus identidem deperdit: & quidem si æqualibus temporibus æquales celeritatis gradus amittat, *uniformiter retardatus* dicitur. Nunc sit

PRO-

PROPOSITIO I.

Gravia quævis corpora libere descendunt motum suum accelerant.

CCCLXX. PROBATUR I. *Ratione à Gravia cap-*
posteriori. Quævis cor-
 pora gravia e. g. lapis aut tegula, quo-
 altiori ex loco delabuntur, eo majore-
 rem ictum subjectis corporibus infligunt,
 ac profundius penetrant pavimentum,
 si mollius isthoc fuerit: atqui res ita non
 contingeret, si motus foret æquabilis,
 & minime acceleratus: ergo. Patet
 M ab experientia quotidiana. m. p. *quantitas*
motus oritur tum ex *massa* tum ex *celeritate*
 (CCLXXXIX), & ex alterutra prævalente
 crescit: atqui massa v. g. lapidis aut
 tegulæ semper est eadem, sive ex loco
 unum pedem aut centum pedes alto in
 terram labatur, uti saltem in hoc casu
 supponitur: ergo ut majorem ictum
 (qui, utpote motus quantitati
 correspondens, majorem haud dubie
 motus quantitatem arguit) inferre queat,
 motus celeritas in fine descensus
 prævalere debet, & consequenter motus per-
 decur.

Sect. II.

cursum *acceleratur* in causa erit, ut fortior ictus contingat.

PROBATUR II. *Ratione a priori.*

Quævis corpora gravia a materia quadam extrinsecus premente impetum accipiunt, (CLXXI) qui non tantum in instantibus subsequenter, in quibus fit motus corporum deorsum, ob indifferentiam eorum passivam (CCC) tamdiu perseverat, quamdiu nullum motus impedimentum occurrit, verum etiam in singulis spatii, vel temporis, punctis novos continuo impetus, itidem cum prioribus perseverantes superaddit: ergo sicut impetus per descensum semper augentur, ita & motus. p. A. causa necessario agens & rite applicata subjecto disposito non potest non continuo agere, & suum effectum de novo producere, ut patet v.g. de igne stipulis approximato: atqui impetus a materia gravitante proveniens est causa necessaria, utpote *naturalis*, & est in singulis spatii ac temporis punctis corpori mobili rite applicatus: ergo & singulis temporibus novam impetum, seu modificationem novam (CCLXII) in eo producit, tanquam effectum sibi correspondentem.

PRO-

PROBATUR III. *Experimentis.* I.

Corpus grave, supra unam bilancis lancem ex aere libere demissum, eo majori ponderi, in altera lance quiescenti elevando sufficiens est, ex quo altiori loco in illud demittitur: ergo & eo majorem *motus quantitatem* accipit: quo major est altitudo, ex qua delabitur: porro motus quantitas hic ex *massa* non oritur: ergo ex *celeritate*, sive ex novo semper *impetu*, per descensum acquisito, isthoc enim aucto etiam illa prior augetur. II. Si in vas vitreum cylindricum aqua plenum, cujus perpendiculum in pollices ac lineas sit rite divisum, ex diversa altitudine globus cereus aut ligneus, aquam gravitate haud multum superans, decidat, is eo profundius aquæ immergetur, ex quo majori altitudine erat delapsus, nisi forte contingat, ut globus illapsus solito *maiore impetu* in aquam impingat, nam in hoc casu ob majorem aquæ, non ita celeriter dividendæ, resistantiam, non adeo profunde, prout regulariter ac *per se* fieri deberet, submergitur. III. Globi duo eburnei ejusdem massæ ac voluminis ex varia altitudine in mollem terram demittantur, mox notabitur, quod vestigia molli glebæ im-

S. A. II.

pressa altitudinis proportionem accurate sequantur : nempe, ut Geometrae loquuntur, *vestigia erunt ut accelerationes*, & hæc ut *massæ ductæ in altitudinem*. Sic v. g. si globus A habeat massam $\equiv 4$, altitudinem $\equiv 8$: globus autem B si habeat massam $\equiv 4$, & altitudinem $\equiv 16$, erit prioris acceleratio $\equiv 32$, posterioris $\equiv 64$, id est, dupla prioris, & duplo majus seu profundius in gleba vestigium imprimet. At vero globus ferrens trium librarum ex altitudine unius pedis libere cadere permissus æqua vi in gleba foveam eruit, ac alter globus itidem ferreus, ejusdem cum priore voluminis at intus excavatus, & unius duntaxat libræ pondus tenens, atque ex altitudine trium pedum in terram demissus, hujus enim altitudinem illius massa, & illius massam hujus altitudo æqualiter compensant, ita ut idem semper factum, seu acceleratio $\equiv 3$ enascatur, nempe $3 \times 1 \equiv 3$.

Hic unice attenditur ad gravitatem, & modicam a terra distantiam.

CCCLXXI. *Scholion I.* Dixi : *Corpora gravia libere descendunt* ; nam præsens Theoria unice procedit de motu, cujus origo est sola *gravitas*, & omnino præscindit a motu, qui proveniat a *vi projectili*, aut alia quacunque

que *causa extrinseca* ; harum quippe nulli est, quæ impetum semel impressum, ac postea a medii seu aeris resistentia extinctum, continuo reparat, novisque ac repetitis impulsibus augeat, prout tamen *materia gravitans*, utpote continuo applicata & necessario operans, præstare valet, adeoque etiam hæc sola motum acceleratum per se causat : unde & rursum *abstrahitur a resistentia* medii, saltem sensibili : itemque corpus grave consideratur in *distantia* respectively *modica* a centro telluris, ita ut impetus gravitatis notabilem differentiam non petat aut inferat; aliter enim loquendum de *corporibus cælestibus*, quæ continuo in vastissimis orbitis moventur.

CCCLXXII. *Scholion* II. Ipsam medii, seu aeris, resistentiam pro causa motus accelerati corporum libere descendendum assignare quidam volunt, dicentes, ideo motum gravium continuo augeri & crescere, quia medii resistentia identidem minuitur & decrescit : ast huic opinioni manifestè obstant sequentia. I. Quod motus gravium acceleratus similiter, & quidem accuratissime, fiat experient in medio non resistente, videlicet in æci-
Medii resistentia non causat motum acceleratum.

piente

Sect. II.

piante exhausto aere. II. Resistencia
 medii nedum accelerationem motus
 non promovet, sed & successive ita
impedit, ut tandem motus ille *accelera-*
tus in *aequabilem* transeat, ut mox dice-
 tur. III. Effectus *positivus*, quo v. g.
 lapis ex altissima turri demissus ictum
 validum & lethalem capiti humano in-
 fligit, nequit adscribi *meræ negationi*,
 qualis est *resistentiae decrementum* &c.:
 ergo.

PROPOSITIO II.

Seclusa medii resistencia liber' gra-
 vium descensus est uniformiter acce-
 leratus, & quidem secundum progressionem
 Arithmeticam numerorum impa-
 rium 1, 3, 5, 7, 9, &c.

Gravia li- CCCLXXIII. PROBATUR I. *pars.*

bere ca- Motus *uniformiter ac-*
 dentia mo- *celeratus* est, qui a quiete recedens tem-
 tum uni- poribus æqualibus æqualia celeritatis
 formiter augmenta suscipit (CCCLXVIII) at-
 accelerant. qui seclusa medii resistencia ita contin-
 git in corporibus gravibus libere deci-
 dentibus; ergo. p. m. *vis* enim *accele-*
ratrix, a fluido gravitante proveniens,
eadem tunc est singulis minutis, &
 quia

quia non impeditur, *semper agit*, quantum potest: ergo æquales erunt impulsus, qui singulis momentis in corporibus gravibus deorsum cadentibus ab ea producuntur, adeoque & eadem corpora, a quiete recedentia, temporibus æqualibus æqualia celeritatis augmenta recipient, hoc est, eorum celeritas ea ipsa proportionem augebitur, qua tempus crescit. (n. cit.).

CCCLXXIV. PROBATUR II. pars. Et quidem

Ratione physica. Gravitas, dum corpus mobile descensum inchoat, in primo instanti sensibili & divisibili (nam quia motum hic physice ac sensibilibiter pertractamus, tempora æque ac spatia dividere nobis liceat in partes physice minutissimas, quales sunt sic dicta instantia, seu minuta secunda, ex quibus 60 conficiunt unum minutum primum horarium) successive producit impetum, qui cum sub initium istius primi instantis sensibilis nondum sit completus, sed primum sub finem illius complectitur, corpus movebit e.g. per unum pedem. Porro quoniam hic impetus sub initium secundi instantis est completus, & perseverat, corpus ab hoc ipso impetu in secundo instanti per duos pedes promovetur.

Sect. II.

movebitur; certum est enim, quod impetus *successive* productus, & motum v. g. *unius* pedis causans, intra idem tempus confecisset *duplum* spatii, sive *duos* pedes, si ab initio illius temporis jam *totus* exstitisset, eoquod causa, quæ, dum producit effectum, singulis momentis æquabiliter *augetur*, duplo plus effectus producat, si jam ab initio habeat & servet totum hoc augmentum: causæ quippe virtus *successive* crescens non nisi *successive* quoque *majorem* effectum producere valet: ergo virtus *causæ completa*, & cum *omni* statim *conatu* agens, producet effectum *plenum*, & cæteris paribus, sibi pro singulis instantibus constantem. Quia item in *secundo* hoc *instanti* gravitas tanquam causa necessaria denuo *successive* producit novum impetum, qui similiter primum sub finem ejusdem instantis secundi completur, corpus per hunc impetum movebitur adhuc per unum pedem, ideoque in secundo instanti completo conficiet *tres* pedes, (duos videlicet *sub temporis initium* jam jam completos & integros, unum autem in *fine* minuti secundi primum integrum & completum). Eodem modo discurrendum est de *tertio instanti*: nempe adsunt *sub initium* illius instantis

tis duo impetus *completi*, perseverantes ob indifferentiam passivam, (CCC) qui movent corpus per 4 pedes; (eo ipso enim, quia uterque impetus statim ab initio *integer & completus* existit, juxta mox dicta, *duplus* utrique effectus correspondet) simulque, ut prius, a gravitate tertius *successive* accedit impetus, *sub finem* tertii instantis movens adhuc per unum pedem: ergo hoc minuto tertio corpus grave 5 pedes peragrabit. Quarto minuto secundo mox ab initio tres habentur completi impetus, ex motu prioris instantis denuo remanentes, quibus cum ex pari ratione *dupli* effectus competant, isti per se movebunt corpus per 6 pedes, & quia itidem gravitas pro more suo successive sub finem quarti instantis suum impetum complet, 7 pedes a mobili conficiuntur. Atque ita deinceps tum collectio acquisiti *impetus perseverantis*, tum gradus novus, a gravitate addi solitus, motum augebunt, ut excessus post unitatem semper æqualis binario deprehendatur, quem binarium in sequenti instanti continuo efficit impetus, in instanti præcedenti *successive* a gravitate productus, & consequenter motus acceleratus, seclusa medii resis-

sten-

II.

stentia, accurate fit secundum progressionem Arithmeticam numerorum imparium 1, 3, 5, 7 &c. Id quod etiam Galileus, progressionis hujus primus observator, alique complures industrii, & in Mathematicis simul ac Physicis versatissimi Viri, teste Cl. D. Purchotio *Phys. gen. p. 1. Sect. 4. c. 11.* pluribus in locis, sed nominatim in observatorio Regio Parisiensi, adhibita omni diligentia comperere, tum in corporibus libere descendentibus, tum in motu etiam pendulorum, de quo paulo inferius agemus.

Idque Geometrice ad oculum exhibetur.

Tab. IV.
Fig. 8.

CCCLXXV. *Scholion.* Præcedentis Theorematis secunda pars Geometrice perquam clare demonstrari, & oculis exhiberi valet hoc modo. Sit triangulum ABC , cujus latus AB , in 4 partes æquales distinctum, *temporum* æquales minutias, queis durat corporis dati lapsus, designet, lineæ autem ad basin BC parallelæ 1 e, 2 fg, 3 hi, repræsentent *celeritates*, temporibus suis proportionales (certum quippe est ex Geometriæ principiis, quod, si linea basi parallela, secet latera, *proportionaliter* illa secet:) Jam supponamus, quod corpus grave ex puncto quietis, seu

seu vertice trianguli A discedens, velocitatis augmentum in primo instanti successive sic acquirat, prout vertex A sensim dilatatur usque in $1 e$, erit impetus primo instanti a gravitate productus $=$ areæ trianguli A $1 e$. In secundo instanti corpus decedens, quod nunc impetum completum, seu velocitatem ipsi $1 e$ proportionalem jamjam obtinuit, ob indifferentiam passivam ad quietem, retinebit eundem impetum, & cum eo describet spatium, spatii seu lineæ prioris $1 e$ duplum (adeoque æquivalens Parallelogrammo A $1 d e$, quod juxta Geometras est duplum trianguli A $1 e$) id, est in secundo instanti corpus delabens producet motum similem Parallelogrammo A $1 d e$, exprimendum per æquivalens Parallelogrammum $1 e 2 f$, huic a gravitate, motum similiter, ut in primo instanti, sensim accelerante superadditur in eodem instanti impetus successive completus, qui designatur per triangulum $e f g$, igitur dum vis utraque (scilicet impetus completus, ex instanti priori completo perseverans, unacum impetu successive a gravitate noviter producto) conjungitur, erit spatium, in secundo instanti

A a a

descri-

Sect. II.

descriptum, prioris $A 1 e$ triplum, nempe trapezium $1 e 2 g$. In tertio instanti duo impetus, completi remanentes ex priore instanti, & per lineam $2 f g$ designati, efficiunt motum æquivalentem parallelogrammo $2 g 3 h$, hoc est, quadruplum trianguli $A 1 e$, per vim autem gravitatis continuo prementis describetur nova lineâ, indicanda per triangulum $g h i$, adeoque in hoc instanti dabitur motus primi quintuplus, videlicet uti trapezium $2 g 3 i$, quod est quintuplum trianguli $A 1 e$, eoquod per lineas diagonales in totidem triangula resolvi queat, ut ex figuræ inspectione liquet. Simili modo etiam in quarto instanti, & aliis subsequentibus res procedit: & consequenter acceleratio velocitatis fit per numeros impares, ita scilicet, ut, si in primo instanti una linea, seu spatium a corpore percurritur, in secundo tria, in tertio quinque &c, percurrantur, seclusa semper medii resistantia sensibili.

Etque motus uniformiter acceleratus magis declaratur.

CCCLXXVI. Corollarium I. Ex hac ipsa declaratione Geometrica clare elucet, quam verum sit, quod in Propositionis præcedentis prima parte assertum a nobis fuit, nempe quod liber gravium descensus dempta medii resistantia fit.

fit uniformiter acceleratus (CCCLXXIII), vere namque ex cit. figura ad oculum patet, quod vis, qua corpora gravia deorsum moventur, æqualibus temporibus æqualiter accrescant, cum etiam triangula A i e, e f g, g h i, i k C, accelerationis incrementa denotantia, æqualia ac plane uniformia sint.

CCCLXXVII. *Corollarium II.* Inde *Spatia sunt* & facile capitur tritum illud Mechani- ut quadra-
corum assertum, dicentium, quod *spa-* ta tempo-
tia, a decidente gravi corpore descri- rum.
pta, si ab initio motus singula compu-
tentur, *sunt in ratione duplicata suorum*
temporum, sive ut quadrata temporum
interea elapsorum; nam summa area-
rum, in primo & secundo instanti per-
cursarum, est ad aream in primo solo in-
stanti percursam, ut triangulum A i e
ad triangulum A 2 g, summa item li-
nearum, in primo, secundo, & tertio
instanti descriptarum, est ad lineam in
primo instanti descriptam, ut triangu-
lum A 3 i ad triangulum A i e, id est
in duplicata semper ratione laterum
(*geometr.*): nempe in primo tempusculo
corpus grave deorsum labens percurrit
unum triangulum A i e, designans *unam*
partem spatii, hujus autem tempusculi
A a a 2 qua-

Sect. II.

quadratum est 1, (nam $1 \times 1 = 1$) ergo spatium se habet, ut quadratum primi temporis. In secundo tempusculo corpus conficit tres partes spatii, nempe trapezium 1 e 2 g, quibus si addatur area trianguli; in primo tempusculo descripta, erunt 4 partes spatii, seu 4 triangula, in secundo instanti descripta: secundi porro tempusculi quadratum est 4 (nempe $2 \times 2 = 4$): ergo partes spatii, si ab initio casus computentur, rursus erunt ut quadrata temporum. In tertio instanti conficit quinque partes spatii (scilicet Trapezium 2 g 3 i, quod in quinque triangula per lineas diagonales resolvi valet) istis si adjungantur tres partes spatii, in secundo instanti percurse (videlicet Trapezium 1 e 2 g, æquivalens tribus triangulis) unacum triangulo A 1 e, in primo instanti percurso, summa erit $= 9$, seu novem triangula, idem autem est quadratum tertii tempusculi, $3 \times 3 = 9$. In quarto instanti seu tempusculo, cujus quadratum est 16 (nam $4 \times 4 = 16$), corpus grave sponte delabens percurrit septem spatii partes, nempe trapezium 3 i 4 C (quod septem triangula in se continet): his si rursus adjiciantur quinque partes in tertio instanti, tres in

in secundo, & una in primo tempusculo emensæ, summam conficiet $\equiv 16$, (nam $7+5+3+1 \equiv 16$.) seu 16 triangula, in ea figura contenta, totam motus per 4 temporis instantia accelerationem exhibebit, & quidem juxta imparium numerorum Arithmeticam progressionem.

CCCLXXVIII. Scholion. Similiter Numerus autem & praxis Geometrica docet, quadratus quod quivis numerus quadratus ex imparium numerorum additione fiat; sit enim v.g. unitas C a, cujus quadratum additione C a b c ut extendatur, ac majus red-
 datur, ex utroque latere alia quadrata addi debent, videlicet d e b a & b f g c, Tab. IV. eisque adhuc per diagonalem jungendum est ad verticem quadratum tertium e h f b, & sic quadratum isthoc secundum d h g C ex trium simplicium additione coalescit. Pari modo quadratum tertium componitur tum adjungendo ex utroque latere prioris quadrati duo quadrata simplicia i k e d, l k h e, m h n f, n f o g, tum & quadratum diagonale p l m h, ita ut tertium quadratum compositum i p o C, quinque quadrata simplicia quatuor quadratis secundi quadrati d h g C superaddat. Nec minus quartum quadratum q z y C septem,

Sect. II.

& quadratum E P O C novem simplicia quadrata adjungit, ac ita porro &c.

Spatia sunt etiam ut quadrata celeritatum & impetuum. Tempora vero & celeritates ut radices quadratae spatiorum, seu altitudinum.

CCCLXXIX. Corollarium III. *Spatia percurfa sunt ut quadrata celeritatum & impetum*; nam singulis temporibus *gravitas*, utpote causa *necessaria*, &, ut supponitur, rite *applicata*, producit *impetum*, cui proportionalis est *celeritas*: ergo cum spatia se habeant ut quadrata temporum (CCCLXXVII), etiam sunt ut quadrata celeritatum & impetuum, econtra autem tempora, celeritates & impetus sunt in *ratione sub duplicata* spatiorum, sive inter se ut radices quadratae spatiorum, uti ex *Arithmetica* constabit. Et quoniam *spatia*, cadendo percurfa, sunt *altitudines*, ex quibus gravia corpora descendunt, similiter quoque impetus, per delapsum obtenti erunt in *ratione subduplicata altitudinum*, id est, si corpus delabatur ex altitudine $\equiv 1$, impetus, delabendo acquisitus, erit $\equiv 1$: si cadat ex altitudine $\equiv 4$, impetus erit $\equiv 2$: si cadat ex altitudine $\equiv 9$, habebit impetum $\equiv 3$, & sic deinceps. Ita Cl. Gravefandius facto experimento deprehendit, quod globus ex altitudine trium digitorum in exactae bilancis lancem demissus eleaverit

verit pondus *unius* libræ: & ex altitudine 12 digitorum demissus elevaverit pondus 2 librarum, itemque ex altitudine 27 digitorum pondus 3 librarum: adeoque impetus in levando pondere ex altitudine $\equiv 1$, fuit $\equiv 1$: ex altitudine $\equiv 4$ (id est $3 \times 4 \equiv 12$) $\equiv 2$: & ex altitudine $\equiv 9$ (nempe $3 \times 9 \equiv 27$) $\equiv 3$ &c.

CCCLXXX. *Corollarium IV.* Igi-Praxis, co-
tur cognito lapsus tempore, ac spatio, gnito la-
in primo temporis instanti percurso, to-
tius spatii mensura facillime determi-
nari valet, si illud spatium, prima tem-
poris particula decursum, per quadra-
tum temporis, quo integer lapsus con-
tingit, *multiplicetur*. e. g. sit tempus
lapsus $\equiv 4$ min. quorum primo minuto
corpus 6 pedes percurrat, cum qua-
dratum temporis sit $\equiv 16$, hoc ductum
in 6, dabit spatium integrum $\equiv 96$
pedum, vicissim si detur tempus, quo
grave descendit, & altitudo seu spa-
tium, ex quo intra datum tempus de-
scendit, determinari potest spatium, in
singulis temporis istius particulis per-
cursum, si data altitudo *dividatur* per
quadratum dati temporis: e. g. cadat
corpus grave intra 4 minuta secunda

Sect. II.

ex altitudine 96 pedum, data altitudo 96 dividatur per quadratum dati temporis 4, $\equiv 16$. quotus 6 pedum erit spatium, *primo tempore* decursum: jam ut eruatur spatium pro secundo tempore seu *minuto*, (in quo crescit acceleratio ut 3) 6 pedes, primo tempore absoluti, multiplicentur per gradum accelerationis 3, factum $6 \times 3 = 18$, dabit spatium pro secunda temporis parte (idem quotus prodibit, si numerus 96 ducatur in 3, & factum 288 dividatur per 16, quod est quadratum temporis). In *tertio tempore* quia acceleratio augeatur ut 5, iidem 6 pedes, in primo minuto percursum ducantur in gradum accelerationis 5, factum $6 \times 5 = 30$ erit spatium pro tertia temporis parte (idem quotus rursus prodibit, si 96 ducatur in 5, & factum 480 dividatur per 16). *Quarta* denique *temporis parte* descriptum spatium invenietur, si illi ipsi 6 pedes multiplicentur per gradum accelerationis 7: nempe $6 \times 7 = 42$; totidem enim pedes in postremo hocce minuto corpus decidens peragrabit. Idem denuo quotus resultabit, si altitudo 96 pedum ducatur in 7, & factum 672 dividatur per 16) est autem summa spatiorum $6 + 18 + 30 + 42 = 96$,
quod

quod est totum spatium, seu altitudo,
ex qua mobile descendit.

CCCLXXXI. *Scholion.* Ex jactis Aliorum
hiscæ principiis sequentium quoque adhuc Pro-
Problematum facilis solutio habetur. blematum
solutio.

I. *Dato tempore, quo spatium a corpore*
gravi decurritur, invenire tempus, quo
aliud spatium ab eodem corpore descendente
decurri potest. e. g. delabatur lapis tem-
pore 2 minut. sec. ex turri, 68 pedes
alta, quæritur, quale tempus exigat,
si delaberetur ex altitudine 153 pe-
dum? *Solutio.* Dicatur juxta Theo-
riam de *proportionibus*: sicut se habet
spatium 68 pedum ad aliud spatium
153 pedum, ita pariter se habet qua-
dratum dati temporis 2 minut. sec. ad
quadratum temporis x. quæsitum: hujus-
que radix erit tempus quæsitum: fiat
ergo $68 : 153 = 4 : 9$. Radix porro
numeri quadrati 9 est $= 3$, adeoque
& tempus 3 minutorum sec. quæsitum
prodibit.

II. *Dato item tempore & spatio, a cor-*
pore gravi decurri solutio, invenire aliud
spatium, quod certo tempore a mobili per-
curritur. e. g. ex Hypothesi, quod lapis
tempore 5 minut. sec. delabatur per
spatium seu altitudinem 170 pedum,
quæritur spatium seu altitudo, intra

Sect. II.

certum tempus 6 minut. sec. simili celeritate decurrendum. *Solutio.* Fiat per Regulam proportionum : ut se habet quadratum temporis $5 = 25$ ad quadratum temporis $6 = 36$, ita quoque se habet spatium datum 170 pedum ad spatium x quæsitum, videlicet $25 : 36 = 170 : 244 \frac{2}{3}$ ped.

III. *Altitudinem turris aut putei lapsu demissi lapidis determinare.* *Solutio.* Cum ordinarie, & per se loquendo, quodvis mobile intra 1 min. sec. absolvat cadendo spatium 15 pedum, si v.g. lapis intra 4 minuta secunda, seu totidem fere arteriæ pulsus, ad suppositum turri solum, aut aquam putei perveniat, dicatur denuo per Regulam *de tri* : prout se habet 1 minutum sec. ad 15 pedes ; ita quadratum temporis $4 = 16$, ad altitudinem quæsitam, eritque adeo $1 : 15 = 16 : 240$, id est, altitudo turris aut putei erit 240 pedum. Alias adhuc praxes e.g. conficiendi *Clepsydram*, vel *chronometrum*, seu instrumentum mensurandi temporis &c. ex datis principiis videre est apud Cl. P. Hauser *Phys. gen. p. 3. §§. 890 & 893.*



PRO-

PROPOSITIO III.

Acceleratio corporum libere descendendum in medio resistente suos terminos habet, ultra quos in motum æquabilem transit.

CCCLXXXII. PROBATUR. Medium **Acceleratio** enim resistens, scilicet **habet** *aer* aut aliud fluidum, dum sui divisioni identidem reluctatur, & quidem **suos limites, exacte non computandos.** semper eo magis, quo *velocius* corpus grave descendit, successive tandem corpori delabenti tantum velocitatis ac impetus detrahit, quantum singulis instantibus a gravitate de novo accipit: ergo motus in illo corpore deinceps tantus præcise erit, quantus foret, si *gravitas* non adesset. *Subj.* atqui gravitas unice causat motus *accelerationem* per novos impetus, quos in singulis instantibus corpori descendenti superaddit, ut hætenus non semel dictum est: ergo Acceleratio corporum libere descendendum in *medio resistente* suos terminos habet, ad quos delatum quodvis mobile motu deinceps æquabili delabatur, hoc est æqualia temporibus æqualibus spatia decurret. p. A. impetus a *gravitate* elicitus in hoc casu totus

Sect. II.

tus conniti debet ad superandam *medii* resistentis vim contrariam, & prout supponitur, sibi prorsus *æqualem*: ergo eo ipso eliditur actotus absumitur adeoque corpori delabenti detrahitur, & in instantibus succedentibus deest: quare dum corpori delabenti nonnisi *impetus* jam antea *acquisiti*, atque ob indifferenciam passivam ad quietem *perseverantes*, reliqui manent, necesse omnino est, ut illud motu tantum *æquabili* (qualem dictæ vires reliquæ præcise exigunt), sive ultimo celeritatis gradu, pergat moveri.

CONFIRMATUR. *Experimentis I.* Parva *papyri* frustula aut *lignorum* segmenta, *lanæ* item vel *gossipii* portiones ex loco altiori libere demissæ, post decurfos circiter motu *inæquali* 12 aut 15 pedes deinceps motu ad sensum *æquabili* descendere notantur, ob resistentiam scilicet *aeris*, accelerationis limites efficientis. II. Similiter & globulus stanneus vel lapideus per aquam, in tubo vitreo quatuor fere pedum inclusam, emenso *inæqualiter* uno circiter altitudinis pede, reliquos motu *æquabili* emetietur, ut vibratio penduli perquam commode denotare solet: nempe aqua densior est quam aer, unde
&

& citius accelerationem motus æquili-
brat : indeque ratio datur, cur hacten-
us certos ac determinatos accelera-
tionis terminos statuere nemo potuerit,
quia scilicet in diversis casibus ad di-
versam resistentis medii densitatem,
nec non ad diversam gravium deciden-
tium figuram, pondus, volumen, mo-
tus velocitatem &c attendi debet. Cl.
P. de Chales citatus a Cl. P. Hauser
Phys. gen. p. 3. §. 880. existimat credi-
bile, accelerationem non pervenire ad
quinque aut sex minuta secunda, neque
ad 300 pedes, alii tamen plures, alii
pauciores assignant pedes : in praxi
juvat hic calculum inire potius cum
Physicis, quam cum Mathematicis !

CCCLXXXIII. *Corollarium I.* Istud Motus
igitur axioma, quo dicitur, quod *mo-* quomodo
tus in fine sit velocior, veritati tunc so- sit in fine
lum conforme est, si vel medium non velocior?
resistat (CLXI. IV.) vel si corpus grave
descendens suum accelerationis termi-
num nondum attigerit, prout ordina-
rie contingit. Interim tamen cum sæpe
laudato Cl. P. Hauser *loc. cit. § 881*,
dicendum, quod etiam in *vacuo*, ut
ajunt, *Boyleano*, motus acceleratio ad
æquabilitatem tandem transitura sit,
si

Sect. II.

si motus eam celeritatem obtinuerit, qua materia gravitans, globum e.g. insequens, movetur; secus *in infinitum* motus intendi posset, quod non cedit in virtutem *creatam* (Metaph. fol. 450.): rationem vero idem ille perquam claram adducit hanc, quia si duo quædam corpora, in motu posita, ita sese insequuntur, ut eadem ambo celeritate moveantur, tum corporis impressiones in prius corpus manifeste initæ sunt, nec hujus velocitati quidquam addunt, quippe impetus ad extra præcise agit ad tollendum sui motus impedimentum; in posito autem æqualis utrinque velocitatis casu nullum plane occurrit impedimentum in globo: ergo &c.

Motus acceleratio
ubi citius
imminuat
tur?

CCCLXXXIV. *Corollarium II.* Quoniam aer, aliudve medium fluidum corporibus in specie levioribus magis resistit, hinc eorum quoque motus acceleratio limites suos citius acquirit, & quidem eo citius, quo amplior est eorum superficies anterior, ac proinde aeris excipiendi capacior: econtra vero motum acceleratum diutius continuant corpora in specie graviora, & sub parvo volumine majus pondus continentia, sic navis celerrime mota, si
ex-

expansis velis majus volumen nanciscatur, ad motum æquabilem citius redigitur, & idem globus in plures particulas divisus minore vi ex sclopeto ejicitur, quam si fuerit integer.

CCCLXXXV. *Scholion.* Quantæ Utilitas ac utilitatis, imo & necessitatis, in natura sit acceleratio motus, cum Cl. P. Fort. a Brix. *Phys. gen. p. 2. §. 1623*, inde deducere licet, quia, si illa non existeret, sane decidentia gravia corpora tanta seguitie in terram descenderent, ut multorum annorum intervallo ad spatium 15 pedum percurrendum indigerent; nam factò calculo, qui loco citato legi potest, ex dicto spatio seu altitudine 15 pedum cadere corpus grave haud posset, nisi intervallo 5322382 annorum, & hinc si ab initio lapis ita cecidisset, ut æquabilis esset ejus motus, & primo minuto decimo spatium ipsi respondens peragrasset, non adhuc temporibus nostris septimam digiti partem, ut judicat Cl. P. de Chales, perfecisset. Unde & in hac parte auctor naturæ, qui mundo in necessariis nunquam deest, machinæ orbis terrarum sapientissime providit: ne tamen is ipse motus continuo acceleratus terræ incolis noceret v. g.

in

Sect. II.

in decidentibus pluviis, aut nivibus &c, ita eum providentissime attemperavit, ut tandem in motum *aquabilem* ac *retardatum* transiens, hominibus, brutis, ac plantis innoxius fieret.

PROPOSITIO IV.

Motus corporum gravium, sursum violenter projectorum, eodem modo retardatur, sicut motus deorsum libere cadentium acceleratur.

Motus re- CCCLXXXVI. **PROBATUR I.** In
tardatus. motu corporum, sursum violenter projectorum duplex impetus secundum directiones e diametro sibi oppositas agit, unus scilicet *sursum*, a vi projectili impressus, qui demptis obstaculis motum *aquabilem* produceret. *Alter deorsum*, a gravitate proveniens, atque ad motum, tum *directione* tum *acceleratione* oppositum, sollicitans: ergo prior ille impetus a vi projectili impressus, successive *minuitur*, ac tandem vi gravitatis, per novos continuo impulsus prementis, omnino extinguitur, utut ab initio multo fortior fuerit, quam vis ac impetus oppositus, consequenter etiam motus *sur-*

furfum projectorum *retardatur*, & qualem *eodem modo*, ficut motus deorfum libere cadentium *acceleratur*, id est, *uniformiter*, & fecundum numeros *impares* (CCCLXXIII, & CCCLXXIV). Id quod fpecialiter

PROBATUR II. Nam *quoad 1^{um}*, ^{fit unifor-}
 Motus gravium furfum projectorum ^{miter,}
 æqualibus temporibus patitur æqualia
 celeritatis decrements: ergo *uniformiter* retardatur. P. A. dum quodcunque corpus grave furfum projicitur ad perpendiculum, materia gravitans *eadem via* illud deorfum continuo urget: ergo fingulis instantibus elidit *aliquem* gradum virium furfum impreffarum, & quoad directionem oppofitarum, confequenter motum *uniformiter* retardat, ut adeoque tale corpus furfum violenter projectum non nifi subduplum feu dimidium percurrat fpatium, refpectu illius, quod eodem tempore in plano Horizontali percurriffet cum ea celeritate & vi, qua pollebat fub initium impreffionis factæ; motus namque pofteriori hoc modo contingens fecundum directionem i e, decurriffet fpa-Tab. IV.
 tium æquivalens integro *Parallelogram*-Fig. 2.

B b b

mo

P. Ofter. *Physic. Pars I.*

Sect. II.

mo 1 e 2 f, vel 1 e d A, (eoquod impetus supponatur esse completus) at vero motus posteriori modo impeditus a vi gravitatis, continuo aliquid virium secundum directionem 1 A decerpentis, decurrit solummodo spatium æquivalens *triangulo* e 1 A, quod juxta Geometriam est dimidium Parallelogrammi. 1 A d e. similiter

Est secundum numeros impares.

Quoad 2dum. Eadem est ratio, quæ proportionem illam secundum numeros impares ordine retrogrado (videlicet 9, 7, 5, 3, 1) in *ascensu* corporum gravium evincit, ac est illa, quæ eam in *descensu* ad oculum exhibet (CCCLXXV); sit enim in citata figura linea A B signum denotans 4 tempora æqualia; linea autem B C repræsentet impetum, a vi projectili communicatum corpori fursum ascendenti secundum directionem B A, aspicienti clare patebit 1. quod, sicut per *descensum* motus *uniformiter* accrescit per novum semper triangulum, in fine cujuslibet instantis completum, ita in *ascensu* motus *uniformiter* decrescat, & uno semper triangulo minor fiat. 2. quod, sicut in *descensu* primo tempore *unum*, in secundo *tria*, in tertio *quinque*,

que, ac tandem in quarto *septem* triangula a gravi libere delabente percurruntur: sic.econtra in *ascensu* corpus violenter projectum in primo instanti *septem*, in secundo *quinque*, in tertio *tria*, in quarto unum tantum triangulum emetiatur: nimirum quia gravitas singulis instantibus *unum* impetum auferit, loco *Parallelogrammi* continuo prodit *triangulum*, tanquam dimidium *Parallelogrammi*, seu, quod idem est, ut *subduplum spatii*, prout mox dictum est.

CCCLXXXVII. *Corollarium 1.* Quia Vis corpori fursum projecto resistens primo minuto secundo per 15. pedes, & sic deinceps juxta progressionem numerorum imparium, deorfum urgere solet, facta Hypothesi, quod impetus, a vi projectili corpori fursum projecto violenter impressus, quolibet momento sufficiat ad motum = 180 pedum producendum, idem ille impetus ab impetu contrario materiae gravitantis post 6 minuta sec. ita diminuetur, ut sub initium septimi minuti sec. vis gravitatis cum motu corporis projecti violento sit ejusdem virtutis, seu in æquilibrio: unde corpus motu suo violento destitutum, ex

B b b 2

tunc

Sect. II.

tunc non amplius sursum, sed juxta directionem gravitatis acceleratione simili, sed *retrograda*, intra totidem minuta sec. prout ascenderat, descendere incipiet, ut sequens schema declarat.

Via Corporis in ascensu.

	<i>Vires totales</i>	<i>aggravitate imminutæ.</i>
I Minuto sec.	180 = 15. =	165.
II Min. sec.	180 = 45. =	135.
III Min. sec.	180 = 75. =	105.
IV Min. sec.	180 = 105 =	75.
V Min. sec.	180 = 135 =	45.
VI Min. sec.	180 = 165 =	15.
sub fin. VI Min. sec.	motus erit =	0

Via Corporis in descensu.

Vires solius gravitatis prementis

VII Min. sec.	= 15.	
VIII Min. sec.	= 45. (id est 15 × 3)	
IX Min. sec.	= 75. (id est 15 × 5)	
X Min. sec.	= 105. (id est 15 × 7)	
XI Min. sec.	= 135. (id est 15 × 9)	
XII Min. sec.	= 165. (id est 15 × 11)	

CCCLXXXVIII. *Corollarium II.* In-Corporis
 de etiam constat, tantum præcise tem-^{projecti in}
 poris a corpore gravi sursum projecto^{terram de-}
 (seclusa medii resistantia) pro *ascensu*^{scensus}
 impendi, quantum pro *descensu* insu-^{quomodo}
 mitur, ideoque facillime ex dimidiotur?
 temporis quadrato altitudinem solius
 ascensus erui posse; nam e. g. si con-
 stet, globum ex sclopeto vel tormento
 explosum intra 12. Minuta sec. in ter-
 ram cecidisse, manifeste colligere licet,
 sex Minuta sec. *ascendendo*, & sex alia
descendendo fuisse consumpta: igitur cum
 grave corpus primo descensus minuto
 sec. 15. pedes emetiatur, hi ducti in
dimidii temporis quadratum = 36, fa-
 ctum exinde consurgens = 540 indica-
 bit, totidem pedes a dicto gravi cor-
 pore in *descensu* esse confectos.

CCCLXXXIX. *Corollarium III.* Spa-Motus eor-
 tia, quæ percurrit corpus grave sur-^{porum}
 sum ascendens, si computentur usque^{projecto-}
 ad finem motus, in medio non resi-^{rum ex op-}
 stente decrescunt in *ratione duplicata*^{posito se-}
 tum *temporum* tum *celeritatum*: & vi-^{habet ad}
 cissim tempora & celeritates, si spe-^{motum li-}
 ctentur eodem modo, in ratione sub-^{bere ca-}
 duplicata spatiorum minuuntur. Nem-^{dentium.}
 pe ubique de motu gravium violento

Sect. II.

furfum ratiocinandum est *in oppositum* ad motum gravium deorsum (CCCLXXVII & CCCLXXIX) quæ contra hætenus dicta obiici ex sinistra vocum integritate forte possunt, consulto hic omisso, eo quod facillime solvi queant, 1. modo probe distinguatur inter motum *æquabilem* & *acceleratum*, inter impetum *completum* & *successive acquirendum*, inter spatia *sensibilia* & *insensibilia*, itemque inter motum, qui fit in *medio resistente* & non resistente &c.

**Corporum
Elastico-
rum motus
est simili-
ter accele-
ratus, sed
non uni-
formiter.**

CCCXC. *Scholion.* Quæ de motu corporum gravium libere cadentium in præsens diximus, etiam suo modo corporibus *Elasticis* (CXLI & seqq.) applicari valent, nam illa quoque corpora, saltem si sint *valde Elastica*, in sui post compressionem in pristinum situm restitutione motum *accelerant*; cum enim quodlibet corpus *Elasticum* sit causa *necessaria*, seu *naturaliter* agens, vere singulis instantibus producit novum impetum (ut *gravitas* in motu gravium), simulque impetus prius productos tamdiu conservat, donec ad æquata & perfecta restitutio sequatur: ergo eo ipso dum impetus augetur, etiam motus, tanquam illius effectus auge-

augetur, & *acceleratur*, non tamen omnino *uniformiter*; nam, præterquam quod corporum, corpora *Elastica* sese restituentia circumstantium, plerumque facta quædam compressio, ulteriori eorundem dilatationi proportionaliter resistat, ac restitutionis motum plus minusve retardet, etiam vis *Elastica* in actu secundo non continuo eadem perseverat toto illo tempore, quo restitutio contingit, sed successive decrefeit ea proportionem, qua corporis compressio sensim minuitur.

ARTICULUS IV.

De motu gravium impedito per planum, Horizonti inclinatum.

CCCXCI. **P**lanum inclinatum dicitur Planum inclinatum. quodvis corpus, planam clinetum. habens superficiem, cujus altitudo *AB* est perpendicularis, longitudo autem *Tab. V. A C* ita ad Horizontem *BC* inclinata, *Fig. 1.* ut cum ista angulum *acutum*, seu recto minorem *ACB*, constituat, qui & Angulus inclinationis. *angulus inclinationis*, seu *elevationis* vocatur. inclinationis. Hæc machina frequentem apud *Mechanicos* usum habet, quando onera *majora* attollere aut deponere cupiunt,

Sect. II.

piunt, nimirum ne tota sua gravitate potentiae motrici resistant, sed gravitatis partem in planum illud reclinant.

Plana similia & diversa. Plana porro *similia* sunt, quæ similem ad Horizontem inclinationem habent, seu quorum anguli elevationis aut inclinationis sunt æquales: *diversa* vero denominantur, quæ cum plano Horizontali B C angulos inæquales faciunt. Si *longitudo plani inclinati* A C, seu linea illa recta, per quam corpus grave descendere solet, accipiat pro radio, & ex C tanquam centro concipiatur descriptus circulus, erit eadem ipsa plani longitudo A C semidiameter dicti circuli, diciturque *sinus totus*, sive anguli recti: *altitudo vero plani inclinati* (hoc est, recta perpendicularis A B, ducta ex puncto extremo longitudinis ipsius plani A in planum Horizontale B) denominatur *sinus anguli inclinationis* sive *elevationis* ipsius plani.

Sinus totus.

Altitudo plani.

Sinus anguli inclinationis.

Momentum.

absolutum,

CCCXCH. *Momentum* motus in corpore generaliter sumitur pro nisu sive conatu descendendi: aliud porro dicitur *momentum absolutum*, aliud *respectivum*, primum idem est ac totum seu completum ac integrum, quod scilicet tota vi sua agere potest, & reperitur

in

in illis corporibus, quæ per medium non resistens libere descendunt. *Secundum* est vis impedita ac imminuta, quæ datur in corpore, supra planum inclinatum descendente, ubi nempe impetus, a gravitate productus imminuitur, eoquod aliqua ejusdem pars ad superandam plani resistantiam impendenda sit. Sic v. g. corpus grave S. concipiatur tendere deorsum vi gravitatis juxta directionem, diagonali D. F expressam, hæc ipsa diagonalis linea momentum absolutum designabit, quo corpus S sublati impedimenti in medio non resistente terram peteret: hic autem motus simplex gravitatis cum resolvi queat in motum compositum (CCCXXXIV); lineæ duæ Collaterales D H & D G sese habebunt, ut vires duæ collaterales & partiales, vim totalem gravitatis constituentes: jam vero quia corpus S incumbit plano immobili A C, hoc illi resistit juxta directionem $D T = H D$, simulque resistendo elidit eam vim partialem, quæ per lineam H D designatur, & sic non alia vis movens superstes erit, nisi ea tantum, quæ per lineam D G indicatur: hæc ergo vis imminuta momentum respectivum nominatur. Cæterum

& respectivum.

Tab. V.

Fig. 1.

Sect. II.

etiam in hac materia abstrahimus a
 medii *resistentia*, itemque a *frictione*,
 ut demonstrationes nostræ exactius
 procedant: cum autem in praxi tum
hæc tum *illa* vitari omnino haud queat,
 experimenta quidem ad illustrandum
 motum in planis adhiberi solita, de-
 flectere quandoque non nihil videbun-
 tur a principiis & probationibus tum
 Physicis tum Mathematicis, quamvis
 alioquin verissimis: interim *error tan-*
tus non est, ut vim demonstrationum in-
fringere possit, aut experimentorum fidem
elevare debeat, inquit Cl. P. Hauser
Phys. gen. p. 3. §. 926. his præmissis
 ponitur

PROPOSITIO I.

Descensus Corporis gravis super pla-
 num inclinatum fit iis ipsis legibus,
 quibus perficitur ejusdem corporis
 descensus liber.

Descensus
 inclinatus
 sequitur.
 leges de-
 scensus
 perpendi-
 cularis.

CCCXCIII. **P**ROBATUR. Uterque
 enim motus eandem
 omnino causam habet, *gravitatem* sci-
 licet, quæ in plano inclinato vi sua non
desinitur, sed tantum pro diversa ra-
 tione inclinationis sic *impeditur*, ut ta-
 men

men in singulis instantibus ipsum corpus per novum impetum ad descensum sollicitet, eique nova identidem ac prorsus æqualia velocitatis respectivæ incrementa superaddat: ergo id ipsum, quod de *libero* gravium descensu supra diximus (CCCLXX & seqq.), etiam de eorum *super planum inclinatum* descensu tenendum est, & consequenter &c.

CCCXCIV. *Corollarium.* Descensus Adeoque igitur gravium inclinatus, æque ac li- easdem bere cadentium, 1. est *uniformiter acce-* etiam pro- *ratus*, 2. & crescit secundum *numeros* prietates *impares* (CCCLXXIV): 3. *spatia*, ab habet, si- cut iste. iis percurfa, sunt ut *quadrata* tempo- rum (CCCLXXVII) & celeritatum (CCCLXXIX), 4. Et vicissim tam *ce-* leritates, quam *tempora* crescunt in ra- tione illorum spatiorum sive altitudi- num *subduplicata*. (n. cit.) Attamen quia corpora gravia *libere* descenduntia per vim seu momentum *absolutum*, de- scendentia autem *supra planum inclina-* tum per vim seu momentum solummo- do *respectivum* delabuntur (CCCXCII), sequuntur nunc post Propositionem *primam*, quasi Regulam *universalem*, Pro- positiones, seu Theoremata *particula-* ria,

ria, vires motus gravium inclinatorum in specie magis determinantia, comparative ad momentum suum respectivum.

PROPOSITIO II.

Momentum respectivum corporis in plano inclinato est ad momentum ejusdem absolutum, ut altitudo plani ad hujus longitudinem, seu ut sinus anguli inclinationis ad sinum totum.

Momen-
tum res-
pectivum ad
absolutum
se habet ut
altitudo ad
longitudi-
nem.

ECCXCV. PROBATUR I. Ratione Physica. Corpus grave, e. g. globus S plano inclinato A B C incumbens, nequit *totam* gravitatis suæ vim exercere versus C, sed pars ejusdem corporis seu globi I D, quæ a linea perpendiculari, per punctum contactus transeunte, abscinditur, retro versus A nisum exercet: ergo ex globi segmento L subtrahi debet ea pars ponderis, quæ partem K ex altera parte æquilibrando facit, ne globus versus A relabatur, solumque id, quod huic *reliquum* est, momentum *respectivum* seu tendentiam deorsum in plano inclinato efficit. *Subsumo.* Atqui pars ista residua cum *altitudine* plani proportionem habet: ergo p. m. *subf.* momentum glo-
bi

bi *absolutum* æquivalet longitudini A C, si basi C verticaliter insistat; tunc enim corpus (si nempe altitudo foret æqualis longitudini, hoc est, si corpus omnino libere & perpendiculariter posset decidere) *omnes* suas vires ad motum deorsum posset impendere: ergo si basis versus A sit inclinata, pro ratione altitudinis majoris vel minoris etiam major vel minor pars momenti absoluti ablata peribit, ac demum si *nulla* prorsus sit altitudo, id est, si planum nullo modo sit inclinatum sed Horizontale, ac proin longitudo cum basi coincidat, globus *nullas* omnino vires ad motum expeditas habebit, sed fulcietur & quiescet: ergo vires ad motum expeditæ in corpore mobili super planum inclinatum se habent ut plani altitudo &c, seu ut *sinus anguli inclinationis ad sinum totum* (CCCXCI).

PROBATUR II. *Geometrice*. Momentum *absolutum* in plano A C descendentis globi S exhiberi valet per lineam D F, Horizonti perpendiculariter insistentem; hanc quippe directionem recta deorsum tendentem sequitur *gravitas*, quæ est momenti *absoluti* origo: momentum vero *respectivum* per lineam D G
desig-

Sect. II.

designari potest, oriturque tum a *reactione plani* secundum directionem D T, tum ab ipsa *gravitate*, agente, ut dictum est, secundum directionem D F, adeoque Linea D G est linea *diagonalis* motu *composito* a duplici potentia descripta (CCCXXVII), & quidem eodem tempore, quo vi solius gravitatis *absoluta* globus libere delapsus fuisset per lineam D F. *Subsumo*. Atqui D F est proportionalis longitudini A C, & D G altitudini A B, nam triangulum D G F est simile triangulo A B C, adeoque cum & latera & anguli similium triangulorum inter sese *proportionem* habeant (Geometr) erit $D G : D F = A B : A C$, hoc est, *momentum respectivum ad absolutum ut altitudo plani ad hujus longitudinem, seu ut sinus anguli inclinationis ad sinum totum*. Videantur etiam paulo ante dicta. (CCCXCII.)

Vires respectivæ sunt minores absolutis, ideoque motum tardiorē causant.

CCCXCVI. Corollarium I. Vires igitur *respectivæ*, quæ corpus grave per planum inclinatum delabitur, minores sunt viribus *absolutis*, per quas illud ipsum in linea perpendiculari libere descendit; *altitudo* quippe plani inclinati, quæ vires *respectivas* designat, semper

semper est minor ejusdem longitudine, per quam vires *absolutæ* exhiberi solent. Et quidem quo minor est altitudo, adeoque major longitudo plani ad ipsius altitudinem, eo *tardior* evadit motus corporis per illud decidentis, quia scilicet in eo casu eo quoque minor est gravitas respectiva, id quod ad oculum patet, si e. g. ponantur tria aut quatuor plana inclinata, quorum primi longitudo sit duplo major quam ejus altitudo, secundi triplo, tertii quadruplo, & quarti quintuplo major sit longitudo, si enim ex his singulis planis æqualis ponderis globi demittantur, observabitur, quod primum planum duplo, secundum triplo, tertium quadruplo, & quartum quintuplo tardius a globis demissis percurrantur, quam fuisset factum, si præfati globi in *linea recta* per datam altitudinem descendissent. Vicissim

CCGXCVII. *Corollarium II.* Eo magis *crescit* momentum corporis super planum inclinatum existentis, quo *ma-* Altitudo
ior est ipsius plani *altitudo*, & minor *vi-* plani ma-
ejus longitudo, quia scilicet in hoc *res-* jor auget
casu planum inclinatum magis acce- *pectivas.*
dit ad *verticale*, sicque gravitas cor-
 poris

poris descendens *respectiva* transit eo magis in *absolutam*, sicut econtra, ubi minor est plani altitudo & major longitudo, ipsum eo magis accedit ad *Horizontale*, in quo gravitas *respectiva* nulla est.

Vires globi decidentis super chordam circuli quomodo se habeant?

Tab. V.
Fig. 2.

CCCXCVIII. *Corollarium III.* Momentum *respectivum* globi decidentis super chordam circuli D B, quæ in imum punctum B diametri A B, Horizonti perpendiculariter insistentis incumbit, est ad momentum ejusdem libere & verticaliter delabentis *absolutum*, ut ipsa chorda D B ad diametrum A B; nam si ducatur recta D b, Diametro A B ordinata, linea recta b B exhibet altitudinem & linea D B longitudinem plani inclinati, est autem $b B : D B :: D B : A B$ (*Geometr.*): ex eadem ratione momentum quoque corporis gravis super chordam D B est ad ejusdem momentum super chordam E B, ut est chorda D B ad chordam E B, quia nimirum utraque chorda eandem rationem inter se habet, prout se habent ad diametrum A B, ac proin & chordæ E B, D B, C B, ad punctum infimum B Diametri A B terminatæ, eodem tempore a corpore

corpore mobili absolvuntur, quo idem decideret per diametrum A B. Quin imo

CCCXCIX. *Corollarium IV.* Omnes Globus eo-
 prorsus ejusdem circuli chordæ ad in- dem tem-
 finum diametri punctum B ductæ, pore Dia-
 licet inter se æquales haud sint, eo metrum &
 ipso tamen tempore a corpore mobili chordas
 percurruntur viribus *respectivis*, quo circuli la-
 idem corpus grave *libere* delapsum to- currit.
 tam diametrum A B percurrisset, id
 est, globus idem æquali tempore dela-
 bitur per lineam seu diametrum A B
 & per lineas C B, D B, E B, F B,
 A E, A H, A I, G B, H B & I B.
 Ratio *proxima* est, quia lineæ *maiores*
 F B, G B, item E B, H B magis ac-
 cedunt *ad perpendicularum* A B, (per
 quod corpus viribus gravitatis *absolu-
 tis* celerrime descendit) quam lineæ
 seu chordæ minores C B, D B, I B,
 quæ magis *a perpendicularo* recedunt ver-
 sus planum *Horizontale*, in quo cor-
 pus *nullas* omnino vires *respectivas* ad
 actualem motum deorsum habet: li-
 neæ porro A E, A D, A H, A I,
 cum *altero tanto* plus minusve planum
 inclinatum a perpendiculari situ pro-
 tendent, etiam *altero tanto* plus mi-
 nusve

C c c

P. Oster. Physic. Pars I.

Sect. II.

nusve *tempus* a corpore gravi impendendum foret, si idem cum globo perpendiculariter delabente spatium emetiri deberet. Ratio vero *ultimata* denuo ex allata propositione (CCCXCV) fuit, cum enim juxta ibi dicta lapsus *perpendicularis* libere descendentium gravium corporum ad lapsum *inclinatum* sit ut planorum longitudo, sive Hypothenusa ad altitudinem, *Diameter* vero A B sit ipsa planorum circulo inclusorum *longitudo* (est enim Hypothenusa Triangulorum A H B, A I B, item A E B, A D B & A C B, quia *angulis* in semicirculo *rectis* H, I, E, D, C, opponitur) chordæ autem singulæ ut *altitudines* planorum se habeant: ergo dum corpus mobile per chordas A H, A I, E B, D B, C B, vel F B, G B, aut alias quascunque ex A vel B descriptas descendit, per diametrum A B eo ipso tempore delabi notabitur.

Id, quod modo de æquali gravium corporum per circuli *diametrum* & *chordas* delapsu demonstravimus, ad oculum quoque demonstrari valet sequenti experimento. Sit machina A B, circuli majoris *diametrum* referens, cui
 sic

Tab. V.

Fig. 3.

fic applicetur canalis politissimus C B, ut conversione varia omnes circuli ejusdem *chordæ* exhibere queat, simulque duo globi ex A & C, hoc est, e principio *chordæ* & *diametri* demittantur, apparebit, quod *eodem* prorsus *momento temporis* ad idem punctum *ambo* perveniant, quomodocunque canalis C B, *chordam* referens, inclinatus sit.

PROPOSITIO III.

Velocitas, quam dato tempore acquirat corpus grave descendens per planum inclinatum, est ad velocitatem, quam *eodem* tempore illud ipsum consequeretur, descendens in linea perpendiculari (si initium a quiete utrobique sumatur) ut est
 altitudo plani ad illius
 longitudinem.

CD. PROBATUR ex jactis hucusque *Velocitas*
 principiis; nam *velocitas* la- *respectiva*
 pfus corporum per *planum* inclinatum *quomodo*
 dependet a vi *respectiva* (CCCXCII) *se habeat*
 quæ est æqualis *altitudini* (CCCXCV), *ad absolu-*
velocitas autem *lapsus liberi* a vi *absolu-*
luta gravitatis oritur, quæ per Hypo-
 thenusam seu *longitudinem* designatur
 (n. cit.) ergo *velocitas* (CCLXXVI

Sect. II.

& seqq.); dato tempore a mobili per planum inclinatum confecta plani ejusdem altitudinem; velocitas vero dato tempore a mobili libere descendente percurfa, *Hypothenusam* sive *longitudinem*; aut *dianetrum* (CCCXCVIII); sumpto a quiete utrobique initio, imitatur, poteritque ad probationem hanc illustrandam mox adductum *experimentum* (n. præc.) quam optime inservire.

Confectoria sponte fluentia ex præc. Propo.

CDL Corollarium. Inde fluunt sequentia. 1. Quod velocitas respectiva corporis per planum inclinatum descendens, ad velocitatem absolutam ejusdem libere decidentis *perpendiculariter*, initio utrobique sumpto a quiete, se habeat ut *sinus anguli inclinationis*, seu *elevationis plani*, ad *sinum totum* (CCCXCI). 2. Quod descensus super planum inclinatum *tardior* sit, quam si fiat in linea perpendiculari, quia scilicet in priori casu minor ejusdem est altitudo quam longitudo, in posteriore autem utraque coincidit. 3. Hinc & prior ille descensus eo *velocior* est, quo vel major plani est altitudo, eadem manente longitudo, vel minor longitudo sub eadem altitudine; tunc quippe magis accedit ad *velocitatem absolutam*; & e contra

ex

ex opposita ratione eo *tardior* est descensus, quo vel major fuerit plani longitudo, vel minor altitudo, ut in planis inclinatis ligneis diverso situ collocatis, aut modo prolongatis, modo abbreviatis, videri oculis & palpari manibus valet.

PROPOSITIO IV.

Spatium, quod dato tempore percurrit corpus grave super planum inclinarum, est ad spatium, quod eodem tempore illud ipsum conficit in linea perpendiculari, incipiendo a quiete, ut altitudo plani ad illius longitudinem.

CDII. PROBATUR. Spatium, quod Spatium
eodem tempore sive in plano inclinato, sive perpendiculariter percurritur, se habet ut motus utriusque *velocitas*, & e contra (CCLXXVI &c.): atqui *velocitas* se habet ut *altitudo plani ad longitudinem* (CD): ergo & spatium: adeoque ut plani altitudo A B Tab. V.
ad longitudinem A C, ita spatium A Fig. 1.
M ad A B, quod utrumque eodem tempore & in linea perpendiculari & super planum inclinatum absolvitur, ut ex n. seq. magis patebit. e. g. Sit *velocitas in linea perpendiculari secundum*

Sect. II.

vires corporis *libere* decidentis $\equiv 8$, super planum vero inclinatum $\equiv 6$, erit quoque spatium eodem tempore *perpendiculariter* percursum ad spatium super planum inclinatum percursum, ut 8 ad 6, hoc est, ut altitudo plani ad longitudinem,

Praxis
tum istud
tum altitu-
dinem in-
veniendi,

CDIII. *Corollarium I.* Si ex angulo recto B trianguli A B C, cujus Hypothenusa, seu longitudo, A C planum inclinatum, latus A B illius altitudinem referat, ducatur perpendicularis B M ad Hypothenusam A C, determinatur spatium A M, quod mobile absolvit per planum inclinatum eodem tempore, quo descendens ex eodem puncto A absolveret rectam perpendicularem A B. *Ratio* desumitur ex Geometria, quæ demonstrat, quod in duobus triangulis similibus A B C & A B M, quæ habent latera homologa proportionalia, portio A M sit ad latus A B, ut latus ipsum A B ad Hypothenusam A C. Vicissim determinatur *altitudo* plani, sive descensus perpendicularis A B, si cognito spatio A M ex puncto M demittatur perpendicularis M B, quæ cum Catheto plani A B concurrens definiat punctum B, in quod ex vertice A æquali tempore corpus

pus grave libere decideret, dum interea in plano inclinato spatium AM superat, eadem ratione, si ducantur lineæ rectæ no , pq , quæ sint parallelæ cum linea MB , recta no determinat spatium An , quod mobile interea percurreret, dum in perpendiculari AB absolveret spatium AO : & recta pq definit spatium Ap , in eodem plano inclinato percurrendum, dum interea perpendiculariter lapsu libero moveretur per intervallum Aq .

CDIV. *Corollarium II.* Quare cum Cl. P. Fortunato a Brix. *Phys. gen. p. 2. §. 1682*, & aliis communiter inferre licet, quod, si *Hypothenusa trianguli rectanguli Horizonti perpendiculariter insistat, corpus grave eodem tempore sit lapsurum per alterum ipsius trianguli latus, quo Hypothenusam ipsam libero descensu percurrit.* Quomodo determinetur spatium in triangulo rectangulo? Indequè similiter perquam facile ope Geometriæ demonstrari valent, quæ paulo ante de æquali lapsu corporis gravis per *diametrum circuli, ejusque chordas utut inæquales diximus (CCCXCVIII).*

Videatur cit. Cl. Auctor §
1683 & seqq.

PROPOSITIO V.

Tempus, quo corpus grave descendit per planum inclinatum, est ad tempus, quod descenderet per illius altitudinem, ut est longitudo plani ad ipsam altitudinem.

Tempus
descendens
perpendi-
cularis, &
per pla-
num incli-
natum.

CDV. Sit triangulum rectangulum ABC (Tab. V. Fig. 1.), cuius latera sint numeris 3. 4. 5. proportionalia (lineæ namque per numeros aptissime exprimi valent). Dividatur ergo linea verticalis AB in tria spatia, temporibus, quibus per illam corpus grave decideret, proportionalia, ita ut sit $Aq = 1$, $qo = 3$, $oB = 5$ (CCCLXXIV): ducta dein ex puncto B ad planum AC perpendiculari BM , & ex o & q ductis similiter on & qp , ad AC perpendicularibus, atque ad BM parallelis, supponatur corpus descendere in primo minuto sec. ex A in q per spatium 15 pedum: in altero ex q in o spatio $15 \times 3 = 45$ ped. in tertio ex o in B intervallo $15 \times 5 = 75$, adeoque mobile ex A in B verticaliter descendens per tria minuta sec. conficiet universim 135 pedes, nempe $15 + 45 + 75 = 135$. His suppositis in plano inclinato AC corpus grave per 5 minuta

minuta sec. ita delabetur, ut in primo minuto sec. ex A in p decidens conficiat 9 pedes: in secundo minuto sec. ex p in n descendens percurrat pedes $9 \times 3 = 27$: in tertio ex n in M absolvat $9 \times 5 = 45$: in quarto ex M in D perficiat $9 \times 7 = 63$: in quinto denique ex D in C $9 \times 9 = 81$, universim per omnia quinque minuta secunda erunt 225 pedes, nempe $9 + 27 + 45 + 63 + 81 = 225$. Jam hisce præmissis dico: ut tempus, quo grave descendit per planum inclinatum A C $= 5$ min. sec. est ad tempus, quo illud ipsum descendit per altitudinem A B $= 3$ min. sec. ita longitudo plani inclinati A C $= 225$ ped. se habet ad ipsam altitudinem A B $= 135$ ped. Mathematicæ sic exprimitur:

$$\begin{array}{ccc} & p & p \\ 5:3 & = & 225:135. \end{array}$$

PROBATUR. Tempus descensus per A C $= 5$ min. sec. est ad tempus descensus per A M $= 3$ min. sec. in ratione subduplicata spatiorum (CCCXCIV), seu ut radix quadrata totius spatii A C $= 225$ ad radicem spatii A M $= 81$, id est

$$\begin{array}{ccc} & & \\ 5:3 & = & \sqrt{225}:\sqrt{81}. \text{ fiat reductio.} \\ = & & \end{array}$$

$$\begin{array}{ccc} 5:3 & = & 15:9. \\ & & Ccc 5 \end{array}$$

Sive

Sive ut quadrata $5^2 : 3^2 = 225 : 81$.
 $\quad \quad \quad =$
 temporum ad spatia, $25 : 9 = 225 : 81$.

Atqui tempus delapsus per spatium A M est æquale tempori descensus per A B (CDIII): ergo tempus descensus per A C = 5 min. sec. est ad tempus delapsus per A B = 3 min. sec. in ratione subduplicata spatiorum A C = V 225 ped. ad A M = V 81 ped. sive ut longitudo A C = 225 ped. ad illius altitudinem A B = 135 ped. quarum prior, scilicet A C, ad posteriorem, seu ad A B, se habet in ratione subduplicata A C ad A M, cum A C, A B, A M, id est, 225, 135, 81, sint continuo Geometrice proportionales (CDIII). Videlicet

A C: A B = A B: A M. *vel per numeros.*
 225: 135 = 135: 81.

Ergo etiam tempus descensus per *planum inclinatum* A C = 5 min. sec. est ad tempus descensus *verticalis & liberi* per A B = 3 min. sec. (sumpto utrobique initio motus ab eodem puncto A) ut longitudo totius plani inclinati A C = 225 ped. ad ejus altitudinem A B =

135. ped. nempe $5 : 3 = 225 : 135$.
Q. E. D.

CDVI. *Corollarium I.* Cum tempus, ^{Tempora sunt ut planorum longitudines.} quo mobile descendit per planum A C (Tab. V. fig. 1.) se habeat ad tempus, quo descendit per altitudinem A B, ut A C ad A B, & tempus, quo descendit per A B, sit ad tempus, quo delabitur per A E, ut A B ad A E, erit etiam tempus, quo labitur per A C, ad tempus descensus per A E, ut longitudo A C ad longitudinem A E. e.g. sit long. A E = 180 ped. cum A C supponatur = 225, dicatur; ut long. A C ad long. A E: ita tempus A C: ad tempus A E, id est: $225 : 180 = 5 : 4$.

CDVII. *Corollarium II.* Si dentur ^{Modus de-terminandi tempora.} duo plana, æqualia in longitudine, diversam tamen inclinationem seu elevationem habentia A C & A D, modus determinandi in his proportionem temporum, quibus a mobili percurruntur, opportunus est sequens. Ductis perpendicularibus E D & B C innotescit, A D percurri eodem tempore, quo absolvitur A E, & A C eodem, quo percurritur A B (CDIII); ergo tempora, quibus percurruntur A C & A D, sunt
ut

sunt ut tempora, quibus absolvuntur spatia AE & AB : atqui hæc sunt ut radices spatiorum AE , AB : ergo erit nota proportio temporum, quæ est ut proportio radicum. e. g. sit $AC = 12$ ($12 \times 12 = 144$) $CD = 9$ ($9 \times 9 = 81$) erit $V\ 225 = 15$. Sit vero $AD = 12$, $DE = 5$, erit $V\ 169 = 13$, adeoque tota proportio temporum ut 15 ad 13. Item sit $AF = 12$. $FG = 16$. erit tempus $AG = 20$.

PROPOSITIO VI.

Corpus grave per planum inclinatum, siue longius siue brevius, descendens eam in fine motus celeritatem ac motus quantitatem habet, quam haberet, si ex eadem altitudine perpendiculariter descenderet, in fine motus perpendicularis.

Motus per pendicula- ris & inclinati eadem vis ac Celeritas in fine. **CDVIII. PROBATUR I. Ratione.** Celeritas motus durante lapsu per quodvis planum inclinatum crescit ut tempus (CCLXXXVI): ergo si v. g. longitudo plani dupla vel tripla sit altitudinis, & corpus mobile uno minuto secundo per altitudinem descendat, duplo vel triplo tempore (duobus scilicet tribusve minutis sec.) indigebit ad descen-

descensum per *longitudinem* : ergo eadem in utroque descensu erit *velocitas finalis* ; nam spatio per tempus diviso *idem* quotus prodibit, videlicet $1 : 1 \equiv 1. 2 : 2 \equiv 1. 3 : 3 \equiv 1.$

CONF. Ut ut singulis minutis Corpus per planum inclinatum descendens ob ejusdem plani reactionem aliquid de suo momento *absoluto* deperdat, manent illi tamen omnes sui impetus *respectivi*, qui, cum ob tarditatem motus in plano successive augmentum capiant, longiore tempore ita suppleant destructos impetuum gradus, ut tandem adæquent in fine integros per descensum verticalem acquisitos : nam momentum *respectivum* ad *absolutum* est ut altitudo plani ad longitudinem (CCCXCV) vicissim *tempus*, momento respectivo impensum, est ad tempus momenti absoluti ut longitudo plani ad altitudinem (CDV) e.g. mobile per duo instantia verticaliter ex altitudine turris decidens, producat impetum & velocitatem $\equiv 2$: si quilibet gradus dicti impetus & velocitatis supponatur constare 10 partibus minimis, erunt sub finem descensus partes minimæ $\equiv 20$. Si dein idem mobile ex eadem tur-

Sec. II.

ri per planum inclinatum demissum per quatuor instantia, producat impetum & celeritatem $\equiv 4$, divisus rursus quatuor hisce impetus & celeritatis gradibus in 10 partes minimas, quantitas motus in fine, si vires forent *absolutæ*, daretur $\equiv 40$: ast, quia longitudo plani in hoc casu *duplo* major esset, quam altitudo, singulis instantibus *dimidia pars* cujuslibet gradus ob reactionem plani destruetur; ergo de 40 gradibus restabit Solum $\frac{1}{2}$, id est $40 : 2 \equiv 20$. eo ipso enim quod momentum *respectivum* in plano inclinato se habeat ad verticale seu *absolutum*, ut altitudo ad longitudinem; hæ autem in nostro casu sint ut 2 ad 4 (vel ut 20 ad 40) plane momentum *respectivum*, seu *residuum* in plano inclinato erit ut 2, vel si partes minimæ accipiantur, ut 20: ergo tam *perpendiculariter*, quam *supra planum inclinatum* delabente mobili in fine eadem dabitur motus celeritas ac quantitas.

PROBATUR II. *Experimento*, quo constat, quod globus, sive per *altitudinem* sive per *longitudinem* plani inclinati demittatur, æquale prorsus vestigium argillæ molli soleat imprimere. Et globus

bus Elasticus in obicem pariter Elasticum perpendiculariter decidens ad eandem prorsus altitudinem demptis obstaculis, resilit: nec non oblique oscillans ad eandem, ex qua deorsum lapsus est, eodem tempore altitudinem sursum redit, ut in *art. seq. de motu pendulorum* dicetur.

CDIX. *Corollarium I.* Globus decidens sive verticaliter ex A in B, sive ex A in C, indeque in D, in utroque casu eandem sub finem motus celeritatem habet; nam ex dictis (*n. præc.*) eadem utriusque motus in fine celeritas est, sive cadat ex A in B, sive ex *Tab. V. Fig. 5.* integra longitudine E D: ergo etiam si vel *unice* cadat ex A in B, vel primo perpendiculariter ex A in C, ac dein super *dimidium* planum inclinatum CD, cum *dimidia* eandem inter se proportionem habeant ac *tota*. Excipe, nisi flexus C motui decidentis globi *sensibiliter* officiat.

CDX. *Corollarium II.* Licet eodem tempore globus ex A in C & ex A in B (*Tab. V. fig. 4.*) perveniat, non tamen dabitur eadem velocitas nisi præcise sub finem, ubi sensim colliguntur illi impetus, qui

Non tamen ante finem motus utriusque æquales est Celeritas.

qui in locum destructorum *successive* producti sunt, & ubi simul tum *spatium* tum *tempus*, utrinque *inæquale*, sic computantur & attemperantur, ut facta unius per aliud divisione idem *quotus*, adeoque etiam *eadem Celeritas* prodeat (CDVIII): at vero in ipso *lapsu durante* corporis mobilis A., quod v. g. in 4 instantibus ad finem sui motus *inclinati* pervenire supponitur, & corporis B, quod in 2 instantibus motum suum *perpendiculararem* absolvere statuitur, res aliter evenit, si v. g. sub initium secundi instantis comparentur celeritates utriusque mobilis; nam quia tali modo supponitur *idem* respectu utriusque corporis mobilis effluxisse *tempus* = 1, diversa Celeritas a *solo spatio* desumi debet: Unde, cum istud in descensu *verticali* commensuretur *longitudini* plani, in descensu autem *inclinato* ejusdem *altitudini*, spatiis proin *inæqualibus*, erit etiam pro dato tempore eodem *inæqualis Celeritas* ac motus quantitas. Cæterum facile percipitur, quod minus spatium A C percurri queat minore celeritate, sed eodem tempore, quo percurritur spatium majus A B sed majori cum celeritate: planum nempe resistit corpori delabenti solummodo quoad illas

illas partes, quas sustentat, & a motu tum *verticali* tum *obliquo* simul impedit, non autem quoad reliquas partes, nisi præcise, quatenus immutat directionem *verticalem*, a gravitate intentam, in directionem *obliquam*, ut adeoque gravitas retineat integras vires *respective*, quæ per moram compensant successive *absolutas*, ut mox dictum est &c.

CDXI. *Corollarium III.* Corpus grave per plura plana inclinata, sibi mutuo ^{Etiam per plura plana} contigua decidens, quorum flexus seu ^{na motus in fine per-} anguli motui deorsum labentis corporis ^{severat æ-} sensibiliter non obsunt, sed illius tantum ^{qualis.} directionem mutant, eandem in fine motus vim ac celeritatem habet, quam in descensu perpendiculari habuisset; nam globus v. g. descendens per ^{Tab. V.} A B in B eandem in fine motus celeritatem & quantitatem tenet, ac si decidisset per planum inclinatum E B, utpote quæ sunt *ejusdem altitudinis*: ita eandem habebit celeritatem in puncto C, sive descendat per duo plana A B & B C, sive per unum E C: in D denique erit æqualis celeritas, sive per F D, sive per G D, sive per A B C D ^{Fig. 6.} globus delabatur, vel etiam per cur- ^{Item & per lineam curvam.} vam G H, utpote quæ a Geometris

D d d

con-

P. Oster. Physic. Pars. I.

considerari ac sumi consuevit, veluti composita ex lineolis infinitis, & infinitæ seu indefinitæ exiguæ magnitudinis, simulque ita unitis, ut infinite parvi sint anguli externi, quos illæ constituunt.

Nec obstat, quod, dum corpus per curvam GH delabitur, per plana inclinata numero infinita descendat, ac proinde ab infinitis numero obstaculis in suo motu retardetur; nam ut ajunt apud cl. P. Fort. a Brix. Phys. gen. p. 2. §. 1701 clarissimi PP. Le Seur & Jacquier: cum velocitas, quam corpus per singula curvæ latera amittit, non excedat quantitatem infinitesimam secundi ordinis, per latera curvæ numero infinita, hoc est, per arcum curvæ finitum, non potest celeritatem amittere majorem quantitate infinitesima primi ordinis, quæ est summa quantitatum infinitesimarum secundi ordinis. Quantitas autem infinitesima primi ordinis non est sensibilis, sed negligi potest perinde ac nulla: ergo corpus eodem modo motum suum in curva continuat, ac si nihil virium amisisset.

Hæc illi !



PRO-

PROPOSITIO VII.

Grave citius ab eodem ad eundem terminum pervenit, descendens per duo plana inclinata communicantia, quorum primum ad rectam Horizonti perpendicularem magis accedit, quam si descensus fiat per planum unum, licet brevius, magis tamen a perpendiculo remotum.

CDXII. PROBATUR. Si horum planorum unum magis accedat ad rectam Horizonti perpendicularem, *major* etiam corpori per illud delabenti *vis respectiva competit*; minor vero, dum planum minorem cum Horizonte angulum constituit: ergo in plano verticali GD (Tab. V. fig. 6.), cum inclinatio nulla sit: maxima datur acceleratio, & *gravitas respectiva in absolutam* transit, at vero in plano inclinato ED, in quo, utpote minorem angulum EDI cum Horizonte IH constituyente, minus momentum respectivum reperitur, (CCCXCII) minor dabitur acceleratio, & major tarditas, quam si delaberetur per plana contigua, minus inclinata AB, BC, CD. Prob. C. acceleratio proportionalis est *viribus*: ergo ubi vires seu momenta augentur,

D d d 2

etiam

etiam acceleratio accrescet, aut econtra decrescet, idque ex eo clarissime patet, quod globus per Semicycloidem motu inter omnes curvas *celerrimo* descendat, non alia ex ratione, nisi quia arcuum *Cycloidalium* initia propius quam *circularium* ad tangentem lineæ verticalis accedunt, ut ex dicendis in *art. seq.* constabit. Alia adhuc hujusce theorematismis Demonstratio *Geometrica* videri potest apud paulo ante citatum Cl. P. Fort. a Brix. §. 1703.

ARTICULUS V.

De Motu pendulorum.

Pendulum. CDXIII. *Pendulum*, seu *funependulum*, aut *perpendiculum* dicitur illud corpus, quod ex filo sive catena suspensum in puncto quodam immobili, circa illud vi gravitatis moveri, & ascensus ac descensus reciprocos continuare valet.

Tab. V. Fig. 7. Tale est pondus B filo A B suspensus in puncto immobili A, quod & *centrum motus* aut *punctum suspensionis* appellatur. *Longitudo penduli*, seu distantia ponderis suspensi a puncto suspensionis, est linea A B, quæ & *perpendicularis* dicitur, quatenus spectatur tanquam
linea

linea recta, ducta ex puncto suspensionis in planum Horizontale GH , eique in B ad angulos æquales insistentis.

CDXIV. *Oscillatio* seu *Vibratio* penduli vocatur ille motus, quo pendulum a perpendiculari sublatum, ascensum & descensum ultra & ad perpendicularum libere continuat. Si pendulum AB ex C descendit in B , & ex B ascendit in D , aut vicissim, habetur *Vibratio* seu *oscillatio integra*: si autem pendulum solummodo ex C accedat ad perpendicularem AB , vel ab ea tantum recedat in D , *Semiofcillatio* aut *semiofcillatio* nominari solent. *Centrum oscillationis* appellatur illud punctum, in quod si colligeretur integra ac totalis gravitas penduli, singulæ vibrationes eodem adhuc tempore contingerent, quo ante. *Axis oscillationis* est linea Ef , ad lineam Horizontalem parallela, secans punctum suspensionis penduli. *Pes horarius* audit longitudo penduli simplicis, quod in quovis minuto secundo integram vibrationem absolvit.

Oscillatio seu vibratio penduli.

Semiofcillatio.

Centrum & axis oscillationis.

Pes horarius.

Sect. II.

Pendulum simplex & compositum.

Librum, & non liberum.

CDXV. *Pendulum simplex* est, quod constat unico pondere instar puncti considerato, & appenso in linea circa centrum motus convertibili. Econtra *Pendulum Compositum* illud existit, cui plura affixa sunt pondera, æqualiter semper distantia tum inter se, tum a centro, circa quod vibrationes contingunt. *Pendulum liberum* vocatur, quod libere & ex se vi solius gravitatis oscillat: e diverso *non liberum* censetur, quod non ex se sed per *Mechanismum* ab artifice introductum, vi rotarum scilicet aut aliorum instrumentorum, motum artificialem procurantium suas vibrationes absolvit.

Cyclois.

**Tab. V.
Fig. 8.**

CDXVI. *Cyclois* est linea curva C B D, genita ab extremo puncto diametri B circuli A G B Q super rectam C D, quam perpetuo tangit, revoluti. Pars ejus dimidia, seu portio C B aut B D dicitur *Semicyclois*. Circulus A G B Q, ex quo rotante oritur Cyclois, denominatur *circulus genitor*, recta C D *basis Cycloidis*: Diameter AB, basi C D perpendiculariter insistens, eamque bifariam secans in A vocatur *axis cycloidis*, & punctum

etiam extremum B ejusdem diametri sive axis, cycloidis *vertex* appellari consuevit. Ita Cl. P. Fortunatus a Brix. *Phys. gen. p. 2. §. 1710. & seqq.*

CDXVII. Curva *brachystochrona* vel *Curva brachystochrona & celerrimi descensus*, teste eodem mox citato Cl. Auctore § 1712. dicitur illa linea, in qua corpus grave a dato in ea puncto e. g. C, ad aliud datum punctum B ita velociter descendit, ut breviori tempore nequeat per aliam viam ab eodem ad eundem terminum pervenire: talis curva est Semicyclois C i k B, aut quævis ejus portio, v. g. i k, si motus in i incipiat tanta cum celeritate, qua corpus grave moveretur motu verticali ex h in i, nam quævis portio Cycloidis, (sicut & ipsa Cyclois tota.) a Geometris sumitur veluti composita ex lineolis rectis indefinite parvæ quantitatis seu magnitudinis: Unde & corpus per illam descendens movetur perinde, ac si descenderet per plura, imo innumera plana, indefinita parva, ex quibus plana superiora minus sunt inclinata, quam

Sect. II.

in *circulo*, adeoque etiam *celerius* per illam descendit, quam si per *semicirculum* delaberetur. Ea denique curva linea, in qua corpus grave ita deorsum movetur, ut per omnes, ut ut inæquales, illius arcus eodem tempore descendat, vocatur *tautochrone*, ut si æquali tempore delabatur mobile per arcus inæquales $CikB$, ikB , iC , prout in Cycloide revera contingit, sicque propterea *curvæ tautochronæ* nomine ipsa vulgo insignitur.

Cyclois
est curva
tautochrone.

CDXVIII. *Scholion*. Ratio porro, cur Cyclois sit *curva tautochrone*, facile capitur, si ad *proprietates Cycloidis*, a Geometris demonstrari solitas, attendatur: sunt autem sequentes: 1. sumpto in cycloide quovis puncto m , si ducantur recta mF ipsam curvam tangens, & recta lm basi CD parallela, itemque ex puncto l , in quo recta lm secat peripheriam circuli genitoris, ad imum punctum B chorda lB , tangens mF est parallela chordæ lB , nec minus tangens op existit parallela chordæ nB , & sic de cæteris. 2. Semicyclois DoB est

est dupla axis AB , & arcus oB chordæ nB , sicut & alius quicunque arcus semicycloidis est duplus chordæ, quæ in circulo genitore illi correspondet. Jam ex his, sicut & ex dictis in art. præcedente liquet, quod vis deorsum agens eadem sit in m , siue corpus delabatur verticaliter per mF , siue in arcu mB devolvatur (CDXI): pariter motus quantitas atque celeritas eadem erit per or , & per nB descendens, quia hæ sunt lineæ parallelæ: ergo erit in n æqualis vis ac in o : & ex eadem ratione vires in l & m sese æquabunt: adeoque vires, quæ corpus descendit in m & o ad descensum per moB & oB , sunt ut vires corporis descendens in l & n , ad descensum per lB & nB : atqui hæ vires l & n se habent ut ipsæ chordæ lB & nB : hæ autem se habent ut Cycloidis arcus correspondentes, ut mox dictum est: ergo etiam vires erunt ut arcus, adeoque vis in m corporis delabentis per arcum moB , se habet ad vim in o corporis descendens per oB , ut arcus mB ad oB , id est, ambo spatia eodem tempore percurrentur (cum cæteris paribus e. g. via = 50 passuum

Sect. II.

a viribus \sqcap 50 æquali tempore conficiatur, quo conficitur via \sqcap 25 passuum a viribus \sqcap 25): ergo in Cycloide arcus utut inæquales *eodem tempore* percurruntur, & consequenter Cyclois erit *curva tautochrone*. Q. E. D.

PROPOSITIO I.

Pendulum in motu positum, singulis suis, quas facere solet, oscillationibus, circa punctum suspensionis circuli arcum describit.

Pendulum CDXIX. **PROBATUR** ab *experientia*,
oscillans id evidenter & ad oculum
arcum de- demonstrante. *Ratio* autem physica
scribit. ex eo deducitur, quia pendulum A B
in C elevatum; ac sibi dein relictum,
in descensu singulis instantibus dupli-
cem determinationem ad motum acci-
pit, *unam* perpendicularem deorsum a
gravitate secundum lineam C i G, *al-*
teram a filo A, secundum directionem
C l A sursum attrahente: oritur adeo-
que motus *compositus*, qui exhiberi va-
let per parallelogrammum C i k l, cu-
jus unum latus C i *gravitatem*, alte-
rum autem C l filum attollens expri-
mat: atqui tali modo juxta leges mo-
tus

Tab. IV.
Fig. 7.

tus compositi (CCCXXVII) globus in C elevatus in primo instanti per diagonalem C k movetur: similiter autem in secundo, tertio & reliquis instantibus succedentibus, dum corpus movetur per K, m & c, res accidit: ergo ita movebitur, ut lineam intus cavam, & diagonalem semper mediam ex infinitis ejusmodi Parallelogrammis, itemque ex infinitis lineolis, a puncto A æque distantibus, nempe lineam C k m B, sive *circuli arcum* motu suo describat.

CDXX. *Corollarium.* Ex antea dictis (CDVIII.) huc applicari potest, quod pendulum B *æquali velocitate* descendat per arcum C K m B, qua ex altitudine C G delaberetur. Similiter *velocitates* penduli in infimo puncto arcuum circularium, per delapsum descriptorum, sunt inter se, ut *chordæ* ipsorum arcuum, id est, delapsus penduli ex C in B per arcum C B eandem proportionem in velocitate habet cum descensu penduli ex K in B per arcum K B, quam proportionem inter se habent *chordæ* utriusque arcus C B & K B, id quod geometricè ex triangulorum proportionè mediante *Figura 2 Tab. V,* item-

Sect. H.

itemque ex allatis n. CCCXCVIII & CCCXCIX erui potest.

PROPOSITIO II.

Pendulum a perpendiculari remotum, ac sibi dein relictum, ita deorsum labitur, ut in linea perpendiculari non quiescat, sed ultra eam excurrat.

Pendulum ultra perpendicularium excurrit.

CDXXI. PROBATUR denuo ex communi & quotidiana observatione. Et ratio est, quia impetus seu celeritas, a corpore mobili acquisita in descensu ex C in B non perimitur, cum ad rectam perpendicularem AB accedit, sed integer in corpore perseverat impetuum continuo accedentium numerus, & solummodo impeditur a filo AB, ne per tangentem B p, minime vero, ne per arcum B n o D motum continuat: ergo.

Tab. V.
Fig. 7.

Oscillationum motus reciprocus continuo minuitur.

CDXXII. Corollarium I. Pendulum semel in motu positum plures oscillationes seu vibrationes absolvit, & quidem successive semper minores ac minores, antequam penitus quiescat in linea directionis AB, ad lineam Horizonta-

zontalem G H perpendiculari. Nam sicut pendulum, delabendo ex C in B motu *accelerato*, vires a *gravitate* acquirit ad ascensum æqualem in D, ita, elisis successive per eam ipsam *gravitatem* in corpore ascendente præfatis viribus ob motum *retardatum* (CCCLXXXVI) relabitur per arcum D B, atque in relapsu novas denuo a *gravitate* vires obtinens ex B ascendit in C, atque ita deinceps. Interimne *uniformis* in rigore per *descensum* ob novos continuo impetus accedentes habeatur *acceleratio*, aut per *ascensum* ob continuam graduum imminutionem *retardatio*, impedit suspensio penduli corpus mobile identidem retrahentis, ne per *lineam rectam*, sive secundum *tangentes*, sed solum per *arcus*, tanquam innumera plana inclinata, viam suam perficiat: quoniam ergo hæc plana *diversam inclinationem & altitudinem* habent, eoquod pendulum tum ob *resistentiam medi*, tum ob *frictionem*, (quæ omni ex parte evitari nequit) ad tantam altitudinem, ex quanta delapsum fuerat, ascendere non valeat, sequitur, quod motus pendulorum in ascensu & descensu suo non plene assequatur proportionem *numerorum imparium*

Sect. II.

rium (CCCLXXIV), 2, quod oscillationes pendulorum successive semper *minores ac minores* evadant, ac demum penitus finiantur.

Pendula
graviora
diutius
oscillant,

CDXXIII. *Corollarium II.* Pendula *graviora*, cæteris paribus, in medio resistente diutius oscillant, adeoque etiam tardius moveri cessant, quam pendula *leviora*. Id præter experientiam confirmat *ratio*; sicut enim illa *priora* ob majus gravitatis pondus in medio resistente *celerius* descendunt, ita etiam facilius superant medii ejusdem resistantiam, & consequenter, *altius* ultra lineam perpendicularem singulis suis vibrationibus excurrendo quam hæc *posteriores*, minoribus quoque decrementis minuuntur, tardiusque propterea ad quietem rediguntur.

E diverso

Non item
longiora.

CDXXIV. *Corollarium III.* Pendula *longiora*, cæteris paribus, in medio resistente citius moveri cessant, quam *breviora*. Nempe cum illa *maiores* arcus oscillando describant, majorem etiam resistantis medii vim superare continuo debent, quam ista: ergo illorum pariter celeritas majoribus identidem decrementis imminui, & consequenter citius *extingui* debet.

PRO-

PROPOSITIO. III.

Oscillationes ejusdem penduli per inæquales, exiguos tamen circuli arcus, ad sensum seu physice Isochronæ, hoc est, æquiditurnæ sunt; exactius vero, si per arcus qualescunque Cycloidis fiant.

CDXXV. **P**ROBATUR *I. Pars.* Ar- Oscillatio-
cus exigui & paucorum nes Iso-
duntaxat graduum in circulo juxta Geo- chronæ.
metriam a *chordis* non differunt: atqui
chordæ, ad idem diametri punctum
infimum tendentes, in circulo percur-
runtur æquali tempore (CCCXCVIII)
ergo etiam exigui arcus, consequen-
ter &c. dixi *exigui arcus*, nam quia
tardius percurritur chorda, quam ar-
cus eidem chordæ correspondens
(CDXII), sequitur, quod, nisi arcus
semi-oscillantis penduli tam parvi sint,
ut parum omnino longitudine sua a
chordis differant, ut sunt v. g. arcus
m B, aut B n (Tab. V. Fig. 7.): vi-
brationes ad sensum & physice Isochro-
næ haud existant, quare dum pendu-
lum per arcus *latiores* oscillat, facile
quædam temporis differentia obser-
vabitur.

PRO-

Sect. II.

PROBATUR II. *Pars.* Cyclois est curva tautochrone (CDXVIII) & quævis ejus portio, seu *arcus*, est curva brachystochrona vel oligochrona & celerissimi descensus (CDXVII): ergo oscillationes penduli per arcus quoscunque Cycloidis exacte Isochronæ seu æquidurnæ existunt. (*n. cit.*) CONFIRMATUR. Curva cycloidalis, prout Geometræ demonstrant, ex infinitis rectis tangentibus componitur: ergo corpus grave in singulis ejusdem curvæ punctis juxta directionem tangentis ad curvam descendit, adeoque vis descendens per arcum Cycloidis *m B* est ut tangens *m p*, item descendens per arcum *o B* ut tangens *o r*, *subf.* atqui tangentes *m p*, *o r* sunt parallelæ chordis *l B* & *n B*; tangens vero *D F* ad initium Cycloidis *D* parallela est diametro *A B* circuli genitoris: ergo, sicut æquali tempore corpus grave decideret per *diametrum* *A B* ejusque chordas *l B*, *n B*, ita quoque eodem tempore per *arcus* Cycloidis *D B*, *m B*, *o B* æquivalentes decideret. Et *Ratio* physica est, quia corpus grave per *majorem altitudinem* arcus *DB* decedens ob minorem plani minus inclinati resistentiam plures numero impetus acqui-

Tab. V.
Fig. 8.

acquirit, ideoque majore cum celeritate descendit: e contra aliud corpus grave ejusdem ponderis, per *minorem altitudinem* arcus m B vel o B decidens, magis sustentatur a planis Horizonti vicinioribus, magisque inclinatis: ideoque ob minores, quas conservat, vires, minore etiam celeritate spatium brevius emetitur, sic autem majore motus celeritate aut tarditate via major & minor ita compensatur, ut eodem prorsus tempore absolvatur pars aut arcus *inæqualis* in Cycloide.

PROPOSITIO IV.

Tempus vibrationum seu oscillationum per exiguos circuli arcus physice duplum est temporis, quo ejusdem circuli diameter ab eodem pendulo libere cadente percurreretur; spatia vero, quæ tempore vibrationis integræ motu verticali absolverentur, sunt ut quadrata temporum.

CDXXVI. PROBATUR I. Pars. Di-Duratio
 midia penduli vibratio oscillatio-
 per exiguum arcum m B (Tab. V. fig. 7.) num in cir-
 eodem tempore physice absolvitur, quo culo, &
 idem pendulum lapsu libero verticali- spatiorum
 ratio.

E e e

ter

P. Oster. Physic. Pars I.

Sect. II.

ter percurrisset duplum radii, seu diametrum A B ejusdem circuli (CCCXCIX), & eodem tempore altera *semivibratio* ex B in n contingit (CDXXI): ergo *vibratio integra* per arcum m B n in tempore duplo, quo verticalis penduli motus per circuli ejusdem diametrum contingeret, absolvi debet.

PROBATUR II. *Pars.* In descensu uniformiter accelerato spatia continuo crescunt ut numeri impares (CCCLXXIV), & si ab initio motus computentur, sunt ut quadratum temporis (CCCLXXVII): ergo si in primo semivibrationis tempore motu perpendiculari pendulum percurrit diametrum, in secundo semivibrationis tempore per motum acceleratum percurret tres diametros (nempe juxta numeros impares 1, 3, 5 &c.): ergo durante vibratione integra quadruplum diametri, sive radii octuplum percurreret, eritque quadratum temporis $2 \times 2 = 4$, hoc est, æquale spatiis aut diametris, motu perpendiculari emensis. Sic e.g. si pendulum tempore *primæ* semioscillationis $= 1$ min. sec. descenderet per diametrum $= 20$ pedum, idem pendulum tempore *secundæ* semivibrationis, iterum

rum = 1 min. sec. perpendiculari motu descendet per pedes $20 \times 3 = 60$, & summa totius spatii, durante vibratione integra percursi, erit pedum $20 + 60 = 80$. Cæterum adhuc magis utraque pars.

CONFIRMATUR Experimento, quod adducit Cl. P. Blasius Henner *de motu locali* §. 44. Globus e centro circuli majoris, hoc est, ex radio aut semidiametro suspensus, per arcum exiguum ejusdem circuli oscillans, ad obicem sonorum, aut stylum in fine diametri verticalis fixum, impinget eodem tempore, quo alius lapsu perpendiculari totam diametrum, sive duplam penduli longitudinem percurreret; sin autem vibrationis arcus amplior fuerit, prius globus oscillans, quam alter verticaliter delapsus obicem sonorum percutiet (CDXII). Porro ut lapsus verticalis integre vibrationi respondeat, globus secundus ex quadrupla Diametri altitudine demitti debet; tunc enim iste ad pedem circuli non ante delabetur, quam ille prior ad dictum obicem, in fine vibrationis positum, ascenderit.

PROPOSITIO V.

Tempus, quo fit vibratio penduli in Cycloide oscillantis, est ad tempus, quo funependulum corpus per cycloidis axim sublato filo verticaliter decideret, ut integra peripheria circuli genitoris ad illius diametrum, hoc est, ut 3.4 ad 100.

Tempus
oscillatio-
nis in Cy-
cloide.

CDXXVII. PROBATUR ex Cl. P. Fort.

a Brix. *Phys. gen.* p. 2.

§. 1807. cum *semivibratio* per arcum C i k B (Tab: V. fig. 8.) fiat eodem tempore, quo funependulum corpus per eundem arcum C i k B sublato filo descenderet, ob vim gravitatis utrobique vires suas æqualiter exerentem (CDXX), tempus illius *semivibrationis* erit ad tempus perpendicularis descensus per axim A B, ut est *semiperipheria* A G B ad diametrum A B circuli genitoris A G B Q I, nempe ut 11 ad 7, sive ut 157 ad 100, si peripheria circuli ponatur ad diametrum ut 314 ad 100 (id quod Geometrice demonstrat Hugenus *de horol. oscillatorio* p. 2. prop. 25) : Jam vero tempus *integræ vibrationis* per arcum C B D est duplum temporis *semivibrationis* per arcum C B: ergo tempus *integræ* illius vibra-

vibrationis est ad tempus descensus per axim AB , ut *dupla semiperipheria*, adeoque ut *integra peripheria circuli genitoris* ad illius diametrum: ergo &c.

CDXXVIII. *Corollarium.* Quoniam Alia teta-
Cyclois geometricè delineata exhibet ^{poris pro-} _{portio.}
curvam $CHIBKLD$, quam descri-
bit pendulum EAB , oscillans inter
duas inversas, atque inter se æquales
semicycloides $EF C$, & $EG D$, qua-
rum axis dimidiam ipsius penduli lon-
gitudinem EAB adæquat, manifeste
sequitur, quod longitudo penduli oscil-
lantis in Cycloide sit dupla axis AB ,
adeoque & tempus, quo fit *integra vi-*
bratio penduli in Cycloide oscillantis
erit ad tempus perpendicularis descen-
sus ejusdem corporis per dimidiam
penduli longitudinem, ut est *integra*
peripheria circuli genitoris $AMB N$,
ad illius diametrum AB , nempe ut
314 ad 100: imo cum omnes hujusce
penduli vibrationes sint perfectissime
Isochronæ (CDXXV), etiam illud tem-
pus, quo fiunt *singulæ* penduli in Cy-
cloide oscillantis vibrationes, erit ad
tempus, quo idem corpus sublato filo
per dimidiam penduli longitudinem
verticaliter decideret, ut est ea ipsa

Tab. V.
Fig. 8.

E e e 3

tota

Sect. II.

tota circuli genitoris peripheria ad
ejus diametrum.

PROPOSITIO VI.

Tempora, seu durationes vibratio-
num, quæ conficiuntur a pendulis in-
æqualis longitudinis, sunt in ratione subdu-
plicata, sive ut radices quadrata
longitudinum.

Tempora
vibratio-
num in
pendulis
inæquali-
ter longis
sunt ut ra-
dices qua-
drata lon-
gitudi-
num.

Tab. V.
Fig. 10.

CDXXIX. PROBATUR. Illo ipso tem-
pore, quo corpus grave
per chordam E f delabitur motu incli-
nato, verticaliter & motu libero dia-
metrum seu lineam duplam radii A f ejus-
dem circuli percurreret (CCCXCVIII);
similiter dum per chordam B C dela-
bitur, motu perpendiculari per totam
circuli illius diametrum, seu lineam
duplam radii A C decideret: porro ra-
dii A f & A C, qui repræsentant pen-
dulorum longitudines, habent se (*ex*
Hypothesi) ut 1 ad 4: eandem vero
proportionem sicut radii seu semidia-
metri A f, A C, inter se etiam ha-
bent integræ diametri eorundem cir-
culorum, nempe ut 1 ad 4: ergo si
corpus grave tempore \equiv 1 moveatur
per diametrum minorem H f circuli H
m f n,

m f n, tempus $\equiv 2$ infumendum erit, ut motum suum absolvat per diametrum quadruplo majorem, ita quidem, ut spatia percurfa sint ut quadrata temporum (CCCLXXVII): ergo quia chordæ eodem tempore percurruntur, quo diametri ejusdem circuli, pariter uno ac eodem tempore, quo *sola* chorda B C pertransitur, *ambæ* chordæ E f & f G simul percurrentur. *Subsumo 1.* atqui arcus circulorum eandem inter se proportionem habent ac chordæ arcubus subtensæ (*Geometr.*), & solummodo in nostro casu in hoc differunt, quod spatium in arcu majore B C sit quadruplo longius, quam spatium in arcu minore E f (nam & radii circuli majoris in nostra Hypothesi quadruplo longiores sunt radiis circuli minoris H m f n, & arcus similes sunt in ratione radiorum, quibus describuntur): ergo, cum spatia sint in ratione quadrata temporum, sequitur, quod si tempore $\equiv 1$ percurritur arcus E f tanquam spatium *unum*, tempore $\equiv 2$ percurratur arcus B C tanquam spatium prioris *quadruplum*, scilicet conformiter dictis de motu *accelerato*, cujus legibus sese etiam motus pendulorum accommodat (CDXX), adeo-

Sect. II.

que eodem tempore, quo pendulum longius in arcu B C semel oscillat, aliud pendulum brevius in arcu E f bis oscillabit. *Subsumo* 2. atqui numeri 1 & 4 (quæ indicant *longitudinem* pendulorum \equiv 1 pedis \equiv 4 pedum) si sumantur ut quadrata, habent propriis radicibus numeros 1 & 2: quadrata autem juxta Arithmeticos sunt in ratione *duplicata*, & radices quadratorum in ratione *subduplicata*: ergo etiam istorum quadratorum radices, seu vibrationum singularum durationes simplices, sunt in ratione *subduplicata* longitudinum.

CONFIRMATUR Experimento. Sumantur plura pendula in longitudine inæqualia, e. g. pendulum A \equiv 16 pedum, B \equiv 4 pedum, C \equiv 25 pedum, cum duratio vibrationis penduli A ad B sit ut 4 ad 2, & C ad B ut 5 ad 2, & A ad C ut 4 ad 5, notabitur, quod, dum A bis oscillat, B quatuor vibrationes absolvat, & dum C bis vibratur, B quinquies oscillet, denique dum C quatuor vicibus oscillat, A quinque vibrationes efficiat.

Id quod adhuc clarius demonstrabit sequens

PRO-

PROPOSITIO VII.

Numeri vibrationum, quæ a duobus pendulis inæqualis longitudinis, sive in circulo; sive in Cycloide oscillantibus certo temporis spatio contingunt, sunt in ratione inversa temporum, quibus singulæ vibrationes absolvuntur.

CDXXX. PROBATUR. Certum est, Numeri, quod, ubi *minor duratio* vibrationum sunt singularum vibrationum penduli datur, in ratione ibi *major numerus* earundem vibrationum intra determinatum tempus e. g. temporum. unius quadrantis horæ accumuletur: atqui ubi *minor* est penduli *longitudo*, ibi minor duratio singularum vibrationum datur: ergo in pendulo *breviore* major vibrationum numerus accumulabitur, quam in *longiore*, & consequenter numerus vibrationum tanto magis accrescit, quanto plus longitudo pendulorum decrescit, quia nempe cum *longitudine* major quoque vibrationis ejusdem *duratio* in pendulo longiore accrescit, ita ut quadruplo major sit numerus vibrationum in pendulo breviori, si quadruplo major vibrationum singularum duratio contingat in longiore: adeoque numeri vibrationum sunt in

E e e 5 : ratione

Sect. II.

ratione *inversa* seu *reciproca* temporum, quibus singulæ vibrationes absolvuntur.

Confecta-
ria ex hac
doctrina.

CDXXXI. *Corollarium I.* Inde cum Cl. P. Fortunato a Brix. loco paulo ante citato § 1823 deducere licet 1. quod, dum tempora, quibus duo inæqualia pendula, tam in circulo quam in cycloide oscillantia, suas vibrationes peragunt, sunt in ratione *subduplicata* longitudinum ipsorum pendulorum (CDXXIX), numeri quoque vibrationum, quæ a duobus pendulis inæqualis longitudinis, tam in circulo, quam in Cycloide oscillantibus, dato tempore absolvuntur, sint inter se in *ratione inversa subduplicata* longitudinum ipsorum pendulorum, id est, numerus vibrationum, quæ absolvuntur a pendulo longiore tempore \times , erit ad numerum vibrationum, intra idem tempus a pendulo breviori confectarum, ut *radix quadrata* longitudinis penduli brevioris ad radicem quadratam longitudinis penduli longioris. 2. Ideoque & quadratum numeri vibrationum, dato tempore a longiore pendulo absolutarum, se habet ad quadratum numeri vibrationum, eodem tempore a pendulo breviori confectarum, ut se habet longitu-

longitudo brevioris penduli ad longitudinem majoris, 3. Nec minus pendulorum tam in circulo, quam in Cycloide oscillantium longitudines sunt inverse ut quæ rata numero vibrationum, quæ eodem tempore ab illis absolvuntur. e. g. Si duæ vibrationes contingunt a pendulo longiore tempore unius minuti, quatuor vero a pendulo breviori, longitudo prioris erit ad longitudinem posterioris ut 4 ad 16.

CDXXXII, *Corollarium II.* Ex his *Praxis inveniendi* facilis eruitur praxis definiendi tum vibrationes, tum longitudinem ipsam pendulorum; sit enim *numerum vibrationum,*

Problema I. Data longitudine duorum inæqualium pendulorum, datoque vibrationum numero, quæ ab uno illorum certo tempore absolvuntur, invenire numerum vibrationum, quæ ab altero corpore intra idem tempus perficiuntur. e. g. sit pendulum A in sua longitudine = 4 pedum, idemque tempore unius minuti sec. ter oscillet: at vero pendulum B sit longum = 9 pedes, quæritur, quoties idem pendulum B æquali tempore unius minuti sec. oscillet?

Solutio.

Sect. II.

Solutio. Fiat : ut longitudo penduli $B = 9$, cujus vibrationes quærentur, ad longitudinem penduli $A = 4$: ita quadratum numeri vibrationum, quæ ab hoc pendulo A contingunt $= 9$, ad quadratum numeri vibrationum penduli $B = 4$, tanquam ad quartum proportionalem; hujus enim radix quadrata $= 2$, erit numerus vibrationum quæsitus, videlicet hoc modo.

$$9 : 4 = 9 : 4. \text{ id est, } \sqrt{4} = 2.$$

Itemque
longitudi-
nem pen-
dulorum.

Problema II. Dato numero vibrationum, quæ intra certum tempus a duobus pendulis conficiuntur, & data unius longitudine invenire longitudinem alterius. e. g. pendulum A , 6 pedes longum, 8 vibrationes absolvat, dum interea pendulum B , 5 vibrationes perficit, quæritur, cujus longitudinis sit pendulum B ?

Solutio. Fiat : ut quadratum numeri vibrationum, quæ perficiuntur a pendulo B ignotæ longitudinis ($= 25$), ad quadratum numeri vibrationum, quæ fiunt a pendulo A notæ longitudinis ($= 64$) : ita hujus longitudo $= 6$ ad quartam proportionalem $= 15 \frac{3}{4}$, scilicet

$$25 : 64 = 6 : 15 \frac{3}{4}$$

CDXXXIII.

CDXXXIII. *Scholion I.* Quantam u-
 tilitatem motus pendulorum tum *A-* Utilitas
stronomiæ, tum *Geometriæ*, *Geogra-* summa ex
phiæ, *Aerometriæ*, *Hydrostaticæ*, *Phy-* motu pen-
sicæ quoque ac *Medicinæ* præstet, viri dulum
 ex Recentioribus clarissimi Hugenius, in horolo-
 Bernoullius, Eulerus, PP. Ricciolus, giis rota-
 de Lanis, de Chales, Hauser &c. li- tis.
 quido demonstrarunt. Ex omnibus
 porro, quæ orbi ex pendulorum motu
 obveniunt, commodis postrema non
 sunt *horologia rotata*, suis oscillationi-
 bus horas accurate dividenda, opus
 Cl. Hugonii, qui omnium primus ea
 pendulis instruxit, duas inter semicy-
 cloidales laminas suspensis, utut hodie
 illa passim non amplius in *Cycloide*, sed
 per exiguos *circuli* arcus, utpote ab in-
 feriore parvo *Cycloidis* arcu non diffe-
 rentes, oscillare videantur. Quia ta-
 men eadem pendula a *caloris* vi rela-
 xante prolongata tardius, & econtra
 ab *hyemali frigore* constringente decur-
 tata citius vibrari notata sunt, hanc
 motus inæqualitatem *Grahamus* Londi-
 nensis artifex sustulit, dum *Mercuriale*
Thermometrum inferiori pendulorum
 parti sic adaptavit, ut *Mercurio* per
 calorem ascendente, simul centrum o-
 scillationis tantum elevaretur, quan-

tum

Sect. II.

tum ab eodem calore penduli virga prolongata fuerat; ac vicissim de hyeme Mercurius deorsum condensatus, tantum idem centrum deprimeret, quantum penduli contractione istud ascenderat, & sic in quavis auræ temperie dictum oscillationis centrum ex æquo a motus centro distaret: quo artificio, ut ait Cl. Muschenbrœckius in *comment. ad tentam. Florent. fol. 22.* Horologia ad ultimam perfectionem reducta videntur, cum per annos æquabiliter incedant, quam ullum in cælo movetur corpus. Cæterum ut pendulum simplex vibrationibus singulis minuta secunda singula conficiat, recentissimæ Physicorum observationes docuere, eidem longitudinem 3 pedum Parisin. cum 8½ lin. dandam esse, quo fieri compertum est, ut intra horam 3600 vicibus exacte oscillet.

Et ad invenien-
dam tem-
pli altitu-
dinem, æ
longitudi-
nem maris.

CDXXXIV. *Scholion II.* Nec minus pendulorum ope locorum altitudinem & longitudinem Geometræ definire norunt: inde altitudinem templi ex chorda lampadis metiri licet juxta methodum paulo ante traditam (CDXXXII); assumatur enim pendulum e. g. unius pedis, quod certo tempore 10 vibrationes perficiat, dum chorda lampadis

dis non nisi bis eodem tempore oscillat, & dicatur : ut numerus quadratus vibrationum chordæ lampadis $\equiv 4$ ad numerum quadratum vibrationum penduli $\equiv 100$: ita longitudo penduli $\equiv 1$, ad longitudinem chordæ $\equiv 25$ pedum, quibus si addantur pedes reliqui, ab extremitate chordæ usque ad templi pavimentum computandi, deprehendetur, templi altitudinem *fere* tot pedibus constare ; nam calculum ex assè Mathematicum rudis isthæc praxis utique non eruet. Præterea Cl. P. de Lanis, teste Cl. P. Hauser *Phys. gen. p. 3. § 1027*, penduli auxilio tentavit determinare longitudinem Hydrographicam (*longitudo maris* vulgo dicitur), non mediocri rei nauticæ subsidio, hujus quippe notitia instructi nautæ accurate indicare potuissent, in quo gradu longitudinis, seu in quo puncto distantiae a Meridiano primo, vel a Meridiano loci, singulis diebus aut horis vela facerent, item quot Jeucis aut milliaribus tum a termino *a quo*, tum etiam a termino *ad quem* abessent ? prout hæc omnia circa gradus *latitudinis*, seu distantiae ab æquatore versus Polos, indicare dudum scivere. Verum utut omnem lapidem citatus Cl. P. de Lanis ad inveniendum utilissimum hoc

Sect. II.

hoc arcanum moverit, tamen nec ipse, nec alii post ipsum plurimi, amplissimis licet præmiis, multorum millium librarum nummorum sterlingorum, a supremo Angliæ Senatu sub Anna Regina invitati, illud omnino ad effectum perducere valuerunt, donec tandem nostra ætate, anno scilicet 1763, Londinensis artifex horologiorum conficiendorum peritissimus, *Harrison* cognomine (ab aliis *Harrington* scribitur) inventor ejusdem gloriosus esse meruerit, suumque inventum factis experimentis veritati per omnia convenire coram summis artificibus demonstraverit, prout fama communis, omnium Novellistarum testimonio confirmata, eloquitur.

ARTICULUS VI.

De motu reflexo corporum Elasticorum.

Motus reflexus & directus.

CDXXXV. **M**otus *reflexus* est regressio corporis resilientis ab alio corpore, quod penetrare non valet, ut cum follis lusorius terræ allisus in partes oppositas revertitur. Competit hic motus præprimis ac unice corporibus *Elasticis*, post compressionem sese restituentibus (CXLVI) & opponitur motui *directo*, quo mobile in eam partem fertur,

fertur, ad quam ab impellente potentia immediate dirigitur.

CDXXXVII. *Angulus incidentiæ* in motu reflexo dicitur ille, quem linea incidentiæ A B constituit cum plano D E, in quod corpus dirigitur, & quidem ea ex parte, qua incidentiam respicit, videlicet A B D. *Angulus* autem reflexionis ille nominatur, quem in eodem plano D E linea reflexionis B C ad partem reflexionis efficit, nempe C B E. *Linea* porro incidentiæ ea est, quam corpus motu suo directo, & linea reflexionis, quam motu reflexo describit: punctum vero incidentiæ & reflexionis illud est, ubi planum in ictu tangitur, scilicet punctum B.

CDXXXVIII. Si angulus incidentiæ rectus est, corpus dicitur incidere in planum recte seu ad perpendicularum, ut si incidat ex F in B, eo quod angulus F B D rectus sit (*Geometr.*). At vero si angulus incidentiæ est acutus, non nisi oblique incidere censetur, prout contingit, dum secundum rectam A B in planum D E movetur; nam angulus A B D acutus est (*Geometr.*). Linea D A subtenfa angulo incidentiæ appellatur *sinus anguli incidentiæ*. Denique ipsa linea incidentiæ A B concipitur

Angulus incidentiæ, & reflexionis.

Punctum incidentiæ, & reflexionis.

Tab. VI. Fig. 1.

Incidentia corporis recta & obliqua.

Sinus anguli incidentiæ, & sinus totus.

Fff

tur

Sect. II.

tur tanquam *radius circuli*, adeoque *sinus totus* nominatur.

Actio corporis moti in obicem est perpendicularis.

CDXXXIX. Tanquam certum suppon potest, quod corpus in motu positum, atque in aliud, quod ipsius motui resistit, incurrens, in illud non agat, nisi secundum lineam, quæ illius superficiei *perpendiculariter* insistit. Etenim vel corpus incurrens *perpendiculariter* vel *oblique* incidit? si *primum*, per se patet, quod non nisi perpendiculariter agat, tum quia cæpta semel via mobile progreditur, tum quia ei, *secundum hanc directionem* tendenti, a dato obice resistitur. Si *2dum*, tunc linea directionis obliqua AB, quam tenet corpus incidens, habenda est pro diagonali parallelogrammi ADBF, adeoque composita ex Horizontali AF, & perpendiculari AD: atqui secundum lineam AF parallelam plano DB non agit in istud globus incurrens, quia secundum hanc directionem, utpote plano non oppositam, globo incurrenti non resistitur: ergo tantum juxta lineam *perpendicularem*, plano eidem oppositam, & consequenter &c.

Etiā compressio

CDXL. *Corollarium*. Igitur 1. Si aut corpus incidens, aut planum fuerit Elasticum,

sticum, compressio itidem fit secundum & restitutio in corpore Elasticum; fit enim compressio tantum, in quo Elasticum fit perpendiculariter. quantum corpus projectum agit in planum: ergo, si actio fit solum secundum directionem perpendicularem, seu rectam, etiam compressio sic fiet. 2. Pariter autem & restitutio in corpore Elastico projecto non fit, nisi secundum perpendicularem, cum restitutio fiat per motum, e diametro illi oppositum, per quem facta est compressio, (sicut enim compressioni opponitur restitutio, ita etiam determinationes motuum, quibus utraque perficitur, opponi debent): atqui motus e diametro oppositi sunt in linea recta (CCXCV): ergo & restitutio.

CDXLI. Similiter pro certo haberi Corpora velim, quod omne corpus, si quod dicitur, perfecte Elastico, quando in ictu compressum, tanta vi sese restituat, quanta fuit compressum; Id enim ex ipsa definitione corporis perfecte Elastici eruitur (CXLII): econtra vero restitutio partium eo minore vi & energia contingit, quanto magis vis Elastica in corpore compresso deficit, ita, ut si daretur quoddam corpus minime Elastico, nulla prorsus in eo post ictum compresso restitutio fieret.

Sect. II.

Corpus incidens in compressione obicis totum illum impetum amittit, per quem fit compressio.

CDXLII. Nec minus pro re demonstrata accipi debet, quod totus ille impetus, per quem compressio efficitur, in corpore incidente destruat. Nam partes compressæ, quia supponuntur *Elasticæ*, sese post ictum restituendo, agunt contra corpus incidens per lineam *rectam* (CDXXXIX), adeoque motu *e diametro opposito*: ergo eo ipso ille impetus, qui ad partium compressionem adhibebatur, perit (CCCIII). Attamen hic bene ex dictis notandum, quod nullus alius in corpore incidente destruat impetus, nisi ille tantum, qui fuit plano compresso *perpendicularis*: unde & in allisione sola *perpendiculari* corpus amittit *totum* illum impetum, a quo dependet motus *directus*, quia scilicet ille totus ad compressionem adhibetur: at vero si corpus *oblique* plano fuerit allisum, manet impetus plano parallelus & secundum directionem *horizontalem* agens; ac solum illa portio destruitur, quæ est plano perpendicularis. Et hoc est præcipuum fundamentum motus *reflexi*; nam sicut in obliqua incidentia linea *incidentiæ* est composita ex Horizontali & Perpendiculari (CDXXXIX), ita etiam linea *exidentia* seu *reflexionis* ex his ipsis componitur.

PRO-

PROPOSITIO I.

Motus reflexus non a sola determinationis mutatione exoritur, sed, si sit perpendicularis, a solo Elaterio corporis aut reflectentis, aut reflexi, aut utriusque simul petendus est; si autem sit obliquus, tum Elasticitati, tum & impetus directi parti cuidam sæpius remanenti, & ad novam viam determinatæ ascribi debet.

CDXLIII. PROBATUR I. Pars. In ^{Causa mo-} hac sententia fit ^{tus reflexi.} *petitio principii*, cum id ipsum in responsis datur, quod quæritur: ergo hæc sententia nequit sustineri. p. A. Quæritur enim, cur e. g. globus aut folliis luforius duro cuidem obici impacti suam motus *determinationem immutent*, atque a dicto obice vel perpendiculariter vel oblique, pro ratione suæ incidentiæ resiliant ac reflectantur? ergo, cum respondetur, id fieri ob aliam a priore distinctam determinationem motus, manifeste in responsis datur, quod ipsum in quæstione est. Dein hæc sententia non explicat, cur sola corpora *Elastica*, vel etiam *solida*, attamen in obicem *Elasticum* insilientia, & quidem *pro diverso Elasticitatis gradu*, magis minusve reflectantur? &c.

Sect. II.

Si in incidentia sit perpendicularis.

PROBATUR II. *Pars.* Nam *ex una parte* prior impetus, a quo corpus *directe* motum fuit, ab obice *normaliter* opposito & perpendiculariter reagente, totaliter destruitur: & *ex altera parte* sola vis Elastica corporis aut reflectentis (id est, obicis), aut reflexi, aut utriusque, id est, tam *obicis*, quam *corporis* impingentis, causa sufficiens & accomoda est ad motum reflexum efficiendum: ergo. A. quoad 1. *membr.* ex paulo ante dictis (CDXLII) patet, quibus conformiter corpus mobile cuicunque obici *perpendiculariter* allisum, tamdiu juxta primum directionem motum suum continuabit, & partes obicis loco motas comprimet, quamdiu pars quaedam impetus in illo persiste-rit; hic vero minuetur identidem, totusque demum in eo temporis momento cessabit, in quo resistentia compressi obicis cum parte impetus residua in æquilibrio erit; moxque novus impetus ab Elasticitate corporis aut reflectentis aut reflexi, aut utriusque exoritur, qui corpus impetu motuque directo spoliatum per viam e diametro oppositam resilire facit. Ideoque p. A. quoad 2. *membr.* Per dictam Elasticitatem ita corpus post ictum movetur,
prout

prout exigit *reflexio* (saltem si ad obicem *perpendicularis* est): ergo p. A. I. Experimenta obvia, superius in materia de *Elasticitate* allata, testantur, quod habito Elaterio, & compressione per impulsum præviâ corpus grave a priorē semita *reflektatur*, & econtra ubi illud Elaterium deest, corpus allisum minime resiliat, sed quiescat. II. Reflexio ista ad Elaterii virtutem ita se accommodat, ut *major* sit, si corpora sint *magis* *Elastica*, & *minor*, si ista quoque *minori* vi *Elastica* gaudeant. III. Facta per ictum compressione Elater restituit partes *tanta vi*, *quanta* fuerunt compressæ (CDXLI): IV. Denique vis *Elastica* partes compressas restituendo agit *perpendiculariter* (CDXL): ergo &c. & consequenter causa *motus reflexi perpendicularis* a solo *Elaterio* corporis aut reflectentis aut reflexi aut utriusque exoritur.

PROBATUR III. Pars. Si corpus Si inciden- oblique in obicem impingit, non sem- tia sit obli- per *omnis* impetus, secundum directio- qua- nem *obliquam* impressus, sed *aliqua* tantum ejusdem pars destruitur, nempe ea, quæ a reâctione obicis *perpendiculari* æquilibrium (CDXLII): ergo por-

Sect. II.

tio huic residua permanet, quæ post ictum moveri pergeret eadem via, nisi a partibus Elasticis, post compressionem resilientibus, ad viam fere *mediam* (ut in motu *composito* fieri solet) determinaretur: Ideoque etiam ratio dari potest, cur motus *oblique* reflexus *diutius*, quam *perpendicularis*, perduret, & corpus sub angulo admodum *acuto* incidens longius resiliendo projiciatur: nempe res se habet eodem modo, prout de motu per *plana inclinata* dictum fuit; utut enim hæc plana inclinata corporibus per ea decidentibus resistent in sua inclinatione obliqua, manet tamen in iisdem residua illa impetus directi portio, quæ per *diagonalem* exprimitur (nisi ipsum planum Horizontaliter depresso mobili *perpendiculariter* resistat, in quo casu itidem totus impetus perit, & mobile omnino quiescit), & quidem semper eo major impetus directi portio remanet, quo acutior est angulus BAC (Tab. V. Fig. 1.), seu quo major est inclinatio; nam ad oculum patet, quod corpus mobile *longius* excurrat, si moveatur per lineam AC (Tab. V. Fig. 2.) quam si per lineam AD , vel AE : ergo & majorem impetum sub inclinatione majori

jori A C habebit quam sub inclinatione A D vel A E, alias non eodem tempore corpus mobile tria illa in longitudine diversa spatia emetiri posset, prout tamen reipsa contingit (CDVIII): sic ergo similiter etiam corpus mobile per lineam A B (Tab. VI. Fig. 1.) incidens, ac dein ab obice, seu plano quocunque resistente B, oblique reflexum, non omnem suum impetum directum amittet, sed pro diversitate minoris vel majoris anguli incidentiæ (vel, si lineam incidentiæ A B per modum plani inclinati A D B nobis imaginari malimus, pro majore vel minore inclinatione plani) majorem quoque vel minorem impetus directi portionem retinebit, & solummodo ad aliam viam, distinctam a linea directæ incidentiæ A B G (nempe per diagonalem B C parallelogrammi B E C F) faciendam, determinabitur. CONFIRMATUR I. Dum corpus grave directione adeo obliqua in planum incidit, ut compressione utrinque facta, linea incidentiæ A B, quæ impetum directum denotat, per centrum gravitatis transiens extra basin H cadat, experientia teste corpus moveri non desinit, sed motum suum, licet non amplius directum, sed

Sect. II.

ab obice *reflexum*, prosequitur: ergo revera impetus directus *ex toto* non eliditur, sed præcise juxta directionem *perpendiculararem*; adeoque motus obliquus non soli Elaterio mobilis aut obicis, sed & impetus directi cuidam parti sæpius remanenti, atque ad novam viam determinatæ, adscribi debet.

CONFIRMATUR II. Observatur continuo in reflexione corporum Elasticorum, quod facta collisione post ictum partes Elasticæ tremore quodam ac fremitu concuti agitarique soleant: atqui hoc est manifestum signum, quod in quibusdam saltem partibus prior motus non sit extinctus: ergo in resiliendo perseverat, & consequenter &c.

PROPOSITIO II.

In quovis motu reflexo corporum perfecte Elasticorum, & sine impedimento resiliendum, angulus reflexionis angulo incidentiæ æqualis existit.

Angulus
incidentiæ
& reflexio-
nis æquales
sunt.

CDXLIV. PROBATUR I. *Ratione physica.* Si motus directus via *perpendiculari* ad obstaculum tendit, tunc eadem prorsus, qua incidit, linea recta ad

ad perpendicularum corpus mobile revertitur: ergo. p. A. Vel enim solum *obstaculum* D E a globo incidente B, vel *globus incidens* ab obstaculo in ictu comprimitur? si *primum* contingit, partes obstaculi D E compressione facta, om- Tab. VL
nes simul perpendiculariter se restituent Fig. 2.

(CDXL), adeoque secundum lineas, rectæ A B parallelas, ita ut centrum B ejusdem globi ad neutram partem sit declinaturum, sed potius propter æqualem partium Elasticarum sursum reagentium impulsu immobile permanens. Si *2dum*. Tunc globus M, facto in obicem durum N O impulsu, *sphæricam* suam figuram fere in *Ellipticam*, nunc I K, nunc H L, aliquoties oscillando immutabit: mox autem partes compressæ, priore suo situ ac figura recuperata, plano resistente N O tanquam fulcro utentes, eidemque æqualiter incumbentes, globum totum, per viam perpendiculari e diametro oppositam, impulsu Elastico in P attollent.

Sin autem motus directus via *obliqua* ad obicis superficiem fertur, partes Elasticæ vel obicis, vel globi impingentis, vel utriusque, in ictu compressæ, eodem se modo ac ordine restituant,
quo

Sect. II.

Tab. VI.

Fig. 3.

quo immediate antea compressæ fuerant : inde evenit 1. ut globus ex D in C oblique incidens, ac versus C immerfus, describat centro suo lineam curvam I B, & quidem motu ob planum resistens identidem retardato. 2. Sicut porro via curva globus motu *retardato* partibus successive pressioni cedentibus immerfus fuit, sic postquam prior impetus, qui *perpendiculari* D G æquivalerat, ex reactione obstaculi C extinctus, alter vero adhuc *residuus* (*n. præc.*) atque ab Elaterio partium compressarum ad novam directionem determinatus fuerit, idem ille globus per alteram curvæ lineæ partem B K, partibus eodem ordine se restituentibus, motu *accelerato* emerget. 3. Cum igitur integra linea curva I B K æquali utrinque linea D I, K E compleatur, anguli D C G, E C H, ille *incidentiæ*, hic *reflexionis* erunt æquales, ut patet vel maxime ex *Geometria*; nam si linea incidentiæ D C obicem pertransiendo secaret, anguli *verticales* D C G & H m n æquales forent: ergo cum dicta linea incidentiæ ob densitatem pertransire obicem nequeat, eandem tamen anguli H m n quantitatem supra planum sic transferet, ut anguli dein-

deinceps positi $D C G$, $E C H$, hoc est, *incidentiæ ac reflexionis æquales* sint. Sed amplius

PROBATUR II. *Expositione Geometrica.* Motus obliquus $D C$, utut de se sit *simplex*, & ex uno eodemque impetu ac directione unica proveniat, æquivalet tamen motui *composito* (CCCXXXIV), producto a duplici potentia, nempe a verticali $D G$, & Horizontali $D A$: atqui impetus utrique obsecundat sub angulo $D C G$ *incidentiæ*, & $E C H$ *reflexionis*: ergo anguli erunt æquales. p. m. Impetus secundum directionem *Horizontalem* $D A \equiv A E$, aut $G C \equiv C H$, nullum habet obstaculum: ergo hic ipse perseverat: impetus autem *verticalis*, per $D G$ exhibitus, in C ex toto ab obice resistente perimitur, adeoque globus amissa hac impetus directi portione, per viam $C H$ elaberetur, ast cum vis *Elastica* partium in ictu compressarum æqualem perempto impetum ad viam oppositam $C A$ producat, corpus via *media* per diagonalem $C E$ resiliet, prout motus *compositus* ex potentia $C A$ & $C H$ requirit (CCCXXVII): atqui diagonales $D C$ & $C E$ sunt duorum æqualium paral-

Sec. II.

parallelogrammorum $A C G D$ & $A C H E$: ergo tum istæ diagonales, tum anguli ad C deinceps positi æquales erunt, cum æquals etiam *arcus* habeant, ut ex inspectione figuræ liquet.

PROBATUR III. *Experimentis* in machina quadam artificiali fieri solitis. Dum nempe ex summitate A per annulos $B C D$, juxta seriem numerorum imparium sejunctos, globus eburneus in laminam politam marmoream E , cum *Horizonte parallelam* demittitur,

Tab. VI.
Fig. 4.

idem globus verticaliter delapsus ad perpendicularum redibit ad eandem fere altitudinem B : at si lamina illa marmorea eleuetur sub angulo quovis acuto e. g. $I K O$ (juxta designationem indicis in semicirculo, lateri $N P$ affixo) & per I ex annulis $B C D$ incidat globus, is ipse ex K in foramen apertum aut bursam L (quæ itidem in pertica M , cui est circumligata, pro existentia elevari vel deprimi valet) resillet sub angulo $L K O$, qui cum angulo incidentiæ $I K O$ fere æqualis est. Et sic sub aliis quoque Elevationis plani angulis (apte semper disposita, id est, congrue elevata aut depressa bursa L) angulorum *incidentiæ & reflexionis*

nis

nis physica æqualitas in motu reflexo corporum perfecte Elasticorum & sine impedimento resilientium intuentium oculis patebit. Dixi *Physica*, nam *Mathematica* sperari hoc modo non valet.

CDXLV. *Scholion.* Unde etiam dixi in Propositione: *Corporum perfecte Elasticorum, & sine impedimento resilientium &c.* Quæ obstant angulorum æqualitati. Nam in *praxi* æqualitati angulorum incidentiæ & reflexionis non parum obstant. 1. *Imperfecta corporum Elasticitas*, quæ in partium compressarum restitutione impetum, quo globus est illapsus, assequi nequit. 2. *Corporum quorumvis gravitas*, quæ agendo in corpora, ad centrum terræ ista detorquere nititur. 3. *Resistentia medii dividendi*, quæ globi illud permeantis celeritatem imminuit. (CCCXI). 4. *Scabrities plani*, quæ frictionem causat, a qua denuo motus celeritas impeditur. (CCCXVII) In his ergo casibus angulus reflexionis angulo incidentiæ minor, &, si reflexio sit *perpendicularis*, via motus reflexi brevior esse solet; sin autem illa sit *obliqua*, hæc in curvam fere parabolicam KF (Tab. VI. fig. 3.) desinere consuevit: *Physice* tamen ac in *modica distantia* hæc negligi possunt.

CDXLVI.

Sect. II.

Effectus
a moture-
flexo pro-
venientes.

CDXLVI. *Corollarium I.* Ex eo, quod in corporibus rite Elasticis, ac sine impedimento resilientibus angulus incidentiæ continuo æqualis sit angulo reflexionis, multorum, quæ rudibus mira videntur, clara & aperta ratio dari valet, videlicet 1. Cur ille, qui in littore demissiore sclopetum sub angulo valde acuto exonerat, alterum stantem in littore opposito possit trajicere? nempe glans plumbea sub tali angulo (quinque circiter graduum) in aquas explosa, a superficie liquida *sub eodem fere angulo* reflectitur. 2. Cur in pugnis navalibus globi tormentarii sæpius ex maris superficie resilientes id præstent contra naves hostiles, quod vi primæ directionis præstitissent? (Idem de ictibus reflexis in urbium expugnatione, hostes in fossis latentes impetentibus, esto Judicium). 3. Cur major in æstate quam hyeme sit solis calor, majorque exinde in terram dimanans fertilitas? scilicet quia sol æstivo tempore est altior, propiusque a nostro Zenith distans, hinc suos radios in majore copia, & quidem directione magis perpendiculari in nos vibrat, qui inde perpendiculariter quoque in se ipsos reperiçulli redeunt, & sic calorem intendunt:

tendunt: at vero, quia in Hyeme sol idem depresso sub minore angulo tellurem irradiat, radii multo rariores incidunt, & reflexi ad latus, in quod oblique incidunt, oblique etiam disperguntur. 4. Cur glandes tormentorum ferreæ, si cadant in muros cedere nescios, ingentem ruinam faciant; e contra in linum mollem, aut fartas arena, lana, & ramentis storeas explosæ, quiescant, ac nullam prorsus stragem edant? nimirum corpora, quæ vel Elastica non sunt, vel resistendo cedunt, sensim directum impetum perimunt, reflexum autem non communicant: ergo in tali casu etiam reflexionis angulus cum angulo incidentiæ nullo modo æqualis esse potest. Sic & sapientissimus universi conditor DEus hominum cæterorumque animalium ossa carne molli superinducta vestiit, quæ corporum externorum impulsus sensim destruens, ossium fractionem prohibeat.

CDXLVII. *Corollarium II.* Omnium ^{Ufus mo-}porro optime motus reflexi commodatus reflexi in *Catoptrica* nobis declarantur, ex ^{in Catop-}qua scimus, quod specula plana ob- ^{trica.}jectum in illo tantum loco exhibeant,

G g g.

ubi

P. Oster. *Physic. Pars I.*

§. II.

ubi radius incidens sub æquali angulo resilit: hinc specula concava aut planoconvexa species e. g. cujusdam rosæ quasi in aere pendulas oculo contra lineam reflexionis directo exhibere solent. Item si plura ejusmodi specula reflexiones multiplicent, una alterave figura integrum rosetum repræsentare valet: ex eadem ratione Carbo ignitus, in speculi unius Parabolici foco collocatus, pulverem pyrium aut fomitum, in altero similis speculi e diametro oppositi foco constitutum accendit, quia scilicet radii igniti tanta copia in alterum hocce speculum evibrantur, & in foco concentrantur, ut huic effectui producendo sensim pares evadant. Quid præterea motus reflexus ad sonum, Meteora lucida, Iridem, lumen, & colores &c. conferat, opportune suis locis dicetur.

SOLV. OBJ.

Impetus
directus
ex toto
non perim-
itur.

CDXLVIII. OB. I. *Contra Prop. I.*

Impetus, qui in motu corporum Elasticorum, tum perpendiculariter tum oblique in obstaculum incidentium, partes comprimit, ex toto perimitur: ergo sola *Elasticitas* est causa

causa motus reflexi, & non portio quædam remanens impetus directi. p. A. Corporis Elastici allisæ partes, plano seu obstaculo proximæ, urgentur in ictu retrorsum ad globi centrum, & quidem tanta vi, quanta antrorsum reliquæ impelluntur partes, a contactu plani remotiores: ergo partes omnes simul determinationibus e diametro oppositis afficiuntur, & consequenter impetus, quo est inducta compressio, ex toto perimitur. R. N. A. ad prob. D. A. urgentur retrorsum partes illæ, quarum linea directionis plano insistit, & quæ in obicem perpendiculariter agere in ictu concipiuntur, CA. (CDXXXIX) urgentur deorsum etiam illæ partes, quarum linea directionis extra planum cadit (CDXLIII. III. p. Conf. I.), & quæ in obicem perpendiculariter non agere concipiuntur, (CDXLII) N. A. & C. reliquæ partes cum e diametro motui obicis non resistent, nec tamen eadem via deinceps moveri queant, ad aliam tantum motus semitam in eundam a partibus Elasticis, post compressionem sese restituentibus, determinantur.

Sect. II.

Sed quædam ejus portio fæpius remanet.

Inst. 1. Si prior impetus manet, huicque *novus* additur ab *Elaterio* partium sese restituentium, angulus reflexionis evadit major quam angulus incidentiæ, ob *vires majores*: atqui hoc non (CDXLIV): ergo. R. D. M. Si prior impetus directus *ex toto* remanet, C. M. si aliqua tantum ejusdem portio (CDXLII.) N. M. & sic D. m. N. C. eo ipso, quod *pauciores* tantum partes, in obliqua incidentia compressæ, totalem restitutionem corporis alii *se solis* facere nequeant, impetus directi portio residua id supplere debet, quod Elasticæ restitutioni ad angulum reflexionis angulo incidentiæ paræm reddendum deficit.

Quod si corpora reflectenda sint perfecte dura?

Inst. 2. Ex hac sententia sequeretur, quod, si in obicem *perfecte durum* determinatione perpendiculari globus incidat, hic similiter propter *impetum directum* perseverantem *ex toto* reflectendus foret: atqui sequela nequit admitti: ergo. p. m. nam tali modo idem globus reciperet directiones e diametro oppositas: ergo. R. 1. hoc ipsum argumentum ab adversæ sententiæ Patronis solvi debere, cum ex eo sequeretur, quod *saltem* in corporibus *perfecte*

perfecte duris, id est, omnis compressionis adeoque & restitutionis (consequenter etiam *Elasticitatis*) incapacibus, causa metus reflexi sola *vis Elastica* non foret. R. 2. Sententiam nostram procedere de corporibus *Elasticis*, non de *perfecte duris*, utpote quæ in rerum natura non dantur, cum omnia plane corpora sint *Elastica* (CXLV). Unde in forma R. 3. Tr. M. N. m. ad prob. D. A. reciperet successive C. A. simul & semel N. A & C. Nunquid eadem pila aut glans ferrea sursum perpendiculariter projecta sine ulla repugnantia *per eandem viam* directione mutata successive deorsum ruit? dixi Tr. M. nam, ut tenet Cl. D. Purchotius *Phys. p. 1. Sect. 4. c. 8. Ob. 1.* Corpus durum & prorsus inflexibile, allisum alteri corpori similiter duro & inflexibili nullatenus resilire debet, cum neq. a se ipso, nec ab alio in tali casu repellatur. Primo enim, ait, si fingatur globulus inflexibilis in parietem inflexibilem & immobilem immitti, globulus iste omnino sistetur, cum paries opponatur ejus motui, nec ipsum ad contrarium motum propter suam inflexibilitatem & immobilitatem determinare possit. 2. Si duo globuli A & B inflexibiles & æquales cum æquali motus quantitate in sese ex oppositis partibus

Sect. II.

incurrant, alter alterius motui obstabit: etenim si corpus *A* feratur in *B* cum 4 celeritatis gradibus, & cum totidem gradibus ab eo repellatur, duas habebit determinationes contrarias & paris virtutis, unam qua movebitur in *B*, alteram qua in partem oppositam reflectatur: adeoque una ex his determinationibus alteri futura est impedimento, & globulus *A* necessario quiescet: idem dicendum de globulo *B*. quod si globulus iste *A* in ipsum *B* quietum incurreret; vel si cum pluribus velocitatis gradibus in *B* moveretur, quam *B* in *A*, tum ipsum *B* in partem oppositam abduceret (secundum leges in Art. VIII. explicandas), atque hoc sensu dici posset ipsum *B* reflecti, seu potius in contrariam partem impelli, non tamen resilire: ergo. Attamen contrarium videtur Cl. P. Fortunato a Brix. *Phys. gen. p. 1. §. 353. & seqq.* cujus momenta itidem ponderosa esse legenti apparebunt: unde *Majorem* transmittere, quam de corporum nullibi existentium motu pluribus hic disceptare: malim,

Etiam Elasticitas ad motum reflexum requiritur.

OB. 2. Saltem Elaterium corporum sibi mutuo allisforum nihil confert ad motum eorundem reflexum: ergo. p. A. ad reflexionem sufficit prior impetus directus, perseverans post ictum, una cum resistentia obicis: ergo. p. A. **motus reflexus:**

non

non est motui directo contrarius, sed tantum *determinatio*: ergo idem quoque impetus, qui motum *directum* producit, motus *reflexi* causa existit. R.N. A. cum ejus *prob.* ad hujus *prob.* D.A. motus directus, in quantum motus est, non est contrarius reflexo. C. A. in quantum *talis motus* est. N. A. & C. eo ipso, quia motus *directus*, dum in *reflexum* mutatur, novam priori motui contrariam *determinationem* accipit, etiam causam hujus determinationis requirit; nempe *vim Elasticam*, quam in reflexione *perpendiculari* ut unicam, in reflexione autem *obliqua* ut partialem saltum causam recte nobis assignare videntur.

Inst. Dantur corpora, motum *reflexum* Nullum
 actu causantia, quæ tamen non sunt *Ela-* corpus re-
stica: ergo Elaterium nequit dici causa re- flectitur,
 flexionis vel tantum *partialis*. p. A. nam nisi sit Ela-
1. Lumen reflectitur ab *aqua*, *luto*, & quo- sticum.
 vis corpore non tantum duro, sed & *mol-*
li: nec tamen materia luminis, utpote
 subtilissima, nec lutum aut alia corpora
 mollia Elaterio gaudent. 2. *Aqua* aut
 alius liquor, alteri liquori affusus, resilit.
 3. *Globus* aut *lapillus* sub angulo valde
 acuto in superficiem aquæ projectus re-
 flectitur; imo & interdum pluribus ac
 differentibus reflexionibus excitatis su-

Sect. II.

pra aquam quasi saltitare videtur. 4. *Pila* ex filo suspensa, & verticaliter ex manu, filum retinente delabi jussa resilit, utut terram aut aliud obstaculum attingere nequeat: ergo. R. N. A, cum juxta superius dicta nullum prorsus detur corpus *Elatere* destitutum. Ad *prob.* quoad *1mum*. Suppono vel maxime ex dicendis in *Diff. seq.* quod materia *luminis* subtilissima, sit non minus apprime *Elastica*, prout hi ipsi *effectus*, in *Instantia* assignati, ad *causam* arguere permittunt. Sic & experientia testatur, quod pro diversa corporum ipsorum vi *Elastica*, majore vel minore, ipsum quoque lumen magis aut minus reflecti soleat, prout ex immutata corporum eorundem *textura* colligi posse infra dicemus, Ad *2dum*. Dum aqua vel alius liquor cum altero miscetur, istorum liquorum partes ob medii, scilicet *aeris*, resistantiam magis se junguntur, sicque inter eas commiscetur idem ille *aer*, qui a pondere decidentis aquæ aut alterius liquoris compressus, mediante vi sua *Elastica* se denuo expandit; & guttulas huc illucque, pro ratione diversæ incidentiæ, reflectit atque dispergit. Ad *3tium*. Idem fere dici potest, nempe quod *globi* vel *lapilli* reflexio tum ab *Elatere aquæ*, tum etiam ab aliis causis, *aere* scilicet *Elastico*,
aquis

aquis permixto; itemque ab ejusdem aquæ corpori injecto resistentis impenetrabilitate petenda sit. Nequit videlicet lapis dividere aquam, nisi ejus resistentiam vincat, cumque iste motus in dato casu fiat sub angulo valde acuto, & celerrime, non ei suppetit tantum temporis, ut possit scindere aquæ partes, secundum hanc directionem copiosius resistentes, (quo celerius enim aqua dividenda est, eo majore vi oportet uti) cumque id secunda & tertia vice eadem celeritate fiat, continua durat reflexio, donec tandem aquæ resistentia devicta cedat, impetusque tum directus, tum ab aquæ & aeris intercepti Elaterio communicatus, & sensim imminutus deficiat. Ad 4^{um}. Filum æque ac pila vi gaudent Elastica. Cum igitur per dejectionem tendantur, partesque ex debito ac naturali situ suo aliquantum dimoveantur, se denuo restituant atque resiliunt.

ARTICULUS VII.

De motu refracto.

CDXLIX. **M**otus refractus ille dicitur, Motus re-
 quo mobile, ab uno me- fractus.
 dio in aliud pertransibile (v. g. ab aere
 in aquam, aut econtra) incidens, ob
 majorem vel minorem hujus resisten-
 G g g 5 tiam,

Sect. II.

Tab. VI.
Fig. 5.

Linea &
angulus
incidentiæ
ac refractionis.

Axis seu
perpendicularum.

tiam, directionem suam immutat, & a recta, qua pergebat, linea deflectit, e.g. dum globus ferreus D ex aere in flumen oblique excussus ex B non amplius movetur in E, sed linea in B incurvata declinat in f. linea D B vocatur *linea incidentiæ*, linea B f *refractionis*: prior cum linea H B *angulum incidentiæ* seu *inclinationis* D B H, posterior cum linea B I *angulum refractionis* f B I constituit. Angulus B etiam *punctum incidentiæ* appellatur: recta autem A C, puncto incidentiæ B utrinque perpendiculariter insistent, *axis*, seu *perpendicularum refractionis & incidentiæ* denominatur. Porro *angulum incidentiæ & refractionis* alii melius ab axe desumendam esse arbitrantur, *angulum* A B D pro *angulo incidentiæ*, *angulum* vero f B C pro *refracto* seu *angulo refractionis* accipiunt: utraque loquendi ratio subsequentium Theoriæ æqualiter inservit, Cæterum si corpus motu suo refracto ad axim A c accedit, dicitur *refractio fieri ad perpendicularum*. Sic globus F ex aqua egrediens non pergit linea recta B L, sed versus axem accedit linea B D. econtra si corpus grave motu suo ab axe recedit, *refractio a perpendicularo* vocatur, ut si idem globus ex D in superficiem

ficiem aquæ incidens, moveatur per lineam B F, non ex D per lineam B E.

CDL. Per experientiam certum est, quod, si corpus grave *perpendiculariter* ex medio rariore in densius, v. g. ex aere in aquam; aut vicissim ex densiore in rarius transit, nulla fiat *refractio*, neque directionis mutetur via, quin imo corpus perpendiculari linea motum suum continuat, siquidem medium sit quietum, nec aliud impedimentum motus accidentale concurrat. Observatio prima de incidentia perpendiculari in diversum medium. Sic si ex tubulo A globulus plumbeus B demittatur in vas vitreum C perpendiculariter erectum, & primo quidem nullo liquore repletum sed prorsus vacuum, nisi quod in fundo D argilla mollis ad unius fere digiti crassitiem collocata sit, notabitur, cavitatem a dicto globulo in medio vasis fundo ad perpendiculum efformari. Tab. VI. Fig. 6. Mox si idem vas aqua aliove liquore adimpleatur, globulus denuo ex eadem altitudine A demissus, *tardiore* quidem descensu ad *idem* tamen vestigium, antehac argillæ impressum recidet. *Ratio physica* est, quia dum globus *perpendiculariter* ex aere in aquam delabitur, tam aer quam aqua eidem ex inferiore parte & utroque latere *æqualiter* resistunt:

Sect. II.

stunt: ergo omnia globi puncta, ipsumque illius centrum, cæptam viam axi parallelam continuant secundum lineas CB, eb, fb inter se parallelas, adeoque primam directionem non mutant.

Observatio secunda de incidentia obliqua.

CDLI. Similiter certissimum, & tantquam *lex refractionum generalis* haberi debet, quod corpus mobile, dum obliqua directione medium magis resistens subit, refringatur a perpendicularo: dum vero in medium minus resistens tendit, ad perpendicularum deflectat, sic v. g. lapis oblique in aquam projectus non accedit ad lineam perpendicularem BC, sed ab ea recedit, & magis appropinquat extimæ superfici ei aquæ B1, adeoque a perpendicularo BC refrangitur: idem accidit remo aquis immerso; unde & oculo extra aquam constituto ex ea parte, quæ sub undis latet, fractus apparet. E contra lapis ex aqua in aerem transiens ad perpendicularum reflectitur.

Tab. VI.
Fig. 5.

Observatio tertia.

CDLII. Tertia denique motus refractionis *lex* est, quod, si corpus mobile lineam minimam inclinata in medium magis resistens incidat, motus refractus in reflexum transcat. Lex hæc ab experientia confirmatur, qua novimus, quod si quis sclopetum

petum eo situ constituat, ut cum Horizontali aquæ superficie angulum circiter 5 graduum efformet, velitque ex M in scopum N ejaculari, globum explodere debeat versus G, ubi meta N ex Q ad oculum in M reflectitur; hoc enim modo angulus incidentiæ M G S, & reflexionis N G T erunt æquales (CDXLVIII) nunc ab effectibus ad causam arguendo, sit

Tab. VI.

Fig. 5.

PROPOSITIO.

Causa motus refracti partim est impetus, mobili primum impressus, partim vero major aut minor medii novi, quod oblique permeatur, resistentia, novam determinationem motus efficiens.

CDLIII. PROBATUR I. Pars. Im-Causa motus mobili semel impressus refractus tamdiu perseverat, quamdiu ab alia causa accedente non destruitur (CCC) atqui in motu refractō ab accedente diverso medio non destruitur, eo ipso, quod motum suum continuet, utut non amplius juxta eandem directionem, sicut antea: ergo in motu refractō perseverat impetus mobili primum impressus, & solummodo a medio resistente ex post aliter determinatur, id quod impetui proprio

prie competere valet. (CCXCIX) Nec tamen asserere velim, quod totus *actotalis* impetus directus, mobili primum impressus, perseveret, sed solum *secundum proportionem* medii, magis aut minus resistentis, sicque majorem vel minorem impetus partem elidentis, juxta superius dicta (CDXLIII. *in Prob. III. p.*).

PROBATUR II Pars. Omne medium, utut fluidum, est quoddam motus *impedimentum* (CCCXI), & quidem eo majus, quo *densior* illius massa existit (CCCXII), ut patet ex eo, quod mobile idem *velocius* decidere soleat per *spiritum vini*, quam per *aquam putealem*, & citius per hanc quam per *aquam*, multo *sale nitroque saturatam*, prout facto experimento Cl. P. de Lanis deprehendit: ergo *medii novi*, quod oblique permeatur, *resistentia* motum imminuit, novamque determinationem efficit.

CONFIRMATUR, simulque ostenditur in *duplici casu*.

Tab. VI.
Fig. 7.

I. Dum mobile ex medio rariore incidit in *densius*, e. g. ex aere in *aquam*, ita ut *refractio* fiat *a perpendiculari* (CDLI). Cadat globus A directione *obliqua* ex *aere* in *aquæ* superficiem L M, ita ut fiat contactus in puncto N. Jam quia *masa aquæ* majorem *densitatem* habet, quam

aer, globo incurrenti etiam fortius resistit aqua in puncto contactus *N*, dum interea partes globi *B* reliquæ versus *O* nullam in aere resistantiam sentiunt: ergo circa punctum *N* (quod in hoc casu veluti quiescens ob medii resistantiam spectari valet) partes globi cæteræ motum priorem continuantes, ad viam circa punctum quietis fere circula rem declinant, prout accidere pendulis circa punctum suspensionis solet, ast simili aquæ inferius stagnantis resistantia continuo impeditæ, contra aerem minus densum per lineam *BO* simul retruduntur, adeoque globi centrum *B* relicta directione *Bf* deflectit ad *BC* via fere incurvata, globo autem toto aquis immerso motus per lineam *CK* continuatur, nisi quod globi gravitas ex recta denuo parabolicam *CH* efformet, & consequenter major medii novi, quod oblique permeatur, resistantia, novam determinationem efficiens, motus a perpendicularo refracti causa existit.

II. Vice versa dum mobile ex medio densiore incidit in rarius, scilicet ex aqua in aerem, ita ut refraction fiat ad perpendicularum, res hoc modo contingit: columnæ aqueæ, dum globus per lineam *KC* in aerem eluctatur, partes hujus adhuc demer-

Sect. II.

demersas fortius in B sursum propellunt, quam *aer* contra emergentes resistere valeat : ergo globus mutata directione ex P per lineam curvam rotari incipiet versus Q (nempe ex qua parte minor est resistentia), ibique motum suum per Q A, aut si *gravitatis* habeatur ratio, per lineam *parabolicam* Q I, propter auctum identidem aquæ tollentis impetum, accelerabit &c.

Refractio
diversa
pro diver-
sa densita-
te, figura,
cohesionem
& veloci-
tate medii.

CDLIV. *Corollarium I.* Quo magis diversa sunt media, per quæ successive transeunt corpora, eo major vel minor erit refractionis angulus. Sic in medio *densiore* & magis resistente illa sensibilibus a *perpendiculari* recedunt, quam in medio *minus denso* : vicissim de reflexione ad *perpendicularum* in medio rariore respectu minus rari loquendum est. Præterea quia major ibi refractio intervenit, ubi medium fortius resistit, sedulo attendi debet ad *figuram*, *cohesionem*, *velocitatem* &c. non tantum ipsius corporis *mobilis*, sed etiam *medii*, eoquod hujusmodi causæ ac dispositiones ad variandam ac immutandam *resistentiam* plurimum conferre valeant, ut alibi dictum est.

Quomodo
in aquam
vel ultra

CDLV. *Corollarium II.* Ex eo, quod glans plumbea ex aere aquam subiens refrin-

refringatur a perpendicularo, sequitur, quod ^{aquam ja-} is, qui piscem in aqua globo trajicere co- ^{culandum} gitat, lineam visualem infra piscem in ^{fit?}

M dirigere debeat. Sunt etiam aliqui, Tab. VI. putantes jactum sclopetarium, *super a-* Fig. 5.

quas factum, esse multo debiliorem, quam in libero apertoque campo, ex falsa persuasione, quasi aqua globum missilem vehementer *attrahat*, ut vulgo dici solet: ast, licet ob continua aquarum effluvia (CLXXXIV) aer illis incumbens non nihil condensetur, ideoque globi impetum ac celeritatem *minuere* videatur, hæc tamen motus diminutio fere nulla ac penitus insensibilis existit: hinc verius dici debet, quod oculi jaculantis propter æqualem aquæ configurationem sic decipiantur, ut spatium, quod ultra 60 passus revera excurrit, eidem non nisi ad 50 passus excurrere videatur. Porro

CDLVI. *Scholion.* Omnia, quæ de ^{Lucis re-} motu refracto hætenus allata sunt, solum- ^{fractio da-} modo de corporibus crassioribus intellecta ^{tis regulis} esse velim, non item de luce refracta, quæ ^{se non ac-} est objectum *Dioptricæ*; nam alia longe & e diametro opposita est *lucis refractionis*; radii quippe luminis *oblique* incidentes

H h h

ex

P. Oster. Physic. Pars. I.

ex medio *rariore* in *densius*, nempe ex aere in vitrum aut aquam refringuntur *ad perpendicularum*, & incidentes ex medio *densiore* in *rarius* refringuntur *a perpendicularo*; secus ac in aliis corporibus refractis accidit. (CDLI). Id videre licet in *cubo vitreo*, radio solari, per foramen camerae obscurae immisso, superiorem suam superficiem oblique obvertente; radius namque solaris incidens ex aere in cubum illum vitreum, per eum pergit linea *ad perpendicularum* refracta: e diverso dum ex cubo in aerem regreditur, *a perpendicularo* refrangitur. Huicque Theoriae instrumenta dioptrica, *microscopia*, *tubi optici* &c. ad usus optimos hodie confici solita, innituntur. Ast plura de *Luce* in Dissert. seq.

ARTICULUS VIII.

*De motu corporum collisorum,
seu de Regulis Dinamicæ.*

Regulæ
Dinamicæ.

CDLVII. *Regulæ Dinamicæ* vocantur illæ leges, secundum quas corpora sibi invicem allisa motum communicant: eas primus omnium accuratius examinare instituit Cartesius, ast teste aliorum communi calculo circa illarum

larum naturam eruendam non parum hallucinatus, *fecit errando, ut errores alii vitarent*, prout loquitur Cl. Rizzetus apud Cl. P. Fort. a Brix. *Phys. gen. p. 1. § 365.* Leges a Cartesio latas tum demum crisi subjiçiemus, postquam *meliores* ex viris clarissimis Vallisio, Hugenio, Mariotto, ac citato eodem Cl. P. Fortunato attulerimus.

CDLVIII. De duplicis generis cor- Duplicis generis corpora allidi possunt.
poribus hic agimus, scilicet de *plane inertibus*, & *perfecte Elasticis*. Per *plane inertia* intelligimus ea, quæ *quavis Elasticitate sensibili* carent, ac propterea in corpus impellens *reagere*, impetumque e diametro oppositum communicare nequeunt, *perfecte* vero *Elastica* illa dicimus, quæ *summa* gaudent *vi Elastica* sensibili : leges ergo, quæ de collisione corporum aut *Elasticorum* aut *inertium* seu non Elasticorum afferentur, spectabunt *perfectam Elasticitatem*, aut omnino *nullam* : saltem eo magis experimenta colliforum corporum cum hisce legibus consonabunt, quo magis illa corpora ad *perfectam Elasticitatem*, aut ad *perfectam illius carentiam* accedent.

Sect. II.

Collisio
directa &
obliqua.Centrum
percussio-
nis.Velocitas
absoluta
& relativa.

CDLIX. Duplici item modo motus communicatio per collisionem peragitur a corporibus tum *Elasticis* tum *non Elasticis*. 1. *Directe*, si corporis incurrentis linea directionis, quam motu suo describit, per alterius corporis, in quod incurrit, *centrum* transit. 2. *Oblique*, si dicta linea *extra centrum* alterius corporis transit. *Centrum percussiois* vocatur illud punctum, in quo ictus est maximus. Impetus seu *vires motrices absolutæ* dicuntur illæ, quæ corpori mobili, *in se* præcise spectato, competunt in ordine ad spatium certo tempore percurrendum, sive est ipsa *motus quantitas*, adæquans factum ex ductu *massæ* in *celeritatem* (CCLXXXIX), *vires* autem *respectivæ* seu *velocitas relativa* ea est, quam habet corpus diversimode, si comparetur ad vim aut celeritatem alterius corporis. Sic 1. si corpus A corpori B *quiescenti* alliditur, vis & celeritas *absoluta* coincidit cum *relativa*, quia scilicet in hoc casu solum corpus accedens *celeritatem* habet, nullam vero corpus *quiescens*. 2. Si ex duobus globis in motu positis unus *velocius* secundum eandem directionis lineam alterum præcedat, ita ut secundus illum assequi non possit, vel econtra hic posterior *velocio-*

re cursu antecedentem tardiozem, petat, tunc *velocitas respectiva* erit æqualis differentiae ambarum velocitatum, qua globi illi vel recedunt a se, vel ad sese appropinquant: e. g. globus A sit velox $\equiv 7$ & globus B $\equiv 4$, erit *velocitas relativa* in A $\equiv 3$, quæ est amborum *differentia*: corpus autem B in tali casu spectatur, acsi omnino *quiesceret*, & nullam prorsus vim motricem possideret.

3. Si denique duo globi *directe* inter se collidantur, celeritas respectiva erit æqualis summæ ambarum velocitatum absolutarum: *tota* namque *celeritate* sua *absoluta* præfati illi globi sibi mutuo alliduntur, ut est perspicuum. Cæterum his etiam conformiter

CDLX. Corporum omnium tam non Triplex *Elasticorum* quam *Elasticorum* collisio & collisionis *directa* & *obliqua* triplici modo contin- casus.
git: aut enim 1. unum ejusmodi corpus in aliud incurrit plane immotum. 2. Aut unum insequitur aliud, quod in eadem recta linea ad eandem partem tardius movetur, 3. Aut denique unum alteri e diametro sibi occurrenti illiditur. Jam pro tribus hisce casibus Regulas, sive Leges præcipuas, asseremus: atque ut ordinatius procedamus distinctas seor-

Sect. II.

sim, primo quidem pro corporum *Inertium* seu *non Elasticorum*, tum vero pro *Elasticorum* collisione adducemus. Igitur

Leges motus collisorum corporum
non Elasticorum.

Lex unica pro primo casu.

Si corpus **CDLXI. PROPOSITIO I.** *Si corpus iners in aliud iners quiescens incurrit directe. ambo post ictum moventur eadem celeritate ad eundem terminum, impetu sive celeritate impellentis inter utrumque pro ratione massarum divisa.*

PROBATUR I Pars. Ex una parte corpus quiescens non supponitur tantæ molis existere, ut corporis impellentis vires destruere valeat: ergo motum ab hoc recipiet: ex altera parte corpus idem quiescens ponitur *iners*: ergo nequit efficere, ut corpus impellens directione opposita reflectatur: adeoque corpus utrumque ad eundem terminum movebitur, & quidem æquali celeritate; corpus quippe impellens tantum præcise impetui alteri communicat, quantum requiritur ad tollendum sui motus
impe-

impedimentum (CCCIX) : ergo sublato impedimento cum in corpore moto non alia sit *motus causa* quam impellens, ambo *eadem celeritate* movebuntur.

PROBATUR II Pars. Quantitas motus, si *celeritates* in utroque corpore moto sint æquales, desumitur a *massis* (CCXCI) : ergo *celeritas impellentis inter utrumque pro ratione massarum dividitur*. Nempe I. si tam corpus movens A quam corpus motum B sint *ejusdem massæ*, illud prius *dimidiam* partem sui impetus posteriori communicabit, ut *æqua celeritate* ambo moveri queant. II. Si corpus B fuerit *minoris massæ* quam corpus A impellens, *infra dimidium* impetus ab hoc illi communicabitur; minor namque massa in B etiam non indiget *tanto* impetu, ut moveatur *æqualiter* cum corpore A. III. Si vero corpus B sit *majoris massæ*, *plus* quam dimidia pars impetus eidem a corpore impellente A tribuetur, quippe cum *singulæ* partes moveri debeant, etiam *major* toti corpori *impetus* debetur, ut *æqualiter* currat.

Sect. II.

CONFIRMATUR *Experimentis Ma-*Tab. VI.
Fig. 2.

chinæ percussoriæ, a Cl. Mariotto inventæ, & a Gravesandio, Nolletto aliisque magis perfectæ. I Sint duo globi argillacei e filo penduli A, B, mole æquales, ita ut v. g. quivis eorum *sex* uncias appendat: attollatur globus B ad distantiam 8 grad. in C, indeque demittatur in globum quiescentem A. post ictum uterque in loco contactus æqualiter *complanabitur*, (quia scilicet partibus anterioribus motu impeditis, posteriores vi tota irruunt, illasque situ mutato ad latus detorquent, id quod globo utrique propter *actionis & reactionis æqualitatem* ex æquo accidit): factæque collisione ambo versus eandem partem non jam ad 8, sed ad 4 solummodo graduum distantiam ascendent usque in D; licet enim globus A dempto obstaculo ad eandem 8 graduum altitudinem, qua decedit, usque in E ascenderet (CDXXI), attamen dum globus illi æqualis objicitur, *duplicatur* ejus massa, quam proin idem impetus ad dimidiam tantum altitudinem elevare poterit usque in D, vel clarius: Prior impetus distribuitur inter 12 uncias utriusque globi, adeoque globi illi *simul*

mul accepti tantum ad 4 graduum distantiam ascendent, videlicet $6 \times 8 = 48$. $\frac{48}{8+8} = 4$. II. Si sumatur globus impellens duplus ipsius globi A quiescentis 6 unciarum (adeoque 12 unciarum), & descendat cum velocitate ut 4 in A, facta allisione hi 4 velocitatis gradus movebunt $\frac{1}{2}$ gravius pondus, quam ante collisionem, eritque post allisionem velocitas ut $2\frac{1}{2}$; nam ante collisionem quantitas motus est $= 48$, quæ motus quantitas si post collisionem dividatur per $6 + 12 = 18$ (quæ est summa utriusque massæ) erit $2\frac{1}{3} = \frac{7}{3}$: in ipso autem ictu complanatio utriusque globi minor erit, eoquod & globi minoris contra majoris insultum resistentia minor sit. III. Quodsi econtra globus quiescens A duplus sit corporis impellentis B, v. g. 12 unciarum, & hujus celeritas in A denuo $= 4$, complanatio utrinque major accidet, quia etiam duplo major est globi quiescentis resistentia, prout & navis in rupem allisa citius rumpitur, quam si in aliam mobilem atque cedentem navim incurrisset: velocitas vero seu ascensus in D erit $= 1\frac{1}{3}$, nam quatuor illi gradus velocitatis in globo B 6 unciarum post collisionem cum

Sect. II.

globo A 12 unciarum concipi debent in massam 18 librarum impendi. Itaque $18 : 4 = 6 : 1\frac{1}{3}$, id est, quia massa globi impellentis B massa 12 unciarum augetur, tali modo vis motrix in massam duabus tertiis auctam divisa, partem duntaxat prioris spatii tertiam percurreret, nam $1\frac{1}{3} + 1\frac{1}{3} + 1\frac{1}{3} = 4$. Item $\frac{1}{3} = \frac{1}{3}$, $\frac{1}{3} = \frac{1}{3}$. Et hinc

Praxis determinandi celeritatem post collisionem, pro primo casu.

CDLXII. *Scholion.* Regula universalis ac omnium brevissima pro invenienda corporum inertium post factam collisionem celeritate sequens statui potest, si dicatur: ut massa utriusque globi ad massam globi impellentis, ita celeritas ante collisionem ad celeritatem utriusque post collisionem, Algebraice $(M + m) : M = C : x$. Sicque per vulgarem Regulam de tri omnia Problemata facillime solvi queunt, quæ per *Machinam percussoriam* proponuntur, videlicet in tribus mox allatis casibus hoc modo procedendo.

- $$(M + m) : M = C : x.$$
- I. $(6 + 6) : 6 = 8 : 4.$
 II. $(6 + 12) : 12 = 4 : 2\frac{2}{3}.$
 III. $(12 + 6) : 6 = 4 : 1\frac{1}{3}.$

Alia

Alia Exempla.

$$\text{I. } (6 + 6) : 6 = 4 : 2.$$

$$\text{II. } (3 + 9) : 9 = 4 : 3.$$

$$\text{III. } (9 + 3) : 3 = 4 : 1.$$

Lex unica pro secundo Casu.

CDLXIII. PROPOSITIO II. *Si duo corpora inertia directe versus eandem partem inæquali celeritate se ferantur, ut subsequens celerius motum cum antecedente collidatur, utrumque corpus secundum eandem directionem motum suum post ictum continuabit æquali celeritate, minore tamen, quam impellens ante collisionem habuit, vi relativa impellentis inter utrumque pro ratione massarum distributa.* Si unum corpus iners infertur aliud tardius motum.

PROBATUR. Duo corpora versus eandem partem æquali celeritate translata eodem modo se habent, ac si quiescerent (CDLIX) ergo corpus subsequens, celerius motum, vi tantum respectiva, seu differentia virium absolutarum aget, & corpori antecedenti pro ratione massæ tantum tribuet, quantum alteri ejusdem massæ quiescenti tribueret, & consequenter celeritas post ictum erit quidem minor ea celeritate, qua
ante

Sect. II.

ante ictum corpus impellens fuit præditum, *major* tamen quam prius habuit corpus impulsum ante collisionem.

Ad cognoscendum vero, quomodo *vis relativa* impellentis post ictum inter utrumque corpus pro ratione massarum *distribuat*, denuo serviunt sequentes regulæ. I. Si corpus A & B sint *æqualis massæ*, corpus B subsequens vis relativæ dimidium communicat antecedenti A, & ambo pergent ea celeritate, quæ sit celeritatum, ante ictum simul sumptarum, pars dimidia. II. Si corpus B subsequens *minoris sit massæ*, *majoris* vero celeritatis, plus quam dimidiam partem suæ vis relativæ in A tardius transferet, & celeritas utriusque post ictum *minor* erit, quam dimidium celeritatum ante ictum simul sumptarum. III. Si corpus subsequens B *massa & celeritate* prævaleat corpori A, huic *minus* quam partem dimidiam suæ vis relativæ communicabit, eritque amborum post collisionem velocitas aliquanto *major* quam dimidium celeritatum ante collisionem simul sumptarum, prout hæc omnia in citata *Machina percussoria* ad oculum demonstrari valent. Nam

I. Si

I. Si globus A trium unciarum ex K ad duorum graduum distantiam demittatur cum celeritate $\equiv 2$; globus vero B itidem trium unciarum ex C ad distantiam 4 grad. cum celeritate $\equiv 4$: facta collisione uterque modice complanatus, movebitur versus F ad distantiam 3 grad. cum velocitate pariter $\equiv 3$. Nempe globus B cum 4 gradibus velocitatis delapsus ex C communicat globo A, ex K decidenti, *medium differentiae* velocitatis suae $\equiv 1$ (nam *tota differentia* celeritatis utriusque corporis est $\equiv 2$) adeo ut globus B tantum velocitatis suae amittat, quantum communicat globo A: ergo globus B, qui cum *absoluta* celeritate sua denuo ascendisset ad 4 gradus, nunc cum altero globo A ad tres tantum elevabitur celeritate $\equiv 3$, quae est pars dimidia celeritatum ante ictum *simul* sumptarum $\equiv 4 \div 2$. *Complanatio* porro *modica* erit, tum quia *velocitas respectiva* minor est *velocitate absoluta*, tum quia tali modo globus A per propriam suam velocitatem vim impellentem subsequenteris globi B declinat.

II. Si globus A 6 unciarum ex K demittatur; globus autem B celerior 3 uncia-

Sect. II.

unciarum ex C decidat: facta collisione *major* fiet a majore globi gravioris renifu *complanatio*, & globus B post ictum *duas tertias differentiae* velocitatum communicabit globo A; nam globus 6 unciarum se habet ad massam conjunctam globorum A & B $\equiv 9$ unciarum, ut $\frac{2}{3}$, tantumque amittet globus B, adeoque post collisionem ambo simul ad $2\frac{2}{3}$ gradus transferentur; *duae* quippe *tertia* ex duobus pedibus faciunt $1\frac{1}{3}$: sic autem celeritas post ictum *communis* $\equiv 2\frac{2}{3}$ revera *minor* est, quam dimidium $\equiv 3$ celeritatum, ante ictum simul sumptarum $4 + 2 \equiv 6$.

III. Sit globus A antecedens 3 unciarum, globus B ex C decidens 6 unciarum, celeritas item globi A $\equiv 2$ & globi B $\equiv 4$, *complanatio* facta collisione erit minima, quia minima est corporis seu globi impulsu *reactio*; *celeritas* vero post ictum communis $\equiv 3\frac{1}{2}$; nam quia globus B 6 unciarum, ex C cum celeritate $\equiv 4$ decidens ad globum A 3 unciarum alliditur, fit, ut ex velocitatis suae differentia $\equiv 2$ *unam tertiam partem* ($\frac{1}{3}$) communicare debeat velocitati globi A. Jam vero $4 - \frac{1}{3} \equiv 3\frac{2}{3}$. Item $2 + 1\frac{1}{3} \equiv 3\frac{1}{2}$. Haec porro
utrius-

utriusque post collisionem celeritas $\equiv 3\frac{1}{2}$ major est, quam dimidium $\equiv 3$ celeritatum ante collisionem simul sumptarum $4 + 2 \equiv 6$.

CDLXIV. *Scholion.* Celeritas communis post ictum pro secundo hoc ca-Regula
su non minus certo eruitur, si *summa* pro secun-
quantitatum motus dividatur per summam do casu.
utriusque massæ; quotus enim inde ex-
urgens erit celeritas communis post
ictum. *Algebraice* $M C + m c : (M + m)$. Sic in datis casibus

$$\begin{array}{l} M C + m c : (M + m) \\ \text{I. } 3 \times 2 + 3 \times 4 : (3 + 3) \\ \quad \quad \quad 18 \quad \quad \quad : \quad 6 \quad \quad \quad \equiv 3. \\ \text{II. } 6 \times 2 + 3 \times 4 : (6 + 3) \\ \quad \quad \quad 24 \quad \quad \quad : \quad 9 \quad \quad \quad \equiv 2\frac{2}{3}. \\ \text{III. } 3 \times 2 + 6 \times 4 : (3 + 6) \\ \quad \quad \quad 30 \quad \quad \quad : \quad 9 \quad \quad \quad \equiv 3\frac{1}{3}. \end{array}$$

Lex unica pro tertio casu.

CDLXV. **PROPPRITIO III.** *Duo cor-* Si duo glo-
pora inertia directione oppo- bi inertes
sita mutuo concurrentia, si impetus seu vi- e diametro
res utriusque æquales sint, post ictum am- sibi in mo-
bo quiescent: si vero unum præ alio ma- tu occur-
jorem impetum habuerit, movebitur ut- rant.
rumque corpus eadem directione, qua for-
tior

Sect. II.

tior impetus collimabat; excessus autem impetus inter utrumque corpus æqualiter distribuetur.

PROBATUR I. *Pars.* Impetus & diametro oppositi se omnino elidunt (CCCIII): ergo ejusmodi corpora, quæ hinc vires & diametro oppositas, inde resistentias æquales habent, facta collisione moveri cessant, seu quiescunt. Idem evenire dicendum est, si celeritates inæquales per massarum inæqualitatem compensentur, ita ut vires, quæ ex massa in celeritatem ducta habentur, invicem æquales sint; tali namque modo utrinque datur eadem motus quantitas (CCLXXXIX), & æqualis actio & reactio virium, consequenter &c.

PROBATUR II. *Pars.* Vires corporum oppositæ utrinque æquales se destruunt, ut mox dictum est: ergo post ictum partes virium utrinque æquales subtrahendæ sunt, & quia corpus debilius sic se habet ut plane quiescens, corpus fortius spectari debet, ac si in illud prius non nisi vi residua impelleretur, & proin hæc ipsa vis residua seu virium excessus facta collisione dividetur pro ratione massarum: tali autem

tem modo movebuntur ambo post ictum æqua celeritate (CDLXI), & secundum eandem directionem; nam directio corporis fortioris non immutatur ab ictu, utpote perpendiculari, ergo ut motus sui obstaculum tollat, globum debiliorem immediate ante se propellet. Verum

Ad cognoscendum denuo, quomodo excessus virium seu impetus inter utrumque corpus post ictum ex æquo distribuatur, serviunt iterum sequentes regulæ. I. Si duo corpora inertia æqualis massæ & inæqualium celeritatum sibi mutuo occurrant, corpus, quod majori celeritate gaudet, dimidium excessus sui impetus alteri in ictu communicat, nam viribus utriusque corporis, in quantum æquales erant, in collisione prorsus elisis, id, quod exsuperat in uno, æqualiter sic cum altero quoad massam æquali dividitur.

II. Si duo corpora plane inertia æqualis celeritatis, & inæqualis massæ ex oppositis partibus mutuo concurrant, directione majoris loco cedit corpus minoris massæ, & movebuntur ambo, (viribus prout æqualibus in ictu elisis) celeritate communi, quæ sit ad summam

Iii.

... celeri-

P. Oster. Physic. Pars I.

Seft. II.

celeritatum ante ictum, ut massarum differentia ad earum summam, adeoque excessu virium per summam massarum diviso eruitur.

III. Si tam *massæ* quam *celeritates* horum corporum *inæquales* fuerint, viribus utriusque, in quantum *æqualibus*, post ictum elisis, movebuntur ambo a residuo virium excessu, pro massarum ratione diviso, secundum directionem fortioris: siue *differentia virium per summam massarum divisa* innotescet *celeritas communis*. Uti hæc omnia rursus ex *Machina percussoria* declarari valent. Nam

I. Si globus B 3 unciarum ex C velocitate \equiv 4 ad distantiam 4 grad. decidat, & similiter globus A ejusdem massæ & velocitatis, ex opposita parte E ad 4 itidem graduum distantiam demittatur, uterque post ictum in F quiescet; quatuor nempe utriusque globi velocitates per 3 uncias æqualiter multiplicatæ ad habendam *motus quantitatem*, æqualem impetum producant: ergo amborum *actio & reactio* erit æqualis, & consequenter impetus amborum eliduntur. Denique & complanatio utrinque post ictum erit *maxima*, id est, multo fortior, quam si globus

in

in alterum *quiescentem*, aut saltem in *commotum eadem directione* incurrisset. Caeterum globi utriusque *quies* simili modo exoritur, si globus B sit unciarum 6 & velocitatis $\equiv 2$, globus vero A unciarum 4 & celeritatis $\equiv 3$, excessu celeritatis in globo minore gra-
vioris massam æqualiter compensante;
nam $6 \times 2 = 12$, & $4 \times 3 = 12$.

H. Si ambo globi ponantur *æqualis* *massæ* $\equiv 3$ unciarum, celeritas tamen in globo A sit $\equiv 4$, in B $\equiv 2$: facta collisione globus A secum attollet globum B per 1 gradum; nam celeritas communis post ictum est dimidium excessus virium globi majoris $\equiv 1$, ut mox antea dictum fuit.

III. Si uterque globus sit ejusdem celeritatis $\equiv 4$, massa autem globi A sit $\equiv 2$ globi B $\equiv 4$, globus B major alterum movebit celeritate $\equiv 1\frac{1}{2}$; nam vires globi B sunt $\equiv 16$, globi A $\equiv 8$, & excessus in B $16 - 8 = 8$, qui si dividatur per summam massarum $\equiv 6$, quotus $\equiv 1\frac{1}{2}$ celeritatem post ictum *communem* designabit.

IV. Si fuerit massa globi A $\equiv 1$ & velocitas $\equiv 12$, globi B massa $\equiv 4$, celeritas $\equiv 8$, hoc est, vires globi

Sect. II.

A. $1 \times 12 = 12$: globi B $4 \times 8 = 32$, differentia utriusque $= 20$, quæ per massas $4 + 1 = 5$ divisa, dabit celeritatem $= 4$, qua uterque globus facta collisione eadem directione movebitur.

Regula
practica
pro tertio
casu.

CDLXVI. *Scholion I.* Etiam pro tertio hoc casu Regula universalis ad inveniendam celeritatem communem post ictum hæc statui valet, quod, si totus excessus seu differentia virium dividatur per summam massarum, quotus sit ipsa velocitas communis. e. g. in positis mox 4 Exemplis.

Algebraice. $M C - m c : (M + m)$

$$I. 3 \times 4 - 3 \times 4 : (3 + 3) = 0.$$

$$II. 3 \times 4 - 3 \times 2 : (3 + 3) = 1.$$

$$\text{Different.} = 6 : (6)$$

$$III. 4 \times 4 - 2 \times 4 : (2 + 4) = 1\frac{1}{2}.$$

$$\text{Different.} = 8 : (6)$$

$$IV. 4 \times 8 - 1 \times 12 : (4 + 1) = 4.$$

$$\text{Different.} = 20 : (5)$$

Vires corporum vi-
væ non
æquant fa-
ctum ex
ductu mas-
sæ in qua-

CDLXVII. *Scholion II.* Ex eo, quod duo corpora inertia, quorum celeritates inæquales per massarum inæqualitatem compensantur, post ictum similiter quiescant, quæ est lex verissima, utpote experientię consentanea, bene contra Leibnizium

tium infert Cl. P. Fort. a Brix. *Phys. quadratum celeritatis.*
gen. p. 1. §. 433. Quod plane falsum

fit, vim vivam corporum æquare factum
 ex ductu massæ in quadratum celeritatis;
 sic enim quiescere post ictum non pos-
 sent, optime inquit citatus Cl. auctor,
 duo inertia corpora, quæ sibi mutuo
 directe occurrerent, celeritatibus ratio-
 nem inversam massarum habentibus,
 si eorum vires forent directe inter se,
 ut producta, quæ fiunt ex multiplica-
 tione massarum per quadratum celeri-
 tatis; nam in ista Hypothesi Leibnitii,
 si massa globi A e. g. foret $= 3$ &
 celeritas $= 8$; massa globi B $= 2$,
 & ejus celeritas $= 12$, cum 8×8
 fit $= 64$, & $12 \times 12 = 144$, vires
 globi A essent $= 64 \times 3 = 192$, &
 globi B $= 144 \times 2 = 288$: ergo quia
 tali modo utriusque corporis vires fo-
 rent *inæquales*, sese in occurfu mutuo
 non *destruerent*, & consequenter post
 ictum non *quiescerent*, sed potius glo-
 bus A a globo B ante se propelleretur,
 vi $= 288 - 192 = 96$: quod cum

sit aperte falsum, etiam prædictum

Leibnitii assertum falsum esse
 dicendum est.

Leges motus corporum Elasticorum Colliforum.

Lex unica pro primo casu (CDLX).

Si corpus Elasticum in aliud Elasticum quiescens incurrat.

CDLXVIII. PROPOSITIO IV. Si corpus perfecte Elasticum in alterum ejusdem naturæ quiescens directe incurrat, facta collisione, partiumque restitutione datur in corpore quiescente duplum communicati impetus, corpus vero incurrens vi dupla ejusdem privatur.

PROBATUR I. Pars. In corpore Elastico quiescente, si cum altero collidatur, duplex motus causa reperitur. Prima est vis post ictum communicata e. g. $\equiv 4$, quæ leges corporum mollium mox declaratas sequitur: altera est vis Elastica corporis comprimantis, & se post ictum restituentis, quæ est æqualis activæ compressioni & compressio activa virtuti communicatæ, scilicet rursum $\equiv 4$: atqui $4 + 4 \equiv 8$ est duplum impetus in ictu communicati: ergo.

PROBATUR II. Pars. Corpus incurrens privatur imprimis vi, quam corpori quiescenti communicat e. g. \equiv

4:

4: dein vis Elastica corporis compressi, vi tanta corpus impellens ad regressum urgens, quanta compressum fuit, illud ipsum simili virium portione \equiv 4 privat: ergo corpus incurrens duplum impetus communicati amittit, nimirum $4 \div 4 = 8$.

CDLXIX. Corollarium I. Inde se- Leges particulares pro primo casu.
 quantur hæ tres Leges particulares.
 I. Si tum corpus incurrens tum quiescens *massam æqualem* habeant, tunc illud *prius* facta collisione quiescet, & hoc *posterius* directione totaque velocitate incurrentis movebitur; nam incurrens *dimidium virium* quiescenti æquali communicat, alterumque *dimidium* a vi Elastica corporis quiescentis & e diametro reagentis eliditur, ergo hoc ipso corpus incurrens moveri cessat: econtra corpus impulsus per communicationem illud virium dimidium recipit: huicque alterum tantum ab Elaterio corporis incurrentis, & secundum eandem directionem sese restituentis accedit: ergo hoc corpus impulsus directione totaque velocitate incurrentis movebitur.

Iii 4

II. Si

Sect. II.

II. Si corpus incurrens sit *majus* quiescente, tunc istud directione incurrentis vi dupla motus post ictum communicati movebitur; impellens autem, si duplum hoc motus communicati subtraxeris, vi ac celeritate residua tardius insequetur. Corpus quippe incurrens in tali casu *minus dimidio* virium quiescenti communicat (CDLXI): ergo, utut *aqualem* portionem Elaterii restitutio auferat, nihilominus adhuc pars quædam producendo motui tardiusculo par remanebit. III. Si corpus incurrens sit *minus* quiescente, facta collisione incurrens directione opposita reflectetur: corpus vero quiescens vi dupla impetus communicati juxta directionem incurrentis movebitur; corpus enim incurrens quiescenti *supra* dimidium virium communicat, ac *tantundem* impetus retrogradi, ab Elaterio corporis quiescentis compressi acquirit: una ergo virium acceptarum portio elidit vim in ipso residuam, *altera* exsuperans ad motum oppositum determinat. *Experimentis* in machina percussoria hæc omnia rursus demonstrantur. Sic

I. Sint duo globi *Elastici* e. g. eburnei A & B ejusdem massæ $\equiv 2$ unciarum, ex filo penduli: globus A ex arcu, seu celeritate & viribus $\equiv 6$, in globum B quiescentem demittatur: hic collisione facta per arcum itidem 6 graduum ascendet, globo A in loco contactus quiescente. Nimirum cum massæ sint æquales, vis globi B in hoc casu se habet ut *celeritas*: atqui celeritas est $\equiv 6$: ergo. p. m. globus B a globo A inprimis accipit *dimidium* impetus $\equiv 3$, & vis *Elastica tantumdem* adjungit: ergo globus B possidet $3 + 3 \equiv 6$: porro globus A propter vim communicatam deperdit $\equiv 3$, ac totidem auferuntur ab *Elaterio*: ergo celeritas in globo A residua $3 - 3 \equiv 0$, adeoque omni motu privatus quiescet hic globus A.

II. Sit globus incurrens A $\equiv 6$ unciarum, qui ex C cum celeritate $\equiv 4$ moveatur in globum quiescentem B $\equiv 3$ unciarum: si ambo globi molles seu inertes forent, eorum celeritas esset $\equiv 2\frac{2}{3}$ (CDLXI): nunc vero quia *Elaterium* totidem gradus addit in B, ejus erit celeritas $2\frac{2}{3} + 2\frac{2}{3} \equiv 5\frac{1}{3}$: econtra in A totidem gradus velocitatis perirent,

Sect. II.

nisi ejus massa respectu globi B foret *dupla* : quia ergo vis Elastica, quæ globum B $\equiv 3$ per $2\frac{1}{2}$ gradus attollere valet, non nisi ad $1\frac{1}{2}$ gradus repellere potest massam globi A, *duplam* globi B, globus A insequetur per arcam $1\frac{1}{2}$; seu celeritate $\equiv 1\frac{1}{2}$.

III. Sit globus impellens A $\equiv 3$ unc. qui in globum B quiescentem $\equiv 6$ unc. ex puncto C cum velocitate ut 4 incurrat, facta allisione globus A ex 4 velocitatis gradibus in globum B duplum refundet $2\frac{1}{2}$ velocitatis, quæ respectu dupli globi B erunt ut $1\frac{1}{2}$: præterea globo B etiam ex vi sua Elastica accedit $1\frac{1}{2}$ velocitatis : ergo hic ipse globus B post ictum juxta eandem directionem globi A movebitur celeritate $\equiv 2\frac{1}{2}$. Globus autem A post collisionem ex 4 suis velocitatibus retinet $1\frac{1}{2}$, quibuscum reflexus, via globo B e diametro opposita, revertetur.

Collisio
plurimum
Elastico-
rum, aut
mollium.
Tab. VII.
Fig. 1.

CDLXX. *Corollarium II.* Ex his facile capi potest, cur, si *plures* globi eburnei æquales & contigui in eadem linea suspendantur, tot ex ultimis H G F sursum ascendere soleant eadem celeritate, quot ex primis A B C æqua vi impulsæ

impulsi atque allisi fuerint. Nempe globus unus A impulsus dimidium virium suarum transfert in proximum B, in quo illæ vires dimidiæ per *Elaterium* duplicantur, vis autem in A residua per reactionem perempta, facit globum A quiescere. At globus B moveretur versus C, nisi hic ipse globus C resisteret, igitur ad vincendam hanc resistantiam globus B (eodem modo uti prius globus A in B) dimidium virium suarum globo C communicat : Vis hæc denuo ob actionem Elaterii fit dupla, adeoque sufficiens ad destruendam in B vim residuam, simulque ad vires globo contiguo D per compressionem communicandas, & sic deinceps, usque dum globus ultimus H eadem, qua primus, vi instructus per reactionem destruat motum in globo G, ipse vero integris viribus juxta directionem globi impellentis A sursum elevetur, nullo amplius, qui motum sisteret, occurrente. Porro vis *duarum* incurrentium, ut massa, duplex est: ergo per globos reliquos translata, duos ultimos, id est, massam *duplam* loco pellet : atque ita de aliis dicendum. Attamen si dicti globuli non sint *Elastici* sed vel *duri* aut *molles* tantum, in *primo casu* ad unius impulsu omnes moventur ;

Sect. II.

tur ; in *secundo* autem vim globi allisi vix non totam absumunt , & motum sensibilem haud concipiunt ; nimirum absente *Elaterio* omnes ii globuli ad motum perinde se habent ac *una massa* , in quam vis globi incurrentis proportionaliter dividitur : in *duris* autem vim globi impellentis vis *Elastica* globi contigui non destruit , nec absumit *compressio* , quæ absente *Elatere* nulla est : ergo post ictum moventur.

Lex. unica pro secundo casu
(CDLX).

Si corpus
Elasticum
insequatur
aliud tar-
dus mo-
tum.

CDLXXI. PROPOSITIO V. Si duo corpora perfecte *Elastica* inaequali celeritate juxta eandem directionem moveantur , corpus antecedens vim duplicem ejus , quam communicatione accepit , nanciscitur ; subsequens vero amittit vim duplicem ejus , quam antecedenti communicavit.

PROBATUR. In hoc casu corpus antecedens perinde se habet, ac si quiesceret (CDLIX); subsequens autem non nisi vim respectivam exserit (CDLXIII): ergo illud antecedens vim duplicem a duplici causa accipit (CDLXVIII), eaque vi duplici corpus subsequens privatur.

CDLXXII.

CDLXXII. Corollarium. Ex Lege

hac *universali* deducuntur hæ *speciales*.
 I. Si ambo corpora fuerint *æqualis* *massæ*, facta collisione ad eundem terminum moveri pergent, sed permutatis inter se celeritatibus, e. g. si massa globi A subsequenter ante ictum moveatur celeritate $\equiv 6$. & globus B antecedens celeritate $\equiv 4$, post ictum ambo globi motum suum continuabunt secundum eandem directionem; attamen globus B præibit celeritate $\equiv 6$, & globus A sequetur celeritate $\equiv 4$. *Ratio* est, quia globo B antecedenti in primis de *vi respectiva* $\equiv 2$ communicatur pars dimidia $\equiv 1$, & tantundem simul ab *Elaterii* actione accedit $\equiv 1$, quibus si jungantur vires communes $2 + 2 \equiv 4$ (uterque enim globus *vi respectiva* movetur), erit in globo B summa $1 + 1 + 4 \equiv 6$: at vero globus subsequens A, virium relativarum parte dimidia communicata, & parte residua ab *Elaterii* restitutione adempta solas retinet vires communes $\equiv 4$. vel paulo aliter: globus B est instar *quiescentis*: ergo solum adsunt 2 gradus celeritatis, seu sola *celeritas respectiva*, & 4 gradus ex utraque parte se se elidunt: Jam vero cum sit *motus conspirans*,
 utrum-

Sect. II.

utrumque globi corpus reipsa movebitur: ergo in globo B erit quantitas motus $4 + 2 = 6$, & in globo B $6 - 2 = 4$.

II. Si corpus subsequens A sit *majus* & *velocius* antecedente B, subsequens post ictum movebitur tardius, antecedens celerius; nam subsequens præter illud virium globo B infra dimidium communicatum, alterum tantum ob *Ela-*
laterii reactionem deperdit: econtra antecedenti vis respectiva globi B pro ratione massæ communicatur, atque ab Elaterio duplicatur: ergo illud *tardius*, istud vero *celerius* movebitur. e. g. sit globus A massæ $= 3$, celeritatis $= 13$; globus B massæ $= 2$, celeritatis $= 3$, erit post ictum in globo A subsequente *velocitas* $= 5$, in B antecedente $= 15$. nempe vis relativa in A ante ictum est $= 13 - 3 \times 3 = 30$. ex hac communicatur globo B *infra dimidium* ($30 - 2 \times 3 = 24$) $= 12$, cui vis *Ela-*
stica totidem addit, ut evadat summa virium $12 + 12 = 24$: hæc vis *relativa* globi B si dividatur per ipsius massam $= 2$, prodibit ejus *celeritas* $= 12$. Jam vis residua in A $= 30 - 12$ erit $= 18$: totidem porro gradus destruit

Elate-

Elaterium globi B $\equiv 12$, proin 18 $\equiv 12 \equiv 6$: hæc vis relativa A denuo divisa per ipsius massam $\equiv 3$ dabit celeritatem globi A $\equiv 2$. denique si huic utrique celeritati adjungatur illa communis $\equiv 3$, erit post ictum celeritas in A $2 + 3 \equiv 5$: in B $12 + 3 \equiv 15$.

III. Si corpus subsequens A *massæ minoris* fuerit, attamen celeritatis majoris quam præcedens corpus B, *istud* post ictum secundum eandem directionem motum suum accelerat; *illud* vero *quiescit*, vel *reflectitur*, vel *movetur* eadem directione tardius, prout vis post ictum residua, massarum proportionem secuta, exigit. Ratio *primi* est, quia globo B utpote *majori* communicatur a globo A *ultra* dimidium virium respectivarum, quibus *tantundem* additur ab Elaterio A: ergo globus B secundum proportionem sui augmenti motum suum accelerabit. Ratio *secundi* est, quia vel in corpore A pars impetus residua eliditur a reactione Elateris B, ita ut in A cesset omnis vis motrix? & tunc *quiescet*: vel Elaterium corporis B *validius* est, quam vis respectiva in A? & tunc corpus A ab excessu virium corporis B *reflectetur*. Vel denique vis Elastica corporis B *superatur* a viribus respectivis

spectivis corporis A? & tunc iste virium excessus in A progredi faciet corpus A tardius quidem, attamen secundum eandem directionem, ut rursus demonstrant experimenta in *machina percussorii* facta. Videantur Cl. P. Fort. a Brix. *Phys. gen. p. 1. §. 467.* Item Cl. P. Hauser *Phys. gen. p. 3. §. 1156*, ubi & Exempla proponuntur.

Praxis de-
terminan-
di celeri-
tatem post
ictum pro
secundo
casu.

CDLXXIII. *Scholion.* Regulam universalem inveniendi celeritatem post ictum pro utroque casu, nempe si corpus Elasticum A in aliud B *quiescens*, sive *tardius motum* incurrat, mox laudatus Cl. P. Hauser *loc. cit. §. 1177.* sequentem statuit, si fiat: *ut summa ponderum ad duplum alterutrius* (hoc casu ipsius B) *ita celeritatum differentia ante impactum ad celeritatem*, quæ ex celeritate ipsius A ante impactum *subducta* (in altero collisionis casu *addita*) relinquit celeritatem ejusdem A post ictum *questitam*. Algebraice: $M + m : 2m = C - c \times (C \times)$ celeritas A. $M + m : 2M = C - c : \times (c + \times)$ celeritas B. Juxta hanc Regulam, si examinentur allata superius Exempla, sequens operatio prodibit.

In primo casu (CDLXIX)

I.

A B. Celeritas A.

$$M \dagger m : 2m \equiv C - c : x. (C - x) = 0.$$

$$2 \dagger 2 : 4 \equiv 6 - 0 : 6. (6 - x) = 0.$$

A B. Celeritas B.

$$M \dagger m : 2M \equiv C - c : x. (c \dagger x) = 6.$$

$$2 \dagger 2 : 4 \equiv 6 - 0 : 6. (0 \dagger 6) = 6.$$

II.

A B. Celeritas A.

$$M \dagger m : 2m \equiv C - c : x. (C - x) = 1\frac{1}{2}.$$

$$6 \dagger 3 : 6 \equiv 4 - 0 : 2\frac{2}{3}. (4 - 2\frac{2}{3}) = 1\frac{1}{2}.$$

A B. Celeritas B.

$$M \dagger m : 2M \equiv C - c : x. (c \dagger x) = 5\frac{1}{2}.$$

$$6 \dagger 3 : 12 \equiv 4 - 0 : 5\frac{1}{2}. (0 \dagger 5\frac{1}{2}) = 5\frac{1}{2}.$$

III.

A B. Celeritas A.

$$M \dagger m : 2m \equiv C - c : x. (C - x) = 1\frac{1}{2}.$$

$$3 \dagger 6 : 12 \equiv 4 - 0 : 5\frac{1}{2}. (4 - 5\frac{1}{2}) = 1\frac{1}{2}.$$

A B. Celeritas B.

$$M \dagger m : 2M \equiv C - c : x. (c \dagger x) = 2\frac{2}{3}.$$

$$3 \dagger 6 : 6 \equiv 4 - 0 : 2\frac{2}{3}. (0 \dagger 2\frac{2}{3}) = 2\frac{2}{3}.$$

Pro secundo casu (CDLXXII.)

I.

A B. Celeritas A.

$$M \dagger m : 2m \equiv C - c : x. (C - x) = 4$$

$$2 \dagger 2 : 4 \equiv 6 - 4 : 2. (6 - 2) = 4$$

Kkk

A B.

P. Oster. Physic. Pars I.

Sect. II.

$$\begin{array}{l} A \ B. \quad \text{Celeritas B.} \\ M \dagger m: 2 \ M = C - c: x. \ (c \dagger x) \\ 2 \dagger 2: \quad 4 = 6 - 4: 2. \ (4 \dagger 2) \end{array} = 6.$$

II.

$$\begin{array}{l} A \ B. \quad \text{Celeritas A.} \\ M \dagger m: 2 \ m = C - c: x. \ (C - x) \\ 3 \dagger 2: \quad 4 = 13 - 3: 8. \ (13 - 8) \end{array} = 5.$$

$$\begin{array}{l} A \ B. \quad \text{Celeritas B.} \\ M \dagger m: 2 \ M = C - c: x. \ (c \dagger x) \\ 3 \dagger 2: \quad 6 = 13 - 3: 12. \ (3 \dagger 12) \end{array} = 15.$$

III.

$$\begin{array}{l} A \ B. \quad \text{Celeritas A.} \\ M \dagger m: 2 \ m = C - c: x. \ (C - x) \\ 2 \dagger 3: \quad 6 = 18 - 3: 18. \ (18 - 18) \end{array} = 0.$$

$$\begin{array}{l} A \ B. \quad \text{Celeritas B.} \\ M \dagger m: 2 \ M = C - c: x. \ (c \dagger x) \\ 2 \dagger 3: \quad 4 = 18 - 3: 12. \ (3 \dagger 12) \end{array} = 15.$$

$$\begin{array}{l} A \ B. \quad \text{Celeritas A.} \\ M \dagger m: 2 \ m = C - c: x. \ (C - x) \\ 2 \dagger 3: \quad 6 = 19 - 4: 18. \ (19 - 18) \end{array} = 1.$$

$$\begin{array}{l} A \ B. \quad \text{Celeritas B.} \\ M \dagger m: 2 \ M = C - c: x. \ (c \dagger x) \\ 2 \dagger 3: \quad 4 = 19 - 4: 12. \ (4 \dagger 12) \end{array} = 16.$$

$$\begin{array}{l} A \ B. \quad \text{Celeritas A.} \\ M \dagger m: 2 \ m = C - c: x. \ (C - x) \\ 2 \dagger 3: \quad 6 = 17 - 2: 18. \ (17 - 18) \end{array} = -1.$$

$$\begin{array}{l} A \ B. \quad \text{Celeritas B.} \\ M \dagger m: 2 \ M = C - c: x. \ (c \dagger x) \\ 2 \dagger 3: \quad 4 = 17 - 2: 12. \ (2 \dagger 12) \end{array} = 14.$$

Nota

Nota ex Wolfio Elem. Mech. § 415. quod, cum *celeritas* ipsius A *negativa* prodit (prout fit, quando *major* celeritas subtrahenda est ex minori juxta Regulam *subtractionis Algebraicæ*) inde arguendum sit, quod celeritas, per actionem *Elaterii* a corpore A acquisita, excedat celeritatem per *impulsu* communicatam, adeoque corpus A post ictuū resiliat; econtra ubi *velocitas* ipsius A *positiva* prodit, motu continuato globum B insequatur, ea semper quantitate motus, quæ per numerum residuum exprimitur.

Lex unica pro tertio casu (CDLX),

CDLXXIV. PROPOSITIO VI. *Corpora Si duo cor-
ra Elastica ex partibus Elastica sibi e
oppositis sibi occurrentibus eadem celeritate respectiva sibi e
respectiva reflectuntur, quæ in se mutuo diametro
collidebantur, nisi vis alterutrius multum
prævaleat.*

PROBATUR. Impetus tum *directus*, per descensum acquisitus, tum *reflexus*, ab *Elaterii* restitutione proveniens, effectum viribus suis proportionatum habere debet; atqui hoc fit, si corpora *Elastica* e diametro incurrentia sic re-

Sect. II.

flectantur : ergo. m. p. ex sequentibus
Legibus particularibus.

I. Si duo globi Elastici *massa & celeritate* prorsus *æquales* mutuo collidantur, eadem celeritate ambo resiliunt. Nam licet per collisionem vis tota incurrrens destruat, producitur tamen vis similis ex restitutione partium compressarum, æquali factæ pressioni (CDXLI). Eadem lex tenet, si massæ corporum seu globorum concurrentium sint *in ratione inversa celeritatum*. e. g. in Machina percussoria delabatur globus A 3 unciarum ex distantia 4 pedum in globum B ejusdem massæ, & ex æquali distantia incurrentem, peracta collisione in puncto F ambo eadem celeritate revertentur, atque ad eandem (si cætera motus impedimenta non computentur) altitudinem ascendent.

II. Si *massæ* corporum concurrentium *æquales* sint, sed inæquales *celeritates*, permutatis celeritatibus resiliunt post ictum ; nam quia impetus se mutuo perimunt (CCCIII), & solus in utroque corpore manet impetus, a partium Elasticarum restitutione proveniens,

niens, in tantum resiliet utrumque, in quantum passum seu compressum est: ergo, quia illud, quod *celerius* movetur, *magis* comprimit alterum tardius occurrens, istud, ob majorem compressionem, habebit quoque majorem partium restitutionem, & consequenter &c. Sit v. g. globus A, cujus massa = 4, celeritas = 6, & globus B ejusdem massæ, celeritatis vero = 3, post ictum reflectentur ambo permutatis celeritatibus, videlicet globus A celeritate = 3, & globus B velocitate = 6.

III. Si *celeritates* in utroque corpore fuerint *æquales*, non autem *massæ*, corpus minus semper resilit, corpus autem majus quandoque adhuc motum continuat secundum eandem directionem, quandoque post ictum quiescit, & aliquando directione opposita reflectitur. Ratio *primi* est, quia corpus minus in Elaterii restitutione vim suam totam, per collisionem destructam, recuperat, ac insuper animatur alia, quam corpus illi majus in ictu communicavit. Ratio *secundi* est, quia quandoque pondus massæ tantum esse valet, ut *Elaterium* minoris compressi corporis par non sit perimendis *cunctis* viribus corporis ma-

Sect. II.

joris : ergo hoc propter vires residuas motum inceptum *continuabit*. Ratio *tertii* est, quia nonnunquam restitutio partium pressioni *æqualis* est. Ratio *quarti* est, quia quandoque partium restitutio *excedit* vires directas, post ictum residuas. e. g. occurrant sibi globus $A = 6$ unc. $B = 2$, celeritate æquali $= 6$, globus B facta allisione resiliet velocitate $= 12$: A vero *quiescet*. Vel collidantur globus $A = 5$ unc. & globus $B = 1$ unc. celeritate communi $= 6$, post ictum globus B *reflectetur* vi $= 14$, & globus A celeritate $= 2$ motum suum *continuabit*. Demum globus $A = 5$ unc. & globus $B = 3$ unc. celeritate $= 4$ in se incurrant, facta partium restitutione globus B habebit velocitatem $= 6$, qua resiliet, & corpus A habebit celeritatem $= 2$, cum determinatione ad partem oppositam, unde & *reflectetur*.

Praxis determinandi celeritatem post ictum pro tertio casu.

CDLXXV. *Scholion*. Ad invenendam etiam pro tertio hoc casu corporum Elasticorum sibi occurrentium post ictum celeritatem servit generalis hic canon proportionis, si fiat; ut *summa massarum ad duplum alterutrius*: ita *celeritatum ante ictum summa ad celeritatem*,
quæ

quæ ex celeritate corporis ante impactum *subtrahæ* relinquit celeritatem ejusdem post ictum. Sive Algebraice $M + m : 2m = C + c : x$. e. g. in allatis primum exemplis operando, sit.

I.

A B.	Celeritas A.
$M + m : 2m = C + c : x$	$\left\{ \begin{array}{l} c = x \\ 4 = 8 \end{array} \right\} = -4$
$3 + 3 : 6 = 4 + 4 : 8$	
A B.	Celeritas B.
$M + m : 2M = C + c : x$	$\left\{ \begin{array}{l} c = x \\ 4 = 8 \end{array} \right\} = -4$
$3 + 3 : 6 = 4 + 4 : 8$	

II.

A B.	Celeritas A.
$M + m : 2m = C + c : x$	$\left\{ \begin{array}{l} C = x \\ 6 = 9 \end{array} \right\} = -3$
$4 + 4 : 8 = 6 + 3 : 9$	
A B.	Celeritas B.
$M + m : 2M = C + c : x$	$\left\{ \begin{array}{l} c = x \\ 3 = 9 \end{array} \right\} = -6$
$4 + 4 : 8 = 6 + 3 : 9$	

III.

A B.	Celeritas A.
$M + m : 2m = C + c : x$	$\left\{ \begin{array}{l} C = x \\ 6 = 6 \end{array} \right\} = 0$
$6 + 2 : 4 = 6 + 6 : 6$	

Sect. II.

A B. Celeritas B.

$$M+m: 2M \equiv C+c: x. (C-x) = -12.$$

$$6+2: 12 \equiv 6+6: 18. (6-18)$$

A B. Celeritas A.

$$M+m: 2m \equiv C+c: x. (C-x) = 2.$$

$$5+1: 2 \equiv 6+6: 4. (6-4)$$

A B. Celeritas B.

$$M+m: 2M \equiv C+c: x. (C-x) = -14.$$

$$5+1: 10 \equiv 6+6: 20. (6-20)$$

A B. Celeritas A.

$$M+m: 2m \equiv C+c: x. (C-x) = -2.$$

$$5+3: 6 \equiv 4+4: 6. (4-6)$$

A B. Celeritas B.

$$M+m: 2M \equiv C+c: x. (C-x) = -6.$$

$$5+3: 10 \equiv 4+4: 10. (4-10)$$

Collisio
Elastico-
rum cum
inertibus,

CDLXXVI. Si duo corpora, quorum unum tantum *Elasticum*, alterum vero *non Elasticum* existit, mutuo collidantur, ad eas præcipue attendendum est leges, quæ *mollium* seu *inertium* corporum naturæ congruunt; nam dum partes Elaterio destitutæ pressioni cuicunque facillime cedunt,

dunt, seseque non amplius restitunt, etiam in globum Elasticum parum aut fere nihil reagere solent: unde & eorum, celeritas post ictum facillime eruetur, si regulæ superius statutæ pro non Elasticis hic applicentur. Nempe vis, seu impetus, aut quantitas motus communis ante ictum (nam omnia hæc tria pro Synonymis accipiuntur) divisa per summam massarum dat celeritatem communem post ictum. Algebraice: $M C + m c : (M + m)$, vel si corpus motu contrario moveatur, ponitur $M C - m c : (M + m)$ ut dictum est, (CDLXIV & CDLXVI).

Leges pro collisionibus obliquis.

CDLXXVII. **R**egula equidem generalis est, quod collisiones obliquæ ad directas reductæ, harum quoque legibus dirigantur, præsertim vero duabus illis: I. Quod linea diagonalis, a qua parallelogrammum directionibus potentiarum constructum bisariam dividitur, sit mensura celeritatis pro quovis motu composito. (CCCXXXI). II. Quod in motu reflexo tum perpendiculari tum obliquo corporum perfecte Elasticorum, ac sine impedimento resiliendum, angulus

Sect. II.

incidentiæ angulo reflexionis existat æqualis. (CDXLIV). At præter illas, adhuc sequentes, ex hisce duabus in particulari fluentes, ex Cl. P. Blasio Henner *dissert. de motu locali* §. 61. appono leges. Videlicet I. Si corpus molle in aliud simile quiescens oblique incurrat, istud posterius vi impellentis dimidia (CDLXI) per lineam, amborum centra transeuntem declinabit; *impellens* vero percurrat diagonalem in parallelogrammo dimidio, ejus, cujus via ante collisionem percursa diagonalis fuit. e. g.. Globus non Elasticus A secundum directionem ac impetum A F in Globum B quiescentem incurrat: per centra globorum semet tangentium ducatur recta D C, eique ad perpendicularum insistens A D, absolutoque parallelogrammo A D E F, motus per diagonalem resolvatur in duos A D, A E, aut, quod idem est, D F, E F, vis *horizontalis* E F non agit in globum, sed sola vis *perpendicularis* D F: ergo per ictum globo B dimidium virtutis D F communicatur, quo transfertur per F C. Porro globus A vim E F integram retinet, simulque dimidium impetus D F, æquale G H, hinc utrique virtuti obsecundans trans-

fere-

Tab. VII.
Fig. 2.

feretur per lineam diagonalem B H. Quodsi globi *inæquales* existant, secundum dicta (CDLXI) in linea D C spatia celeritatum determinanda sunt, & viæ globulorum post ictum sponte sua profluent.

II. Si duo corpora *non Elastica* contra se oblique incurrant, facta collisione utrumque movebitur directione ac velocitate *vis simplicis*, qua non alliduntur, æquali ac ante collisionem.

e. g. Globus argillaceus A directione Tab. VII
ac celeritate A B collidatur cum glo- Fig. 3.

bo C, secundum directionem C D incurrente, ducta linea recta E F, quæ pertransit amborum centra, liquet vim E B unacum vi F D sibi æquali per ictum perire (CDLXV), solis remanentibus viribus A E, & C F: ergo globus A per lineam B G, æqualem ipsi A E, & globus C per lineam D H, similiter æqualem lineæ C F deinceps transferentur.

III. Corpora *Elastica* oblique collisa mutatis directionibus ad collisionis *directæ* regulas sese accommodant. v. g.

Globus eburneus A moveatur directione A B in alium globum eburneum I, Tab. VII.
per viam C I incurrentem. Facta re- Fig. 4.
solutione vis E B & H I durant per

æqua-

Sect. II.

æquales BF , IK . Vis DB , LI solæ agunt, verum allisione mutua globorum facta eliduntur (CDLXXIV), adeoque globus A resilit vi globi I collidentis, æquali LI , ac utrique virtuti obtemperans movetur per diagonalem BG : sin autem globus C in æqualem B quiescentem directione ac velocitate CI incurrat, globus eburneus B facta collisione directione ac celeritate BD transferetur; nam directio collisionis obliquæ centra globorum conjungit, velocitas autem æquivalet vi simplici CH : porro globus C vi LI ob reactionem globi B destructa quiesceret, ast quia vis HI perdurat, æquali velocitate per lineam IK progredietur: & quidem in hoc casu ambo semper globi Elastici secundum directiones angulum rectum DBF , vel LIK constituentes, a se discedent. Ex his facile singuli motus Elasticorum oblique incurrentium determinari valent. Sequuntur nunc

Regulæ motus corporum Collisorum
a Cartesio traditæ.

Examinan-
tur Leges

CDLXXVIII. *Regula I. Corpora æqualis massæ & celeritatis ex oppositis partibus*

tibus directe sibi invicem occurrentia, a Cartesio ea ipsa velocitate, qua ad se accessere, ^{radita.} resiliunt.

Censura. Id in perfecte Elasticis verum est (CDLXXIV), non in plane inertibus (CDLXV).

Reg. II. Si corpora *inæqualis massæ*, celeritate tamen æquali ex oppositis partibus sibi mutuo occurrant, minus eadem celeritate post ictum resiliet, *maius* per viam primæ directionis motum suum prosequetur.

Censura. Fallit hæc regula tam in plane inertibus, quam in perfecte Elasticis; nam in inertibus globus major pellit minorem ante se (CDLXV. III): in Elasticis corpus majus interdum motum prosequitur, aliquando quiescit, quandoque reflectitur (CDLXXIV. III).

Reg. III. Si massæ corporum, ex viis oppositis concurrentium pares sint, celeritates vero impares, corpus tardius facta collisione resiliet; celerius autem juxta primam directionem insequetur æqua celeritate, dimidia nimirum parte celeritatis excedentis corpori tardiori communicata, e. g. si globus A habuerit celeritatem $\equiv 8$, globus B $\equiv 6$, ita ut sit in globo A celeritas excedens

Sect. II.

cedens $8 - 6 = 2$, & excessus dimidium $= 1$, post ictum ambo directione corporis A movebuntur celeritate $= 7$.

Censura. Tenet hæc Regula in *mollibus* sive *inertibus* (CDLXI. I), fallit in *Elasticis*, quæ permutatis celeritatibus reflectantur (CDLXXIV. II).

Reg. IV. Corpus directe incurrens in aliud *majoris massæ* positum in quiete, resilit post ictum, quin aliquid motus ei in ictu tribuat, *quantacumque celeritate* in illud incurrat. *Ratio* est juxta Cartesium, quia corpus quiescens magis resistit velocitati magnæ quam parvæ pro ratione excedentis massæ, quam habet corpus unum præ alio, adeoque major est vis corporis in quiete positi ad resistendum, quam corporis mobilis ad impellendum.

Censura. Falsa est hæc Regula in *mollibus*, utpote quæ ambo eadem celeritate juxta directionem impellentis progrediuntur (CDLXI. III). Nec minus falsa est in *Elasticis*, quia & iis quiescentibus communicatur motus (CDLXIX. III) denique falso etiam supposito *ratio* Cartesii innititur, quia corpus vim *positivam*, ad quiescendum non habet,
prout

prout supponit Cartesius (CCLXIX):
Imo licet hæc *vis positiva* gratis concederetur, nihilominus haud sequitur, quod corpus quiescens idcirco *fortius* resisteret magnæ quam parvæ celeritati; nam utique talis *vis limitata* ac finita est, neque se ipsam *intendere* aut *remittere* pro diversa corporum incurrentium massa valet, & consequenter &c.

Reg. V. Si unum corpus directe incurrat in aliud minoris massæ positum in quiete, ambo post ictum secundum directionem incurrentis æqua celeritate moventur.

Censura. Vera est lex, si corpora sint *inertia* (CDLXI. II); at falsa est, si sint perfecte *Elastica* (CDLXIX. II); horum enim, quod est *majoris massæ*, suum motum lente prosequitur; corpus vero *minus* antea quiescens secundum directionem incurrentis celerius movetur.

Reg. VI. Unum corpus in aliud incurrens *æqualis massæ* positum in quiete, istud ante se propellit, ipsum vero post ictum reflectitur.

Censura. Fallit hæc Regula tam in plane *inertibus*, quam in perfecte *Elasticis*; nam 1. globulus *argillaceus* in
aliu

Sect. II.

alium ejusdem materiæ & massæ quiescentem directe incurrens æqua celeritate simul cum illo *instar unius* ad eandem partem movetur (CDLXI. I).
 2. Globulus autem *eburneus* in alium, ejusdem itidem materiæ ac massæ, positum in quiete directe incurrens post ictum quiescit, alter vero tota incumbentis velocitate movetur (CDLXIX. I).

Reg. VII, Si corpus *massæ minoris* ita insequatur majus, ad eandem partem tardius motum, ut excessus celeritatis superet excessum massæ, ambo post ictum eadem celeritate moventur. E contra si celeritatis excessus minor sit excessu, corpus minus ea ipsa celeritate regreditur, qua corpus majus tardius motum insequabatur.

Censura. Prima pars tenet in *inertibus*, qualiscunque sit celeritatum differentia (CDLXIII. II): at falsa est in perfecte *Elasticis* (CDLXXII. III). *2da pars* omnino falsa est; nam *mollia* eadem semper celeritate instar unius post ictum semper moventur (CDLXIII), in perfecte autem *Elasticis* corpus insequens non semper *resilit*; & quando *resilit*, non tamen *eadem*, qua prius movebatur, celeritate *resilit* (CDLXXII).

Cæte-

Cæterum generalis causa hallucinationis Cartesianæ extitit, quod has regulas desumpserit ex falsis suis Hypothesibus, videlicet, 1. in collisione corporum nihil motus perire posse, 2. & quietem esse aliquid positivum in corporibus, quod motibus resistat, quam utramque Hypothesin supra rejecimus (CCLVI & CCLXIX).

CDLXXIX. Scholion. *Usus Legum* *Usus motus collisionis.*
 motus collisionis corporum præcipue Elasticorum apud illos locum habet, qui ludo tudiculiari (Billard Spiel) gaudent: si namque juxta leges collisionis Elasticæ, tum directæ tum obliquæ, accurate procedere norint, haud difficulter sciunt, qua via globus ad latera tabulæ lusoriæ allisus resiliat, quem in locum globus oblique impactus progrediatur, & quorsum globus impingens facta collisione declinet? porro iisdem collisionis regulis a Physicis quoque declarantur variæ Hypotheses circa propagationem luminis, soni, virtutis Electricæ &c, dum scilicet aerem aut ætherem instar globulorum Elasticorum, infinite parvorum, concipiunt: nec minus raros ac imperceptibiles corporum.

LII

P. Oster. Physic. Pars I.

Sect. II.

porum motus, communicationem impetus, ejusque destructionem, in quibusdam casibus rationi physicae minus patentem solide declarant &c. Cæterum dum in ludo tudiculari globus eburneus, alteri quiescenti directe allisus, contra *Leg. 1. (CDLXIX)* motum *continuat*, in causa est, quod ille globus *duplici* feratur motu (non *uno*, aut æquivalenter multiplici sed *recto*, de quo præfata *lex* intelligi debet), motu scilicet *recto*, quo massa globi tota propellitur, & qui per ictum vere destruitur, ac motu præterea *circulari*, quo circa axem partes globi exteriores circulos parallelos efformant rotando, quæ vis post ictum illæsa remanens globum in plano provolvit. Alias objectiones, quæ ex minus accurato datæ theoriæ captu fieri queunt, solvit Cl. P. Hauser *Phys. gen. p. 3. §. 1167*. Unum unicuique adhuc subjungo, nempe, dum in quibusdam ac fere plerisque corporibus, quæ habentur pro *perfecte Elasticis*, reflexio tantæ fortitudinis contingere non solet, ac est motus *incidentiæ*, præter alia motus impedimenta, ordinariè adesse solita, intervenire quoque *tremorem* quendam partium Elasticarum (ut in materia de *sono* magis

gis patebit), cui quia impendi debet pars quædam restitutionis Elasticæ, hinc illa ipsa pars *subtrahenda* seu non computanda erit, consequenter & *restitutio* tanto *minor* erit, quanto *major* pars eidem partium tremori impendenda fuerit.

ARTICULUS IX.

De motu per vires centrales.

CDLXXX. **V**is corporis *centripeta* dicitur illa, qua corpus mobile in certum quoddam punctum, seu centrum motus pellitur, vel utcumque tendit: talis est *vis gravitatis*, per quam gravia ad centrum telluris feruntur. E contra *vis centrifuga* vocatur illa, qua corpus a dato puncto, sive a centro motus recedere conatur: hæc vis observari potest in lapide, funda circumacto, nititur is namque continuo a manu fundam tenente elabi: Jam utraque hæc vis simul sumpta *vires centrales*, vulgo nominatur: sic idem lapis cum sua funda per *vim centrifugam* fertur secundum lineam AD, *tangentem* curvæ AE, at per *vim centripetam* urgetur per AC centrum versus,

Vis centri-
Peta & cen-
trifuga.

Tab. I. O

Fig. 1

Fig. 2

vires cen-
trales.

Tab. VII.

Fig. 5.

Sect. II.

adeoque ejus motus a *viribus centralibus* æqualiter oritur: unde nec *vis centrifuga* vi *centripetæ* directe opponitur, alias nullus omnino motus ex iisdem sequi posset (CCCIII), tunc quippe solummodo forent sibi *e diametro oppositæ*, si terminus a quo unius foret in eadem linea recta terminus ad quem alterius, hoc est: si vis una per A versus C, & altera per C versus A lapidem propelleret (CCXCVII).

Centrum
virium.

CDLXXXI. *Centrum virium* appellatur illud punctum, circa quod corpus ita movetur, ut per vim *centripetam* in illud tendere, & per vim *centrifugam* ab eo recedere continuo nitatur: tale

Orbita seu
trajectoria.

est punctum C. *Orbita*, quæ & *trajectoria* dicitur, est linea curva G A E F, per quam corpus mobile, viribus centralibus motum, incedit. *Radius ve-*

Radius
vector.

ctor appellatur quævis linea recta, quæ ex centro virium C ad curvam, per quam corpus movetur, seu ad orbitam ducitur, ut sunt lineæ punctis signatæ C A, C B, aut his æquales C H, C I.

Tempus
Periodicum.

Tempus Periodicum est illud, quo mobile circa certum orbitæ punctum revolutum suam integram revolutionem complet, & in idem punctum revertitur.

tur. e. g. Si lapis A intra $\frac{1}{2}$ minuti secundi integrum circulum E B F &c. describat, ac denuo per G H I in punctum A recidat, illud tempus $\frac{1}{2}$ min. sec. *tempus periodicum* ejus revolutionis erit. Cæterum quia hoc tempus a motus *celeritate* unice dependet, ideo & in comparandis viribus centralibus pro ipsa *celeritate* accipi solet.

PROPOSITIO I.

Corpus, quod circa datum punctum revolvitur, in singulis orbitæ punctis elabi conatur per rectam tangentem.

CDLXXXII. PROBATUR. Experientia notum est, quod *Corpus in gyrum actum elabi nititur per tangentem.* lapis fune laxato e funda abeat vel per lineam H L, vel per I M, aut per A K, vel B N: idem videre licet in *rota versatili*, quæ, si parva est, corpora impingentia v. g. aquam, arenam aut lutum, a se propius ad tangentem evibrat; remotius vero, si majori peripheria circumscribitur. *Ratio* est, quia motus corporis per quamvis *curvam* a vi duplicis potentie oritur (CCXCVII), nempe in hoc casu tum a *potentia cen-*

Tab. VII.
Fig. 5.

Sect. II.

tripeta C, corpus mobile identidem versus centrum motus retrahente, tum ab *impetu* versus rectam H L aut I M, vel A K, aut B N eidem corpori jugiter impresso, seu vi centrifuga, ut proin mobile *utriusque* potentiae ex æquo obtemperet, movebitur successive per lineas *diagonales* H I, I A, A B, B F (quandoquidem teste Geometria quævis linea curva est Polygonum infinitorum laterum, in quibus prostat obex perpetuus, a recta corpus mobile identidem detorquens): si igitur corpus, quod circa datum punctum directione curvilinea in gyrum agitur, a potentia A C versus centrum retrahente liberetur, a sola vi alterius potentiae (impetus scilicet permanentis) dirigitur: atqui hæc est *tangens* (Trigonometr.) utpote ad radium vectorem continuo perpendicularis in singulis rotationis punctis, ut ex figuræ inspectione patet: ergo &c. & hinc etiam motus ab impetu impresso, seu a vi centrifuga proveniens, *tangentialis* appellari consuevit, sicut econtra motus a vi *centripeta* oriri solitus *normalis* ad curvam dicitur, qui proin duo motus simplices motum compositum *curvilineum* constituunt.

Tangen-
tialis &
normalis
motus.

CDLXXXIII.

CDLXXXIII. *Corollarium I.* Sumpto in curva ABF , per quam lapis fundatus in gyrum actus circa punctum C rotatur, arcu infinite parvo AE , ductaque tangente AD , itemque ex puncto E demissa in ipsam tangentem linea perpendiculari ED , hæc ipsa indicabit valorem *vis centrifugæ* sive *tangentialis*, qua corpus seu lapis A in suo motu a centro C recedere nititur; evidens namque est, corpus A eo ipso tempore, quo gyratur per arcum minimum AE , recessurum a centro C quantitate rectæ DE , si non per vim *centripetam* seu *normalem* a recta AD retraheretur. Similiter ducta ex eodem puncto E recta EP , tangenti AD parallela, cum globus A eodem tempusculo, quo movetur per arcum infinite parvum AE , regreditur ad punctum C quantitate rectæ AP , hæc valorem *vis centripetæ* designabit, qua mobile motum per curvam ABF , in centrum C tempusculo infinitesimo urgetur.

Valor vis centrifugæ ac centripetæ quomodo invenitur?

CDLXXXIV. *Corollarium II.* Quoniam lineæ rectæ ED & PA , (utpote opposita latera parallelogrammi $APED$) sunt æquales, pariter & vis *centripeta* corporis circa datum punctum

Vis centripeta ac centripeta æquales sunt.

Sect. II.

in gyrum acti vi ejusdem *centrifugæ* æqualis erit: eaque virium æqualitas accurate apprehenditur in dicto lapide, dum is in funda positus *circulariter* in gyrum agitur; nam funda in utramque partem *æqualiter tenditur*, & lapis *tanta vi* conatur a manu recedere, *quanta* ab eadem manu retinetur, & versus ipsam trahitur; hac de causa etiam vas aqua plenum, aut refertum carbonibus thuribulum secure in gyros volvitur: quod si autem modo hæc modo illa vis prævaleat, quoniam mobile tunc eandem a centro distantiam servare continuo nequibit, *circulum* non amplius describet, sed vel *Ellipsin* aut *spiralem* lineam &c. efformabit.

Funda
æqualiter
tenditur
ob vim
centrifuga-
m.

CDLXXXV. *Scholion.* Quia funda, in qua lapis circumagitur, *æqualem* tum in superiore tum in inferiore circuli parte *tensionem* habet, manifeste colligitur, vim illam, qua funda tenditur, neutiquam oriri a *gravitate*; secus enim minor esset tensio fundæ in superiori circuli parte constitutæ, eoquod gravitas præcise *deorsum* premat: hujus ergo tensionis sola causa est *vis centrifuga* seu *tangentialis*, quæ *gravitatem* lapidis multum exsuperat.

PRO-

PROPOSITIO II.

Virium centralium valor ac mensura
dependet tum ex corporum massa tum
ex eorum a centro distantia, tum ex
tempore motus Periodico.

CDLXXXVI. PROBATORI. *Quantitas motus in genere de-* *Valor ac mensura*
tas motus in genere de- *mensura*
pendet tum ex *massa*: tum ex *celerita-* *virium*
te, hoc est, spatio per tempus diviso *centra-*
(CCLXXXIX): ergo etiam quantitas *lium.*
motus *centralis*, seu virium centralium,
a quibus oritur motus centralis tan-
quam effectus, mensura & valor de-
pendet tum ex corporum in gyrum acto-
rum *massa* seu *gravitate* specifica, tum
ex eorum a centro distantia sive *spatio*,
tum ex *tempore* motus Periodico. p. C.
nam 1. Quo major est *massa* corporis,
& quo plures habentur materiae partes
sub eodem volumine, tanto *major* illis
imprimenda est *vis*, si eadem *celerita-*
te viam conficere debent, qua istam
conficiunt corpora minoris massae. 2.
Ex duobus corporibus ejusdem massae
illud majore praeditum sit oportet vi
motrice, quod *breviore tempore* revolu-
tionem suam absolvit. 3. Denique si
duo corpora aequalis massae eodem
LII 5 tem-

Sect. II.

tempore revolutionem absolvunt, illud majore pollet impetu, quod majorem circulum seu *spatium* describit, sive quod majorem habet *distantiā a centro* (*orbitæ* namque circulares sunt ut *radii* circulorum; hi vero sunt ut *distantiæ a centro suo*) ergo &c.

PROBATUR II. *Experimentis.* In

Tab. VII.
Fig. 6.

mensula centrali, a Cl. Nolletto in hunc finem inventa, per motum A circumaguntur duo disci C & D, mediantibus chordis utrique disco insertis. *Uni* disco C imponitur vas B aqua repletum, e quo duo tubi vitrei inclinati, & vasi pleno communicantes prodeunt, una cum annexis in fine, seu extremitate utriusque tubi, globis vacuis E & F, dumque hic discus C beneficio rotæ A circumagitur, mox aqua e vase in tubos ascendit, & impetu centrifugo nisum gravitatis centripetum superante, in globis E & F tota colligitur, & quidem si eidem disco C

Tab. VII.
Fig. 7.

applicentur quatuor tubi vitrei inclinati E F, G H, in quorum uno E contineatur *spiritus vini cum oleo tartari*, in secundo F *aqua communis cum oleo terebinthinæ colorato*, in tertio G *aqua itidem fontana cum frusto fulvis,*

in

in quarto H denuo aqua communis cum globulo plumbeo (omnes porro hi tubi dimidiam partem vacui, id est, solo aere repleti sint): quamdiu discus C conquiescit, liquores *leviores*, scilicet *spiritus vini*, & *oleum terebinthinae* in superiore tuborum parte E & F natare videbuntur: frustum quoque suberis partem tubi G superiorem occupabit; globulus vero plumbeus in fundo tubi H subsidet: ast dum discus C in orbem volvitur atque revolvitur, confestim tuborum singulorum inferior pars solo aere impleta relinquetur, & corpora *graviora* semper locum a motus centro remotiorem occupabunt, videlicet in tubo E *oleum tartari* supra *spiritum vini* ascendet, in tubo F *aqua* supra *oleum terebinthinae*: in tubo G globulus e *subere* factus in infimo loco hærebit: in tubo H denique globulus *plumbeus* supra *aquam* elevabitur, ex quo patet, quod valor virium centralium revera pro ratione *massæ* æstimandus sit, jam si alteri disco D applicentur duo globi Tab VII.
æquales eburnei I K ex filo ferreo, Fig. 6.
circuli diametrum referente, suspensi, & ab eo perforati ac facile mobiles, filo tamen serico, aut crine equino invicem colligati, ita ut globus I perfistat

Sect. II.

stat in centro disci D, globus vero K ad quatuor, quinque, aut sex pollices ab eodem centro remotus: dum discus D mediante rota A in gyros agitur, e vestigio globus K vi centrifuga abreptus, globum quoque I, quocum colligatus erat, secum abripiet, eo majori cum *celeritate*, quo major globi K fuerit a centro *distantiā*; aut, si globi I K *inæqualis massæ* fuerint, quo plus globus K globum I in *massa* superaverit. Quodsi vero duo hi globi in *æquali* a centro *distantiā* positi sint, ambo in circulari illo motu persistent immobiles: idem accidit cum globo I, si filum sericum vel capillus equinus, utrumque globum connectens, ante gyrationem abscindatur; solus quippe globus K a centro distans recedet, globus autem I in centro collocatus remanebit in loco suo, etsi discus perniciosissime agitetur: nimirum in his casibus omnes globi, tam *utriusque* colligati I K, (qui *ambo* tali modo instar *unius* habentur) quam *soli* globi I partes æquali gaudent versus omnem plagam vi centrifuga: ergo cum omnes globi tam *utriusque* quam *unius* partes inter se sint connexæ, vis una elidit alteram, & sic ambo conquiescent.

ſcent. Si demum huic ipſi diſco D Tab. VII.
applicetur globus vitreus M N, ſic Fig. 2.
aqua repletus, ut plura tamen ſu-
beris fruſtula eidem imittantur, ſimul-
que aeris pars quædam intus reli-
quatur, aut oleum coloratum terebin-
thinæ aquis innatet, facta celeriore
globi gyratione *aer* ibi reſiduus aut
oleum confluit ad axem, ſeu ad cen-
trum ſui vorticis; aerem cingunt par-
ticulæ *ſuberis*, & has poſtremo cir-
cumdat *aqua* in diſtantia, a centro ma-
gis remota. Cæterum olei aut aeris
levioris maſſa neſtquam ad ipſum glo-
bi vitrei *centrum* confluit, ſed in ob-
longum ſe cylindrum per *axem* porri-
git; globus quippe hoc modo rotatus
pluribus æquivalet circulis, quorum
centra partes aquæ *graviores* fugiunt,
leviores autem olei & ſuberis occupant;
hæcque plura circulorum centra ſimul
globi *axem* conſtituunt, & ſic famoſam
Carteſii Hypotheſin de *gravitate* cor-
porum ſolide enervant (CLXVI, &
CLXXV): ceſſante porro vitrei globi
circumvolutione corporum leviorum
Cylinder ſe primo in conum inverſum
dilatatur, ac tandem ad ſummam aquæ
ſuperficiem eluctatur, dum nempe de-
ſinente *vi centriſuga* corpus quodlibet

Sect. II.

ad locum specificæ gravitati suæ proportionatum redit.

Massarum
ac celerita-
tatum reci-
procatio.

CDLXXXVII. *Corollarium I.* Ex iis, quæ supra diximus de *mensura quantitatis motus* (CCLXXXIX) haud difficulter eruitur, quod excessus *massæ centrifugæ* in uno corpore *compensari*, ac etiam *vinci* valeat per alterius corporis *celeritatem*, sive *distantiam a centro*; nam sint e. g. duo globi eburnei inæquales O P, quorum primi massa sit = 2, distantia a centro = 1, secundi massa = 1, distantia = 2; si ambo crine equino aut filo serico conjuncti, ac in medio perforati, rotentur, manebunt immoti: nempe cum massæ eorum sint *reciproce* ut distantia a centro Q, vires etiam ipsorum centrales se mutuo æquilibrantes elidunt. At si globi O massa sit = 4, distantia a centro Q = 2: globi P massa = 2, distantia = 9, facta gyratione globus P globum O secum ad motus peripheriam abducet; nam globi O quantitas motus est = $4 \times 2 = 8$; globi vero P = $9 \times 2 = 18$.

CDLXXXVIII.

CDLXXXVIII. *Corollarium II.* Simi- Alii Cano-
liter ex allatis supra Regulis tum de nes gene-
celeritate tum de quantitate motus rales de
(CCLXXVI & CCLXXXIX) pro quantitate
fluunt generales hi *Canones* de quan- virium
titate virium centralium, a. Gravesan- centra-
dio, Muschembroeckio, aliisque Re- lium.
centioribus Philosophis adinventi, at-
que ad solvenda *Problemata* huc spe-
ctantia propositi, videlicet

I. Si tempora Periodica sint æqua-
lia, & æquales a centro distantiae, vi-
res centrales sunt ut corporum gyra-
torum massæ. e. g. Massa corporis A
sit $\equiv 12$, B $\equiv 6$, ut eodem tempo-
re eundem percurrant circulum, cor-
pus A vi dupla virium B præditum
esse debet, nimirum ut $12:6$, seu
ut $2:1$.

II. Si massæ & tempora sint æqualia,
non item distantiae a centro, vires cen-
trales se habent ut dictæ a centro di-
stantiæ, sive ut radii vectores. e. g.
sint corporum A & B massæ $\equiv 8$,
tempus $\equiv 4$, distantia A $\equiv 3$, B \equiv
2, dantur vires in A $8 \times 3 \equiv 24$,
in B $8 \times 2 \equiv 16$, sunt autem $24:$
 $16 \equiv 3:2$: ergo &c.

III. Si

Sect. II.

III. Si *tempora* sint æqualia, *distantiæ* vero & *massæ* inæquales, vires se habent in ratione composita *massarum* & *distantiarum*, ita scilicet, ut *massa* cujusque corporis *multiplicari* debeat per suam a centro *distantiam*, & tunc facta, ex *multiplicatione* *provenientia* rationem exhibebunt *virium centralium*. e. g. Sit *massa* corporis $A = 6$, corporis $B = 9$, corporis A *distantia* a centro $= 3$, & corporis $B = 5$, erunt horum corporum, eodem tempore *Periodico* *revolutorum*, *vires centrales* ut $6 \times 3 = 18$ ad $9 \times 5 = 45$, seu ut 1 ad $2\frac{1}{2}$.

IV. Si *massæ* utriusque corporis æquales existant, non vero *tempora* & *distantiæ*, erit vis in A ad B ut *distantia* corporis A , *divisa* per *quadratum* sui temporis, ad *distantiam* corporis B , *divisam* per sui temporis *quadratum*. v. g. Sit *distantia* $A = 40$, $B = 24$, tempus $A = 6$, $B = 4$, erit vis A ad B , ut $40 : 36$ ad $24 : 16$.

V. Si

V. Si duo corpora in *Peripheriis inæqualibus* moveantur per celeritates, quæ sunt *reciproce* ut *diametri*, vires centrales se habent *reciproce* ut *cubi distantiarum*. e. g. sit corporis A celeritas $\equiv 6$, diameter, sive *duplum radii vectoris*, $\equiv 24$, corporis B celeritas $\equiv 24$, diameter $\equiv 6$, erunt vires corporis A ad B *reciproce* ut cubi distantiarum seu radiorum, videlicet ut 27 ad 1728; nam radii A $\equiv 12$ ($\frac{1}{2}$ Diametri 24) cubus $\equiv 1728$, & radii B $\equiv 3$ ($\frac{1}{2}$ Diametri 6) cubus $\equiv 27$.

VI. Si *Massæ* ac *distantiæ* a centro æquales sint, vires centrales se habent *inverſe* ut quadrata temporum Periodicorum. e. g. sint *massæ* corporum A & B $\equiv 4$, *distantiæ* $\equiv 3$, tempus Periodicum corporis A $\equiv 5$, & corporis B $\equiv 7$, erunt vires corporis A ad B ut 49 ad 25. plura adhuc subtiliora de *viribus centralibus* pertractat Geometria sublimior: verum in *Physica* isthæc sufficiant!

CDLXXXIX. *Scholion*. Theoria motus centralis *usum* varium habet, varia-
que præstat animalibus, tam irrationalibus quam rationalibus, ac vitæ etiam

Uſus vi-
rium cen-
traliũ

M m m

ſociali

P. Oſter. *Phyſic. Part. I.*

Sta. II.

sociali incommoda & commoda, ex pluribus sequentia appono. I. *Feles, columbæ*, aut alia quæque animalia rotationem in gyros sæpius repetitam admodum sibi fatalem sentiunt; nam sanguis ipsorum cæterique humores, antea per totum corpus ordinatissime decurrentes, per hanc rotationem a centro nituntur violenter recedere, sicque animalem œconomiam vehementer perturbant. II. *Lapides molares*, circa centra sua vehementius agitati, fractique, frustra sua per *tangentes*, adstantibus mortiferos, vi centrifuga excutiant: contra *navigia* ad vorticum centra in fluviis abripiuntur, nisi solertis & experti naucleri cura invigilet. III. Si *liquor thermometri* fuerit quacunque ratione ab aere interruptus, denuo reparari valet, si aut manu in gyrum agitetur tubus, aut in rota collocetur, quæ circa centrum suum Horizontaliter circumvolvatur, eo tamen utrobique situ, ut motum thermometrum radium circuli aut rotæ efficiat, simulque nodus seu globulus Thermometri Peripheriam describat, sic enim post aliquot revolutiones aer in suprema tubi parte (quæ tali modo centro motus propior esse solet) totus colligitur; liquor vero, seu spiritus

tus gravior, ad globum in peripheria motus gyratum ascendit. IV. Cl. Desaguliers, prout referunt *transactiones Anglicanæ* n. 437, machinam artificiosam elaboravit, quæ, beneficio virium centrifugarum, maligno aut graviore aere purgat spatiosas aulas, cubicula, specus subterraneos &c, non sine ægrorum solatio. V. Hucitidem spectat *Suctor rotatilis Papini*, sic dictus ab ejusdem inventore *Dionysio Papino*, quæ pariter dirigente *vi centrifuga* aquam longissime ejaculari, ideoque & in locum syphonum igniariorum (prout existimat citatus auctor) substitui valet. *Acta eruditorum Lips.* ad annum 1689 *Mense Junio* machinam illam sic describunt. Sit vas Cylindricum exiguæ profunditatis A A A, per cujus centrum Tab. VII. perforatum immittitur vectis BB, isque Fig. 10. infixas habeat geminas alas CC, a dicto axe ad circumferentiam extensas, nec tamen circumferentiam omnino attingentes, sed in immoto vase libere versatiles. Mox ipsum vas A A A clauditur operculo, quod plura prope axem habet foramina, aquam ab extra ingressuram admittentia: aperitur autem in circumferentia vasis aliud foramen, cui applicatur tubus MN, secundum ap-

M m m 2 plica-

plicationem lineæ *tangentis*. Jam si axis BB unacum alis CC motu circulari incipit agitari, simul etiam necessario circumagitur aqua in vase contenta, & quia continuo tendit a centro recedere, per tubum MN ad eam altitudinem ascendit, ad quam corpora, tanta velocitate in motu posita, secundum eam directionem elevari queunt.

Cæterum dum materias, hucusque occurrentes, pro faciliore tyronum captu fusius non nihil, quam ab initio Constitutum habueram, pertractavi, ne scilicet in illud, ab Horatio in *arte Poetica* notatum vitium incurrerem, ubi sic canit :

- - - dum brevis esse laboro
obscurus fio.

Ideo ne mole sua opus onerosum fiat, necesse est, hic filum abrumpere, & materias, pro *Physica generali* adhuc residuas in sequens Volumén II reservare. Sit ergo dante
Deo

Finis Voluminis primi.

Propter

Propter absentiam Authoris a loco typi
sequentia irrepere in *Volumine primo.*

ERRATA, a B. L.

sic corrigenda.

pag. lin. PRO

LEGE.

2. 19. *cogniti*
57. *penult. spiritus*
66. 20. *commissa*
67. 20. *nutiri*
73. 10. *Ecclesiæ*
- - 16. *ingenue*
74. 21. *æri*
87. 13. *quo*
95. 3. *tangunt*
107. 21. *Mondibus*
138. 19. *unde*
139. 20. *fol. 34.*
191. 18. *prædita*
- - 21. *habet*
213. 3. *habeat*
243. 12. *voro*
247. 9. *Scholion.*
249. 2. *rarefacta*
260. 7. *rerera*
263. 19. *post*
264. *antepenult. Israelitatis*
266. *antepenult. existere*
274. 26. *procinæ*
283. 3. *eadem*
284. 10. *quinquies*
290. 15. *finitam*

cognitio
spiritus
commista
nutriri
addatur Patribus
addatur fatendum
aeri
quæ
tangant
Monadibus
nude
fol. 24.
præditæ
habent
habent
vero
Scholion.
rarefacta
revera
addatur tum
Israelitis
existere.
porcinæ
codem
quinquagies
addatur quam infinitam

Mmm 3

pag.

pag. lin. PRO

296. 8. *penitus*
 326. 24. *ipsum*
 327. 8. *ἐλαύνω*
 336. 5. *aerem*
 338. *penult. extrinseco*
 341. 2. *siccitate*
 347. 25. *dilatationum*
 370. 24. $5\frac{1}{2}$
 377. 7. *aut*
 380. 18. *si*
 397. 19. *ut $\frac{1}{9}$*
 400. 16. *Ζ. ατική*
 406. 22. *ponderabat*
 411. 19. *nullum*
 425. 24. *deferat*
 445. 15. *dormiens*
 450. 10. *ignis*
 463. 12. *tentetur*
 468. 10. *sic*
 - - 20. *actiorem*
 479. 5. *proportionum*
 483. 15. *qui*
 512. 22. *nulli*
 524. 8. *Systema*
 528. *ult. faiscunt*
 531. 14. *arguitas*
 532. 12. *tunc*
 535. 21. *reducendæ*
 550. 19. *ex eo*
 553. 14. *loco*

LEGE

addatur quid
ipsam
ἐλαύνω
deleatur.
intrinseco
humiditate
dilatationem
 $5\frac{1}{2}$
non autem
fit
addatur & $\frac{1}{4}$
Ζωστική
ponderabat
nullam
differat
dormiens
igni
teneatur
si
arctiorem
proportionem
quid
nullis
præponatur verum esse
fatiscunt
argutias
non
reducendo
ex iis
loca

pag.

pag. lin. PRO

- - 17 alia
565. 1. vis
577. 24. declaret
586. 1. quidem
587. 16. petebit
587. 22. si
592. 6. enutari
619. 9. ut
634. 9. impressa
643. 15. medum
648. 9. impendent
655. 22. abrumpat
660. 10. &
672. 17. partibus
678. 20. AC
688. 25. ABf
693. 26. N
702. 10. 9°
703. 11. 8°
705. ult. 1000
709. 3. attamen
715. 23. soleat
- - 24. describat
728. antepenult. novam
742. 5. impetum
745. 25. solitio
752. 11. initæ
759. 15. ducti
771. ult. protendent

920
LEGE

alio
quavis
declarat
quidam
patebit
sic
mutari
est
impressæ
medii
impendant
incurvet
deleatur
paribus
AE
ABz
O
°
9°
8°
10 000! ~
addatur ex
soleant
describant
novum
impetuum
solito
irritæ
addatur ducantur
protendant
pag.

pag. lin. PRO

LEGE

779. penult. V 225: V81. V 225. V81.

780. 9. *Idem error contingit*

781. - ad n. CDVII. *addatur* in margine

Tab. V. fig. 4.

782. 6. CD

CB

789. 21. E d

f d

- - 22. EDI

fDI

790. 21. suspensus

suspensum

794. 20. m. F

m p

- - 25. *idem error occurrit.*

- - penul. o p

o r

795. 8. mF

m p

- - 20. lBn

l B, n

814. 11. V4

V 4

820. 4. pon

poni

- - in margine. Tab. V.

Tab. VI.

824. 15. primum

primam

839. 4. metus

motus

860. penult. 4 : 2

4 : 2 $\frac{1}{2}$

864. 26. differentia

differentiæ

897. 4. quiscens

quiescens



908. 10. per motum A


per motum

rotæ A

Leviora (maxime circa interpunctiones)
L. B. corrigat.

neral: Tab. I.







A c

S T P F



Fig. 5.




Fig. 4.



8.



Fig. 9.





Fig. 10.



Fig. 13.





Fig. 14.







16.

General Tab. III.



/I





General Tab. IV.







Fig. 3.



Fig. 9.














Fig. 3.




Fig.

Fig. 5.



Fig.




Fig. 10.

681



